


u




Handwritten text on a piece of aged, yellowed paper with irregular edges. The text is written in a cursive script and includes the following lines:
Analsiuris
Pompeii
510
Dionis
Oratoris





13-17-2-55



ANALYSIS
METHODICA
IVRIS PONTIFICII

QVA SVB TITVLIS DECRETALIVM
antiquarum, *distinctis quinque libris*, succinctè, &
perspicuè continetur, quicquid in Decreta-
libus, Decretis, & toto iure Pontificio
sparsim traditur, adiectis ad singu-
los titulos propriis axiomati-
bus, & sententiis.

EXPLICANTVR ETIAM PLANE

*Methodica tractatione omnia iudicia, tam civilia, quàm
criminalia, & processus iudicarius ad usum fori ac-
commodatus, accuratè observatis discordan-
tiis iuris Civilis, & iuris Canonici:*

A V C T O R E

DANIELE VENATORIO I. C.

Postrema hæc editio multo scèlicius, quàm antea renata: & 2
mendis propemodùm infinitis, quæ in prioribus editio-
nibus resederant, quàm accuratissimè vindicata.



BIBLIOTECA NAZ.
ROMA
VITTORIO EMANUELE.

L V G D V N I,

SVMPTIBVS PETRI LANDRY.

M. D. C. IIII.

BIBLIOTECA NAZ.
ROMA
VITTORIO EMANUELE.



REVERENDISSIMO

IN CHRISTO PRÆSVLI,

AC DOMINO, D. DANIELI, SAN-

ctæ Moguntinæ Sedis Archiepiscopo, Sacri

Rom. Imp. per Germaniam Archican-

cellario, Principi Electori,

Domino suo clemen-

tissimo :

N E C N O N

REVERENDIS, GENEROSIS,

NOBILIBVS, AC MAGNIFICIS

Dominis, D. Metropolit. Ecclesiæ Mo-

gunt. Prælati, & Canonicis Capi-

tularibus Dominis suis, de-

bita obseruantia co-

lendis.



PLATO, Quem diuinitas appellauit, Re-
uerendiss. Præsul, ac Princeps, & Elector Il-
lustriss. Patresque Reuerendi, Viri ampliss.
humanum animum ex mente diuina decer-
ptum, cum alio nullo, nisi cum Deo (si hoc
fas est dictu) comparari posse, qui si excultus, & eius acies
ita curata est, ut ne cecetur erroribus, fieri perfectam men-
tem, id est, absolutam, & cum virtute conuenientem ratio-
nem existimauit. Cauendum igitur summa industria, ne
animus rebus se indignis, quibus eis nobilitas, excellens,

EPISTOLA

diuinitas contaminari, violarique possit, applicetur, rebusque perperam intellectis locus detur erroribus, in quos natura hominis propensa est, & ob rerum varietatem, obscuritatem, perplexitatemque facile labitur. Quae sane vitabuntur, cum si res excellentissima, quibus contemplandis, intelligendisque animus oblectatur, deligantur. Ingenij enim humani, naturale pabulum est, consideratio; contemplatioque rerum prestantissimarum, quae honestam, mirandamque suauitatem vita afferunt: tum si certo, iustoque ordine, & compendiaris via, reiecta confusione, explicata perplexitate, & declarata obscuritate proponantur. Siquidem Intellectus, cum non multiplicis, & varij obiecti simul capax, sed speciosa similitudine rerum, ordinata quadam serie foris oblata, ut alatur, iuxta Aristotelis approbatam sententiam, necessarium sit: Nihil est: quod in disciplinis percipiendis capui humano conuenientius sit, maiusque afferat subsidium, quam si plana, & methodica ratione omnia, quibus ipsa disciplina continetur, tradantur. Hac enim traditione ratio intelligens quasi conuenienti nutrimento refocillatur, alitur, delectatur: & confirmatur: & omnia quasi certis, distinctisque locis comprehensa benignius apprehendit. Quae tradendi ratio, quantopere in disciplina legum, sine quibus (ut ait Cic.) nec domus ulla, nec ciuitas, nec gens, nec hominum vniuersum genus stare, nec ipse mundus potest, satis, superque testatur Imp. Iustinianus titul. C. de iure veteri enucleando, & Franciscus Duarenus, Matthaeus Gribaldus, Claudius Cantiuncula, aliique viri celeberrimi, qui integra volumina de ratione legalis studij publice deuulgarunt. Ut igitur minor legum: non tantum, repurgata omni obscuritatis, confusionisque face, conseruetur, verum etiam clarius splendescat, sanctitasque eluceat, & maiori auuiditate cupida legum iuuentus civilem sapientiam, (quae ab Vlp. sanctissima res dicitur) complectatur, quamplurimi Iuris interpretes fuerunt: qui

qui methodica planè, & utili tractatione, confusè iure civili traditas leges explanarunt, pauciores iuris Pontificij methodici existerunt Commentatores: quamvis maior confusio rerum, quarum præstantia planam tractandi rationem flagitat, cuilibet legenti sese offerat. Hinc evenit, ut adolescentes iuris studio adducti, ob Canonum perplexitatem, obscuritatem, confusionem, varietatem, transpositionem, iuris Pontificij lectionem non modo fastidiant, viam etiam nescio, quo materia inserta prætextu aspernentur. Et hoc meo iudicio non absque magno studiorum, & profectus sui impedimento, multo scilicet aliud tam necessitate, quam utilitate iuris suadentibus. Cum enim deficiente Civili lege, dispositio Canonum sit attendenda, à rationis paritate, similibus, disparatis, contrariis, & aliis, iuxta vulgatam, & approbatam Doctorum opinionem inde ducantur argumenta, multoque planius, & ad usum fori accommodatius, iudiciarius processus, aliæque ad processum requisita pertinentia, Pontificio iure, quam civili tradantur, & omnes Præctica observationes, & traditiones, quæ his temporibus ad prouehendum conatum adolescentum, animum ad Praxin applicantium, à viris doctissimis, & in causis forensibus versatis, in publicum emittuntur, textibus ex iure Pontificio potissimum depromptis declarentur, fieri non potest: ut fonte fideliter non degustato, unde declaratio petenda: neglecto hoc Ciceronis lib. 2. de Inuent. In studiis si varietas rerum non aequè præstantium sese offerat, eligendum esse quod commodissimum, aliquid parati iudicy, ad agenda causas forenses afferant; solidamque iuris cognitionem, quæ ipsis praxi exercenda multum prodesse posset, opera non rectè collocata consequantur. Cum igitur (Illustrissime Princeps, Patresque Reuerendi) utilitatem, necessitatemque legalis studij lectionem Canonum suadere intellexissem, plus satis perlegendis, examinandisque Canonibus operam nauavi,

quamlibet materiam iuris Pontificij voluminibus hinc inde dispersam sigillatim sub Tullis Decretalium, in certos locos memorie confirmanda gratia digerere elaboravi. Et licet cum iis, qui desperatione debilitati, experiri id volunt, quod se assequi posse diffidunt, ampliudo, difficultasque rei crebrius me ab incepto retraherent, tamen spes compensandi cum laboribus eam, quam ex discendo capturus essem utilitatem, in continuatione assidua propositi studij me continui. Quem huic operi conficiendo impensum laborem, cum non tantum mihi in materiis difficultate obscuris, & quotidiana praxi usitatis intelligendis, memoriaq; figendis proficere: verum etiam iudicio celeberrimorum, iurisque peritum prastantissimorum virorum, studiosa iuventutis utilem fore comperissem, illudque Analyticum opus, ut pralis commissum iuventuti communicaretur, amice admonitus essem: quamvis multos celebres viros, qui hac doctius, magisque politè, quam à me congesta sunt, tradere posse non ignorem, eorum tamen consilio, & hortationi morem gerere volui. Non enim in poetis Homero soli locus est, aut Archilochò, aut Sophocli, aut Pindaro. Nec verò Aristotele in philosophia deterrui à scribendo amplitudo Platonis, nec ipse Aristoteles (ut ait Cic.) admirabili quadam scientia ceterorum studia restinxit: nec opifices quidem se artibus suis remouerunt, qui aut Ialysi non potuerunt, aut Coe Veneris pulchritudinem imitari, &c. Non igitur hac opinio me deterrere, sed sufficere debuit prastantissimorum virorum auctoritas, quorum consilia persuasus, & vestra humanitate, ac clementia, qua omnes complectimini, fretus, ea, qua iure Pontificio confuse tradita sunt, distinctis locis, & succinctè comprehensa iuuenilis conatus adiuuandi causa typis dare, eternitæque vestrae Illust. C. & R. P. consecrare non erubui. Et ad hoc me non leues causa impulcrunt. Cum enim vestra Illust. C. & R. P. præeminenti dignitatis potestate, cui Deus Opt. Max. administratio

nistrationem iustitia, ob conservationem societatis humana, commisit, prefulgeant, habitaque discretionem officiorum; cuius dignitati destinatum iurisdictiones competentes exercent, & certam harmoniam corporis, apta compositione membrorum unum referant: cuius Tu, Illustrissime Princeps, caput divinius constitutum: vos autem membra, in gubernandis, regendisque fidei, & sinceritati vestra conceditis subditis, non tantum imperando, sed etiam parendo (nam ad gubernationem totius corporis, nec manus capiti, ubi praesidet ratio, resistere debet) cum imperio, autoritate, & obedientia officia mutua vobismetipsis praestatis, nemini convenientius, quam vestra Illust. C. & R. P. haec mea promissa offerri debuerunt. Primo quidem, quia haec analytica tractatio totius huius corporis, cuius partes instar corporis humani cum quodam quasi lepore (ut dixi) consentiunt, declarationem, descriptionemque plane methodicam complectitur, enarrandisque, & declarandis dignitatibus, officiis, potestatibus, iuribusque vestris consumitur. Deinde cum haec sint praestantissima, operapretium fuit, ut ad sui tuitionem haec editio propriis, dignisque nanciscatur patronos, non tantum nobilitate claros, autoritate graves, & pietate religiosos, verum etiam propolentis dignitate praecinentes. Accedit cum patria omnium nostrum communis sit parens, cui nos primum natura conciliat, & ut Plato ad Archyam scribit: praecipua vita nostra pars, exigua nobis relicta debetur: ego ut quandam significationem amoris erga patriam, necnon grati, & propensissimi animi, & observantiae, ad qua me, ut filium patria vestra Illust. C. & R. P. qui eius gubernacula providentia quadam divina tenetis, obstrictum fateor, testarer, non immerito omnibus aliis in dedicatione huius operis à me praeferi debuistis. Quamohrem humiliter, & officiose rogo, ut hanc meam opellam, voluntatemque gratificandi studiosa iuventuti bo-

ni, aequique consularis, meque sub clientela vestra benignè, & clementer esse patiamini. Quòd si sensero, ubi res fructus adhibita diligentia me percepisse indicabo, vestrag, Illust. C. & R. P. beneuolentia, & liberalitate incitatus, multò alacrius, quantum fuerit, debita obseruantia breui plura dabo. Quos Deus Opt. Max. incolumes, florentesque quam diutissime esse velit, precor. Moguntia Calend. Februarii, Anno salutis M. D. LXXIX.

Vestra. Ill. C. & P. R.

Subiectissimus, & obseruantissimus

DANIEL VENATORIVS D.



TITVLORVM QVIN QVE LIBRORVM

DECRETALIVM GREGORII,

Index Alphabeticus; affixo numero
librorum & paginarum, vbi
cuiusvis horum inue-
nienda Analysis.

A



Ceufationibus, Inquisitionibus, &
Denuntiationibus. lib. 5. tit. 1. pag.

589

Adulteriis & stupro. lib. 5. tit. 16. pag.

643

Ætate, & qualitate, & ordine præficiendorum. lib. 1.
tit. 14. p. 69

Alienatione iudicij mutandi causa facta. lib. 1. tit.
42. p. 149

Appellationibus, Recufationibus, &c. lib. 2. tit. 28.
pag. 320

Apostatis, & reiterantibus Baptisma. libr. 5. tit. 9. p.
630

Arbitris, lib. 1. tit. 43. p. 152

Auctoritate, & vsu Pallij. lib. 1. tit. 9. p. 50

B

Baptismo, & eius effectu. lib. 3. tit. 42. p. 503

Bigamis non ordinandis. lib. 1. tit. 21. p. 83

C

C Alumniatoribus, lib. 5. tit. 2. p.	605
Capellis Monachorū, & c. lib. 3. tit. 37. p.	485
Causa possessionis, & proprietatis, lib. 2. tit. 12. p.	211
Celebratione Missarum, & Sacramento Eucharistiae, & diuinis Officiis, lib. 3. tit. 41. p.	498
Censib. Exactionib. & Procuracionib. li. 3. tit. 39. p.	490
Clandestina desponsatione, lib. 4. tit. 3. p.	535
Clericis peregrinis, lib. 1. tit. 22. p.	89
Clericis peregrinantibus, lib. 2. tit. 29. p.	354
Clericis confugatis, lib. 3. tit. p.	444
Clericis non residentibus in Ecclesia, vel præbenda, lib. 3. tit. 4. p.	373
Clericis pugnantibus in duello, lib. 5. tit. 14. p.	641
Clerico ægrotante, vel debilitato, lib. 3. tit. 6. p.	382
Clerico venatore, lib. 5. tit. 24. p.	688
Clerico percussore, lib. 5. tit. 25. p.	692
Clerico excommunicato, deposito, vel interdicto, ministrante, lib. 5. tit. 27. p.	698
Clerico non ordinato ministrante, lib. 5. tit. 28. p.	699
Clerico per saltum promoti, lib. 5. tit. 29. p.	699
Cognitione spirituali, lib. 4. tit. 11. p.	546
Cognitione legali, lib. 4. tit. 12. p.	547
Cohabitatione clericorum, & mulierum, lib. 3. tit. 2. pag.	363
Collusione detegenda, lib. 5. tit. 22. p.	684
Commodato, lib. 3. tit. 15. p.	407
Concessione præbendarum, & Ecclesiæ non vacantis, lib. 3. tit. 8. p.	387
Conditionibus apposis in desponsatione, vt in aliis contractibus, lib. 4. tit. 5. p.	539
Confessis, lib. 2. tit. 18. p.	234
Confirmatione utili, vel inutili, lib. 2. tit. 30. p.	355
Coniugio leproforum, lib. 4. tit. 8. p.	544
Con	

TITVLORVM.

Coniugio seruorum,lib.4.tit.9.	544
Consanguinitate & affinitate,lib.4.tit.14.p.	551
Consecratione Ecclesiæ,vel altaris,lib.3.tit.10.	496
Constitutionibus,lib.1.tit.2.p.	11
Consuetudine,lib.1.tit.4.p.	30
Contrahenda emptione, & venditione,libr.3.titu.	
17.pag.	412
Conuersione coniugatorum,lib.3.tit.32.p.	472
Conuersione infidelium,lib.3.tit.33.p.	475
Corpore vitiatis ordinandis:vel nō,lib.1.tit.20.p.	81
Crimine falsi,lib.5.tit.20.p.	668
Custodia Eucharistiæ, Chrismatis, & aliorum Sa-	
cramentorum,lib.3.tit.44.p.	508

D

D Ecimis, primitiis, & oblationib. li.3. ti.30.p.	461
Delictis puerorum,lib.5.tit.23.p.	687
Deposito,lib.3.tit.16.p.	410
De desponsatione impuberum,lib.4.tit.2.pag.	533
Dilationibus,lib.2.tit.8.p.	201
Diuortiis,lib.4.tit.19.p.	574
Dolo, & contumacia,lib.2.tit.14.p.	219
Donationibus,lib.3.tit.24.p.	443
Donationibus inter virum & vxorem. Et de dote post Diuortium restituenda,lib.4.tit.20.p.	583

E

E cclesiis ædificandis,vel reparandis, lib.3.titul.	
48.p.	511
Electiōe, & electi potestate,lib.1.tit.6.p.	37
Cōtrahēda emptione, & vēditione, li.3. tit.17.p.	412
Eo, qui mittitur in possessionem causa rei seruan-	
dæ,lib.2.tit.15.p.	224
Eo, qui duxit in matrimonium, quam polluit per adulterium,lib.4.tit.7.p.	543
Eo, qui cognouit consanguineam vxoris suæ, vel spon	

I N D E X

sponsæ, lib. 4. tit. 13. p.	549
eo, qui Ordinem furtivè suscepit, lib. 5. tit. 30. p.	700
Exceptionibus, lib. 2. tit. 25. p.	284
Excessibus prælatorum, & subditorum, li. 5. tit. 31. p.	700

F

F eriis, lib. 2. tit. 9. p.	106
Feudis, lib. 3. tit. 20. p.	427
Fide instrumentorum, lib. 2. tit. 22. p.	265
Fideiussoribus, lib. 3. tit. 22. p.	436
Filiis presbyterorum ordinandis, vel non, lib. 1. tit. 17. pag.	73
Foro competentis, lib. 2. tit. 2. p.	166
Frigidis & maleficiatis, &c. lib. 4. tit. 15. p.	562
Furtis, lib. 5. tit. 18. p.	656

H

H æreticis, lib. 5. tit. 7. p.	622
His, quæ vi, metusve causa fiunt, lib. 1. tit. 40. pag.	140
His quæ fiunt à Prælato, sine consensu Capituli, lib. 3. tit. 10. p.	398
His quæ fiunt à maiore parte Capituli. lib. 3. tit. 11. p.	399
His, qui filios occiderunt, lib. 5. tit. 10. p.	631
Homicidio voluntario, vel casuali, lib. 5. tit. 12. p.	634

I

I mmunitate Ecclesiarum, cœmeterij, & rerum ad eas pertinentium, lib. 3. tit. 49. p.	512
Infantibus, & languidis expositis, lib. 5. tit. 11. p.	633
In integrum restitutione, lib. 1. tit. 41. p.	144
Iniuriis, & damno dato, lib. 5. tit. 36. p.	710
Institutionibus, lib. 3. tit. 7. p.	384
Iudæis, & Sarracenis, & eorū servis, li. 5. tit. 6. p.	620
Iudiciis, lib. 2. tit. 1. p.	157
Iura	

TITVLORVM.

Iuramento calumniæ,lib.2.tit.7.p.	194
Iureiurando,lib.2.tit.24.p.	277
Iure Patronatus,lib.3.tit.38.p.	486

L

L Ibelli oblatione,lib.2.tit.3.p.	173
L Litis contestatione lib.2.tit.5.p.	181
Locato & conducto,lib.3.tit.18.p.	419

M

M Agistris : Et ne aliquid exigatur pro licentia docendi,lib.5.tit.5.p.	618
Maioritate,& obedientia,lib.1.tit.33.p.	106
Maledicis,lib.5.tit.26.p.	694
Matrimonio contracto contra interdictum Ecclesiæ,lib.4.tit.16.p.	564
Mutuis petitionibus,lib.2.tit.4.p.	178

N

N Atis ex libero ventre,lib.4.tit.10.p.	545
Ne clerici, vel monachi sæcularibus se immisceant,lib.3.tit.50.p.	517
Ne Prælati vices suas, vel Ecclesias, sub annuo censu concedant,lib.5.tit.4.p.	616
Ne sede vacante aliquid innouetur,l.3.tit.9.p.	396
Noui operis nuntiatione,lib.5.tit.32.p.	701

O

O Bligatis ad ratiocinia,lib.1.tit.19.p.	80
O bseruatione ieiuniorum,li.4.tit.3.46.p.	510
Officio Archidiaconi,lib.1.tit.23.p.	84
Officio Archipresbyteri,lib.1.tit.24.p.	85
Officio Primicerij,lib.1.tit.25.p.	86
Officio Sacristæ,lib.1.tit.26.p.	86
Officio Custodis,lib.1.tit.27.p.	86
Officio Vicarij,lib.1.tit.28.p.	87
Officio & potestate iudicis delegati,l.1.tit.29.p.	90
Officio Legati,lib.1.tit.30.p.	98

Oli

I N D E X

Officio iudicis ordinarij, lib. 1. tit. 31. p.	101
Officio iudicis, lib. 1. tit. 32. p.	104
Ordinatis ab Episcopo, qui renuntiavit Episcopatu, lib. 1. tit. 13. p.	68
Ordine cognitionum, lib. 2. tit. 10. p.	208

P

P Actis, lib. 1. tit. 35. p.	110
Parochiis & alienis parochianis, lib. 3. tit. 29. p.	460
Peculio clericorum, lib. 3. tit. 25. p.	447
Pœnis, lib. 5. tit. 37. p.	716
Pœnitentiis, & remissionibus, lib. 5. tit. 38. p.	723
Pignoribus & aliis cautionibus, lib. 3. tit. 21. pag.	431
Plus petitionibus, lib. 2. tit. 11. p.	109
Postulando, lib. 1. tit. 37. p.	122
Postulatione prælatorum, lib. 1. tit. 5. p.	34
Præbendis, & dignitatibus, lib. 3. tit. 5. p.	377
Precariis, lib. 3. tit. 14. p.	404
Presbytero non baptizato, lib. 3. tit. 43. p.	508
Præscriptionibus, lib. 2. tit. 26. p.	296
Præsumptionibus, lib. 2. tit. 23. p.	272
Priuilegiis, & excessibus priuilegiatorum, lib. 5. tit.	
33. pag.	704
Probationibus, lib. 2. tit. 19. p.	239
Procuratoribus, lib. 1. tit. 38. p.	126
Purgatione canonica, lib. 5. tit. 34. p.	707
Purgatione vulgari, lib. 5. tit. 3. p.	709
Purificatione post partum, lib. 3. tit. 47. p.	511

Q

Q ui clerici, vel vouentes matrimonium contrahere possunt, lib. 4. tit. 6. p.	542
Qui matrimonium accusare possunt, vel contra illud testificari, lib. 4. tit. 18. p.	570
Qui filij sint legitimi, lib. 4. tit. 17. p.	565
Rapto	

R

R aptoribus, incendiariis, & violatoribus Ecclesiarum, lib. 5. tit. 17. p.	649
Reb. Ecclesiæ alienandis, vel non, lib. 3. tit. 13. p.	400
Regularibus, & transeuntibus ad religionem, lib. 3. tit. 31. p.	468
Religiosis domibus, vt Episcopis sint subiectæ, lib. 3. tit. 36. p.	485
Reliquiis & veneratione Sanctorum, lib. 3. tit. 45. p.	509
Renuntiatione, lib. 1. tit. 9. p.	32
Rerum permutatione, lib. 3. tit. 19. p.	423
Rescriptis, lib. 1. tit. 3. p.	19
Restitutione spoliatorum, lib. 2. tit. 13. p.	215

S

S acramentis non reiterandis, lib. 1. tit. 16. p.	73
Sacra vnctione, lib. 1. tit. 15. p.	71
Sagittariis, lib. 5. tit. 15. p.	642
Schismaticis, lib. 5. tit. 8. p.	628
Scrutinio in ordine faciendo, lib. 1. tit. 12. p.	66
Secundis nuptiis, lib. 4. tit. 21. p.	588
Sententia, & re iudicata, lib. 2. tit. 27. p.	305
Sententia excommunicationis, lib. 5. tit. 39. p.	728
Sepulturus, lib. 3. tit. 28. p.	454
Sequestratione possessionum, & fructum, lib. 2. tit. 17. pag.	231
Seruis non ordinandis, &c. lib. 1. tit. 17. p.	77
Simonia, & ne aliquid pro spiritualibus exigatur, vel promittatur, lib. 5. tit. 3. p.	609
Solutionibus, lib. 3. tit. 23. p.	440
Sortilegiis, lib. 5. tit. 21. p.	676
Sponsalibus, & matrimoniis, lib. 4. tit. 1. p.	519
Sponsa duorum, lib. 4. tit. 4. p.	538
Statu Monachorum, &c. lib. 3. tit. 35. p.	481
	Suc

Succesſionibus ab inteſtato,lib.3.tit.27.p.	453
Summa Trinitate,& fide Catholica,lib.1.tit.1.p.	5
Supplenda negligentia prælatorum, libr.1.titul.10.	58
pag.	58
Syndico & Actore,lib.1.tit.39.p.	137

T

Temporibus ordinationum,&c.lib.1.tit.11.pag.	60
Testamentis, & vltimis voluntatibus, li.3.tit.26.p.	448
Testibus,& attestationibus,lib.2.tit.20.p.	246
Testibus cogendis,vel non,lib.2.tit.21.p.	263
Torneamentis,lib.5.tit.13.p.	640
Transactionibus,lib.1.tit.36.p.	117
Translatione Episcopi,lib.1.tit.7.p.	47
Treuga & pace,lib.1.tit.34.p.	108

V

Vita & honeſtate Clericorum, libr.3.tit.1.pag.	358
Vfuris,lib.5.tit.19.p.	662
Vt Eccleſiaſtica beneficia ſine diminutione confe- rantur,lib.3.tit.12.p.	399
Vt lite non conteſtata non procedatur ad teſtium receptionem,vt ad ſententiam definitiuam, lib. 2.tit.6.p.	186
Vt lite pendente nihil innouetur,lib.2.tit.16.	186



ANALYSIS ME- THODICA IVRIS PONTIFICII.

LIBER PRIMVS.

De Iure Canonico.

MANVM genus diuinis humanisque regl-
tut legibus, c. humanum, dist. 1. Hæ moribus, il-
lx natura constant, c. omnes, cod. à quibus con-
stitutiones omnesq; leges tam Canonici quam
Ciuis juris, varijs voluminibus dispersæ promanarunt,
per tot. dist. 1. Quod enim religioni conuenire, disciplinæ
congruere, communiq; omnium saluti proficere naturâ rei-
ceptum moribusq; probatum est, hoc in omnem perpetui-
tatem valituræ constitutionis loco; nisi necessitatis, vtili-
tatis, honestatisque aliqua ratio abrogationem suaserit,
promulgatione institutum, vtentium approbatione firma-
tum, monumentisq; solertia celeberrimorum virorum tra-
ditum est c. Consuetudo, dist. 1. c. in istis, dist. 4. Sic Eccle-
siasticæ constitutiones, quæ canonum nomine censentur,
c. 1. dist. à temporibus Constantini Imperatoris, qui pri-
mum Christianis liberè congregandi facultatem concessit,
c. canones, dist. 15. celebratis Patrum concilijs, decretis-
que Pontificum eò vsque exercuerunt, vt Pontifices, inuti-
libus sublati, certis voluminibus vni nomini iuris Cano-
nici subnixi, cum sanctione religiosæ obseruationis, non
tantum in foro ecclesiastico, verum etiâ seculari deficien-
te Ciuili lege, eas complecti summa industria curauerint.
Vnde patet, ius canonicum ita rectè definiri posse.

Quid est ius Canonicum?

Ius Canonicum est, quod decretis Pontificum statutis-
que Conciliorum, tam generalium, quam prouincialium
constat, normam rectè viuendi ostendens, c. 3. dist. 1.

A

Vnde dictum ius Canonicum?

Dictum à Canone, Græco vocabulo, quod Latine Regula, eò quod rectè ducat, nec aliquem aliorum trahat, imò, quod distortum prauumque est corrigat, dicitur, d. c. 3. c. 2. dist. 1.

Quot sunt partes huius Iuris?

Partes duæ principaliter sunt: Decreta & Decretales.

Quid Decreta?

Decreta sunt, Ecclesiasticæ constitutiones à summo Pontifice, adhibito consilio Cardinalium & Episcoporum, ad nullius petitionem vel consultationem factæ, 3. q. 1. c. generali.

Quot sunt partes Decretorum?

Partes Decretorum sunt tres: Prima continet 101. distinctiones. Secunda comprehendit causas 36. cui tractatus de poenitentia est insertus. Tertia consecrationem eiusque species quinque distinctionibus declaratas comprehendit.

Quid Decretales?

Decretales sunt, Epistolæ & canonicæ scripturæ vim autoritatis habentes, quas vel summus Pontifex solus, vel ex concilio Cardinalium, aliquo interpellante, constituit, gloss. in c. omnes, 3. dist. c. 1. extr. de rescrip. c. bonæ memoriæ, extr. de elect. c. in canonicis, dist. 19.

Quot sunt partes Decretalium?

Continentur Decretales distinctis quinque libris Decretalium antiquarum, sexto Decretalium & Clementinarum annexis extrauagantibus. Quorum primus & tertius ritus & cæremonias Ecclesiasticas: secundus autem, pars primi & tertij: quartus & quintus iudicalem processum, causas forenses, contractus, ultimas voluntates, & criminalia potissimum tractant.

Quæ causa efficiens iuris Canonici?

Causa efficiens, si primam originem spectes, est ipse DEVS, qui conditor omnis legislationis est legis diuinæ atque naturæ, quas Ecclesiastica constitutio complectitur, & ordinata serie consequitur, auctor & effector. Diuinæ enim leges cum natura consent, legem naturæ imitantur, cuius notitias Deus in creatione humani generis omnium mentibus in seuit insculpsitque, vt honesta à turpibus discernere,

cernere, mores in hac polytica vita ritè informare, omnesque nostras actiones in cognitionem Dei, vt salutem in finem, summumque bonum, & mandatorum gratum obsequium rectè dirigere possimus. Quin & Paulus Apostolus legem naturæ esse notitiam & partem legis diuinæ hominis naturæ insitam testatur, Rom. 1. & 2. cum ait, Eam esse ius Dei & opus legis scriptum in cordibus quod Deus nobis ostendit. Et Ethnici suas leges originem à Deo traxisse crediderunt, vt Sophocles, Plato, & alij. Cicero 2. de legibus: Hanc, video, inquit, sapientissimorum fuisse sententiam, legem non hominum ingenij excogitatam, nec scitum aliquod esse populorum, sed æternum quiddam, & alia quæ sequuntur.

Causa efficiens magis propinqua: Sunt 4. Concilia generalia, scilicet, Nicænum, Constantinopolitanum, Ephesinum, Calcedonense, c. sicut, dist. 15. Summi Pontifices iunctis Cardinalibus & Episcopis, c. sunt quidam 25. q. 1. c. inter alia, extr. de sententiis excom. Decretales enim antiquæ à Gregorio nono suisque antecessoribus, vt inter canonicas scripturas connumerarentur, vimque auctoritatis haberent factæ, concinnatæque sunt, c. in canonicis, dist. 19. & proœmio decr. antiquorum.

Quas ipse Gregorius quinque libris Decretalium nomine editis, certa quadam titulorum serie obseruata, redegit. Bonifacius octauus sextum Decretalium in concilio Lugdunensi, contrarietatibus sublatis, superuacaneisque resecatis, quæ inter varia Pontificum decreta abundare videbantur composuit. Accesserunt Clementinæ à Clemente V. in Concilio Viennensi, & Extrauagantes à Ioanne 22. compilatæ. Collegit etiam Gratianus ex Concilijs & scriptis Doctorum Ecclesiæ librum Decretorum in tres partes distinctum, quem Eugenius tertius approbauit publicisque Ginnasijs legendum concessit, in vita Grat.

Quid Obiectum?

Obiectum Iuris Canonici secundum Ioannem de Immo. in proœmio ad Decretal. est res Ecclesiastica. Licet hoc iure de personis Ecclesiasticis, officiis, contractibus, iudicijs, vltimis voluntatibus, & similibus agatur: omnia tamen circa acquisitionem, retentionem, conseruationem, alienationem rerum Ecclesiasticarum, vitam, moresque secundum præscriptum Ecclesiæ in diuinis muniterijs,

alijsq; sacris administrandis recte instituendos versantur.

Quæ Forma?

Dispositio & series titulorum, quæ in decretalibus antiquis, sexto & Clementinis ferè eadem est, nisi quod in antiquis numero plures, & subiecta materia auctiores tituli, quam in alijs ponantur. Liber autem decretorum Gratiani farraginem quandam multarum sententiarum & dictorum Patrum ordinata serie comprehendit.

Quis finis & Effectus?

Finis & effectus sunt, primò, agnitio Dei, in qua summa perfectio & beatitudo humanæ naturæ consistit: secundò, diuini cultus, secundum veterum patrum præscriptum, rectè instituendi noticia: tertio, status religionis & Reipublicæ conseruatio: quarto, honesta à turpibus, æquum ab iniquo discernendi cognitio: quinto, quo ad leges diuinas, quæ natura constare dicuntur, sparsim iuri Canonico insertas, sicuti & Iuris Naturalis immutabilitas: sexto, salus populi Christiani, ad quam legum latores suas leges tanquam scopum referunt. Etiam huius operis finis rectè constituitur, ut absq; molestatione, iniurijs hostium Ecclesiæ tranquillius vitam traducamus, & post eam beatitudinem cum sanctis, in omne æuum perfruendam consequamur.

Quæ Cognata?

Cognata iuris canonici sunt, Theologia, Philosophia moralis, æquitas, ius naturale, ius Ciuile, lex Mosaica. Conuenit enim cum Theologia, & iure Ciuili, quoad diuinas humanasq; leges, quas complectitur, Abb. c. quomodo & quando, extr. de accusat. Cum Philosophia morali, secundum mores rectè formandos. Cum æquitate & iure naturali, quia omne quod fas est nomine diuinæ, vel naturalis legis accipitur, c. omnes, dist. 1. Cum lege Mosaica conuenit, quoad ritus in sacris à populo Dei obseruandos, & quia ius constitutionis, à iustificationibus, quas Dominus tradidit Moyse, cœpisse dicitur, c. ius autem, dist. 7. & c. non est, dist. 6.

Quæ Adiacentia?

Adiacentia sunt, Theologia, lectio Patrum, legitima ætas, diuina gratia, veritas, falsitas.

Quæ Pugnancia?

Pugnancia sunt, omnia decreta omnium gentium, quæ à norma Decalogi, lege naturæ, rectæque rationis, dictamine

mine longius recedunt, quibus superstitiones idolatricæ, hæreses, vel schismata, vel tyrannis, vel vagæ libidines inducuntur & stabiliuntur.

DE SUMMA TRINITATE, & Fide Catholica.

TITVLVS I.

Continuatio.

CVM iure Canonico potissimum de rebus diuinis & Ecclesiasticis, quæ non tam iuris, quàm religionis sunt, agatur: religio autem constantia fidei; cuius principium sanctissimum est summa Trinitas, vt firmo fundamento nitatur, suadet dignitatis, doctrinæq; ratio, summæ, sanctissimæq; Trinitatis, & circa eam versantis fidei Catholicæ declarationem, principali loco collocare.

Quid est Trinitas?

Firmiter credimus, inquit Innoc. III. & simpliciter confitemur, Trinitatem, quæ est vnus solus Deus verus, æternus, immensus, incommutabilis, incompræhensibilis, omnipotens, ineffabilis, pater, & filius, & spiritus S. tres quidem personæ, sed vna essentia, substantia, seu natura simplex, c. 1. extr. cod. in prin.

Quæ Causa?

Deus solus est causa causarum: Pater quidem omnibus quæ sunt, vt essent, dedit & ipse, quod est, à nemine accepit; principium enim est deitatis, qui, sicut nunquam fuit non Deus, ita nunquam fuit non pater, Aug. de trin. & vnit. Dei, ca. 2. & lib. de Eccl. dogma. cap. 1. Filius autem neq; creatus est, neq; ab alio esse cœpit, sed fuit à principio vnà cum patre. Ioan. 1. Verum quia scriptura Christum filium appellat, idè respectu patris, ad discernendas personas & officia, patrem illius causam, omni humano cogitatu deposito, esse intelligimus. Demum spiritus sanctus, respectu existentia, non habet causam, quia à principio existit cum patre & filio æternus Deus, respectu verò processionis dicuntur pater & filius quodammodò eius causæ, nam spiritus legitur à patre & filio procedere, Ioan. 25. Et hoc est quod Innocentius III. exprimit his verbis: Tres quidem personæ consubstantiales, coæquales, coomnipotentes, &

coæternæ: pater à nullo, filius à patre solo, ac spiritus sanctus pariter ab utroque absque initio, semper ac sine fine, pater generans, filius nascens, & spiritus sanctus procedens, d. c. i. cod.

Quæ Forma?

Quod pater, filius, & spiritus sanctus, vera vnione non collectiua seu similitudinaria sint vna essentia, substantia seu natura diuina, quæ tamen secundum personales proprietates discretæ sit, id est, proprietatibus & actibus, non substantiæ, sed personæ attributis, differat. Est enim generans, genita & procedens, quæ diuina essentia appellatur, & est Deus, æternus, incorporeus, impartibilis, immensa potentia, sapientia, bonitas, creator & conseruator omnium rerum, visibilium & inuisibilium, spiritualium & corporalium, c. damnamus, & d. c. i. ext. cod.

Qui Effectus?

Creatio omnium visibilium & inuisibilium, spiritualium & corporalium, eorumque quæ creata sunt dilectio & conseruatio. Esse enim æternam Dei potentiam ac diuinitatem, nihil aliud est, quàm Deum in æternum creare, gubernare & conseruare creata, vt in Actis scriptum est: In ipso viuimus, mouemur, & sumus. Officia autem ita distinguuntur: Patris est creare, fonere, curam habere, corrigere, vt seruet suos, & diligere, diligit autem, quia seruat, seruat, quia fecit ea: Filij est saluum facere populum à peccatis, iustificare, satisfacere, & esse propitiorem pro peccatis, esse mediatorem, & pacem nostram, solum pastorem & Pontificem, suæ Ecclesiæ, sacerdotem, & Pontificem in æternum, regem, ducem, & dominum super populum Dei: Spiritus sancti officium est, confirmare conscientias, de veritate Dei, & hereditate in Christo accepta, illuminare, sanctificare, & conseruare in veritate, declarare, glorificare Christum, donare Ecclesiam omni genere donorum, efficere, vt omnis generis bonorum operum abundemus, Ioan. 7. 14. 15. & 16. cap.

Quid Fides?

Fides, licet varijs modis accipiatur, hic tamen pro credulitate earum rerum, in quibus salus, vitæque nostræ redemptio consistit, accipitur. Et est secundum Paulum in Epist. ad Heb. c. 11. substantia rerum sperandarum, argumentum non apparentium.

Quæ

Quæ causa efficiens?

Causa efficiens fidei, est Deus ipse. Clem. fidei, eod. tit. Fidem enim donum diuinum esse, docuit Apostolus in Epist. ad Ephes. c. 3. Gratia (inquit) estis saluati per fidem, & hoc non ex vobis; DE 1 enim donum est, & 1. ad Cor. c. 12.

Quæ Causa impulsiva?

Ipsum verbum quod mouet corda ad credendum. Vnde dicitur: Fides ex auditu est, auditus verò per verbum DE 1, ad Rom. 10. & in pœnitentia cognoscitur peccatum, cognitio verò peccati occasionem præbet accedendi medicum salutarem, id est Christum, qui fide apprehensus remittit peccata, pars autem verbi vel Euangelij est pœnitentia.

Quæ Materia?

Materia fidei est summa & sanctissima Trinitas, Deus Vnus in natura, & Trinus, in personis, Christus seruator noster DEVS & Homo: Ecclesia, eiusque sanctissima sacramenta: ac demum omnia, quæ nobis in symbolo Apostolico credenda proponuntur, quæ perspicue habentur in c. firmiter, ext. eod. c. per totum, 24. q. Clem. fidei Catholice, eod. c. 1. in 6. eod. l. 1. & linter claras C. eod.

Quæ Forma?

Forma est credulitas rerum diuinarum præsentium & præteritarum, quæ nec humano sensu, vel intellectu comprehendendi possunt cum fiducia, in promissiones de Christo. Vnde Aug. tract. 4. in Ioan. Fides est virtus, qua creduntur ea, quæ non vides, & Paul. ad Heb. definit fidem, esse expectationem seu affectum in promissione Dei. Et in Abrahamo, ad Rom. 4. ait, verum ob promissionem Dei non hæsitabat, ob credulitatem, sed robustus factus est fide, tribuens gloriam Deo, plenissimè sciens, quòd is, qui promiserat, idem potens esset & præstare.

Quis Finis?

Finis est æterna felicitas, c. a. 1. §. non solum, extr. eod. vbi dicitur: non solum virgines & continentes, verum etiam coniugati per rectam fidem & operationem bonam placentes Deo, ad æternam merentur beatitudinem peruenire: fides enim per dilectionem saluat, iuxta illud Aug. Hæc est vita æterna, vt te cognoscamus verum Deum: & gnosceamus autem per dilectionem, quæ coniuncta fidei est.

8 ANALYSIS IVRIS PONTIFICII

Aug. in lib. de fid. & ope. Et alibi: Qui crediderit & baptizatus fuerit saluus erit, c. Maiores, ext. de bap. & c. 1. §. hæc sancta ext. cod. Quoniam extra Ecclesiam, & fidem in Christum nullus saluatur, c. quoniam, 24. q. 1.

Qui Effectus?

Primò: Iustificatio, mediante merito Christi. Gen. 15. credidit Abraham Deo & imputatum est ei ad iustitiam. Ad Rom. 4. Arbitramur autem hominem iustificari absque operibus legis. Ad Rom. 5. Iustificati igitur fide. Ad Gal. Lex pædagogus noster fuit ad Christum, ut fide iustificaremur. 2. Inuocatio cum fiducia accipiendi petita. Ad Rom. Quomodo inuocabunt eum, in quem non crediderunt? 3. Confessio iustitiæ. Ad Rom. 10. Corde creditur ad iustitiam: ore autem fit confessio ad salutem. 4. Tranquillitas conscientiæ: reddit enim tranquillitas conscientias. Rom. 3. 5. Certitudo de promissione in Christo facta & de vita æterna, iuxta illud: Idcirco ex fide datur hæreditas, ut firma sit promissio. & Ioan. 3. Qui credit in filium habet vitam æternam. 6. Adoptio filiorum Dei. Ad Gal. 3. omnes Filij Dei estis, eo quod credidistis in Christo. 7. Nostri exhibitio, ut Deo placeamus; sine fide enim impossibile est placere Deo, d. c. 1. §. non solum ext. cod. 8. Puritas animi à sordibus vitiorum: nam Act. Apost. cap. 15. D. Petrus corda purificari per fidem ait. 9. Fortitudo animi: nam per fidem veteres sancti patres vicerunt regna, operati sunt iustitiam fortes facti sunt in bello, ad Heb. 11. 10. Timor: nam cum credimus, eum inquirentibus se, ut loquitur Paul. Hebr. 11. esse remuneratorem, in spem maximam salutis consequendæ erigimur. Accedit quod notitia Dei non contingit, nisi per fidem, quæ apprehendit Deum & propellit ad sperandum in Deum propter Christum reconciliatum.

Quæ Cognata?

Cognata sunt dona pleraque spiritus sancti: ut est donum intellectus, quo abditissima quæque rerum super naturalium mysteria penetramus: donum sapientiæ, quo de diuinis rebus sapientissimè iudicamus: donum scientiæ, quo de rebus humanis rectissimè sentimus, & quæ credenda sunt à non credendis accuratè secernimus: donum prophetiæ, quo futura certò prædicimus, aut cognoscimus ea, quæ ab humana cognitione penitus sunt remotæ: denique cognitio totius Theologiæ Christianæ, quanquam enim multa in

complexu scientiæ Theologicæ sint, quæ humano ingenio comprehendendi potuerint, aut etiam eiusmodi sint, quæ necesse non sit credere, tamen omnia ferè ad fidem ipsam, tanquam ad principium quoddam reuocantur.

Quæ Adiacentia?

Adiacentia fidei sunt, Charitas: sine qua, teste Paulo in epist. ad Cor. ca. 13. etiam maxima fides nihil est. & c. ubi sana fides, 24. quæst. 1. Host. in §. quot sint, cod. Spes: Non. n. fides sine spe subsistit, Cum, sicuti corpus reficitur cibo, ita fides spe nutriatur, & quod fides credit, hoc spes expectet, ut ait Aug. de cog. veræ viræ: & ad Crescentium epistol. 85. Quoduis opus bonum. quicquid enim sine fide sit, hoc peccatum est, c. quærat §. et si fides, de pœnit. dist. 3. & Rom. 14. denique Humilitas, secundum Gregorij magni dictum, non habet meritum, cui humani ratio præbet experimentum.

Quæ Pugnancia?

Pugnancia fidei sunt tria generatim, sub quibus omnia quæ fidei aduersantur comprehendendi possunt, scilicet, infidelitas, apostasia, & hæresis. Infidelitas dicitur esse in Ethnicis, Iudæis, Turcis, ac iis, qui nunquam in Christum crediderunt, tot. tit. de Iudæ. & cœlicolis, & per tot. 28. quæst. 1. Apostasia est in iis, qui fidem Christi semel receptam deseruerunt. c. quod quidem §. & ex his, 1. quæst. 1. c. hæretici, 14. q. 1. & l. fina. C. de Apost. Hæresis dicitur, qua conuincitur is, qui alicuius temporalis commodi, & maximè vanæ gloriæ principatusque gratia, falsas & nouas opiniones, vel gignit, vel sequitur, easque pertinaciter defendit, c. hæreticus c. qui in Ecclesia, c. qui aliorum, 24. q. 3. Quorum varia genera ponuntur in c. quidam autem, 24. q. 3. Et l. Ariani, C. de Hæret.

AXIOMATA ET SENTENTIAE.

Fides, qua per dilectionem operatur, est fundamentum omnium virtutum. c. ante baptismum. dist. 4.

Fides sine operibus mortua est. c. feritur, 1. q. 1.

Omne quod non est ex fide peccatum est, non ita intelligendum est, ut quicquid sit ab infidelibus credatur esse peccatum, sed omne quod contra conscientiam sit. c. omne, 27. q. 1.

Omne quod aliter sit, quàm probatum est, peccatum est: non tamen omne quod sit cum fide, bonum est, ignorantia enim quæ est ex culpa nocet, d.c. omne, 28.q.1.

Ubi deest agnitio æterna & incommutabilis veritatis, falsa virtus est, etiam in optimis moribus, d. cap. omne, 28. q. 1.

Sancta Trinitas secundum communem essentiam indiuidua, sed secundum personales proprietates discreta est, d.c. firmiter, ext. eod.

Fideles Christi unum esse est. Non eandem rem unam, quæ sit communis omnibus, sed unam Ecclesiam propter Catholica fidei unitatem. Et tantum unum regnum, propter unionem indissolubilis Charitatis, cap. damnamus, ext. eod.

Licet alius sit pater, alius filius, alius spiritus sanctus, non tamen aliud, sed id, quod est pater, est filius, & spiritus sanctus idem omnino, d.c. damnamus, eod.

Spiritus sanctus æternaliter à patre, non tanquam ex duobus principiis, sed ex uno principio & una spiratione procedit, c. fidei, eod. in 6.

Quæ malo inchoantur principio, non peraguntur bono exitu, c. principatus, 1.q.1.

Non superadificatur bonum opus, ubi Christus fundamentum non est, c. cum Paulus, 1.q.1.

Qui recedit ab Ecclesia, nec baptisma, nec ius dandi amittit, c. quod quidem, 1.q.1.

Qui aliorum defendit errorem damnabilior est illis, qui errant, quia non solum errat, sed etiam alijs offendicula erroris preparat, & confirmat. Unde, qui magister erroris est, non tantum hereticus, sed etiam hæresiarcha dicendus est, c. qui aliorum, 24.q.3.

Inter hæresim & schisma, hoc interest, quod hæresis peruersum dogma habeat, schisma post Episcopalem secessionem ab Ecclesia pariter separat, quod quidem in principio aliqua

aliqua ex parte erat diuersim, c. inter haresim, 24. q. 4.

A fide recedens spiritus perfectionem non habet, c. heretici, 24. q. 1.

Oportet esse hareses, ut probati manifesti fiant: hi autem a Deo probati sunt, qui benè docere possunt, cap. eod. 24. q. 3.

Fidem Christo non exhibet, qui corpus eius discerpit. c. aduocauit, 24. q. 1.

Eligenda est fides cum vita, fides enim meritum non habet, cui vita deest, c. fertur, 1. q. 1.

DE CONSTITVTIO- NIBVS.

TITVLVS II.

Continuatio.

STatuta Conciliorum auctoritate Pontificis Romani, vel Patriarcharum, Primatum, vel Metropolitanorum eiusdem prouinciæ celebratorum, & Decreta, quibus eorum ius canonicum constare dictum est, Ecclesiasticæ constitutiones, quæ canonum nomine censentur, dicuntur c. 2. & 3. dist. 2.

Quotuplex Constitutio & quid Ciuilis?

Constitutio alia Ciuilis, alia Ecclesiastica: Ciuilis constitutio, forense vel ius Ciuile appellatur, c. 1. dist. 3.

Quotuplex ius Ciuile, & quid commune?

Ius Ciuile, vel est commune, vel municipale. Commune dicitur, quo omnes, qui imperio Romano subiecti sunt, ligantur, quodque in libris iuris Ciuilis habetur: nec potest condi, nisi per Imperatorem vigore in regiam maiestatem translatae potestatis, Iason in l. imperium, ff. de iur. & iure.

Municipale est, quod quisque populus, vel ciuitas sibi proprium diuina humanaque causa constituit, c. ius ciuile, dist. 1. Et ius Quiritum, quod ex legibus, plebiscitis, senatusconsultis, constitutionibus principum, & responsis prudentum constat, ius ciuile & proprie Romanorum esse dicitur, c. fin. dist. 1. c. constat, distinct. 2.

Quotum

Quotuplex constitutio Ecclesiastica & quid Generalis?

Constitutio Ecclesiastica duplex est, Generalis & Specialis. Generalis est sanctio eius, qui ius statuendi habet in utilitatem subditorum facta, qua omnes qui statuenti subiecti sunt ad illius observationem tenentur, c. i. ext. eod. & c. 3. dist. 2.

Quid specialis?

Specialis constitutio proprio nomine appellatur Privilegium, dictum eo quod in privato feratur, vel quasi privatarum legem singulis, quibus conceditur, generet. Et nihil aliud est, quam iussio speciale quid cuique petenti singulariter indulgens, c. ideò, §. Neque enim, 2 §. quæst. 1. c. privilegia, dist. 2.

Quæ est origo constitutionis & legis?

Generaliter acceptum constitutionis ius, sicuti in titulo ponitur, duxit originem partim à iustificationibus, quas Dominus tradidit Moyse, c. ius autem distinct. 7. partim ab alijs variarum gentium legibus tam scriptis, quam moribus observatis: quarum quædam à Romano populo duodecim tabulis inscriptæ in ius Civile & Canonicum postea dimanarunt, c. Moyse, dist. 7. Fuit autem Moyse primus omnium, qui Genti Hebrææ diuinas leges sacris litteris explicauit. Phoroneus Rex Græcis primus leges iudiciaque constituit. Mercurius Trifnegistus primus leges Atheniensibus edidit. Licurgus primus Lacedæmonijs iura ex Apollinis autoritate confixit. Numa Pompilius, qui Romulo in regno successit, primus Romanis leges præscripsit. Deinde cum populus seditiosos magistratus ferre non posset, decemuitos legibus scribendis creauit. Qui leges ex libris Solonis in latinum sermonem translatis xij. tabulis exposuerunt, c. Moyse, dist. 7. Atque ex his, accedentibus postea alijs iuris partibus; scilicet senatusconsultis, principum placitis, responsis prudentum, prætorum edictis, & plebiscitis, ius Civile compilatum est, c. Fuerunt autem, distinct. 7.

Quæ causa efficiens Ecclesiasticæ constitutionis?

Causa efficiens constitutionis Ecclesiasticæ, est primò authoritas Pontificis; c. si ext. eod. 6. inter alia, ext. de sent.

EXCOMMUN

excommunicat. Secundò, authoritas Prælati, c. fin. ext. de offi. leg. Tertiò, authoritas Episcopi, c. si quis ext. de Maio, & obedientia. Quartò, authoritas Capituli, c. cum accessisset, ext. eod. Quintò authoritas Vniuersitatis clericorum, c. ex literis, ext. eod. solent etiam conuocatis Patriarchis, Episcopis, & Prælati in concilijs, quæ generalia, prouincialia & Episcopalia sunt, constitutiones Ecclesiasticæ vniuersi consensu confici, c. 3. dist. 2. c. sunt quidam, 25. quart. 1. c. quod dicitis, dist. 16. c. fin. distinct. 18. Et Conciliorum generalium quidem constitutiones magis proprio vocabulo Canones appellantur, & omnes ad illorum obseruationem obligant. Quod verò in concilijs prouincialibus & Episcopalibus, per Primates, Metropolitanos, vel Episcopos, vocatis ius statuitur, non propriè canon, sed constitutio dicitur, eorumq; prouinciæ ciuitatis & diocesis homines duntaxat, deincit, nec de maioribus negotiis decernere potest, c. 1. dist. 18. vbi glo. Et sola immediati Prælati authoritas, hisce concilijs congregandis sufficiet. Quare nec Episcopus concilio suo diocesano Metropolitanus auctoritatem, nec Metropolitanus Primatum, aut Superiorum adhibere tenetur, glof. in c. 1. dist. 17.

Qua materia?

Materia constitutionum sunt, personæ, res, & Iudicia. Personarum ordines sunt tres: sunt enim quidam in minoribus ordinibus, quidam in maioribus, & quidam in supremo dignitatis gradu constituti. Et hi, vel regulares, vel seculares, &c. Res sunt etiam in triplici genere: vel diuinæ, vel ecclesiasticæ, vel humanæ. Iudicia hic vel ciuilia, vel criminalia dicuntur.

Qua forma?

Forma constitutionis est ipsa ratio, quæ quoque dicitur anima legis, c. sedulo, 38. dist. c. consuetudo, dist. 1. Ratione autem minime carere dicitur, si honesta, possibilis, secundum naturam, & secundum consuetudinem patriæ, loco, temporique conueniens, necessaria, utilis, manifesta quoque, ne aliquid per obscuritatem in captionem contineat, nullo priuato commodo, sed pro ciuium subiectorumq; utilitate conscripta fuerit, c. erit autem, dist. 4. Et hoc est, quod alibi dicitur, legem ratione consistere dici, si religioni conueniat, si disciplinæ congruat, & si communi omnium salutem proficiat, c. consuetudo, dist. 1.

Quæ

Quis Finis?

Finis est, vt Deus decenti religionis cultu honoretur, & earum metu humana coerceatur audacia: tutaq̃ue sit inter improbos innocentia, & in ipsis improbis formidato supplicio refrenetur audacia, & nocendi facultas, cap. 2. dist. 4. & c. causa, cod.

Quis Effectus?

Effectus est, quod constitutiones habeant vim legis, obstringantq̃ue ad earum obseruantiam omnes qui statuenti subiecti sunt, Felin. in c. 3. num. 5. de iureiur. & c. 1. extr. cod. princeps autem illis solutus est, legibus tamen vt obtemperet, nec in se posse damnare iura, quæ in subiectis constituit iustum est, cap. iustum, dist. 9.

Quæ Cognata?

Cognata constitutionis sunt pragmatica sanctio, annotatio, consuetudo, priuilegium, rescriptum, lex Mosaica, stylus, præscriptio.

Quæ Adiacentia?

Adiacentia sunt, possibilitas, honestas, iustitia, veritas & continentia, c. 2. dist. 4. c. veritate, dist. 8. c. ego, dist. 9.

Quæ Pugnantis?

Pugnantis sunt, omnes constitutiones, quæ canonibus, decretis Præfulum Romanorum, vel bonis moribus, aduersantur, c. constitutiones, distin. 10. Et desuetudo in contrarium: sicuti enim moribus vtentium leges confirmantur, ita moribus vtentium in contrarium, nonnullæ leges abrogantur, c. in istis, dist. 4.

AXIOMATA SENTENTIAE,
*variae definitiones & diuisiones, quæ
 in Decretis ponuntur.*

Ius naturale est, quod in lege & Euangelio continetur, quo quisque iubetur alij facere, quod sibi vult fieri: & prohibetur alij inferre, quod sibi nolit fieri, cap. humanum, distinct. 1.

Differunt lex humana & diuina: cum omne, quod fas est, nomine diuina vel naturalis legis accipiat, nomine vero

verò legis humane, mores iure conscripti & traditi intel-
ligantur, c. omnes, dist. 1.

*Lex est constitutio scripta, mos autem, longa consuetu-
do de moribus tantummodo facta, c. lex. c. mos, dist. 1.*

*Consuetudo est ius quoddam institutum, quod pro lege
suscipitur, cum lex deficit, c. consueudo, nec differt, an scri-
pta, an ratione consistat, cod.*

*Sicuti ratio consuetudinem, ita legem commendat, d. c.
consuetudo.*

*Lex est, si ratione constiterit, si religioni conveniat, si
disciplina congruat, & si communi omnium saluti profi-
ciat, d. c. consuetudo.*

*Ius naturale est commune omnium nationum, è quòd
ubiq; instinctu nature, non constitutione habetur aliqua, c.
ius naturale, cod.*

*Ius civile est, quod quisque populus, vel civitas sibi pro-
prium divina humanaque causa constituit, c. ius civile,
cod.*

*Ius gentium est, sedium occupatio, edificatio, munio,
bella, captivitates, servitutes, postliminia, fœdera pacis, in-
dustria legatorum non violandorum religio, connubia inter
alienigenas prohibita, c. ius gentium.*

*Ius gentium dicitur, quia eo iure omnes ferè gentes
vivunt, d. c. ius gentium.*

*Ius militare est, belli inferendi sollemnitatis, fœderis fa-
ciendi nexus signo dato egressio in hostem, item signo dato
receptio, flagitij militaris disciplina, si locus deferatur, sti-
pendiorum modus, dignitatum gradus, premiorum honor,
præda deciso, pro personarum qualitibus & laboribus
iusta divisio, c. ius militare, cod.*

*Ius publicum est in sacris, & sacerdotibus, & Magi-
stratibus, c. ius publicum.*

*Ius Quiritium, est propriè Romanorum, quod nulli te-
nen. nisi Quirites, id est, Romani, c. fin. dist. 1.*

Con

Constat ius Quiritium ex legibus, plebiscitis, senatusconsultis, constitutionibus Principum, & responsis prudentium, c. constat, dist. 2.

Lex constitutio est populi, quia maiores natu simul cum plebe aliquid sanxerunt, c. constat, eod.

Plebiscita sunt, quae plebes tantum constituunt, & vocantur plebiscita, eo quod ea plebs sciat, vel quod sciscit & rogat ut fiant, c. plebiscita, eod.

Senatusconsultum est, quod tantum senatores populus consulendo decernunt, c. senatusconsultum, eod.

Constitutio vel edictum est, quod tantum Rex, vel Imperator constituit, vel edicit.

Responsa prudentium sunt, quae Iurisconsulti respondere dicuntur consulentibus, c. responsa.

Satyræ lex est, quae de pluribus simul rebus loquitur, dicta à copia rerum, & quasi à saturitate, c. satyræ, eod.

Rhodiae leges, naualium commerciorum sunt, ab insula Rhodo cognominatae, in qua antiquus mercatorum usus fuit, c. Rhodiae, dist. 2.

Constitutionum alia est Civilis, alia Ecclesiastica. Civilis constitutio, forense vel civile ius dicitur: Ecclesiastica Canonis nomine censetur, c. 1. dist. 3.

Canon, Graecum vocabulum est, Latine regula dicitur. Regula dicta est, eo quod rectè ducit, nec aliquem aliorum trahit, vel ab eo, quod regat, vel quod normam rectè viuendi praebeat, vel quod distortum, prauumque est, corrigat, c. 3. distinct. 3.

Canonum alij sunt decreta Pontificum, alij sunt statuta Conciliorum Conciliorum, alia sunt vniuersalia, alia sunt prouincialia. Prouincialium alia celebrantur auctoritate Pontificis Rom. praesente, videlicet, Legato Rom. Ecclesiae, alia auctoritate Patriarcharum, vel Primatum, vel Metropolitano eiusdem prouinciae, d. c. 3.

Privilegia sunt, priuatorum leges, quasi priuata leges,

nam privilegium dictum est, quod in privato feratur. c. privilegia.

Omnis lex, aut permittit aliquid, aut vetat, aut punit, aut precipit. c. fin. dist. 3.

Causa constitutionis legum est, humanam coercere audaciam, & nocendi facultatem refrenare. c. causi. dist. 4.

In constitutione legum, maxime qualitas constituentium observanda est, ut contineat in se honestatem, iustitiam, possibilitatem, continentiam. c. 2. dist. 4. non legibus, sed secundum leges iudicandum est. c. erit autem. dist. 4.

Leges instituuntur, cum promulgantur, firmantur, cum moribus ventium approbantur. c. in istis. dist. 4.

Sicut moribus ventium in contrarium nonnullae leges abrogatae sunt, ita moribus ventium ipsae leges confirmandae. d. c. in istis.

Ius constitutionis capit à iustificationibus, quas Dominus tradidit Moysi. c. ius autem. dist. 7.

Generale pactum societatis humanae, est, obtemperare Regibus suis, quanto magis, D E O regnatori universae creaturae suae, ad ea, quae iussit, sine dubitatione firmandum est? sicut enim in potestatibus societatis humanae, maior potestas minori ad obediendum praepositur: ita Deus omnibus praeferrere debet. c. quae contra. dist. 8.

Non consuetudinem hominum, sed veritatem ipsam sequi oportet. c. si solus. dist. 8.

Ius naturale inter omnia primatum obtinet, tempore & dignitate: cepit enim ab exordio rationalis creaturae, nec variatur tempore, sed immutabile semper permanet, c. hac quae. dist. 5. & c. non est. dist. 6.

Differt ius naturale à consuetudine & constitutione: nam iure naturali omnia sunt communia omnibus: iure autem consuetudinis vel constitutionis, hoc meum est, illud tuum, vel alterius. c. differt. dist. 3.

Platoni illa civitas iustissime ornata dicitur, in qua

quisq; proprias nescit affectus, c. differt, dist. 8.

Diuinum ius illud est, quod in scripturis diuinis: Hum-
anum, quod in legibus Regum continetur. cap. quo iure.
dist. 18.

Non iure diuino, sed humano, rerum dominia sunt di-
stincta, d. c. quo iure.

Iustum est, Principem legibus obtemperare suis; tunc
enim iura sua ab omnibus custodienda existimet, quando
& ipse illis reuerentiam prabet, c. iustum, dist. 9.

Principes legibus tenere suis, nec in se posse damnare
iura, quae in subiectis constituunt, iustum est: iusta est enim
votis authoritas eorum, si, quod populis prohibent, sibi licere
non patiantur, d. c. iustum.

Ratio exemplis anteponenda est, c. fin. dist. 9.

Constitutiones Principum Ecclesiasticis constitutioni-
bus non praecminent, sed obsequuntur, c. 1. dist. 10.

Lex Imperatorum Ecclesiastica iura dissolvere non po-
test, c. lege, dist. 10.

Leges Principum & Regulas Patrum contemni non
licet, sed observari, cap. quis autem, cap. de capitulis, & c.
fin. dist. 10.

Quicquid contra leges accipitur, per leges dissolui ma-
retur, c. vides fili charissime, dist. 10.

Constitutiones contra Canones & Decreta Praesulum
Romanorum: vel bonos mores, nullius sunt momenti, c. con-
stitutiones, dist. 10.

Nulli licet sine discretionem iustitiae contra disciplinam
Romanae Ecclesiae agere, c. 1. & c. non decet, dist. 12.

Contra naturale ius nulla dispensatio admittitur, nisi
forte duo mala ita urgeant, ut alterum eorum necesse sit
elegi, c. 1. dist. 13.

Minus malum de duobus malis eligendum est, c. duo
mala, dist. 13. Quod verum, si forte duo mala ita urgeant,
ut alterum eorum necesse sit elegi, c. item aduersus, dist. 13.

Dispen

Dispensatio locum habet non tantum in una persona, sed etiam diuersis: ut si quis committat minus malum, ne alius grauiori implicetur, c. 1. dist. 14.

Non sunt à nobis committenda delicta, ne alij grauiora committant, c. 2. dist. 14.

Sicut quædam sunt, quæ nulla possunt ratione conuelli: ita multa sunt, quæ, aut pro necessitate temporum, aut pro consideratione ætatum, oportet temperari, cap. final. dist. 15.

Quatuor generalia Concilia probantur, scilicet, Nicænum, Constantinopolitanum, Ephesinum, & Calcedonense, c. sicut, dist. 15. Nicæno, puerisum Arriani dogma destruitur. Constantinopolitano, Eunomy & Macedonij error conuincitur. Ephesino, Nestorij impietas indicatur. Calcedonensi, Eutichetis & Discori prauitas reprobata est, d. c. sicut.

Inter canonicas scripturas decretales Epistole connumerantur, & vim authoritatis habent, c. in canonicis, dist. 19.

Neceffe est, ut iuxta diuersitates locorum, temporum & hominum, quibus diuersa scriptura facta sunt, diuersas causas, & argumenta, & origines habeant, c. neceffe, dist. 29.

Constitutio futura respicit, & non præterita, nisi de præteritis caueatur, c. quoniam, extr. cod.

DE RESCRIPTIS.

TITVLVS. III.

Continuatio.

Rescripta inter partes, quibus conceduntur, ius constitutionis habent, ideo constitutionibus recte subiunguntur, c. constitutus, extr. de concess. præbend.

Quid Rescriptum?

Rescriptum est iussio principis, in scriptis facta, quæ translata iurisdictione in eum ad quem dirigitur, vel etiam nulla translata iurisdictione (si non ad lites: sed beneficia, vel alia petatur rescribi) ad preces impetrantis mandatur aliquid fieri, d.c. constitutus.

Vnde dictum Rescriptum?

Dictum à rescribendo, quasi ab Apostolico, vel Imperatore, ad consolationem, relationem, intimationem, vel supplicationem literæ scriptæ, c. consulisti, 2. questio. 5. c. ex parte, extr. cod. c. querelam, extr. de procurat.

Quotuplicia Rescripta?

Rescripta sunt, ratione causæ efficientis, materiæ, formæ, effectus, & causæ impulsivæ, varia.

Quomodo ratione causæ efficientis?

Ratione causæ efficientis, quædam rescripta sunt Apostolica, Imperialia, & Episcopalia. Apostolica sunt, quæ in spiritualibus à Pontifice conceduntur, c. ex parte, extr. cod. Imperialia sunt, quæ ab Imperatore in temporalibus, l. sanctimus, C. de divers. rescript. Episcopalia, quæ à vicario vel Episcopo emanant, c. pen. de off. vicarij.

Quomodo ratione causæ Procatartica variè intelliguntur?

Ratione causæ impulsivæ, siue causæ procatarticæ, sunt duplicia. Quædam enim Pontifex, vel Imperator, ob meritum, vel nulla ex causa, vltro, proprio motu, & ad nullius petitionem impartit; & hæc dicuntur annotationes, & indulgentiæ, d.c. constitutus. & l. vniuersa rescripta, C. de divers. rescript. Quædam, quæ ad alicuius factam querelam, petitionem, vel supplicationem conceduntur, c. querelam, extr. de procurat.

Quotuplicia ratione Materiæ?

Ratione materiæ etiam sunt duplicia. Quædam enim super rebus priuatorum, de quibus controuersia esse potest, vel beneficiis conceduntur, c. ad aures, c. hoc, extr. Quædam super rebus Ecclesiæ, & negotiis Vniuersitatum, quæ propriè dicuntur pragmatice sanctiones, requirentes causæ cognitionem, gl. in c. t. extr. de rerum permutat.

Quomodo secundum formam varia?

Secundum formam sunt vel generalia, vel specialia. Generalia

nera

neralia sunt, in quibus generales, seu indefinitæ clausulæ continentur. Specialia autem, quæ inter certos diriguntur, & super certis & expressis rebus seu negotiis, sine clausula generali fiunt, c. 1. & c. pastoralis, extr. cod. inter hæc, speciale derogat generali, illudque prorsus tollit, c. pastoralis, & c. 1. extr. cod. Sin autem vtrunque sit generale, vel speciale vtrunque, non valebit posterius, nisi de primo fecerit mentionem, c. veniens, de præscript. c. institutionis, 2 §. q. 2.

Quotuplicia secundum effectum?

Sunt & duplicia, ratione effectus, scilicet, personalia, quæ ad personam concedentis restringuntur: & impersonalia, quæ indefinitè, nulla personæ consideratione, vel mentione habita, dantur, c. si gratiose, extr. cod. Effectus personalis est, vt concessio simul cum persona concedente expiret, secus autem impersonalis, durat enim, nisi à successore expresse reuocetur, d. c. si gratiose, c. 2. de vsucap.

Sunt denique ratione diuersi effectus, quorum nunc quædam commemorata sunt, varia rescripta, omnia tamen, siue sint secundum ius, siue præter ius, siue contra ius, vim & auctoritatem constitutionis habent, c. 1. 2. dist. 9. c. 3. distin. 29. nisi sint contra ius publicum, vel diuinum, vnde dicitur, Rescriptum contra ius impetratū, è tenentis manibus euellendum esse, l. 3. c. de sacri. paga. pari ratione rescripto; contra consuetudinem impetrato præualeat consuetudo, si sit laudabilis, c. fin. de consuet.

Quot sint species Rescriptorum?

Species Rescripti sunt quinque: Annotatio, Pragmatica sanctio, Gratia expectatiua, Priuilegium, & Rescriptum ad lites, siue literæ de iustitiâ.

Quid Annotatio?

Annotatio est rescriptum, quod Princeps vltro, proprio motu indulget, & concedit, l. vniuersa, C. de diuers. rescript.

Quid Pragmatica sanctio?

Pragmatica sanctio, est sacra Principis iussio, super rebus non priuatis, sed publicis, & vniuersitarum, ad petitionem collegij, scholæ, curiæ, ciuitatis, prouincie, vel cuiusdam vniuersitatis, ob publicam causam emissâ, d. l. vniuersa, c. dicenti, 2 §. quest. 2.

Quid Priuilegium?

Priuilegium est iussio specialis & priuata, in odium, vel



fauorem alicuius, contra communes iuris normas singulariter facta: quod ad exemplum non est trahendum. Atque ubi super privilegiis sedis Apostolicæ causa vertitur, non debet de ipsis, per alios, quam per Summum Pontificem iudicari, c. regula. dist. 3. c. cum venisset, extr. de iudiciis.

Quid Gratia expectatiua?

Gratia expectatiua, vel litteræ de gratia, sunt, quæ super aliqua dignitate, vel beneficio vacaturo, conferendo diriguntur, Clem. gratiæ, & Clem. literas, de rescriptis.

Quid liera de Iustitia?

Rescriptum in specie, vel litteræ de iustitia, sunt, quibus causæ controuersæ cognitio, ad petitionem cuiusdam priuati, inferiori committitur, c. statutum, extr. cod. c. cum dilecta, cod.

Quæ causa efficiens?

Causa efficiens est, quilibet in dignitate aliqua constitutus. Generaliter enim sumpto rescripto, quilibet, qui delegare potest, potest etiam per rescriptum mandare: aliàs in spiritualibus, tantum Papa: & in temporalibus, Imperator per rescripta mandant, vel indulgent, Hostiens. in §. quis possit, cod.

Quod Obiectum?

Obiectum rescriptorum sunt, omnes res corporales, & incorporales, de quibus controuersia moueri potest: siue sint priuatorum, siue vniuersitatum, siue sint spirituales, sacre, religiosæ, siue temporales, c. querelam, extr. de elect. c. 2. c. inter cæteras, c. olim, c. adeo, c. capitulū, extr. de rescript. c. ex parte, extr. de sepul.

Quæ Forma?

Forma rescriptorum est, ut nomen Pontificis, vel Imperatoris præponatur, annus incarnationis & pontificatus, (si Pontificis, vel si Imperatoris, dies, consul, indictio) locusque subiiciatur: faciantque litteræ mentionem, inter quos, ad quem iudicem, & per quam personam fuerit dictitata iussio, & de his, quæ processum negotij, causamque principalem contingunt. & si hæc, prout narrantur, veritate nitantur, mandetur aliquid fieri, vel omitti: debetque imperiale rescriptum, purpurea scriptura scribi, signarique ardore coarctis muricis, & triti cochilij, manuque Imperatoris subscribi. c.

bl.c.ex parte,c.eam te,c.significauit,extr.cod. c. gratum, de offic. delegat.c.ex tenore,extr.de test.l. sancimus, & l. sacri affatus,C.de diuers.rescript.

Quæ causa Procatarica & Impulsua?

Sunt necessitas, vtilitas, euidens meritum prærogatiua, & querela impetrantis, i. quæst. 7. c. tali coniugio, c. cum nobis, extr. de elect. cap. ad aures, cap. sicut, extr.cod.

Quæ causa finalis Rescriptorum?

Causa finalis est, vt Principis iussio in causis, quibus ipse Princeps præesse non potest, ad conferendam gratiam, vel iustitiam administrandam, per eos, quibus hoc delegatum est, executionem sortiatur.

Qui sunt executores Rescriptorum?

Executores rescriptorum sunt, delegati canonici cathedralis Ecclesiæ, principalis Officialis Episcopi, & religiosus conuentualem Prioratum obtinens: vel quilibet alij in dignitate constituti, & habitantes eo loci, quo Actor & Reus fixa sede commorantur, Clem. etsi principalis, de Rescript. Sunt tamen 6. casus, quibus, Actore & Reo eiusdem diocæsis, causa committi extra diocæsim possit, scilicet, nisi ab Episcopo contra aliquem de sua diocæsi, vel ab aliquo contra eum, aut contra eius capitulum, seu contra vniuersitatem ciuitatis, villæ, aut castri fuerit actio dirigenda: vel nisi Actor eandem ciuitatem seu diocæsim intrare non audens, aut sui aduersarij potentiam merito perhorrescens, cum intet ipsas nequeat conuenire securè, c. statutum, 9. cum verò, de rescript. in 6.

Qui Effectus?

Effectus rescriptorum super litibus impetratorum sunt duo: primò, quòd rescriptum speciale ius statuatur in negotijs & personis, in quibus, & inter, quas conceditur, cap. constitutus, extr. cod. Secundò, sicut actiones annales prætorix, quæ de sui natura temporales sunt, & anno expirant, per litis contestationem perpetuantur, ita etiam perpetuantur, si libellus Principi porrigatur, & ille ad eum rescribat, l. i. C. quando libel. prin. dat. litis cont. faciat. Si alia ex causa rescriptum concedatur vim & auctoritatem constitutionis scriptæ habet, obligatque ad eius observationem omnes, ad quos dirigitur, cap. si quando, extr. cod. speciale tamen derogat generali, d. cap. pistora-

his, §. quoniam, c. studuisti, extr. de offic. deleg. præfertur-
 que posterius priori, c. ceterum, §. i. extr. cod. & ibi DD. ex-
 tra quos casus antiquius præfertur, modo segnis non fuerit
 impetrator illius in eo reddendo, vbi nullum certum bene-
 ficium in eo designaretur, Abb. c. Capitulum, num. 4. cod.
 Sin autem inter duos impetrantes non appareat prioritas
 vter præferendus alteri, deciditur illa quæstio in c. duobus,
 de rescript. in 6. is, cui præbenda collata est, præferendus est
 alteri, qui nondum consecutus est, & sic melior est condi-
 tio possidentis, tuereturque is in possessione. Si verò neutri
 eorum, vel vtrique præbenda collata est, præfertur is, qui
 primò præsentauit. Quòd si forsàn simul in præsentando
 concurrant illi, ad quos spectat Canonorum receptio, &
 collatio præbendarum: vel eorum maior pars, ex ijs alte-
 rum, quem voluerint, eligere tenentur, quo electo, alter
 omnino carere debet impetratis, nisi ex tenore literarum
 expresse appareat, quod vtrique ipsorum prouisum sit, d. c.
 duobus, de rescript. in 6.

Que Cognata?

Cognata sunt, omnes constitutiones scriptæ & statuta
 singularia, Principum placita, senatusconsulta, & alix iuris
 partes.

Que Adiacentia?

Adiacentia sunt, lites, controuersie, veritas petitionis,
 possibilitas, & honestas rei, cap. dicenti, §. vniuersa, 2 §. q. 2.

Que Pugnancia?

Pugnancia sunt, falsitas impetrationis, abusus rescripto-
 rum, vitium formæ, & dolus culpaque impetrantis.

In quibus consistit Falsitas?

Falsitas in expressione falsitatis, & suppressione veritatis,
 consistit, c. in literis, extr. de rescript. circa quæ distingui-
 aut per fraudem & malitiã, aut per simplicitatẽ & igno-
 rantiam rescriptum impetratum est. Si primo modo, falsi-
 tate expressa, & suppressa veritate, in suæ pernitentis pec-
 nam, nullum ex literis comodum consequitur impetrans, c.
 dicenti, 2 §. quæst. 2. d. c. in literis. Si posteriori modo di-
 stinguendum, quæ falsitas suggesta, & quæ veritas suppressa
 fuerit. Nam si talis expressa sit falsitas, vel veritas occultata,
 quæ, quamuis fuisset tacita vel expressa, nihilominus in for-
 ma communis literæ datæ fuissent, tunc delegatus non se-
 quens formam in literis appositam, secundum ordinem iu-
 ris in

is in causa procedere potest: sin autem per huiusmodi falsitatis expressionem, & suppressionem veritatis, literæ fuerint impetratæ, qua tacita vel expressa, nullæ datæ fuissent literæ, à delegato non est aliquatenus procedendum: nisi forsan eatenus, vt partibus ad suam præsentiam conuocatis de precum qualitate cognoscat, vt sit in vtroque casu eadem ratio, quæ delegantem mouerit, moueat etiam delegatum: & vbi delegans suas denegaret, literas, delegatus etiam commissæ cognitionis officium nullatenus, interponat, c. super literis, extr. eod.

Abutentes etiam rescripto priuantur commodo rescripti, & condemnantur in sumptibus & damnis aduersario, c. quia nonnulli, eod.

Qui sunt modi abutendi Rescripti?

Modi abutendi rescripti sunt. 1. Si obtentas sub nomine suo literas, alijs eiusdem nominis tradunt. 2. Si quos volunt fatigant indebitè per eandem. 3. Si tales eodem modo recipiunt. 4. Si illos, contra quos nihil habent quæstionis, faciunt in iudicium euocari. 5. Si literas ipsas ad futuras trahunt controuersias: quæ nondum erant tempore impetrationis exortæ. 6. Si quæpiam super vero negotio, vel etiam malitiosè super plurib. personalib. actionib. quæ sub vno iudice tractari commodius possunt, per varias literas coram diuersis iudicibus trahunt, vt laboribus fatigatus aduersarius, & sumptibus, vel componere, vel cedere iuri suo compellatur. 7. Si Reus Actorem eodem tempore ad diuersa loca, vel indeterminate ad villam, quæ commune cum pluribus eiusdem prouinciæ villis habet vocabulum, citari procurat, & dum non comparuerit, quasi contumax excommunicatur, & sic eum à sua intentione repellat, c. nonnulli, c. quia nonnulli, extr. eod. c. dispendia, de rescript. in 6.

Quæ vitia formæ obstant Rescriptis?

Vitium formæ Rescripti enervat: quod etiam varijs modis contingit. Primò. Si Rescriptum non continet annum incarnationis, diem, consulem, indictionem, locum, nomen, & subscriptionem Põtificis, vel Imperatoris, c. eam te, c. constitutus, c. significauit, de Rescrip. eod. c. gratum, extr. de offi. deleg. c. inter dilectos, extr. de fide instrum. 2. Si Rescriptum ad beneficium impetratum de beneficio impetrantis non faciat mentionem, c. à Deo, extr. eod. 3. Si in secundo Rescripto per aduersarium impetrato non fiat

mentio de primo, subsistit primum, & non secundum, aliàs valet secundum: Et si primum fuit impetratum communi consensu partium, non valet secundum impetratum per alteram partem, c. cæterum, c. ex parte, extr. eod. 4. Si in Rescripto taceatur dignitas impetrantis. 5. Si falsa in Rescripto fuerit Latinitas, c. ad audientiam, eod. 6. Si primæ literæ sint speciales, & primæ generalitatem contineant. Speciales enim litere derogant literis generalibus, super non specificatis in eis, quamquam de illis nullam faciant mentionem, c. pastoralis, §. quoniam, c. si propter, de Rescript. in 6. Hinc est, quod iurisdictio per generales literas concessa, per speciales, quantum ad ea, quæ specialiter exprimuntur, penitus eneruaretur, d. c. pastoralis, §. quoniam, vers. nos igitur. 7. Si per Rescriptum frangatur in Ecclesia numerata numerus præbendarum, non facta in ijs de numero mentione, c. constitutus, extr. de Rescript. 9. Si Rescripta continent, ut quis ultra duas dioceses extra suam dioccesim per literas Apostolicas ad iudicium trahi possit, c. nonnulli, §. cum autem, extr. eod.

*Quibus modis dolum, vel culpa impetrantis
Rescripta eneruant.*

Dolum & culpam impetrantis validitati Rescriptorum aduersari, varijs etiam modis contingit. Si primus impetrans beneficio impetrato, dolo vel negligentia non fuerit usus, c. ad aures, extr. eod. 2. Si callide subreptitias consecutus fuerit literas, c. cum dilecta, eod. 3. Si in literis Gratia tacuit perpetuam vicariam, c. postulasti, eod. 4. Si literæ ad lites, fuerint impetratæ sine speciali mandato domini, nisi impetrentur per coniunctam personam. Ratio est: ne propter eas laborum, vel expensarum dispendio molesteretur, vel indebitè fatigeretur aduersarius, c. nonnulli, extr. eod. 5. In culpa etiam dicitur impetrans, si nimis diu expectauit, & longas in petendo traxit moras, ut ab alio præueniretur. Secundum enim Rescriptum super beneficio nihil prodest, si alius prius id per preces impetrauit primus enim præfertur & solus admittitur, c. capitulum, extr. eod. 6. Si habens literas Papæ ad beneficium, eis propter annuam pensionem renunciaret, literæ beneficiales per eum, hoc tacito, impetratæ non subsistunt, c. ad audientiam, eod. 7. Si procurator reuocatus, & de hoc certificatus, extra iudicium impetrauit, non valet Rescriptum:
secus

secus tamen, si in iudicio dummodò reuocatio ad notitiam aduersarij, vel iudicis non peruenit, c. ex parte, extr. eod. 8. Si in literis executorijs impetrans falsò dixit, monitorias præcessisse, c. ex insinuatione, eod. 9. Si impetretur ab excommunicato, ipso iure nullum est, & inde secutum; nisi in causa excommunicationis & appellationis, c. ipso iure, de Rescript. in 6. 10. Si impetrans peruersè petat, quod iuri diuino, iuri publico, & laudabili consuetudini aduersetur, c. Rescripta, 25. q. 2. 11. Si qualibet alia ratione impetranti possit dolus, vel negligentia imputari, c. si autem, c. plerunque, extr. eod.

AXIOMATA, ET SENTENTIÆ.

Per iudicium iniurijs adiutis patere non debet, c. nonnulli, extr. eod.

Lites restringenda sunt potius, quàm laxanda, c. nonnulli, §. cum autem, eod.

Gratia generalis non præiudicat speciali priuilegio, consuetudini, vel statuto, c. si propter, eod.

In literis ad beneficia impetratis inspicitur tempus data, c. si eo tempore, eod. in 6.

Rescripta, quoad illos, quibus, & inter quos conceduntur, vim constitutionis habent, c. 2. cap. cum dilecta, eod. c. nouit. de Appell.

Diuina consilia non sunt adeò sapienti corde & altamente diiudicanda: sunt enim inscrutabilia & incomprehensibilia, c. Nabuchodonosor, 23. q. 4.

Rescriptum contra ius impetratum, est e manibus tenentis euellendum, nec laudabili consuetudini praualeat, c. si de consuet.

Ordinaria iurisdictio à Deo est, sed delegata ab homine.

Mutato indice, mutatur iudicium.

Reus in exceptionibus partibus Actoris fungitur.

Conditio, si preces veritate nitantur, semper inesse literis intelligitur, c. 1. eod.

Rescri

Rescriptum causa inhibens cognitionem, falsi suspitione non caret, c. 2. eod.

Consuetudo interpretatur Rescriptum, quæ est optima legum interpret, c. cum dilectus de consuet.

Eius est interpretari, cuius est condere: ergo interpretatur Rescriptum, qui concessit, c. inter alia, extr. de sententiis excom.

Obtinet alicuius exceptionis peremptoria principale negotium contingentis, non retardatur litis contestatio, nisi de re iudicata, vel transacta, vel finita excipiat litigator, c. exceptionis, extr. de litis contest.

Potestas dandi iudicem ex iurisdictione procedit.

Rescriptum, vel privilegium, vel indulgentia, quod contra, vel præter ius aliquid continet, derogat generali, id est, mandato, vel rescripto, vel privilegio, c. 1. eod.

In iudiciis non est habenda acceptio personarum, 4.

q. 4.

Papa omnia iura in scrinio præsumitur habere recondita, 30. q. 1.

Vacante sede, ea, quæ sunt iurisdictionis, devoluuntur ad Capitulum, c. cum in cunctis, de elect.

Delegatio non debet excedere fines mandati, c. cum olim, extr. de offi. deleg.

Rescriptum salva intentione mandantis, & proprietate verborum latè, licet alias stricte, interpretandum est, c. se-de, extr. eod.

Consilium in alterius præiudicium mutare non licet, c. ex parte, eod.

Partes Rei favorabiles sunt paribus Actoris, d. c. ex parte, eod.

*Spoliatus ante restitutionem, de facto non cogitur respondere accusatori, nec alij in criminali causa, nec libellus dandus, nec deliberandum; an sit recipienda eius accusatio, imò salvas sunt eius exceptiones, tam peremptoria quam
declina*

declinatoria iudicii, 2. quæst. 2. c. 1. per totum, 3. quæst. 2. c. 1. & 3. per tot. 2. quæst. 7. c. Symmachus.

Verba ambigua sunt interpretanda secundum ius commune & statuta, c. cum dilectus, extr. de consuetu.

Fraus nemini debet patrocinari, c. ex tenore, extra. eod.

Mentiri plus est, quam lenocinium facere, c. postulasti, eod.

Si dominus ratum habuit factum procuratoris falsi, siue expresse siue tacite, dummodo eius nomine agatur vterius contravenire non potest. Innoc. c. ex parte, eod.

Iurisdictio priorum iudicum est suspensa, ubi causa appellacionis est commissa ex certa scientia, c. patet, eod.

In literarum inpetitione non sufficit narrare factum, nisi quis narret causam facti, alias presumitur scriptum falsum, c. cum dilectus, extr. eod.

Non potest quis de una eademq; re sub pluribus iudiciis conveniri, c. ex tenore, c. super literis, extr. eod.

Appellationi non est deferendum, quando causa iudiciis appellatione remota, est commissa. cap. sicut, eod.

Duo alternativè proposita in Rescripto, ad unum effectum consequendum, sufficit unum probari, c. inter ceteras. Secus autem si plura narrantur diversos effectus operantia, c. olim, eod.

Is, ad quem Rescriptum Papa dirigitur, debet illi parere, vel causam rationabilem dare, quare parere non possit, c. adsignare, c. si quando, c. cum te, eod.

Delegatus debet exequi rescriptum, nisi fuerit revocatum, de quo cognoscit Ordinarius, c. cum contingat, eod.

Si occasione duorum rescriptorum, unius scilicet in causa principali, alterius in causa appellacionis, contenditur non iudex super principali: sed deputatus super appellacione, cognoscere debet de validitate appellacionis, c. dilectus, eod.

Rescripta contra ius elicta ab omnibus iudicibus refutanda

tanda sunt: nisi forte sit aliquid, quod non ledat alium: & profut petenti, vel crimen supplicantibus indulgeat, c. Rescripta, 25. quest. 2.

Rescriptum sortitur effectum, quod cum iuris & legum ratione concordat, c. dicenti, 25. q. 2.

Rescripta, siue sint annotationes, siue pragmatica sanctiones, expressam debent in se habere conditionem, si preces veritate nitantur: mendax enim precator debet carere impetratis, & quibus scripta diriguntur sunt puniendi, si precum mendacia uetuerint argui, c. dicenti, 25. q. 2. §. rescripta, & §. uniuersa.

DE CONSVETVDINE.

TITVLVS IIII.

Continuatio.

Diuturni mores, consensu vrentium approbati, legem imitantur: ideo inueterata consuetudo, modò bonis moribus, decretis, concilijs non aduerferur, in rebus & iuribus Ecclesiasticis, constitutionis scriptæ habent vigorem, c. diuturni, dist. 12, c. consuetudo, dist. 1.

Vnde dicitur consuetudo?

Dicitur Consuetudo ab eo, quod in communi est vsu, d. c. consuetudo. Et post naturalem legem exordium habuit, ex quo, homines conuenientes in vnum, conuerunt simul habitare, c. non est, dist. 6.

Quotuplex Consuetudo?

Ea genericè, vel specificè accipitur. Genericè quidem, vt consuetudinem, constitutionem, omnesque iuris partes cõtineat. Vnde dicitur in c. in istis, dist. 4. Firmantur leges, non si institutæ, vel promulgatæ sint: sed si vrentium moribus approbentur. Specificè autem, quæ moribus tantum vrentium reseruata, in consensu populi tacitè consistit, & per vsum longi temporis comprobatur: nec scripturam, nec institutionem, vel promulgationem solennem requirit, c. consuetudo, dist. 1.

Consuetudo specifica quotuplex?

Duplex. Vniuersalis vel Localis. Vniuersalis est, ius pon
sci

Scriptum, in solo populi vsu consistens, quod non in certo aliquo loco: sed ab omnibus, vel à multis, indifferenter, moribus obseruatur & custoditur. Localis autem est consuetudo, quæ ad certum locum restricta in vim legis municipalis valet. Cynus & Dd. in l. 2. C. quæ sit long. consuetudo.

Quid est Consuetudo?

Consuetudo est ius non scriptum, tacito Maiorum consensu inductum, & diuturnis vrentium moribus comprobatur, c. diuturni, dist. 12.

Quæ causa Efficiens?

Causa Efficiens sunt tacitus consensus, & mores Maiorum, potestatem legis faciendæ habentium, l. de quibus, ff. de legibus. Et vsus longæuus, c. fin. extr. cod. c. non est, de consuet. in 6. c. mos est, dist. 1.

Quæ causa Materialis?

Causa materialis sunt res incorporales: vt iura seruitutum, iurisdictionum, electionum, & similia, quæ speciem aliquam iuris habent: nec exinde peccatum, iniquitas, absurditas, aut præiudicium Ecclesiæ proueniat. Vnde consuetudo in præiudicium Ecclesiæ, vel quæ derogat iuri naturali, seu diuino; cuius transgressio peccatum inducit, ipso iure non subsistit, c. consuetudines, c. cum olim, extr. de consuet. c. 1. de cons. in 6. c. cum contingat, de foro compet. c. scriptum, c. Cumana, extr. de elect.

Quæ Formæ?

Forma Consuetudinis est, vt tacito Maiorum consensu, urgente recta ratione, frequentia actuum maxime iudicialium, vel, si illi non sint, extrajudicialium, non tamen minus duorum, & diuturnitate temporis, quod ad præscriptionem sufficiat, introducat, l. 1. C. quæ sit longa consuet. l. nemo. Cod. de Episcopali audientia, c. si. cod. c. diuturni, 12. dist. Nam in his 4. tacita, scilicet conuentione, iusta ratione, frequentia actuum, & temporis diuturnitate, consuetudinis natura, vis, atque conditio, consistit. Et vt Alberic. in Rub. C. quæ sit longa cons. ait, consuetudinem concipi, nasci, perfici, & roborari. 1. Concipitur in Ratione, sicuti partus in utero matris. 2. Nascentur, dum, quod recta ratio suadet, vnus, aut alter facere cœperit. 3. Perficitur similia actuum multitudine: dum paulatim omnes, quod aliquan

aliquando per aliquos ceptum est, imitantur. 4. Et vltimò roboratur crebrioribus exercitijs & tempore legibus præscripto.

Qui effectus?

Effectus consuetudinis sunt 1. Vt legem imitetur, c. diuturni, dist. 12. Vbi dicitur: Diuturni mores (nisi legi sint aduersi) consensu vtentium approbati legem imitantur. 2. Si secundum legem inducta sit, interpretatur & confirmat legem: Optima enim interpres legum, est consuetudo, c. cum dilectus, extr. cod. l. si de interpretatione, ff. de legib. 3. Cum in neutram partem scripta lex est, neque prohibens, neque permittens, ipsa obtinet vim legis, & secundum eam indicatur, c. consuetudo, dist. 1. l. sed & ea, ff. de legibus. Quod verum est non tantum in contractib. verum etiam in pœnis. Nec ab ea recedere iudex debet. l. quod si nolit, §. quia, ff. de ædilit. edict. Auth. qua in prouincia, C. ybi de crim. 4. Si contra ius posituum, constitutionem scriptam, vel legem, inducta sit consuetudo, ipsum tollit, derogat, & præiudicat, vt inquit Gregorius IX. in c. cum tanto, extr. cod. Licet longæuz consuetudinis non sit vilis authoritas, non tamen est vsque adeò valitura, vt vel iuri positio debeat præiudicium generare: nisi fuerit rationabilis & legitime præscripta. Præscribitur autem in foro ciuili decennio: quadraginta verò annis in foro Ecclesiæ, in d. c. fin. extr. cod. Bart. & Iason in l. de quibus, ff. de legibus, c. de quarta, extr. de præscrip. c. cum beneficio: vbi glos. in ver. legitima, de præbendis, in 6.

Quæ Cognata Consuetudinis?

Cognata sunt, omnes constitutiones scriptæ, & statuta, legesque morales, vt sub. tit. de constitutionibus.

Quæ Adiacentia?

Adiacentia sunt, veritas, possibilitas, honestas, mores & vsus, c. veritate, c. si solus Christus, dist. 8. c. diuturni, dist. 12. r. 2. dist. 4.

Quæ Pugnantiæ?

Pugnantiæ sunt, contrarius actus, consuetudo, corruptela, & mala irritationisque consuetudo, c. fin. & ibi Cano, extr. cod. c. consequens, c. nolite, dist. 11. Abb. in d. l. fin. extr. de consuet.

AXIO

AXIOMATA, ET SENTENTIÆ.

Consuetudo est, ius quoddam moribus institutum, quod pro lege suscipitur, cum lex deficit, c. consuetudo, dist. 1.

Sicuti ratio consuetudinem, ita legem commendat, cap. consuetudo, eod.

Ius consuetudinis post naturalem legem exordium habuit, ex quo homines conuenientes in unum, coeperunt simul habitare, c. non est, distin. 6.

Vfus authoritati cedit, prauum usum, & lex, & ratio vincit, c. 2. dist. 11.

Inviolabilis consuetudo est, quæ nec humanis legibus, nec sacris canonibus obuiat, c. consuetudinis, c. Ecclesiasticus, c. consequens, c. nolite, dist. 11.

Non locus consuetudinem, sed consuetudo locum commendat, c. nouit, extr. eod.

Quod neque contra bonos mores esse conuincitur, indifferenter est habendum: & pro eorum, inter quos viuunt, societate seruandum, c. illa autem, dist. 12.

Refecanda sunt, quæ neque authoritatibus, neque moribus vniuersitatis comprobantur, c. omnia, c. illud, c. nos consuetudinem, c. consuetudo, dist. 12.

Sicut quedam sunt, quæ nulla possunt ratione conuelli: ita multa sunt, quæ aut pro necessitate temporis, aut pro consideratione ætatis, oportet temperari, c. si, dist. 14.

Consuetudo, optima legum interpres est, c. cum dilectus, extr. eod.

Capitulum sine Episcopo statuta, seu consuetudines novas facere, vel antiquas mutare non potest, c. cum consuetudinis, eod.

Consuetudo non derogat iuri naturali, seu diuino, cuius transgressio peccatum inducit, c. cum tanto, eod.

Diuturni mores, (modo legibus non aduersi) consensu vtiuntur approbati: legem imitantur, c. dicitur, dist. 12.

Veritas & rationi consuetudo est post:ponenda, per tot. dist. 8.

DE POSTVLATIONE PRÆLATORVM.

TITVLVS. V.

Continuatio.

SVNT certi modi, quibus clerici ad dignitatem aliquam euecti, hoc ipso etiam iudices ad exercendam iurisdictionem dignitati annexam, iurâque reddenda constituuntur, ut sunt Postulatio, Electio, Translatio, &c.

Quid Postulatio?

Postulatio est vnanimis, certa, simplexque Collegij petitio Antistiti facta eius personæ, quæ aliquo defectu ad regendam, vel administrandam Ecclesiam admitti non poterat, secundum Abb. in rub. extr. cod.

Quomplex Postulatio, & quid solennis?

Duplex est Postulatio, solennis & simplex. Solennis est, quæ rectâ ad superiorem instituitur, qui omne postulandi impedimentum remouere potest.

Quid simplex Postulatio?

Simplex est, quæ nullam solennitatem desiderat; sed ei fit, cuius consensus ad promotionem Postulati necessarius est, Abb. c. 1. Ut si religiosus ad dignitatem aliquam assumeretur, hoc fieri non potest, nisi consentiente Abbate: imò, ut quidam dicunt, totius Conuentus, quia promotio hæc personæ quandam alienationem inducit, quæ rei alienatione maior est, 16. quæst. 1. c. 5. si quis monachus, c. statuimus, 19. quæst. 3.

Qua causa efficiens Postulationis?

Causa efficiens postulationis est consensus & voluntas eorum, qui ius postulandi & eligendi habent, iuncta auctoritate & licentia superioris, c. et si vnanimiter, extr. de elect. c. bonæ, 2. §. Cæterum, extr. cod. c. 1. innotuit, §. ult. extr. de elect.

Qui habent ius Postulandi?

Ius postulandi habent Episcopus, Abbas, Capitulum, Colle

Collegium:& omnes,nifi quibus canones eligendi facultatem non dant, vel ex causa euidenti adimunt: vt sunt omnes, qui elegerint indignum postulandum fcienter, id est, malæ vitæ,vel minoris scientiæ, vel illegitimæ, c.cum incunctis,c.innotuit,c. scriptum,extr.de elect. Secus si postularint eligendum, tunc non priuantur, cap. bonæ memoriæ, eod. 2. Si recipiunt in Episcopum postulatū, vel electum,cuius nulla est postulatio, vel electio, d. c. bonæ memoriæ,extr.de elect. extrauagan. dispendijs, eod. 3. Si sint postulantes in capitulo suspensi, & excommunicati, c. cum dilectus, de consuet. 4. Si non eligant intra tempus in Lateranensi concilio constitutum, de con. præb. Et Ecclesiæ non va. c. 2. extr. de sup. ne g. præla. c. 3. 5. Prohibent canones laicis postulare. c. Mellan 2, de elect. sac. sancti. 6. Prohibent Capitulo vel Episcopo, qui quidem ob delictum non sint priuati iure postulandi, tamen à tertio quodam, qui sua interesse, ne alius postuletur, asserit, interposita appellatione inhibetur postulandi actus, c. bonæ memoriæ, extr. de elect.

Quod Obiectum?

Obiectum postulationis est, quælibet persona clericalis, quæ vel ratione Ordinis, ætatis, natalium, criminis, irregularitatis, vel ob aliquem similem defectum eligi non potest: Vt sunt laicus, seruus, libertus, adscriptitijs, clericus alterius professionis, Ordinis, & Collegij, monachus professus, vel non professus in alio monasterio constitutus, minor, illegitimus, excommunicatus: & quæuis alia personæ irregulares, quæ ratione irregularitatis à priuilegijs, dignitatibus, & iuribus clericis competentibus arcantur. Quorum 18. recenset Innocent. in c. etsi vnanimiter, extr. eod. 58. dist. c. 2. & c. officij, extr. de elect. c. monasterium, extr. de elect. c. innotuit, de elect. c. cum inter, de elect. c. si quis, 15. quæst. fin. c. Tantis Daniel, dist. 81.

Quæ Forma?

Forma postulationis eadē est, quæ in electionibus, quoad hoc, vt per scrutinium, vel compromissum fiat, Abb. c. quia propter, colum. 3. de elect. Debet etiam personā intelligibilis per verba, (postulo eligendum) vel (eligo & postulo, sicut prout potest melius de iure valere, (si dubitetur, an eligi vel postulari possit,) postulari ab his, ad quos spectat confirmatio. Nam qui confirmandi authoritatem habet, is & postulationem admittere potest, dum maior non sit defectus.

quàm ab ipso tolli queat : ideò rectè ab illis postulatur, qui & ratione dignitatis dispensare possunt, vt ad Episcopatum postulatur quis à Papa, ad alias dignitates ab Episcopis. Clericus alterius professionis seu ordinis, postulandus ab Episcopo, Prælato, Abbate, & Conuentu, quorum consensus coniunctim & diuim in promotione religiosi requiritur, c. 2. distin. 58. Clem. perpetuò, eod. §. sub ea.

Quæ causa Impulsiva?

Necessitas & utilitas. Necessitas quidem : vt si nullus sit in Collegio, cui tutò vacans præfectura committi possit: alioquin enim postulatio non concederetur. Quia, quandiu in eadem Ecclesia idoneus reperitur, non debet aliunde postulari, c. nec emeritis, dist. 61. & c. nullus inuitus, eod. Utilitas autem: vt si spectata probitas, insignis pietas, literarum doctrina, magnus rerum vsus, morum vitæque integritas Postulati, cum dignitati vel officio præfici suadeant, c. ad hoc, & c. bonæ memoriæ, extr. eod.

Quis effectus Postulationis?

Effectus postulationis est, quòd in Postulatum transfundatur ius & potestas regendi, constituendi, instituendi, & confirmandi, aliæque pro cuiusque Postulati dignitate & conditione: Non secus ac si electus verèque confirmatus esset, Abb. cap. 1. col. fin. num. 14. de postul. Quod in solenni postulatione verum est: in simplici tamen postulatione adhuc electione & confirmatione opus est, cum ea secum non trahat.

Secundus effectus est, quòd cum postularus omnium postulantium accommodato consensu ius consequatur, simul omnibus postulantibus ius reuocandi adimatur: ita vt sine Superioris licentia, & permissu à postulatione recedere non possint, argumento, c. bonæ memoriæ, extr. eod.

Quæ Cognata?

Cognata sunt, nominatio canonica, solennis electio, translatio, prouisio.

Quæ Adiacentia?

Adiacentia sunt, inquisitio, confirmatio, præsentatio, institutio, postulationis receptio & admissio, gratia, consecratio, & examinatio.

Quæ Pugnancia?

Pugnancia sunt, vitium formæ, graue peccatum, non acta penitentie Postulati, perniciēs Reipublicæ, & inde exurgens

gens iniquitas, quam postulatio continere videtur, si in ea priuata vtilitas communi, & maiori bono Reipublicæ & Religioni præferatur.

AXIOMATA, ET SENTENTIÆ

Frustra legis auxilium inuocat, qui committit in legem, c. bona memoria, extr. de elect.

Quilibet eligi potest, qui sine alterius requisitione electioni de se facta consentire potest. c. 1. extr. eod.

Interrogatus non respondens pro confesso habetur, c. 1. eod.

Approbatio postulationis & Postulati, pro electione & confirmatione habetur: ideo datur Episcopis transcundi licentia sine confirmatione alia, c. bona, eod. cap. in causis, de elect.

DE ELECTIONE, ET ELECTI POTESTATE.

TITVLVS VI.

Continuatio.

PER electionem clerici in sacris ordinibus dignitatis gradus conscendunt, in quibus constituti non tantum ea, quæ ordinis: sed etiam, quæ Iurisdictionis sunt, post confirmationem & consecrationem acceptam exercent. Modus igitur alter conferendæ dignitatis, constituendique iudicis, est electio.

Quid est Electio?

Electio est personæ cuiusdam dignæ Ecclesiasticæ, per eos, qui ius eligendi habent, ad præfecturam, vel dignitatem canonicè facta vocatio, glos. c. 1. de post. prælat. in 6.

Quotuplex est Electio?

Canonica electio ratione formæ accipitur strictius, strictè, & largè. Strictius vbi omnia interueniunt, etiam quæ sunt de solennitatibus, quæ à iure præcipiuntur. Et sic loquitur 63. dist. c. 1. Strictè, vbi omnia interueniunt, non

quæ sunt de solennitate, secundum c. quia propter, eod. sed quæ sunt de substantia. Large autem dicitur canonica, quæ scilicet secundum ius naturale, ubi nulla est seruata forma, sed tantum consensus eligentium & electi interuenit, & non cæusæ, ex quibus fit nulla electio, c. considerauimus, eod. Dicitur etiam electio ratione formæ duplex. Quia vel fit per compromissum, vel per scrutinium, vt infra.

Quot modis dicitur Electio, ratione Obiecti?

Dicitur electio multiplex ratione obiecti. Est enim electio, vel summi Pontificis, vel Imperatoris, vel Episcopi, vel Abbatis, Abbatissæ, aliorumque Prælatorum.

Quid electio summi Pontificis?

Electio summi Pontificis fit per Cardinales, si non maior, vt in alijs electionum speciebus, sed dux partes, cum ad superiorem recursus haberi non possit, in vnum consenserint, c. ubi periculum, de elect. c. 6. c. licet de vitanda, de elect.

Quomodo fit electio Imperatoris?

Electio Imperatoris est, quæ fit per tres Archiepiscopos, & quatuor principes laicos, quos Electores vocant Germanici, vt si maior vel sanior pars in vnum consenserit, is præferatur, c. venerabilem, extr. de elect.

Quomodo fit electio Prælatorum?

Electio aliorum Prælatorum fit, vel per Papam, vel suffragijs Capitularium, vel Conuentualium Collegij, ex quo Prælati desuntur.

Qua causa Efficiens?

Causa efficiens electionum, sunt vota eorum, qui in quolibet electionis specie ius suffragiorum habent, iuncto electi consensu: Vt in electione Papæ Cardinales: in electione Imperatoris septem Principes Germanici: in electione aliorum Prælatorum, Papa, Capitulum, Conuentus: dummodo in Collegio, cui pastor vel Prælati quæritur, sint idonei, non impuberes, excommunicatione, vel suspensione illegitimi, inordinati, non professi, c. nemo, & c. ex eo, de elect. in 6. Nota tamen, quod Cardinales per exceptionem excommunicationis, suspensionis, vel interdicti ab electione Pontificis non repellantur, Clem. ne Romani, s. cæterum, eod.

Quod Obiectum Electionis?

Obiectum electionis est, quæuis persona eligibilis. Dicitur autem eligibilis persona de Collegio, a quo electio celebra

celebratur, vel si ibi idonea persona non inueniatur, de alio; cuius meritis, quæ in scientia, moribus, ordine, vita, ætate, & natalibus consistunt, eligentes permoti ad eligendum procedunt, c. cum in cunctis, 3 6. dist. c. in nomine Domini, §. eligatur, dist. 2 3. vbi glo. verb. gremio. Is enim, qui ad dignitatem, vel præfecturam assumitur, ex legitimo matrimonio, triginta annorum, item grauitate morum; & literarum scientia conspicuus esse debet: minor enim 14. annis, illiteratus, excommunicatus, vel ob delictum suspensus & illegitimus promoueri non potest, 24. dist. cap. qui Episcopus, 3 8. dist. c. omnes, c. vltimo & penul. de ætate, & qualitat.

Quæ Forma?

Forma electionis duplex est; vel enim fit electio per Scrutinium, vel per Compromissum.

Quomodo Electio fit per Scrutinium?

Per Scrutinium fieri dicitur, si præsentibus omnibus, qui debent, & volunt, & possunt commodè interesse, assunantur tres de Collegio, fide digni, qui secretò & sigillatim vota cunctorum diligenter exquirant, & in scriptis redacta mox publicent, nullo prorsus appellationis obstaculo interiecto, vt is, collatione habita, eligatur, in quem omnes, vel maior & sanior pars Capituli consentit, c. quia propter, eod. Hic enim ordo obseruatur: vt si per Scrutinium electio instituitur. 1. omnium, qui ius suffragiorum habent, fiat congregatio. 2. scrutatorum constitutio. 3. votorum exquisitio. 4. Scrutinij publicatio. 5. votorum collatio. 6. collationis publicatio. 7. electionis celebratio. 8. electionis decretum. 9. decreti præsentatio. 10. electi inquisitio. 11. electi confirmatio. 12. electi consecratio. Quorum omnium breuis, & ad electionis ex scrutinio formam intelligendam accommodata declaratio, ex subiectis descriptionibus patebit.

Quid est Congregatio?

Congregatio est, in loco idoneo ad hoc electionis negotium obeundum destinato, eorum, quibus eligendi potestas est, conuentus, c. in nomine, §. eligatur, vers. fieri, dist. 2 3. c. cum congregatio. eod.

Quid est Constitutio?

Constitutio est, quorundam de Collegio, ad sententias omnium Collegarum secretò, & sigillatim exquirendas & describendas ordinatio, d. c. quia oportet.

Quid est Exquisitio?

Exquisitio est, suffragiorum eligentium secretò, & sigillatim facta inuestigatio.

Quid est Publicatio?

Publicatio, est consensuum per inquisitionem descriptorum manifesta recitatio, c. cum post petitam, eod.

Quid est Collatio?

Collatio est numeri ad numerum, zeli ad zelum, & meritum ad merita eorum, qui elegerint, facta comparatio, c. dudum, & c. in Genesi. eod.

Quid collationis Publicatio?

Collationis publicatio est maioris & sanioris Partis votorum, in quantum aliorum votis, numero & zelo, meritisque præpolleat, declaratio.

Quid Decretum?

Decretum, est scriptura publica per Tabellionis, vel alicuius authenticæ personæ, manum confecta, omniumque de Collegio sigillis subsignata: qua tota series, & forma electionis, nomina eligentium & consentientium, subscriptionesque cuiuslibet continentur, cap. Episcopus, 61. dist. c. innouir, extr. de elect. 63. dist. c. vota, 1. q. 2. si quis autem, c. cum inter cauonicos, extr. eod.

Quid Decreti Præsentatio?

Decreti præsentatio, est scripturæ publicæ, cui electionis series inscripta est, electio infra 8. dies facta oblatio.

Quid electi Inquisitio?

Electi inquisitio est ab eo, qui ius confirmandi habet, in personæ præsentatæ mores, scientiam, ætatem, conuersationemque: num muneris, cui præficiendus est, idonea sit, diligens facta inuestigatio, c. si fortè, in 6. c. in cunctis, c. dudum, extr. eod.

Quid est Confirmatio?

Confirmatio est, approbatio promoti ad dignitatem, post examinationem electionis, eiusque processus & personæ electi ab immediatè Superiori facta. Abb. c. cum Ecclesia, num. 8. extr. de elect.

Quid Consecratio?

Consecratio fit vñctione capitis & manuum, Chrismate, solennibus verbis, precibusque additis, examinatione etiam præuia: qualem Carthaginense concilium IIII. præmonstrauit.

strauit. Et quidem horâ 3. Dominicæ lucis, forma illa solenniter seruata, quæ alibi edocetur, gloss. & Abb. de sac. vnct. & c. Episcopus, 2 3. dist. seu Syluest. vers. consecratio.

Quomodo per compromissum Electio celebratur?

Ex compromisso celebratur electio, si eligendi potestas aliquibus viris idoneis committatur, qui vice omnium Ecclesiæ viduatæ provideant de prælato vel pastore, d. c. quia oportet, c. cum dilectus, c. cum in iure, eod. Et in hac electione ordo ferè idem, qui in electione ex scrutinio, obseruatur.

Quid electio per Spiritum sanctum, vel inspirationem?

Est & alia electio, quæ ratione diuinæ cuiusdam concordie, siue præscripta forma seruata sit, siue non, per inspirationem dicitur. Et celebrari fertur, quando subito omnes eligentes, quasi diuino numine afflati suos consensus unanimiter in vnum dirigunt. Ad quam requiritur, vt absque vitio simoniæ, conspirationis, coniurationis, requisitionis, vel consensus extra Capitulum habiti processerit, Cano. in d. c. quia propter, eod. & c. cum post petitam, eod.

Qui modus eligendi Pontificem, Imperatorem, & Abbatissam?

Speciales etiam formæ, solennia, & modi eligendi, examinandi, approbandi, consecrandi, coronandi, præscribuntur in electione Imperatoris, in cap. venerabilem, extr. de elect. Summi quidem Pontificis, in c. vbi periculum, §. hoc sacro, eod. in 6. Et Abbatissæ, in c. indemnitatibus, §. sanè, extr. eod.

Quis effectus Electionis?

Effectus electionis consideratur circa alteram partem Rubricæ; scilicet, electi potestatem. Est autem illa potestas ferè nulla ante confirmationem: Quia clericus ad Episcopatum, vel præfecturam electus, nondum confirmatus, neque beneficia conferre, neque alia, quæ muneris sui sunt, administrare potest, c. nosti, c. cum vobis, & c. quod sicut, §. super, extr. eod. Sed per confirmationem, nedum consequitur potestatem exercendi ea, quæ sunt Ordinis; sed tantum ea, quæ sunt iurisdictionis, Abb. c. qualiter, extr. eod. & c. avaritiæ in 6. eod. Sed per consecrationem, qua fœdus coniugij spiritualis, quod est inter Episcopum & Ecclesiam, intelligitur consummatum: quod electione fuerat initiatum,

& confirmatione ratificatum, plenam potestatem administrandi ea, quæ sunt iurisdictionis & ordinis adipiscitur, c. transmissam, & ibi gloss. cod.

Quæ dicuntur esse Iurisdictionis?

Iurisdictionis esse dicuntur veluti potestas iudicandi, excommunicandi, corrigendi, iuramenta à vassallis accipientem confirmandi, inuestigandi, beneficia conferendi, & quæ his sunt similia.

Quæ dicuntur Ordinis?

Ordinis sunt, quæ maioris inquisitionis discussionem exigunt, in quibus censetur clericorum ordinatio, & depositio actualis, Chrismatis consecratio, virginum benedictio, Ecclesiarum & altarium consecratio, & similia.

Infra quod tempus Confirmatio post electionem peti debet?

Infra quod tempus autem peti debeat Confirmatio, varia iura diuersis temporibus fuerunt obseruata: circa quæ vide gloss. fin. c. quàm sit, de elect. in 6. Crebrius tamen posterioribus constitutionibus obtentum, ut confirmatio infra 3. menses, Consecratio autem infra 6. peti & expediri debeat; aliàs promoti per electionem Ecclesijs ipso iure priuantur, c. 2. vbi Abb. num. 22. de trans. Episc. c. 1. & 2. dist. 73. & c. 1. & 2. dist. 100. Abb. in c. cum in cunctis, §. cum verò, cod. Trid. conc. c. 9. sess. 7. & 23.

Quæ Cognata?

Cognata sunt, postulatio, nominatio canonica, translatio, collatio, institutio, prouisio, presentatio.

Quæ Adiacentia?

Adiacentia sunt, citatio, decretum, collatio, presentatio, deuglutio, dispensatio, suffragia, examinatio, inquisitio, approbatio, confirmatio, consecratio, iuramentum fidelitatis.

Quæ Pugnancia?

Pugnancia sunt, omnes modi, quibus electio non procedit ipso iure nulla, vel ex post facto irrita fit. Quod vel ratione formæ, vel facto eligentium, vel electi contingit.

Quot sunt modi infirmande electionis, ob vitium Formæ?

Modi infringendi electionem, ob vitium formæ, sunt.

1. Si electionum collatio non præcessit: vel quæ facta est à maiori parte Capituli, vel quæ non fuit communis, c. in Genesi.

2. Si electio post collationem ex intervallo celebrata sit, c. cum post petitam, & c. Romana Ecclesia, extr. eod.

3. Si institatur electio ex scrutinio, & contra præscriptam scrutinij formam celebretur electio, d. c. quia propter, & c. in Genesi, eod.

4. Si compromissarius, secundum traditam sibi metam, exquisitis & in scriptis redactis voluntatibus singulorum, illum eligat, in quem non maior pars Capituli, sed plures aliorum computatione consenserunt, non tenet electio, cum præter formas Concilij fuerit celebrata, c. si cui eligendum, extr. eod.

Quomodo ratione eligentium nulla dicitur Electio?

Ratione eligentium nulla dicitur, vel infirmatur Electio.

1. Si per alios, quàm per Collegium, cui eligendi potestas est, electio fiat, c. 1. extr. eod.

2. Si ad clamorem populi facta sit: quia possunt ad hoc plures præmio & mercede corrumpi, cap. Osius Episcopus, eod.

3. Si Pontifex non à duabus partibus Cardinalium, nulla exceptione obstante, vel alius Prælati non per maiorem & saniotem partem fuerit electus, c. licet, c. auditis, c. si quando, eod.

4. Si non ex libertate, sed coactione eligentium fiat, cap. cum tetra.

5. Si ab ijs, qui suspensionis censurâ notati sunt, c. cum inter.

6. Si contempta minore parte electio fiat per partem maiorem, c. quod sicut. Ratio est in c. bonæ memoriæ: plus enim consuevit in talibus contemptus vnius obesse, quàm multorum contradictio in præsentem.

7. Si maior pars Postulantium, & minor eligentium in indignum sit, & hoc ignotent postulantes, cap. scriptum, eod.

8. Si non per eos, qui ius eligendi habent, & præsentem sunt: sed per eorum procuratores electio celebretur, d. cap. quia oportet, §. illud autem.

9. Si electio Pontificis per laicos & canonicos iure consuetudinario, vel nullo iure facta sit, c. Massana, eod.

10. Si

10. Si simoniacè, siue sciente, siue ignorante electo, electio celebrata fuerit, c. si alicuius, eod.

Quibus modis Electio non subsistit ex parte Electi?

Ex parte electi non subsistit electio variè.

1. Si electus non præstet fidelitatis & obedientiæ iuramentum, c. significasti.

2. Si schismaticus ad vñionem Ecclesiæ reuersus, non subsecuta, per dispensationem, confirmatione electus sit, c. quia diligentia.

3. Si electus ad dignitatem triginta annorum non sit, c. cum nobis, c. cum in cunctis.

4. Si ex nefario & vetito coitu, vel non legitimis nuptijs natus, c. innotuit, d. c. cum in cunctis.

5. Si non sit sufficienti scientia, vel morum integritate præditus, c. qualiter, c. dudum.

6. Si ante confirmationem superioris res sacras administret, c. nosti, c. cum nobis, c. quod sicut. §. super, eod. Quod verum est, siue administret per se, vel per alium, in totum, vel pro parte, sub quocunque prætextu, c. auaritiæ, in 6. eod. & extrauag. in iniunctæ, eod.

7. Si non professus eligatur ad regimen Ecclesiæ regularis, c. cum causam, c. nullus, eod.

8. Si Abbas electus non sit instructus regula monachali, c. officij sui.

9. Si eligendus consenserit electioni de se factæ per abusum potestatis secularis, c. quisquis, extr. eod.

10. Si electus habeat plures dignitates, & plura beneficia curata, sine dispensatione Papæ, cap. dudum, cap. vt quis in 6.

11. Si, dato pretio, vel factis promissis, se curet eligi, c. si alicuius.

12. Si electus intra vñum mensem electioni non consenserit, vel, post accommodatum consensum, intra tres menses confirmationem non petierit, c. quam sit Ecclesijs, in 6.

13. Si quis religiosorum ad præfecturam extra administrationem sui Ordinis electus sit, c. quorundam, in 6.

14. Si quis clericorum ad duas prælaturas simul electus fuerit, vna apprehensa, electio alterius corrumpit, cap. vt quis duas, eod.

15. Si electi virium reuelatur, quod antea erat occultum, eò quòd si notum fuisset, eligi non potuisset, c. si electio, in 6.

16. Si electus, præbito consensu, renuntiet electioni de se factæ, d. c. si electio, in 6.

17. Si post consensum electioni datum vitam cum morte commutet, d. c. si electio, in 6. de elect.

AXIOMATA, ET SENTENTIÆ.

Vnus est electionis actus, licet habeat plures partes: scilicet initium, in scrutinio, vel compromisso: medium, in collatione; & finem, in publicatione electionis, cap. Ecclesia, extr. eod.

Si confirmationem electionis, propter debitam iuris solemnitatem in confirmatione ipsa omissam, vel ex eo, quia is, qui confirmavit, eam potestatem confirmandi non haberet, irritam nuntiari contigerit, non propterea precedens electio canonica infirmatur, cap. si confirmationem, de elect. in 6.

Electio ad Episcopatum fieri debet de digno scientia, moribus, ætate, & natalibus, c. si forte, in 6. c. cum in cunctis, a. dudum, eod.

Par in parem non habet imperium, c. innotuit, eod.

Canonicis cathedralis Ecclesie ipso iure, vel per sententiam (præterquam in casu negligentia) eligendi potestate privatis, ad Papam ius deuoluitur eligendi: in inferioribus Ecclesijs semper ad proximum superiorem: quanquam malitiis hominum non est indulgendum, c. auaritia, §. cum itaque, eod.

Vota conditionalia & incerta in electionibus reprobantur, & habentur pro non adiectis, & recidunt in purè consentientes, c. in electionibus, eod. in 6.

Per confirmationem electionis non transfertur potestas exercendi ea, quæ sunt ordinis, quia illa transferuntur per consecrationem, c. transmissam, eod.

Non solum in temerariis, sed etiam illicitis iuramentis licet contravenire sine auctoritate Superioris, si necessitas urgeat,

urgeat, vel non possit haberi superior, à quò petatur absolutio, eod.

Contradictio, pro consensu non habetur, ubi expressus non requiritur, eod.

Qui confirmandi ius habet, si eligat, confirmasse videtur, arg. 67. dist. c. in synodo.

In electionibus, eligentium numerus, qui consistit in quantitate: & auctoritas, qua consistit in partibus, in qualibet dignitate maioribus ordinibus, prouectioni etate, & tempore ordinationis attendi debent. 74. dist. c. Episcoporum.

Vbi periculum maius intenditur, ibi plenius consulendum, c. ubi periculum, eod.

Potestas data commissario, ad eligendum Prælatum, re non integra, non potest renocari: & desinit esse res integra, postquam compromissarii ceperunt habere tractatum, c. in casis, & c. cum dilectus, eod.

Nemo rei, in qua se ius habere credit, renuntiare præsumitur, c. licet.

Quod nullum est, impedimentum non præstat, c. considerauimus, eod.

Iura iuribus concordare, & correctiones legum visari debent, c. cum expediat, in 6. eod.

Vbicunque electio est nulla propter personam electi, non ipso iure eligentes privati erunt potestate eligendi: non autem, si propter defectum formæ, electio sit nulla, c. quia propter, extr. de elect.

Qui permittitur electioni de gratia interesse, nec ius, nec commodum aliquod sibi acquiri, c. sollicitudinem, extr. de appellat.

Cardinalium pacta, obligationes, iuramenta, qua data, vel facta sunt de aliquo eligendo in Summum Pontificem, inania sunt, c. ubi, §. ceterum, eod.

LIBER PRIMVS.
DE TRANSLATIONE
EPISCOPI.

47

TITVLVS VII.

Continuatio.

QVandoque Prælatus Ecclesiam, cui electionis celebratæ vigore præfectus, deserit, & ad aliam paris dignitatis consequendæ, officijque in ijs, quæ ordinis & iurisdictionis sunt, exercendi gratia, vtilitate, & necessitate Ecclesiæ flagitante transfertur.

Translatio quid est?

Translatio est, cuiuslibet personæ in sacris Ordinibus constitutæ, quæ postulari potest ab vna Ecclesia ad aliam, causa necessitatis, vel vtilitatis consensu superioris Prælati, facta transpositio, 8. quæst. 1. per totum, & 21. quæst. 2. per totum, c. cum ex illo. c. inter corporalia, extr. de translat. cap. gratum, extr. de postulando.

Quot modis accipitur Translatio?

Translatio accipitur genericè & specificè. Specificè quidem, si de solo Episcopo intelligatur, vt hoc titulo. Genericè autem, vt de omnibus personis Ecclesiasticis, quæ postulari possunt, intelligatur; sic non tantùm Episcopus, verùm etiam Cardinalis, Archiepiscopus, Abbas, Præpositus, & quivis beneficiatus transferri potest, c. dilectus, de præbend. c. scriptum, extr. de elect. c. bonæ, extr. de postul. c. cum venerabilis, extr. de consuet. c. dudum, de elect. c. admonet, extr. de renuntiat.

Quæ causa efficiens?

Causa efficiens, si Cardinalis, Archiepiscopus, Episcopus, Abbas, vel Præpositus transfertur, est solius Papæ auctoritas, c. inter corporalia, extr. eod. Sin autem beneficiatus transfertur, auctoritas immediatè superioris Prælati, ad cuius iocessum quis transfertur, iuncto consensu clericorum, à quibus transfertur, c. admonet, extr. de renuntiat. c. eo libentiùs, extr. de ser. non ordinand. c. fin, extr. de cler. perer. c. ex frequentib. extr. de institut.

Quod obiectum Translationis?

Obiectum translationis est, persona, quæ transfertur, sc. Cardinalis, Archiepiscopus, Abbas, Præpositus: & quilibet
bench

beneficiatus, qui postulari potest, c. dilectus, de præben. cap. dudum, de elect.

Quæ Forma?

Forma est, ut ab Ecclesiâ, cui transferendus adstrictus erat, per absolutionem liberetur, facultas transeundi, per dimissorias literas concedatur, & pallium ad nomen & usum eiusdem Ecclesiæ, si translati dignitas hoc requirat, transmittatur, c. bonæ memoriæ, 2. §. fin. extr. de postul. c. gratum, in fin. & c. in causis, extr. de elect. c. 1. 21. quæst. 2.

Quæ causa Impulsiva?

Est necessitas & utilitas, quibus cessantibus translationis actus non faciliè celebratur.

Quæ causa Finalis?

Causa finalis est, ut Ecclesiæ necessitati personis dignis rectè succurratur.

Qui Effectus?

Effectus primus est: per translationem spirituale coniugium, quod inter Episcopum & Deum est, dissolvitur, transferendusque omnimodò à prima Ecclesia liberatur, & eximitur, c. inter corporalia, extr. eod. c. si quis, 21. q. 2. c. bonæ memoriæ. §. fin. extr. de postul.

Secundus: translatus eandem potestatem consequitur, perinde ac si concordibus eligentium suffragijs esset electus, & per Pontificem, vel alium Superiorem, præstito fidelitatis iuramento, confirmatus, d. c. inter corporalia, extr. eod.

Tertius: translatus Ecclesiam, à qua discedit, repetere non potest: nec quid cum ea post translationem commune habet, 7. quæst. 1. c. eos, de renun. c. quod in dubijs, 21. quæst. 2. c. si quis iam translatus.

Quæ Cognata?

Cognata, quoad discessionem ab Ecclesia, sunt, depositio & cessio, renuntiatio & resignatio: Sed quoad adeptionem alterius, electio & postulatio. Conuenit enim translatio cum electione, & postulatione: quòd sicut vnanimi Capituli, vel maioris partis consensu clericus ad Episcopatum, vel aliam præfecturam, per electionem, euehitur; ita translatus per Papam (qui in hoc Capituli suffragia, necessitate, vel utilitate ita suadente, sedis Apostolicæ autoritate supplet,) per translationem, dignitatem, vel Ecclesiam aliam consequitur. Conuenit cum depositione & cessione, renuntiatione, vel

vel resignatione: quòd pari ratione, sicuti ipsis, coniugium spirituale, per translationem, separatur, c. inter, c. a. licet, extr. eod.

Quæ Adiacentia?

Adiacentia translationis sunt, postulatio, autoritas Superioris, dimissio: literæ, honos, onus, necessitas, utilitas, examinatio, præsentatio, absolutio, liberatio, c. 1. & c. 2. 21. quæst. 2. d. c. inter, §. sicut autem, extr. eod.

Quæ Pugnancia?

Pugnancia sunt, temeraria transitio, depositio ob crimen facta, concupiscentia alterius dignitatis, beneficij, vel officij, per ambitionem & avaritiam, perniciēs Reipublicæ & religionis, c. quanto. extr. eod. c. quoniam, & c. si quis, 21. q. 2.

AXIOMATA, ET SENTENTIÆ.

Inter spiritualia & corporalia hæc differentia est, quòd corporalia facilius destruantur, quàm construantur: spiritualia verò facilius construantur, quàm destruantur, c. inter corporalia, extr. eod.

Sicuti carnale coniugium Deum solo suo iudicio dissolvendum reservauit, ita etiam spirituale, d. c. inter corporalia, cap. quanto, eod.

Parium est eadem iuris dispositio, & iudicium, c. inter, c. sicut ergo, extr. eod.

Nonnunquam intelligitur prohibitum, quod non inuenitur concessum, d. c. inter corp. §. unde si, extr. eod.

Non probat hoc esse, quod ab hoc contingit abesse. c. inter, §. cum quis, eod.

Gradatim honores sunt deferendi, c. legimus, 93. dist.

Translationes Episcoporum, & Sedium mutationes ad summum Apostolicæ sedis Pontificem de iure periment: nec super his quicquam, præter eius assensum, debet immutari, c. 1. extr. eod.

50 ANALYS. IVRIS PONTIFICII
DE AVTHORITATE, ET
VSV PALLII.

TITVLVS VIII.

Continuatio.

Licet Prælatus inferior electus postulatus, vel translatus, post confirmationem & consecrationem, plenius officium sibi demandatum exercere possit: sunt tamen Patriarchæ, Archiepiscopi, & quidam Episcopi, qui plenissimam officij & dignitatis administrationem (nisi impetrato Pallio à Superiore) hoc ipso, quòd electi, postulati, vel translati sunt, consecuti minimè dicuntur.

Quid est Pallium.

Pallium est, insigne ornamentum Patriarcharum, Archiepiscoporum, Metropolitaram, & quandoque etiam Episcoporum, plenitudinem Pontificalis officij, cum translatione dignitatis designans, 25. quæst. 3. cap. in Galliam, cap. nisi specialis, & cap. cum sis, eod. Abb. in rub. eod. tit.

Qui tradunt Pallium?

Pontifex in quatuor principes Patriarchas, videlicet, Constantinopolitanum, Antiochenum, Alexandrinum, & Hierosolymitanum, solus conferendi potestatem habet. In cæteros verò inferiores Episcopos, ipsi quatuor principes Patriarchæ conferre possunt, cap. antiqua, de priuileg. Ex quibus intelligitur, qui Pallium impetrent, & quibus tradi solitum sit. Archiepiscopi, Metropolitani, & quandoque Episcopi, Abb. in Rub. eod. tit. c. duo simul, extr. de off. ordi. quæst. 2. ca. 1. 2. & 3. Et quædam Ecclesiæ ex priuilegio personali, cap. cum in iuventute, extrauag. de præsumpt.

Quæ Forma tradendi Pallium?

Forma, modusque tradendi Pallium est, vt post præstitum Sedi Apostolicæ sacramentum, Pontifex, vel quatuor Patriarchæ, in plenitudinem pontificalis dignitatis instanter petenti tradant, vt eo, infra Ecclesiam, vel prouinciam suam, diebus, qui exprimuntur in priuilegiis Ecclesiæ suæ concessis, vtatur, vt habetur c. 1. extr. eod. c. ad honorem, extr. eod. ca. significasti, extr. de elect. c. optatum, c. ex tuarum, extr. de autho. Pallij.

Quæ causa Finalis?

Causa finalis traditionis Pallij est, vt plena dignitatis administratio, quæ sunt: Consilium vocare, Christina facere, basilicas dedicare, clericos ordinare, Episcopos consecrare, & similia, transferatur, ca. ex tuarum, extr. cod.

Qui effectus?

Effectus primus est: In Patriarchis plenissima, in Archiepiscopis plenior, & in Episcopis plena pastoralis officij exercendi permissis, infra prouinciam suam, dictis potestas, cap. antiqua, extr. de priuileg. c. nisi, & c. honorem, extr. eodem. & exempla habentur, d. cap. ex tuarum, extr. cod.

Secundus effectus est: Vfus nominis Patriarchalis, Archiepiscopalis, & Episcopalis, ca. cum super, c. ad hæc, & c. ex tuarum, cap. nisi specialis, extr. cod.

Quæ Cognata?

Cognata traditionis Pallij sunt, consecratio & confirmatio: quia sicuti traditio Pallij superioribus, ea quæ sunt suæ dignitatis: ita illa inferioribus Episcopis, ea quæ sunt ordinis & iurisdictionis exercendi, tribuit potestatem, cap. cum sis, extr. de elect.

Quæ Adiacentia?

Adiacentia sunt, præstatio obedientiæ, & fidelitatis iuramentum, instans petitio, præfixio temporis vtendi Pallij, litteræ traditionis Pallij, Extrauag. iniunctæ, cod.

Quæ Pugnancia?

Pugnancia sunt, manifesta impietas, perversitas, mors impetrantis, & obiectio criminis, quod probationibus promptis ostendi possit. Quoniam traditionem Pallij obiectio criminis non remoratur, nisi obiciens præmisso iuramento de obiectis promptam fidem faciat, Extrauag. malitiis hominū, cod. Prompta autem fides hoc in casu fieri dicitur, si intra bimestris temporis spacium, à die collationis numerandum, quod opponit legitime probauerit, d. extrau. malitiis, §. promptam, de auth. Pallij. Sanxit etiam Bonifacius vi i. quod, qui apud Sedem Apostolicam Pallium recipiunt, absque litteris traditionis Pallij non discedant: aliàs prouentibus, potestatemque administrandi ea, quæ Pallij concessio tribuit, priuantur, extrauag. iniunctæ, §. illi etiam, de elect. Morte etiam eius, qui Pallium impetrauit, potestas tributa per Pallium, quod ultra personam non prodest, extinguatur, cap. 3. eodem.

AXIOMATA, ET SENTENTIÆ.

Cum augmento honoris Pally, crescere debet cura sollicitudinis pastoralis, ut ornatus vestitus, actionum convenienter ornamenta, c. diu, §. privilegia, & c. sequenti.

Augeri debet utilitas, per dignitatem, 24. q. 1. cap. qui contra.

Pallium dandum est cum concessione novi privilegij, & renuntiatione antiqui, d. c. diu, §. privilegia.

Pallium non est de substantia collationis ordinum de natura sua; sed tantum ratione privilegij, quod extra provinciam commissam non extenditur, c. ex tuarum, extr. cod. & ibi Abb.

Archiepiscopus alteri Archiepiscopo Pallium suum accommodare non potest, c. adhec, eod.

Archiepiscopus extra suam provinciam, Pallio uti non potest, nisi hoc habeat consuetudo, d. c. ex tuarum, eod.

DE RENUNTIATIONE.

TITVLVS IX.

Continuatio.

Contingit, Prælaturum iuri, ex postulatione, electione, vel translatione, sibi competenti renuntiare. Qui renuntiandi actus ab Ecclesia, in qua Prælatus præfecturam, vel dignitatem obtinuit, exemplo translationis, discessionem inducit.

Quid est Renuntiatio?

Renuntiatio est abdicatio dignitatis, personatus, prælaturæ, beneficio collati, vel iuris sibi competentis, ex causa Capitulo, vel Superiori permittenti facta, c. cum inter, c. ad supplicationem, c. admonet, extr. de renunt.

Quotplex Renuntiatio?

Est Renuntiatio duplex, spontanea & coacta. Spontanea dicitur, quando renuncians libera voluntate, legitimam ob causam, & ad cessionem sufficientem in manus Superioris resignat,

agnat, c. super hoc, extr. eod.

Quid Coacta?

Coacta est, quæ non spontè, sed vi, metu, oppressione, interuentu pecuniæ, vel illicita promissione (quæ ferè semper à malo est) & nulla iusta ex causa extorquetur, d. cap. super hoc, extr. eod. Cl. si te præbendam, eod.

Quæ causa Efficiens?

Causa efficiens spontaneæ renuntiationis est, voluntas personæ, ad quam ius, cui renuntiat, spectat, cap. ad Apostolicam, & cap. statuimus, extr. de regul. c. ult. extr. de crimine falsi.

Quæ Materia?

Prælatuæ beneficium, ius proprium, quod in præsentì competit, & in fauorem renuntiantis introductum est, non, si fuerit alienum, non competens, & in odium aliorum, vel totius Collegij, vel vniuersitatis inductum fauore. Vnde Clericus priuilegio, quod habetur in c. si quis suadente, l. 7. q. 4. non renuntiat. Et regulare est, quòd iuri alieno, vel non competenti renuntiare non possit, licet ius competiturum pacto remittatur, vt tradit Alc. in l. 1. C. de pactis.

Quæ Forma?

Forma renuntiationis spontaneæ est, vt renuntians permisso Superioris iustæ causæ impellentis recitatione in manus eius, ius sibi competens liberè & spontè per verbum renuntiationis simpliciter, vel adhibito iuramento resignet. Vt si Episcopus sit, in manus Papæ; si prælatus, in manus Episcopi; si clericus, in manus Episcopi, Capituli, vel Prælati, huiusmodi beneficium, cui renuntiat, conferendi, confirmandi, & instituendi potestatem habentis, c. quod in dubijs, extr. eod. l. 8. quæst. 2. Abbas, 7. quæst. 1. c. non oportet, 3. q. 5. c. mulier.

Quæ causa iuste renuntiandi?

Iustæ causæ, ob quas à Superiore recipienda est renuntiationis, sunt sex: scilicet conscientia criminis, debilitas corporis, defectus scientiæ, malitia plebis, graue scandalum, & personæ irregularitas. Comprehendunturq; his versibus:

Debilis, ignarus, male conscius, irregularis,

Quem mala plebs odit, dans scandala, cedere possit.

c. post translationem, & c. nisi iam pridem, extr. eod.

Cur criminis conscientia admittit Renuntiationem?

Primò igitur conscientia criminis præstat cedendi licentiam, non cuiuslibet; sed duntaxat illius, propter quod, ipsius officij executio, post peractam pœnitentiam, impeditur: ut est simonia, 1. q. 1. c. erga simoniacos. Notatur de hoc in c. penul. & c. apostata, extr. de apost. c. fin. & c. schisma. de schif. c. ubi notatur, 7. q. 1. c. factus, 16. q. 7. c. si quis deinceps.

2. Si in electione non sit seruata forma, in c. quia oportet, extr. de elect.

3. Quodlibet crimen, quod ipso iurè irrogat infamiam, 3. q. 7. §. porro; quia talis infamia per pœnitentiam aboleri non potest, 2. q. 3. §. hinc colligitur.

Quæ debilitas corporis?

Secundò: Debilitas corporis, quæ ex infirmitate, vel senectute procedit. Nec tamen omnis, sed illa solummodò, per quam impotens redditur, ad exequendum officium pastorale, c. nui cum pridem, §. alia verò, extr. eod. 7. q. 1. quia frater.

Qualis defectus scientiæ?

Tertiò: Ob defectum scientiæ quis petere potest cessionem, si non didicerit ea, quæ ad officium suum pertinent, 38. dist. c. 1. & seq. Licet enim defectus non sit peccatum, sed pœna, 15. q. 1. §. 1. hic tamen negligentia discendi pro peccato habenda est, d. dist. 38.

Quæ malitia plebis?

Quartò: Malitia plebis ad renunciandum impellit. Quando plebs adeò duræ cervicis existit, ut proficere nequeat apud ipsam; sed propter eius pertinaciam quò magis satagit, eò magis iusto iudicio deficere permittatur, c. nisi cum pridem, §. propter malitiam, eod.

Malitia plebis in quibus consistit?

Malitia plebis in persecutione extrinseca, & persecutione intrinseca, observata quadam distinctione, versatur.

Quæ extrinseca persecutio?

Extrinseca intelligitur, quæ consistit in manifestis, & præcisis inimicis Ecclesiæ, qui nos persequuntur. Et tunc aut solus Prælatus quæritur, aut totus clerus, aut tota Ecclesia. Si solus Prælatus, aut eo recedente tuta est Ecclesiæ salus: & fugiat, si non potest: ponat animam pro ouibus, d. c. nisi cum pridem, §. non tamen. Si totus clerus quæritur, si aliàs potest consuli Ecclesiæ, totus clerus fugiat cum Prælato: si non potest consuli, remaneant cum Prælato, vel omnes; vel quidam ex his. Si est altercatio inter eos, de remanentibus, res sorte dirimuntur, 26. quæst.

q. 2. c. fors. Si autem tota Ecclesia quæritur, & fides impugnatur, tunc non fugiatur; sed omnes ex aduerso pro domo Israël confurgant, 43. dist. c. sit rector.

Quæ intrinseca persecutio?

Intrinseca persecutio dicitur, quæ consistit in subditis præfractæ naturæ, qui corrigi nolunt, & se sanæ doctrinæ opponunt. Et tunc aut subditi omnes sunt mali, aut etiam quidam boni: si boni sunt admixti malis, eos non deferet, 23. q. 4. c. tu bonus: si mali omnes sunt, aut spes est de correctione; & non sunt deferendi: si nulla spes, sunt deferendi, ut in fi. c. vlt. imò, 33. q. 7. c. igitur.

Quod Scandalum?

Quintò: Scandalum causam præbet renuntiationi, per cuius cuitationem non committitur peccatum: alioquin utilius scandalum nasci permittitur, quam ut veritas bonæ vitæ, vel iustitiæ deferatur. c. qui scandalizauerit, de reg. iur.

Quæ irregularitas?

Sextò: Personæ irregularitas omnis est, quæ ordinationi clericali, absque dispensatione præstat impedimentum: Ut sunt bigamix, virium natalium, & huiusmodi generis, c. cum in cunctis, extr. de elect. c. non confidat, 50. dist.

Qui effectus spontanea Renuntiationis?

Effectus spontaneæ renuntiationis est, priuatio iuris, vel beneficii, cui renuntiatum est, in tantum, ut qui semel legitime beneficio renuntiauit, illud repetere non possit, c. ex transmissa, & c. in præsentia, extr. eod. Et licet renuntiatio ex parte eius personæ, cui renuntiat, nulla sit, tamē beneficio, cui nulliter renuntiauit, priuatur, c. quod in dubijs, extr. eod. Nota tamen, cum renuntiatio sit stricti iuris, eam non ad aliud, sed ad ipsum beneficium, cui renuntiat, restringendam esse, nisi ex causa criminis cessio facta esset, c. ad translationem, extr. eod.

Quæ cognati spontanea renuntiationis?

Cognata sunt, submissio gratiæ, translatio, dimissio, abiuratio, c. veniens, & c. super hoc, extr. eod.

Quæ Adiacentia?

Adiacentia sunt, prouisio, absolutio, &c.

Quæ Pugnantia?

Pugnantia sunt, coacta renuntiatio, subtractio iuris, deictio, & denegata licentia Papæ, vana & temeraria, nullaque ex causa resignatio facta.

*Quæ causa efficiens & procatartica coactæ
Renuntiationis?*

Causa efficiens & procatartica coactæ renuntiationis sunt: vis, dolus, metus, terror, potentia, illicita promissio, d. c. super hoc, eod.

Quæ Forma?

Forma est, ut renuntians vi oppressus, vel dolo circumventus, non requisito Superiore, absque iustæ causæ allegatione, statim Episcopatum, præfecturam, personatum, beneficium-que, vel, quodvis aliud sibi competens ius, in manus potentioris, non habentis facultatem acceptandi cessionem, resignet, d. c. super hoc.

Qui effectus?

Effectus est: quod, nulla probatione spontaneæ renuntiationis Rei admittitur, sed tantum probata spoliacione, siue renuntiatio præcedat spoliacionem, siue sequatur, non impediatur restitutio, d. c. super hoc. Si tamen non iuri beneficii tantum, sed etiam petitioni restitutionis, per pactum, renuntiatum fuerit, locus non datur restitutioni, d. cap. super hoc, extr. eod.

Quæ Cognata?

Cognata sunt, spoliatio, simonia, quoad illicitam promissionem, &c.

Quæ Adiacentia?

Adiacentia, vis, metus, dolus, culpa, potentia, illicita promissio, turpitudine, malitia.

Quæ Pugnancia?

Pugnancia sunt, spontanea cessio, religio, fidelitas, turpitudine, & impietas renuntiantis, spectata authoritas & dignitas eius, in cuius manus renuntiatur.

AXIOMATA, ET SENTENTIÆ.

Illegitimi, si parentum viua non sequuntur, ad dignitates, cum dispensacione, admittuntur. Illo tamen discretionis adhibito moderamine, ut inter nobis manzeres naturales, & spurios, distinguatur, c. nisi, §. unde patet, extr. eod.

Negantis factum per rem naturam nulla est probatio, c. super hoc, eod.

Dolores

Dolus suus nemini patrocinari debet, Clem. si te prabendam, eod.

Non extenditur iuramentum ad ea, de quibus in iuramento cogitatum non fuit, c. cum inter, eod.

Actoris probationes admittenda sunt super implicita assertione, d. c. super hoc.

Si intentetur possessorium Reo nullæ probationes sunt admittenda, secus si petitorium. Ratio est: Quia in possessorio ei fit modicum præiudicium, cum statim possit de proprietate agere, petitorio, cum è contra agentis rei indicata obstat exceptio, d. c. super hoc.

Post sententiam non sunt proponenda peremptoria exceptiones, d. c. super hoc.

Duobus testibus de affirmatione deponentibus plus creditur, quàm mille de negatione testificantibus, c. 1. extr. quod metus causa.

Qui metu vendidit, recipiendo precium, non videtur renuntiare actioni.

Licet falsa causa subijciantur in sententia, tamen sententia tenet, quia non est contra ius scriptum, sed ius litigatoris, c. in presentia, eod.

Maius malum minori est consideratione preferendum, 7. quest. 1. omnes, quest. 3. c. si quis.

Publica utilitas præfertur privata, 7. q. 1. c. mutationes.

Nonnunquam corporis infirmitas solitudinem cordis augmentat, d. c. nisi, eod.

Iudex non semper ad unam speciem probationis applicare mentem suam, sed ex confessionibus, depositionibus, allegationibus, & aliis, quæ in eius presentia proponuntur, formare animi sui motum debet. Tanta est authoritas iudicialis, ut semper pro ipso præsumatur, donec contra ipsum aliquid legitime comprobetur, c. in presentia, eod.

Quantocunq; virtutum flore resulgeat quis, & in se charitatem nō habeat, nihil videtur habere. Nulla siquidem maior

charitas poterit esse, quàm ut animam suam ponat quis pro amicis suis, c. nisi cùm pridem, §. quippe, eod.

DE SUPPLENDA NEGLIGENTIA PRÆLATORVM.

TITVLVS X.

Continuatio.

PRælati Ecclesiarum non sunt adeò diligentes, vt commissi muneris functio, aliquam reprehensionem quandoque non possit incurrere. Ne igitur, si quam negligentiam committi contingat, Ecclesia damnum patiatur, iustissimè Superiores, defectus, & Inferiorum neglectus, supplere permittuntur, & iubentur.

Quid suppletio Negligentia?

Suppletio negligentia Prælatorum est, suscepta administratio muneris, ab inferiore, per malitiam, vel supinam negligentiam omissi, c. licet magister, extr. eod.

Quotupliciter negligentia suppletur? Et qua causa efficiens Suppletionis?

Suppletur negligentia bifariam: per Superiorem, vel per Inferiorem. Per Inferiorem, quando Episcopus ter requisitus in conferendis benedictionibus negligens sit, potest tunc Abbas, donec Episcopus suam duritiam recognoscat, monachos suos benedicere, c. statuimus, extr. eod. 63. distinct. c. quoniam videmus, cuius tenor ponitur in c. cùm contingat, extr. de ætate, & qualit.

Per Superiorem suppletur negligentia dupliciter: vel per susceptionem muneris neglecti, vel per missionem coadiutoris, vel visitatoris. Cùm enim prælati, vel clerici in conferendo, administrando, constituendo, præsentando, negligentes sunt, vel ultra legitimum tempus, longas moras trahunt, licet tunc diocesano, vel Episcopo ordinario regulariter vicem eorum subire, c. si Episcopus, in 6. Clem. quia regulares, c. sicut nobis, c. licet magister, c. literas, & c. dilectio, extr. eod. Quòd si autem Superior vice Negligentes fungi nolit, potest ipse vel Summus Pontifex, ad defectum supplendum, & emendandum, Coadiutorem, Visitatorem, vel Administratorem deputare,

zare, c. grandi, c. Ecclesiæ, in 6. cod. Distingue tamen, si Capitulum in spiritualibus, vel temporalibus negligenter, vel perperam administrat, Archiepiscopus, ob negligentiam, vel malitiam Capituli, eo vocato, causæque super hoc, cognitione præmissa, Visitatorem, vel Administratorem deputat. Si nulla intercedat vel malitia, vel negligentia Capituli, tunc solus Papa Administratorem, vel Visitatorem constituit, c. Ecclesiæ, in 6. Visitatoris autem munus est, spiritualia & temporalia administrare: Sed beneficia, quæ ad collationem Episcopi pertinent, conferre non potest, d. c. Ecclesiæ, §. huiusmodi, in 6. Ex quibus patet, causam efficientem suppletionis esse, solertiam superioris, & quandoque inferioris Prælati, & missi Visitatoris adiuuamen.

Quod Obiectum?

Obiectum suppletionis est, cuiuslibet generis commissæ negligentia & defectus, in quolibet officio, ratione ordinis, vel dignitatis, iniuncto, scilicet in competentibus prouisionibus, beneficijs & benedictionibus conferendus, alijsque sacris administrandis, & iurisdictionalibus, d. c. statuimus, cod.

Quæ causa Impulsiva?

Causa impulsiva supplendæ negligentia est, periculum instans, ob malitiam & negligentiam Prælati: iurisque Ecclesiastici conseruandi necessitas & pietas, religioque, c. grandi, in 6. §. per hoc autem, c. Ecclesiæ, in 6. cod.

Quæ causa Finalis?

Causa finalis est, ne status Ecclesiæ benè institutus, per insolentiam, vel malitiam alicuius, subuertatur: sed cura & sollicitudine Superiorum omnimodò conseruetur, c. sicut nobis, §. nolentes, cod.

Qui Effectus?

Effectus est, quòd, si per Superiorem negligentia inferioris suppleta sit, inferioris ius, quoad hoc, cesset, d. c. licet, & c. literas, extr. cod. Et pro diuersitate & qualitate eorum, quæ negliguntur: quandoque excommunicatur, quandoque deponitur, & quandoque omninò ab officio remouetur, c. quicquid, 1. quæst. 1. c. dictum, dist. 8. i. c. 1. extr. de officio custodis. Secundo, quod Visitator, ob negligentiam Capituli constitutus, consequatur facultatem administrandi spiritualia & temporalia: conferre autem beneficia, quæ ad collationem Episcopi pertinent, non possit, d. cap. Ecclesiæ, §. huiusmodi, in 6. cod.

60 ANALYS. IVRIS PONTIFICII
DE TEMPORIBVS ORDIN
ATIONVM, ET QUALITA
te Ordinandorum.

TITVLVS XI.

Continuatio.

Quamuis omnes Christiani, per baptismum in ministe-
rium (in quo se si bene quis gesserit condignum præ-
mium, per diuinam gratiam, reporter) à Deo recepti sint, ita
quòd meritò sacerdotes (vt spirituales hostias, id est, semet-
ipsos Deo offerant, nomen eius laudent, & inuocent) dici pos-
sint: Non tamen omnes Ecclesiæ ministris; sed iam inde ab Ec-
clesiæ initio selecti sunt quidam, quibus munerum Ecclesia-
sticorum administratio commissa est.

Quid Ordinatio?

Ordinatio est ritus consecrandi personas Ecclesiasticas: quo
confertur gratia & potestas ad obeunda decenter Ecclesiasti-
ca munia: ab Ecclesia institutus & obseruatus, c. sanè, extr. cod.
& c. fin. extr. de sacram. non iterand.

Quotplex Ordinatio?

Ordinatio generatim continet maiorem & minorem or-
dinationem. Minor est, quæ minores ordines continet: maior,
quæ maiores.

Quot sunt minores ordines?

Minorum ordinum sunt quatuor, scilicet, Ostiariorum, Le-
ctorum, Exorcistarum, & Acolytorum. Est & Psalmistæ infi-
mus ordo, qui tamen inter minores non recensetur, licet ordo
sit, c. cum contingat, vbi glo. & c. quod, extr. de ætate & qual.

Quot sunt Maiores?

Maiorum ordinum pariter sunt quatuor, Subdiaconorum,
Diaconorum, Presbyterorum, & Episcoporum.

Quotplex ordo Episcoporum?

Ordo Episcoporum quadripartitus est. Sunt enim Patriar-
chæ, Archiepiscopi, Metropolitani, & Episcopi, c. clerici, §.
Episcoporum, dist. 21. Et hi nomine & appellatione maiorum
Prælatorum, magna potestate & reuerenda dignitatis præ-
minencia excellentium veniunt. Alij inferiores vel minorum
Præla

Prælatorum, vel clericorum nomine censentur, qui sub Maioribus sunt, & Ecclesiæ ministerio deseruiunt, atque in curanda dominica messe, tanquam operarij existunt.

Quis Pontifex, & unde dicatur?

Pontifex omnium Prælatorum, maiorum & minorum, sacerdotumque est, vel dicitur esse, quasi via sequentium, & summus Sacerdos, & Pontifex Maximus, d. c. cleros. Olim autem Pontifices reges erant: siquidem maiorum hæc consuetudo fuit, ut Rex esset Sacerdos & Pontifex. Unde & Pontifices Romani Imperatores appellabantur, d. c. cleros.

Quis Patriarcha, & unde dicatur?

Patriarcha dicitur ἀπὸ τοῦ ἀρχῆς τῶν πατέρων, id est, principe Patrum. Quia summus Patrum dicitur: eum & primum post Apostolicum teneat locum, d. c. cleros.

Quis Archiepiscopus, & unde dicatur?

Archiepiscopus dicitur, ἀπὸ τοῦ ἀρχῆς ἐπίσκοπος, id est, principium superintendentium. Quia Archiepiscopus summus est Episcoporum, & tenet vicem Apostolicam, præfidei tam Metropolitanis, quam alijs Episcopis, d. c. cleros.

Quid Metropolitanis, & unde dicantur?

Metropolitanis dicuntur à mensura, vel magnitudine ciuitatum. Sunt enim, qui singulis prouincijs præminent, quorumque authoritati, & doctrinæ ceteri sacerdotes subiecti sūt: sine quibus nihil agere licet reliquis Episcopis, d. c. cleros.

Qui Episcopi, & unde dicantur?

Episcopi Græcè dicti: Latine, speculatores dicuntur. Quod ille, qui efficitur Episcopus, superintendat, curamque gerat subditorum: quoniam speculator in Ecclesia ideo dictus, quod speculetur & prospiciat populorum infra se positorum mores, & vitam, d. c. cleros.

Quis Presbyter?

Presbyter senior interpretatur, non modò pro ætate, vel decrepita senectute, sed propter honorem & dignitatem, d. c. cleros.

Qui Diaconi?

Diaconi Latine ministri dicuntur: quia sicuti in sacerdote consecratio, ita in Diacono ministerij dispensatio habetur, d. c. cleros.

Qui Subdiaconi?

Subdiaconi dicuntur, quia subiacent præceptis, & officijs

Dia

Diaconorum, d. cap. cleros.

Qui Lectores?

Lectores, à legendo, quòd sacra-legant, dicti sunt, d. c. cleros.

Qui Acolyti?

Acolyti, Latine ceroferarij, dicuntur, à deportandis cereis luminibus, d. c. cleros.

Qui Exorcistæ?

Exorcistæ adiurantes, siue incantantes, vocantur, qui super catechumenos inuocant ad expellendum malum spiritum, d. c. cleros.

Qui Ostiarij.

Ostiarij sunt ianitores, qui in veteri testamento electi sunt ad custodiam templi, d. c. cleros.

Sunt & alia nomina, quibus olim diuinis ministerijs dediti, appellabantur: vt sunt Flamines, Vates, Antistes.

Qui Vates?

Vates à vi mentis dicitur; cuius significatio multiplex est; nam modò sacerdotem, modò prophetam significat, modò poetam, d. c. cleros.

Qui Flamines?

Flamines sunt gentilium sacerdotes: à filo dicti, quasi filamines. Hi enim in capite habebant pileum, in quo erat breuis virga, desuper habens lanæ aliquid, quod cum propter æstum ferre non possent, filum tantum in capite religare cœperunt: nam nudis capitibus incedere nefas illis erat, d. c. cleros.

Qui Antistes?

Antistes sacerdos dictus est ab eo, quia ante stat. Primus est enim in Ecclesiæ ordine, vt supra se nullum habeat, d. c. cleros.

Quis Sacerdos, & unde dicatur?

Sacerdos, nomen compositum habet à Græco & Latino: quasi sacrum dans; sicuti rex à regendo, ita sacerdos à sacrificando dicitur: consecrat enim & sacrificat. Et hæc duo postrema, adhuc hodiè vsurpantur, d. c. cleros.

Quæ causa Efficiens?

Causa efficiens Ordinationis est, persona, quæ ius ordinandi habet. Ordinatur autem Episcopus ad sacros & maiores ordines. Verum ad minores Prælati, etiam si Episcopus non sit, c. de ordi. ab Episcopo qui rem. Epis. §. quid iuris, c. cum cōtingat, extr. de ætat. & qual. c. veniens, extr. de præscrip.

Quod

*Quod Obiectum? & qui ad ordines non
admittuntur?*

Obiectum Ordinationis est, ipsa persona, ad ordines recipienda, dummodò talis sit, quæ promoueri possit. Promoueri autem prohibentur quidam, ob ætatem, vitium animi, vitium corporis, & vitium originis, vinculum reale, vinculum personale, & vinculum ciuile.

Qui ob ætatem prohibentur?

Ob ætatem, infans ad minores ordines: minor 8. annorum ad Subdiaconatum: minor 20. ad Diaconatum: & minor 35. annorum ad Sacerdotium non admittuntur. Cum absurdum sit, eos ad Ecclesiasticos ordines recipi, qui, quod agitur, non intelligunt, vel fari non possunt, Clem. c. fin. de ætat. & qual. Si tamen minor ordinatus fuerit, ab ipsius executione, vsque ad legitimam ætatem suspenditur, c. vel non est compos, extr. cod.

Quæ animi vitia competunt?

Secundò: ob animi vitia clericus ordinari prohibetur: vt si sit homicida, adulter, periurus, alijsque criminibus, quæ peccatum mortale cum perpetua infamia inducunt, addictus. Tamen circa crimina, secundum Innocentium, sunt consideranda quatuor. 1. Quantitas criminis, scilicet, an sit modicum, mediocre, vel enorme, vel tale, quod etiam post peractam pœnitentiam, impediat executionem officij. 2. Qualitas criminis: an sit occultum vel manifestum. 3. Modus publicationis: an per euidenciam operis, vel per sententiam, vel confessionem spontaneam. 4. Satisfactio vera, & pœnitentia non simulata. Et siquidem enorme & manifestum est, deponitur, nec promouetur, nisi ex dispensatione ordinarij Episcopi, 50. dist. c. minor. Si enorme & occultum, parte pœnitentiæ peracta, poterit ministrare in susceptis ordinibus: & monendus est, ne absteineat ab vltiori susceptione Ordinum. Tamen si voluerit, non est prohibendus, c. ex tenore, extr. eod. Nec hic requiritur dispensatio Ordinarij; sed sufficit sacerdotis absolutio, arg. 6. quæst. 1. c. illi qui. Et hoc verum, nisi sit tale crimen, quod impediat executionem officij post pœnitentiam, c. nisi cum pridem, §. 1. extr. de renunt. Si verò est modicum, siue mediocre & occultum fortè, non est monendus vt absteineat à susceptione Ordinum. Si verò mediocre & manifestum, si cõuictus est in iudicio, vel timore probationis cõfessus deponitur, 15. q. 8. c. si quis, & c. 1. dist. 80. Si verò operis publicatione, vel

vel spontanea confessione, acta pœnitentia, cum eo poterit misericorditer agi, quandoque plus, quandoque minus, inspecta probitate personæ, & alijs circumstantijs, 15. quæst. 8. c. si quis presbyter, § o. dist. c. presbyterum.

Quod vitium corporis impedit?

Tertiò: Vitium corporis præstat impedimentum Ordinationi; vt si quis volens vel virilia, vel digitum, vel pedem sibi amputauerit, vel oculum eruerit, c. pœnitentes, c. si quis absciderit, c. qui partem, c. lator, c. si Euangelica, dist. 55.

Quomodo ob vitium originis prohibetur?

Quartò: Ob vitium originis prohibentur quidam, vt filij presbyterorum, & alij, ex illicito & nefario coitu procreati: qui ex incontinentia parentum, quasi maculati & dehonestati, infames, & turpes personæ censentur, quibus dignitas & excellentia Ordinis clericalis non debet committi, c. inter dilectos, extr. de exce. præla. c. infamibus, de reg. iur. ob quam dignitatem lex diuina prohibuit, spurios, & huiusmodi turpes personas, vsque in decimam generationem Ecclesiam Dei intrare, c. per venerabilem, extr. qui filij sint leg. Distingue tamen, vt infra tit. de filijs presbyterorum.

Quod vinculum personale?

Quintò: Vinculum personale Ordinationem impedit, quo persona personæ, ob dominicam potestatem, cui subiecta est, ad quælibet seruitia præstanda obstringitur, vt est seruus in potestate domini constitutus, qui, donec per tacitam, vel expressam manumissionem, beneficentia domini, libertatem consequatur, ab Ordinibus arcetur, toto tit. extr. de ser. non ord. & per tot. dist. 54.

Quod vinculum reale impedit?

Sextò: Ob vinculum reale: vt sunt procuratores, actores, executores, & pupillorum tutores, vel curatores, qui, suscepta gestione alieni negotij sese obstrinxerunt, ordinari non possunt, nisi administratione finita, & rationibus redditis, à nexu obligationis liberati sint, c. 1. extr. de oblig. ad ratioci.

Quale vinculum ciuile præstat impedimentum Ordinationi?

Septimò, modus impediendi ordinationem est, vinculum ciuile, quo quis ciuilibus oneribus se subiecit, forique secularis coercitioni perpetuò se alligauit, vt bigamus, qui cum duabus vxoribus legitimis contraxit, à foro seculari ad Ecclesiasticos

siafticos ordines, quibus indignum se fecit, migrare non potest, c. vnico, extr. de Bigamis, & c. de Digamis, extr. cod. dist. 32. per totum.

Que causa Impulsua?

Causa impulsua est, honor Deo & Ecclesiæ debitus, dignitas, excellentia & sanctitas diuini ministerij, ne cuiilibet, discretionis personarum non habita, illoris, vt dicitur, manibus, Ecclesiastica munia & sacra tractare liceat. Cum, vt testatur scriptura, nemino honorem exercendorum mysteriorum Ecclesiæ, nisi à Deo vocatus sit, sibi assumere possit.

Que causa Finalis?

Causa finalis est, vt Ecclesiastica munia decenti quadam serie, ad honorem Dei exprimendum, diuinumque cultum propagandum, fideliter expediantur, &c. Gratiaque spiritualis ad expedienda ea conferatur.

Qui Effectus?

Effectus est, potestas administrandi munia Ecclesiastica, cuiilibet ordini in suo genere destinata:

Que Forma?

Forma Ordinationis est, vt superior Prælati, vel Episcopus, ordinando, qui suæ diocesi subiectus est, prauia examinatione, per manus impositionem, aliorumque solennium adhibitionem; statuto canonibus tempore, Ordines gradatim conferat. In minoribus quidem, quilibet, die festo, in sacris quatuor temporibus, vel Sabbatho sancto ante Dominicam passionis, c. dilectus, c. literas, extr. cod.

Que Cognata?

Cognata sunt omnes dignitates: vt sunt, Archidiaconatus, Archipresbyteratus, Abbatia, Præpositura, Prioratus, Archiepiscopatus, Episcopatus, & reliqua.

Que Adiacentia Ordinis?

Adiacentia sunt, omnia munia & officia Ecclesiastica, onus, honos, dignitas, & personatus, omnesque virtutes, quibus persona Ecclesiastica commendatur. Differunt dignitas, personatus, & officium. Dignitas est, Ecclesiasticarum rerum cum iurisdictione administrandarum potestas. Personatus est, prerogatiua in Ecclesia omni carens iurisdictione. Officium est ius administrandarum rerum Ecclesiæ, sine iurisdictione; Abb. c. de multa, num. 22. de præben. Felin. in d. rub. Io. de Sella in tract. de benef.

Quæ Pugnancia?

Pugnancia sunt, omnia vitia animi, corporis & originis, seruilis conditio, excommunicatio, suspensio, bigamia, neglectus formæ Ordinationi præscriptæ hæresis, schisma, ambitio, simonia, &c.

AXIOMATA, ET SENTENTIÆ.

Sicuti pro non facto habetur, quod fit ab eo, qui potestatem faciendi non habet: ita pro non dato habetur, quod datur ab eo, qui dandi potestatem non habet, c. quod autem, extr. de iure patronatus.

Propter simplicitatem repellitur quis ab obtinendo, sed non reijciuntur ab obtento, sed datur ei coadiutor, 39. dist. c. Petrus, 7. quæst. 1. c. quia frater, c. cum in cunctis, extr. de elect.

Domus clericorum omnibus debent esse communes, 16. quæ. c. quoniam.

DE SCRVTINIO IN ORDINE FACIENDO.

*TITVLVS XII.**Continuatio.*

Qui ad sacros ordines contendunt, priusquam ordinentur, examini per Archidiaconum faciendo, qui deinde eos probatos Episcopo ordinandos præsentet, subiiciuntur.

Quid Scrutinium?

Scrutinium est, inquisitio scientiæ, morum, vitæ, fidei quæ, institutionis eius, qui Ordines petit, per Archidiaconum, vel Episcopum facta, c. vnico, extr. eod. c. licet, extr. de off. leg. c. 1. dist. 24. per tot.

Quæ causa efficiens?

Causa efficiens, de iure communi, est Archidiaconus, argumento, 23. d. c. Psalmista. Item Episcopus: nam dicitur in cap. quando, dist. 24. quod Episcopus sacerdotibus, & alijs prudentibus viris diuinæ legis peritis, atque in Ecclesiasticis sanctionibus exercitatis, sibi adscitis, ordinandorum genus, ætatem, personam, institutionem, mores, doctrinam, & fidem, vitam, patriam,

patriam, locumque, ubi educati sint, diligenter inuestigare & examinare debeat, d. c. quando.

Quod Obiectum?

Obiectum scrutinij sunt, vita, mores, institutio, doctrina, & alia, quæ circa ordinandi personam, educationemque inquiruntur.

Quæ Forma?

Forma est, vt Archidiaconus, feria quarta proxima ante Sabbathum, quo ordinatio celebrari debet, de moribus, institutione, conuersatione, doctrina, & alijs similibus ordinandi, diligenter inquirat, quibus probatis, eum præsentet Ordinatori, interrogandum: num dignus sit? si ipse (quantum humana fragilitas uosse sinit) responderit, non peccat, licet postea contrarium probetur, d. c. vnico. extr. eod. Dum tamen contra conscientiam non loquatur, aliàs contrà, 28. qu. 1. §. 1. de præscript. c. quoniam, 24. distinct. c. quando. Quæ autem forma inquirendi sit, si Episcopus fide & doctrina conspicuis quibusdam viris id muneris committat, habetur in c. quando Episcopus, dist. 24.

Qui effectus & Finis?

Effectus & finis scrutinij est, examinati coram Episcopo præsentatio: hoc casu, quo Archidiaconus ordines petentem examinauit, & cum examine dignum probauit. Sin autem indignum inuenit, reiectio. At, si Episcopus iunctis sacerdotibus, alijsque fide dignis & doctrina præditis viris examinationem fecerit, admissio ad ordinationem, vel reiectio, prout examini satisfecerit, d. c. quando, dist. 24. c. 1. de offic. Archidiaconi.

Quæ Cognata?

Cognata sunt, alia scrutinia, quæ vel à confirmatore in electum, vel post confirmationem ex officio per inquisitionem contingunt, c. nihil est, extr. de elect. & electi potestate.

Quæ Pugnancia?

Pugnancia sunt, impedimenti, ob quod promoueri non poterat, detectio, veritatis suppressio, mendacium, dolus, culpa scrutatoris & Simonia, c. si qui sine examinatione, 81. dist. c. si seruus, dist. 54. c. quando, distinct. 24. & c. si quis, dist. 24.

AXIOMATA; ET SENTENTIÆ.

Fauores sunt ampliandi, odia autem restringenda, c. re-nouantes, 22. dist.

Qui asserit falsum, dum opinatur verum, si non contra conscientiam loquatur, non peccat, c. unico, extra de serui.

Nullus ordinetur clericus, nisi probatus fuerit, vel examine Episcoporum, vel populari testimonio, c. nullus, dist. 24.

Ipsi, quibus cura inquirendi committitur, cauere debent, ne aut fauoris gratia, aut cuiuscunq; muneris cupiditate illecti à vero decuerint, ut indignum & minus idoneum ad sacros gradus suscipiendos Episcopi manibus applicent: alias uterque, & examinatus & examinatus, & promotus ab aliari Ecclesiasticâque dignitate remouentur, cap. quando Episcopus, dist. 24.

DE ORDINANDIS AB EPI- SCOPO, QUI RESIGNAVIT EPISCOPATU.

TITVLVS XIII.

Continuatio.

Quomodo intelligatur, quòd ab Episcopo, qui Episcopatu renuntiavit, ordinatus, officij executionem non habeat?

Effectus renuntiationis est, ut quicquid post eam sit, quod officio vel iuri, cui renuntiatum est, coheret, non subsistat. Ideò sacros ordines ab Episcopo, qui Episcopatu renuntiavit, suscipiens, executionem officij non habebit. Requiritur tamen, 1. Ut Episcopus non loco tantum, sed simul loco & dignitati renuntiauerit. 2. Ut non minores, qui etiam à non Episcopo conferri possunt; sed maiores & sacros ordines contulerit. 3. Quòd ordinatus sciuerit Episcopum renuntiassè; aliàs si ignorasset, cum culpabilis non sit, ei per dispensationem succurritur. Idem obseruatur, si ab Episcopo excommunicato ordines, à sciente vel ignorante suscipiantur, cap. 1. & 2. extr. eod. cap. gratia, 1. quæst. 1. & cap. statuimus decretum.

DE AETATE, QUALITATE,
ET ORDINE PRAEFICI-
ciendorum.

TITVLVS XIII.

Continuatio.

INter Ecclesiasticas personas, quidam simplici nomine clerici, qui in octo, vel nouem classes distincti sunt, dicuntur: quidam praelati, magna potestate & reuerenda dignitatis praereminentia excellentes, & sub his alij Ecclesiasticorum munium functioni addicti, in quorum promotione certa aetas, vitae & doctrinae integritas, & ordo requiruntur, esse censentur.

*Quae aetas requiratur, ut quis muneri alicui
praefici possit?*

Primò: minor 30. annorum ad Episcopatus dignitatem non ascendit. In dignitatibus autem inferioribus, & beneficijs, curam animarum habentibus, aetas 25. annorum determinata est, in qua sufficit, si ultimus annus coeptus sit, c. cum in cunctis, §. inferiora, extr. de electio, quòd si cura animarum solum sit beneficium, regiminis tamen alicuius onus sentiat, 14. annus sufficiat: sed nullo dato regiminis onere, vel titulo, septem annorum aetas, dum nullam consilij maturitatem eiusmodi beneficium desideret, promouendum idoneum facit, Abb. c. super inordinata, col. fin. extr. de praebend. Abbas quidem 25. anno: Abbatissa, vel Priorissa 30. promoueri possunt: sed Prior, qui vel Collegio praesit, vel curam habeat animarum per se illam exercens anno pariter 25. sin curam animarum per se non exerceat anno 20. At si neque Collegium, neque animarum curam talis Prior habiturus sit, anno 14. esse concederetur, Abb. c. super ordinata. Tamen in dignitatibus, personatibus, alijsque beneficijs, quae curam animarum non habent, non tantum à Papa, verum etiam ab Episcopo, circa aetatem dispensatur, c. vñco, permittimus, eod. in 6. c. cum nobis, §. fin. & c. innotuit, extr. de elect. c. 1. 2. 3. 4. extr. de translat. Episcop. c. quòd translationem, extr. de offic. legat.

Qualitas praeficiendorum circa qua consideretur?

Secundò: cum ad dignitates non admittatur, vel praeficia-

tur quis munij Ecclesiasticis, nisi in ordinibus constitutus; non debet, exemplo ordinandi, præficiendus vitio animi, corporis, vel vitio originis, vel natalium, laborare, & diffamatus esse, vel sexuituti, coercitioni fori secularis, vel administrationi aliorum negotiorum obstrictus: sed omnibus virtutibus præditus, & ab omni suspicione sceleris immunis esse, secundum traditionem Pauli Apostoli ad Timoth. I. cap. 3. asserentis: Oportet Episcopum irreprehensibilem esse, vnius vxoris virum, sobrium, prudentem, pudicum, ornatum, hospitalem, doctorem, non vinolentum, non percussorem: sed modestum, non litigiosum, non cupidum, suæ domui bene præpositum, non neophyrum. Quæ omnia fuscè explicatur in Gratiani decreto, à 23. distinctio. vsque in finē 100. distinctionis. Et specialius exprimuntur in c. his igitur, dist. 23. & c. qui Episcopus, dist. 21. Quibus locis, qualis præficiendorum clericorum conuersatio esset debeat, latissimè disseritur.

Potissimum autem præficiendorum qualitas circa commemoratas virtutes attenditur: quibus non tantum crimina, quibus animus deprauatur, verum etiam inscitia, mali mores, & crassa rusticitas aduersantur. Ob quæ nō tantum ad præfecturas non admittuntur: sed etiam promoti deponuntur. Vnde Episcopus Calinensis, qui confessus est, se nunquam Grammaticam didicisse, vel legisse Donatum, ab Honorio I I I. Pontifice depositus est. Ratio huius est in c. quamuis, extr. cod. Quia contra Deum & Canonicas sanctiones est, tantum in Episcopo tolerare defectum. Alia ratio est in c. indecorum, extr. cod. Indecorum est, vt hi debeant Ecclesias regere, qui non nouerunt gubernare seipsos: cum ad Ecclesiarum regimen tales personæ sint admittendæ, quæ discretione, prudentia, & doctrinæ præstantia præminent, & morum fulgeant honestate, d. c. indecorum, extr. cod.

*Præficiendus in quibus Ordinibus debeat
esse constitutus?*

In admissione clericorum ad præfecturas & dignitates, Ordinis etiam habetur ratio, scilicet vt præficiendus in sacris Ordinibus, & ad minimum, in inferiori sit constitutus. Quoniam Subdiaconus absque dispensatione in Episcopum eligitur, c. à multis, extr. cod. Tamen ad regimen parochialis Ecclesie is, qui nondum est in sacris: sicuti monachus in minoribus Ordinibus in Abbate, instante necessitatis articulo, dispensari possit assumi, c. præterea, & c. tuam in domino, extr. cod.

AXIOMATA, ET SENTENTIÆ.

Exigente necessitate & utilitate, potest Episcopus clericos ad suscipiendos Ordines cogere, c. quæris, extr. eod.

Qui reputatus est dignus ad unum ordinem vel honorem, non debet indignus ad alium reputari, c. gesta, dist. 74. c. Christus, quest. 1.

Sanctius est paucos bonos, quam multos malos habere ministros, c. cum sit ars, extr. eod.

Delictum persona non debet in damnum Ecclesiæ redundare, c. si Episcopum, 16. quest. 6.

In ambiguis rebus non debet esse absolutum iudicium, c. habuisse, dist. 33.

Ordinatus ad sacros sine titulo ab Ordinatore in se petit beneficium, c. accepimus, extr. eod.

Necessitati & utilitati Ecclesiæ omnibus modis succurrendum est, c. quæris, extr. eod.

DE SACRA VNCTIONE.

TITVLVS XV.

Continuatio.

Quidam Prælati, antequam ea, quæ dignitatis sunt, exerceant, cum quadam solennium obseruatione sacra delinuntur vñctione, vt hoc in signum adeptæ gratiæ rectius officio iuncto fungi possint.

Quid est sacra Vñctio?

Sacra vñctio est, visibile signum interiùs infusæ gratiæ, qua Deus cor mentisque sinceritatem ad ministeria & officia, secundum cuiusque vocationem, summo cum pietatis & charitatis seruiore, administranda delinit c. 1. §. per oleum, extr. de sac. Vñctione.

Quotplex est sacra Vñctio? & quid exterior?

Duplex est sacra vñctio, exterior & interior. Exterior est, materialis & visibilis, quæ corpus inungit, illiusque interioris

significatiua, cap. 1. extr. cod.

Quid interior?

Interior est, spiritualis & inuisibilis, qua cor ad nitorem conscientie conseruandum & augendum, diuinamque adipiscendam gratiam vngitur, d. c. 1. §. scire te, extr. cod. Sunt & alie vnctiones, quibus Episcopi, vel clerici vtuntur in conferendis Ordinibus, Baptismate, Chrismate, consecrandis altaribus, dedicandis templis, benedicendis calicibus, quin & Imperator Romanus in brachio, seu in humero vel armō, non autem in capite (vt olim) vngitur, d. c. 1. §. refert, & §. quia verò, & §. vngitur, extr. cod.

Qua causa Efficiens?

Causa efficiens interioris vnctionis est, Deus ipse: exterioris, Episcopus, vel presbyter, vel alius, vngendi potestatem habens.

Qua Materia?

Materia ex qua est, dicitur esse Chrisma: quod conficitur ex oleo & balsamo. Manus enim inunguntur oleo pietatis, caput autem balsamo charitatis, d. c. 1. §. per caput, extr. cod.

Quod Obiectum?

Obiectum est, corpus, & animus eius, qui ad dignitatem euehitur, & vngitur.

Qua Forma?

Forma exprimitur illa solenni verborum conceptione: quibus Episcopus vel presbyter in vngendo vtitur, & legitur de his, 23. distinct. c. Episcopus, 73. distinct. c. 1. in cod. vsque ad §. vnde in veteri. Qualiter autem clerici ordinentur, legitur 23. dist. c. presbyter, & c. sequent. vsque ad c. psalmista, & not. sup. de tempo. ord. §. & a quo, & §. & qualiter, per Host.

Quis Finis & Effectus?

Finis & effectus est, auctio gratie diuinæ, ad exequendum rectius ea, quæ cuiusque ordinatio, dignitas, & conditio requirit, c. Episcopi, §. qualiter, extr. de translat. epis. addit Alphonsus in suo thesauro Christ. relig. adhuc 7. effectus. 2. effectus est, consolidatio spiritualis debilitatis per peccatum inductæ. 3. sanitas corporalis. 4. remissio peccati venialis & mortalis. 5. diminutio pænæ peccato mortali debitæ. 6. interior lætitia. 7. arrestatio diabolicæ potestatis. 8. protestatio decedentis. Quantum explicationem apud Alphonsum, tit. hoc, vide.

DE SACRAMENTIS NON ITERANDIS.

TITVLVS XVI.

Continuatio.

SI quid in Ordine prætermiffum fit, non de nouo inftituenda eft ordinatio: fed, quoad fieri poffit, cautè fupplebitur id, quod per errorem, vel incautè neglectum eft, c. 1. & c. præfbyter, extr. eod. Rationem quare in c. 1. quæft. 1. & c. facramenta, & c. manus. Nifi omninò contra formam Ecclefiæ ordinatio fuerit facta, arg. 12. quæft. 2. c. fine exceptione, 35. qu. 5. c. alter.

DE FILIIS PRÆ- SBYTERORVM.

TITVLVS XVII.

Continuatio.

Et quid Illegitimationis?

Dictum eft fuprà, vitium natalium impedimentum præftare Ordinationi. Quod nihil aliud eft, quàm, fi filius ex parentibus, qui iuxta Imperiales & Ecclefiasticas traditiones, matrimonium non contraxerunt, natus fit. Vnde illegitimationis, id eft, vitiofa conditio natalium, ex iniuftis nuptijs, vel illicito coitu parentum contracta dicitur.

Quæ caufa Illegitimationis?

Caufa illegitimationis eft, coitus nefarius, incestuosus, & concubinatus parentum.

Qui Effectus?

Effectus principaliter funt, priuatio paternæ hæreditatis, diftinctione quadam obferuata. Siquidem filijs ex concubinato natis, vnà cum matre tantum debentur duæ vnciæ hæreditatis paternæ, id eft, fexta pars, §. fi quis autem, cum fimilib. in Auth. quibus modis nat. eft. fui, & Auth. licet, §. ab interitato.

C. de natural. lib. Spuriij autem, id est, ex publico scōto nati, cū patrem demonstrare non possint: sed de matre certi: non patris; sed matri, si non fuerit illustris persona mater, succedūt, gl. in l. si quā illustris, C. de Sen. cons. Orphicijano. Si verò ex incestuoso & nefario concubitu sint procreati, neque ad successiorem patris, neque matris admittuntur. Nec de rigore iuris civilis, illis alimenta debentur à parentib. cū sint, omni parentum substantia indigni: nec nomen habeant filiorum, §. fin. Auth. quibus modis nat. eff. sui, col. 7. Auth. ex complexu, C. de nefar. & incest. nupt. De æquitate tamen canonica debentur eis alimenta, c. cum haberet, & ibi glos. extr. de eo, qui dux. in matri. quam per adul. pol.

Secundus effectus est, quod filij illegitimi; ex quocunque coitu, extra matriam procreati, ad Ordines, vel dignitates promoueri non possunt. Sunt & alij effectus, qui passim colliguntur.

QVÆSTIO.

An filij presbyterorum ordinari possint?

Hic queritur: an filij presbyterorum ordinari possint? Circa quam quæstionem sciendum, filium presbyteri variè dici. Dicitur enim filius presbyteri & legitimè natus, qui ex matrimonio, in quo parens cum legitima vxore, ante presbyteratum, vixit, progenitus est.

Secundo, filius presbyteri dicitur, quem patris in presbyteratu consistentis, effusa libido in lucem produxit: & hic spurio, & ex incestu, damnatoque coitu nato filio, comparatur. Nefas enim est, patrem diuino cultui deditum, rem veneream exercere, illicitosque querere coitus, c. proposuisti, & c. presbyter, dist. 82. & per tot. dist. 83.

1 Tertiò, filius presbyteri dicitur legitimatus, qui quidem à patre presbytero, extra legitimas nuptias natus, sed per diploma Summi Pontificis, vel rescriptum Principis, de plenitudine potestatis legitimationem consecutus est: regulariter enim aliàs legitimari non potest, Bart. in l. si quæ illustris, C. de Senatusconsul. Orphi. Nunc distinguitur: Aut filij presbyterorum sunt ex legitimo matrimonio procreati: aut ex illicito coitu, legitimati. Si ex legitimo matrimonio, aut sunt filij Episcopi, aut clerici in inferioribus Ordinibus cōstituti. Si clerici, aut petunt se promoueri in Ecclesia paterna, vel in qua pater rector mediata, vel immediata extitit: Si pater immediata Ecclesiæ præfuit, non possunt promoueri ad beneficium

cium in eadem Ecclesia, cap. ad extirpandas, & cap. quando, extr. de filiis presbyterorum ord. vel non. Ratio est in cap. ex transmissa, eod. Quia Apostolici rescripti decretum successione hereditariam in Ecclesia Dei detestatur: Sin autem mediatè, videlicet, interposita alia persona, pater rector extitit, tunc cum prohibitionis ratio cesset, promoueri possunt, d. c. ex transmissa. Si autem petant beneficia in Ecclesia, quam pater non rexit, proculdubio admittendi sunt: cum hi non tantum ad beneficia peruenire: verum etiam pro qualitate morum & doctrinæ, dignitatis gradus conscendere non prohibeantur, cap. literas, extr. eod. & c. nisi, §. vnde patet, extr. de renunt. Sin autem Episcopi filij fuerint, & legitime nati, licet possunt ad sacros Ordines peruenire: & in eisdem Ecclesiis, in quibus profunt, vel immediate præfuerunt genitores eorum, nullo impedimento obstante, beneficia obtinere, c. ad hæc, extr. eod. Sin autem filij non ex legitimo matrimonio, sed ex illicito coitu, extra matrimonium, sint progeniti: tunc, aut in vitiis & vestigiis parentum insistant, aut parentum vitia non sequuntur: si parentum vitia æmulantur, tunc cum dux prohibitionis rationes concurrant, ab Ordinibus omnimodè sunt arcendi: sin autem vitia parentum non sequuntur, tunc, aut petunt se promoueri ad dignitatem aliquam, aut ad beneficium. Si ad dignitatem, tunc discretionis adhibito modamine, vitæ, institutionis, doctrinæ, & similium, præuia dispensatione, admittuntur, vel repelluntur, argumento, c. nisi, §. vnde patet, extr. de renunt. c. Cœnomanensem, dist. 56. Si autem petunt beneficium: aut in Ecclesia petunt, cui pater immediate præfuit. Et iterum distingue: aut Episcopus cõtulit filiis sacerdotium, beneficium scienter, & eos remouere nõ potest, c. veniens, extr. eod. aut ignoranter, vel per patrè: vel aliàs filij promoti sunt, & audiendi non sunt, c. ad præsentiam, c. præsentis, c. conquerente, c. quoniam, c. vt filius, extr. de filiis presbyt. ord. Sin autè in Ecclesia, cui pater immediate non præfuit: distinguitur: aut beneficium est curatum, aut non curatum: si curatum, tunc illegitimus; sicuti ad dignitatem & personatum, ita ad beneficium curatum, absque dispensatione, peruenire non potest, c. nimis in tua, extr. eod. si autem curatum animatum non habeat, promoueri cum dispensatione non potest, c. constitutus, c. ex transmissa, c. proposuit, extr. eod.

Cum verò filius presbyteri de plenitudine potestatis fuerit legitimatus, nihilo magis promoueri potest, quàm iuxta distinctiones præmissas, quia legitimatus est similis Alchimie, quæ

quæ facit apparere, quod non est, inquit Bal. in c. 1. col. 5. de const. quem refert & sequitur Iason in l. cum acutissimi, C. de fideicommiss. & idem Bal. in c. fin. extr. de translat. Episcoporum, ait, legitimatum assimilari homini mediato à morbo, in quo semper aliquæ remanent cicatrices. Vtunque ergo spurij efficiantur legitimi, remanent ramen infames de facto, inter bonos & graues viros, Bald. in l. 4. ff. de lib. & posth. infamibus autem portæ dignitatum patere non debent, c. infamibus, de reg. iuris, in 6.

Quæ causæ impulsivæ prohibendi?

Causæ impulsivæ prohibendi illegitimis Ordines, sunt tres. 1. dignitas & excellentia Ordinis clericalis, quæ turpibus & infamibus committi non debent, c. inter dilectos, extr. de excess. prælat. 2. detestatio criminis paterni, quod plerumque in filiis detestatur & punitur, vt in crimine læsæ maiestatis, 6. qu. 1. §. verum, & c. vergentis, c. hæresi, extr. de hæret. 3. causa est, timor paternæ incontinentiæ: cum sæpè filius patris mores sequatur, c. literas, extr. eod. arg. c. quando generaliter, 24. dist. in. c. si gens, dist. 56. c. penult. 2. quæst. 7.

AXIOMATA, ET SENTENTIÆ.

Illegitimus filius sacerdotis, qui hoc tacito, per rescriptum Apostolicum paternam Ecclesiam impetrauit, remouetur ab ea, c. ad præsentiam, eod.

Filius, siue sit legitimus, siue illegitimus, remouetur ab Ecclesia, in qua immediatè successit patri vicario, vel rectori, c. ad extirpandas, extr. eod. c. cum decorem, eod.

Illegitimus, absque dispensatione Papæ, ad dignitatem, vel personatum, vel beneficium curatum, promoueri non potest, c. nimis, eod.

Si illegitimus, maxime filius spurius, instituatur in Ecclesia, in qua institutus est pater, institutio non valet, & instituens à suis beneficiis suspenditur, c. ad abolendam, extr. eod.

Culpa parentum non debet nocere filiis, arg. eod. dist. 56. multorum, 27. q. 2. contra habetur, 6. q. 1. §. verum, & c. vergentis, extr. de hæret.

Indulta principis, intelliguntur sine præiudicio tertij: nisi
Impe

Imperator hoc exprimeret, & motu proprio, & ex certa scientia hoc provideret. l. 2. §. si quis. ff. ne quid in loco pub.

Quod singulari favore conceditur, hoc non est trahendum ad consequentiam: filius igitur sacerdotis, suffragantibus meritis, in Episcopum electus, non deponitur, licet in posterum pro regula hoc non sit assumendum, c. Cœnomanensem, 56. dist.

Nasci ex adulterio, non est eius culpa, qui nascitur: sed illius, qui generat. Iniquitates enim parentum j. liis obesse non possunt: cum non parentum, sed propria culpa quemque condemnent, c. nasci, distinct. 56. & duobus sequentibus c.

Vitia parentum etiam ad posteros transferuntur, c. si gens Anglorum, dist. 56.

Spiritus & serui in Ordinatione equiparantur, c. consuluit, tit. seq.

Filius sequitur conditionem matris: hinc dicitur: partus sequitur ventrem, c. nullus, tit. seq.

DE SERVIS NON ORDINANDIS, ET EORVM manumissione.

TITVLVS XVII.

Continuatio.

STatus & conditio personæ impediunt Ordinationem, nisi is, qui seruituti obnoxius, in libertatem, & ex veteri, in nouum hominem, per manumissionem transmutetur, tot. tit. cod.

Quid Seruius?

Seruitus est constitutio iuris gentium, vt inquit Imperator, Inst. de iure personarum, qua quis contra naturam, alieno dominio subijcitur.

Quæ causa Efficiens?

Causa efficiens sunt, ius gentium, & ius ciuile; quia vel iure gentium, vel iure ciuili, serui fiunt.

Quod

Quod subiectum?

Subiectum est, persona serui dominicæ potestati subiecti.

Quod Obiectum?

Obiectum seruitutis est, seruitium, ad cuius præstationem seruus domino obligatur.

Qua Forma?

Forma seruitutis est, obligatio illa partim iure gentium, partim iure ciuili introducta, qua seruus domino tenetur. Variè autem in potestatem dominicam redigitur. Iure gentium quidem, per captiuitatem, vel natiuitatem: nam capti in bello publico, serui hostium efficiebantur, l. 4. ff. de statu hominum, & natus ex ancilla seruituti obnoxia conditionem sequitur matris, licet aliàs quoad honores & dignitates patris status proficit. Ius etiam ciuile certos modos efficiendi seruos tradit. Primus est, venditio sui ipsius, ad quam requiruntur quatuor. 1. iusta ætas, scilicet 20 annorum. 2. consensus vendentis. 3. participatio precij. 4. notitia conditionis, gloss. in eius gentium, dist. 1. Abb. c. sicut, extr. de iureiuran. Et nota, infra, de Treuga & pace, vide c. de famulis, & c. nullus, extr. eod. c. Episcopus, §. libertus, l. 2. quæst. Secundus, autoritas Principis in confugientibus ad latronum familiam, l. 2. C. quibus ad liber. procla. non licet. Tertius, assertio principalis, l. 1. §. omnes, C. de assert. toll. Quartus, ingratitudo erga patronos, l. 2. C. de liber. & eorum lib. Quintus capitale supplicium. nam damnatus ad mortem per sententiam, seruus pœnæ efficitur, l. qui ultimò, ff. de pœnis.

Quæ causa Finalis?

Causa finalis seruitutis est, vt homines in publico bello capti seruarentur. Imperatores enim captiuos vendere solebant, & per hoc seruare ne occiderentur, l. 4. ff. de statu hominum.

Qui effectus seruitutis?

Effectus sunt. 1. quod seruus, quicquid acquirat, domino, cuius potestati subiectus est, acquirat, l. 1. §. igitur, ff. de statu hominum. 2. quod omnes ei actus ciuilis iuris sunt interdicti: nec testamenta facere, nec testificari: licet ex persona domini contrahere possit, l. si filiusfam. ff. de testamentis, & l. qui testamento, §. seruus, ff. de testamentis. 3. quod sacra & Ecclesiastica munia ei sint prohibita: nec ad Ordines promoueri possit, nisi per expressam manumissionem, vel tacito domini consensu libertatem sit consecutus, tot. tit. hoc, & per tot. dist. 34.

Quæ causa prohibitionis?

Causa

Causa prohibitionis est, utilitas conditionis seruilis, & è diuerso dignitas clericalis, c. admittuntur, § 4. dist.

Quæ Cognata?

Affinitatem quandam cum seruitute, quoad subiectionem, habet, adscriptitiorum, propriorum hominum, & monachorum, vel religiosorum, cuiuslibet Collegij Prælati subiectorum, conditio: in quibus omnibus est quædam seruitutis imago, Nouel. de monach. §. cogitandum.

Quæ Pugnancia?

Pugnancia sunt, ingenuitas, & libertinitas.

Qui dicuntur Ingenui?

Ingenui sunt, qui, quamprimùm, vt nati sunt, liberi sunt: quod fit si ex utroq; parente libero, vel matre tantùm, vno ex tribus temporibus, videlicet, conceptionis, gestationis, vel natiuitatis tempore, in libertate existente, natus est, l. & seruorum, §. ingenui, ff. de stat. hom.

Qui sunt Libertini?

Libertini sunt, quibus per manumissionem à domino libertas concessa est, l. libertini, ff. de stat. hominum.

Quæ causa Efficiens?

Causa efficiens libertinitatis est, beneficentia & voluntas domini manumittentis seruum.

Quod Obiectum?

Obiectum est, ipsa libertas.

Quæ Forma?

Forma libertinitatis est, ipsa manumissio, quæ est constitutio iuris gentium secundarij, qua quis dominio alieno secundum naturam eximitur, l. manumissiones, ff. de iustitia & iure. Et huius, veteri iure Romanorum, tres erant modi, vt apud Ciceronem in Top. & Vlp. in frag. tit. i. Censuræ videlicet, vindicta, & testamentum. Censuræ dicebantur manumitti, qui iussu domini, siue eius voluntate nomen deferrebant in censum anno quoquo lustrali. Est de ea re pulcher locus in Orat. pro Arch. poë. Manumissio vindicta fiebat apud magistratum, prætorē, consulem, & proconsulem, quibusdam solennibus obseruatis. De hac, & de testamentaria manumissione multi sunt in ff. & C. tituli. His tribus modis adiicit Iustinianus, in Instit. tit. de libertinis. §. multis autem, alios manumittendi modos.

Qui Effectus?

Inter alios effectus, hic vnus est, quod seruus manumissus quodam

quodammodo sui iuris effectus, actus iuris civilis exercere, & ad ordines promoueri, eaque, quæ muneris Ecclesiastici sunt, liber peragere possit. Circa hunc tamen effectum distingue: aut seruus ordinatus est, domino sciente, aut ignorante, aut contradicente; si domino sciente, & non contradicente, tacite præsumitur manumissus, & per promotiones ad Ordines liber & ingenuus sit, c. si seruus, distin. 54. Si domino ignorante, præsentatore & ordinatore etiam ignorantibus, minores ordines acceperit, restituendus est domino, c. nulli, distin. 54. Quod si in presbyterum ordinatus fuerit, mulctabitur peculio, si habet, c. ex antiquis, extr. eod. si non habet, tenetur domino ad operas canonicas, c. frequens, distin. 54. Quod si contumaciter hoc recuset, deponi poterit, c. nullus, extr. eod. Cum autem ordinator & præsentator defectum ordinati sciebant, ad duplicatam mancipij æquivalentis præstationem domino tenentur, c. si seruus, distin. 54.

DE OBLIGATIS AD RATIOCINIA.

TITVLVS XIX.

Continuatio.

Obligatio, qua quis ad redditionem rationum obstringitur, ab Ordinibus remouet petentem.

Quæ dicuntur Ratiocinia?

Sunt ratiocinia rationum redditiones, ad quas aliquis obligatur, ex administratione rerum publicarum, vel priuatarum: quæ aliàs dicuntur actionalia & ratioçinalia, c. hæc huius, 12. quæst. 2.

Quid est obligatio ad Ratiocinia?

Obligatio ad ratiocinia est, ius reddendæ rationis, in quolibet negotio, quod quis altero nomine, ex mandato, vel sine mandato, voluntariè, vel à magistratu coactus administrauit, gessitque.

Quæ causa Efficiens?

Causa efficiens huius obligationis est, contractus, vt mandatum, & quasi contractus, vt negotiorum gestio, & tutela-rum administratio.

Quæ

Que Materia?

Materia sunt, negotia publica & priuata, tam in iudicio, quàm extra iudicium.

Que Forma?

Forma certa non potest dari, cum non sit vnum genus negotij, cuius administratio suscipitur.

Quis Effectus?

Effectus est, actio directa negotiorum gestorum, mandati, & tutelæ, qua tenentur gestores, vt sunt procurator ad lites, executor testamentorum, tutor, vel curator pupillorum, rei administratæ rationem reddere domino: qua non reddita, aspirantes ad Ordines repelluntur, tot. titul. cod. & c. 1. dist. 51.

Que causa Impulsua?

Causa impulsua prohibitionis est, vilitas personæ, quæ facile ex officio irregularitatem contrahit. Secundò, præsumptio contra eos, quod non transeat ad clericatum voto religionis, sed vt fugiant ratiocinia dominorum, c. legem, dist. 52. c. 1. 2. & 3. dist. 51.

Que causa Finalis?

Causa finalis est ne Ecclesia molestetur, & incommoda patiatur propter tales, si ob redditas rationes repetantur, capite præterea, dist. 51.

DE CORPORE VITIATIS ORDINANDIS, VEL NON.

TITVLVS XX.

Continuatio.

Vitium corporis magnam deformitatem inducens, licet non appareat, mala tamen vitiati intentione acquisitum Ordinationi impedito est.

Quis dicitur vitiatus corpore?

Vitiatus corpore dicitur, qui debilitate, deformitate, aut impotentia membri, vel totius corporis laborat, c. cum de tua, ext. cod.

*Que vitia corporis sunt causa efficiens**Irregularitatis?*

Causa irregularitatis sunt, vitia apparentia, quæ magnam

deformatem faciei, vel corporis inducunt: siue culpa vitia-
ti, siue absque culpa & casu contigerint: vt est cæcitas, vel
magna deformitas faciei, vel defectus corporis apparens, vn-
dè cæcus, monoculus, vel maculatus in facie, promoueri non
possunt, cap. cùm de tua, extr. eod. c. si euangelica, dist. 55. Et
censetur potissimum deformis defectus corporis, qui sacris
tractandis impedimentum præstat. Vndè Innocentius III.
Abbatem mutilatum manu, qui in promotione sua id frau-
dulenter tacuerat, ab Abbatis officio amoueri iussit, c. expo-
suiisti, extr. eod. Secundò irregularem efficiunt, vitia non ap-
parentia, vel apparentia quidem, sed quæ non ad eò deformem
clericum reddunt, sub distinctione quadam. Aut enim clerico,
casu, vel nolenti, & inuito, vi, vel iniuria Medicorum, vel ho-
stium, sunt illata: vt si per insidias hominum, incuriam Me-
dicorum, vel in persecutione hostium Eunuchus factus, vel
in aliquo membro, ad sacri tamen ministerij functionem ne-
cessario non requisito mutilatus, vel ita natus fuerit. Et his ca-
sibus, neq; ab Ordinibus, neque dignitatibus atceretur, c. si quis
à Medicis, c. si quis pro ægritudine, dist. 55. c. ex parte, extr.
cod. c. Eunuchus, dist. 55. Aut sua culpa abscissio virilium,
vel membrorum mutilatio contrigit; vt si maritus clericum
apud uxorem inueniat, & de membris eius vindictam sumat,
vel sanus seipsum abscidit, vel membrum aliquod amputauit.
Aut sine culpa, tamen voluntariè affectauit, vt ab alijs abscin-
deretur, vel læderetur. Et ad sacerdotij iura, aliòsque Ordines,
vel dignitates non admittitur, 24. quaest. 5. c. placuit, c. mari-
tum, dist. 33. si quis absciderit, & c. lator, dist. 55.

Quæ causæ huius prohibitionis?

Causæ prohibitionis sunt. 1. quia, qui sibi ipsi virilia dimi-
nuit, vel abscidit, vel mutilationem membri inducit; vel ab
alio, vt fieret, affectauit, sui homicida est, & conditioni Dei
inimicus, c. si quis absciderit, dist. 55. Verùm in alijs, qui
sine culpa sua, ab alio; vel casu fortuito, mutilantur, est, sicuti
irregularitatis, ita etiam prohibitionis, causa deformitas in
membris apparentibus, & debilitas tam in apparentibus, quàm
non apparentibus. Cuius consideratio: quæ scilicet deformi-
tas, vel debilitas impedimento ordinationi, vel vltiori pro-
motioni sit: relinquitur Superioris arbitrio & discretioni, at-
gumento, cap. 1. & cap. 2. & penul. extr. de cler. ægrot.

AXIO

AXIOMATA, ET SENTENTIÆ.

Sacerdos, qui sine culpa virilia sibi fecit abscindi, credens se obsequium præstare Deo, præter altaris ministeriũ, officium suum exercere potest, c. significauit, extr. cod.

Vitium magnam deformitatem corporis inducens promotioni ad dignitates, & Ordines obstat, c. cum de tua, extr. cod.

DE BIGAMIS NON
ORDINANDIS.

TITVLVS XXI.

Continuatio.

Bigamia est irregularitatis causa impediens Ordinationem.

Quis dicitur Bigamus?

Bigamus dicitur, non qui cum virgine contraxit, licet prius alij fuerit desponsata: nec qui cum vidua, vel qui plures cognouit concubinas, sed qui duarum vxorũ maritus legitimus fuit, c. debitũ, c. a nobis, c. quia circa, c. nuper a nobis, extr. eo.

Quæ causa efficiens Bigamiæ?

Causa efficiens bigamiæ est, duplex, & iteratum matrimonium cum duabus legitimis vxoribus successiuè contractum, & copula carnali consummatum.

Quis effectus?

Effectus est, quòd bigamus coërcitioni fori secularis ita obstringatur, vt inde recedere non possit; ob idque omni priuilegio clericali nudatus, ab Ordinibus arceatur, c. altercationis, de Biga. in 6. c. maritum, dist. 33. licet necessitate instante in Subdiaconum promoueatur, 34. distinct. c. lector.

Quæ causa prohibendi?

Causæ prohibendi bigamis Ordines secundum Hostiensem, sunt quatuor. 1. Propter defectum sacramenti vnionis: cum carnem suam in plures diuiderit, 26. distinct. c. acutiùs. 2. Propter prærogatiuam Ordinis, c. vna, distinct. 26. 3. Propter signum incontinentiæ: cum, vxore mortua, aliam duxerit, cap. proposuisti, distinct. 82. 4. Ex eo, quòd frequentator coniugiorum non habeat frontem ad viduitatem hortandi, d. c. vna, distinct. 26.

TITVLVS XXII.

Continuatio.

CLericus peregrinus dicitur, qui in remòtis regionibus, extra prouinciã, ordinatus est: is si ordinationem suam quinque Episcoporum sigillis probare non poterit, ad administrationem sacri ministerij, etiam si se ordinatum iuret, non admittitur.

Qua causa prohibitionis?

Causa prohibitionis est, præsumptio, quæ contra ipsum militat, non esse ipsum ordinatum, vel per saltum suscepisse Ordines.

Quis dicitur Ordinatus per saltum?

Per saltum Ordinatus dicitur, qui vel ex negligentia, vel superbia, prætermisissis aliquibus gradibus, ad maiores confugerit Ordines, c. qui verò, & c. solitudo, dist. 52.

DE OFFICIO ARCHI-
DIACONI

TITVLVS XXIII.

Continuatio.

DVo sunt Prælatorum genera: quidam in Episcopatu constituti, magna potestate & reuerenda dignitatis præminetia clari: alij autem maioribus subsunt, & in Ecclesiæ ministerio deseruiunt, vicemque maiorum, si ipsi præesse non possint, subeunt. Quorum inferiorum cuilibet officium suum, ordine & gradibus præminetia obseruatis, assignatur.

Archidiaconus quis dicitur?

Archidiaconus est, vicarius proximus Episcopo, omnem sollicitudinem & curam, tam in clericis, quàm in Ecclesijs eorum, cognitionemque & ordinariam iurisdictionem habens, c. i. extr. de off. Archidia.

Quod

Quod est officium Archidiaconi?

Officium Archidiaconi est, omnia Ecclesiastica officia, vt ritè exequantur, prouidere, Acolytum ordinare, custodiam vaforum habere, de tertio in tertium annum diocèsim, & Ecclesias Episcopo subiectas visitare, quæ emendatione indigent corrigere, promouendos ad sacros Ordines, & beneficijs Ecclesiasticis præficiendos, examinare: postea Episcopo examinatos & probatos præsentare, sedibus condignis quemlibet Prælatum locare, omnem curam & sollicitudinem, tam in clericis, quàm in Ecclesijs eorum, (cùm super his sit districti examinis iudicio rationem Deo redditurus) impendere cognitionem, & iurisdictionem ordinariam exercere, lurgia singulorum audire, Archipresbyteris, Diaconis, & reliquis inferioribus præsidere, & demum in omnibus vicem Episcopi gerere, nisi ardua negotia maiorem auctoritatem desiderent, c. 1. c. ad hæc, c. officium, c. inandamus, c. vt nostrum, extr. eod.

DE OFFICIO ARCHIPRESBYTERI.

TITVLVS XXIIII.

Quis dicitur Archipresbyter?

Archipresbyter dicitur prælatus cæteris presbyteris eminentior, vicem absentis Episcopi in spiritualibus gerens, c. ministerium, & c. officium, extr. eod.

Quod est eius Officium?

Archipresbyteri officium est, officia sacra in cantanda Missa, benedictionibus conferendis, sacramentis ministrandis, & vt sacerdotes in ijs ministrandis se probè gerant, curare, pœnitentem infirmum consulto Episcopo reconciliare, pœnitentiam cunctis alijs sacerdotibus iniungere, atque Archidiaconi præceptis, sicuti etiam Episcopi, obsequium præbere, c. officium, extr. eod. c. nunquã, dist. 5. de consecrat. 2. §. quæst. 1. §. is ita, c. cùm venerabilis, extr. de consuet.

DE OFFICIO PRIMICERII.

TITVLVS XXV.

Quod est Primicerij officium?

AD Primicerij, qui & Cantor, Præcentor, vel Succentor dicitur, curam specialiter pertinet, vt præsit in docendo Diaconis, reliquis gradibus Ecclesiasticis in Ordine positus, lectionesque Diaconis, quæ ad nocturna officia clericorum pertineant, absque vlla negligentia donet. Atque in his, quæ sibi commissa sunt, iurisdictionem ordinariam habet, cap. cum ab. extr. cod. de off. ordina. & cap. vnico, extr. cod.

DE OFFICIO SACRISTÆ.

TITVLVS XXVI.

Quod est Sacristæ officium?

Sacrista, aliàs thesaurarius dicitur, subiicitur Archidiacono, & est eius officium sacrorum vasorum, vestimentorum Ecclesiasticorum, seu totius thesauri Ecclesiastici, necnon, quæ ad luminaria pertinent, custodiam habere. c. vnico, extr. de officio sacristæ, & c. perlectis, 1. 5. dist.

DE OFFICIO CVSTODIS.

TITVLVS XXVII.

Quod custodis officium?

Custos dicitur, cui omnia, quæ Ecclesiæ sunt, custodienda committuntur: siue sint Ecclesiastica ornamenta, vtensilia Ecclesiæ, & linteamenta altaris, & similia. Cuius officium est, commissa suæ industriæ, & fidei diligenter custodire; canonicis horis signa tintinnabulorum pulsare, lampades & laternas accendere, & extinguere, omnes

nes oblationes, eleemosynas, seu decimas pariter inter fratres diuidere, c. 1. & c. 2. cod.

DE OFFICIO VICARII.

TITVLVS XXVIII.

Continuatio.

Contingit, vt Prælati, inferioresque quidam clerici, quandoque varijs occupationibus & negotijs districti, non possint omnibus, quæ officij ratio exigit, interesse: ne igitur ex tali neglectu ad Ecclesiam, vel priuatam, quid detrimenti dimanet, in commissis, ratione officij, sibi negotijs, alterius cuiusdam Ecclesiasticæ personæ opera tanquam fide vicaria vt permittunt Cāones.

Quid est Vicariatus?

Vicariatus est, munus ab Ordinario, vel clerico, ad celebranda diuina ministeria, aliæque, quæ ad munus Ordinarij pertinent exercenda, & expedienda, commissum, c. 1. dist. 94. & c. fin. dist. 93.

Quotupliciter intelligitur Vicariatus.

Vicariatus, vel in ministerijs diuinis celebrandis, vel in iurisdictione exercenda consistere dicitur. Atque hi, qui ad officia sacra obeunda constituuntur vicarij: Qui autem ad iurisdictionem exercendam, Officiales, vel Milli dominici, alijsque nominibus appellantur, gloss. cler. ver. officiales, de rescript.

Quæ est causa efficiens?

Causa efficiens est, consensus cleri, iuncta autoritate Episcopi. Quilibet enim clericorum, qui iusta causa impeditus officio suo fungi nequit, & necessitas, religioque suadeat, ministerio huic peragendo alterius cuiusdam fidem vicariam supponi, potest permissu Episcopi, vicarium, per quem deferuiat constituere. Ex quo apparet, ad constitutionem vicarij duo requiri. 1. Iustam causam, quarum aliquot Hostiens. in §. & in quibus, extr. cod. 12. recenset; cum alioquin in propria persona deferuiare teneatur, cap. quia nonnulli, & cap. relatum, extr. de clericis non residen. 2. Autoritatem Episcopi, consentientis & confirmantis talem constitutionem; cap. non sine, extr. de Arb. Possunt etiam, Papa summus, Pa-

triarcha, Archiepiscopus vices suas presbyteris, diaconis, & subdiaconis committere, c. subdiacono, dist. 94. c. sua nobis, c. ad hæc, extr. de offic. vicarij.

Quod est Subiectum?

Subiectum est, clericus secularis in Ordinibus constitutus: hic siquidem vicarius constitui potest. Non ordinis mendicantium religiosus, neque monachus, vel clericus regularis, nisi cum licentia Prælati sui, cui subiecti sunt, c. in nouo, 16. quæst. 7. c. ille, §. ad prioratus, extr. de rescrip. Neque laicus constitui potest. Ratio horum est: quia in vno eodemque officio non debet dispar esse professio, & indecorum est, vicarium Episcopi laicum esse, & viros Ecclesiasticos iudicare, c. in noua, 16. quæst. 7.

Quod est Obiectum?

Obiectum est, negotium, quod vicario committitur administrandum. Et in spiritualibus & temporalibus consistit: nam si in altero horum tantum constituitur, nihil actum esset, Rebuff. in praxi, tit. de vicar. Episc. num. 18.

Quæ forma constituendi Vicarium?

Forma constitutionis est, vt allegata per constituentem iusta causa constituendi, Episcopus, autoritate & consensu constitutionem confirmet. Quod si autem Superior in dignitate constituat in vrbe, vel in caltris, municipijs, locisque insignibus suæ diocesis, ad iurisdictionem, tam in spiritualibus, quam temporalibus, simul exercendam constitutio fieri debet.

Quæ causa Finalis?

Causa finalis est, ne Ecclesia, vel quis priuatorum, ob intermissum munus, damnum aliquod incurrat.

Qui Effectus?

Effectus constitutionis est, facultas administrandi spiritualia & temporalia, si vicarius à superiore quodam prælato iurisdictionem ordinariam habente constitutus sit: sin autem ab inferiore Clerico, potestas administrandi tantum ea, quæ ipse administrare potuisset. Et sciendum est, spiritualia, iurisdictionis & ordinis esse, sicque administrationem triplicem hæc intelligi. 1. Spiritualium, quoad iurisdictionem: quæ consistit in excommunicando, suspendendo, interdicens, conferendo, instituendo, confirmando, eligendo, præsentando, dispensando, & similibus. 2. Spiritualium, quoad ordinem: quæ consistit in ordinando, deponendo, chrisinate consiciendo, virgini

virginibus benedicendis, Ecclesijs altaribusque consecrandis, &c. 3. Administratio temporalium : quæ versatur in iurisdictione omnimoda tam meri, quam mixti imperij exercendi, atque etiam in actibus quibusdam extraiudicialibus : putà, in quauis alienandi specie, in concedendo ad formam, census, redditus, pensiones exigendo, Rebus. in praxi for. tit. de vica. Episcop. fol. 59.

QVÆSTIO.

An Vicarius mandatam, vel ordinariam iurisdictionem habeat?

Hinc quæritur: an vicarius iurisdictionem ordinariam habeat, vel delegatam? Videtur quòd delegatam. Quia alieno nomine exercet iurisdictionem. Sed contrarium verius: quia vicarius decretum alienationibus minorum, & emancipationibus dare, & omnia facere potest, quæ pertinent ad iurisdictionem ordinariam, l. 2. C. de offic. eius, qui vi. sed hæc, cum causæ cognitionem requirant, delegari non possunt, l. nec quicquam. §. 1. ff. de offic. procons. Ergo ex his patet, vicarium iurisdictionem ordinariam habere, iurisdictionemque Episcopi, & vicarij esse eandem, c. 2. de consuet. in 6. Vnde appellatio à vicario ad Episcopum, qui vicarium constituit, non instituitur, cum hoc modo ad eundem appellaretur, à quo appellatur, sed ad Archiepiscopum rectà dirigitur.

AXIOMATA, ET SENTENTIÆ.

Vicarius consensu Episcopi constitutus, per constituentem, vel rectorem, eiusque successorem, non potest renoueri, portioneque sua frandari, nisi aliqua culpa meritis sit, c. 3. extr. eod.

Idem pluribus Ecclesijs vicarius perpetuus eodem tempore esse non potest: Et qui, dum alicuius esset vicarius perpetuus in diuinis, beneficium curatum postea est adeptus, amplius vicarius esse non permittitur, c. penult. eod.

Clerici in presbyteratu, vel alijs inferioribus ordinibus constituti in vicariatibus Ecclesiarum, quos adepti sunt, alios sibi substituere non possunt, c. clericos, extr. eod.

Vicarius iurisdictionem ordinariam, non delegatam ab Episcopo habet: ergo appellatio à vicario, non ad Episcopum constituentem, sed ad Archiepiscopum legitime constituitur.

Quilibet regulariter debet in persona propria deservire, c. si laicus, dist. 31.

Non debet percipere beneficium, qui negligit officium, c. adiuveris, extr. de cler. coniug.

Non est ferendus, qui lucrum amplectitur, & onus ei annexum subire contemnit, Hostiens. §. & an possit, eod.

DE OFFICIO, ET POTESTATE IUDICIS DELEGATI.

TITVLVS XXIX.

Continuatio.

Est & Delegati iudicis officium, ab Ordinario vel Delegato Pontificis, mandatas sibi iudiciales causas cognoscere, & definire, sicque vice Superioris cognitionem de his habere, vel nolentis, vel non valentis iuste subire.

Quid Delegatio?

Delegatio est, vnius causæ, vel plurium, vel vniuersitatis causarum iudicialiter cognoscendarum & terminandarum ab Ordinario, vel Delegato Papæ inferiori facta commissio, cap. per literas, c. si pro debilitate, extr. eod.

Quæ causa Efficiens?

Causa efficiens est, consensus & voluntas Ordinarij & Delegati Papæ, accedente consensu eius, cui delegatur. Possunt enim Ordinarius & Delegatus Papæ causas iudiciales, per Delegationem alijs committere: Delegatus autem Ordinarius nullo modo, nisi delegetur causarum vniuersitas, c. significasti, c. in literis, extr. eod. & l. cum prætor. ff. de iudicijs.

Quod Subiectum?

Subiectum delegationis sunt, delegans & delegatus. Delegans quis sit, dixi. Quod ad Delegatum attinet, requiritur, vt sit liber homo, masculus, legitimæ ætatis, ingenio & iudicio præditus, prouidus, peritus & persona Ecclesiastica, quæ iurisdictioni delegantis subdit: quia, qui de iurisdictione delegantis

tis non est, inuitus dari non potest. Distingue tamen circa Ecclesiasticam personam. Aut delegatio sit ab Episcopo, aut à Pontifice, vel eius Legato: si ab Episcopo, simplex clericus, modò peritus, ætatisque legitimæ sit, delegatus iudex esse potest. Ætas legitima hoc casu 20. annorum censetur; licet si in minorem 18. annorum consenserint partes, vel cum dederit Princeps, delegatio teneat, cap. cum vigesimum, extr. eod. Quòd si à Papa, vel eius Legato delegeretur, exigitur, vt aliqua in dignitate, vel personatu constitutus, aut saltem Ecclesiæ alicuius cathedralis canonicus sit, c. statutum, ver. vbi sancimus, & ver. Sedis Apostolicæ, & ibi gloss. extr. eod. Hinc est, quod principalis Officialis Episcopi, & religiosus conuentualem obtinens Prioratum, à Sede Apostolica, & eius Legato delegari possunt, licet Officialis foraneus, aut religiosus monasterij sui Prior claustralis non possit, Clem. 2. de rescript.

Qui delegari prohibentur?

Ex quibus patet, quibus delegari prohibitum sit. Quidam enim lege impediuntur, ne delegati iudices fiant: quidam naturâ: quidam moribus. Naturâ, vt surdus, mutus, perpetuò furiosus, & impubes; quia animi iudicio carent, c. cum vigesimum, extr. eod. c. iudices, 11. quæst. 1. c. neque furiosus, 3. 2. q. 7. Lege prohibetur is, qui senatu motus est, & omnes infames, c. licet, extr. de test. Moribus, feminae & serui. Non, quia non habent iudicium: sed quia receptum est, ne ciuilibus officijs fungantur, c. ad probandum, extr. de sententijs, c. mulier, 3. quæst. 5. c. tria, quæst. 7.

Quod Obiectum?

Obiectum sunt omnia negotia Ordinis, & iurisdictionis. Si delegatio fiat in ijs, quæ sunt Ordinis, requiritur, secundum Hostiens. in §. quæ delegari possunt, eod. vt is, cui demandantur, habeat ordinem competentem, c. Pontifices, 7. quæst. 1. c. aqua, extr. de consecr. Eccles. c. quòd ad translationem, extr. de tempo. ord. In ijs autem, quæ sunt iurisdictionis, principium, medium, vel finis causæ delegari potest, c. super quæstionum, §. intentionis, extr. eod. Principium, vt si citatio, vel litis contestatio delegeretur, cap. pastoralis, extr. eod. & cap. super quæstionum, §. 1. eod. Medium: quòd dupliciter contingit; vel delegatur aliquis certus articulus, putà, receptio & examinatio testium, vel simile quid, vel medium, habens causæ cognitionem annexam, putà, committitur totius causæ examinatio à tempore litis contestationis vsque ad sententiam; & priori casu, delegatus non videtur

videtur iudex, quia iurisdictionem per commissionem non consequitur: posteriori autem est iudex, c. cum te consulente, & d.c. super quæstionum, §. nos autem, & §. intentionis, extr. cod. Finis etiam bifariam delegari potest: aut definitiva sententia tantum, reservata executione, & hic iudex est, c. quærenti, extr. cod. aut executio mera & pura, publica sententia, per alium, & is iudex non est, d.c. super quæstionum, §. verum, extr. cod.

QVÆSTIO.

An iudex Ordinarius ea, quæ meri & mixti imperij sunt, delegare possit?

An autem iudex Ordinarius ea, quæ meri vel mixti imperij sunt, delegare possit? videtur quod non, l. 1. 2. & 3. ff. de offic. eius, cui mandata est iuris. & l. ea, quæ sunt, ff. ad Municipalem. Sed iure Canonico, cum Episcopus temporalem iurisdictionem habeat, & potestatem meri & mixti imperij: neque ea per semetipsum exercere possit, infr. ne cler. vel monach. §. quæ sunt, vers. Episcopus. horum exercitium alteri mandare debet, 2 3. quæst. illud, c. in Archiepiscopum, extr. de raptorib.

Quæ Forma?

Forma Delegationis est, ipsius commissionis tenor: qui iuxta causarum, clausularum, & personarum conditionem, & qualitatem, varius esse potest. Siquidem, aut totum negotium, vel principium, vel medium, vel finis causæ controuersæ, vni, vel pluribus, cum adiectione clausulæ, (quod si non omnes) vel duobus, cum clausula (quod si ambo) vel cum clausula (appellatione remota, &c.) vel ad certum tempus, vel in certo loco, committitur. Quod si in literis certa forma præscripta, vel clausula adiecta non fuerit, iuris forma seruatur, c. ex parte, & d.c. super quæstionum, extr. cod.

Quæ causa finalis?

Causa finalis est, administratio iustitiæ: ne ipsa per Ordinarium, si is alijs negotijs distentus causæ cognitioni incumbere non possit, differatur, vel penitus negligatur.

Quis effectus Delegationis?

Effectus est, translatio iurisdictionis & potestatis, de controuersis causis cognoscendi, easque sententia definitiva dirimendi, & secundum iuris formam executionem faciendi, ea. super quæstionum, extr. cod. Sciendum tamen est: si non vni, sed

sed duobus, tribus, vel pluribus, negotium definiendum committitur, simpliciter, absque clausula, (quòd vnus vel alius ex ipsis, sine alijs, vel subdelegatione eorum procedere in delegatæ causæ cognitione non possunt,) & si processerint, sententiámque tulerint, erit sententia prolata ipso iure nulla, cap. cum causa, extr. eod. Dixi sine aliorum subdelegatione. Quia illi, qui impediti sunt, loco suo alios subdelegare possunt, quos si collegæ non admiserint, processerintque, processus irritus fiet, c. quamuis, Abb. in c. coram, extr. eod. Vel si vnus ex Delegatis, rebus humanis eximatur, vel grauem infamiam incurrat, vel propter suspicionem remoueatur, omniũ officium cessabit: quia delegatio, morte vnus expirat, c. vno delegatorum, extr. eod. Et nemo illorum in solidum iudex esse, sed simul omnes iudicandi potestatem accepisse censentur, gloss. in d. c. vno, extr. eod. Secus tamen est, si duobus, vel pluribus delegatur, cum clausula: (Quòd si non omnes interesse potuerint, reliqui nihilominus exequantur,) vel cum clausula: (si ambo interesse nequiuertint, vnus ex illis cognoscat.) Quibus clausulis, impotentia includit voluntatem: vt si vnus vel plures interesse non possint, vel nõ velint, dummodò per certum nuntium, vel literas de hoc constet, cæteri ad causæ cognitionem procedant, adesse nec Subdelegatus impediri Delegati permittitur, nec inors, vel infamia, vel remotio vnus ex delegatis obesse potest, c. cum causa, c. cum super, c. prudentiam, §. 1. & §. adiicimus, extr. eod.

Secundus effectus est, quòd Delegatus Papæ in causa sibi commissa iurisdictionem habeat supra Ordinarium, & quemcunque maiorem, c. sanè quia, extr. eod. ita vt eos, aliòsque extraneos officium suum impedire enitentes, interdicti, vel suspensionis, aliàque censura coercere possit, c. 1. extr. eod. Quod & Subdelegato (cuius constituendi potestatem Delegatus Papæ habet) conceditur, c. ex literis, extr. eod. c. præterea, eod. possitque suam sententiam executioni mandare infra annum, licet ab alio Delegato sententiam latam saltem Ordinarius, quam iniustam etiam sciat, exequatur, c. querenti, & c. pastoralis, §. quia, extr. eod.

Quæ Cognata?

Cognata sunt, mandatum, vicariatus, rescriptum.

Quæ Pugnania?

Pugnantia sunt. 1. mors Delegantis, mors Delegati, mors impetrantis rescriptum, mors eius, contra quem impetratum referi

rescriptum est, re integra, c. significauit, extr. de rescript. & ibi gloss. & Dd. c. ceterum, de rescript. gloss. in c. in literis, eod. cap. licet, eod. 2. Contrarium rescriptum priori impetrato, & de eo expressam mentionem facies, d. c. ceterum, extr. de rescript. 3. Finitio iurisdictionis Delegati, per sententiæ executionem, c. in literis, extr. eod. 4. Lapsus diei, ad quam causa, iuxta delegationis formam, finiri debuerat, cap. consuluit, extr. eod. nisi à partibus prorogata sit, ca. de causis, extr. eod. 5. Mors vnus ex Delegatis causa pluribus commissa, absque clausula (quod si non omnes) cap. vno Delegatorum, extr. eod. 6. Excessus finium mandati, cap. cum dilecta, extr. de rescript. 7. Formæ à delegante, vel iure neglectus, c. ex parte tua, extr. eod. 8. Recusatio Iudicis delegati, ob suspicionem. Quod quibus modis contingit, recenset Hostien. tit. de recusa. iudi. deleg. § que sint iustæ causæ, & c. 9. Reuocatio delegationis re integra, l. indicarum solui, ff. de iud. c. quamuis, eod. in 6. 10. Super causa controuersa & delegata, facta transactio, compositio, acceptilatio, pactum de non petendo, & similia, quibus liti finis imponitur, per Host. hic. Omnibus enim his commemoratis modis delegatio tollitur.

AXIOMATA, ET SENTENTIÆ.

Delegatus iudex hoc diligenter obseruare debet, ne fines mandati egrediatur, c. venerabile, extr. eod. & c. cum dilecta, de rescript. si nulla in mandato formæ præscripta est, iuris formam seruabit Delegatus, d. c. ex parte, extr. eod.

Integrum est iudicium, quod plurimorum sententiis confirmatur, c. prudentiam, extr. eod.

Cui mandata est iurisdictio, omnia, sine quibus iurisdictio expediri non potest, mandata esse intelliguntur, c. sufficiens, extr. eod.

Cum clausula est contra substantiam commissionis, non tenet commissio, quoad sententiam, c. aliquando solet, 3. quest. 2.

Clerici non possunt prorogare iurisdictionem iudicis laici, etiam consentiente Episcopo, sed nec iudicis Ecclesiastici, non sui ordinarij, sine licentia sui Episcopi, c. si diligenti, extr. de foro competen.

In foro

In foro pœnitentiali nullus habet potestatem prorogandi & absoluedi, nisi de consensu proprii Pralati, Inno. c. de causis, eod.

Solennitates in fauorem partium introductæ, de consensu partium remitti possunt: secus in his, quæ pro publica utilitate introductæ sunt, 3. quæst. 5. c. accusatores, & 23. dist. c. quorundam.

Prohibito vno, prohibetur omne id, per quod venit ad illud, c. præterea, extr. eod.

Quod iuris est in vno connexorum, idem in altero, c. translato, extr. de constitut. c. si quis ob, 1. quæst. 3.

Ordinarius etiam si sciat iniustam sententiam, necesse tamen habet executioni mandare, c. pastoralis, §. quia verò, extr. eod.

Ordinarius, vel Delegatus sententiam latam renouare amplius non possunt, c. in lueris, extr. eod.

Verba cum effectu sunt accipienda, c. relatum, extr. de cler. non resid.

Ilum, in quem consensum est, recusare non possunt, c. super quæstionem, extr. eod.

Infames sunt heretici, fures, sacrilegi, capitalibus criminibus irreti, sepulchrorum violatores, & qui se Episcopis opponunt, incestuos, homicida, periuri, raptores, malefici, venefici, adulteri, anathematizati, & omnes, quos Ecclesiasticæ & civiles leges infames pronuntiant: probantur hac, c. infames, 6. quæst. 1. c. hi qui Episcopos, 3. quæst. 4.

Delegatus Papa potestatem habet non solum in partes, sed etiam in alios, qui suam iurisdictionem impediunt, etiam si se multo sint superiores, c. 1. & c. sanè, extr. eod.

Delegatus Papa, nisi malitiose se exoneret, Subdelegatum, ad suscipiendam commissam causam, compellit: in coactione tamen dignitatis & personæ rationem habere debet, c. pastoralis, extr. eod.

Tres sunt casus, in quibus suspicionis causa, coram arbitris

non tractatur. 1. cum recusatur unus ex Delegatis datis cum clausula: (quod si non omnes, &c.) 2. si Delegatus Episcopi. 3. cum Officialis recusatur, quia coram Episcopo causa suspicionis agitur, c. si contra, in 6. eod.

Delegatus Papa subdelegare potest, licet datus sit ex officio, vel de partitioni consensu, vel cum clausula: (quod si non omnes, &c.) c. quoniam Apost. extr. eod.

Delegatus Papa sententiam suam usque ad integrum annum exequi potest: secus autem in Delegato ab Ordinario, ca. querenti, extr. eod. c. significasti, eod.

Si causa committitur intra certum diem decidenda, nisi partes prorogent, per lapsum diei expirat iurisdictio, c. de causis, extr. eod.

Per simplicem commissionem causa potest Delegatus curare, contumacem punire, & reliqua facere, quae spectant ad causam, c. praeerea, extr. eod.

Si causa pluribus simpliciter est commissa, quilibet subdelegare potest, c. quamvis, eod. secus si adiecta clausula: (quod si non omnes, &c.) vel, (quod si ambo,) c. prudentiam, & c. cum causa, iuncto c. cum super, extr. eod.

Post diffinitivam executionis mandatum expirat.

Morte Delegantis non expirat iurisdictio Delegati, coram quo lis erat contestata, c. relatum, eod.

Si primus impetravit primam dignitatem in Ecclesia vacaturam, secundus impetravit certam dignitatem illius Ecclesiae, cum vacaret, & illa postmodum vacat, debetur primo & secundo, c. ex parte, eod.

Delegatio facta dignitatis non expresso nomine proprio transiit ad successorem, c. quoniam, eod.

Si causa simpliciter delegata sit pluribus, reliqui omnes absque uno aliquo, sententiam ferre non possunt, nisi delegationis clausula (quod si non omnes, &c.) adiecta sit, c. causam, c. cion causa, extr. eod.

Si iurisdictio Delegati expiret, in termino peremptorio,
quem

quem paribus assignauit, post congruam horam peremptory, iudex non expectabit contumacem: si non expirat, potest expectare in diem alteram, & iterum citare, cap. consuluit, extr. eod.

Iurisdictio Delegati, re integra, morte mandantis expirat, c. licet, eod.

Arbitri electi ad causam recusationis assignant paribus terminum, ad probandam causam suspicionis: & iudex recusatus compellit arbitros ad causam finiendam, cap. suspicionis, eod.

DISCORD. IVRIS CANONICI, ET CIVILIS.

I.

Iure Canonum, ad perpetuandam iurisdictionem Delegati sufficit citatio, c. gratum, extr. eod. c. anteriorum, 2. quest. 6. Sed iure civili & citatio, & litis contestatio perpetuitatem iurisdictionis inducit in Auth. deleg. §. omnes.

II.

Iure Canonum Delegatus à summo Pontifice, causa media alteri subdelegare, quamuis sibi sententiam referuet, potest. At leges civiles neminem ab Imperatore Delegatum, permittunt causa media, nisi cum sententiæ etiam ferenda potestate, alij demandare, c. super questionum, in prin. ubi Dd. eod. iit. Authen. ad hac, ubi Iason & alij, C. de iudic.

III.

Iure civili, ea, que sunt meri imperij, delegari non possunt, l. 1. 2. & 3. ff. de off. eius, cui mand. est iurisdict. l. ea, qua. ff. ad Municip. Sed iure Canonum Episcopus merum & mixtum imperium habens ea delegare iubetur, cum ipse per seipsum hoc exercere non possit, 23. quest. 4. c. illud, & c. Archiepiscopum, extr. de Rapt.

TITVLVS XXX.

Continuatio.

Cvm Summus Pontifex quandoque in prouincijs, ea, quæ Apostolici muneris sunt, administrandi necessitatem inuenerit: nec tamen, ob distantiam loci, ipse, vel Ordinarius eò loci constitutus, eò quòd ipsi absque singulari Pontificis permisso talia tractare non liceat; commodè expedire possit: mittit Legatos, qui instar Delegatorum vicem suam in his gerant.

Quid est Legatio?

Legatio est, ardui cuiusdam negotij, quod Pontificis auctoritatem desiderat, in prouincia administrandi cuidam clerico facta commissio, c. quòd translationem, extr. eod.

Quotuplex Legatio?

Legatio triplex est: nam quidam de latere Summi Pontificis sunt, & de collegio Cardinalium, c. decreto, c. si quis Episcopus, 2. quæst. 6. & Specula. tit. de leg. vers. superest, num. 3. Quidam missi & constituti Legati dicuntur, Cardinalibus multò inferiores, Speculator d. loco, & c. penul. extr. eod. Tertiò, sunt quidam, qui Legationis officium alij dignitati annexum habent, vnde & Legati nati appellantur, c. 1. extr. de off. leg. in 6.

Quæ causa efficiens?

Causa efficiens legationis est, auctoritas Summi Pontificis: qui solus Legatos rebus arduis expediendis constituit.

Quod est Subiectum?

Subiectum est, vtraque persona, & constituentis Papæ, & in Legatum constituti clerici.

Quæ Materia?

Omnia negotia supremi Pontificis auctoritatem requirunt: quæ nec ordinarius iudex, absque speciali Pontificis mandato exequi potest; licet quandoque & Legatis ea, quæ Ordinarius expedire possit, exercenda committantur.

Quæ Forma?

Forma consideratur circa constituendi modum. Quod variè fit: vel enim ratione certi alicuius negotij, ad certum tempus, in certa aliqua Prouincia: vel indefinitè & generalitèr, ad om

ad omnia negotia, quæ ad Pontificis administrationem pertinent, gerenda constituitur Legatus, capit. quòd translationem, cap. studuisti, & cap. excommunicatis. extr. cod.

Qui effectus, & Finis?

Effectus, & finis considerantur circa officij, & potestatis demandatæ exercitium: quod consistit in absolucendo, conferendis beneficiis, cognitione causarum, statutis etiam, post depositum officium, valituris, in prouincia commissa faciendis, confirmanda sententia per Pontificem lata, eaque executioni mandanda. Primò enim Legatorum officium est, causas audire eorum, qui in prouinciis suis ad se accedunt, & de querelis ad se delatis cognoscere, & Concilium vocare, cap. i. vbi Imm. col. i. & Abb. cap. quod translationem, num. 7. extr. cod. Secundò, statuta rationabilia, etiam, post depositum officium, valitura condere, ca. fin. & ibi Abb. extr. cod. Tertiò, potest Legatus de latere suæ prouinciæ beneficia suæ oblationi referuare: quæ tamen referuationes suæ legationis auctoritate factæ, post legationis depositum officium, & processus super eis habiti, inanes erunt: vt sunt decreta super hisce referuationibus interposita, denuntiationes, inhibitiones per eum, vel per executores factæ, si tamen beneficij collatio celebrata adhuc non fuerit, cap. præsentis, eod. in 6. & ibi gloss. Quartò potest excommunicatos, propter manuum iniectionem in clericos, absolvere, cap. nisi specialis, ca. quòd translationem, extra. cod. Quod Legato, qui non est de latere, non conceditur, cap. excommunicatis. eod. Quintò, potest legatus de latere conferre beneficium vacans, licet illud spectet ad præsentationem alicuius clerici, c. dilectus, extr. eod. ca. i. eod. in 6. Sed non illud beneficium, quod in laici est patronatu, quamuis tunc possit, cum sub patronatu clerici est, ratione Ecclesiæ, quam clericus ipse habet, d. c. dilectus, & ibi gloss. & Abb. cod. Sextò possunt cuiuslibet generis Legati vices suas aliis subdelegare: quorum tamen iurisdictio vnà cum Legati officio, nisi citatio, qua Legati vel subdelegati iurisdictio perpetuatur, præcesserit, extinguetur, cap. fin. vbi Abb. extra. cod. Notandum tamen, quòd Legatus ex generali legatione non possit transferre Episcopos, vel vnā Ecclesiam cathedralē alteri subiicere, & alteri ius primatiæ cōcedere, vel duos Episcopatus vnire, vel vnū diuidere. Quia licet Legato in vnā prouincia cōsistenti generalis legatio cōmissa sit; ad ea tamē, sine speciali mādato, non debet extendere manus, quæ in signū

privilegij singulatis sunt tantum Summo Pontifici reservata, cap. studiisti, c. nisi specialis, c. quod translationem, extr. eod. Quare nec commissionem alij specialiter factam impedire potest: quia mandatum speciale derogat generali, d. c. studiisti, extr. eod.

Quæ Cognata.

Cognata sunt, proconsulatus, prefectura, c. legatos, cod. tit. in 6. mandatum, rescriptum, delegatio, vicariatus, &c.

Quæ Adiacentia?

Adiacentia sunt, iurisdictio, dignitas,

Quæ Pugnancia?

Pugnancia sunt. 1. Lapsus temporis: si ad certum tempus datus sit, c. de causis, extr. de off. dele. 2. Reuocatio Pontificis, ca. ult. & c. excommunicatis, extr. eod. 3. Finitio iurisdictionis, per relationem factam Pontifici, c. licet, extr. eod. 4. Mors Legati: & eius, qui ipsum misit, re integra, c. mandata, extr. de præsumpt. Quia his modis Legati officium finitur,

AXIOMATA, ET SENTENTIÆ.

Cum speciale mandatum derogat generali, Legatus generalis commissionem alij specialiter factam, impedire non potest, c. studiisti, extr. eod.

Ex quo Legatus retulit causam Papa, illius desinit esse iudex, c. licet, extr. eod.

Citatione perpetuatur Delegati iurisdictionio, c. si, extr. eod.

Generalis commissio ad ea, quæ in signum privilegij singularis, sunt Summo Pontifici reservata, non extenditur, c. quod translationem, extr. eod.

Legatus plurimum locorum iurisdictionem habens, in quolibet iurisdictionem suam exercere potest, ita quod facta unius loci in alio explicare possit, c. novit ille, extr. eod.

Sicut iudex secularis cogitur sententiam per iudicem Ecclesiasticum latam executioni mandare: ita iudex Ecclesiasticus sententiam iudicis secularis exequi tenetur, arg. c. cum ad verum, 96. dist. nunquam tamen ad petitionem secularis excommunicabit, nisi canonica monitione præmissa, c. sacro, extr. de senten. excom.

Laicus

Laicus patronus non debet se intromittere rebus Ecclesiæ, nisi quoad defensionem, c. 1. 2. 3. & 4. dist. 10.

Sententia lata contraria primæ non valet, §. diffinita, 2. q. 6.

Excommunicatio est minor Episcopalis, c. corripitur, 24. q. 3. & c. 1. 16. q. 2.

DE OFFICIO ORDINARI II IUDICIS.

TITVLVS XXXI.

Continuatio.

Qui non ab inferiore quodam prælato iurisdictionem ordinariam habente; sed lege aliqua, vel consuetudine confirmatus per se iurisdictioni præest, vel à Principe aliqua potestate præditus est, iurisdictionem ordinariam habere dicitur, l. qui neque, ff. de iud.

Quid iurdictio Ordinaria?

Ordinaria iurdictio est, potestas vniuersaliter exercendæ iurisdictionis inter subditos, proprio iure, vel principis beneficio competentis, c. transmissam, extr. de elect. l. more maiorum, l. & qui vniuersaliter, ff. de iurdict. om. iud.

Quæ causa efficiens?

Causa efficiens. 1. est, consuetudo, vel lex. c. cum contingat, extr. de foro comp. & c. cum ab Ecclesiarum, extr. eod. l. qui neque, ff. de iud. 2. consensus principis tam Ecclesiastici, quam secularis. Sicut enim Pontifex Patriarchas, Archiepiscopos, & Episcopos Ordinarios facit, ita etiam Imperator, Duces, Marchiones, Comites, Barones, & similes, ordinarios constituit, c. in nouo, dist. 21. 3. vniuersitas, per electionem, c. decernimus, extra de iud. c. cum in Ecclesijs, extr. de maior. & obedi. Hinc dicitur ordinaria iurdictio, quæ à Pontifice, Imperatore, Rege, lege vel consuetudine, aut vniuersitate, & non ab alio conceditur, Panorm. in c. cum contingat, extr. de foro comp. & Felinus, ibidem.

Quæ Materia in qua, vel Subiectum?

Materia in qua, vel subiectum, in quo iurdictio subsistit,

est persona, quæ territorium habet, id est, exercitium iurisdictionis. Quia per territorium denotatur iurisdictionis exercitium, Clement. Romani: §. sanè, extr. de elect. gloss. in l. quæcunque, C. de fundis limitrophis. Exercet autem Princeps non tantum iurisdictionem in loco, ubi proprietas terræ ad ipsum spectat, verum si tantum potestatem in certas personas eo loci habeat: propter illas enim territorium habere videtur, Ioan. Andr. in d. c. cum contingat, & Felin. in cap. Rudolphus, vers. territorio, extr. de rescript. cum territorium dicatur eo quod magistratus eius loci infra eos fines terrendi, id est submouendi ius habeat, gloss. in c. fin. de constitut. lib. 6, Innocen. in c. cum ad sedem, extr. de restitut. spoliat. Ex his patet, iurisdictionem potius personæ, quam in territorio, pro loco, ubi iurdictio exercetur, accepto, coherere, Chassa. fol. 91. Personæ autem, quæ iurisdictioni præsumunt, iure Pontificio sunt, Legati Apostolici, Patriarchæ, Prælati, Metropolitæ, Episcopi, principalis Officialis, & quibus collegiata Ecclesiæ præfectus: quamvis Episcopo inferior, ei que subditus sit, cap. nullus, 7. quæst. 2. cap. cum ab Ecclesiis, in princip. gloss. ubi Abb. extr. eod. & idem Abb. in cap. 2. eodem.

Quæ Materia circa quam, vel Obiectum?

Omnia ea, quæ iurisdictionis esse dicuntur: ut sunt, institutio, destitutio, correctio, reformatio, causarum omnium ad forum Ecclesiasticum, de iure spectantium, cognitio, Ecclesiasticarum censurarum promulgatio: quæ Honorius I I L. in cap. conquereute, extr. eod. recenset.

Quæ forma?

Forma varia est. Nam aut de plano, & absque iudicii figura iurdictio exercetur: aut solenni iudiciorum forma observata: quod quidem illi, qui iurisdictioni præest, pro causæ qualitate observare licet. Forma autem probandæ iurisdictionis varia quoque est. Nam per tacitas, vel expressas assertiones fit: vel per vulgi opinionem: vel per iudicum sententias: vel per captionem reddituum, custodum appositionem, & exercitium iurisdictionis, de quibus vide Chassa. fol. 91. in consuet. Burgun.

Quis Finis & Effectus?

Potestas exercendi ea, quæ ad legem iurisdictionis spectant: licet ordinatio iudici, ratione dignitatis, in qua constitutus est, plenior potestas in sua diocesi permittatur. Vnde ius Episcopale, vel pastoris potestas, in tria membra deduci dicitur.

dicitur. Quædam enim ad Episcopum pertinent, iure Ordinis: vt Ecclesiæ, & altarium consecratio, virginum benedictio, clericorum ordinatio. Quædam lege iurisdictionis: vt, corrigendi, conferendi, excommunicandi, instituendi, de causis ad forum Ecclesiasticum de iure spectantibus cognoscendi, examinandique potestas. Quædam lege diœcesana: vt ius exigendi procuracionem, cathedralicum, siue synodaticum ius exigendi & percipiendi census, & decimas, videt. conquerente, & Abb. in cap. dilectus, extr. eod. & cap. 1. 10. quæst. 3. Est & actio confessoria & negatoria effectus iurisdictionis, quæ ex iurisdictione producta ad defensionem eius, iudici ordinario competit, Innocent. in d. cap. conquerente, extr. eod. Et hodie pœna fractæ pacis plectitur, qui alienam iurisdictionem violentiâ dolosè adhibita, violat, Henning. in caus. de territor. Sax. libr. 2. art. 71. Finis etiam est, tuitio subditorum, quam si non iustè curet, diuina vindicta illi erit reformidanda; quoniam, vt dicitur in cap. 1. extr. de off. Archidiaconi, sanguis subditorum à Deo, coram quo tenebitur de omnibus rationem reddere, de manibus suis in die iudicii requiretur.

AXIOMATA, ET SENTENTIÆ.

Licet in genere, quod non licet in specie, cap. si sacerdos, extr. eodem.

Lex diœcesana, & lex iurisdictionis differunt: unde res iudicata in vna non obstat agenti in alia, c. dilectus, extr. eod.

Episcopi, qui per se non possunt, tenentur assumere idoneos coadiutores in diuinis ministeriis, cap. inter cetera, extra. eodem.

Ad hoc, hebeat vt iurisdictionem Prælatus in clericos, vel in Ecclesiis electus, oportet quòd & vniuersas, quæ eligit, sit clericorum, vel religiosorum, vel alias idem Prælatus iurisdictionem de Ecclesiastico Prælato recipiat, & quòd electus sit clericus vel religiosus: cum aliter nec dare, nec recipere possint spirituales, scilicet, excommunicandi, interdicens, & consilium iurisdictionem, cap. contingit, extra. de arbitris.

DE OFFICIO IUDICIS.

TITVLVS XXXII.

Continuatio.

Cum iurisdictiones sint variae, vario etiam iudicis officio administrantur. Merum quidem & mixtum imperium nobilissimè simplex verò iurisdictionis mercenario iudicis officio expeditur.

Quid Iudicis officium?

Iudicis officium est, potestas, quæ ad dirimendas lites, tollendæque grauamina quomodolibet secundum æquitatem exercetur, ut per hoc Religionis, & Reipublicæ statui publicè & priuatim consulatur.

Quotuplex Iudicis Officium? Et qua causa efficiens?

Officium Iudicis duplex est, nobile & mercenarium. Vtriusque causa efficiens est, iuris, vel consuetudinis autoritas, vel constitutio Principis, vel eius, qui ius dandi iudicem habet.

Quod Subiectum?

Subiectum est, quilibet, nisi natura, lege, vel moribus prohibeatur.

Quod nobile Iudicis Officium?

Nobile iudicis officium est, quod iudex sua, id est, iuris autoritate exercet, etiam si nulla proponatur actio, & interdum nomine proprio, nemine petente.

Quod obiectum nobilis officij Iudicis?

Obiectum huius est, inquisitio, & punitio sceleratorum, in integrum restitutio minorum, facultas concedendi veniam ætatis, constituendi tutores, vel curatores adultis, restitutio natalium, restitutio famæ, honoris, creatio notariorum, executio sententiæ diffinitiuæ, & omnia alia, in quibus Iudex imperit officium suum alicui priuatim imploranti, aduersus eum, cum quo de stricto iure nullam habet actionem: sed qui interim ex sola æquitate: & quod dicitur, de bono & æquo ei obnoxius est: vel quotiescunque quis petit à iudice quicquam, in quo alterius personæ non vertitur consideratio, ut notat Zas. in l. i. ff. de iuris. omnium iud.

Quid Mercenarium?

Mercenarium iudicis officium est, quod actioni propositæ coheret, eique deservit.

Quoniam

Quod Obiectum mercenarij?

Obiectum huius sunt, omnia interloquutoria, cui cæpto iudicio index aliquid præcipit, vetat, vel permittit, l. ædiles, §. item sciendum, ff. de ædilit. edicto. Quinimò, cognita iam controuersia, illud iudicis officium deseruit etiam causæ definiendæ. Nam omnes sententias, iudex ex officio pronuntiare dicitur, tam super re controuersa, quàm super fructibus, damnis, sumptibus litis, aliisque accessionibus.

QVÆSTIO.

An iudex secundum allegata, contra conscientiam iudicare debeat?

Quomodo autem in officio suo se gerere, an secundum allegata & probata, & ex Actis contra conscientiam iudicem iudicare oporteat quæstio est, multis temporibus, varijs doctorum rationibus & opinionibus in diuersas partes agitata. Tu distingue: Aut agitur de causâ ciuili, & iudex propriam conscientiam in iudicâdo sequi non debet; sed propter publicam iudiciorum auctoritatem, secundum allegatas à partibus probationes sententiam ferre, l. illicitas, §. veritas, ff. de off. præsid. c. pastoralis, §. quia verò, extr. de off. deleg. gl. & Dd. in c. 1. extr. de off. ord. Imò etiam, secundum leges & Canones, postposita conscientia, c. summopere, 11. quæst. 2. c. iudicet ille, 3. quæst. 7. c. si tantum. 6. quæst. 2. l. rem non nouam, C. de iud. Nec obstat, quod ab alijs assertur, veritatem omnibus rebus præuallere: & propter inquirendam veritatem iudiciorum solennia esse instituta, non vt seruiret iudicijs veritas, c. vnde vi, & c. veniens, extr. de iurciur. peccatèque in eos iudices, qui contra conscientiam iudicant, Eccl. 4. Hisce enim respondetur, ne iudiciorum auctoritas vilescat, non conceditur iudici, neglecta cognitione publica, quæ ex probationibus hinc inde factis elicitur, ex priuata scientia iudicare. Quia secundum allegata & probata iudicando non peccat: cum non ex cuiuslibet priuati instructione: sed ex confessionibus, depositionibus, allegationibus, & alijs, quæ in eius præsentia proponuntur, formare animi sui motum debeat, c. in præsentia, extr. de renuntiat. & vt publica persona, postpositis proprijs phantasys & conscientia, quæ plerumque erronea esse solet, prout facta in iudicio sibi est fides, iudicare, c. placuit, 6. quæst. 2. Si autem de causâ criminali agitur, rectius faciet, si sequendo conscientiam Reum absoluat, vel in tanta ambiguitate &

discrimine rerum deponendo iudicandi officium, causam alteri cognoscendam & definiendam committat, Ioan. And. in add. ad Spec. tit. de dif. & alleg. aduocat. §. fin.

DE MAIORITATE, ET Obedientia.

TITVLVS XXXIII.

Continuatio.

DEcorum est, cum certi clericorum sint gradus, ut illi, qui in inferioribus sunt constituti, Prælatorum superiorum præminentiam & dignitatem debita obediētia reuerentur.

Quid Maioritas?

Maioritas est, prærogatiua, qua quis cæteris paribus vel inferioribus dignior, maiori honore afficiendus est, c. extr. eod.

Quæ causæ Maioritatis?

Causæ esse possunt; prærogatiua Ordinis, consecrationis, dispensationis, prioritas & præminentia ordinantis. Ordo enim efficit, ut Pontifex presbytero, & presbyter diacono, & c. maior, honorabilior, & magis reuerendus sit. 2. Consecratio, ut Episcopi, qui consecrant clericos, c. olim, dist. 95. 3. Dispensatio: unde Archidiaconus maior est Archipresbytero, cap. 1. extr. de off. Archipresb. 4. Prioritas: unde prior tempore alteri præferendus est, c. 1. extr. de parœciis. 5. Præminentia ordinantis: quia ordinatus à Superiore inter alios eiusdem Ordinis magis est honorandus, c. per tuas, extr. eod.

Qui Effectus?

Effectus maioritatis sunt. 1. Quod prior in Ordine, etiam in sessione, subscriptione, responsione, dignitate, vacantium collatione, & etiā in perceptione beneficii præferatur, c. hinc igitur, 18. dist. c. episcoporum, dist. 74. & habet hoc locum in æqualiter meritis: nam digniores etiam post ordinati, in electionibus præferuntur, c. licet, 8. quæst. 1. Item in his, qui eiusdem sunt ordinis & dignitatis; aliās secus, c. consuluit, dist. 74.

2. Quod ille, qui maioris dignitatis est in Ecclesia, vel si non est ibi dignitas, qui maioris est Ordinis, vel si sunt æqualis Ordinis, ille qui prius ordinatus est, magis honorandus, & pos

& possit nominare, vel solenniter eligere personam in Scrutinio: nisi forte alius de iure consuetudinario, vel ex privilegio hoc habet, c. 1. eod. Similiter, vacante Ecclesia, Præpositos, vel Abbates, vel alius prior vocare debet, & alij tenentur intendere, c. 2. Subdiacono, dist. 93.

3. Quod non obstante absentia vocatorum, valebit per præsentem actus celebratus.

4. Quod ad sacros Ordines promotus in minoribus ordinibus constituto in electione præferatur, c. statuimus, extr. eo.

5. Maior in ordine, licet in Ecclesia posterius receptus, in loco & portione præferatur, c. statuimus, extr. eod.

6. Quod alij omnes huic, ob maioritatem, obedientiam præstare teneantur, toto tit. extr. eod.

Quid Obedientia?

Obedientia est, subiectio, quam inferior clericus superiori, iuxta iuris statutiq; normam, vel manu data, vel præstito iuramento promittit, c. cum in Ecclesiis, & c. legebatur, extr. de maior, & obed. c. dilecti filij, eod.

Quæ forma Obedientia?

Forma obedientiæ, quam præstant Episcopi Metropolitanis, habetur in c. dilecti filij, extr. eod. De forma Abbatis, c. ne Dei Ecclesiam, extr. de simon. Quomodo Canonici fidelitatem iurant, habetur c. cum inter, extr. de sententiis, & re iud.

Quod Obiectum?

Obiectum obedientiæ est, præstatio reuerentiæ, obsequij, honestorumq; officiorum, c. statuimus, extr. eod. cap. non oportet, dist. 93.

Quæ Pugnancia?

Pugnantiæ sunt, inobedientia, proteruitas, & pertinacia clerici, in quem præna infamiæ, excommunicationis, vel depositionis, & expulsionis Canonibus statuta est, c. si quis venerit, extr. eod.

AXIOMATA, ET SENTENTIÆ.

Sede Episcopali vacante, intrisdictio potestasq; ordinaria, quæ Episcopo competebat, omnis tam spiritualium, quam temporalium administratio interim ad Capitulum spectat, c. cum olim, c. his quæ, extr. eod.

Primus Ordinatus ceteris paribus prior & maior habendus est, c. 1. extr. eod.

Qui maior est ordine, licet in Ecclesia posterius receptus, in loco & portione praeferitur, c. statimur, extr. eod.

DE TREVCA, ET PACE.

TITVLVS XXXIIII.

Continuatio.

Nihil magis Prælatos Ecclesiæ commendat, quàm si providentia, studioque efficiant, ut subditorum salus, non seditionibus, contentionibus, vel iniuria hostium conturbata periclitetur: sed in tuto, summaque tranquillitate sit collocata. Quod sanè fiet, si conuentione, de pace seruanda, publicè habita, animi Principum, quasi furore perciti reconcilientur.

Quid Treuga?

Treuga est, nondum pacatis turbis discordiisque, personis & rebus ad tempus securitatis promissio facta, & dicitur in l. fœdus, & induciæ.

Quotuplex Treuga? Et quid conuentionalis?

Treuga duplex est, conuentionalis & canonica. Conuentionalis dicitur: quæ ex conuentione recipit formam, sicuti quilibet contractus: & hæc hosti Romano seruanda est, c. noli existimare, 2 3. q. 1. & c. innocens, 2 2. quæst. 4.

Quid canonica Treuga, & quotuplex?

Canonica est, vel perpetua, vel temporalis. Perpetua est, concessio securitatis personis priuilegiatis, absque vlla temporis præfinitione facta: & illa potiuntur clerici, monachi, conuersi, peregrini, & rustici cum animalibus & ministris omnibus rusticanis, dum sunt in agricultura, siue eò se conferant, vel illinc redeant, c. innouamus, extr. eod. c. si quis, 2 4. quæst. 3. Habent autem hoc securitatis priuilegium rustici, quamdiu fuerint in agricultura: sicut milites à ciuilibus oneribus, quamdiu militant, immunitatem habent, l. fin. C. de rustic. mili. Ita etiam clerici tam seculares, quàm religiosi & conuersi, dum in Ecclesiis canonicè & regulariter viuunt, gaudent priuilegio clericali, c. fin. extr. de vita & honest. cler.

Quid

Quid temporalis?

Temporalis treuga, sunt induciæ, ratione temporis omnibus communiter concessæ & datæ; & durat hæc temporalis treuga, à quarta feria, post occasum solis, vsque ad faciendam feriam ante ortum solis, feria quinta propter Ascensionem Domini, feria sexta, propter Domini Passionem, die Sabbatho, quia dies est requiei, die Dominica, propter Resurrectionem. Item aduentu Domini, vsque ad octauas Epiphaniæ, & à Septuagesima, vsque ad octauas Paschæ. c. i. ext. cod.

Quæ causa efficiens?

Causa efficiens est, ius gentium; inde enim bella, captiuitates, fœdera pacis, induciæ, & postliminia, &c. cap. ius gentium, dist. i. Sed magis propinqua conuentionalis treuga est; conuentio Principum bellici, qui quadam iusta causa mori gerendo bello, & expeditioni ad tempus renuntiant, cap. i. extrauag. eodem.

Quod obiectum?

Obiectum treugæ sunt, expeditiones, contentiones, discordiæ, turbæ, bella iusta, vel iniusta.

Quid Bellum iustum?

Bellum iustum est, quod pro defensione propriæ patriæ, & legum paternarum, pace vel iustitiâ tenenda, instituitur, cap. si nulla, 2. 3. quæst. 8. cap. noli. 2. 3.

Quid iniustum?

Iniustum bellum censetur tripliciter. i. Ratione rei: si non pro repetendis rebus; sed ad furta, latrociniaque exercenda, bellum geratur, cap. i. 2. 3. quæst. 2. & quæst. ult. c. noli. 2. 3. Ratione causæ: vt si voluntariè, non necessariò, ad eòsequendam pacem: sed ad vindictam, & ultionem pugnetur, ead. quæst. cap. noli, & c. quid culpatur, eod. 3. Ratione personæ: vt si quis absque authoritate Principis, vel persona talis sit, cui non licet sanguinem effundere, nec per se, nec per alium: vt si persona Ecclesiastica bellum instituât; cap. i. quæst. 2. eod. cap. ex multa, extrauag. de voto.

Quæ causa finalis?

Causa finalis est, vt in tuto sit Reipublicæ salus, c. i. ext. eod.

Qui Effectus?

Effectus treugæ est, ipsa securitas, quam durante tempore, ad quod induciæ factæ sunt, sub pœna excommunicationis nemo turbare debet, c. i. ext. eod. c. fin. extr. de trans. c. nulli, 2. quæst.

quæst. 1. Secundò, est ipsa obligatio naturalis, quæ ex conuentione inter Principes belli celebrata proficiscitur: qua omnes fidem seruare promissis conuentis tenentur.

Quæ Cognata?

Cognata sunt, transactiones, iuris gentium conuentiones, & pax. Differt pax à treuga, quòd treuga ad certum tempus suspendat discordias; pax autem penitus finem imponat. Host. hic.

Quæ Pugnantis?

Pugnantis sunt, violationes, fidei promissæ non obseruatione, calliditas, deceptio, iniuriæ, oppressio.

DE PACTIS.

TITVLVS XXX.

Continuatio.

Conventionum species, aut ex publica, aut priuata causa, proficisci docet Vlp. lib. 4. ad Edictum. Vnde publica conuentio, quæ per Principem celebratur, aut quoties inter se Duces belli quædam paciscuntur, de qua superiori titulo: & legitima conuentio, quæ lege aliqua, vel Canone, qui legis loco est, confirmatur, l. 5. & l. 6. ff. eod. quæ non tantum ad agendum, verum etiam excipiendum proficit, Actorisquæ experientis intentio hac exceptione pacti per Reum in iudicio conuentum obiecta perimitur, c. 1. extr. eod.

Quid pactum?

Pactum est, duorum vel plurius, de rebus corporalibus, vel incorporalibus hominum commercio non exemptis, seu negotio contrahendo, honesta & licita conuentio.

Vnde pactum dicitur?

Dicitur à pactione, vt Vlp. ait. Vnde pacis nomen descendit: pactum enim est effectus pactionis, & quasi obligatio, quæ ex pactione, conuentione, vel paciscendi actu, nascitur, l. 1. ff. de pactis.

Quotuplicia sunt Pacta, & quæ publica?

Duplicia in genere; publica scilicet, & priuata. Publica sunt, quæ per Principem, Summum Pontificem, Archiepiscopum, Clerum, vel quemcunque alium, qui potestatem regendi habet, Religionis, vel Reipublicæ causa fieri contingit.

Quid Priuatum, & quotuplex?

Priuatum est, conuentio licita & honesta, quæ de rebus pri

priuatorum celebratur, l. conuentionum, ff. de pactis. Et illud vel est iuris gentium, vel legitimum, seu canonicum.

Quid Pactum iuris gentium, & Legitimum?

Iuris gentium pactum dicitur, omnium hominum, qui ratione vtuntur, approbata conuentio, l. iuris gentium, ff. eod. Legitimum autem, seu canonicum, quod lege aliqua, vel Canone, sicuti hodie ferè omnia pacta nuda sunt, firmatur, l. legitima, ff. eod. & c. i. extr. cod.

Quæ causa efficiens?

Est duplex, propinqua & remota. Propinqua est, consensus pacifcentium, d. l. iuris gentium, ff. eod. Remota est Canon, vel lex gentium, ciuilis vel prætoria, quæ eiusmodi consensum approbant, & ad obligandum volunt esse efficacem, c. i. extr. de pactis, l. i. §. penult. ff. eod. l. an inutilis, ff. de accep. l. in venditionib. ff. de contrah. empt. l. 5. 6. 7. ff. eod.

*Quorum consensus ad paciscendum efficax,
vel qui pacisci possint?*

Omnes pacisci possant, qui non prohibentur. Nam pacisci & contrahere, est de genere permissorum, l. quod si minor, §. non semper, ff. de minor. l. sicut, C. de act. l. mutos, ff. de procurat. Prohibentur autem quidam natura, quidam Canone, & lege. Natura, quidem, qui nullo iudicio & intellectu præditi sunt, nec consensum accommodare possunt: vt sunt amentes, furiosi, infantes; puta, qui sunt intra septennium, muti & surdi coniunctim, l. i. §. furiosum, & §. penult. ff. de act. l. 4. ff. eod. l. in quibuscunque, de act. l. vbi, ff. de regul. iur. Canone prohibentur pacisci de rebus Ecclesiasticis omnes illi, quibus non est concessa facultas alienandi illam rem, absque consensu Capituli, vel superioris Prælati. Lege prohibentur impuberes, minores, prodigi, & mulieres: Qui licet adeò iudicio mentis polleant, vt negotium intelligant: tamen ne facilitate ducti in perniciem suatum rerum ducantur, volunt leges & senatusconsulta, vt hæc per pactum alterius obligationem in se non transferant: illi verò adeò alterius arbitrio regantur, vt indifferenter pactis, vel contractibus iis, cum quibus paciscuntur, vel contrahunt, non obstringantur, licet ipsos in vtilitatem eorum habeant obligatos, l. in negotiis, ff. de regul. iur. l. i. ff. de minor. Instit. §. 1. de auct. tut. l. contra, ff. eod. l. is cui, ff. de verb. oblig. l. 3. C. de in integ. restituitur.

Quæ

*Quæ divisio Pactorum signitur à causa efficiente?
Quid expressum, & quid tacitum?*

Quòd quædam pacta sint expressa, quædam tacita. Expressum pactum est, duorum vel plurium in idem verbis, vel literis expressus consensus, l. 2. ff. eod. Tacitum est, conuentio, quæ ex præsumpta & quasi ex coniecturata contrahentium elicitur voluntate, l. 2. C. de pact. l. aduersus, C. de vsu. & l. qui in futurum, ff. eodem.

Quæ Materia?

Dignitates, prælaturæ, & omnia beneficia, tam curata, quam non curata. Res, quæ in commercio hominum consistunt, siue præsentis sint, siue absentes, dum tamen sint paciscentium propriæ, cap. plerique, c. cum pridem, extr. eod. l. ff. in exceptione, §. omnium. ff. de contrah. empt. l. pactum, ff. eod. l. 3. C. de donat. l. interdum, ff. de verb. oblig. l. 1. & 2. ff. de except. rei iudic. Et in genere, omnes res, de quibus pacisci Canonis vel legis nulla extat prohibitio.

*De quibus rebus Canones vel leges pacisci
non permittunt?*

De illis rebus, quæ impossibiles, turpes, vel ex quarum conuentione periculum animæ, turpitudine, impossibilitas, vel absurditas inducitur, vel Ecclesiæ nocumentum infertur. Vnde non valet pactum, quo id agitur, vt beneficium pro pecunia resignetur, quia committitur simonia, cap. cum pridem, extr. de pact. Et sicut pactum de hæreditate viuentis, absque eius voluntate iure ciuili improbat, l. pactum, l. licet, & l. fin. C. de pactis, ita etiam pactum de succedendo post mortem Prælati, in ipsius Ecclesia, iuxta canones, nullius momenti est, cap. accepimus, extr. eod. Ratio est. Quia Canones hæreditariam successionem in Ecclesia Dei detestantur, 8, quæst. 1. c. Apostolica, c. ad extirpandas, ca. præsentium, & c. ex transmissa, extra. de filiis Presbyterorum. Et in spiritualibus omnis pactio rei conuentio illicita videtur potissimum, si de iis obtinendis fiat, 1. quæst. 2. ca. quæ pio, & infr. de simon. c. tua, & infr. tit. prox. ca. præterea, ca. super, eod. & infr. vt Ecclesiastica beneficia, cap. vt nostrum. Etiam si iuramento talis pactio sit firmata; quia in animæ detrimentum vergit, capit. grauis, extr. de censibus & cap. tua nos, extr. de iureiur.

Turpes pactioes sunt, quæ vel fiunt de turpi re; vt si quis promit

promittat, se facturum homicidium, sacrilegium, vel quid aliud, l. veluti, ff. de ver. oblig. §. quæ turpi, Inst. de incestis, & inutilibus nupt. Vel, ob turpē causam: veluti si paciscar, ne furti, iniuriarum, vel de dolo agam, l. si vnus, §. pacta, ff. de pactis. Quæ omnes Canonibus sunt prohibita, 22. q. 4. c. vnusquisque, & c. in malis promissis, & c. non semper promissa, c. definitio. c. si ad peccatum, & c. mulier, eod.

Impossibilis dicitur res, & ob id impossibile pactum, cuius commercium per rerum naturam haberi non potest, l. impossibile, ff. de re iud. c. pactiones, extr. eod. Denique de rebus aut iuribus publicis, nisi secundum iura publica pacisci non licet. Nam quæ publica sunt, pactis priuatorum mutari posse, absurdum esset, l. ius publicum, l. contra, l. ius agnationis, ff. eod. l. 3. §. fin. ff. ad l. Iuliam, de vi pub. l. si vnus, §. pacta, ff. eod. c. si diligenti, extr. de foro comp. Sic etiam pacta, quibus redditibus Ecclesiæ detrahitur, vel grauamen adijcitur, vel aliquod præiudicium sit, infirma sunt, c. plerique, 16. quæst. 1. & c. si quis laicus, & l. inter debitores, ff. de pact.

Quæ diuisio Pactorum sumitur à materia? Et quid pactum reale, & quid personale?

Quòd quædam sint personalia, quædam realia. Omne pactum generali quadam ratione transiussionis cum in rem dirigitur, reale est. Dicitur tamen sic reale propriè, quòd circa rem principaliter versatur, Bart. in l. pactorum, & Iason in l. 7. §. prætor, ff. eod. Personale autem pactum dicitur, quòd personam paciscentium respicit, nec eam egreditur, cum in heredes non descendat, l. si vnus, §. ante, & l. idem, ff. eod. Sumuntur & aliæ diuisiones ab ipsa re, de qua pactio celebratur. Vnde & pacta dicuntur legitima & illegitima, ratione rei honestæ, vel turpis, super qua interponuntur, d. l. si vnus, & c. vnusquisque, 22. quæst. 4.

Quæ Forma?

Quòd absque obseruatione solennium, quæ in stipulationibus requiruntur: sed promissione tantum, vel absque promissione, inuicem datis manibus, vel interrogatione & responsione, siue congruat, siue non, & ex interuallo, inter presentes: inter absentes autem per nuntium, vel epistolam, literis vtrò citroque missis pacta conficiantur, l. 2. ff. eod. Iason numer. 7. §. sed cum nulla, numer. 32. & in rub. de verbor. oblig. 5. & 6.

*Quæ diuisio sumitur à Form. i? & quid Pacta
nominata, & innominata?*

Quædam pacta sunt nominata, quædam innominata. Nominatum pactum est, quod, ob certam contrahendi speciem, quam obtinet, certum aliquod contractus nomen induit, l. iuris gentium, ff. cod. Pactum innominatum est conuentio, quæ, cum nullum permutationis synallagma contineat, nomine destituta æquitati naturali subnixæ manet, l. si tibi, C. de locato. Sunt & quædam pacta iudicialia: quædam extraiudicialia, quædam verbis; quædam scriptis & instrumentis celebrantur.

Quæ causa finalis?

Causa finalis pacti, est acquisitio, vel remissio, l. 1. cum donationis, C. de contract. Cum enim pacta, iure Canonum & ad agendum, & excipiendum sint efficacia, sicuti ijs de iure Actoris quandoque remittitur, ita ius Actori tribuitur, & quandoque confirmatur, l. 2. quæst. 2. c. quicumque, c. 1. & c. 2. extr. de pactis.

*Quomodo iuxta finem Pacta diuiduntur? & quid Pactum
obligatorium & liberatorium?*

Pacta quædam sunt obligatoria, quædam liberatoria. Pactum obligatorium est, quo paciscentes ad aliquid dandum vel faciendum obligantur, Iason in rubr. de verb. oblig. Dd. in l. tale pactum, ff. cod. Liberatorium est, quo actio ex iure cõpetens mediâte accepti latione, vel nouatione ipso iure, vel ope exceptionis tollitur, d. l. tale pactum, ff. cod. Et hæc diuisio etiam diuersum pactorum effectum concernit.

Quis effectus Pactorum?

Effectus pactorum iure pontificio est, condictio ex Canone, c. 1. & 3. extr. cod. 20. q. 1. c. puellæ, 22. q. 4. c. innocens, 18. q. 2. c. Eleutherius. Licet enim, de iure ciuili, ex nudo pacto non detur actio, tamen cum eiusmodi pacta obligent naturaliter, & ex bono & æquo, l. 1. ff. cod. & l. 1. ff. de const. pec. sequitur, eum, qui pacta non seruat, contra naturam, conscientiam, atque adeo contra officium boni viri facere, ac peccare mortaliter, gloss. in c. 1. extr. de pactis. Nam & Paulus ad Ro. 1. eos, qui pacta non seruant, inter illos numerat, qui capitaliter delinquant. Ergo indistinctè, ex pactis nudis serio & deliberatè initis, etiam in foro ciuili hodie datur actio. Quoniam
definitum

definitum est inter Dd. vt quotiescumque agitur de vitando peccato, deque causa conscientie, toties etiam in foro civili ius pontificium seruari debeat, cap. 1. & cap. 2. vbi Dd. extr. de operis noui nunt. Castrenf. in auth. At qui semel, num. 3. & 4. C. de probat. cum similibus, quia inter simplicem loquelam & iuramentum non facit Deus differentiam, 22. q. 3. cap. iuramenti, & 12. quest. 2. cap. quicumque suffragio.

Ratione effectus quomodo diuiduntur Pacta?

Et que Pacta nuda & vestita?

Quædam pacta dicuntur nuda, quædam vestita. Vestita sunt, quæ vel coherencia contractus, vel rei traditione, vel iuramento, vel lege, sunt firmata. Nuda autem sunt, quæ nudo paciscentium consensu, absque alio adminiculo nituntur. Et hæc ad producendam actionem inefficacia sunt: sed cum & ea, si deliberato animo fiant, canonica sanctione comprobentur, in hoc à vestitis pactis non discrepant, d. cap. 1. & ibi Dd. extr. cod. Quandoquidem & tale nudum pactum donationis causam, ex qua hodie datur actio, in se continere videtur, argumento l. Campanus, in fin. ff. de operis liber. l. si quis argentum, C. de donat. Cum is, qui paciscitur donationis causam, rem certam & indubitaram iure civili liberaliter remittat, l. 1. ff. de transact. Agi igitur ex eo potest, l. iuris gentium, §. quini-mo, ff. eodem.

Que Cognata?

Treuga, pax, transactio, literarum obligatio, verborum obligatio, & contractus in genere. Differunt autem pactum in genere à contractu & transactione, sicut genus à specie. Nam contractus illas tantum conuentiones continet, in quibus obligatio inest mutua, seu, vt loquitur Iustinianus, synallagma, transactio tantum ad ea conuenta pertinet, quibus res dubie remittuntur, l. transacta, cum l. seq. ff. de verbor. signif. Pactum autem, velut genus, omnes contractus, transactiones, & si qua similia sint, promissa & conuenta complectitur, siue synallagma contineant, siue non contineant, siue rem transigant, siue non transigant, l. 1. §. 1. ff. de pact. In specie tamen pacisci & transigere hoc differunt, quod is, qui transigit, quasi de re dubia & lite incerta transigit; qui vero paciscitur donationis causam, rem certam & indubitaram iure civili liberaliter remittit, l. qui ff. de trans. Sic conuentio idem est, quod pactio,

causa ipsius pacti, quod effectum est, actum paciscendi significat. Et sicuti literarum obligatio, literis, & verborum obligatio verbis, contrahitur: ita etiam pactum literis & verbis, absque tamen obseruatione solennium; quæ in illis requiruntur, fieri contingit, l. 2. cod. l. 1. §. 1. l. continuus, ff. de verbor. obligat.

Quæ Pugnancia?

Primò: Error, dolus, metus, imbecillitas, intellectus. Hæc enim substantiam pactorum, id est, consensum impediunt, quò minùs rectè, & ad producendum effectum, adhibitus videatur, l. si per errorem, ff. de iurisd. Bart. in l. & eleganter, ff. de dolo. Secundò: Vitium materiæ; ut cùm turpis res, illicita, vel publica, in pactum deducitur, l. non dubium, C. de legibùs, 8. quæst. 1. cap. Apostolica. Tertiò: Contrarium posterius pactum, l. ab emptione, ff. eo. & l. pacta nouissima, C. cod. Quartò, Pernicies Ecclesiæ, cap. plenique, extr. de pact. Quintò, Periculum animæ, cap. pactiones, & c. cùm pridem, extr. cod.

AXIOMATA, ET SENTENTIÆ.

Quandoque detrahendum est sinceritati, ut maioribus malis sanandis charitas sincera subueniat, cap. ut constitueretur, 50. dist.

Satiùs est, pro veritate pati supplicium, quàm pro adulatione beneficium, cap. nemo peritorum, 11. quæst. 3.

Promiores debemus esse ad absoluendum, quàm ad condemnandum, cap. ex literis, extr. de probat, cap. tempora pœnitudinis, 26. quæst. 7.

Inter iuramentum & simplicem loquelam Deus nullam facit differentiam. Quia, sicut in iuramento nullam conuenit esse perfidiam: ita quoque in verbis nostris nullum debet esse mendacium, cap. iuramenti, 22. quæst. 5.

Pacta, quantumcunque nuda seruari debent, cap. 1. extr. eodem.

Quoties in conuentionibus Superioris desideratur consensus, toties ratihabitio Superioris in iis, quæ geruntur, postea superueniens sufficit, cap. quotiens, extr. eod.

Studiosè attendendum est iudici, ut ea, quæ promittuntur, opere

opere compleantur, cap. qualiter, extr. eod.

Pactum hereditariae successionis in spiritualibus, vel beneficiis, Ecclesia detestatur, cap. accepimus, extr. eod.

Sicuti, iuxta legitimas sanctiones, ita quoque secundum Canones, pactum turpe, vel rei turpis, aut impossibilis de re, vel de facto, nullam obligationem inducit, cap. pactiones, extra. eodem.

Pactio, vel conventio pro spiritualibus obtinendis celebrata, nullo modo subsistit. Quod etiam de iis dicendum, quarum observatio vergit in animae detrimentum, cap. pactiones, extr. eodem.

DE TRANSACTIONE.

TITVLVS XXXVI.

Continuatio.

TRansactio pacti species est, qua plerumque, ob dubium litis euentum, contentionis odium, grauitatem sumptuum, aliâque incommoda à lite disceditur. In hoc tamen à pacto differt, quòd qui transigit, quasi de re dubia, & lite incerta, neque finita transigit: qui verò paciscitur, rem certam & indubitatam remittit, l. 1. ff. eod.

Quid Transactio?

Transactio est, de re dubia & incerta, non gratuita pactio, l. 1. ff. de transact.

Vnde dicitur Transactio?

Dicitur ab actionis transitione: eò quòd, qui transigit, ab actione transit & discedit. Et sic propriè dicitur transigere is, qui agit, l. 2. C. eod.

Quotuplex Transactio, & quid generalis?

Duplex est transactio, generalis & specialis. Generalis est, cuiusque negotij, de quo futura lis non timetur, definitio: Et hæc extenditur ad pactum, iusiurandum, & rem iudicatam, l. 1. vbi Iason, ff. de pact. l. tres fratres, ff. de iurciur. l. transacta. ff. de verb. signif.

Quid specialis, & quotuplex?

Specialis est, contractus innominatus, quo inter litigatores res dubia & litigiosa, aliquo contrà dato promisso, vel

æquali permutato, remittitur vel finitur, l. 1. §. 1. de pact. gloss. fin. l. sub prætextu, C. eod. Bald. in l. summa, ff. de cond. indeb. vide Alex. in rub. C. eod. Et hæc duplici ratione celebratur: vel per nudum pactum, vel per Aquilianam stipulationem, gloss. & Dd. in l. si causa, C. eod. vbi Bart. num. 5. Iason, num. 10.

Quæ causa efficiens?

Est eorum, qui transigere possunt, consensus & voluntas, l. interpositas, vers. consensu terminata, l. non minorem, l. cum donationis, C. eod. l. iusiurandum, §. 1. ff. de iurciur.

Qui transigere possunt?

Omnes, qui liberam suarum rerum habent administratio- nem: alij autem, quibus alienæ rei administrandæ cura, vel functio commissa est, cum distinctione quadam transigere possunt. Procurator enim, nisi cum speciali mandato, vel omnium bonorum, vel in rem suam constitutus, transigere non potest, l. iusiurandum, cum l. seq. ff. de iureiur. l. procurator, ff. de procurat. Hos enim tres casus excipit gloss. in l. transactionis, C. eod. Sic tutores, procuratores fisci, vassalli, & similes, quamvis transigere possint, non tamen contra legis prohibitionem, transigendo donare, vel alienare possunt, vide gloss. Bart. & Dd. in l. præses, C. eod. l. 4. C. de prædiis minorum, l. 1. ff. de off. procurat. Cæs. l. nulli, eod. vide in cap. 1. §. si vassallus, si de feud. def. Curt. in tractat. feud. parte 4. qui tres casus in Vassalli transactione distinguit. Denique Prælati, absque consensu Capituli, vel superioris, non potest transigere, cap. contingit, cap. decreto, cap. veniens, extr. de trans.

Quæ Materia?

Res spirituales, civiles, siue temporales, & criminales, de quibus lis est, vel futura esse possit, l. 1. ff. eod. l. 2. vbi Iason, & Dd. C. eod. ca. super eo, extr. de trans. Primò tamen circa spirituales distingue. Aut conuentio fit, vt pro spirituali, vel re sacra detur temporalis: Et tunc, cum hæc pactio sit simoniaca, iure canonico reprobatur, c. præterea, c. super eo, extr. eod. cap. cum pridem, extr. de pactis, cap. vlt. extr. de rerum permutat. Aut fit, vt res sacra, vel spiritualis detur pro spirituali: Et tunc, aut ea petitur, tanquam beneficium, aut tanquam proprietas. Si agatur super beneficio, vt aliquis recipiatur ad beneficium Ecclesiæ, vel quantum ad pralationem, nulla potest interuenire transactio propriè: quia incideret in vitium simoniæ, & talis titulus non habetur ex transactione; sed per canonicam institutionem, cap. ex frequentibus, extra. de institutionibus,

cap.admonet,extr.de renunt.1 6.quæst.7.cap.nullus omninò. Si verò res sacra,vel spiritualis in litigium deducatur,vt proprietas,tunc bene potest interuenire transactio, cap. ad quæstiones,extr.de rerum permut.cap.statuimus,extr.eod.Et hæc conuentio etiam non propriè transactio, sed amicabile compositio dicitur, d.cap. super eo,extra.eod.Secundò, distingue circa res ciuiles, vel temporales. Aut res tunc transacta & finita est, & ampliùs de ea transigi, vel finiri non potest, l. si causa, C. eod.l. post rem, ff. eod. & l.& eleganter, ff. de cond. indeb.

Ideò de rebus, super quibus iudicatum est, transactio esse nequit, aut res nondum finita est: Et tunc aut ex conuentione captiositas, improbitas, & peccatum inducitur. Et talis transactio omni iure nullius momenti censetur; vnde de controuersiis ex testamento oriundis, non inspectis tabulis, transigi non potest, nec de futuris alimentis, nec de matrimonio, l. de his, cum hi, ff. eod. l. de præteritis, C. eod. cap. ex parte, extra. de transact. Si autem de re nondum finita transactio non fuerit captiosa, improba, vel sacris literis contraria, tunc siue certum ius, siue incertum contineat, ob timorem & odium litis, super ea transactio celebrata valet, l. 2. C. eod. Tertiò, circa criminales distingue. Aut transactio fit de crimine capitali, quod pœnam sanguinis ingerit: Et tunc, aut transigens eadem pœna punitur, qua punitus esset, si non transigisset (vt, qui de adulterio transigit, cum hoc ipso in lenocinium incidat, eandem pœnam subit, (& tunc transigi non potest. Aut non punitur aliqua pœna: & tunc transactio conceditur. Quia cuiuslibet sanguinem suum, quocunque modo redimere licet, l. 1. ff. de bo. cor. Aut transactio de aliis publicis criminibus, quæ pœnam sanguinis non ingerunt, contingit: & tunc aut iudicium cœptum nondum est, & transigere licet: aut cœptum est; tunc, citra falsi accusationem, non licet, l. transigere, C. de transaction. & ibi Dd.

Que Forma?

Vt transactione per pactum nudum, vel Aquiliana stipulatione facta, lis remittatur, & pro remissione litis aliquid præstetur. Quia transactio, nullo dato vel retento, non procedit, l. transactio, C. eod. & l. 3. ff. eod. Fit etiam purè, sub conditione & modò, adiuncta pœna, & per iuramentum, in iudicio, vel extra iudicium, scriptura, vel sine scripto, l. si super, C. eod. l. cum nota, l. pacto, l. vbi, l. cum proponas, l. si quis maior.

l. siue, C. cod. vbi Iason, num. 1. & 2. & idem Iason in l. tale, §. qui prouocauit, num. 9. de pactis, l. 5. C. cod.

Quis Finis?

Vt finis litibus imponatur: ob id enim transactio inuenta est: ideo Imperatores lites transactione legitimè sopitas, nec Imperiali rescripto resuscitari volunt, l. transactiones, & l. fratris, C. cod. l. 1. ff. cod.

Quis Effectus?

Non minor, quàm rei iudicata, aut iurifurandi. Quare nec rescripto Principis, nec prætextu instrumentorum postea re-
pensorum, vel specierum, retractari potest, l. non minorem, l. causas, l. sub prætextu, & l. si diuersa, C. cod. l. 2. vbi Bart. & l. admonendi, ff. de iureiur. c. 1. extr. cod. Non tamen iure ciuili tollit transactio primam actionem iure conuentionis, d. l. si diuersa: sed tantum ope exceptionis, l. cum proponas, C. cod. quæ hodie est litis finitæ, c. 1. de litis contest. in 6. vbi gloss. & Dd. in verb. finitæ, l. & eleganter, §. penult. ff. de cond. indeb. Ratio est: quia cum sit conuentio tantum iuris gentium, non potest actionem, quæ iuris ciuilis est, ipso iure tollere: nisi addita sit Aquiliana stipulatio, l. sub prætextu, C. cod. Et acceptilatio, quæ dicitur esse ciuilis solutio. Iure autem Canonum, cum ex quolibet pacto detur actio, non inconueniens erit dicere, etiam ex transactione, per nudum pactum facta, competere conditionem, vel præscriptis verbis actionem, & transactionem prius competentem actionem extinguere. Vide supra, de pact. cod.

Quæ Cognata?

Amicabilis compositio, quæ nihil aliud est, quàm rei spiritualis, vel sacræ, pro spirituali, permutatio, 44. distinct. ca. generalis, & c. ex antiquis, & 10. quæst. 2. ca. casellas, in fine, 23. quæst. 4. cap. si illic, & c. ad quæstiones, extr. de rerum permut. ca. statuimus, & cap. super eo, extr. cod. Pactum, iusiurandum, compromissum, res iudicata, diuisio, & contractus innominati, l. si quis cum aliter, ff. de verb. oblig. decis. Neapo. 220. num. 3. Decius conf. 6. viso. nume. 4. & conf. 597. num. 10. Corn. conf. 27. in princ. libr. 4. Schurpf. conf. 50. num. 16. & 17. cent. 3. & conf. 16. casus, num. 17. cent. 2. & conf. 97. Pro magis clariore, num. 12. cent. 3.

Quæ Pugnantiæ?

1. Error: obstat enim transactioni, quia consensus, cui ipsa innititur, deest, l. sub prætextu; C. cod. 2. Metus: quoniam,
cum

cum prætoris edictum de metu rescisorium sit, retractatur per in integrum restitutionem id, quod metu gestum est, l. interpositas, C. eod. 3. Dolus: ob quem quidem non ipso iure rescinditur transactio; sed exceptione, vel replicatione, l. 4. l. sub prætextu, & l. siue, C. eod. 4. Falsitas: si nimirum altera pars ad transigendum, falsitate, vel calumnia quadam inducitur, l. penult. C. eod. l. in summa, C. de cond. indeb. 5. Simoniaca conventio: ut si quid temporale pro spirituali, vel re sacra detur, c. constitutus, c. super eo, extr. de transact. 6. Læsis Ecclesiæ: ob quam datur in integrum restitutio ad quadriennium, c. 1. extr. de in integ. restit.

AXIOMATA, ET SENTENTIÆ.

Instrumenta, & alia iura partium, contraria transactione tolluntur, c. sicut grane, extr. eod.

Prælati simpliciter ad agendum constitutus, sine licentia Capituli transigere non potest, gl. in c. contingit, eod.

Allegans turpitudinem suam non est audiendus, c. cum super, extr. de concess. præbend. & c. inter dilectos, extr. de donat.

Sublato principali, & accessorium corrui, c. si diligenti, extr. de foro comp. & c. inter dilectos, extr. de fide instr.

In pari causa turpitudinis potior est possidentis conditio, c. lator, extr. de re iud.

Super Ecclesiastico beneficio transigi non potest, etiam cum iuramenti interpositione, c. constitutus, extr. eod.

Non potest quis esse testis & aduocatus in eadem causa, 16. q. 2. c. statuendum.

Super Ecclesiastico beneficio propriè non potest transigi sed amicabiliter componi, c. super eo, extr. eod.

Iudicis officium est, componere partes si potest, priusquam ad iudicium veniant, c. si primates, 5. q. 2. c. studendum, dist. in. 90. c. si quis membrorum, 24. q. 8.

Iudex ob oculos equitatem habere debet. Et equitas præfertur rigori iuri, gloss. in c. si n. extr. eod.

Ubi ius scriptum non est, de similibus ad similia est pro-

cedendum, c. in causis, extr. de re ind. c. recolemes, extr. de statu monach. c. inter ceteros, extr. de rescript.

DE POSTVLANDO.

TITVLVS XXXVII.

Continuatio.

Lite per transactionem non sopita, vel pacto transigendi negotij causa nullo interposito, iudicium procedit, tene-
turque Reus conuentus vel intentionem Actoris fateri, vel
eius desiderio per se, vel alium, ad præstandum patrocinium
idoneum contradicere, l. 1. ff. de postulando.

Quid est Postulare?

Postulare est, desiderium suum, vel amici sui, in iure, apud
eum, qui iurisdictioni præest, exponere, vel alterius desiderio
contradicere, 3. quæst. 6. §. sunt autem, l. 1. §. postulare, ff. de
postulando.

Quæ causa efficiens?

Iussus magistratus, vel ordinis iudicis, qui petentibus li-
tigantibus eorum nomine postulandi gratia dat patronos,
etiam inuitos, l. 1. §. ait prætor, ff. cod. & l. fi. C. cod. gl. in c. 1. §.
item ad verb. perdit, quæ fuit prima causa benef. amitt. nã po-
stulare, publicum munus est: ad publica autem munera etiam
inuiti coguntur, l. 2. ff. de reg. iur. l. in prin. de administ. tuto. &
tot. tit. ff. de munerib.

Qui postulare possunt?

Quilibet, qui, aut edicto, lege vel Canone, non prohibetur:
vt ingenuus, libertus, literatus, & illiteratus, dummodo expe-
rientiam causarum ex consuetudine habeat, l. nec cæterorum,
& l. prouidendum, C. cod. & in auth. de iud. respon. 1. ibi nos
igitur, & c. col. 7.

Qui prohibentur postulare?

Prætor in edicto prohibitorio tres ordines facit. Primus
ordo, tam pro se, quam pro aliis postulare prohibetur. Secun-
dus, pro aliis tantum prohibetur, non autem pro se. Terti-
o ordini, tam pro se, quam pro coniunctis personis, non autem
aliis, postulare licet, l. 1. ff. de postulando.

Quinque pro se, neque pro aliis Postulare possunt?

Minor 17. annorum, & naturâ surdus, qui magistratus ius-
sum,

sum, vel Prætoris decretum exaudire non potest: quo non audito, quasi non obtemperasset, pœna contumaciùm plectetur, l. 1. §. initium, ff. de postul. vel monachi, 23. quæst. 8. cap. his à quibus.

Qui pro se possunt, non autem pro aliis?

Primò scēminæ. Ratio est: ne contra pudicitiam sexui congruentem alienis causis se immiscant, & ne virilibus officiis fungantur mulieres, l. 1. §. secundo loco, eod. Secundò, cæci & virisque luminibus orbat. Quia insignia magistratus non possunt videre, neque reuereri. Tertiò, insigni quadam turpitudine notati, ut omnes infames ipso iure, damnati de calunnia iudicio publico, condemnati capitali crimine, passi muliebria, & ij, qui operas ad depugnandum cum bestiis suas elocarunt, d. l. 1. §. 1. & §. remouetur, ff. eod.

Qui postulare possunt pro se, & coniunctis personis tantum?

Omnes, qui lege, plebiscito, Senatusconsulto, edicto, decreto, Principum placito, prohibentur, & c. ut sunt, iudices, & arbitri in ea causa, quam iudicaturi sunt, addictus pœnæ, seruus, muliebria passus, is qui pactus est de Quota parte litis, hereticus, excommunicatus, potentiores: & qui per sententiã iudicis infames sunt. Omnes enim hi nō in totum pro aliis postulare prohibentur; sed tam pro se, quàm pro personis certis; putà, pro parente, fratre, sorore, vxore, socero, patrono, patrona, eorumq; liberis, aliisq; de quibus sub titulo, De in iure vocandis itē pro genero, nuru, vitrico, nouerca, priuigno, priuigna, aliisq; coniunctis, fortē ad quartum vsque gradum, gl. in l. 4. de testibus, gl. & Dd. in c. fin. extr. eod. & Bart. in l. sed & lxx, ff. de procurat. Item pro personis, quarum tutelam, curationem ve gerunt; utpote pro pupillo, furioso, mente capto, d. l. 1. §. fin. cum seq. ff. eod. Prohibentur etiam clerici regulares postulare, nisi pro utilitate Ecclesiæ, vel sui monasterij, & præcepto Abbatis, c. ex parte, extr. eo. 16. q. 1. c. alia, & c. placuit, extr. eod. sic clericus in sacris vel minorib. beneficiatus in seculari foro postulare, nisi pro se, vel sua Ecclesia, vel miserabilib. personis postulet, non potest, c. clerici, & c. fin. extr. eod. 16. quæstio. 1. c. peruenit, 88. dist. c. 1. & c. Episcopus, extr. ne cler. vel monach. & c. de præsentium portitore, 16. quæst. 1. Interdicitur etiam prælatis Ecclesiarum secularium postulandi facultas. Vnde iubentur Episcopi, aliiq; Prælati, non per se; sed per aduocatos litigare, c. quia Episcopus, 5. quæst. 4. Ratio huius habetur in c.

in c. perlatum, 88. dist. c. denique, 14. quæst. 5. & c. te quidem, 11. q. 1. non enim Episcopus, vel alius quidam Prælati committere debet, quo eius dignitas vilescat.

Quod Subiectum?

Est persona, quæ iussu iudicis competentis, vel à partibus ad postulandum constituitur: Et dicitur patronus vel aduocatus. Qui describitur esse vir graui authoritate, & existimatione præditus, qui propter excellentem iuris cognitionem, naturam prudentiam, eloquentiam, & rerum multarum usum, ad causas forenses agendas vel defendendas, quasi patronus, vocatur, ut in negotiis grauib. & arduis patrocinium litigantibus præbeat; idque plerunque in scriptis pugnando, & consulendo, ut notatur in titulo C. de aduocatis diuersi. iud.

Quæ Materia?

Omnes causæ ciuiles & criminales, ex variis generum figuris proficiscentes.

Quæ Forma?

Cum causæ ciuiles & criminales variæ sint, in quibus aduocati patrocinium præstant, non potest certa forma præscribi. Officium autem aduocatorum, & quid ipsi in postulationibus obseruare debeant, recensetur per Imp. Valent, in l. quisquis, C. de postulando.

Quis Finis?

Ut dignitas & reuerentia magistratûs conseruetur; quod fieri non posset, si cuiilibet illiterato, in idoneo, deprauatis moribus corrupto, postulandi munus concederetur: fieret enim, ut causæ, cum graui detrimento litigantium agerentur, & authoritas iudiciaria vilesceret: cum aduocatus vir authoritate, & existimatione grauis, cuius meritum ipsum in foro nobilissimum faciat, esse debeat, l. prouidendum, C. eod.

Quis Effectus?

1. Ut quæstiones patrocinio aduocatorum disputatæ, examinatæ, & declaratæ, in quacunque partem victoria ceciderit, per iudicem definitæ, etiam velamento absentia patroni causa refulcitari non possint, l. velamento, C. eod.

2. Effectus prohibitionis est, quod, qui contra Ecclesiam postulat, non modò repellitur à postulando; sed etiam pœna mulctatur arbitraria, l. 1. §. aduersarius, ff. eod. Nam quotiescunque lex aliquid prohibet, nec adiecit certam pœnam, quæ contrauenienti irrogetur, toties pœna arbitrio iudicis committitur.

missa intelligitur, gloss. & Dd. in l. 3. C. de sacrosanctis Ecclesiis.

3. Quamdiu quis idoneum non habet aduocatum, aut habere non potest, tamdiu propter contumaciam, perinde ac si aduocatum haberet, damnari nequit, c. i. extr. vt lite non contest. vbi gl. ad verb. aduocati.

4. Clericus qui contra Ecclesiam, à qua beneficium habet, aduocat, tanquam ingratus beneficio priuatur, c. fin. extr. de postul. ar. 1. quæst. 8. c. 96. dist. c. Imperator, c. nulli, 3. quæst. 1.

Quæ Cognata?

Procuratio, defensio; differunt enim hæc à postulatione: Primò, quia procuratio propriè ad curam alienorum negotiorum refertur; postulatio & defensio autem sunt in iudicio, siue suo nomine, siue alieno, quid petatur, l. 1. eod. Secundò: Procuratoris & defensionis officium, est priuatum: postulationis autem publicum, l. 1. & 2. tot. tit. de postulat. & l. 1. §. 1. ff. eod. Tertiò: Aduocatus non timet damnum, cum se in aliquo non obligauit. Non enim obligatur ex processu causæ, nec secum fundatur iudicium: sed in procuratore & defensore hæc fiunt, gl. in l. 1. in vers. compleuit, ff. de postul.

Quæ Adiacentia?

* Iussus iudicis, & voluntas litigantium, experientia & cognitio iuris & statutorum, perspicacia, industria aduocati & salarium: quod si litigatores præstare, ob paupertatem non possunt, non tamen eorum causa deferri debet, sed potest magistratus, vel ex publico, vel ex arario elemosinarum comuni, suppeditare, glo. & Dd. in d. l. 1. ad verb. non habebit, ff. eod. Paris de Puteo, in tractatu synd. ad verb. carcer, & carceratus, c. 4. numer. 2. & 3. per l. 2. & l. iudices, C. de Episcop. audientia, & c.

Quæ Pugnancia?

Præuaticatio, conuiciandi, & maledicendi temeritas, opprobria, protractio iurgij ex industria, procacia, præteritio, & defectio meritorum causæ quæ sita occasio, ad turpe compendium, stipemque deformem, l. quisquis vult esse causidicus, C. de postul. l. 1. & l. post duos, C. de aduocat. diuersi iud. Vltimò, pactio de quota litis. Circa hoc tamen distingue: aut pactio illa sit, pendente lite: & aduocatus notatus infamia aduocationis officio priuatur, l. si qui aduocatorum. Aut sit post actam causam: & talis non est illicita, dummodo licita quantitas non excedat; licita autem quantitas, vt ait Vlp. in l.

in l. i. §. licita, ff. de extraord. cog. intelligitur, pro singulis causis vsque ad centum aureos.

DE PROCVRATORIBVS.

TITVLVS XXXVIII.

Continuatio.*

INter personas, quæ alienam litem, causamque suscipiunt, Procurator est. Is enim ad alienam litem ex mandato Rei principalis accedit, siue agat, siue defendat: hoc discrepans à defensore, quod is sine mandato rebus alienis spontè se offerat in iudicio. Litem ait, ff. ex quibus causis.

Quis dicitur Procurator?

Procurator est, qui aliena negotia mandato domini, gratuito administrat. l. i. ff. eod. c. quia Episcopus, §. q. 3. Quod verbum (*gratuito*) ideò adiicitur, quod procuratoris non sit pacisci de Quota, licet salarium impenso labore dignum accipere possit; vt propter interuentionem mercedis, procuratorem à locatore operum discernamus.

Quot modis constituuntur, vel quotiuplices sunt Procuratores?

Ratione causæ efficientis, materiæ, formæ, & effectus variè constituuntur, & appellantur procuratores.

Quomodo ratione causæ efficientis, vel effectus?

Quidam dicuntur veri Procuratores, quidam falsi. Veri sunt, qui à domino ad hoc, porrecto mandato, legitimè constituti sunt. Falsi sunt, qui à domino mandatum non habent: vel qui quidem habent, sed reuocatum, vel alio quouis modo extinctum, l. licet, C. eod. l. falsus, C. de furtis, c. ex parte, extr. de rescript. Et ab his administrata in effectu ipso iure nulla sunt. Sunt etiam quidam, qui in specie procuratores dicuntur; putà, à priuato quodam constituti: quidam syndici, qui ab Vniuersitate, vel Collegio constituuntur.

Quomodo à Materia?

Quidam speciales, vniuersales, generales, & cum libera: Quidam in rem vel causam alienam, & quidam in rem, vtilitatemque suam, dicuntur. Procurator specialis dicitur, qui certæ alicuius rei, seu litis, negotijve expediendi causa constituitur, l. procurator, ff. eod. c. §. eod. in 6. Vniuersalis dicitur, qui
vni

vniuersorum bonorum, vel in genere, omnium litium, mandato domini constituitur; & hic generalis nonnunquam etiam nuncupatur, l. mandato, & d. l. procurator, ff. eod. Et constituitur tam in spirituali, quàm in ciuili: Spiritualis, vt in cap. cum venissent, extr. de in integ. restitut. pecuniaria & ciuili, vt l. licet. C. de procurat. Procurator cum libera dicitur, cui rerum gestio liberè, vt omnia perinde ac dominus peragere, absque vllò impedimento, possit, committitur, d. l. procurator, ff. eod. c. 4. §. fin. de procurat. in 6. Procurator in rem alienam dicitur, qui aliena negotia administranda mandato domini suscipit, l. 1. ff. eod. Procurator in rem suam est, qui quidem alienum negotium mandato domini gerit, sed ad suum tamen emolumentum, l. seruum, ff. eod.

Quomodo à forma?

Quidam procuratores sunt iudiciales, quidam extraiudiciales. Iudicialis est, qui lites alienas vigore concessi à domino mandati, vel cautionis de rato in iudicio persequitur; & ille non potest alium substituere procuratorem, nisi post litis contestationem, postquam ipse dominus litis constituitur, & non datur nisi maior 25. annis. Extraiudicialis est, qui negotia domini, eius vel tacito, vel expresse mandato, extra iudicium administranda & expedienda suscipit. Et hic alium substituere procuratorem potest, & liberè. c. 1. eod. in 6. Et potest dari post 17. annum. Est & alia differentia inter procuratorem ad iudicia, & ad negotia, quæ notatur in c. ex parte decani, extr. de rescript.

Quæ sit causa efficiens?

Iussus iudicis, & ratificatio domini, quæ pro mandato est, consensusque tam constituentis, quàm constituti, l. 1. vbi gl. & Dd. ff. de postul. Mynsing. obser. 44. cent. 1. vide glo. & Dd. in l. pecuniam, C. de neg. gest. glo. in l. murus, eod. l. 1. ff. de mand. l. filiusfam. §. inuitus, §. fin. & l. 2. in verb. quia consensus abest, ff. eod.

Qui constituere possint Procuratores?

Omnes, qui vel lege, vel Canone non prohibentur. Prohibentur autem; excommunicatus, pupillus, furiosus, minor, qui curatorem habet: nisi tutore, vel curatore auctore, l. inuitus, ff. eod. l. neque, C. eod. c. fin. extr. de probat. Syndicus vniuersitatis, tutor, curator, procurator, nisi lis cum illis contestata sit. Ratio est: Quia procurator à domino constituitur: hi autem lite nondum contestata, domini litis non sunt, d. l. neque

neque, l. nec ciuitas, ff. eod. l. nulla, C. eod. & ibi gl. & Mynsing. obseruat. 43. cent. 1.

Filius familias in iudicio, nisi in Castrensi, vel quasi Castrensi peculio, l. filius, ff. eod. l. sed si vnus, §. filius, ff. de iureiur. Seruus non constituit, nisi sit in quasi possessione libertatis, & moueatur ei quæstio statûs, l. seruum, ff. eod. l. 1. C. de adsert. tollend. Ab hostibus captus; constitutus enim in potestate hostium dominus rerum suarum non dicitur, l. ab hostibus, ff. ex quibus causis. Quilibet Prælatus, absque consensu Capituli, c. fin. extr. eod. c. causam, extr. de iud. Innocen. III. in c. edoceri, extr. de rescript.

Qui constitui Procuratores possint, vel non?

Quiuis procurator, constitui potest, nisi ex causa prohibearur. Prohibiti autem in triplici genere sunt: quidam omninò non possunt procuratores dari; vt sunt, qui vitio nouercata natura, vel ex accidenti, contracto laborant; vel rebus suis, ob defectum intellectus, præesse non possunt; vt sunt mutus, surdus, furiosus, prodigus, &c. vel qui in dignitatis aliquo gradu & functione publica sunt constituti, quorum decor huius functionis vilitate non debet dehonestari, vel obscurari: vt sunt quælibet illustres personæ, consules, decuriones, medici, professores, &c. Procuratoris enim officium, non est dignitas; sed onus, vt notat glos. in l. 2. C. de dignit. lib. 12. & Panor. in c. Imperatorum, numer. 9. de iuram. calum. & ab aliquib. pro munere vili & nullius existimationis iudicatur, l. si quis procuratorem, vbi glos. & Bart. Ang. & alij. C. de dig. lib. 12. Dynus in c. infamib. de reg. iur. in 6. Panorm. in c. post cessionem, num. 2. de prob. Ob id illustres personæ, ne iacturam existimationis faciant, possunt ab officio procuratorio abstinere, l. quicumque, C. eod. Auth. ibi signata, quod ius, & in Auth. vt ab illustri, Spec. de procur. §. 1. nu. 3; 5. nec Episcopi, vel Prælati, ne à diuinis obsequiis auocentur, & litib. contentionibusque in-eumbant; cum seruos Dei ab omni discordia auersos & pacificos esse oporteat; procuratores constituuntur, c. sicut sacerdotes, 2. quæst. 7. c. cum simus, 9. quæst. 3. l. omnes, C. de Episc. & cler. Secundò: quidam tantum in iudicio ad lites non possunt constitui, licet ad negotia possint: Vt sunt seruus, excommunicatus, cum in iudicio legitimam personam standi non habeant, c. intelleximus, extr. de iud. minor, ob beneficium restitutionis, l. exigendi, C. eod. Panor. in c. iniuste, eod. infames; si dentur pro Ecclesiasticis personis, & non pro laicis, Panor. in c. Imperatorum, num. 9. ext. de iureiur. mulier, ob pudorem sexus,

ſexus, l. alienam. C. eod. l. 3. §. 1. ff. de neg. geſt. l. neque ſcœmina, ff. eod. exceptis quibuſdam caſib. ſcilicet, 1. Si in rem ſuam conſtituta ſit, l. quia te, C. de procu. 2. Pro parente in neceſſitate, l. ſcœminas, ff. eod. 3. Quando filiorum tutelam gerit, c. ex parte, extr. de appella. 4. Cum agitur pro libertate ſuij, vel patris, vel fratris, vel alterius conſanguinei, l. 3. ff. de liberali cauſa. 5. In cauſa filij per ſententiam condemnati, quia appellat pro eo, & cauſam proſequitur, l. 1. §. ſin. ff. de appell. recip. vel non. Denique quidam neque ad lites, neque ad negotia conſtituuntur, tantum in temporalibus, licet in ſpiritualibus procuratores eſſe poſſint; vt ſunt monachi, & clerici tam regulares, quàm ſeculares, in quolibet gradu conſtituti, c. 1. extr. de ſynd. c. ſed nec procuratores, & c. 1. verb. conductores, extr. ne cler. vel monach. & in Auth. de ſanctis Episcopis, §. Deo amabiles: cum pro miſerabilibus perſonis, coniunctis, & pro Eccleſijs ſuis, maximè in cauſis laicorum & foro ſeculari procuratores dari poſſint, c. 1. & ſin. extr. de poſtul.

Quæ Materia?

Negotia, vel omnium bonorum, vel alicuius patris extra iudicium, & omnes lites, vel quædam in iudicio, quæ ex cauſis, quibus adhiberi poteſt procurator, proſiciſcuntur, l. iij. copulandis, C. de nupt.

Quæ cauſe in iudicio agitari poſſunt. & quæ non?

Per procuratorem agi poſſunt omnes cauſe ciuiles, niſi intereſſe Reipublicæ aliud ſuadeat, ſiue lis conteſtata ſit, ſiue non, l. 2. l. nihil arbitramur, C. de procurat. l. 1. ff. au cauſe appell. per alium red. l. qui populari, ff. de popul. act. Circa criminales cauſas diſtinctio hæc habenda eſt. Aut de crimine agitur ad pœnam ciuilitè, aut criminaliter: ſi ciuilitè, etiam in cauſa criminali interuenire procurator poteſt, c. extra mediatores, extr. de teſt. l. ult. C. ad l. Cor. de fal. c. ſuper his, extr. de accus. c. tuæ frat. extr. de procurat. c. 1. extr. vt lite non conteſtata, &c. Sin autem criminaliter, tunc non admittitur procurator, neque in agendo vel defendendo, c. Reos ſanguinis, 23. quaſt. 5. & c. veniens, extr. de accus. & c. tuæ, extr. de procurat. c. ſi quando, 2. quaſt. 6. c. in criminalibus, 5. quaſt. 3. & c. abſens, 3. quaſt. 11. Et eſt duplex ratio. 1. Quia ſi interueniret procurator, & ſuccumberet, ipſe condemnaretur, qui non deliquit, l. liberto, ff. de neg. geſt. quod eſſe non debet, æquitate aliud ſuadente, c. cognoscentes, extr. de conſtitut. 2. Quia id, quod amitteret, non poſſet conſequi per adio-

nem mandati, contrariam, licet secus sit in causa civili. Excipiuntur tamen aliquot casus, quibus & in criminalibus admittitur procurator. 1. In crimine iniuriarum, si sit illustris persona, c. absens, 3. quæst. 9. 2. In accusatione ingratitude, l. sed & hæ, §. patronus, ff. cod. 3. In accusatione suspecti tutoris, l. non solum, §. fin. ff. cod. 4. In accusatione suspecti Prælati, secundum Innocentium III. c. veritatis, extr. de dolo, & cont. 5. Si crimen, siue publicum sit, siue priuatum, non excedit pœnam relegationis, vel etiam ab ordine remotionis, secundum Azo. Tancr. in l. absentem, ff. de pœnis. 6. In actione populari, pro priuato damno, intentata, l. licet, ff. cod. 7. Ad proponendum excusationes, c. reos, 23. quæst. 5. 8. Cum seruus accusatur, quem dominus defendit, l. si seruus, C. de accus. 9. In leuibus criminibus, l. leuia, ff. de accusat. 10. Ad excusandum & excipiendum, c. cum dilecti, extr. de dolo. & cont. Hodie tamen vsu frequentiori obseruatur, vt causæ criminales indifferenter, ob grauitatem, qua ciuilibus præponderant, per procuratores agantur.

Quæ forma constitutionis Procuratoris?

Vt expressio (puta, per actum, nuntium, literas, ratihabitionem) vel tacito, (vt si dominus præsens, patiat rem suam agere) domini vel Capituli, (quod loco domini est) consensu, quis procurator generaliter, ad omnia negotia: vel specialiter, ad certam causam, litemque, vel cum clausula, Cum libera, in diem, vel ad diem, vel sub conditione, in iudicio, vel extra iudicium constituatur, l. 1. l. inuitus, C. cod. l. 1. & l. seq. ff. cod. Myn. sing. obseru. 44. cent. 1. l. qui patitur, ff. mandati, Clem. 1. cod. l. 1. & l. 2. l. 5. & 6. l. seruum, ff. cod. l. 1. ff. mandati, l. 3. cod. l. mandato, l. procurator, ff. cod. Bart. in l. creditor, ff. mandati; l. 2. ad Trebel, gl. in c. ex parte, extr. de arb. per tex. in c. cum dilectus, extr. de relig. domib.

Quæ forma constituendi Procuratoris in iudicio?

Vt dominus mandatum actis insinnet, hoc est, literas procurationis parti, vel iudici dirigat, offerat iudici, aut mittat, & ad acta redigi curet: aut vt ipse coram iudice procuratorem eligat, eiusque personam confirmet, & se raram habiturum, quicquid ille gesserit, polliceatur & caueat, l. si procuratorem, vbi Bart. num. 3. ff. cod. l. ne satisfactio, ff. rem raram habere. Et Specu. in titu. de procuratore, §. ratione formæ, num. 13. & 19.

Que forma constituendi extra iudicium?

Vt coram notario & testibus; aut, si is haberi nequit, literis, priuato vel publico sigillo, consignari constituatur, iuribus supra allegatis, &c. Et hoc casu quando sic de mandato constat, non cogitur procurator Actoris cauere rem ratam dominum habiturum. Quod si autem nullum omnino mandatum exhibere potest, tunc ne offerens quidem cautionem, inuito aduersario, nisi pro coniuncta persona, recipitur, l. sed hæ, ff. cod. l. maritus, l. exigendi, C. cod. Sin autem probabiliter dubitetur, utrum quis mandatum habeat, an non: Hoc casu cum cautione de rato admittitur, Cuius obseru. lib. 7. ca. 26. Procurator autem Rei eodem modo, aut in iudicio, aut extra iudicium constituitur: sed adhibita satisfactione iudicatum solui, l. iudicatum, ff. iud. sol. eoque nomine hypothecam suorum bonorum supponere pignori Reus debet, l. qui proprio, ff. cod. Nemo enim in re aliena iustus defensor est, nisi satisfecerit de iudicato soluendo, d. l. qui propria, ff. cod. & Bart. in d. l. si procuratorem. Vbi addit etiam si mandatum habeat idoneum procurator, tamen ad hanc cautionem teneri, nisi dominus ipse satisfecerit, per l. vnicam, C. de satisf.

Que forma mandati, seu instrumenti Procuratoris?

Vn mandatum contineat nomen iudicis, coram quo litigatur, constituentis, constituti, & eius contra quam, in qua causa, & ad quid (puta, an ad agendum vel defendendum) constituitur, & quod ratum habebit dominus, quod cum co actum erit. Et potissimum, si à Reo detur, exponatur in literis satisfactio, per quam ipse dominus sub hypothec. rerum suarum fideiussor procuratoris existat iudicatum solui, etiam cum apud acta constituitur, cap. accedeas, c. constitutu, exet. cod. cap. Nicolao, extra. de appellat. §. si vero aliquis, in l. inde satisf. d. l. unica, C. cod. l. 2. C. de confortibus ciuili. lit.

Quis Iuris?

Vt, quia domini rebus suis superesse nolunt, vel nequeunt, eorum negotia, per alios ad id idoneos, expediantur, l. 1. ff. eodem. Cum & publicè interfit, vt absentes defendantur, l. seruum, §. publice, ff. cod. l. 4. §. 1. ff. de actionibus.

Qui Efficius?

Primus effectus est, vt procurator, qui vel sua sponte, vel coactus, suscipit negotium demandatum, & tractare incipit, ipsa tractatione sit dominus negotii, postquam res desit esse integra, tam extra iudicium, quàm in iudicio, l.

eum, §. fin. ff. de constit. pecun. Bart. in l. 1. C. de sentent. & interloc. l. 1. ff. de stipulat. seruorum.

Secundus: Vnde post litis contestationem procurator dominus litis sit, & omnia facere, agere, & gerere ex bona fide potest, quæ dominus facere posset, l. procuratoribus, l. nulla, C. eod. cap. 1. §. 1. eod. in 6. Mynsing. obseruat. 43. cent. 1. cap. 1. extr. vt lite non contestata.

Tertius: Sicut omnes contractus ab initio sunt voluntatis, ex post facto autem necessitatis; ita etiam mandati procuratorij susceptio sese habet; vt, qui suscepit, etiam inuitus, absoluere & exequi mandatum autoritate magistratus cogatur; prætor enim se coacturum edicit, l. filiusfamilias, §. fin. l. sed hæc, ff. eod. nisi iustissima causa procurator se excusare possit, l. sed si quis, ff. quemadmodum testamenta, &c.

Quartus: Quod citationes non ad dominum, sed ad procuratorem dirigantur, actusque iudicarij ab ipso exigantur: ita, vt sententia non in dominum, sed in ipsum procuratorem etiam proferatur, l. 1. C. de sententiis & interloc. c. 1. extr. vt lite non contest. cap. querelam, extr. de elect. l. liberto, §. fin. ff. de neg. gest. Et sanè in his, in quibus executio sententiæ perinde fieri potest in procuratorem ac in dominum; vt in ciuilibus & pecuniariis causis; secus est in iis, in quibus executio fieri nequit in procuratorem; vt in matrimonialibus & criminalibus, in quibus procurator, iuxta prius notata, nõ admittitur, & id genus aliis, l. fin. vbi gloss. Bart. & l. nihil, c. eod.

Quintus: Mandati actio directa & contraria, quæ ex obligatione, quæ inter dominum, & procuratorem consistit, proficiscitur. Directa quidem datur domino, contra procuratorem, ex variis causis, quæ sunt in d. l. filiusfamilias, §. sed et si, ff. eod. d. l. si procuratorem, ff. mandati, l. si quis, §. si quis, ff. de pœnis, d. l. qui proprio, §. procuratores, ff. eod. Contraria datur procuratori, contra dominum, ad consequendum id, quod bona fide expendit ex mandato, cap. cum pro causa, extr. eod. cap. quicumque, 12. quæst. 4. Quod si mandatum non habuerit; quod extra mandatum, in vtilitatem tamen domini, expendit, consequitur negotiorum gestorum actione. Æquum enim est, nusquam illi officium esse damnosum, l. sed si quis, ff. quemadmodum testamenta, &c. Item ad consequendum salarium, l. salarium, cum l. sequent. l. mutuam, ff. mandati, l. salarium, C. mandati, l. sumptus, ff. de pact.

Sextus: Vt quicquid fuerit in iudicio, ex quo apparet de mandato legaliter facto, omnimodò ratum sit, cap. 1. extra. cod.

cod. Potest enim procurator domino & nocere, & prodesse, cap. 1. & cap. 2. de confess. in 6.

Que Cognata?

Affinitatem quandam cum procuratoribus, ratione susceptæ defensionis, vel administrationis rei alienæ, vel in iudicio, vel extra iudicium, habent aduocati, causarum patroni, defensores, syndici, actores, executores, notarij, vindices, negotiorum gestores, cognitores, œconomi, curatores, tutores, operarum locatores, nuntij, cap. causam, extra. de test. l. Pomponius, l. Plautius, ff. cod. Cuiacius ad Paul. lib. 1. tit. 2.

Que Adiacentia?

Mandatum, cautio de rato, cautio mandati portandi, cautio iudicio sisti, & cautio iudicatum solui, potestas substituendi, salarium, diligentia, cura, cum de malè & perperam gestis; vel incuriâ neglectis procurator teneatur domino.

Que Pugnantia?

Mors alterutrius tam constituentis, quam constituti, re integra, ætas procuratoris minùs apta negotiis, valetudo, occupationes, & impedimenta, quibus ita distringitur, vt suis rebus præesse nequeat, inimicitie, affinitates, aut amicitie cum aduersario contractæ, infortunium, & calamitas, tam procuratoris, quam domini, finitæ instantie: Quæ sint reuocandi procuratoris iustæ causæ, Felin. in ca. ex parte, num. 21. extr. de rescript. Cyn. & Fab. in l. falsus, C. de fur. Denique omnes exceptiones peremptoriæ, quæ contra procuratorem in rem suam, seu alienam constitutum, vel ratione sui & causæ, vel ratione constituentis, vel ratione formæ constitutionis competentes ante litis contestationem in vim dilatoriarum opponuntur, l. itaque, & l. si quis, ff. cod. Exceptiones contra procuratorem in rem suam competentes sunt. Nullus titulus est in procuratione insertus: nam nuda traditio, & sine causa facta in rebus corporalibus non transfert dominium, l. nunquam nuda, ff. de acq. rer. dominio. 2. Actio cessæ est dubitata, id est in iudicium deducta, quare non tenet cessio, c. 1. extr. de alienat. iud. mutan. & c. 3. Actio est pro parte vendita, pro parte donata, l. fin. C. man. 4. Cessio fuit simulata, capit. per tuas, extra. qui filij sint legitimi. 5. Cessæ iura sunt ab eo, qui cedere non potuit: vt sunt minor sine tutoris vel curatoris auctoritate; tutor vel curator sine pupillo, nisi absens sit, vel dari non possit, furiosus, prodigus, l. restitui, ff. ad Treb. l. is cui, ff. de verb. obl. Auth. minoris, C. qui dare tut. vel, & c.

Exceptiones, quæ opponuntur contra procuratorem in rem & causam alienam constitutum, & competunt ratione sui & causæ, sunt, 1. Quod sit excommunicatus, cap. post cessionem, extra. de off. deleg. 2. Quod sit mulier, l. neque femina, ff. cod. 3. Quia minor 25. annis, l. minor, ff. cod. 4. Quia miles, l. militis, C. cod. 5. Quia causa est criminalis, publica vel priuata, in qua procurator, ne in agendo, vel defendendo, interueniat, prohibetur, cap. tuæ, extr. cod. cap. veniens, extr. de accusat. 6. Quia mandatum est generale, & talis est causa, in qua exigitur speciale, Spec. in §. ratione, titul. de procurat. 7. Non habet literas de rato, quamuis habeat procuratorias, cap. penul. extr. de relig. dom. 8. Procurator, ex contra Ecclesiâ, in qua beneficium habet, cap. fin. extr. de postul. 9. Constitutus est in iudicio, ante litis contestationem à tutore, vel curatore, vel procuratore, quod fieri non potest, l. neque ad negotia, & l. quod quis, C. de procurat. 10. Quia mandatum solum ad agendum, vel, licet de rato cauerit, non tamen ad defendendum, quod tamen necesse est, cap. accedens, extr. cod. 11. Non cauit de rato, & dulcius est de mandato, excedit fines mandati, non iurauit iuxta tenorem constitutionis, cap. properandum, extra. de postul. cap. innotuit, extra. de elect. 12. Quia reuocatus est Episcopus, vel sacerdos secularis, vel in sacris ordinibus existens, vel in minoribus monachus est, nec habet mandatū sui Superioris: laicus est, & est causa spiritualis, cap. non iniuste, extra. cod. cap. 11. & 12. extr. ne cler. vel monach. cap. 2. extra. de postul. ca. sacrosancta, extr. de elect. 13. Quia est magistratus, fuciosus, potentior, fiscus, vel Respublica, infamis, seruus, accusatus de crimine capitali, filiusfamilias, medicus, redemptor litis, falsus procurator, ignarus causæ, habens mandatum nullum, finitum vel reuocatum.

Secundò: ratione constituentis opponuntur exceptiones contra procuratorem; ut sunt: quia cōstituens fuit monachus, seruus, deportatus, vel bannitus, excommunicatus, minor 25. annis, infamis, reus criminis, mortuus re integra, vel quidam alius, cui, ob iustam causam, constituendi potestas est interdicta.

Tertiò: ratione formæ, competentes exceptiones obijciuntur contra procuratorem. 1. Quod non contineatur in literis, seu instrumento constitutionis, ad quid sit constitutus; puta ad agendum, vel defendendum, cap. accedens, & c. constitutus, extra. cod. 2. Quod mandatum actis non sit insinuaturn, l. si procurator, ff. cod. 3. Quod in literis procurationis rei, do-

nuus

minus non exposuerit satisfactionem, per quam ipse dominus, sub hypotheca rerum suarum, fideiussor procuratoris existat iudicatum solui, etiam si apud acta constituitur, l. 2. C. de confor. eiusdem litis, §. si verò aliquis, inst. de satisfat. 4. Licet habeat mandatum ad agendum, non tamen ad defendendum, cap. Nicolao, extra. de appellat. 5. Quod ipse generaliter, licet alter specialiter, prius fuerit constitutus, capit. 1. extra. cod. & cap. 1. extr. de rescript.

AXIOMATA, ET SENTENTIÆ.

Nec Prælati, sine consensu Capituli; nec Capitulum sine consensu Prælati, potest iudicium exercere, vel conveniri 12. quest. 2.

Sententia cum falso procuratore lata, est ipso iure nulla, nec præiudicat domino, cap. ex insinuatione, & cap. in vestra præsentia, extr. 1. cod.

Non debet quis alterius odio præiudicari, cap. nobis, extr. de synonia.

Quilibet præsumptio probatione in contrarium facta, elidi potest, cap. in nostra, extr. cod.

Exceptio falsi procuratoris, non solum ante litis contestationem, verum etiam post, obici potest, d. c. in nostra, extr. cod.

De nemine præsumendum, quod sit inim. mor. salutis æternæ, 1. quest. 7.

Quilibet præsumitur bonus, nisi probetur malus, ca. unico, extr. de scruti. & cap. dudum, extr. de præsumpt.

Nunquam proceditur contra absentem, nisi vel tacite, vel expresse citatum, gloss. in d. cap. in nostra, in verb. irritandum, extr. cod.

Sublato principali tollitur accessorium, cap. inter dilectos, extr. de fide instrum. cap. qualiter, extr. de elect. c. hac scripsimus, 16. q. 7. cap. 1. extr. de schismat.

Cum verba generalia siue ambigua ponuntur in instrumentis procurationis, recurrendum est ad intentionem constituentis. Verba enim debent describere intentioni, non intentio verbis, cap. ex multiplici, extr. de decimis, ca. humana au-

res. 22. q. 5. c. 1. sedulo. 38. dist. c. intelligentia, extr. de verb. signif. cap. praterea, & cap. remiserunt, dist. 4. de consecrat.

Si post conclusionem in causa apparet procuratorem reuocatum, nihilominus feruet sententia, cap. auditis, extra. cod.

Procurator constitutus ad proseguendum iudicium petitionem, videtur etiam constitutus ad exercenda iudicia preparatoria & possessoria, etiamsi aliud mandatum non habeat, c. ad legatum, extr. cod.

Cum quid mandatur, omnia intelliguntur iniungi, si ne quibus commode ad exitum res mandata perducere nequit, eodem.

Posterius mandatum derogat priori, iuxta regulam, patet manifestissima, & c.

In simplicibus iudiciis procurator datus ad agendum, videtur etiam datus ad defendendum, cap. Nicolao, extra. de appellat.

Pluribus procuratoribus simul, & in solidum datis prior est conditio occupantis, cap. sancta crucis, extr. de rescripti. gloss. in cap. non iniuste, extra. de procur.

Pluribus procuratoribus simul datis, non videntur dati in solidum, sed pro parte, nisi aliter cautum sit, cap. si duo, extr. de procur. Mysing. obseru. 47. cem. 1.

Obscuritatis in mandato interpretatio contra dominum fit, iuxta l. veteribus, ff. de pactis.

Nota. Iure Canonum indifferenter, quilibet administrator rei aliena dicitur procurator: quia Canones non faciunt differentiam in vocabulis, dummodo is, qui aliena rei administrande constitutus est, habeat potestatem agendi & defendendi, cap. petitio, extr. cod. & cap. saluator, i. qu. 1. 3. Ius autem civile procuratores ab aliis alienarum rerum administratoribus distinguit, gloss. in cap. quia in caus. extra. de procur.

LIBER PRIMVS.
DE SYNDICO.

137

TITVLVS XXXIX

Continuatio.

PROcuratores à causa efficiente bifariam intelligi dictum est, vel procuratores in specie, qui à priuato quodam; vel syndicos, qui ab vniuersitate, vel collegio constituuntur; debent enim vniuersitates cum iudicio præsentes commodè interesse non possint, causas suas per constitutos syndicos agere, Dd. in l. i. ff. quod quisque vniuers. &c.

Quid est Syndicus?

Syndicus est procurator, qui ad agendas causas vniuersitatis, vel Collegij, seu defendendas præsentes & futuras communi mandato constituitur, c. 1. & c. idem, extr. eod.

Vnde dicitur Syndicus?

Dicitur, secundum Speculatorem, Syndicus, quasi singulorum, de vniuersitate, vel Collegio, causas dicens, l. munerum, ff. de muneribus & honorib. §. 2. sed verius dicitur Græco verbo *συνδικος*, quod est, adesse, patrocinari, defendere, patrocinium suum in causam communem adferre. Hinc qui à singulis vrbibus ad tuendam causam vnius prouinciæ mittuntur patroni, syndici dicuntur secundum Budæum.

Quæ est causa efficiens?

Causa efficiens est, lex, consuetudo, vel statutum, consensus vniuersitatis, collegij, vel maioris partis, aut ordinis, vel eorum, quibus ordo hoc commisit, non autem consensus constituti. Quia etiam inuitus quis syndicus constitui potest, Specul. de syndi. in princip. allegans l. i. & l. fin. §. defensores, ff. de munerib. & honor. & l. nulli, ff. quodcunque, &c. Vbi dicitur: nulli permittetur nomine ciuitatis, vel curiæ experiri, nisi ei, cui lex permittit, aut lege cessante ordo dedit, cum duæ partes adessent, aut amplius quàm duæ.

Quid Vniuersitas?

Vniuersitas est, multorum hominum in vna Republica simul degentium communitas. Aliud autem est vniuersitas, aliud singuli de vniuersitate: adeo quod, etsi quid faciant omnes de vniuersitate, nisi tamen faciant vniuersitatē solenniter congregata, & communicato consilio, non censetur actus gestus a communitate, etsi actus Reipublicæ commodum respiciat, iuxta Bart. Ang. & Castrensi. in l. sicut, §. si quid vniuers-

fitati, ff. quod cuiusque vniuers. nomine, &c. & l. ciuitas, ff. de reb. cred.

Quid Collegium?

Collegium est, plurium personarum in vnum corpus collectio. Hostien. hic: & Dd. in d. l. ciuitas.

Quid Ordo?

Ordo est, status & præminencia quibusdam in vniuersitate ad regendam Rempublicam populi suffragiis attributa.

Quæ Materia?

Omnia Reipublicæ, collegiorumq; negotia, & causæ, tam ciuiles, quàm criminales, siue præsentēs, siue futuræ sint. Siquidem in criminalibus vniuersitas per Syndicum rectè defenditur. Spec. hoc tit. nu. 5. & tit. de accusat. vers. fin.

Quæ Forma?

Vt Vniuersitate, Curia, Collegio, vel Ordine, in loco publico, solenniter congregatis, omnibus vel maiore parte, vel his, quibus ab illis hæc res specialiter commissæ est, præsentibus. Syndicus per suffragia ad eliciendum singulorum consensum, decreto interueniente, constituatur, & desuper instrumentum syndicatus, quod secundum Specul. quatuor continere debet, scilicet, quis syndicum constituat, & quis syndicus constituatur, ad quas causas, & lites, contra quos: denique quomodo & quare constitutus sit, iuramento fidelitatis & diligentie præstito conficiatur, l. 8. C. de decu. l. si procuratorem, ff. de procur. l. penul. ff. de legatio. l. si actor. C. de appellationibus.

Quis Finis?

Necessitas, & vtilitas, cum Vniuersitatis, tum etiam eorum, quibus lis, & negotium cum Vniuersitate intercedit. Quoniam Vniuersitas, neque agere, neque conueniri, nisi per Syndicum, qui Vniuersitatem repræsentet, potest, Specul. de synd. numer. 5.

Qui Effectus?

Primus est: quod generalis constitutio Syndici consensu totius vniuersitatis, vel duarum partium, vel maioris partis ex vniuersitate approbata, Syndico liberam agendi potestatem tribuat: etiam in iis, in quibus aliàs speciale mandatum desideratur, Ias. in l. præses, con. 12. num. 7. C. de transf. qui licet distinguat, tamen Alexand. dicit esse verius, conf. 2. 2. numer. 12. vob. 1.

Alter effectus est: quòd omnia, quæ Syndicus, etiam absque cautione, egit, ab vniuersitate rata haberi debeant: ita vt commodum, & damnum per talem gestionem in eam redundet, l. fin. vbi Dd. ff. cod.

Tertius effectus est: quòd per litis contestationem fiat Syndicus dominus litis, adeò vt promissio ei facta, & delatio, præstatioque iuramenti, aliaque omnia, quæ in iudiciario processu ab ipso aguntur, iure subsistant, litem, §. fin. ff. cod. gloss. libi, §. fin. ad verb. de rato.

Quæ Cognata?

Actor, oeconomus, procurator, curator, administrator, seruus publicus. Actor dicitur, qui ad agendum seu defendendum causas vniuersitatis presentes tantum constituitur, litem suffragium, §. decuriones, ff. cod. Differt in hoc à syndico, quòd is detur ad vniuersitatem causarum, tam præsentium quàm futurarum, non autem ad vnā præsentem & certam causam, sicuti actor, l. 8. ff. cod. Oeconomus est dispensator Ecclesiæ, cui res Ecclesiastica administranda mandatur, c. quoniam, 16. q. 7. c. 1. dist. 88. c. hoc ius porrectum, 10. q. 2. Curator dicitur, qui negotia ciuitatis extraiudicialia persequitur. Serui sunt, qui publico scribendi munere funguntur, & etiam actuarij dicuntur, l. fi. vbi Dd. ff. cod. Administrator dicitur, qui præest pecuniæ, aliaque negotia ad vniuersitatem pertinentia tractat. tot. tit. de admin. rerum ad ciuit. pert.

Quæ Adiacentia?

Iuramentum fidelitatis, cura, industria, instrumentum, syndicatus.

Quæ Pugnancia?

Mors Syndici, & reuocatio Vniuersitatis seu Collegij, omnesque exceptiones, quæ contra personam Syndici, eiusque constitutionem, ratione causæ efficientis, materiæ, vel formæ, possunt opponi. Contra personam: vt si Syndicus sit inhabilis ad agendum: quia excommunicatus, miles, minor, mulier, vel criminis accusatus. Contra constitutionem, ratione causæ efficientis: vt quia constitutus ab vniuersitate, cuius rectores sunt excommunicati, vel tales, qui ob causam constituere non possint, c. si. extr. de proc. vel qui constitutus est sine consensu Episcopi, vel quorum consensus desideratur, l. omnes, C. de episcop. & cleric. vel quia à Collegio illicito, l. 1. ff. quod cuiusque vniuers. nomine. Ratione constituti, vt quia laicus
con

constituitur in rebus Ecclesiasticis. Ratione formæ, quòd non est à duabus partibus Curix, vel Collegij constitutus, vel saltem à maiori parte, extr. de elect. c. in Ecclesia: vel quòd aliqui non sunt vocati ad constitutionem, c. quia propter, extr. de elect. vel constituti, vel constituentium nomina instrumento non sunt inserta.

DE HIS, QUÆ VI, metusve causa fiunt.

TITVLVS XL.

Continuatio.

Litigatores quandoque, ex iusta & legitima causa, agendo & excipiendo contra aduersarium, restitutionem in integrum merentur: quibus non iniuste annumerantur hi, qui vi, aut metu compulsi, aduersario, per fraudem, vim inferenti, quid dederunt, vel promiserunt.

Quid est Vis?

Vis est, maioris rei impetus, qui repelli non potest, secundum Iurisconsul. in l. i. ff. eod. & l. si ea, ff. de act. empt.

Quod sint species?

Vis varix sunt species. Alia compulsiua, per quam compellitur quis ad id faciendum, quod non faceret, si esset liberi arbitrij. Et ex hac nascitur edictum: Quod metus causa, l. i. ff. eod. Alia expulsiua, quæ nihil aliud est, quàm si quis per vim alium de possessione sua rerum immobilium deiciat, vel res immobilibus coherentes mobiles rapiat. Et hac inducitur interdictum, Vnde vi, tot. tit. C. vnde vi, l. i. §. 3. ff. de vi armata, & l. si quis in tantam, C. vnde vi. Alia ablatiua, quæ contingit in rebus mobilibus, & inducit actionem, vi bonorum raptorum, l. si fundus, ff. de vi & vi armata. Institut. Vi bonorum raptorum, per tot. & notatur de hac per Canonistas, in tit. extr. de treuga, & pace. Alia turbatiua, ex qua datur interdictum, vt possidetis, in rebus immobilibus, & rebus mobilibus interdictum, Vtrubi, cum duo se possidere contendunt, ff. vt possid. & vtrubi, per tot. Alia inquietiua, quæ fit, cum quis non sinit alium vt in sua quiete, vel in alieno ædificat, vel ædificare, inuito domino, conatur. Et ex hac datur interdictum, Quod vi, aut clam, per tot. tit. ff. quod vi, aut clam.

Quid

Quid Metus?

Metus est, instantis vel futuri periculi, mentis trepidatio, l. 1. ff. eod.

Metus quoruplex & quid iustus?

Metus duplex est, iustus & probabilis, & vanus vel improbabilis. Iustus est, qui in constantem virum cadere potest: Et est viræ, cruciatus corporis, status, seruitutis, fortunarum, pudoris, & instantiæ realis, c. cum dilectus, extr. cod. l. 7. 8. 9. ff. eod. l. 4. l. isti, cod. l. 4. & 9. C. eod.

Quid vanus metus?

Vanus & non probabilis est, qui non in constantem, sed abiectum, vecordemque hominem cadit: qui facile commouetur, & non timenda timet, lason, Inst. in act. quod metus causa, num. 54. vsque ad 73. & Zas. num. 10. Et est potentiæ, reuerentiæ, perfidiæ, accusationis, infamiæ verbalis, & minarum, c. cum dilectus, extr. cod. l. etiam si, ff. eod.

Qua causa efficiens?

Causa efficiens vis, merusque probabilis est, ipsa impressio, violenta coactio, & minæ accusationis, & infamiæ capitalis, eius, qui dolo vim infert: vel est necessitas imposita contraria voluntati faciendi id, quod non faceret, si liberum esset arbitrium, l. fin. & l. penul. C. eod. l. donationis, l. penult. ff. eod. glos. & Dd. in l. metum, C. eod. vide Spec. de præsumpt. §. vlt. numer. 7.

Quod Obiectum?

Obiectum est, corpus & animus patientis vim: vel metum in virum constantem cadentem. Est enim quædam vis, quæ corpori: & quædam, quæ animo: vtraque metum inducens, infertur.

Qua Forma?

Forma certa præscribi non potest, cum variis modis, & re, & verbis, vis, metusque inferri possint, vt Dd. in l. vt vim, ff. de iust. & iure.

Quis Finis?

Finis est, vt aliquid extorqueatur, licet non semper traditio rei extortæ, sed illatam vim promissio sequatur.

Quis Effectus?

Effectus est, actio & exceptio quod metus causa. Siquidem vis compulsiva, cum plerumque dolo fiat, delictum est, ex quo datur obligatio producens actionem, Quod metus causa, quæ,

quæ licet ob delictum personalis sit, tamen ex æquitate naturali, non tantum contra vim, metumque inferentem; sed contra quemcunque possessorem rei per vim extortæ, ut officio iudicis restituatur, competit infra annum quidem in simplex, post annum in quadruplum. Et hoc verum, si res incontinenti post vim illatam tradita sit, sin autem nondum tradita, sed promissa ob consensum vim passi quidem, contractus iure civili subsistit, ex quo petenti vi obligationis constitutæ, datur actio, quæ tamen per Reum, obiecta exceptione, Quod metus causa, eliditur, & penitus enervatur, l. metum, §. prætor, ff. eod. l. non fraudulenter, ff. de regul. iur. cap. Abbas, §. unde, extr. eod.

*Quibus casibus gestum ob vim, & metum
ipso iure nullum est?*

Sunt tamen novem casus, quibus utrinque nulla datur actio, sed gestum per vim metumque, licet iniuriando firmatum, ipso iure nulle est. 1. Si per vim & metum matrimonia sint contracta: cum invitæ nuptiæ difficiles exitus consueverint habere, c. requisivit, c. gemma, c. cum locum, & c. veniens, extr. de spon. 2. In promissione dotis, l. si mulier, §. si dos, ff. eod. 3. In alienatione rei Ecclesiæ, l. 5. q. 6. c. 1. de iurei. & c. 2. de reb. Eccles. non alienan. 4. In iurisdictione proroganda, c. si diligenti, extr. de foro comp. 5. In voto, c. 1. extr. de voto, l. 5. q. 1. 6. In autoritate tutoris, l. 1. ff. de auth. tutorum. 7. In testamentis, l. qui testamento, §. si. ff. de testam. 8. In sententiæ pronuntiatione, c. iniustum, l. 1. q. 3. 9. In procuratoris constitutione, arg. c. accedens, extr. de procur.

Nota tamen hic, quod omne iuramentum, iure Canonico servandum sit, quod absque dispendio salutis æternæ servari potest, cap. cum contingat, extr. de iureiur. & cap. licet mulieres, de iureiur. In 6. Quod procedere etiam putant, si vi, metuque iuramentum extortum sit: iuramentum enim servandum est, nisi eius petita fuerit relaxatio. Nam in subditis, qui ob causas, etiam civiles, à suis dominiis iniquè mancipantur, nec aliter relaxantur, nisi sub iuramento securitatis, id est, nisi iuramentum præstent de non vindicando carcere. In ordinat. Cam. par. 2. tit. 24. constitutum est, ut à tali iuramento relaxatio ad effectum agendi peti possit in Camera: iuramentum enim non vinculo iniquitatis: sed veritate, iudicio, iustitia, tamquam suis comitibus, fulcitum esse debet, cap. quanto, & cap. et si Chentis, extr. de iureiurando. Forma autem relaxandi est:

di est: Primò magistratui vel domino territorij, sub quo supplicans captus fuit, pro statu causæ scribitur, quia in dubio pro magistratu præsumitur, quòd legitimis ex causis quis captus sit. Dein facti serie transmissa fit communicatio petenti citationem super relaxatione iuramenti ad effectum agendi, & siquidem eam probabiliter confutare poterit, decernitur petita citatio: quia in principio litis, in dubio magis Actori, quàm Reo fauetur: & cùm relaxatio à iuramento ad effectum agendi causæ cognitionem requirat, partis aduersæ præsentia, quæ per huiusmodi absolutionem lædi possit, exigitur. Ergo citatione opus est, l. de vnoquoque, ff. de re iud.

Quæ causa Efficiens huius actionis?

Causa efficiens actionis, quod metus causa, est, vis compulsiva, & metus in constantem virum cadens, vt dictum.

Quæ Materia?

Materia sunt, res mobiles, & immobiles, corporales, & incorporales, per vim mutata, & ablata, omnesque earum accessiones.

Quæ Forma?

Forma est, bona per vim compulsivam, & metum in constantem virum cadentem, dolo aduersarij extorta, iussu iudicis restituenda esse; quòd si iudicis iussui obtemperatum non fuerit, condemnationem in quadruplum faciendam.

Quis Finis?

Finis est, vt rerum tam mobilium, corporalium, quàm immobilium, & incorporalium, ablatarum & mutatarum, intra annum simplex restitutio, & post annum, ob protractam reculationem, condemnatio in quadruplum fiat.

Quæ Cognata?

Cognata sunt, actio vi bonorum raptorum, & interdicta prohibitoria, & restitutoria: vt sunt, Vnde vi, vti possidetis, vtrubi, quod vi, aut clam.

Quæ Pugnantiæ?

Pugnantiæ sunt, voluntas vim passi, spontanea traditio, longum interuallum inter impressionem & metum, absentia periculi, vana timiditas, vecordia, l. 2. C. cod. l. metum autem præsentem, ff. cod.

AXIOMATA, ET SENTENTIÆ.

Negatiua probanda est si in se includat: Affirmatiua, si

perit

perlatum, extr.eod.c.homine,extr.de elect.

Quod ab initio non tenet, ratihabitione potest roborari, c. significatum, & c. cum virum, de reg.iuris.

Iuramentum si factum sit super eo, quod servari potest sine interitu salutis aeternae, valet, alias non, c. si aliquid, 22.q.4. c. cum dilectus, extr.eod.

Potius est mala pati, quam malo consentire, c. itane, 32. quest.2.

Si non tenet principale, nec accessorium tenet, c. si diligenti, extr.de foro competenti.

Periuriis via non est aperienda, c. cum dilectus, extr.eod.

Coacta voluntas, etiam voluntas est, 15. quest.1. cap. merito queritur.

Licet poena ad heredes non transeat, attamen quod turpiter & scelere quasitum est, ad compendium heredis pertinere non debet, eod.

Qui terrore laicorum electioni de se facta renuntiat: si renuntiatio, iuramento, vel fide firmata non sit, regimini, ad quod electus erat, praefici poterit, c. ad aures, extr.eod.

Probata violentia per testes, res amissa probantur per iuramentum. Et super valore rerum amissarum taxatione iudicis praemissa, & secreto petentis iuramento fit condemnatio, c. super eo, extr.eod.

Si interesse proficiscitur ex maleficio, id probatur per insinrandum: si autem ex contractu, tunc per testes probandum est, c. in primis, 2. quest.1.

DE IN INTECRVM restitutione.

TITVLVS XLI.

Continuatio.

Eccllesia, si grauitur laesa fuerit, nec ordinarium iuris remedium, ad corrigendum, vel emendandum id, quod gestum, vel recuperandum, quod amissum est, competat, iudicis

officio extraordinariè, exemplo minorum ad quadriennium in integrum restituitur.

Quid est in integrum Restitutio?

In integrum restitutio est, extraordinarium iuris remedium, quo Ecclesia, vel alij (quibus leges, vel Canones restitutionis beneficium, ob iustam causam non inuident,) læsi & decepti, officio iudicis ordinarij, vel alterius causæ cognitionem habentis, in eum statum, in quo erant ante læsionem, reducuntur, 2. quæst. 3. in fin. & l. 1. C. de sententiam passis.

Quomplex Restitutio?

Restitutiones variae sunt: Vel enim sunt minorum, vel maiorum. Iure minorum censentur Ecclesia & Respublica: quæ, sicuti minor, postquam excessit 25. annos, si petat restitui, usque ad quadriennium, in his, in quibus læsus fuit infra 25. annos, restituitur. Sic & Ecclesia, & Respublica, quadriennium restitutionis beneficio gaudent, ubicunque læduntur, à tempore læsionis computandum, l. respublica, C. quibus ex causis maiores in integrum, &c. gloss. in cap. 1. in ver. iure minoris, & cap. auditis, extr. eod. cap. quid ergo, 23. quæst. 4. cap. ius publicum, dist. 1. Maiores autem, si quid, vel dolo aduersarij, vel per metum compulsi perdiderunt, vel propter iustam absentiam, vel ex probabili & iusto errore, vel ex alia legitima causa, quæ reprehendi non possit, læsi sunt, restituantur, tot. tit. extr. quod vi, metusque causa.

Qua causa Efficiens?

Causa efficiens est, Episcopus, Potestas. Alij etiam minores ordinarij, contentiosam iurisdictionem habentes, qui præsunt vniuersitati, & administrationem cum iurisdictione habent, c. de persona, 11. quæst. 1. l. 1. §. vlt. ff. de postul. l. fin. C. vbi & apud quos, &c. Etiam Delegatus: quia & hic de causa restitutionis cognoscere potest, distinctione tamen seruata, quam ponit Gregorius IX. in c. causa restitutionis, extr. eod. Inquit enim: Causa restitutionis in integrum, coram iudicibus ordinarijs administrationem habentibus, vel Delegatis ab eis, tractari poterit, & finiri: siue hoc ipsis Delegatis specialiter demandatum fuerit, siue in commisso eis negotio contingat incidere huiusmodi quæstionem. Delegati verò ab ordinarijs, qui administrationem non habent, sed tantummodò facultatem iudicandi, seu arbitri, de hac causa cognoscere nequeunt, nisi coram eis mota fuerit incideret.

Qui sunt Ordinarii administrationem non habentes?

Ordinarii administrationem non habentes dicuntur, quibus Imperator indulget, quod causas possint audire, definire, & iurisdictionem voluntariam per totum Imperium exercere, qui honorem & dignitatem habent, sed non administrationem commissam, quorum etiam potest iurisdictione prorogari, l. 1. & 2. ff. de iureiur. l. rem non nouam, C. de iud. per Hostiens. extr. eod. §. à qua facienda.

Quæ Materia?

Materia est, res magni momenti, ut causa matrimonialis, liberalis, criminalis, vel ciuilis: siquidem propter satis minimam rem, vel summam, si maiori rei, vel summæ præiudicetur, postulans restitui in integrum non auditur, l. scio, & l. penult. ff. eod. c. causa restitutionis, §. in matrimoniali, extr. eod.

Restituitur etiam Ecclesia & minor, quotiescunque in iudiciario processu læsi fuerint, contra condemnationem factam ob contumaciam, contra omissionem promissionis, allegationis, vel eorum, quæ faciunt ad instructionem causæ: & hoc non solum in damno, verum etiam in lucto, contra iuramenti delationem, vel relationem, & confessionem, vel si quid procurator ex neglectu officij malè gessit, contra sententiam, omissionem appellationem contractus & præscriptiones iure ciuili inductas, ut notat glos. in c. auditis, extr. eod.

Quæ Forma?

Forma est, ut intra quadriennium continuum, à tempore læsionis computandum, pro restitutione facienda imploreetur iudicis officium apud Ordinarium illius, contra quem petitur, iuxta solennium iudiciorum obseruationem, præmissa citatione, & approbatione læsionis facta, minor & Ecclesia, vel qui his, quoad hoc restitutionis beneficium comparantur, in eum statum, in quo ante læsionem erant, restituantur, tot. tit. C. ubi, & apud quem, l. in causa, §. 1. & l. 3. ff. eod. l. superuacua, C. de temporibus in integ. rest. cap. tum ex literis, in verb. officium, extr. eod. Spec. de in integ. rest. §. 1. num. 3. Bal. in l. minor, ff. de minor.

Quæ causa Impulsiva?

Causa impulsiva est, utilitas, æquitas, & necessitas. Quia hoc extraordinarium restitutionis beneficium datur, cum alia actio non competit, vel competit quidem, sed publicè expedit, ut læso pluribus iuris remedijs succurratur,

l.1. & l. diuus, ff. eodem.

Quis Finis?

Finis est, ne minores, Ecclesia, Respublica, maiores, & quicquid alij, qui ex legitima causa restituuntur: immeriti, rerum suarum damnum, quo se extricare non possunt, faciant. Cum æquitati consentaneum sit, Ecclesiam ab omnibus incommoditatibus illasam seruari, & deceptis sine culpa sua, maximè si fraus aduersarij interuenerit, per in integrum restitutionis beneficium subueniri, *l. diuus, ff. eod. l. minoribus, ff. de minor. cap. satis peruersum, dist. 56. & cap. cognoscentes, extra. de constitut.*

Quis Effectus?

Effectus est, ut quilibet ius suum saluum habeat, scilicet, tam is, qui restituitur, quam alius, contra quem restitutio fieri postulatur, & æqualitas, quoad fieri possit, seruetur. Nec enim æquum esset, ut Ecclesia, minor, vel quicumque alius, qui restitutionis beneficio gaudet, locupletaretur cum alterius iactura: imò ab hoc Ecclesia abhorret, capit. generalis, distinct. 54. cap. suam, extr. de pœnis, l. nam hoc natura, ff. de cond. indeb. l. vbi. C. de reputat. L. it prætor, l. quòd si minor, l. etiam, l. tutor, l. si iudex, ff. eodem.

Que Cognata?

Cognata sunt, actio rescissoria, actio de dolo, beneficium legis 2. C. de rescin. venditione, redintegrandæ nullitatis quæstiones, actio negotiorum gestorum: & omnia edicta vel interdicta restitutoria.

Que Pugnancia?

Pugnancia sunt, damnum non culpa aduersarij, sed euentu & casu illatum, defectus probandæ læsionis, lapsus legibus præscripti temporis petendæ restitutionis, dolus, delictum, sacramentum, seu iusiurandū eius, qui se restitui petit, &c.

AXIOMATA, ET SENTENTIÆ.

Beneficium restitutionis, ex quacunque causa competens, ad heredem transmittitur, lex persona. C. de tempor. rest. in integr.

Si petitur dilatio, qua metas restitutionis non excedit, tam Actori, quam Reo conceditur: poterit tamen Actor uti dilatione Reo concessa, l. petenda, C. de tempor. in integr.

Pro anno vtili datur quadriennium continuum, ad implorandam restitutionem in integrum, ex quocunque capite petatur, l. supernaciam, C.eod.

Ecclesia lesa in probatione necessaria ommissa, potest petere restitutionem in integrum, non obstante termino iuris probationis exclusa, & petere potest, non solum contra priuatum, sed etiam contra Ecclesiam, cap.auditis, extr.eod.

Ecclesia censetur iure minoris, iure Reipubl.& iure Imperij, ca.1. extr.eod. cap. quid ergo, 23. quest. 4. c. duo, dist. 96.

Ecclesia generaliter restituitur, non solum cum de bonis diminuitur, sed etiam cum interest Ecclesie, litibus & sumptibus non vexari, gloss. in cap. ex literis, extr. eod.

In causa appellationis, iudex altera parte absente, etiam lue non contestata, procedere potest, cap. per tuas, & cap. interposita, extr. de appell.

Differt appellatio à supplicatione: quod appellatione interposita, nihil est innouandum: sed, pendente supplicatione, mandatur sententia executioni, præstita cautione, quod omnia restituat, si sententia fuerit retractata, gloss. in cap. ex literis, extra.eod.

Petitio restitutionis in integrum contra sententiam, suspendit regulariter executionem sententie, nisi contra petentem est præsumptio malitia, quod causa differendi executionem hoc petat, cap. s. scitata, extr.eod.

Generale est, quod quando quis ad aliquid in dubio admittitur, semper præstare cautionem teneatur, d. cap. suscitata, & ibi gloss. extr.eod.

Quod una via prohibetur, alia non debet concedi, fullie in cap. iura, extr. de procurat. & cap. constitutus, extr.eod.

Quicquid habet uxor, totum præsumitur de bonis esse mariti, gloss. in cap. constitutus, extr.eod.

Filius in potestate patris constitutus, alienare, vel alias disponere de rebus suis non potest, gloss. in cap. constitutus, extra. eodem.

Tutor vel curator alienare rem minoris absque pratoria auctoritate non possunt, gloss. d. c. constitutus, extr. eod.

Qua de nouo emergunt, non auxilio indigent, capit. fin. extr. eodem.

Propter nouas defensiones, pctens restitutionem iterum auditur. Nouae autem defensiones dicuntur siue tempore primo petita restitutionis fuerint: sed non allegata, quoniam occulta: siue postea emerferint, & c. gloss. in cap. fin. extr. eod.

Restitutio denegata Ecclesiae, ulterius ipsi non conceditur, nisi ex noua causa: restituitur tamen ad appellandum à sententia denegationis, cap. beneficio, extr. eod.

DE ALIENATIONE IUDICIJ mutandi causa facta,

TITVLVS XLII.

Continuatio.

Edictum, de alienatione iudicij mutandi causa facta, speciem restitutionis constituit: qua prospicitur omnibus, in quorum damnum & prauiudicium possessiones, vel res, de quibus moueri quaestio timeretur causa mutandi iudicium futurum, in alios transferuntur.

Quid est alienatio iudicij mutandi causa facta?

Alienatio iudicij mutandi causa fieri dicitur, cum quis credens, se ab aliquo conueniendum reali actione vel personali, quae in rem scripta sit, dolo malo, iudicij futuri mutandi & vitandi causa dominium rei in alium transfert, lege ex hoc, ff. eodem.

Quid fieri dicitur mutanda iudicij causa?

Mutandi iudicij causa fieri dicitur, cum molestior aduersarius subiicitur, aut alia ratione agendi conditio durior sit & deterior, l. 1. 2. 3. & 4. ff. eod.

Quae causa efficiens?

Causa efficiens huius prohibita alienationis est dolus debitoris, actione reali, vel personali in rem scripta, conueniendi, l. item si res, §. haec actio, ff. eod.

Quod Obiectum?

Obiectū est, res, super qua cōtrouersia moueri timetur, siue sit mobilis, siue immobilis, siue corporalis, siue incorporalis.

Qua Forma?

Forma alienationis, vt producat effectum, id est, actionem in factum; desumitur ex tribus ad illam actionem necessario requisitis. 1. Vt fiat alienatio causa mutandi iudicij futuri & non præsentis; quia alienans rem litigiosam incidit in edictum de litigiosis, l. vlt. C. de litigiosis. l. ex hoc edicto, ff. eod. 2. Vt dolo fiat alienatio, ratione loci, vel personæ: vt si durior rem agendi conditionem opposito potentiori, vel alterius prouinciæ aduersario nobis fecerit, l. 1. & l. 2. ff. eod. 3. Vt nostra interfit: fortè si quis fecerit impensas, vel aliam incommoditatem ratione alienationis factæ, vel potentioris aduersarij substituti passus sit.

Qui Effectus?

Effectus est, actio in factum: quæ restitutoria est, & rei persecutionem præstationemque eius, quod interest, alium aduersarium habuisse, arbitrio iudicis continet. Dabitur autem hæredi, & in hæredem, vel similem, quatenus ad eum peruenit: Non post annum; quia, licet pertineat ad rei persecutionem, tamen ex delicto, hoc est, dolo & fraude alienantis competere censetur, l. item si res, §. hæc actio, l. vel similem, l. vel post annum, l. quia pertinet, ff. eod.

Qua causa Efficiens actionis huius?

Causa efficiens hujus actionis in factum, est delictum, vel dolus alienantis.

Quod Obiectum?

Obiectum est, alienatio rerum mobilium, immobilium, corporalium, incorporalium, quas alienandi, & distrahendi legibus & Canonibus concessa facultas est.

Qua Forma?

Forma est, quod si quis, alienando rem, alium nobis aduersarium suo loco, data opera, & in fraudem nostram, substituerit, in factum actione, quanti nostra interfit, alium aduersarium nos non habuisse, conueniatur, l. 1. ff. eod.

Quis Finis?

Finis est, ne alterius conditio, litigandique facultas ex alieno facto, fiat deterior, vel dolo debitoris & possessoris rem alienantis remouetur & impediatur.

Quis Effectus?

Effectus actionis est, ipsa restitutio, non tantum rei in fraudem alienatæ; sed etiam ipsius interesse, quod nobis, ob factum debitoris, defuit.

Quod Cognatum Alienationis?

Affine alienationis est, cessio: differunt tamen in hoc, quod alienatio futuri iudicii causa fiat: cessio autem, lite pendente, & durante iudicio, fieri contingit. Cuius effectus est, actionum directarum transitio: quod cui cessæ sunt, eas nomine suo intentare possit: licet secus sit, si absque actionis cessione, nomen ematur. Emptor enim utilibus tantum actionibus tunc experitur, l. emptor, C. de hered. & act. vend.

Quæ cognata actionis in factum?

Cognata actionis in factum, hoc loco, sunt, omnes vindicationes, actiones mixtæ, & personales in rem scriptæ, Cuius, obser. lib. 10. cap. 3. per l. 24. §. ult. ff. communi diuidundo. Et, quoad restitutionem, omnia edicta, & interdicta restitutoria.

Quæ Pugnantiæ?

Pugnantiæ sunt, primò necessitas alienandi, ignorantia iuris peritoris, vel defectus iuris debitoris: Vt si possessor, absque dolo, ex necessitate ignorans peritoris ius in ea habere, re alienet: vel si sciat, ipsum ius autem, vel per usucapionem, vel alio modo est extinctum. 2. Si inchoatum fuerit iudicium, vel res facta litigiosa: quod sit per citationem, libelli oblationem: aut alio modo, causa mota in realibus, sicuti litis contestatione in personalibus, gloss. & Bart. in l. 3. ff. eod. Denique cessatio interesse, si videlicet, æque contra tertium possessorem agere possit, nec peritoris interfit, contra alienantem actionem dirigere, gloss. & Dd. in l. 2. & auth. litigiosa, C. de litig.

AXIOMATA, ET SENTENTIÆ.

Delegata iurisdictio non potest prorogari ad personas alias, in rescripto non comprehensas, gloss. in cap. 1. extr. eod.

Clericus, causa mutandi iudicium, non debet recipere cessionem à laico, cap. ex parte, extr. eod.

Edictum de alienat. iud. mutand. causa, ad futura iudicia pertinet, cum quis metu impendentis litis alienat rem, vel

alienatione duriorē aduersarij conditionem reddit, cap. 1. extra. eod. & ibi gloss.

Fraudem non committit, qui iure suo utitur, gloss. in cap. 1. extra. eodem.

DE ARBITRIS.

TITVLVS XLIII.

Continuatio.

Litigatores quandoque, sumptus, alteriusque ex contentione proficiscentis incommodi, vitandi gratia, vel etiam odio protractionis litium, controuersias, sub stipulatione certæ pænæ, ut eius metu à placitis nō recedatur, alicui, ut viro bono, dirimendas, per compromissum committunt.

Quid Arbitrium?

Arbitrium est, potestas de causa controuersa cognoscendi, & pronuntiandi, partium consensu, sub stipulatione certæ pænæ, ut sententiæ stetur, vel à lege, vel Canone alieni, qui arbitrium recipere potest, tributa, cap. perpetuas, & cap. 1. extra. eodem.

Vnde dicitur Arbitrium, & quid significat?

Arbitrium dicitur ab arbitrando, quasi arbiter ex æquo & bono de causa per compromissum commissæ arbitretur & statuat: Et significat sententiam boni viri, iuris formulis, & angustiis solutā. Cicero pro Sex. Ros. & libr. 3. Off. & l. 1. ff. de leg. 2. Quæ compromissum & laudum etiam dicitur, ex eo quia ad arbitrum ex compromisso itur, hoc est in arbitrium, sub certâ pænâ, vel cautione standi sententiæ per ipsum latæ à partibus, compromittitur. Vnde arbiter à potestate iudicandi etiam iudex compromissarius dicitur, l. 2. C. de iur. iur. prop. calum. dand. l. cum lege, & l. penult. C. de pactis, l. societatem, ff. pro socio.

Quotuplex est Arbitrium?

1. Arbitrium à causa efficiēte, formā & materia variè dicitur.

Quotuplex à causa efficiente?

A causa quidem efficiente arbitrium, vel est voluntarium, vel necessarium, & iuris.

Quid Voluntarium?

Voluntarium est, si partium voluntate in arbitrum, qui volens receperit arbitrium, compromittatur.

Quid

Quid Arbitrium iuris?

Arbitrium iuris est, si vel à iudice, vel statuto, consuetudine, lege aut Canone, priuato alicui causa decidenda committatur, Bart. f. prætor, nu. 12. de rero. dat. l. arbitrio, cum l. seq. ff. quæ sit iud. cog. l. apertissimi, de iudiciis.

Quæ causa Efficiens?

Causa efficiens voluntarij est, consensus & voluntas partium facultatem in arbitrium compromittendi habentium, accedente arbitri consensu. Tamen enim nemo cogatur arbitrium recipere, quoniam hæc res libera & soluta est, & extra iurisdictionis necessitatem posita: attamen ubi semel quis in se receperit arbitrium, ad curam & sollicitudinem suam hæc res, quæ se, ante pronuntiationem sententiæ, liberare non potest, pertinebit. Non tantum quod studeant lites finire, verum, quoniam non deberent decipi, qui eum, quasi virum bonum disceptatorem inter se elegerunt, l. Labco, §. tamen, ff. eod. l. rem non nouam, C. de iud.

Qui compromittere possunt?

Compromittere omnes possunt, qui non prohibentur: vt sunt omnes, siue sint sui iuris, vel alieni: vt filij, familias, seruus iussu domini, siue in re sua, vel aliena, vt sunt administratores, quibus libera rerum administratio commissa est, tutores, curatores, Prælati, vassalli, siue Christiani, vel non, vt Iudeus, paganus, vt notant Blanc. de compro. q. 2. & Hostiens. & l. non distinguemus, ff. eod. & Alex. conf. 23. nu. 5. volum. 2. Prohibentur tamen serui per se, ob statum: impuberes, ob ætatem: mulieres in causa aliena, ob sexum: furiosi, ob defectum intellectus, &c. d. l. non distinguemus, & l. diem, ff. eod.

Qui Arbitri esse possunt, vel non?

Pari ratione in omnes compromitti potest, cuiuscunque dignitatis & conditionis sint: siue persona Ecclesiastica, siue secularis, siue filius fam. siue paterfam. siue celebris & bonæ famæ, siue infamis, 3. q. 7. §. tria, cap. per tuas, extr. eod. l. 5. ff. eod. exceptis his, qui lege, vel Canone prohibentur: vt sunt seruus, furiosus, mutus, surdus, imbecillus 20. annis, femina. Maior tamen 20. annis arbiter esse potest: & clerici de temporalibus compromittentes in mulierem, alias de consuetudine iudicantem, arbitrium subsistit, c. dilecti, extr. eod. & cap. cum, vigesimum, ubi glo. & Dd. extr. de officio & potest. iud. delegati. Specul. de arb. §. potest.

Qua Materia?

Materia compromissi, sunt, controuersie quarūlibet rerum, de quibus in arbitrum compromitti Canones & leges ciuiles permittunt. In causa autem criminali, nisi agatur ciuilitate, causa populari liberali, matrimoniali, in rebus spiritualibus in laicum, perniciosis Ecclesie & Reipublice, & de re, de qua transigi non potest, ut de alimentis futuris, iudicatis, &c. vel rebus alienari prohibitis, velut, emphiteusi, & feudo non compromittitur, c. contingit extr. eod. l. non distinguemus, ff. eod. Guido. Pap. decis. 69. num. 2. Blanc. quæst. 2. num. 64. & q. 4. num. 78.

Quomplex a materia dicitur Arbitrium?

A materia, arbitrium vel generale, vel speciale, vel plenum dicitur. Generale est, si de rebus & controuersiis omnibus compromittatur, l. de rebus, ff. eod. Speciale est, si de vna tantum controuersia compromissum in arbitrum factum sit, cap. exposita, extr. eod. Plenum est; quod doli clausula expressam mentionem facit, c. ita demum, §. plenum, ff. eod.

Que Forma?

Forma arbitrorum ex conuentione partium colligitur. Vel enim partes sub stipulatione pene certæ, vel cautione, addito iuramento, vel simpliciter pacto nudo, sine pene, cum adiectione certi dici, ad quem causæ desinere debeat, vel indefinitè in vnum, vel plures compromittant, quod si nihil specialiter conuentum fuerit, ad iudiciorum ordinem dirigitur secundum consuetudinem, & statuta cuiusque loci, l. non distinguemus, ff. eod. l. Pomponius, cum l. 1, ff. eod. Innoc. in c. quintauallis. nu. 7. de iure. Maranta in Spec. parte 4. dist. 14. nu. 2. Blanc. parte 1. nu. 20. 29. & q. 2. nu. 47.

Quomplex a Forma?

A forma arbitrium dicitur, vel conuentum, vel stipulatum, vel iuratum. Conuentum est, si partes abique compromisso simpliciter & nudo pacto in arbitrum consentiunt, hac conditione, ut non simpliciter eius sententiæ stetur sed pronuntiatum ad arbitrium boni viri reduci possit, l. societatem, ff. pro socio. Stipulatum dicitur, si sub stipulatione certæ pene, ut metu eius placitis stetur, a partibus fuerit compromissum, l. 1. C. cod. c. litigatores, extr. eod. Iuratum dicitur, si compromissum fuerit a partibus præstito iuramento, confirmatum, l. ne in arbitris, C. cod.

Quis Finis?

Finis est, vt lites & controuersie minoribus sumptibus, inter amicos, extra iudicij vexationes, & moras terminentur & finiantur, l. 1. & l. quamuis, ff. eod.

Qui sunt Effectus?

Effectus sunt. 1. Actio & exceptio, quæ siue ab vtraque parte promissa sit pœna, siue non sit: & nudo pacto, & sine pœna, assumptus sit arbiter, oriuntur ex sententia, quam arbiter, postquam recepit arbitrium, pronuntiare tenetur. Quod quidem verum est, si tacitè vel expressè partes approbauerint sententiam, nec intra decem dies, alterutra pars: (si arbitrium iuris sit) non appellauerit, vel si voluntarium ad arbitrium boni viri reduci non petierit, l. 4. & l. penul. ff. eod. Blan. quæst. 5. num. 8. cap. per tuas, extr. eod. si vero arbitrium à partibus non fuerit approbatum, vel receptum, & pœna appositæ fuit, tunc agitur ad pœnam, cuius metu arbitrio parere debebat: & per eam ad obseruationem arbitrij compellitur, cap. dilecti, extr. eod. c. per tuas, extr. eod. si nullâ pœna compromisso fuit adiecta, sed simpliciter stare arbitrio conuentum, agi ex stipulatu potest, ad interesse. sic distinguit glo. in c. per tuas, eod. Secundus effectus est, quod, sicuti litis contestatione præscriptio rei, de qua agitur, interrumpitur, ita etiam per receptionem arbitrij. Tertius: quod omnia acta coram arbitro inter easdem partes in iudicio ordinario probent, l. cum antea, C. eod.

Quæ Cognata?

Cognata sunt transactiones, amicabiles compositiones, pacta, iudicia, arbitramenta.

Quæ Adiacentia?

Adiacentia sunt, tempus idoneum, locus competens, salarium decens, & honestum.

Quæ Pugnancia?

Pugnancia sunt, lapsus dici, quo arbitrium fieri debeat, mora arbitri, vel alterutrius partium casus talis interueniens, à quo arbitrium incipere non potest, omnes exceptiones impediennes litis ingressum, & defectus causarum omnium, efficientis, materialis, formæ, finis, corruptio arbitri, dolo alterutrius partis proueniens, rei, super qua compromittitur, peremptio, solutio, acceptilatio, transactio, iudicium, pactum de non petendo interpositum.

AXIOMATA, ET SENTENTIAE.

Arbitria ad similitudinem iudiciorum sunt redacta, & ad finiendas lites pertinent. l. 1 ff. eod.

Clerici de temporalibus in mulierem, alias de consuetudine iudicantem compromittere possunt, c. dilecti, extr. eod.

Fœmina secundum regulam iuris civilis à publicis officiis sunt remota; nec iudicandi munere fungi possunt, nisi Princeps scienier eis delegauerit causam: d. c. dilecti, & 3. q. 7. §. 4. tria, & 33. q. 5. c. mulierem constat, c. cum deuotissimam, 12. quasi. 2.

Si contemplatione alicuius aliquid sit, eius est periculum, gl. c. dilecti, eod.

Arbiter non habet potestatem iudicandi ultra comprehensa in compromisso: ideo coram eo locum non habet reconuentio, c. cum dilectus, eod.

Arbitrium pro paroe valere, & pro parte non valere, non potest, c. Raynuius, extr. de testam. Contrarium habetur, c. dilectus, extr. de preb. & c. nisi, eod.

Autoritate iudicis causa etiam delegati, potest tam in temporalibus, quam spiriualibus in clericum & laicum compromitti, & si arbitrium est à partibus receptum, debet à partibus executioni mandari: si autem non fuerit approbatum, & pœna fuit apposta, ageitur ad pœnam: non si fuit adiecta, agitur ad interesse, c. per tuas, extr. eod.

Compromissum non extenditur in compromittentis hæredes, nisi de hoc specialiter cautum sit, c. fin. extr. eod.

De omnibus rebus controuersis una vel pluribus compromitti potest, quæ sint facti, non iuris, nisi ipsam quoque ius sit incertum, Salicet. cap. cum proponas, C. de reb. creditis, & in reuocando.

FINIS LIBRI PRIMI.

LIBER



LIBER SECVNDVS.

Libri secundi Obiectum est, Iudicium: quicquid enim in eo traditur, ad preparatoria tam necessaria, quàm incidentia iudiciorum, partésquē, quibus ipsam iudicium constat, refertur.

DE IVDICIIS.

TITVLVS I.

Continuatio.

Si mota controuersia, partium transactione, vel pactis, vel per arbitros dirimi non possit, ea in iudicium legitimè deduci, liteque contestata, examinari, & denique iudicis pronuntiatione definiri solet.

Quid est Iudicium?

Iudicium est, actus legitimus trium personarum; Iudicis scilicet, Actoris, & Rei, super eadem quæstione; vel coram eodem iudice contracta, gl. in c. forus, extr. de verb. sign.

Vnde dicitur Iudicium?

Iudicium vocatur quasi iurisdictio, prius inquisitio vocabatur. Vnde & auctores iudiciorum præpositos, quæstores, vel quæsitores appellabant, vt Isidorus in libr. Etymologiarum notat, c. forus, extr. de verbor. signif. Et à causa efficiente, obiecto, forma, sine & effectu varè diuiditur, vt ex sequentibus patebit.

Quot sunt partes Iudicij?

Partes iudicij sunt tres: principium, vt citatio; vel, vt alij volunt, litis contestatio; medium, vt probationes, quouis modo illæ

do illæ fiant : & finis, vt sententia vel executio, Iason in *auth.* ad hęc, C. de iud. l. iudex, ff. de re iudicata, & l. i. C. de litis contestat.

Quæ causa efficiens?

Causa remota est, ius gentium. Siquidem iure gentium iudicium tam ciuile, quàm criminale introductum est : quorum illud primum iuris gentium præceptores esse diligendos: hoc autem, alterum scilicet, fontes puniendos, nititur. Causa propinqua sunt, omnes personæ, quib. iudicium constituitur. Constat autem iudicium duplici personarum genere, litigatoribus & iudice : & rursus litigatorum alij sunt Actores, alij Rei : & horum quidam suo nomine litigant, quidam alieno. Eorum, qui alienam litem, causamque suscipiunt, quatuor sunt species ; putà, patronus, aduocatus, procurator, & defensor, quorum significatio ex his Asconij Pediani verbis, facillè intelligitur. Qui defendit alterum (inquit) in iudicio, vel patronus dicitur, si orator est: vel aduocatus, si ius suggerit, aut præsentiam suam amico accommodat : vel procurator, si negotium absentis suscipit, vel cognitor, si præsentis causam nouit, & sic tuetur vt suam. Vnde Cicero ipsum familiarissimum defensorem appellauit: Sed cum satius sit, ad propositæ materiæ intelligentiam, nominibus ad forum accommodis & vñtatis vri: & hi in vniuersum sunt, qui suo vel alieno nomine, in iudicio interueniunt, scilicet Iudex, Actor, Reus, Aduocati, Procuratores, Defensores, Tabelliones, Apparitores, & Assessores litis.

Quid Iudex?

Iudex est persona, quæ iurisdictioni præstat: ac populo, iuxta legis præscriptum, locique consuetudinem, ius dicit, c. forus, §. iudex, extr. de verb. sign. Et hic vel est ordinarius, vel extraordinarius. Ordinarius iudex dicitur, qui iure suo, vel Principis beneficio vniuersaliter iurisdictionem exercere potest, l. more maiorum, ff. de iurisdictione omnium iud. Quod locum habet, siue in Ecclesiasticis, vt sunt Primates, Archiepiscopi, Episcopi, & cæteri, qui habent iurisdictionem à Papà, c. omnes, dist. 2. siue in spiritualibus, vt sunt Daces, Marchiones, Comites & alij. Extraordinarius est, qui non suo iure, vel Principis beneficio, vel à lege, & consuetudine iurisdictionem habet: sed vel ex partium consensu, vt arbiter: vel ex Superioris commissione, vt Delegatus, alicuius causæ iudicialem cognitionem recipit, cap. sanè quia, & cap. cum olim,

olim, extr. de offic. delegat.

Quid Actor?

Actor ab agendo dicitur, estque is, qui actionem proponit, & prior ad iudicem prouocat, l. qui prior, ff. de re iud.

Quid Reus?

Reus est, qui defendit & propulsat actionem vel accusationem: non à teatu, sed à re, de qua controuersia est, dictus, c. forus, extr. de verb. sign. l. properandum, C. de iud.

Quid Procurator?

Procurator dicitur, qui aliena negotia, domini mandato, in iudicio administrat: & ea, quæ ad causæ iustificationem pertinent, iudici exhibet, l. i. ff. de procu. Qui, si ab vniuersitate, vel collegio, ad vniuersitatis causas in iudicio defendendas, constituatur, syndicus dicitur: inde nominatus, quasi singulorum de vniuersitate, vel Collegio, causas dicens, l. munerum, §. 2. ff. de muner. & honor.

Quid Aduocatus?

Aduocatus est, qui clientis petitionem, apud competentem iudicem, adhibito consilio maturo, & industria, in scriptis explicat: vel extenuando aduersarij intentionem ipsum in iure defendit. Inde differentia inter procuratorem & aduocatum. Procurator enim causam præsentis: aduocatus autem causam absentis defendit, atque quæ à procuratore iudicialiter exhibita sunt, confecit. Bart. in l. Paulus, ff. de legat.

Quid Defensor?

Defensor est, qui voluntariè, & absque mandato sese defensionem alterius offert. Qui, si cautionem de iudicato soluendo non præstiterit, idoneus defensor esse non potest, nisi Actor cautionem exigere negligat, c. i. & c. mandato, extr. de procurat.

Quid Tabellio?

Tabellio est persona, habens publicum officium scribendi instrumenta ad fidem faciendam.

Quid Executor?

Executor, secundum Speculatorem, est officialis, per quem litis executio, & ipsius causæ præparatio, iubente suo iudice, expeditur, c. nullus, §. aliquando, 4. q. 4. & c. parati, extr. de appellat. Et is in iure variis nominibus appellatur, scilicet apparitor, officialis, nuntius, minister, Cæsarianus, Catholicianus, & portarius, Speculator in tit. de executore.

Quid

Quid Assessor?

Assessor est is, quem ille, qui iudicandi potestatem habet, sibi afficiat, ut sibi in causæ cognitione assideat, vel assistat, & cum ad rectè decidendam causam instruat, Spec. tit. de assessor. l. 1. C. de assessor. & is aliter vocatur consiliarius, infr. de cons. cap. requil.

Quotplex est iudicium à causa Efficiente?

Potest dici varium. Sed iuxta summam diuisionem est, vel Ecclesiasticum, vel seculare. Ecclesiasticum est, quod coram iudice Ecclesiastico, habente iurisdictionem ordinariam, vel mandatam, inter personas Ecclesiasticas, vel etiam laicos causa ad iudicem Ecclesiasticum pertinente agitur, c. decernimus, extr. de iud. c. causam matrimonij, extr. de offic. deleg. cap. fin. de foro compet. Iudicium seculare est, quod coram iudice laico, inter personas seculares exercetur, d. c. decernimus.

Quod Obiectum?

Est causa, quæ dicitur in c. forus, extr. de verbo. signif. materia iudicij, & origo negotij: quæ dum proponitur causa propriè est, dum discutitur, iudicium, & dum finitur, iustitia dici potest, d. c. forus. Causarum genera licet varia sint, tamen summarim in ciuilia & criminalia distinguuntur. Vnde cognitionum numerus, ex variis causis descendens, licet in genera diuidi non possit, tamen in genere quadruplici consistere Callistrato iureconsulto dicitur. 1. In honorum & munerum gerendorum controuersia. 2. Rei pecuniariæ disceptatione. 3. Alicuius existimationis cognitione. 4. Capitalis criminis quæstione: quorum duo priora ad causas ciuiles: duo autem posteriora ad criminales referuntur, l. cognitionum, ff. de extraord. & c.

Quæ diuisio iudiciorum sumitur ab Obiecto?

Quod aliud iudicium sit ciuile, vel priuatum: aliud publicum, vel criminale. Ciuile est, quo Actor suum, vel alterius commodum priuatum prosequitur. Criminale est, quod accusator ad vindictam publicam, vel penam fisco applicandam, instituit, l. item capitale, ff. de pub. iud. c.

Quæ Forma iudiciorum?

Vt à personis, quibus constituitur, iudicium legitimè instituitur, partisque omnes, iudicarij processus ordinata quadam serie obseruentur. Scilicet: ut actor agendi ius habens, iustamque causam & occasionem litigandi adeptus, iudicem compe

competentem per se, vel per procuratorem, adeat, libellum-
 que actionis proponat; quò accepto, Reus, qui aliàs legitimè
 conueniri possit, citatus infra temporis à iudice concessi spa-
 tium deliberet, an contendere, necne in iudicio velit: quòd si
 iustas defensiones se habere, atque ob id sibi contendere lar-
 putat, exceptionibus, vel etiam vltèriùs replicationibus, du-
 plicationibus, triplicationibus, & quadruplicationibus, &c.
 (quæ in iure variæ sunt) vtrinque propositis, insiciendo vel
 affirmando intentionem actoris, litem contestetur. Exhibi-
 tisque ab Actore articulis, vel libello articulorum loco repe-
 rito, & exceptionibus, quæ post litis contestationem in vim
 defensionis admittuntur à reo conuento obiectis, horumque
 probatione, & post allegationes omnes causæ, conclusione
 vtrinque facta, sententia diffinitiva feratur. Quæ nisi infra
 decem dies à tempore scientiæ computandos ab ea appella-
 tum fuerit, transit in rem iudicatam, executionique manda-
 rur, Auth. offeratur, C. de litis contest. Quòd si autem Reus
 peremptorijs edictis euocatus non compareat, contra eum,
 vel per comminationem ferendæ sententiæ, vel immissio-
 nem ex primo, & vltèriùs, secundo decreto in bona litigiosa
 proceditur, licet etiam contumacia absents, ad hoc quòd
 damno litis coërceatur, varijs modis secundum Dd. in l. 1. ff. si
 quis ius dicenti non obtemper. puniatur, l. contumacia, ff. de
 re iud. l. in peremptorio, & l. post edictum, ff. de iudicijs, c.
 Romana, §. contrahentes, de foro comp. in 6.

Quotuplex iudicium ratione formæ?

Duplex, ordinarium, & extraordinarium. Ordinarium est,
 quòd certum procedendi ordinem, à iure præscriptum, exi-
 git. Extraordinarium autem dicitur, quando non in figura iu-
 dicij; sed ex iudicis officio, per modum inquisitionis, vel de-
 nuntiationis, vel aliàs de plano, ex æquitate proceditur, c. su-
 per his, & c. qualiter, extr. de accusat.

Quis Finis?

Finis est, vt innocentia protegatur, & culpa ac delictum
 puniatur: vnusquisque suum seruare, vel iniuria alicuius abla-
 tum consequi possit: æquitas & paritas custodiatur: & sit cer-
 tus litium terminandarum modus, c. quæ Lotharius, 2. quæst.
 1. cap. non frustra, 2 3. quæst. 5. c. 1. cod. in 6.

A fine, quæ diuisio iudiciorum finitur?

Licet complures à fine, & effectu sumantur iudiciorum
 diuisiones, illa tamen inter aliàs est notanda: quòd quæ-

dam iudicia sint priuata, quæ in hunc finem, vt aliquid detur, vel fiat, instruuntur: Alia publica, in quibus ad vindictam & pœnam fisco applicandam, vel corporaliter sufferendam, agitur. Quod notauit Cicero pro Cæcinnâ, cum ait: Omnia iudicia aut dirimendarum controuersiarum, aut puniendorum malefactorum causa esse comparata, & tot. tit. ff. de pub. deli.

Qui sunt Effectus iudiciorum?

Effectus est multiplex. Primò enim iudicio actionis non ultra annum, vel aliquantulum diutius duraturæ perpetuitatem, l. vii. C. ex delictis defunctorum quando hæredes conueniantur, 2. Inducit etiam præscriptionis interruptionem, l. vlt. C. de præscrip. 3 c. 3. Iudicio constituitur obligatio, l. 3. ff. de peculio. 4. Nouatur actio, l. aliam, ff. de nouat. 5. Deteriorem causam nostram non facit: sed meliorem, eò quod actionem tempore, vel morte perituram perpetuet, & morte purgationem excludat, d. l. aliam. ff. de nouat.

Quotuplicia iudicia ab effectu?

Alia sunt principalia, alia præiudicialia, alia præparatoria. Principale est, quod principaliter exercetur: & dictum ita, ad differentiam incidentis. Præparatoriū dicitur, quod ad exercenda alia iudicia parat viâ, l. 1. & l. 3. ff. ad exhib. Præiudiciale est, quod præiudicium alijs iudicijs, nisi prius definiatur, præstuit, l. fundum, ff. fam. her.

Que Affinia?

Arbitria, quæ ad similitudinem iudiciorum sunt redacta, transactio, & iuramentum: quorum vigor non minor, quàm iudiciorum est, cum rei iudicaturæ authoritatem habeant, l. 1. ff. de arb. l. non minorem, C. de trans. l. 4. ff. de iureiur.

Que Adiacentia?

Scriptio actorum, portulæ, sumptus iudiciales, vel honoraria personarum forensium, aut certa & ordinaria, aut incerta & extraordinaria, debita vel ex conuentione, vel officio iudicis extra ordinem, tempus commodum, locus idoneus & honestus, & iura statutoria.

Que Pugnantia?

Eremoditium, desertio Vadimonij. Contrahitur autem eremoditium, cum lis contestata deseritur: & differt à desertione vadimonij, quæ nihil aliud est, quàm desertio promissionis iudicio sistendi causa factæ; quod ex hac causa leuior, quàm ex illa pœna sit. Nam eremoditium damno litis coercetur,

etur, quia desertori non licet appellare, vel ex integro causam agere; quod tamen ei, qui promissioni iudicio fuit non parer, non prohibetur, Dd. in l. properandum, C. de iudic. & Nouell. 68. vt omnes obediant præsidiis. Defectus iurisdictionis, cap. scriptum, 6. quæst. 3. Dolus iudicis: vt si litem ex amore, fauore, gratia, odio, prece, vel alio affectu, suam fecerit. Vel, si pretio corruptus, metu compulsus, vel iussu alicuius potentis deprauatus, iniuste pronuntiet, 11. quæst. 3. cap. quicumque Fori & iudicis incompetencia. Neglectus naturalis æquitatis, & ordinis processus. Conditio iudicis, ob quam reddi possit iudicium nullum: vt si sit surdus, mutus, furiosus, minor, infamis, seruus, inimicus Rei conuenti, familiaris, & socius Actoris & Rei. Si procurator, assessor, & aduocatus in eadem causa, si testis, excommunicatus, hæreticus, infidelis, schismaticus, peritrus, illiteratus, imperitus sit, cap. omne, extr. de pœnitentia, & remissione. Et omnia, quibus iudicia soluuntur: vt in criminalibus, lapsus biennij, & in ciuilibus triennij, l. properandum, C. de iudic. mors iudicis, status mutatio, sententia, transactio, solutio, satisfactio, prohibitio Superioris, litis pendentia in alio foro.

AXIOMATA, ET SENTENTIÆ.

Duo sunt, quibus principaliter orbis regitur, auctoritas sacra Pontificum, & Imperialis ac Regia potestas. Inde, sicut ciuiliū legum non nisi ciuilis esse debet executor: ita etiam Ecclesiasticarum Ecclesiasticus index est administrator, cap. sicut, 10. quæst. 1. & per tot. cap. nouit, extr. cod.

In iudiciis non est acceptio personarum habenda, cap. in iudicio, de reg. iur. in 6.

In arbitris uile est habere iudicem fauorabilem & gratiosam, cap. consuluit, extra. de eff. deleg.

Iudicium dicitur bifariam coeptum: Primo per litis contestationem: & hoc quidem proprie: Secundo, inproprie per simplicem citationem, capit. proposuisti, extra, de foro comp.

Instantia iudicij termino prorogata, non perit per lapsum ipsius termini: inuauit regula hæc tribus rationibus. 1.

Quia iurisdictio ipsa est perpetua. 2. Quia & rescripta perpetua sunt: ergo virtute perpetuitatis eorum agi potest, non obstante lapsu temporis. 3. Ne quis ex malitia prorogans videatur inde commodum reportare, unde foret puniendus, cap. venerabilis. extr. de iudic.

Iudicium iustum vel iniustum nequaquam vendere licet, cap. non licet, 10. quest. 3.

Is, qui agere, vel accusare intendit: prius consulere amicos & deliberare, an ei expediat agere, debet, cap. de iudiciis. 3. quest. 3.

Accusationem criminalem debet precedere charitativa monitio, ut se emendet, cap. 2. extr. de accusat.

Consultissimum est Christiano, ut ad componendum vel transigendum promior sit, quam ad contendendum, cap. per totum, dist. 9.

Contumax in non comparendo, vel non respondendo excommunicari potest, beneficio autem privari non debet, cap. 1. extra. eodem.

Laici Ecclesiastica negotia tractare non debent, sed Prelatorum iudicio disponuntur, capit. decernimus, extra. eodem.

Episcopus potest clericum de crimine coram se confessum, vel convictum deponere, & curie seculari tradere: quod tamen precipitanter facere non debet, cap. cum autem, & ca. & si clerici, extra. eod.

Aktor obtinens in possessorio coram iudice Rei, non tenetur coram eodem iudice, si per proprietate respondere, si est prorsus alterius fori. Quia causa proprietatis cum possessione nihil commune habet, capit. significauerunt, extra. eodem.

Iudices de exceptionibus prejudicialibus, & principali negotio simul cognoscere, vel, lite non contestata, testes recipere non possunt, cap. exhibita, extra. eod.

Si actio & intentio actoris sint inceptae, debet Reus absolui

solui ab instantia iudicij, iterum tamen actor audietur, si apud eorum, cap. examinata. extra. eod.

Vassallus coram domino feudi conueniendus est, etiamsi dominus feudi sit Ecclesiastica persona: dummodo Actor possit suam iustitiam ibi consequi, aliàs index ordinarius adiri poterit, cap. ceterum. extr. eod.

Clerici ad seculare forum à laicis trahi non debent, etiamsi Prælati illis iustitiam administrare non velint, nec valet consuetudo in contrarium, Clem. clerici, & cap. qualiter. extra. eodem.

Principales persona non per Aduocatos, sed per seipsas factum proponere debent. Nisi forte sint adeò indiscretæ, ut earum defectus de iudicis licentia per alios suppleri debeat, cap. pastoralis, extr. eod.

Huic privilegio fori, cum non sit personale: sed collegio Ecclesiastico indultum, pactionibus priuatorum, aut iuramento illicito derogari non potest, capit. si diligenti, extra. de foro comp.

Nomen actionis in libello exprimere Actor non cogitur: debet tamen factum ita clarè proponere, ut ex eo ius agendi colligatur, cap. pastoralis, extr. eod.

Debitis solennitatibus omissis iudicium redditur frustratorium, cap. causam, qua vertitur, extr. eod.

Excommunicatus in iudicio legitimam personam standi non habet, nisi contra agentem se defendat, cap. intelleximus, extr. eod.

Index Ecclesiasticus potest per viam denunciationis Evangelicæ, seu iudicialis, procedere contra quemlibet peccatorem, etiam laicum, cap. noui, extr. eod.

In causis etiam pendentibus beneficialibus, decimarum, matrimonialibus, & usurarum, & ipsas tangentibus, procedi potest simpliciter, & de plano, absque iudiciorum strepitu, & figura, cap. dispendiosam, Clem. eod.

DE FORO COMPETENTI.

TITVLVS II.

Continuatio.

Actor litigare volens competentem iudicem adire, & aduersarium, cui iudicium dictandum putat, in ius vocari petere debet, cap.1. extr. de iud.

Quid est Forum competens?

Forum dicitur exercendarum litium locus: à fando dictus, siue Foroneo rege, qui primus Græcis legem dedit. Et competens esse dicitur, in quo Reus conuentus domicilium habet: vel aliàs cotam illius fori iudice, tanquam competenti, conueniri possit, cap. vbiunque, 1 3. quæst. 2.

Quæ est causa Efficiens competentie fori, vel iudicis?

Licet complures per Speculatorem, in tit. de foro comp. recenscantur modi, quibus quis forum sortiatur; quatuor tamen potissimum competentiam efficiunt: scilicet, domicilium, contractus, delictum, & situs ipsius rei controuersæ; siquidem vbi Reus domicilium habere, contraxisse, deliquisse, vel res sita comperitur, ibi conueniri, nec declinare Reus forum potest, d. cap. vbiunque, 1 3. quæst. 2.

Quod Obiectum competentie iudicis?

Qualibet causa, siue de negotio aliquo ciuili agatur, siue de crimine, possessione, siue proprietate: omnesque iudiciales actus, & partes iudicij.

Quæ est Forma competentie Iudicis?

Forma desumitur ex variis modis, quibus competens iudex constituitur.

Quæ est forma aduocandi competentem iudicem?

Vt Actor per se, vel procuratorem legitimum, tempore & loco congruis; nimirum die, non noctu; iudice pro tribunali sedente, eat; libelloque porrecto, petat aduersarium in ius vocari, cap. vxor, 1 7. quæst. 4. cap. biduum, 2. quæst. 6. cap. consuluit, extr. de off. deleg.

Qui sunt effectus Adiuionis?

1. Purgat moram, & contumaciam non commissam; vt patet ex condemnato propter contumaciam, redeunte, iudice adhuc

adhuc pro tribunali sedente, cap. biduum, 2. quæst. 6.

2. Aditio facta ab aduersario potentiore dolo Actoris principalis substituto, poenam Edicti, de alienatione iudicij mutandi causa facta, inducit, l. prohibere, §. fin. ff. quod vi, aut clam, &c.

3. Interrumpit præscriptionem, cap. pastoralis, extr. de off. Ordinarij.

4. Aditio maioris iudicis excusat vocatum à minore, cap. si quis Episcoporum, 18. dist.

5. Aditio competentis iudicis liberat à mulcta, quæ non venienti infligi poterat, cap. consuluit, extr. de off. deleg.

6. Facit querelam in hæredem transire, qualitercunque denuntiatione, vel protestatione secuta, l. quemadmodum, ff. de inoff. testam.

7. Facit, stipulationem committi, & ad eundem puniri, l. si quis maior, C. de trans.

8. Facit liberari quem ab officio suscepto, l. ei apud, §. 2. ff. depositi.

9. Plenior securitatem præstat iudici, l. 3. ff. de pignoribus.

10. Tribuit potestatem manumittendi ei, qui alias non haberet, §. ea lege, Instit. ex quibus causis manu.

11. Per eam expeditur actus adoptandi, & emancipandi, qui alias expediti non posset; l. 2. ff. de adopt. l. 2. C. de emancip.

12. Per simplicem aditionem, vel postulationem alicuius, interdum suspenditur iudicium in causis criminalibus, & ciuilibus, & differtur, l. seruum quoque, §. publicè, ff. de procurat.

13. Post simplicem postulationem restitutionis in integrum, nihil omnino faciendum est, l. vnica, C. de in integ. rest. postul. ne quid noui fiat, &c.

Quis Finis Aditionis?

Vt is, quem Actor conuenire velit, per citationem solenniter vocetur, ad hoc, vt in iudicio coram competenti iudice compareat; Actorisq; intentionem libello comprehensam cognoscat:

Quid est Citatio?

Citatio est, actus iudicialis, quo is, qui Reus asseritur, ad instantiam Actoris, per iudicem in iudicium, iuris expediendi causa, venire iubetur. Siquidem in ius vocare alibi

dicitur: iuris experiundi causa, alicui diem dicere, quod olim sine Apparitore fiebat: sed qui ad Prætozem, iuris experiundi causa, venire recusasset, duci, & obtorto collo rapi, etiam inuitus, ab Actore poterat, adeo ut Nonius Marcellus hoc loco, Vocare, positum, pro trahere, & ducere, annotarit. Vnde Horatius: *Rapio in ius, clamor utrimque, undique concursus*. Et inde quoque est, quod actio, interprete Theophilo, ad prin. tit. de act. Inst. ab agendo, hoc est, ducendo, nomen habeat.

Quot sunt Citationis partes?

Secundum Socinum sunt tres, in tract. de citat. art. 4. Iussus iudicis, Vocatio verbalis per Apparitorem facta, & eiusdem Relatio, quæ nisi ex actis appareat, citatio nullius momenti est, Spec. de citat. §. sequitur, num. 11.

Quot sunt species Citationis?

Sunt tres: vocalis, literalis, & realis. Vocalis est, quæ fit viva voce, vel per nuntium, vel per partem, vel per notarium, argumento, cap. circumcelliones, 23. quæst. 5. & cap. parati, extra. de appellat.

Item vel signo dato per præconem, vel campanam, vel tubam: quæ tunc demum usurpantur, si Reus se ita absenter, ut nullibi offendi possit, Maranta parte 6. §. ca. de citat. num. 98.

Literalis est, cum quis per iudicium in scriptis vocatur: quod fit vel ad domum citati, vel, si copiam sui non faciat, in publico affixis citationis literis, Felin. in cap. quoniam, §. porro, extra. ut lite non contest. Et hæc citatio propriè vocatur edictalis: quæ quibus casibus fiat, vide Geyl. obseru. 57. lib. 1. pract. obseruat.

Realis est: cum persona citanda, de fuga suspecta, realiter apprehenditur, & ad iudicem ducitur. Licet enim ius vetus de ducendo Reo, abolitum fuerit, quasi utilius, ut legitime per iudicem euocarentur, quam ab ipsis Actoribus, tædio diuturnæ dilationis fatigatis per vim eriperentur: tamen hoc casu, ob suspicionem fugæ, Reique legitime citati non comparentis contumaciam, haud iniuste Actor, qui forsitan alia via suum ius consequi non possit, excusatur. Et hæc citatio per capturam prima esse non debet, nisi in malitiis, & propter suspicionem fugæ, aut ut nulli, §. si quis verò, & laic. prætor, §. si debitorem, ff. de his, quæ in frau. cred.

Quæ causa Efficiens?

Causa efficiens est, iussus iudicis tam Ordinarij quam Arbitri,

Arbitri, & Delegati. Quia mandatam iurisdictionem absque citatione exercere non possunt. Ergo etiam videtur Delegatis concessa, c. si clericus, de sententiis ex com. lib. 6. l. cum dies, ff. de arb.

Quod Obiectum?

Omnēs lites & causæ, quarum definitio iudicis discretionī & examini subiicitur, actusque singuli causarum, de quibus iudex cognoscit, c. Romana, de appell. in 6.

Quæ autem personæ citari debēt? Et notandum, in ius vocari omnes, quorum interest, vel quorum causa agitur, etiam si sunt præsentes, exceptis in edicto Prætoris comprehensis personis, ff. de in ius vocando: quæ citari non possunt, nisi impetrata iudicis venia. de quibus l. 4. ff. de in ius vocando, & l. 3. C. eod. Procurator etiam, qui litem contestatus est in causa, ipse ad singulos actus citari debet, non dominus, aliàs, si citetur dominus, non valet processus: nisi procurator impeditus esset, Mynsing. obser. 39. cent. 2. & Panor. & Felin. c. pen. extr. de testibus.

Quæ Forma?

Forma citationis est, ut tribus edictis, intervallo decem dierum discriminatis: vel vno peremptorio, quod tantum temporis, quantum tria edicta, continet, ex causa necessaria, putà, propter distantiā viarum: vel si res celeritatem desideret, fiat, c. cum ex literis, extr. de in integ. rest. cap. cum dilecti, extr. de dolo, & cont. c. 1. extr. de dilat. Hac ratione, ut iudex apparitori, seu præconi præcipiat, ut Reum mandato suo citet, & ad instantiam Actoris tali die, hora, & loco, compareat, petitioni responsurus. Literalis autem citatio hæc sequentia continere debet: Quis citat, eius nomen, & cognomen. Quem & super quo, & ob quam causam, ubi, quando, ad quem, & ad cuius instantiam citat. Quod per se, vel legitimum procuratorem idoneum, & ad causam sufficienter instructum compareat. Debentque hæc citatoriarum literarum sigillo proprio iudicis, ubi per manum publicam non fuerint scriptæ, esse munitæ, Specul. §. iam de citatione, Clem. pastoralis, de re iudicata, Panor. in c. cum olim, extr. de sententia, & re iud. & And. Geyl. obser. 48. & quinque sequentibus obseruat. lib. 1. præct. obseruat.

Quæ causa Procacatætica?

Causa procacatætica est, petitio & instantia litigatoris, c. si significasti, extr. de foro compet. in verbo, petitionem.

Quis Finis?

Finis est, ut Reus in iudicio compareat, causamque suam defendat, d. c. significasti, eod.

Qui sunt Citationis Effectus?

1. Quod citationes sint omnium iudiciorum instituendorum principium & fundamentum, sine quibus omnia, quæ aduersus absentes in omni negotio, aut loco aguntur, viribus carent. Nam, neque ciuile, neque naturalis ratio quenkum indefensum iudicare permittit, Clem. pastoralis, eod. cap. cum inter, extr. de maio. & obed.

2. Operatur præuentionem. Vnde is, qui incipit, debet formare processum, l. 2. c. de requi. Reis. Quia ex pluribus iudiciis melior est conditio præuenientis, Spec. de citat. §. fin. vers. item pone.

3. Interrumpit longi temporis præscriptionem: quod tamen de reali citatione non intelligitur, sed de aliis citationis speciebus, Socin. de citat. art. 30. nu. 31. Bal. de citat. vers. nunquam tamen legi, &c.

4. Perpetuat iurisdictionem & actionem.

5. Suspendit iudicis potestatem, per interuallum termino datum.

6. Inducit litis pendentiam. Ad illum tamen effectum inducendum sex debent interuenire. 1. Quod citatio emanârit. 2. Quod à competente iudice. 3. Quod ad citatum perueniret, aut per eum non steterit, quò minus perueniret. 4. Quod ex tenore citationis plenè cognoscere potuerit citatus, quia de re sit controuersia. 5. Quod citatio sit apta. 6. Quod nuntius eam legitimè, & sufficienter insinuauerit: ut notat. Myns. in obser. 26. cent. 4. per Clemen. cum lite, tit. ut lite pend. nihil in nouetur.

Que Pugnancia?

Vitium seu defectus causæ efficientis: vitium Materiæ, & vitium Formæ. Ratione causæ efficientis: ut si Apparitor iussu iudicis non habeat: vel habeat quidem, sed iudex sit incompetens, ob fauorem, gratiam, vel odium suspectus, inimicus, cap. quia suspecti, 3. q. 5. Vitium materiæ dicitur, si citatio continet euidenter iniustum, vel iniquum, vel impossibile, c. præterea, extr. de dilatio. quod esse potest pro ratione iudicis: ut quia citat non subditum, vel clericum, vel exemptum, hoc expresso, quod sit exemptus.

1. Ratione Actoris: ut si ludæus petat mancipium Christianum,

num, vel bigamus beneficium, vel laicus ius decimarum, vel monachus uxorem.

3. Ratione Rei conuenti: vt si citatur, morbo, vel vi detentus, cognito impedimento: vel si sit Consul, Prætor, Magistratus, Episcopus dum sacra facit: vel ducens uxorem. Vitium Formæ committitur: vt si iudex citer ad locum suæ iurisdictioni non subiectum: vel, si sit pestilens, incertus, vel ultra duas diætas à finibus diocæsis, vel inhonestus: vel si in citatione dies non fuerit præfixus, nomen Actoris, vel Rei, non expressum: terminus admodum brevis fuerit, intra quem cõparationem fieri impossibile sit: si noctu vel die feriata citeretur, Bal.in tract.de cita. §. citatio est. Ex quibus patet, citationem ex iudicis litigantiumque qualitate, loci conditione, temporis ratione, citandi que forma vitari.

AXIOMATA, ET SENTENTIÆ.

Omniũ iudiciorum instituendorum principium & fundamentum sunt citationes: sine quibus omnia, quæ aduersus absentes in omni negotio, aut loco aguntur, non subsistunt, Clem.pastoralis, eod.

Neque naturalis, neque ciuilis ratio quemquam indefensum indicare permittit.

Parentem, patronum, patronam, liberos, & parentes patroni, patronaue in ius, nisi venia prius impetrata, sub pœna 56. aureorum, vocare non licet. cap. Episcopus qui mancipium, 3. quest. 2.

Quatuor sunt capita, ex quibus inualiditas citationis oritur, scilicet, persone qualitas, loci conditio, temporis ratio, & forma citationis.

Legitimè citatus, licet postmodum alterius fiat iurisdictionis, quasi prauentus, ius reuocandi domum non habet. Ratio est: quia per solam citationem perpetuatur iurisdictione tam Ordinarij, quam Delegati, c. proposuisti, extr. eod.

Spoliatus ante omnia est restituendus, nec tenetur ad citationem factam in iudicium comparere, priusquam restituatur, c. 1. & c. prius, 3. q. 2.

Diebus feriatis, nisi vel necessitas cogat, vel pietas suadeat,

cliam

etiam consentientibus partibus, processus habitus nullius momenti est, argum. c. utinam, dist. 76. & c. nunquam, dist. 5. l. i. ff. de damno infecto.

Discretus index in assignatione peremptori non debet iurisdictionem suam, nisi necessitas urgeat, ad eò coarctare, cap. consiluii, extr. de offi. deleg. c. appellare, 2. q. 6. .

Episcopus, ut suspectus recusatus, de cuius suspicionem notorie constat, potest dare delegatum partibus non suspectum: cuius sententiam poterit per se executioni mandare, cap. si quis, extr. eod.

Generale est, ut actor sequatur forum Rei, c. experientia, n. q. 1. c. si clericus, de foro compet.

Laicus à laico coram iudice seculari, non autem Ecclesiastico conveniendus est: quod usque ad eò continet, ut etiam si alteruter litigantium ab Apostolica sede lueras ad Ecclesiasticum iudicem impetrauerit, irrita sint, & inanes, cap. licet, eod. .

Privilegiatus ut non teneatur respondere, nisi in certo loco: si in alio loco vel respondere, vel soluere promittit, ibi poterit conveniri, c. dilecti, eod.

Quisque clericus potest in curia Romana conveniri, licet alias specifice forum ibi non sortiatur: habet tamen ex causa ius revocandi domum, c. licet, extr. eod.

Si à iudice seculari denegetur iustitia: vel consuetudo loci sit, vel calamitas personarum adire Ecclesiasticum forum suadeat: vel causa talis sit, quod eò pertineat, ut est matrimonij, simoniae, adulterij, usurae, perjurij, etiam à laicis index Ecclesiasticus adendus est, c. si dilectus, c. licet, & ibi glo. c. ex tenore, c. ex parte, extr. eod.

Clerici habent privilegium, ne coram iudice laico conveniri possint: cui privilegio, cum non sit personale, sed Collegio Ecclesiastico inductum, actionibus privatorum, vel iuramento illicito renuntiari non potest: in iudicem tamen Ecclesiasti-

Cum,

cum, non suum, possunt consentire, accedente consensu diocessani, c. placuit, l. q. 1.

DE LIBELLI OBLATIONE.

TITVLVS III.

Continuatio.

IN termino comparente Reo citato, Actor actionem edere, hoc est, libello complecti suam intentionem debet: Cuius copia facta ipsi Reo, an cedendum litī, vel contendendum actione, is deliberare possit: & si litigandum existimet, paratior exceptionib. & defensionibus iure sibi competentib. ad iudicium veniat, 3. q. 3. c. induciæ, §. offertur.

Quid est Libellus?

Libellus est, scriptura brevis intentionem, causam, & petitionem Actoris continens, contra aduersarium necessario concludens, c. fin. extr. cod. l. amplioem, C. de appell. §. 1.

Vnde dicitur Libellus?

Libellus dicitur à libro; est enim diminutiue dictum, propter sui breuitatem: Sicut & codicillus à codice diminutiue dictus est, Spec. tit. de libel. concep. §. libellus.

Quot sint partes?

Sunt tres, causa, obligatio, & actio. Causa dicitur, quæ in ipso facto, ex quo oritur, consistit, l. certi conditio, ff. si cert. petat. Obligatio est, quæ ex ipso facto descendit, & dicitur iuris vinculum. Actio dicitur ius persequendi id, quod iure sibi debetur, & est obligationis effectus.

Quot species?

Sunt duæ. Quandoquidem alius est accusatorius, siue querimonialis; alius postulatorius, siue conuentionalis. Accusatorius dicitur, qui in criminalibus per inscriptionem: Postulatorius, qui in civilibus, offertur, 2. quæst. 1. cap. legum, cap. 1. & c. fin. cod.

Quæ causa efficiens?

Causa efficiens, est autoritas legis sancientis libelli oblationem, auth. offeratur, C. de inf. Olim enim, qui aliquem in ius vocasset, edere actionē ei debebat, vt proinde sciret Reus, vtrum cedere vltro, an contendere deberet, l. 1. ff. de eden. Hodiē

diè verò; post formulas & impetrationes actionum sublatas, l. 1. C. de form. &c. in locum editionis introduxit lex libelli oblationem. Debet autem iudici, vel etiam Reo non petenti, ab ipso iudice, vel Actore, pro loci consuetudine, offerri, c. 1. extr. cod.

Quod Obiectum?

Quælibet causa, tam civilis, quam criminalis: tam peritoria, quam possessoria: iure tamen antiquo in civilibus libellus regulariter necessarius non erat, nisi in cōventionē illustrium personarum, l. quories, C. de dignit. lib. 1. 2. In criminalibus verò contrà: quia inscriptio requirebatur, siue publicum, siue priuatum esset. Hodie autem, & in civilibus libellus offerendus est, exceptis quibusdam casibus.

1. Si res, de quibus agitur, sint modicæ, vel longiorem indaginem non possint, c. si quis cum clerico, & ibi glos. 1. 1. q. 1. Nam id genus causarum iurifurandi delatione, vel ex petitione ipsorum litigatorum, vel ex iudicis auctoritate dirimi, & consopiri solet, l. 1. ff. de iureiurando. Quæ autem modicæ causæ sint, consuetudine fori diiudicandum est: Censentur tamen interdum vsque ad quinquaginta solidos, l. 1. C. de defenso. ciuitat. interdum vsque ad decem libras auri, vt in auth. de appellationibus, §. illud, colum. 4. nonnunquam vsque ad quinque aureos, l. diuus Adrianus, ff. de bonis dam. interdum vsque ad duos aureos, l. 1. c. ff. de dolo. aliquando vsque ad centum aureos, auth. de iudiciis, §. si quis autem, col. 6. Minimæ causæ autem esse dicuntur, quarum æstimatio ad sumptus iudiciales non sufficeret, auth. de appellationibus, col. 4.

2. Libellus non offertur in causis, in quibus proceditur simpliciter, & de plano, sine strepitu & figura iudicii: cum sufficiat petitionem Actoris vna voce factam actis inserere, Clem. sæpè, ver. verum, de verb. signif.

3. Si causæ non sit tanta præstantia, vt intentionem Actoris libello complecti suadeat: sed etiam sine scriptis de ea cognosci possit: hoc enim casu, consensu partium, libellus omitti potest, l. vlt. C. de priuileg.

4. Quando non agitur in modum inquisitionis aliquo denuntiante, c. cum olim, extr. de testibus.

5. Si Episcopus cognoscit de causa civili inter clericos sibi subiectos, c. si quis, 2. q. 1.

6. Excipiuntur omnes illi casus, in quibus testes recipiuntur, lite non contestata: Et illi, in quibus audientia denegatur, Spec. in §. in quib. vers. generaliter, de libelli concept.

7. Quan

7. Quando aliquis de necessitate iuris prosequitur accusationem, sicut hæres, qui tenetur vindicare necem defuncti, l. tutorem, ff. de his, quibus ut indig.

8. Si agatur de leuibus criminibus. Leuia crimina sunt, ut abigeatus, furta domestica, & modica, & iniuriæ verbales.

9. Quando officium iudicis, quod actioni deseruit, imploratur.

10. Cum postulatur cautio damni infecti: Et hoc, quia desiderat celeritatem, vel quia iudicis officio expeditur, l. 4. ff. cod.

11. Quando de possessione litigatur quocunque modo, & hoc propter sui utilitatem, l. momentaria, C. unde vi.

12. Quando agitur actione in factum, quæ ex re iudicata descendit, l. actori, C. de reb. cred. Sunt & alij casus per Spec. §. in quibus, tit. de libell. concep. relatis; sed hæc notasse hoc loco sufficiat.

Quæ forma libellorum?

Forma libellorum certa præscribi non potest, cum iuxta cuiuslibet curiæ stylum & consuetudinem sint concipiendi, Specul. lib. 4. par. 1. tit. de libelli concep. iure tamen communi exprimere debet, non solum agentis & conuenti nomen; sed & ius dicentis, & petitiæ rei, & actionis qualitatem. Non est tamen necesse conceptis verbis actionis nomen, præsertim iure Canonico, in libello exprimere, c. dilecti, extr. de iud. ubi Pan. num. 1. 2. & Dd. in l. 1. ff. de edendo. Et si personali experiundum sit actione, causa exprimenda est, non quidem proxima; sed remota, qua, quasi medio concludendi, nititur actio instituta: In actione personali causa proxima, est obligatio: remota autem, contractus: in reali autem actione, causa proxima, est dominium: remota verò, ipsum factum, ex quo dominium, vel ius agendi descendit: in qua actione alterutram causam exprimere licet, alioquin nec conuentus respondere tenebitur, & iudex libellum legitimam conuentionis formam non continentem discerpere & destruere potest. Unde dicitur.

Quis, quid, coram quo, quo iure petatur, & à quo: Rectè compositus quisq; libellus habet.

Quæ omnia si continebit in modum Syllogismi, necessario contra aduersarium concludit. Hinc etiam est, quòd libellus syllogismus iuridicus dicatur: siquidem in primis, tanquam pro Maiore, continet: Quis petat, à quo, & coram quo.

quo, id est, nomen actoris, Rei & iudicis: subinde pro Minore continet causam agendi, id est, actionem siue petitionem cum narratione facti, id est, quo iure petatur. Ultimo loco subnectitur conclusio inferens conclusiuam petitionem, qua Actor concludit petendo, merito ex præmissis Reum sibi fore condemnandum, non tantum in principali causa, verum etiam in expensis,

Porrò in libello concipiendò, tria potissimum Actor curare debet. 1. Vt sit dilucidus & brevis. Ratio est: Quia satius est, ob euitandam probandi difficultatem, pauca vtiliter proponere, quàm multis inutilibus aures iudicum fatigare, & in labyrinthum, quo se non facile extricabit, coniicere. Itantùm, C. de veteri iure enucle. Accedit, quòd propter obscuritatis vitium, nisi declaratio litis contestationem præcedat, processus iudiciarius corruat. Spec. de libel. concep. §. ult. V. cautus. 2. Vt in eo ponantur necessaria & vtilia, quæ scilicet probata Actoris iuvent intentionem, c. examinata, extr. de iud. 3. Vt narratio sit generalis, vt in processu Actor habeat plures vias & diuertacula ad intentionem suam stabiliendam, Spec. d. loco.

Quis Finis?

Finis est triplex. 1. Vt libello ius Actoris, causaque agendi declaratur. 2. Vt Reus ita instruat, quò consilium ad cedendum liti, vel contendendum actione, capere possit. 3. Vt sciat iudex, qualiter debeat formare sententiam, quæ secundum petitionis formam ferenda est. Vnde dicitur, sententiam debere esse conformem libello: quod verum est, non tantum in re, sed etiam causa & actione, Bald. in l. i. C. si plures vna sententia, &c.

Quæ effectus oblationis libelli?

1. Secundum petitionem in libello factam formatur sententia, c. qualiter, extr. de accus. 2. Facit rem litigiosam, secuta per executionem denuntiatione. c. quia res, l. i. q. i. 3. Perpetuat actionem annalem, si Princeps ad eum rescribat, l. i. & l. 2. C. quando libell. prin. dat. 4. Obligat Actorem, ad finem perducere causam, auth. qui semel, C. quomodo & quando, &c. 5. Interrumpit præscriptionem, etiam si nullam causam, vel saltem vnã, ex omnibus, contineat, l. sicut, C. de præscr. 30. &c. l. ex multis, C. de annali except.

AXIOMATA, ET SENTENTIAE.

In qualibet actione vtramque causam, remotam scilicet,
et pro

& propinquam, exprimere licet: sufficit tamen quod in reali propinqua causa, scilicet dominium: in personali vero remota, nimirum contractus, vel quasi, exprimantur. Ratio est: Quia realis actio uniformis est, ideoque causam propinquam exprimi sufficit in libello: sed actio personalis diuersa nature & qualitatis est, cum alia sit bone fidei, alia stricti iuris: quare remotam causam exprimi necesse est.

Effectus huius doctrine: Si in reali actione causa remota omissa sit, omne ius suum in iudicium deduxisse videtur Actor: Et sic quancunque causam probauerit, obtinet, cum Ecclesia, ex i. de causa possess. & proprietat. quod si tamen in probanda causa deficiat, & Reus absoluitur, obstabit Actori ierum in rem agenti rei indicata exceptio. l. & an eadem, §. actiones, ff. de excep. rei iud. E contra, non obest rei indicata exceptio, si assignata remota causa, vel in rem, vel in personam agens succubuit.

Non tenetur Reus respondere libello, in actione personali, si non exprimaturs causa petendi, c. dilecti, extr. eod.

Nomen actionis in libello exprimere Actor non cogitur: debet tamen ita clare proponere, ut ex eo ius agendi colligatur, c. dilecti, extr. de iudiciis.

In vniuersalibus & generalibus iudiciis, licet usque ad Sententiam, addendo, & detrahendo, emendare libellum, l. 4. ff. de petiit. hered.

In singularibus emendatio in re petita, usque ad sententiam, conceditur: quod obtinet, si addendo corrigat: quod si autem detrahendo, correctio quidem admittitur etiam usque ad Sententiam; sed si ab Adversario post litem contestatam cautionem exegerit Actor, iuxta normam l. vnice, C. de plus peti. & deinde detrahere velit, nisi hoc faciat ante acceptum iudicium, poenam legis non effugiet.

Si emendatio, siue addendo, siue detrahendo, respiciat substantialia libelli, ante litem contestatam impune fieri potest: non etiam postea, quod generaliter procedit, tam in

criminali,quàm in ciuili causa.

Circa qualitates principales, ante litis contestationem tantum emendari libellus potest, post non; sic enim mutaretur actio, seu facti substantia, Zaf. in §. fin. minus, Inst. de act.

Circa qualitates aduentitias correctio usque ad Sententiam admittitur, l. in delictis, §. si contracta, ff. de noxa. Sunt autem aduentitiae qualitates, quae nec vitiant, nec mutant libellum: sed huic praefer neccessitatem adiunguntur.

Mutatio libelli regulariter ante litis contestationem, non post, admittitur: quibusdam casibus exceptis, quos notant Dd. in l. edita, C. de edend. Quia litem contestando quis instantia, ex proprio contr. actu, astringitur, l. 3. §. idem ff. de peculio.

Homo rectus factus est: sed seipsum, propter suam malitiam, infinitis subiecit questionibus, cap. omnis at. 15, 12. quest. 1.

Mutari dicitur libellus, si rem prius per aliquam actionem petitam, nunc peto per aliam, Specul. lib. 4. §. nunc ostendamus.

Libellus non continens causam agendi, nomen Actoris, vel Rei, vel aliquo alio vitio Forma laborans, iure non subsistit, Specul. lib. 4. de libell. concep. §. fin. num. 1.

DE MUTVIS PETITIONIBVS.

TITVLVS IIII.

Continuatio.

AB Actore libello oblato, si Reus contendendum existimet, nec habeat exceptiones iure sibi competentes, quibus Actoris intencionem confundere possit, vicissim Actorem ratione rei; vel alicuius negotij obligatum apud eundem iudicem, ne continentia iudicij diuidatur, reconuenire potest.

Quid est Reconuentio?

Reconuentio est, petitio Rei conuenti apud iudicem conuentionis principalis, contra Actorem, per vicissitudinem instituta, Auth. & consequenter, C. de sententijs & interlo.

Quae causa Efficiens?

Est Reus conuentus, intercedente lege, qua coram eodem

dem iudice inter Actorem & Reum mutuas petitiones proponi introduxit. Cùm æquitati consentaneum sit, cuius in agendo quis obseruat arbitrium, cum habere etiam contra se iudicem in eodem negotio non dedignetur, cap. accusatores, §. cuius in agendo, 3. quæst. 8. cap. 1. & cap. 2. extr. eod.

Quod Obiectum?

Qualibet causa, in qua ad rem, vel ius, vel ex obligatione debitum, aliquid agi potest. Vnde in criminalibus reconuentionio non permittitur, cap. neganda, 3. quæst. 11. Quia non relatione criminum, sed innocentia Reus purgatur, l. is qui, ff. de publicis indic. Nec in præiudicialibus actionibus, quæ licet à Reis vicissim proponantur, tamen cum petitione Actoris tractari non possunt, cap. 1. extra. de extraord. cog. Nec in spiritualibus. Ratio est. Quia de his laicus non potest cognoscere; ut est causa iuris patronatus, decimarum, matrimonialis, & huiusmodi, cap. decernimus, extr. de iudic. cap. de tua, de decimis; cap. relatum, §. ad hoc, de iure patron. cap. granem, extr. de excel. prælat. Nec in quæstione spoliationis, quæ proposita, non habet locum reconuentionio; nisi alia sit spoliatio, cap. super, extr. de ord. cogniti. Nec excommunicatus reconuenire potest, licet uti possit defensione, recusatione, & appellatione, cap. cum inter priorem, extra. de exceptione. Nec in possessione momentaneæ possessionis: nam si pupillus agit contra me, Vt possideris; vel, Vnde vis; vel, Quod vis; aut clam, non possum cum reconuenire, l. ult. C. qui leg. person. stan.

An autem in causa appellationis locum habeat reconuentionio? Respondet Speculator, tit. de reconuention. §. nunc dicamus, numero sexto. Quod non; probat l. 2. §. legatis, ff. de iudicijs. Quod intelligitur de eo, qui de causa iudicialis appellationis tantum cognoscere potest; de quo, antequàm pronuntiet, dubium est, an sit iudex inter partes, cap. ut debitus, extr. de appellatione. Coram eo verò, qui cognoscit de pronuntiatione, vel de tali appellatione extrajudiciali, in qua venit cognitio negotij principalis: puta cum appellatur super pronuntiatione huiusmodi, cap. statuimus, extra. de election. bene potest reconuentionio fieri, cum sit certum eum iudicem partium esse, cap. accusatores, §. cuius in agendo, 3. quæst. 8. Talis enim appellatio, est citatio ad causam. Denique coram laico reconuentioni non est locus, cap. cum dilectus, extr. de arbitr. Quod intelligas, nisi plenum compromissum factum sit de omnibus controuersis, quæ inter Actorem & Reum sunt:

tunc enim non aliter auditur Actor, nisi se defendat, & reconuentioni Rei respondeat, l. si cum dies, §. plenum, ff. de arb. & l. non distinguemus, §. sed & compromissum illud, eod.

Quæ forma Reconuentionis instituenda, & quomodo in ea procedatur?

Libello ab Actore oblato, Reus, si eum velit reconuenire, porrigat similiter ante litem contestatam libellum reconuentionis: & ueliberatione super utroque hinc inde habita; fiat primò litis contestatio super libello Actoris, & consequenter super libello reconuentionis. Pari ratione in delatione iuramenti, probationibus, aliisque actibus, obseruandum: ita quòd in vna; eadèmq; die utraque quaestio, quasi vna sententia, concordia, vel iudicio terminetur, extra. eod. cap. 1. & cap. 1. de causa poss. & propriet. cap. cum Ecclesia, & cap. dilectus, iuxta Regulam: Qui prior appellat, prior agit, capit. 2. extr. de ord. cog.

Et notandum hoc loco: quòd reconuentionio generaliter fieri possit, antequàm in petitione Actor litem contestatus sit, postea verò nunquàm nisi libellus reconuentionis sit antea porrectus: vel nisi protestatus fuerit de reconuentione facièda, ea. per totum, extr. de iurius petit. Licet Speculat. etiam post litis contestationem, reconuentionem fieri putet, per cap. 1. extr. eod. per verb. & responsione facta. Sed eius opinio, quasi nulla ratione euidenti fulsa, non est recepta.

Quis Finis & Effectus Reconuentionis?

1. Ut iudex utramque causam, & conuentionis, & reconuentionis vna sententia definiat. Quæ sententia licet non vna sit, sed duæ, varietate causarum inspecta, quæ simul feruntur super duabus quaestionibus sese minimè contingentibus; & etiamsi se contingant, putà, quia agitur petitorio, & possessorio super eadè re: tamen vna & eadem sententia dicitur, propter temporis continuationem, Speculat. titul. de reconuent. §. videndum, num. 4.

2. Quòd Reus conuentus impunè non respondeat petitioni Actoris, si is Rei conuenti per reconuentionem institutæ petitioni respondere deneget, cap. imperatorum, & cap. fin. extr. de iurament. calum.

AXIOMATA, ET SENTENTIÆ.

Quotiescunque vel per citationem, vel per libelli oblationem

nem Actoris perpetuata est actio, toties reconuentionem Reus inchoare potest, cap. cuius, 3. quest. 8.

Non debet Actori licere, quod Reo non licet, 4. q. 4. cap. 2.

Non solum coram ordinario, sed etiam Delegatio reconuentionis admittitur, cap. dispendia, de resc. in 6.

Vno & eodem tempore non est quis trahendus ad diuersa iudicia, cap. fin. extr. de resc.

Qui prior appellat, prior agat, cap. cum dilecti, extra. de ordin. cog.

Clericus ante litem contestatam: coram seculari iudice, potest à laico reconueniri, nisi sit causa spiritalis, vel alia, que coram Ecclesiastico iudice sit tractanda, cap. decernimus, extr. de iud. cap. sua. extr. de decimis.

Reconuentionis fieri potest apud quemlibet iudicem, coram quo sit conuentionis principalis: non autem coram Arbitro, qui non potest iudicare, nisi de his, que in compromisso contineantur, cap. cum dilectus, extr. de arb. d. cap. accusatores, 3. quest. 8.

Cuius quis in agendo obseruat arbitrium, eundem habere iudicem se in eodem negotio designari non debet, d. cap. accusatores, 3. quest. 8.

Causa conuentionis & reconuentionis eadem causa dici potest, eo quod index, iidem litigatores, eadem instantia, & una sententia determinanda. Accedit, quod prohibita appellatione in conuentione, prohibita etiam in reconuentione censeatur, cap. cum dilectus, extr. de ordi. cog. & c. 2. eod.

Index, qui non potest per modum conuentionis de causa cognoscere, consequenter, nec per modum reconuentionis potest, cap. si diligenti, extr. de foro comp.

DE LITIS CONTESTATIONE.

TITVLVS XLII.

Continuatio.

Litis contestatio, cum sit principium, & fundamentum iudicij, qua omissa, iudex, quasi potestate iudicandi

destitutus, causæque controuersæ ignarus, non possit ad eius definitionem procedere, litigatores illam nec expressè, nec tacitè prætermittere debent, per Afflic. decif. 83, numer. 4. & Rotam, decif. 88. numer. 1.

Quid est litis Contestatio?

Litis contestatio, est principalis negotij, apud competentem iudicem, facta narratio, & ad eam secuta responsio, capit. vnico, extr. eod. cap. dudum, extr. de elect.

Quæ causæ efficiens?

Interlocutorium iudicis, & declaratio animi, contestandi litem, cap. prout, extr. de dolo, & contn. cap. penult. extr. de iuram. calum. Vnde Azoulitis cteōstationem tunc demum valere existimari, quando ea mente fit, vt in ea procedatur: & protestans, se dicere animo, non contestandi litem, licet postmodum vltius in responsione, vel in narratione facti negando procedat, non tamen litem contestari. Nec obest, si dicatur protestationem facto repugnantem non iuuare protestantem, cap. cum M. Ferrariensis, extr. de constit. Illud enim verum est, quando ordinatur ad tollendū factum: Facta enim pro infectis haberi non possunt sed si protestatio ordinetur ad tollendam mentem facti, tunc bene operatur, Innocent. cap. vii. extr. de litis contest. Mynsing. obseru. 74. cent. 3. Speculat. eod. tit. §. nunc dicamus, num. 14.

Fit autem litis contestatio per principales personas: si sunt tales, quæ possint in iudicio esse, vel etiam per eorum procuratores, per tutores, curatores, syndicos, vel Actores, cap. cum ad sedem, extr. de restit. spoliat. capit. prout, extra. de dolo & contum. cap. cum causam, extr. de iuram. calum. Fir quoque litis contestatio per confessionem aduocati, etiam illicitam, nisi fuerit reuocata, cap. cum causam, extr. de appellat.

Quæ Materia litis Contestationis?

Sunt omnes causæ, tam ciuiles, quam criminales in iudicium deductæ, de quibus non de plano, absque figura iudicij: sed processu iuris habito ordinariè cognoscitur. Is enim, cui committitur causa, vt in ea summarij, vel simpliciter, & de plano procedat, debet, neglecto iuris ordine, procedere ita vt statim deueniatur ad testium examen, & diffinitiuam, lite contestata, vel libello exhibito, ita docet Lanfran. in Clem. sepe, verb. de plano, nu. 6. de verb. signif. Mynsin. obseruat. 70. cent. 3. Et hoc differt Delegatus ab Ordinario, quod si Delegato causa delegetur, clausula, *Et simpliciter, & de plano procedat*, præcisè

præcisè seruari teneatur formam rescripti & commissionis, ita vt possit iure ordinario, etiã partibus volentibus, procedere: Secus autem in ordinario; eius enim voluntati relictum est, num summariè in casibus iure notatis, vel iuris ordine seruato, procedere velit. Vtrumque enim etiã partibus, vel alterutra parte inuita, ei concessum est, Bart. in tract. suo ad reprimendam, & Clem. sæpe, de verb. sig.

Causæ, in quibus solennis iudiciorum ordo non seruatur, notantur in Clem. dispendiosam, de iud. Et sunt causæ beneficiales, Ecclesiasticæ, causæ decimarum, causæ vsurarum, & causæ matrimoniales: Et aliæ his quatuor annexæ & accessoriæ: Vt sunt causæ super electionibus, collationibus, promissionibus, præsentationibus dignitatum, & beneficiorum Ecclesiasticorum, &c. In quibus igitur causis simpliciter, & absque figura iudicij, proceditur, in iis nec libelli oblatio, vel litis contestatio necessaria est, quod Socin. in c. quoniam, extr. Vt lite non contestata; eleganter ostendit. Sic quoque, processus in causis appellationum, ob omissionem litis contestationem non vitatur: si modo in prima instantia litis contestatio sit facta. Nam effectus litis contestationis durat post sententiam in causa appellationis, nec per appellationem extinguitur, aut suspenditur, per tex. in cap. per tuas, extr. de appellat. & ibidem Innocent. & Rot. decil. 207. & 668. Tamen in Camera imperiali regulariter in omnibus causis ad Cameram, per appellationem deuolutis, litis contestationem necessariam esse indistinctè, tam in interlocutoriis, quàm definitiuis, nec sufficere litis contestationem in causa principali semel factam fuisse, tradit And. Geyl. obser. 76. l. 1. r. pract. obseruat. ex ordinat. par. 3. tit. 3. §. 4. cõtrà tradit Mynsing. obser. 1. cent. 1.

Quæ Forma litis Contestationis?

Forma est, vt per Actorem petitio in iure, id est, coram iudice competenti, libello comprehensa proponatur, & per Reum post transactas ad deliberandum, inducias, vel loco eius, legitimus defensor, Responsio congrua, per verba; (Nego narrata, prout narrantur, & dico petita fieri non debere) animo contestandi litem, fiat, cap. offeratur, 3. quæz. 3. cap. 1. extra eod. Quod si autem Reus dixerit: Nego narrata, vel: Nego petita, litis contestatio non fit, secundum Speculat. de litis contest. lib. 2. §. nunc dicimus, & Bart. C. de litis contest. num. 3. Et ratio est. Quia in libello dno continetur, videlicet, narratio, & petitio, quorum hoc, ipsum ius, illud autem,

factum respicit: Vt si dico: cū tenearis mihi in decem, ex causa inutui, (ecce factum, seu narratio) peto te mihi condemnari: (ecce ipsum ius, seu petitio.) Si ergo negetur alterum tantum, non est lis contestata. Vnde debet subiici: Et dico, petita fieri non debere: contingere enim potest, quod factum, prout narratur, negari possit, & tamen secundum illud condemnatio iure sequatur, Speculat. d. loco. Quid si autem peremptoria exceptio, portecto libello obiiciatur? Et placet, litem contestatam non videri, cap. fin. cod. lib. 6. nec impedire, quò minus Reus super petitione Actoris litem contestari cogatur, exceptis tribus, scilicet exceptione rei iudicatæ, transactæ, & finitæ, cap. 1. cod. lib. 6. Lis enim tunc contestatur, cū iudex per narrationem negotij causam audire cœperit, lege vnica, C. cod. Quòd non fit per exceptiones, vel per positiones & responsiones ad eas; sed per petitionem in iure propositam, & responsionem congruè secutam, cap. vnico, extr. eodem.

Quis Finis?

Finis est, vt; cognita causa, iudex certò sciat, quomodo petitioni libello comprehensæ conformem, vel etiam pro Reo; si eius defensiones intentione Actoris æquiores sint, sententiam ferre debeat, Socin. cap. vnico, extr. cod. Mynsing. obseru. 66. cent. 4.

Qui sunt Effectus?

1. Post litis contestationem, iudex non recusatur.
2. Actiones alioqui interitutas; vt sunt pœnales actiones ex maleficiis, item omnes actiones personales, quarum aliæ anno, aliæ sex mensibus, aut minori temporis spatio finiuntur, facit perpetuas, id est, facit, vt ad 40. annos extendantur, & postea transeant ad hæredes, l. s. ep. C. de præscript. 30. & c. Inori autem, ff. de petp. & tempot. act. leg. in honoratiis, ff. de act. & oblig. Excipitur actio de dolo, quæ non perpetuatur per litis contestationem, l. fin. C. de dolo.
3. Post eam causa fit vsutaria, quæ prius non erat, l. lite, ff. de vsur.
4. Interrumpit quamlibet præscriptionem, etiamsi facta coram actitrio, cap. potest, 1 6. quæ ff. 3.
5. Excludit omnes exceptiones dilatorias & declinatorias, cap. inter, extr. de sentent. & re iud.
6. Post eam non potest reuocari mandatum procuratoris, nisi certis ex causis, l. post litem, ff. de procurat.

7. Post

7. Post litis contestationem procurator, vel tutor, domini litis efficiuntur, & procuratores constituere & substituere possunt. l. neque, C. eod.

8. Lite contestata ab alio, quàm à Principe, potest aliq̃ causam committere, cap. cum Bertholdus, extr. de sentent. & re iudic.

9. Post eam iuratur, & probationes recipiuntur, quod ante litis contestationem regulariter non conceditur, tot. tit. extr. vt lite non contest.

10. Actor & Reus ex contestatione, vt ex quasi contractu, inuicem fiunt obligati, paratamq̃ eo nomine habent inter se, ex sententia & re iudicata, actionem, non secus, quàm ex quouis alio contractu ciuilem & perpetuam, l. 3. §. idem, ff. de peculio, argum. l. 1. ff. de seru. l. actori, C. de reb. cred.

11. Excludit libelli mutationem & emendationem, quæ eius substantiam concernit: illa enim tantum ante litis contestationem sunt concessa, Dd. in d. l. 3. C. de edend.

Que Affinia?

Quælibet negatiua responsio, iuri agendi obiecta, citatio, denuntiatio, &c.

Que Pugnancia?

Omnes exceptiones dilatorie, declinatorie, & peremptorie impediunt litis ingressum, protestatio de non contestanda lite, cõditionalis responsio, negatio facti & iuris, quod inde proficiscitur ante oblationem libelli factam, Soci. in d. c. quoniam, extr. vt lite non contestata, &c.

AXIOMATA, ET SENTENTIÆ.

Animus litem contestandi, ex verbis aptis propositis ad litem contestandam presumitur: quia humana aures talia verba iudicant, qualia foris sonant, c. humana aures, 22. q. 5.

Non solet deterior conditio fieri eorum, qui litem contestati sunt.

Nemo in persequendo deteriore causam, sed meliorem facit.

Post litis contestationem, heredi quoque prospicitur, & hæres tenetur ex omnibus causis.

Omnes actiones, quæ tempore, aut morte pereunt: semel

inclusa iudicio, salva permanent.

Iudiciorum quasi fundamentum quoddam litis contestatio est, c. ex parte de verb. sign.

Aduocati responsio, nisi statim sit renocata, litis contestationem facit, c. fin. 25. q. 9.

Non per posuiones & responsiones: sed per petitionem in iure propositam, & responsionem secutam fit litis contestatio, c. 1. extr. cod.

Nemo tenetur sine libello liem contestari: potest tamen, si velis, solennitatibus renuntiare, cap. de causis, extr. de offic. deleg.

Multum prodest & potest animi destinatio, c. nuper, extr. de pign.

Litis contestatio facta per personam quæ legitimam personam standi in iudicio non habet, nullius est momenti, Spec. lib. 2. de litis contest.

Litis contestatio habita coram arbitro, non valet coram Ordinario, quoad definitiuam sententiam: licet, quoad alia, quæ sunt coram eis, subsistat, Speculat. d. loco.

Non solum, cum per actionem iudicium instituitur, lis contestanda est: verum etiam ubicunque iudicis officium pro ipsa actione proponitur: Veluti, cum restitutio in integrum non incidenter, sed principaliter postulatur, cap. fin. extr. de offic. iudicis.

VT LITE NON CONTE-
stata, non procedatur ad testium rece-
ptionem, vel ad sententiam
diffinitiuam.

TITVLVS VI.

Continuatio.

CUm litis contestatio sit de substantiali ordine iudicij, ita ut ea omissa, iudicium, quasi viribus destitutum, corrumpatur sequitur, nullam testium receptionem, ante litis contestationem,

nem fieri, nec in principali causa, ad liquidationem & sententiam diffinitiuam, procedi posse.

Distingue tamen: Aut Actor contumaciter abest, aut Reus: si Actor, vocandus est tribus edictis, per intervalla XXX. dierum: & si non venerit, indulgetur ei annus: sed intra ipsum annum veniens non auditur, nisi restitutus expensis Reo: si verò intra annum non venerit, iudex Rei testibus receptis, allegationibusque intellectis, ex veritate rei sententiam ferre potest, in causa principali, Authentic. qui semel, C. quomodo, & quando, &c. Quod si Reus nihil probare potest, nihilominus tamen Actore in expensis damnato absoluitur ab instantia iudicij. Si autem Reus ante litis contestationem contumax est, prudenter attendendum venit, utrum contentiæ rectè actione, an personali conveniatur: Si reali, mittendus est Actor in rei petite possessionem, ut tædio affectus Reus, veniat responsurus. Qui, si venerit intra annum, (iudicio fisti sibi præstita cautione, & exhibita satisfactione congrua expensarum) possessionem recuperat. Quod si autem cautionem neglexerit intra annum, Actor post annum verus constituetur possessor: super proprietate duntaxat aduersæ parti defensione legitima reservata: Sin autem super personali actione conveniatur: vel mittendus est Actor in possessionem mobilium ipsius, vel immobilium: si fortè mobilia non habeat, causa custodiæ pro modo debiti declarati, vel in contumacem est Ecclesiastica sententia proferenda, ita videlicet, quod alterutra pœna, quæ magis timeri debeat, iudex à principio sit contentus: ad alteram nihilominus processurus, si hoc meruerit contumacis proteruitas. Missus tamen non efficitur verus possessor, imò restitutus expensis & præstita cautione, venienti Reo restituitur possessio, quandoquæ, c. quoniam, §. in aliis, extr. eod. nisi, iudicis autoritate, sit ab Actore distracta. Qui ad hoc debet statuere tempus moderatum, intra quod res distrahatur: vel iustus, vel verus possessor efficiatur, l. si prius, C. de distract. pign. l. si finitæ, ff. de dam. infect.

Quamvis igitur post litem contestatam contracto eremodicio de iure communi tantum procedi possit, in principali causa, ad liquidationem, sententiam diffinitiuam, & receptionem testium: tamen cum multis modis nostra interesse possit, ne pereat nobis, nostrisque successoribus rerum gestarum memoria, vel probationis facultas, permittitur quandoque contra communem iuris regulam, testes ante litis contestationem reci

recipi, atque examinari, cuius rei 3 6. casus Specul. in tit. de teste, §. nunc tractemus, commemorat.

Quid est receptio testium ante litis contestationem?

Est testium, de quorum obitu, vel diuturna absentia periculum sublit, ad testificandum, lite in principali negotio non contestata, per Iudicem facta admissio, c. quoniam frequenter, extr. eod.

Quæ est causa Efficiens?

Legis, siue Iudicis, tam ordinarij, quàm delegati auctoritas: qui perspecta negotij, & personarum qualitate, num, ante acceptum iudiciu, receptio admittenda sit, æstimat: Mynsing. obseru. 72. cent. 4. Potest enim ipse Iudex ordinarij causæ principalis recipere, & examinare testes, vel alteri examen committere: sicuti, ad obtinendam commissionem, ad perpetuam rei memoriam, Iudex causæ principalis, siue petatur à Reo, siue ab Actore, adiri debet: Panor. in c. quintaualis, num. 3 9. in fine, de iureiurando: & in c. si quis contra, num. 3. de for. comp. & c. significauit, extr. de testib. Nota tamen, quòd de stylo Camera, in petenda commissione, ad perpetuam rei memoriam, priuilegium primæ instantiæ non habeat locum: idque indistinctè, tam in futuro Actore, quàm Reo. Igitur si à personis immediatè Imperio subiectis, talis commissio petatur, non coram Commissariis, vel Iudicibus primæ instantiæ; sed immediatè superiore, hoc est, Camera postulari debet: seruata tamen differentia inter Actorem & Reum, quoad actionem instituendam, intra annum, vt infr. Et est ratio: Quia cum periculum sit in mora, solennitas, quæ secundum ordinationem, in requirendo, & nominando Iudice requiritur, non posset, absque præiudicio alterius partis, obseruari. Quòd pertinet, quòd à regulis iuris communis recedatur, vbi- cumque periculum est in mora, per text. in l. de pupillo, §. si quis rinos, ff. de noui operis nuntiat.

Quæ materia in qua?

Est causa tam ciuilis, quàm criminalis, si de morte, vel diuturna absentia testium probabiliter timeatur, cap. quoniam, nisi fortè, extr. eod. Inter hæc tamen interest: Quia in criminalibus, parte altera absente, testes ad perpetuam rei memoriam acceptari non possunt, glos. in cap. veritatis, extr. de dolo, & conium. & communiter Dd. in l. absentem, C. de accusat. Sed in ciuilibus citatio partis aduersæ non requiritur, si periculum sit in mora: aliàs secus. Quia tunc pars, contra quam
testes

quam testes prpducuntur, citari debet ad videndum iurare testes, & dandum interrogatoria, &c. Socin. in d. cap. quoniam, extr. cod.

Nouem autem numerantur casus ab Innoc. in d. cap. quoniam, Verb. (procedendum) quibus receptio testium ante litem contestatam permittitur, licet Speculator, titul. de test. §. nunc tractemus, vsque ad 36. addat.

1. In causa appellationis, l. cum notissimi, §. penul. C. de præscript. 30. annorum.

2. Vbi quis iurauit non repetere vsuras, & vbi idem vsurarius in testamento reddi mandauit, cap. ad nostram, extr. de iureiur.

3. Vbi aliquid petitur officio iudicis seruiente actioni, vt in expensis, pendente lite, factis; secus si non seruiret actioni, c. 2. extr. de off. iud.

4. Vbi causa est merè spiritualis, & sine alterius commodo, vt est crimen hæresis, 24. q. 2. c. sanè profert.

5. Vbi offenditur publicum commodum, cap. quia ea, 2. q. 2. Vel vbi de statu Ecclesiæ, c. cum olim, extr. de testibus.

6. In denuntiatione, c. nouit, extr. de iud.

7. Si Reus fuerit præsens, & Actor contumaciter absit, dist. Auth. qui semel, C. quomodo, & quando.

8. In causa appellationis interpositæ à grauamine, c. interposita, extr. de appellat.

9. In omnibus causis, in quibus proceditur simpliciter & de plano, vel in quibus libellus non admittitur: possunt enim tunc, lite non contestata, testes recipi. Etenim nota, quòd commissio, ad perpetuam rei memoriam, in optima & meliori forma, nimirum ad transsumenda instrumenta, in Camera non decernatur, sed tantum in comuni forma: hoc est, ad recipiendum, & examinandum testes, & rem controuersam oculis subiiciendam. Ratio sumitur ex d. cap. quoniam, extr. cod. Quia huiusmodi commissiones decerni non debent, nisi vel ob artem, vel valetudinem aduersam, aut diuturnam absentiam testium: Sed in recipiendis & transsumendis instrumentis, nullum subest periculum interitus: diligenter enim custodiri debent, & postulante necessitate, quandoque produci possunt. Præterea, in casu necessitatis instrumentorum exemplatio legitime fieri potest, nimirum parte, cuius interest, ad hoc legitime citata, Dd. in auth. si quis in aliquo, C. de edend. Panorm. in c. Alberic. enim, §. de testib.

Quæ Forma?

Vt testium, de quorum morte, vel diuturna absentia time-
tur, designatio, vnà cum articulis, super quibus testes exami-
nandi, iudici competenti exhibeatur in casu, quo controuer-
sia moueri potest. Quibus legitimè citatis & examinatis, di-
cta eorum in publicam scripturam redacta, & consignata, iu-
dex penes se, donec in actione (quam petens receptionem tes-
tium, vel commissionem, ad perpetuam rei memoriam, intra
anni spatium instituire tenetur,) litis contestatio fiat, reti-
neat: nec nisi cum aliis testibus postea receptis publicentur,
Specul. in §. nunc tractemus, nu. 1 §. tit. de teste

In hac autem receptione testium, ad perpetuam rei memo-
riam, obseruanda est differentia inter Actorem & Reum. Ad
hoc enim, vt Actor eam obtinere possit, requiritur.

1. Vt testes sint senes, vel valetudinarij: ita vt mortis subsit
periculum; aut diu abfuturi: quia mors & longa absentia equi-
parantur, cap. faciat, 22. quæst. & c. præsentata, extra de testib.
& attest.

2. Requiritur, vt in supplicatione, pro commissione ad per-
petuam rei memoriam, ista, an testes sint senes, valetudinarij,
aut diu abfuturi: coniunctim & sigillatim exprimantur, & ar-
ticuli, super quibus testes examinandi, vnà cum designatione
testium, & eorum ætate, exhibeantur, ad hoc, vt iudex co-
gnoscat ex narratis supplicationis, vtrum supplicans futurus sit
Actor & Reus, & an periculum, ob ætatem, vel diuturnam ab-
sentiam testium, sit in mora. Item, an articuli tales sint, qui ad
probandum admitti debeant.

3. Vt præmissa citatione, vel denuntiatione aduersarij, tes-
tes, iuxta formam examinandi testes infra præscriptam, exa-
minentur.

4. Vt omnia hæc fiant coram competente iudice; vel eo,
cui hoc legitimè commissum est. Quis autem competens iu-
dex in hac, ad perpetuam memoriam, receptione testium sit,
dixi suprâ: Quod tamen cum hoc temperamento accipitur,
nisi periculum sit in mora. Hinc est, quòd receptio testium,
coram incompetenti iudice facta, etiam, parte altera non cita-
ta valeat: si hoc præsens necessitas, putà periculum mortis tes-
tis postulet, per tex. in l. fin. C. de test. Bart. in l. admonendi, ff.
de iureiur. & Fel. in c. 2. extr. de test.

5. Vt absoluto examine, si Commissarius examinauit,
ipsam ad ordinatum iudicem consignatam ipsius Commis-
sarij

farij sigillo transmittatur: vel penes ordinarium iudicem, si ipse examinavit, in scripturam redactum & consignatum, donec lis contestata sit, conferuetur: nec nisi cum aliis testibus, post litis contestationem receptis, publicetur, Panormitan. & Imol. in cap. significavit, extr. de test. & attest. In Camera autem ita obseruatur: Si à personis Imperio immediate subiectis commissio, ad perpetuam memoriam, petita fuerit, Commissarius à Camera deputatus, examen sub suo sigillo obsignatum, ad Camera transmittit, vel procurator Camere, huiusmodi examen iudicialiter, vel extraiudicialiter producit, adiuncta petitione, vt tantisper ibidem ab actorum magistris, siue actuariis conferuetur, donec, lite coram iudicibus priuilegiatis cœpta ad petitionem partis producentis, iterum à iudice Camere, qui commissionem decreuit, repetatur: ad eum nimirum effectum, vt suo loco & tempore, in prima instantia exhibeatur & publicetur, And. Geyl. obs. 91. libr. 1. pract. obser. Denique concessa commissione, & testibus ritè examinatis, requiritur, vt Actor intra annum actionem instituat: qui quidem annus ab initio utilis est, hoc est, non currit, nisi à tempore, quo potuit agere, gl. in d. c. quoniã frequenter, extr. cod. & Panor. ibi. nu. 7.

Quod ad Reum attinet, is indifferenter, & sine discrimine ætatis, valetudinis, aut absentia, non modò senes, aut valetudinarios, sed quoslibet producere poterit. Ratio diuersitatis est: Quia in ipsius potestate non est positum, quando conueniatur, & ratione istius incertitudinis, ne ei probationes pereant, huiusmodi receptio testium indistinctè valet, cap. significasti, & ibid. Panorm. extr. de testibus: & l. purè, §. fin. ff. de dolo malo. Excipitur vnus casus: nisi exceptio Rei competat per modum actionis: veluti in exceptione non numerata pecuniæ: quia tunc idem est, quòd in Actore: vt scilicet, intra annum agere debeat, cum sit in potestate Rei, quando eum opponat, auth. hanc querelam, C. de non num. pec. Secus si exceptio non habeat vim actionis, vt est propriè natura omnium exceptionum, ita Lanfran. in c. quoniam contra, extr. de probat. cap. 8. num. 34. Vbi dicit, etiam actorem, ante litis contestationem, testes ad perpetuam rei memoriam producere posse, si Reus compareat; & exceptionem litis contestationem impredientem opponat. Quia cum talis exceptio inducat moram, perinde est, ac si non haberet potestatem agendi, & hoc in Camera obtinere testatur And. Geyl. obseruat. 92. libr. 1. pract. obseruat.

Quæ causa Procatarctica?

Petitio & instantia partis.

Quæ causa Impulsiva?

Est æquitas, quæ receptionem testium, ne probandi facultas pereat, suadet, d. c. quoniam. extr. eod.

Quæ causa Finalis?

Ne veritas occultetur, & probationis copia fortuitis casibus subtrahatur, ut ait Innoc. III. d. c. quoniam frequenter, extr. eod.

Quis Effectus?

Quòd tales testium depositiones, petinde ac si debito tempore post litis contestationem factæ fuerint, fidem faciant non tantum in prima instantia coram iudice ordinario: verum etiam in secunda; & appellationis causa, per text. in cap. præsentium, extr. de testib. & c. fidem faciant, extr. eod. atque ex his iudex discretus, in sententia ferenda, animi sui motum formate bona conscientia possit, & præterea, extr. de testibus. Et nota, quòd huiusmodi examen, ad perpetuam fidem, quoad effectum iuris, non intelligatur ante litis contestationem receptum: nam publicatio testium tunc demum fit, quando iudicium coram ordinario iudice inchoatum est, & lis super causa principali contestata. Sententia enim ex actis probatoriis, lite non contestata, in causa principali ferri nequit: ita notat gl. in d. c. quoniam, & ibi Panor. Ratio: Quia ante litis contestationem iudicium propriè cœptum non dicitur, ut sup. de litis contest.

Quæ Affinitas?

Affinitatem quandam cum hac receptione testium habet, receptio testium ad perpetuam rei memoriam, de qua in cap. significavit, extr. de testibus. Vtraque enim ob rationabilem causam, ne probandi facultas pereat, ante litis contestationem fit: differunt tamen in multis, quas differentias notat glossa, in d. c. significavit, in ver. testes: eas examinat ibidem Panormit. nu. 3. & Batt. in l. 4. §. prætor, ff. de dam. infect.

1. Differunt: quia ibi testes, non modò senes & valetudinarii: sed omnes idonei, indifferenter suscipiuntur: hic tantum hi, de quibus mortis, vel diuturnæ absentiæ periculum subest.

2. Ibi suscepta testimonia, ad perpetuam rei memoriam, statim publicantur: hic consignata remanent apud iudicem, donec

donec litis contestatio fiat: nec publicantur, nisi cum alijs testibus postea receptis.

3. Testes ibi recepti perpetuò valent, tanquam publicum instrumentum: hîc testimonia post annum concidunt, nisi producents, intra annum conuenerit aduersarium.

4. Ibi suscipiuntur testes, etsi nullum sit dictatum iudicium, nec vlla de præsentî immincat controuersia: hîc secus. Quia cessat hoc remedium extraordinarium, cùm de proximo speretur lis, in qua ordinaria via testes produci poterunt, Myn sing. obser. 71. cent. 4.

Quæ Pugnantiæ?

Sunt omnes exceptiones, quæ casibus obijci possunt: si testes sint in iuuenili ætate constituti, si peregrè proficisci, vel extrauagari non consueverint: fraus petentis, vt quia propterea petat testes recipi, vt successu temporis, exceptiones legitimæ ad repellendum testes, vel aliæ locum habere non possint, c. ex tenore, & c. præsentium, extr. de testibus: lapsus anni, ex quo conueniendi facultas data fuerit, & omîssa denuntiatio receptionis testium, c. quoniam, §. sed si, extr. eod.

AXIOMATA, ET SENTENTIÆ.

Publicatis attestacionibus, licet super eisdem, vel directo contrariis articulis, ex parium consensu, nouos testes producere, c. præsentata, extr. de testib.

Anue litis contestationem recipiuntur testes: ne probationum facultas angustetur, sed probatio veritatis salua sit, c. quoniam, extr. eod.

Ex parte Rei conuenti, Actore cõtumaciter absente, testes quocunque tempore recipiuntur, siue de morte eorum, siue diuturna absentia timor sit, siue non, d. c. quoniam, §. sint & alij, extr. eod.

Si Reus, lite non contestata, est contumax, & agitur reali actione, mittitur Actor in possessionem rei petite, causa custodia, quam tamen recuperat Reus veniens intra annum, si offerat cautionem de stando iuri, & restituat expensis: post annum verò, his non seruatis, non auditur, nisi super proprietate, d. c. quoniam, §. in alijs, extr. eod. Si verò Reus contu-

max convenitur actione personali, mittitur Actor in possessionem bonorum mobilium, vel immobilium ipsius Rei pro modo debiti declarati, d. c. quoniam, & c. tua fraternitatis, extr. ead.

DE IURAMENTO CALUMNIAE.

TITVLVS VII.

Continuatio.

Iuramentum Calumniae, ut plurimum, lite contestata, ad petitionem alterutrius partium, à iudice exigitur: debetque regulariter, post litis contestationem praestari; quia ad totam causam pertinet. Causa autem, post litis contestationem propriè in iudicium deducta esse censetur, in tantum, ut si eius praestatio recusetur, Actor ab instituta actione cadat: Reus autem instar confessi condemnetur, c. cum in causa, §. poena verò, extr. de iuram. calum. & c. i. cod. tit. in 6.

Quotuplex est Iuramentum?

Quadruplex ponit Specul. tit. de iur. Calum. lib. 2. par. 2. §. est autem: scilicet, decisorium, quod in defectum probationis, super principali negotio praestatur, de quo infra tit. de iureiurando.

Alterum est iuramentum malitiae, quod praestatur super exceptionibus, vel cum aliquid loco exceptionis proponitur, & praestatur hoc antè, vel post litis contestationem, semel vel pluries in civilibus & spiritualibus, & criminalibus causis: quoties praesumptio est contra aliquem, quod aliquid malitiosè proponat, c. cum dilecti, extr. de elect. & c. in appellatione, §. in omnibus, cod. tit. in 6. Licet, ex sententia Specul. post litem contestatam hoc iuramentum non praestetur: quia iuramentum de calumnia, in principali praestitum, ad omnia, quae postea accidunt, vel emergunt in causa, extenditur; alioquin bis iuraretur, quod esse non debet, auth. hoc sacramentum, C. de iura. calum. Sed prior opinio vsui iudiciorum, & iuri magis est consentanea, cap. cum dilecti, extr. de elect. c. in causis, extr. de test. & c. penul. c. ult. & c. praesentium, extr. de restitut. spol. c. literas, & auth. eò. col. 7. §. quia verò.

Tertium est, iuramentum de veritate dicenda, quod praestatur in spiritualibus, vel spiritualibus annexis, cap. literas,

ras, extra. eodem. Quartum est iuramentum calumniæ.

Quid est Iuramentum Calumniæ?

Iuramentum calumniæ est, quod, ad petitionem partis, iudex præstandum imponit: quo litigatores, vel eorum ministri, iurant, se bona fide, & non animo calumniandi, actionem, vel defensionem instituere, quòdque lis, vel defensio iusta sibi videatur, cap. 1. gloss. in verb. criminali, extr. cod.

Quæ causa Efficiens?

Ius diuinum: nam iure diuino, iuramentum calumniæ introductum probatur, Exodi cap. 22. Vbi dicitur: Si quis commendauerit amico pecuniam, aut vas in custodiam, & ab eo, qui suscepit, furto ablata fuerint, si inuenitur fur, duplum reddet: si latet fur, dominus domus applicabitur ad Deos, & iurabit, quòd non extenderit manum in rem proximi sui, ad perpetrandam fraudem, tam in boue: & quæ ibi sequuntur. Qua lege sacrosancta adductus Bart. in extra. ad reprim. in verbo, & figura, num. 11. scribit, quod etiamsi data sit potestas, & arbitrium iudici, procedendi in causa summarie, & sine figura iudicij, non tamen possit remittere hoc iuramentum calumniæ. Quam quidem iuris sententiam clariùs probat text. Clement. sepè, §. citationem, & ibi Card. de verbo signif. statueruntque leges & canones hoc iuramentum in quauis causa, tam ciuili, quàm criminali præstandum esse. Vnde causa efficiens etiam dicitur lex Iustiniani, & canon. l. 1. & l. cum & iudices, C. de iurament. propter calumniam. Non tamen par est vtriusque introductæ præstationis iuramenti calumniæ ratio. Siquidem iure ciuili illud neque expressio partium consensu, neque per dissimulationem potest remitti, sed tenetur iudex, etiamsi petitum non fuerit, exigere, & sub pœna legibus statuta ad eius præstationem litigatores compellere, d. l. cum iudices, §. sed quia veremur, C. eod. Licet alij existiment, iuramentum calumniæ tunc demum de substantia iudicij esse, si ab alterutra parte exactum sit: adeoque, ut eius omissio vitiet processum, & sententiam latam nullam reddat, per eandem leg. 2. §. sed quia veremur, C. eod. Iure autem canonico, propter tacitam omissionem calumniæ iuramenti in tota causa, iudicialis processus, aliàs legitime factus, non irritatur, nec cogitur iudex ante petitionem factam litigatores hac periculosa præstandi iusiurandi religionem prægrauare; text. est in cap. 1. §. propter omissum, eod. tit. in 6. & cap. 1. extra. cod. Verùm in Camera: licet in prima,

vel secunda instantia iuramentum calumniæ exactum à parte, sed præstitum non sit, attamen processus ob id non annullatur: sed, eo non obstante, in causâ principali pronuntiatur. Et hoc vigore ordinationis, quæ nullitatis processus, si aliàs ex actis de meritis causæ iudicij plenè constet, non attendit, per Vant. tit. Quibus mod. repara. pos. num. 125.

Tamen à parte iuramentum calumniæ in Camera peti- tum, vt legibus obseruetur processus, omitti non potest: adeò vt si iuramento calumniæ exacto, eoque non præstito, à parti- bus hinc inde in causâ conclusum sit, ex officio facta conclusio rescindatur, & parti, vt peti- tum iuramentum sub pœna legali præstet, per interlocutoriam iniungatur, vt tradit And. Geyl. obseruat. 83. lib. 1. practica. obseruat.

Iurare autem de calumnia vitanda debent regulariter per- sonæ principales, cap. 3. extr. eod. Item tutor, curator, œcono- mus, syndicus, Actor, Episcopi, Archiepiscopi, parentes, or- phanotrophi, & omnes alij, qui rei alienæ legitimam habent administrationem, vel à lege, vel iudicis auctoritate, l. 2. §. quod obseruari, C. eod. auth. principales, C. de bonis mater. l. orphanotrophos, C. de episc. & Cler. auth. sed hodie, C. eod. cap. 3. & 4. & cap. cum causam, extr. eod.

Potest tamen hodie per procuratorem apud acta constitu- tum tale iuramentum præstari, per text. in cap. fin. eod. tit. in 6. & Barth. in l. fin. C. eod. sed ad hoc non sufficit generale mandatum, sed speciale; sicuti ad cuiuslibet iuramenti præ- stationem desideratur, per text. in cap. fin. extr. eod.

Quæ Materia?

Omnes causæ tam ciuiles, quàm criminales: debet enim iuramentum calumniæ, in quauis causâ præstari; cum semper cauendum sit, ne veritas occultetur, & vt fraudes euitentur, & hoc quidem regulariter post litis contestationem, quia ad to- tam causam pertinet: causâ verò, post litis contestationem, propriè in iudicium deducta esse censetur, etsi ante litis con- testationem quandoque præstari debeat; purà super exceptio- ne dilatoria, vel declinatoria, cap. si de calumnia, §. quamuis, eod. tit. in 6. ca. in appellatione, eod. tit. in 6. & Socin. num. 26. & num. 49. cap. fin. extra. eod. & præstari non solum debet in prima instantia, sed etiam in causâ appellationis, cap. 2. eod. tit. in 6. Nec potest huic præstationi expresso partium con- sensu renuntiari; quia iuramenti calumniæ præstatio non so- lum vtilitatem partis aduersæ, sed etiam commoditatem iu- dicis,

dicis, & vtilitatem publicam, ne per calumniam frustra defatigentur iudices, & lites in infinitum multiplicentur, concernit. Quare, nec pactum, quo tale iuramentum remittitur, iure subsistit; nec consuetudo contrarium disponens, tanquam favori publico derogatis, rationabilis censenda est, ca. constitutus, extr. de fideiuss. Hac enim ratione calumniis, ex quibus omnis generis turpitudine manat, via paratetur, & fraudes committeretur, quod omni iure vetitum est, l. si vnus, §. illud, & §. pacta, ff. de pactis, & Sdcin. in cap. cæterum, extr. eod.

Sed hodie illud iuramentum calumniæ parum curatur, magisque ex facilitate quadam procuratores, huius præstationi incumbunt, quam consciij iuris, & innocentie partis aduersæ eius grauissimam pœnam non præstando declinent, reformidandoque sibi melius consulant. Vt non male dixerit Bald. in l. post perfectum, C. de euct. Iuramentum calumniæ hodie ne obolo quidem existimari: Quia facti sumus contemptores Dei, & religionis, vt ex eo refert Maranta, par. 6. tit. de iuram. num. 11. Et notandum, quod in mutuis petitionibus, & duplicibus iudiciis, scilicet communi diuidendo, Familix hereditundæ, Finitum regundorum, Vti possidetis, & Vtrubi, in quibus vterque est Actor & Reus, vterque iuramentum Actoris & Rei præstat, Speculat. eod. tit. §. restat, lib. 1. part. 2.

Quæ Forma præstandi huius iuramenti?

Formam ponit Speculat. tit. de iuram. calum. lib. 1. part. 2. Quod litigatores, vel ipsorum procuratores, & ministri constituti, in præsentia iudicis, tactis sacrosanctis Euangelis, vel erectis duobus digitis, iurent. 1. Quod credant se bonam causam habere. 2. Quod interrogati non negabunt, quod verum esse credant. 3. Quod non vtentur scienter falsa probatione, siue in testibus, siue in instrumentis, siue in alia specie probationis. 4. Quod dilationem, litis differendæ gratia, non petent. 5. Quod aliquo dono vel promissione non corruperunt iudicem, vel tabellionem, vel corruptent per se, vel per interpositam personam, ea causa vt pro se feratur sententia, l. 2. & auth. principales, C. eod. & in auth. in litiga. iurent, in princ. co. 9. §. 1. Vnde versus in gloss. ca. 1. verb. calumniæ, eod. notati: *Illud inretur, quod lis sibi iusta videtur.*

Et si quæretur, verum non inficietur:

Nihil promittetur, ne falsa probatio detur,

Vt lis tardetur, dilatio nulla petetur.

Et sanè imperiali constitutione cautum est, vt ipsæ prin-

cipales personæ subeant calumniæ iuramentum: Et Actor quidem inret, non calumniandi animo, litem mouisse; sed existimando, bonam causam se fouere. Reus autem non aliter suis defensionibus, & allegationibus vtatur, nisi prius & ipse iurauerit, quod putans se bona instantia vti, ad reluctandum venerit, l. 2. C. eod. Tamen iure Pontificio statutum est (quod & vsus iudiciorum probauit) hoc iuramentum calumniæ per procuratorem ad causam constitutum, habentem ad hoc speciale mandatum; præstari posse; cap. fin. de iuramento calumn. in 6. non tantum in animam suam, sed etiam domini. Quo mandato in certa causa dato, iudex non poterit citare principalem ad iurandum de calumnia, etiamsi iustior foret procuratore: fieret enim illi iniuria, si procurator eius non admitteretur. Quanquam ad respondendum particularibus interrogationibus iudicis, aut positionibus dominus citari possit, si procuratore vel iustior, vel instructior sit, l. ult. C. de procurato.

Quis Finis?

Vt via præcludatur calumniis, cap. 1. §. quamuis, in 6. eod. tit. partes à probationibus exonerentur, veritas causæ manifestetur, & fraudes euitentur, vel calumniosa petitio defensione legitima refutetur, authen. de his qui ingred. ad appellat. §. fin. column. §. cap. cæterum, verò. ad eliciendam veritatem, & ibi gloss. eod. & Speculat. d. loco, eod. tit.

Quis Effectus?

Euitatio falsitatis, & præsumptio bonæ conscientie in exercenda, vel defendenda lite: cum de præstiti iuramenti veritate questionem moueri non liceat. Habet enim periurus solum Deum commissi periurij vltorem, l. 2. C. de rebus credit. Nisi post præstationem periurium manifestetur. Quo casu non tantum diuinæ vltioni subiectus, sed etiam canonicis & legalibus pœnis coercetur, l. si quis maior, C. de transact. l. si duo, §. ult. ff. de iureiur. & l. iustibus, C. ex quibus causis infamia irrogetur; & ea animaduertendum, 22. quest. 2. Quæ autem pœna imponatur de iure Ciuili & Pontificio vide infr. tit. De crimine falsi, libr. 4. Pœna vero nolentis iurare de calumnia est, vt Actor ab institutione actione cadat, per sententiam, qua Reus, tanquam iniuste conuentus, absoluitur. Reus autem iurare recusans, cum pro confessio habeatur, condemnationem pariat, cap. fin. §. pœna, extra. eod. l. 2. §. quod si Actor, C. e. i. Quod ita intellige: vt ad impotentiam talem

pœnam

pœnam requiratur sententia declaratoria, per text. in authen. principales, §. si quis autem, C. cod. & d. cap. fin. in verb. pœna, eod. Nam si sententia interlocutoria euentualis, qua iniungitur parti, vt petittum iuramentum calumniæ intra certum tempus, sub pœna non iurantis, præstet, purificata sit, tunc sequitur diffinitiuæ declaratoria, quæ est, quoad Actorem contumacem, absolutoria; quoad Reum verò, condemnatoria. Quid si pars purificata iam euentuali sententia ante declarationem sententiam, moram purgare, iuramentumque petittum præstare velit, an admittatur: Et cum ista pœna non ipso iure irrogetur, sed sententiam declarationem requirat, ad purgationem moræ, vsque ad pronuntiationem huius sententiæ declaratoriæ, communiori Doctorum opinione admittitur, Socin. in cap. fin. de iuram. calum. Nam ius aduersarij deterius factum esse non censetur, donec sententia feratur, cum & hæc contumacia in non iurando ficta potius, quam vera sit, per text. in Lalia, C. de his, quibus vt indig. & l. Papi- nianus, §. meminisse, ff. de inofficio. testamento.

Quæ assiniæ?

Iuramentum de malitia, & iuramentum de veritate dicenda. Quid utrumque sit, supra dixi. Differt autem iuramentum malitiæ à iuramento calumniæ. 1. Quod iuramentum de calumnia viranda, regulariter præstetur post litis contestationem, cap. literas, extra. de restitut. spoliat. cap. in causis, extra. de testibus, & cap. cum dilecti, extra. de elect. Iuramentum autem de malitia, ante & post litis contestationem, capit. cum dilecti, extra. de elect. 2. Iuramentum calumniæ tantum semel ad totam causam præstatur: Iuramentum malitiæ toties, quoties aliquid dici, vel fieri malitiosè præsumitur. 3. Per istud providetur, ne quid calumniosè fiat in tota lite: per hoc verò, ne, quod petitur, vel proponitur, in quo suspectus proponens habetur, malitiosè petatur, vel proponatur. 4. Illud regulariter locum habet tantum, vbi agitur de rebus prophanis & temporalibus: hoc autem vbi tam de prophanis, quam Ecclesiasticis agitur. 5. Differunt, quod iurare recusans de calumnia, si Reus sit, habeatur pro confessio; si Actor, causa cadat. Sed recusans iurare de malitia pœniatur pœna iudicis arbitraria, per regulam, Quoties pœna cetera à lege non est expressa & determinata, tunc officio Iudicis arbitriariam, siue extraordinariam imponendam esse, l. 1. §. expilatores, ff. de effract. & Bartol. ibidem capit. de causis, §. fin. extra. de off.

delegat. Nam licet in cap. penult. §. fin. extra. cod. huius iuramenti de malitia, mentio fiat; tamen nulla pœna exprimitur: quæ quidem certa & expressa est in iuramento calumniæ, cap. fin. §. fin. eod. Attamen illa pœna, ad hoc iuramentum malitiæ referri nequit, cum pœnæ sint restringendæ, capit. in pœnis, de regul. iur. in 6. Sed opinionem Socini secutos esse dominos assessores Cameræ tradit And. Geyl, obseruat. 87. lib. 1. obseru. pract. putantis, quod respectu illius articuli, super quo pars petit iurari de malitia, recusans habeatur pro confesso, & quod articuli Actoris, vel exceptiones Rei, non debeant recipi, neque à iudice attendi, etiam si releuantes sint, si de malitia per sententiam iurare iussus, nolit iurare.

Differt etiam à iuramento de veritate dicenda iuramentum calumniæ. 1. Præstatur enim hoc in civilibus, & pecuniariis, cap. cum causam, extr. eod. illud verò in spiritualibus, & illis annexis, cap. literas, extr. eod. 2. In hoc respondetur de credulitate, sed in illo non, nisi de scientia, quam scit, cap. hortatur, 3. quæst. 9. 3. Hoc continet multa capitula, illud vnum solum. 4. In hoc non datur dilatio: secus in illo, tit. tot. ff. de interrog. act. Plures differentias notat Specul. eod. tit. §. est autem, lib. 2. part. 2. quæ tamen usu fori non probantur.

Quæ Pugnania?

Omnis generis falsitates; ut sunt periurium, mendacium, præiuratio, &c. quæ quid sint, infr. lib. 5. traditur.

AXIOMATA, ET SENTENTIÆ.

Iuramentum in principali causa præstitum, ad omnia, quæ postea accidunt, vel emergunt, extenditur. ca. fin. extr. eod.

Ante litis contestationem quis non dicitur agere, sed agere velle.

Iuramentum, si omissum sit, poterit quandoque ante sententiam exigi.

Reus excipiendo fit Actor.

Si de calumnia, seu de veritate dicenda, in primo litis exordio non iuretur, poterit postmodum in qualibet parte iurari: cum huiusmodi iuramenta præstari ab initio, de substantia ordinis iudiciarii non existat, cap. 1. eod. in 6.

Propter omissum iaciend. in tota causa iuramentum calumniæ,

lunnie, iudicialis processus, aliàs factus legitime, non est nullus, nec etiam annullandus, d. c. 1. §. propter eod. in 6.

In criminalibus propter calumniandi frequentiam, tam de malitia, quàm calumnia, iurandum est, d. cap. 1. §. quamvis, eod. in 6.

Iudex, quoties sibi videtur, excigit iuramentum malitiæ, etiamsi de calumnia, vel veritate iuratum sit, c. in appellationis, §. in omnibus, eod. tit. in 6.

Sacramenti timore contentiosa litigantium instantia compefcitur.

Iuramentum calumnia non tantum in prima instantia, sed etiam in causa appellationis præstandum est, cap. 2. eod. tit. in 6.

DE DILATIONIBVS.

TITVLVS VIII.

Continuatio.

Iuramento de calumnia præstito, litigatores non præsumuntur, animo differendi negotij: sed bona fide, inducias petere. Non iniuria igitur iudex, vel iubente lege, vel æquitate suadente, causaque cognita, eas concedit, cap. vlt. §. à iudice, 3. quæst. 3.

Quid est Dilatio?

Dilatio est, temporis interuallum, ad faciendum actum iudicalem à lege, vel iudice concessum, vel moderatum, c. 1. 2. & 3. extr. eod.

Quotplex Dilatio?

Aliæ sunt iudiciales, aliæ extraiudiciales. Quarum species multæ recensentur, & explicantur per Spec. lib. 2. part. 1. tit. de dilat. §. experiundorix. & Hostien. §. quot sint, eod. Et aduerte, quod ferè indifferentes omnes dilaciones siue à iudice, vel à lege dentur, (quia & Prætor tempus lege datum, inspecta qualitate negotij, utilitate, vel necessitate partium, producit & arctat) ex causa arbitrarie reddantur, cap. vltim. extra. de transact. cap. si ægrotans, 5. quæstio. 3. & cap. Episcopus, 3. quæst. 2.

Qua est causa Efficiens?

Causa efficiens est, lex, iudex, & partium conuentio, Cynus in l. 1. C. de dilat.

Quod Obiectum?

Sunt actus iudiciales in qualibet causa, tam ciuili, quam criminali. Nam praefixio termini, seu dilatio, siue à iudice fiat, siue à lege, conceditur quandoque ad testes producendos, c. licet, extr. de probat. Quandoque ad peremptorias proponendas, c. 1. & c. seq. 3. q. 3. quandoque ad probationem per instrumenta faciendam, Nouel. 11 §. §. sed & hoc, vers. dilationes: quandoque ad solutionem faciendam, l. 2. & 3. C. de vsur. quandoque ad se purgandum, c. tam literis, extr. de testibus: quandoque ad accusandum, vel agendum, c. licet, extr. de accusat. & c. fin. extr. de clan. desponsat. item ad oprandum legatum, cap. cum in veteri, extr. de electio. item ad prosequendam appellationem: item ad excessus puniendos, c. irrefragabili, extr. de off. ord. ad negotium decidendum, c. de causis, extr. de off. deleg. ad restitutionem petendam, c. frequens, extr. de restitut. spoliat. ad exceptionem excommunicationis probandam, c. pia, de except. in 6. Denique ad litem contestandam, l. si quis, ff. de petit. heredit.

Quae forma concedenda Dilationis?

Dilatio tam Actori, quam Reo, tam ante, quam post litem contestationem, iudice pro tribunali sedente, causa cognita, & vtraque parte praesente, concedenda est. Quod si autem legalis dilatio est, ea, inuitis partibus, etiam, absque causae cognitione conceditur; licet eam iudex, qualitate personae, & causae, aliisque circumstantiis consideratis, interdum moderari possit, 3. q. 3. c. induciae, §. spatium, l. à procedente, C. de inducis, & l. 4. de dilationib.

Quis Finis?

Vt parti commoda sit deliberandi facultas: vt veritas rei salua sit: vt possit haberi consilium: vt in omnibus aequitatis ratio obseruetur, Hostiens. hic, §. & quare.

Quis Effectus?

Expositio causae: data enim dilatione, & adueniente termino peremptorie assignato, iudex eum vltcrius non prorogat. Nec eo elapso quis vltra audiendus est, cum peremptorius terminus vim habeat interlocutoriae, quam si, absque causa termini prorogandi gratia, reuocaret, nullus esset litium finis,

ais, c. de illicita, 24. quæst. 3. & l. qualem, ff. de arb. Regulariter enim omnis probatoria dilatio peremptoria est, & non, nisi semel, datur, nec potest prorogari. Quod verum est in causa ciuili, non autem criminali: in ea enim pluries dilatio conceditur, Bar. & Dd. in l. 1. C. de dilat. Abb. c. licet, 4. not. de probat. Quandoque tamen etiam in causis ciuilibus plures dilationes concedi possunt, vt notat Myns. obseru. 71. cent. 1. Vt quia iustum impedimentum extabat in prima, l. oratione, ff. de feriis: Vel nouæ superuenerint litiganti probationes, idq; iuramento asserat, c. pastoralis, extr. de excep. Aut litigans impeditus sit facto aduersarij, lason, l. si eum, §. qui iniuriarum, ff. si quis caut. Aut nouam actionem cumulauerit, gloss. in l. edita, C. de eden. Aut, si in iudicio emergat noua exceptio, vel aliud incidens: quia noua dilatio dabitur ad probandum id, quod consistit in facto super illo emergenti, d. c. pastoralis, extr. de excep. Sic iure ciuili dilationes ad alios actus iudiciales faciendos, à iudice præfixæ, ex causa prorogari possunt, prout quotidie in praxi obseruatur, dummodò intra terminum prorogatio petatur. Quia effluxo termino, quod non est, prorogari non potest, l. iuris gentium, §. adeo, ff. de pactis: sed nouus terminus petendus esset. Prorogatio enim nihil aliud est, nisi dilationis labentis nondum lapsæ extensio, & dicitur eadem dilatio cum prima, l. si manente, ff. de minor. Maran. par. 4. dist. 12. numer. 2. fol. 225. & notat And. Geyl. obseruat. 91. libr. 1. pract. obser.

AXIOMATA, ET SENTENTIÆ.

Ad impetrandam quartam dilationem non requiritur speciale mandatum, sed generale sufficit, c. qui ad agendum, de procurat. in 6. Contrarium tamen obseruatur in Camera, Myns. obseruat. 70. cent. 1. Ratio est: Quia in iuramento omni requiritur speciale mandatum, & exprimitur qualitas iuramenti in specie, non autem extenditur illa species ad aliã non expressam, Clem. non potest, de procur. & c. vlt. xiv. de iud.

Quando impedimentum est in iudice, vel commissario, quò minus testium examinatio fiat, aut ad finem perducatur, tunc tempus dilationis supplendum, & non dicitur noua dilatio, sed suppletio prioris, Myns. obseru. 71. cent. 1.

Reg.

Regulariter omnis dilatio, est peremptoria, & non datur, nisi semel in causa civili, nec potest prorogari: sed in causa criminali pluries dari potest, Abb. in cap. i. extr. de probationibus.

Prorogatio quarta dilationis conceditur, quando cause relevantes allegantur, & quod petens prorogationem iuret, talem causam veram esse: adiecta tamen eadem sollemnitate legali, cuius fit mentio in cap. ultra tertiam, extr. de testib. qua quarta dilatio fuit concessa, Mynsing. obser. 72. cem. 1.

Si iudex assignat simpliciter terminum ad aliquid faciendum, tota dies termini cedit illi.

Peremptorius terminus vim habet interlocutoria, l. qualem, ff. de arbit.

Concessa dilatio nec à iudice coarctari potest, nisi iuxta causam abbrevianda dilationis interueniat, c. cum sit Romana, extr. de appellat.

Omnes dilationes iudiciales, præterquam appellatoria, arbitrarie sunt, d. c. cum sit Romana.

Conceduntur dilationes, quando bona fide, & non causa litis proroganda, petuntur, à iudice pro tribunali sedente: nisi triennium, quo & ipsa causa perit, instet, l. properandum, C. de iud.

Dilationes conceduntur, ad opponendum, iurandum, testes producendum, aliasq. probationes afferendas, Aëtori & Reo, ordine seruato: ut prius Aëtori, quam Reo, terminus assignetur, cap. i. 4. q. 4.

Non nisi causa cognita, dilatio danda est, c. fin. §. à iudice, 3. quest. 3.

Probationum causa danda dilatio est trium mensium, in eadem prouincia: in continentibus prouinciis sex mensium, & in transmarinis nouem, c. ult. 3. q. 3.

Petens nomine alterius actionem sibi dari, debet satisfacere de ipso defendendo in reconuentione arbitrio boni viri, Spec.

Specul.eod.titul.§.experiundoria.

Terminus ad omnes dilatorias proponēdas simpliciter datus, intelligitur peremptorius, c. licet, extr. de probationibus.

Termino assignato, ad dandum omnes exceptiones dilatorias, elapso, non possunt probari exceptiones litis contestationem impediētes, ante litis contestationem: quia ante litis contestationem in vim dilatariorum opponuntur, Specul. d. loco.

Si Reus advocatum conduxit, & quandoque cum eo in iudicio comparuit, & postea eum habere non potest, imputet sibi, si talem conduxit: si verò nondum conduxit, danda dilatio est ad quarendum advocatum, non tamen sapē, si id malitiosè petatur, cap. prout, extr. de dol. & contum. Spec. d. loco.

Materia dandarum dilationum amputanda est l. 2. C. de temp. appell.

Conceduntur dilationes, si bona fide petantur: bona fide peti presumuntur in casibus à iure concessis, & postquam iuratum est in causa: quòd si non est iuratum, & index dubitat an malitiosè, vel calumniosè petantur, potest à parte exigere iuramentum, Spec. d. tit. §. nunc videamus.

Ea, quæ causa cognitionem desiderant, per sententiam partibus absentibus, latam, nequeunt expediri, l. omnia, ff. de regul. iur.

Processus nullus non potest ratihabitione confirmari, c. auditis, extr. de elect.

Termino peremptorio, ad dandum omnes exceptiones, elapso, cum nunc inter sit partis, non potest cum index, sine causa prorogare, Spec. d. loco.

Cuiq; licitum est iuri pro se introducto renuntiare, cap. ad Apostolicam, extr. de reg.

Si post citationem ad causam Reus pro publica utilitate vocetur, circumducitur peremptorium, & habebit novas inducias, c. fin. extr. eod.

Iure civili 20. dierum spatium ad proponendas exceptiones statuitur, incertum habetur, c. pastoralis, extr. de except. Respon. per auth. offert, C. quomodo, & quando, non tollitur d. cap. pastoralis, sed per illud cap. pastoralis, potest index restringere tempus 20. dierum, cap. cum sit Romana. extr. de appellat.

DE FERIIS.

TITVLVS IX.

Continuatio.

Ferix, siue repentina, siue solennes sint, dilationum temporibus non eximuntur: sed ad constituendum actus iudicialis peragendi terminum, proficiunt, l. siue pars, §. ferix, C. de dilat.

Quot sunt genera Feriarum?

Feriarum alix sunt solennes, alix repentina, alix indictæ, siue publicæ, seu rusticæ. Solemnes sunt, quæ ad Dei cultum, & honorem, & Sanctorum reuerentiam introductæ sunt, quæ recensentur per Spec. tit. de feriis, §. feriarum, c. fin. extr. de reliq. & venera. sancto. Repentina ferix dicuntur, quas solus Princeps, ob publicam gratulationem indicit; putà, ob diem natalis sui, vel filij sui, vel coronationis suæ: vel quia uxorem duxit, vel ob res prosperè gestas; putà, propter gaudium victoriæ de inimicis habitæ. Dicuntur repentina, quia incertæ sunt, imò repentè & subito indicuntur, Spec. d. loco, Rusticæ sunt, quæ propter rem rusticam, seu, propter publicam utilitatem, conceduntur, scilicet pro messibus & vindemiis colligendis, quæ etiam publicæ, indictæ, & quandoque solennes vocantur, l. i. ff. eod.

Quæ causa Efficiens?

Decreta & statuta Principum, & consuetudines locorum, Specul. tit. de feriis, §. feriarum, l. à nullo, C. eod. l. præfides, ff. de feriis.

Quis Finis, & Effectus?

Cultus & honor Deo debitus, reuerentia Sanctorum, publicæque utilitas & obseruantia. Quare in omnibus prædictis feriis nihil fieri debet, quo horum vnum violari, lædi, vel impediri possit. Quod igitur huius loci est: non debent tractari ea, quæ

Quæ ad contentiosam spectant iurisdictionem; puta: Non debet quis in ius vocari, nec causa tractari, nec sententia ferri, c. 1. & c. 2. i. 5. quæst. 4. Et si processus hisce diebus haberetur, ratificari non posset, cum sit ipso iure nullus, cap. auditis, extr. de electionib. Item, nec ad mortem, vel poenam damnari, nec placitum, vel mercatum fieri, nisi in casibus, extr. eod. cap. 1. & 2. quæst. 5. cap. decreuit, conceditur. Potest tamen illis diebus agi, si necessitas urgeat, vel pietas suadeat. Necessitas urget: ut si res sit tempore, vel morte peritura, cap. fin. extr. de iud. Pietas suadet: si sit causa debilium, vel miserabilium personarum. Quia in operibus misericordiae, dierum non est habenda distinctio, argum. c. utinam, dist. 76. c. nunquam, dist. 5. de consecrat. Pari ratione, ea, quæ ad voluntariam iurisdictionem spectant, quolibet tempore fieri possunt. Voluntariae iurisdictionis sunt adoptare, emancipare, tutores constituere, manumittere, excommunicare, & absolvere, ubi causæ cognitio requiritur, & similia, l. actus, C. eod.

An autem feriis renuntiari possit? Et responsum est sub quadam distinctione, quod feriis repentinis & solennibus non possit renuntiari, c. fin. extr. eod. l. si feriatis, ff. de arbit. Rusticis autem, seu publicis renuntiari possit; tamen, si renuntiatum non fuerit, quod actum est, non subsistat, d. c. fin. c. si diligenti, extr. de foro comp.

AXIOMATA, ET SENTENTIAE.

Scauola iureconsultus interrogatus, quid feriis agere liceret, respondit, quod pratermissum noceret: Ut si bos in foueam accidisset, non eras piaculum, parremfamilias illum, adhibitis operis, extrahere. Nec ille ferias polluebat, qui trabem lecti fractam fulciendo ab imminente ruina liberasset.

More Romano dies à media nocte incipit, & sequentis noctis media parte finitur, itaque quicquid in his viginti quatuor horis: id est, duabus dimidiatis noctibus, & luce media actum est, perinde est, quasi quavis hora lucis actum esset, l. more Romano, ff. de feriis.

Feriis introductis in honorem Dei, & Sanctorum, nisi ob necessitatem, vel pietatem, iudicium exerceri non potest,

etiam

etiam de consensu partium: feriis tamen introductis favore hominum partes renuntiari possunt, c. conquestus, extr. eod. & c. licet. eod.

Iudex pro tribunali sedens, si scienter assignat diem feriatam partibus presentibus, & feriatam esse non ignorantibus, si partes non contradicant, renuntiasse exceptioni feriarum videntur, c. quod ad consultationem, extr. de re iud.

DE ORDINE COGNITIONVM.

TITVLVS X.

Continuatio.

L Apud feriis, omniq̃ue impedimento alio sublato, iudex audiendis, cognoscendisq̃ue causis, vt absque mora ad finem perducantur, operā nauare debet. Sed quia plures quandoq̃ue quæstiones ab vna & eadem, vel à diuersis partibus, proponuntur, aliquando incidunt, aliquando emergunt in iudiciis, ne confusio definitioni pariat impedimentum, inter eas certum cognoscendi, & definiendi ordinem seruabit.

Quis ordo Cognitionum?

Cum duæ quæstiones in iudicio proponuntur; aut sunt ambæ principales, aut vna est principalis, & altera incidens: si quidem vtraq̃ sit principalis & ciuilis, quæ prius proponitur, primò tractabitur, & vna sententia non terminantur, licet sint æquales, dumodò se non contingant, c. 2. extr. de ord. cog. & sit talis quæstio, de qua iudex alias cognoscere possit: si verò sint criminales & inæquales, tunc maior minori præponetur. Si à diuersis partibus diuersæ quæstiones proponuntur, quarum vna est ciuilis, altera criminalis: & quidem si Actor ciuilem proponit accusationem, Reus autem criminalem, criminalis prius tractabitur, quàm ciuilis, c. ciuili, 3. q. 1. i. rex. in l. fi. C. de ord. iud. Nisi ciuilis præiudicialis sit criminali: quia tunc primò tractabitur ciuilis, c. si crimen. 3. q. 1. i. Si non ambæ fuerint principales, sed vna incidit alteri, tunc de incidenti principali prius cognoscendum & pronuntiandum est, l. ordinata, ff. de liberali causa, c. si de hæreditate, 3. q. 1. i. Quod verum non est, si incidens sit talis, quæ non patiarur litem contestari; sed impediat cognitionem principalis negotij, nisi primò
pro

pronuntietur super ea. Quòd si patiat, prius est cognoscendum de principali, Gul. l. 3. ff. de pænar. & Bal. tit. de inciden. quæst. Est enim regula: quòd quotiescunque aliquid opponitur in iudicio, propter quod impeditur cognitio principalis negotij, prius de eo cognoscendum, & pronuntiandum esse, cum iudex aliter iurisdictionem expedire non possit, c. tuam, extr. cod. Verùm in Cameta, non obstante incidenti quæstione præiudiciali, imponitur Reo litis contestatio; falsis tamen ipsi suis exceptionibus & defensionibus quibuscunque post litem contestatam proponendis. Vnde, si post litem contestatam, per viam conuentionis, vel alio modo Reus obijciat quæstionem præiudicialem, quæ de sui natura coram alio iudice terminanda sit, eaque verè existente, perimatur quæstio principalis, tunc illa principalis quæstio remittitur ad iudicem ordinariũ, & interim, donec ea terminetur, principalis causa quiescit, Mynsing. obser. ult. cent. 1.

Multifariam autem incidere quæstio dicitur. Primò incidit civilis civilis: vt si petenti hereditatem patris, opponitur, quòd sit spurius, c. lator, extr. qui filij sint leg. 2. Civilis incidit criminali: vt si accusatus de plagio, dicat se dominum, l. præses, C. de plag. Vel, si agenti de adulterio, obijciatur quæstio status, l. quoniam, C. de adult. 3. Criminalis incidit civilis: vt si agenti per aliquod instrumentum, obijciatur quæstio falsi, l. damus, C. ad legem. Cor. de fal. 4. Criminalis incidit criminali, cum agenti de adulterio opponitur de leuocinio, l. 2. ff. ad leg. Iul. de adult. Dicitur etiã incidens quæstio, emendatio & mutatio libelli, quæ fieri potest ex eadẽ instantia, quando libellus peccat in materia, secus si in forma. Quia omninò debet esse nouus libellus, forma substantiali mutata, l. si accusaturus, ff. de adult. Dicitur etiã incidens quæstio, replicatio, quæ potest cumulari cum petitione, si Actor velit: vt peto decem ex mutuo, non obstante pacto, De non petendo, quod postea fecisti. Dicitur etiã incidens quæstio, reconuentio, præsertim si contingat principalem petitionem, l. si idem, ff. de iurisdic. omnium iudicum.

DE PLUS PETITIONIBVS.

TITVLVS XI.

Continuatio.

SOlet index Actoris plus petentis fraudẽ post determinationem incidentium q. pœnis legitimis quandoq. coercere.

Quis dicitur plus petere?

Plus petere dicitur, qui plus debito, vel ita quidem, vt commoditas, & optio præstationis creditori auferatur, lite contestata, petit.

Quot modis plus petitur?

Quatuor modis, causa, tempore, re, & loco. Causa plus petitur: vt, si in generali, vel alternatiua obligatione, præcisè petatur species, c. vnico, extr. eod. Tempore, si priùs, quàm solutionis dies extiterit, petatur. Re: vt si maior summa, vel quantitas, quàm debeatur. Loco quoque plus petitur: vt, si non vbi conuenit soluere, sed alibi petatur, d. c. vnico.

Qua causa efficiens?

Dolus, vel opinatio Actoris, vel etiam Rei Actorem, ante litis contestationem, reconuenientis. Nam in causa reconventionis Actoris vicem subit.

Quod Obiectum?

Ipsum debitum, siue actione reali, siue personali debeatur, l. hæc adicatio, ff. de verb. sign. & Socin. c. vnico, extr. eod.

Qua Forma?

Quòd plus petatur vel causa, vel re, vel tempore, vel loco: & in ea petitione, vsque post litis contestationem perseueretur. Quia, ante litis contestationem, non petere: sed petere voluisse, dicitur Actor, l. quamuis, ff. de in ius vocando.

Quis Effectus?

Quòd si quis plus petierit causa, iudicium non procedit: sed condemnabitur Actor ad omnes expensas in triplum, & omne damnù, quod pertulit Reus occasione institutæ actionis, §. sed hoc quidem, Instit. de actionibus. Si quis autem plus petit re, condemnabitur Actor in triplum eius, quod Reus expendit, §. tripli. Instit. de act. Si loco plus petat, cum locus actionem arbitrariam efficiat, tenetur Actor in illa actione quanti Rei interest, potiùs conuento loco, quàm vbi actio instituta est, soluisse, l. 1. ff. quod certo loco, c. vnico, extr. eod. Nihilominus tamen ultra præstationem interesse in triplum eius, quod Reus nomine sportulatum impondit, in triplum condemnabitur Actor, §. hoc quidem, Instit. de actionib. Si verò tempore plus petatum sit, duplicantur induciæ, quibus finitis, Reus, nisi omnibus ab Actore expensis præstitis, litem suscipere non tenetur, d. c. vnico, extr. eod. §. in triplum, Instit. de actionib.

Quæ

Quæ Adiacentia?

Restitutio sportularum, perpersum damnum, interesse, expensæ, cap. vnic. extr. eod. cap. examinata, de iud.

Quæ Assum?

Præpostera petitio, directus desideratæ formæ in libellis, petitio rei, quæ neque ciuilitè, vel naturaliter debetur, Felin. cap. 2. extra. de rescript.

Quæ Pugnantia?

Intermissio litis, antequàm contestetur, compositio partium, iuramentum, à parte Actoris præstitum, reiectio libelli inepti per officium iudicis, &c. Iason. in l. 3. numer. 18. C. de edend. Bart. l. prætor, ff. de iureiur.

AXIOMATA, ET SENTENTIÆ.

Si Actor ante litis contestationem à pluris petitione desistat, poenam legis effugit: Host. hic.

Si quis per fraudem induxit aliquem, ut cum deberentur XX. se debere in instrumento cauerit, postea illa XX. ut instrumentum lue contestata petierit, à toto debito, saluis transactionibus, & secundis cautionibus, & confessionibus super hoc habuiss, cadit, l. unica, C. cod. & l. si mulier, C. ad Velleia.

DE CAUSA POSSESSIONIS, & PROPRIETATIS.

TITVLVS XII.**Continuatio.**

Contingit, causam proprietatis & possessionis, ab eodem, vel diuersis, vno tempore, in iudicium deduci. Cum autem altera alterius definitioni impedimento sit, in hac cōtingentia vtra in cognitione præferatur, scire cōuenit.

Quid est causa possessionis, & proprietatis?

Est lis, inter duos, vel plures, separatim, de proprietate & possessione contententes, iudicio inclusa. Siquidem licet in constitutione dominiij vnum sint; sicut omnia humani corporis membra, quoad constitutionem integri corporis, vnum intelliguntur: quæ aliàs, quoad officia, & similibus singulatim consideratis, discrepant: tamen separatim, & in

abstracto causa proprietatis & possessionis accepta, nihil habent commune, l. notum taliter, §. nihil, ff. de acquir. poss.

Quid est Possessio?

Possessio est ius insistendi rei corporali, non prohibetur possideri: dicta à sedibus, quasi sedium positio, l. i. ff. de acquir. poss.

Quotuplex est Possessio?

Duplex: Naturalis & Civilis. Naturalis in facto, Civilis in iure, consistit: eademque naturalis civilis fit, si iuris auctoritate approbetur, Alc. in l. quinque pedum, C. de ter. mo. Zasius in suis sing. intellect. c. 1. num. 2. & Hostiens. de causa possess. §. 1.

Quæ est causa Efficiens?

Apprehensio, corpore & animo, facta. Quia licet solo animo amittatur possessio, acquiri tamen non, nisi corpore & animo simul, potest, l. 3. §. 1. & §. in amittenda, ff. de acquir. poss.

Quod Obiectum?

Est res corporalis, siue mobilis, siue immobilis, hominum commercio non exempta. Quia res incorporales, ut sunt omnia ea, quæ in iure consistunt, propriè non possidentur, sed quasi possidentur, Bartol. l. 1. num. 3. ff. de acquir. possess. cap. querelam, extra. de elect.

Quæ Forma?

Est ipsum ius insistendi rei, quoad acquisitionem possessionis attinet, non autem retentionem. Quia etiam solo animo tenetur: Nec opus est rei semper corporaliter insistere, l. qui vniuersas, & l. 3. ff. de acquir. poss.

Quis Finis, & Effectus?

1. Præscriptio, quæ per longam possessionem, iuris auctoritate adiicit dominium possidenti. 2. Interdicta, quæ, pro retinenda, vel recuperanda possessione, competunt, l. fin. ff. vi poss. l. 1. §. deicitur, ff. de vi, & vi arm. 3. Lucrum fructuum ex re aliena, bona fide perceptorum, l. certum, C. de rei vind.

Quæ Cognata?

Quasi possessio, quæ propriè est rerum incorporalium, l. si res, ff. de ser. vrb. præd. Detentio, quæ est eorum, qui ratione suæ detentionis non habent conditionem vsuapiendi illam rem, vel alios possessionis effectus consequendi: ut est in creditore pignus tenente, & aliis, Bartol. l. 1. ff. de acquir. poss. num. 21: Et proprietas, quæ inuieta possessione iusta, ius domini constituit.

Quæ

Que Pugnancia?

Interitus rei, deicctio, rei mutatio causa religionis facta, amissio, animus possidere non volentis, &c.

Quid est Proprietas?

Proprietas est, dominium rei legitimis modis conquistum, Hostiens. tit. de causa propriet.

Que causa Procatartica?

Ius gentium, & ius Ciuile: quæ certos modos acquirendi rerum dominia introduxerunt, §. singulorum, Instit. de rerum diuif.

Quod Obiectum?

Omnes res corporales, quæ humano commercio subiiciuntur, l. rectè dicimus, ff. de verb. sig.

Que Forma?

Titulus acquirendi iuris gentium & ciuilis: qui circa formam proprietatis acquirendæ, vel quæsitæ potissimum consideratur.

Qui Effectus?

1. Rei vindicatio, quæ pro amissa rei proprietate recuperanda competit, §. omnium, Instit. de actionibus. 2. Libera disponendi facultas, nisi vel lege, vel conuentione impediatur, l. in re mandata, C. mandati.

Quis ordo cognoscendi in causa possessionis, & proprietatis seruandus?

Ordo cognoscendi varius est. Nam vbi duæ quæstiones possessoria principales proponuntur à diuersis, & de diuersis rebus, illæ tanquam mutæ petitiones, simul & vicissim sunt tractandæ, secundum regulam: Qui prior appellat, prior agat, cap. 2. extr. de ord. cog. Si autem vtræque possessoria quæstio sit super eadem re, iudex vltimò factam violentiam prius purgabat, l. colonus, ff. de vi, & vi armata. Quòd si Actor agit primò petitorio, & Reus secundò possessorio, conquerens de spoliatione, distingue. Aut vtræque quæstio est circa eandem rem, vel circa diuersas: Si circa eandem rem, tunc patiatut præiudicium petitorio prius propositò, per possessorium secundò, etiam in modum reconuentionis propositum, & super possessorio cognoscetur prius, & pronuntiabitur, petitorio prius propositò suspensò, cap. ex conuentione, ca. lites.

ras, extr. de restit. spoliato. c. accedens, extr. vt lite non contest. Et hoc, siue possessorium precedat, siue sequatur, ca. in literis, extr. de rest. spoliat. Porro si petitorium & possessorium sunt circa diuersa, subdistinguitur. Nam aut spoliatio proponitur in modum reconuentionis; aut in modum actionis, aut in modum exceptionis. Si in modum reconuentionis, putà, quia Reus conuentus reconueniendo petit restitui, tunc sunt duæ petitiones, quæ vicissim tractandæ, & vna sententia terminandæ sunt, paucis casibus exceptis, quos notat Speculat. tit. de reconuent. §. videndum. Si verò in modum actionis, tunc siue ciuilitè, siue criminalitè ab Actore conueniatur, prius de quæstione spoliij tractari & cognosci debet. Quia omnes leges, tam Ecclesiasticæ, quàm seculares, antè omnia spoliatis reintegranda, & damna sarcienda esse præcipitur, c. grauis, extra. de restit. spoliat.

Si verò spoliatio in modum exceptionis proponitur, tunc primò tractabitur exceptio spoliationis, suspenso petitorio, cap. 2. extra. de ord. cog. Nec, hoc casu, post litem contestatam, de spoliatione excipi potest. Huius tamèn doctrinæ diuersi sunt effectus: quia, spoliatione, per modum exceptionis, probata, agens repellitur, sed non restituitur: sed si probetur in modum actionis, restituetur opponens antè ingressum causæ principalis.

AXIOMATA. ET SENTENTIÆ.

Causa possessionis, & proprietatis sub eodè iudice terminari debet: nec contra absentem est pronuntiandum, ca. 1. extr. cod.

Qui agit de proprietate, ante conclusionem causa possessorio adipiscendâ, vel recuperandâ agere potest: post conclusionem vero, & ante sententiam hoc non potest, nisi iusta causa subit, cap. pastoralis, extr. cod.

Si petitorio & possessorio simul est actum, vna sententia terminatur, & præmittitur possessorium in definiendo, licet prius in petitorio executio fieri debeat: cap. cum dilectus, cap. cum Ecclesia, cap. ad ultimum, extr. cod.

Succumbens in possessorio, de proprietate agere potest, cap. cum olim, extr. cod.

Si petens rem ex vna causa succumbat, ex alia causa repetere non prohibetur, cap. fin. extr. cod.

Et iure terrij iuri meo non subiecti mihi non competit defensio sicut nec actio. l. si vnus. ff. de pactis.

Questio spoliationis in modum actionis, vel exceptionis propoſita, ſemper repellit agentem in cauſa criminali, 3. quaſt. 1. per totum.

Vbi ciuilitur agitur, non poteſt excipi de ſpoliatione ab alio, quàm ab Actore, facta: vbi verò criminaliter, tunc excipi poteſt de ſpoliatione facta, à tertia perſona; & hæc exceptio probanda eſt intra 15. dies, à die obiectionis computata, Spec. tit. de petiit. & poſſeſſ. §. 1. num. 8.

Post publicationem atteſtationum poteſt quis adhuc redire ad poſſeſſorium. Vbi enim non renuntiauit, adhuc poterit inſtrumenta, confeſſiones, & probationes inducere. Post concluſionem autem, vel renuntiationem, non poteſt fieri ſuſpenſio petitorij, niſi malitia ſpoliatoris, vel caſus, vel alia iuſta cauſa iudicem mouerit, ut in poſſeſſorio, petitorio ſuſpenſo procedat, cap. paſtoralis, extr. eod. & Specul. d. loco.

Cauſa poſſeſſionis nihil habet commune cum proprietate.

DISCORD. IVRIS CIVILIS, & canonici.

Iure ciuili quaſtione, de poſſeſſione & proprietate orta, prius poſſeſſionis quaſtio ſinari præcipitur, l. 3. C. de interd. l. ſi de vi, ff. de iud. Sed iure pontificio ſimul agi poteſt utraque, & licet in pronuntiatione præmittenda ſit poſſeſſio, in executione tamen debet proprietatis præualere, cap. cum dilectus, extra. eod. cap. 2. extr. de Capell. Monachorum.

DE RESTITVTIONE Spoliatorum.

TITVLVS XIII.

Continuatio.

ANte reſtitutionem obiecta, in modum exceptionis, ſpolij quaſtione, Actor non auditur: nec ſpoliatus eius pe-

titioni respondere tenetur. Sciendum igitur, quis spoliatus dicatur, & quomodo ei succurratur.

Quid est Spolium?

Spolium est, priuatio possessionis, vel quasi, rei alicuius, aut iuris, inutili iudicis sententia, vel alterius cuiusdam vi, vel do malo, facta, Dd. in cap. conquerente, extr. cod. Est enim vis de genere illicitorum: quæ semper præsumuntur dolo malo fieri, nisi error, aut alia violentiæ causa iusta probetur, l. si non conuicij, C. de iniuriis, l. 1. C. ad leg. Iul. de sic. & l. 2. ff. vi bon. rap.

Quæ est causa Efficiens?

Inutilis sententia iudicis, aliquem, non seruato iuris ordine, vel iniuste possessione sua priuantis, & vis, vel fraudulosa voluntas spoliantis, cap. grauis, extra. cod. & cap. in literis, & cap. conquerente, extra. eodem.

Quod est Obiectum?

Res mobilis, immobilis, corporalis & incorporalis: vt sunt omnes res, quarum humanum commercium est, iura, & beneficia clericorum, d. cap. grauis, ca. in literis, cap. sollicitè, cap. accepta, cap. sæpe contingit, extr. eod.

Quæ Forma?

Spolium non tantum fit, si quis per vim, vel dolum alicuius priuati hominis ex possessione rerum suarum eliciatur, verum etiam, qui per iudicis sententiam, iuris ordine prætermisso, beneficio, vel aliis rebus carere coactus est; vel, si iuris quidem ordinem seruauerit, spoliari tamen, & de facto damnati index erat incompetens: vel si iudex sit competens circa priuationem nulliter pronuntiauit, cap. conquerente, extra. cod. & cap. causam matrimonij, extra. de off. iud. deleg. & ibi Dd. Pariter non tantum is, qui spolium patrauit, spoliatus dicitur: sed etiam, qui mandauit spoliari, aut Spolium suo nomine factum ratum habuit, vel spoliatori in vitium successit, cap. cum ad sedem, extra. eodem.

Quis Finis?

Vt spoliatus possessione rerum suarum, vel quasi possessione iurium, restituatur, cap. sollicitè, & cap. pisanis, extr. cod.

Quis Effectus?

Interdictum Vnde vi, actio & exceptio spoliationis, cap. cum ad sedem, extr. cod. Et sciendum, quod spoliij quasi actio, vel in modum actionis, reconuentionis, vel exceptionis oblici possit:

possit: si Actor actione instituta conqueratur de spolio, non potest ab aduersario vel ciuilitcr, vel criminaliter reconueniri ante restitutionem nisi pariter super spoliacione, c. 1. & c. fin. extr. de ord. cognit. Restitutionis enim petitio in hoc privilegiata esse dicitur, vt ipsam intentans nullo iure teneatur, ante restitutionem, petitioni spoliatoris respondere, nisi iur pari quæstione, Abbas, c. 1. extr. de ord. cog. Si autem in modum reconuentionis opponatur, tunc, cum multæ petitiones esse intelligantur, simul & vicissim tractandæ, & vna sententia terminandæ sunt. Quod si spolium in modum receptionis proponitur, etiam ea legitimè probata, nulla fertur restitutionis sententia: sed quâdiu Reus restitutus non fuerit, non cogitur Actori super petitionibus suis respondere. Et hoc est, quod antea dixi, diuersos esse proponendæ spoliacionis effectus: cum spoliacione per modum exceptionis probata agens repellatur, sed non restituatur: sed si probetur in modum actionis, restituatur opponens ante principalis causæ ingressum: verum restitutio ita fieri debet, vt non tantum res ablata restituatur, verum etiam omnes fructus, tam à violento possessore percepti, quàm ij, qui à veteri possessore verisimiliter percipi potuissent: imò etiam ad omnia damna refarcienda, & de illatis iniuriis satisfaciendum, c. grauis, extr. eod.

Quæ sunt Restitutioni Contraria?

Renuntiatio spoliati ante spoliacionem facta, c. sollicitè, eo. Resignatio beneficij, super quo spolium factum probatur, c. accepta, eod. Rei iudicatæ exceptio, cap. ei, qui appellat, 3. q. 6. Simonia, c. tanta, de simonia. Criminis euidencia, c. de manifesta, 2. q. 1. Infamia publica, c. presbyter, 2. q. 5. Scandalum, c. huc quippe, 3. q. 6. Intrusio in Romanam sedem, c. Deus, 3. q. 1. Spoliatio à iudice in figura iudicij facta, c. notum, 2. q. 1. In modum exceptionis spoliacionis obiectio, cap. cum dilectus extr. de ord. cog. Spoliatoris inopia, c. olim, extr. eod. Hæresis spoliati, c. quo iure, dist. 8. & 1. 3. q. 1.

AXIOMATA, ET SENTENTIAE.

Si contra petentem restitutionem coniungis, opponitur consanguinitas in gradu prohibito, & offerantur probationes paratae, recepto ab opponente iuramento de malitia, negabitur restitutio, quoad ibi, & sit quoad reliqua. Si vero probationes promptæ non sint, set plena restitutio viro probantia de-

sponsationem & copulam, c. literas tuas, & c. ex transmissa, extr. eod. Sunt autem septem casus matrimoniales, in quibus non habet locum restitutio, his versibus comprehensi:

*Si non continuit si mox probat impedimentum,
Sicque vir austerus, Mox sit lege relicta:
Si virgo fuerit, & corrumpi timeatur:
Si non possedit iuste, vel si violenter:
Casibus his septem, dominis non restituantur.*

Aduersus restitutionem scientem, non est audiendus reus de proprietate opponens: nisi Actore consentiente, cap. licet, extr. eod.

Spoliatus etiam à iudice, iuris ordine prætermisso, ante omnia restituendus, c. conquerente, extr. eod.

Si Actore agente petitorio, Reus super eadem re deducit possessorium, proceditur in solo possessorio, suspenso petitorio, c. ex conquestione, extr. eod.

Scientius rem cum fructibus, etiam qui percipi potuissent, restituere, damna resarcire, & de iniuriis satisfacere compellitur, c. gravis, extr. eod.

Recipiens scienter rem iniustam à spoliatore, tenetur eam spoliatione restituere, etiam non probato dominio, cap. sepè, extr. eod.

Per solam translationem mulieris ad domum viri factam, non precedentibus sponsalibus, vel inualidis, non acquiritur possessio: Unde ea recedente propria auctoritate non competit restitutio, c. ex parte, eod.

Actori, qui possessionem non habuit, vel in eius probatione deficit, non conceditur restitutio, d. c. ex parte.

Spoliatus potest, suspenso petitorio, ante conclusionem in causis, intentare possessorium: secus si sit conclusum, vel iudicialiter videatur, cap. pastoralis, extr. de causa pos. & propri.

Cum spoliium proponitur in modum exceptionis, nulla fertur restitutionis sententia, sed quamdiu non fuerit Reus resti

restitutus, non est cogendus Aëtori respondere, cap. 2. extr. de ord. cog.

DE DOLO, ET CONTV- MACIA.

TITVLVS XIII.

Continuatio.

Videntur litigatores rebus suis destitui, si per alterutrius dolum, vel contumaciam, iuris definitio retardetur. Ne igitur fraudulosè moratori, vel contumaciter absenti contumacia sua patrocinetur, sunt certa iuris remedia statuta, quibus, in pœnam contumaciæ, obediēti subuenitur.

Dolus quotuplex?

Duplex, bonus & malus. Dolus bonus dicitur, machinatio aduersus latronem, inimicum, vel publicum hostem, instituta, c. vtilem, 2 2. q. 2. & c. vt pridem, 2 3. q. 8.

Quid est Dolus malus?

Labeo dolum malum, dicit esse omnem calliditatem, fallaciam, machinationem, ad circumueniendum, fallendum, decipiendum alterum, adhibitam, l. 1. ff. de dolo.

Que causa Efficiens?

Est animi conatus ad decipiendum directus: quia delicta ex affectu animi discernuntur, l. qui iniuria, ff. de furtis.

Quod Obiectum?

Obiectum est, ipsa deceptio, quæ in omni negotio, non jure, sed dolo committentis, fieri potest, l. 1. & l. 4. ff. de dolo.

Que Forma?

Committitur dolo per calliditatem, tacendo & dissimulando; per fallaciam decipiendo: mentiendo, & asserendo falsum: per machinationem, vtendo furo & arte verborum, cap. quacunque arte, 2 2. q. 5. c. is autem, 2 2. q. 2. l. 1. ff. de dolo.

Qui Effectus?

Exceptio, & actio personalis, arbitraria, & famosa, quæ infra biennij spacium datur damnum passio, eiusque hæredibus contra dolum, & hæredes, in quantum ad eos ratione commisi doli peruenit, ad hoc, vt restitutio fiat: vel, si re perempta fieri non possit, ad id, quod interest Aëtoris, vel quanti Aëtor in li

in litem iurauerit. l. arbitrio, ff. de dolo, l. si plures, & l. sed & ex dolo, ff. eod. Potest etiam iudex contra dolosum pariter, vt contra contumacem, scilicet excommunicando, deponendo, dammando in expensas, mittendo in possessionem rerum suarum, vel aliam, pro arbitrio infligendo pœnam, procedere. Host. co. tit. §. qualiter deprehendatur. Et notandum hic, quod licet actio doli sit biennalis, exceptionem tamen doli esse perpetuam. Nam quæ temporalia sunt ad agendum, illa perpetua sunt ad excipiendum, l. purè, ff. de exc. eod.

Quid est Contumacia?

Contumacia est erga iudicem, vel prælatum commissâ inobedientia, gl. in c. ad aures, extr. vt de temp. obed.

Quotuplex Contumacia?

Duplex, vera & præsumpta. Vera dicitur, cum quis, citatus & inuentus, nullum habens impedimentum, dicit se venire nolle. Et contra talem procedi potest, nulla alia citatione facta, l. Fulcinius, ff. ex quibus causis, & c. Præsumpta est, cum quis solenniter citatus, licet non inuentus, non compareret, nec sufficientem procuratorem, in termino constituto, mittit, l. contumacia, ff. de re iud.

Quæ Causa Efficiens?

Proteruitas, & inexcusata absentia Actoris vel Rei, c. cum dilecti, extr. eod. c. quoniam, extr. vt lite non contest.

Quod Obiectum?

Quilibet iudicialis actus, quem contumax, per præceptum iudicis, peragere, vel eidem adesse iubetur.

Quæ Forma?

Vt tuis edictis, vel vno peremptorio (quod tantum temporis, quantum tria illa edicta continere debet) non compareat: vel in termino non compareat, vel non obediat: vel sine licentia iudicis recedat, c. certum, 11. q. 3. c. ex literis, extr. de excess. prælatorum, c. de illicita, 24. q. 3. Ad duo enim tenetur citatus, scilicet, comparere, & in termino comparere. Vnde, si alterum complere non possit, ad alterum tenetur. Ex quibus colligitur, variis modis committi contumaciam, vt etiam Specul. tit. de contum. §. contumax, & Hostiens. §. qualiter, eod. Putà, si citatus non veniat: si veniat & non respondeat, vel obscure respondeat: vel sine licentia recedat: si se absceat, vel latret, & impediat, ne citatio ad eum peruenire possit: si ad mandatum iudicis non restituat, exhibeat, amet, vel defendat, l. murus,

rus,

tus, l. omnino, ff. de procur. c. fin. extr. de iura. calum. c. cum locum, extr. de spons. c. 2. extr. de mutuis petit.

Quis contumacia Effectus?

Quòd contumax, in omnem causæ euentum, siue vincat, siue vincatur, condemnatur ei, qui in iudicio præfens fuit, in expensas, priuetur appellationis beneficio, puniatur per immisionem obedientis in possessionem suorum bonorum, excommunicetur, vel deponatur, Odofred. Bart. Bal. Ang. Salicet. & Fulgos. in l. properandum, §. si autem ex gestis, C. de iudiciis.

Circa hunc tamen effectum, & modum procedendi contra contumacem Actorem, vel Reum distingue. Et primò, si Actor in primo vel secundo termino non venerit ad Reum, quem citare fecerat, Reo condemnabitur in expensis, & etiam in damnis, & interesse totius litis, quia ad hoc specialiter se debuit obligare, l. eum, ff. de iud. cap. libellum, §. q. 4. Si autem causa criminalis fuerit, excommunicationis censura coëctetur, atque à iudicio repellitur: nisi iustas suæ absentiæ afferat excusationes. Si verò venerit in peremptorio, Reus absoluitur, cum Actoris contumacia Rei improbius censetur, eò quòd Actori fidem standi apud iudicem facere, Reo autem fugere & causam extenuare liceat, c. 1. §. q. 4. Hodie autem punitur in expensis: nisi veniat in primo, vel secundo termino. Nec admittitur ad aliam citationem, nisi præstita cautione idonea, quòd in termino fideliter comparebit, c. Actor, extra. eod.

Interest tamen, an lis contestata sit, vel non sit, Actore contumaciter absente. Nam si lis contestata non sit, euocandus est tribus edictis per intervalla, 30. dierum: & si non venerit, indulgetur ei annus, sed intra ipsum annum veniens, non auditur, nisi restitutus expensis Reo: si verò intra annum non comparuerit, iudex per allegationes & dicta testium, rei veritate cognita, sententiam super principali negotio ferre pretest, c. causam, extr. eod. auth. qui semel, C. quomodo, & quando. Quòd si lis contestata sit, tunc Actor contumax citandus est ad petitionem Rei, tribus edictis, quorum quodlibet debet esse decem dierum: & si, perspectis causæ meritis, causam examinavit, pronuntiare definitivè poterit. Si verò ipse plenè ex actis instructus esse non possit, absolvet Reum præsentem ab observatione iudicij, nullo regressu ad causam reservato Actori, & in omnem causæ euentum, siue vincat, siue vincatur,

con

condemnabit Actorem in expensas. Sciendum etiam, quòd quando iudex absolvit Reum à termino, hoc fieri absque vlla citatione : secus si absolutio ab instantia iudicii, quæ ante liris contestationem peti debet, fiat. Hoc enim casu, cum omnia acta iudicii illi pereant, maior solemnitas requiritur, d.l. properandum, C. de iud.

Si verò Reus sit contumax, tunc in actione reali, post liris contestationem, potest iudex, si ei de causa liqueat, ut putà, quia testes recepti, vel instrumenta exhibita, vel confessiones factæ, vel absoluendo, vel condemnando, ad pronuntiationem sententiæ procedere, Reumque in expensas actori, in omnem causæ eventum, damnare : à qua nec appellans ; cum hoc casu appellationi non deferatur, auditur, cap. prout, extr. cod. c. decernimus, 3. q. 9. Quòd si iudici, ob probationum defectum, vel aliud impedimentum, causæ merita perspecta esse non possunt, tunc adiudicanda est Actori possessio, statimque fiet verus possessor, salva proprietatis questione absenti, d.c. prout, extr. cod.

Caterum, si lis est nullo modo contestata, Reo contumaciter absente, non potest Actor petere, ut sententia feratur ; sed summarim examinato negotio, mittendus est in possessionem rei petitæ, c. quoniam, extr. ut liris non contestat. Et tunc Reus, usque ad annum, poterit recuperare possessionem, restitutis expensis, & præstita cautione de iudicio fisci : anno verò elapso non audietur, nisi super proprietate, d.c. quoniam. Et si propter Rei dolum, vel potentiam, nequit potiri possessione, vel nactam perdit, nihilominus post annum efficitur possessor, c. contingit, extr. cod. Si autem agitur actione personali, & Reus contumax est ante liris contestationem, tunc mittitur Actor in possessionem bonorum ipsius Rei, causa custodiæ, pro modo debiti declarati in libello, exceptis paucis casibus. per Spec. cod. titulo notatis, quibus in possessionem omnium bonorum missio conceditur. Missus tamen non efficitur verus possessor, imò, restitutis expensis, & præstita cautione, venienti Reo restituitur possessio quandocunque, d.c. quoniam : nisi iudicis auctoritate sit ab Actore distracta.

AXIOMATA, ET SENTENTIÆ.

In ordinatione Camera, inter cetera, disponitur, quòd sine Actor, sine Reus contumaciter sit absens, nec compareat in iudicio, semper præsens possit in causa principali procedere, &

c. in

causam liquidare: adeò ut etiam iudex teneatur diffinitivè pronuntiare, si de causa constet, non attenta partis contumacis absentia: & tali casu, si principalis causa definiatur, semper is, qui contumaciter absuit, siue vincat, siue succumbat, condemnari debet in expensas ei, qui iudicio præsens fuit, tit. 42. in fine, & tit. 43. §. pen. in 3. parti.

Contumax est, qui trinis edictis, & uno peremptorio citatus non venit, c. certum, in q. 3.

Si iudex velit contumacem excommunicare, prius debet eum monere, ut adhuc obediat, comparendo intra certum terminum competentem, & suam contumaciam expurget.

Actore contumace testes recipi, & sententia ferri debent, etiam lite non contestata, c. causam, extr. eod.

Si Reus, post litem contestatam, est contumax, si aliàs liquet de causa, fertur sententia: si non liquet Actor in veram possessionem inducitur, c. prout nobis, extr. eod.

Beneficia Ecclesiastica sine dispendio diu vacare non possunt, c. finem litibus, extr. eod.

Exceptionem peremptoriam opponens, si in eius probatione deficiat, causa dilata litis, in expensas damnari debet, c. finem, eod.

Si Reus non invenitur, literis valuis Ecclesie affixis, citatio celebratur, c. venerabilis, extr. eod.

Sententia in causa beneficiali non transit in rem iudicatam, respectu Superioris, quo minus possit de iuribus partium inquirere, maxime quando sententia fuit lata contra absentem, licet contumaciter & indefensum, cap. cum olim, extr. eod.

Actor non admissus in possessionem sibi decretam per iudicem, casu rei servanda, vel ab ea expulsus, per hoc si manens verus efficitur possessor, c. contingit, eod.

Contumax melioris conditionis, quam obediens, esse non debet, d. c. contingit, §. ne ignitur.

In Ecclesiasticis personis, & negotiis rigor, & districtio

itis

iuris non requiritur, cap. 1. extr. eod.

Cum variarum poenarum datur optio, unam ex pluribus, quæ magis timetur, iudex infligere debet, c. à crapula, extr. de vita & honest. cler.

DE EO, QUI MITTITVR IN possessionem causa rei seruandæ.

TITVLVS XV.

Continuatio.

Dictum est, in reali actione, mittendum Actorem in rei petitæ possessionem, causa rei seruandæ, vt tædio affectus Reus contumax veniat responsurus. Qui, si venerit intra annum, iudicio fisti, præstita cautione, ac exhibita satisfactione congrua expensarum, possessionem recuperet. Quod si cautionem intra annum offerre neglexerit, Actor pet iteratam iudicis missionem verus constituetur possessor, super proprietate duntaxat, aduersæ parti defensione legitima reseruata. Debet autem vtraque missio per interpositionem decreti iudicis fieri.

Quotuplex est Decretum?

Duplex, Primum & Secundum.

Quid est Primum?

Primum decretum est, prima, à iudice iubente in possessionem rei seruandæ causa, facta missio, c. nos sumus, l. 3. q. 1.

Quæ causa Efficiens?

Iussus iudicis ordinatij mittentis obedientem in possessionem bonorum, causa rei seruandæ, ob contumaciam absentis, c. constitutis, extr. eod.

Quæ causa Procatartica?

Petitio & instantia Actoris, Rei contumaciam accusantis, & quoniam, extr. vt lite non contest.

Quæ causa Impulsua?

Est proteruitas contumacis Rei, & æquitas conseruandi iuris competentis, c. 1. extr. eod. c. contingit, §. ne igitur, extr. de dolo, & cont.

Quod Obiectum?

Missio in possessionem rerum mobilium, & immobilium,

tam in actione reali,quàm personali, c. quoniam, extr. vt lite non contest.

Quæ Forma interponendi primi Decreti?

Vt si tribus edictis, vel vno peremptorio citatus Reus non veniat, in actione reali mittatur Actor Rei contumaciam accusans, & se mitti petens, in rei petite possessionem, vt tædio affectus Reus, veniat responsurus. In personali autem decernat iudex Actorem mitti in possessionem mobilium ipsius, vel immobilium, si fortè mobilia non habeat, pto modo debiti in libello declarati, d. c. quoniam. Exceptis quibusdam casibus, quibus non pro modo debiti, sed simpliciter in possessionem mittitur. Primò, si petitur liber homo exhiberi, neque exhibetur: quia tunc fit missio in possessionem omnium bonorum, l. 3. ff. de lib. homine exhib. Ratio est: Quia libertas est res inæstimabilis, l. libertas est, ff. de reg. iur. Secundò, quando quis in possessionem mittitur ex beneficio Carboniani edicti, per totum tit. ff. de Carb. edict. Tertiò, quando quis mittitur in possessionem ex ventre, ff. de ventre in possessionem mitt. l. 1.

Qui sunt Effectus primi Decreti?

Si in actione personali decretum interpositum fuerit, primus effectus est: quòd missus habeat custodiam & defensionem rerum, quod dicitur iudiciale & prætorium pignus: Videtur enim sibi constitutum, simul atque in possessionem inductus c. 1. i. nn. C. de prætor. pign. l. si legati, C. vt in pos. leg. 2. Interdictum, vt possidetis, quod cõpetit pro defensione illius possessionis: & actio in factum quanti illa res erit. 3. Quòd missus potior est alijs venientibus postea: quia habet hypothecam lege tacite constitutam, & etiam his, qui postmodum simili iussu iudicis capiunt. 4. Missus in possessionem ex primo decreto, verè non possidet, sed detentionem & custodiam habet, l. si finita, ff. de dam. infect. l. si duo, ff. vt poss. 5. Perceptio fructuum, quæ in possessionem missio, tanquam conuentionali creditori, conceditur, licet Reo intra annum venienti præstata cautione solita restituantur, c. 2. extr. de sequestr. posses. l. Fulcinius, ff. ex quibus causis in poss. 6. Quòd nisi debitor satisfaciatur creditori missio in possessionem, poterit ipse creditor, sine libello petere à iudice bona vendi, in quorum possessionem missus est, si debitor latitat. 7. Quòd missio vnius creditoris profit omnibus eiusdem tituli, l. 1. ff. de bo. auct. iud. possid.

Sin autem in reali actione, ob contumaciam absentis Rei, missio ex primo decreto facta sit, erit huius effectus. Primo: quod acquiratur missio actio ex illo edicto, ne fiat vis ei, &c. toto tit. ff. ne fiat vis ei, qui, &c. Hoc enim prætoris edictum pertinet ad omnes cuiuslibet generis in possessionem missos, l. 1. d. tit. 2. Quod idem de perceptione fructuum, ut in actione personali, obseruetur. 3. Quod statim incipiat possidere verè, non tamen incommutabiliter. Quia si Reus intra annum venerit, cautionemque iudicio sisti, & exolendarum expensarum præstiterit, restituetur ei possessio. Quod si autem cautionem offerre neglexerit intra annum, Actor post annum verus & incommutabilis, etiam absque secundi decreti interpositione efficitur possessor, c. quoniam, extr. ut lite non.

Ratio autem diversitatis, cur missus in personali non possideat, in reali verò sic, hæc est: Quia, quando ago personali, ago contra illum, qui mihi obligatus est ex contractu, vel quasi: ex maleficio, vel quasi. Quare si mittor in possessionem pro mensura debiti declarati in libello quodam extraordinario iure mihi subuenitur: quia, ut ita dicam, mittendus essem in personæ possessionem, quæ obligata est: sed quia persona libera possideri non potest, ideò mihi succurritur in rebus, non ut eas possideam, sed ut custodiam, donec tardio affectus cōtūmax, vel mihi soluat, vel ad iudicem veniat responsurus. Sunt tamen qui dicunt, missum nec in reali possidere, sed custodire & detinere, per tex. in c. pastoralis, de off. ord. & c. contingit, extr. de dol. & cont. ubi dicitur: quod post annum verus efficiatur possessor, ergò antea non fuit, c. 1. extr. cod. Sed verius est, missum ex primo decreto in actione reali, verè possidere. Quia verbum in d. c. quoniam (verus) debet exponi, id est, incommutabilis. Quia verè possidebat intra annum, sed commutabiliter, quod etiam probat d. c. pastoralis, ubi dicitur quod post annum recuperet Reus possessionem, ergo apparet, quod amiserit. Et huic opinioni consentit etiam c. 1. extr. de sequestr. posses.

Quid est secundum Decretum?

Secundum decretum est, secundus iussus iudicis, quo missus in possessionem verus & incommutabilis efficitur possessor, c. 1. extr. de eo, qui mitt. in pos. l. prætoris, ff. de dam. infecto.

Quæ causa Efficiens?

Est secundus iussus iudicis cuiuslibet ordinarij, habentis merum vel mixtum imperium. Est enim hoc meri imperij, & cogni

& cognitionem habet pecuniariam, libere, ff. de municip. cap. ex literis, extra. de off. deleg. cap. i. extr. eodem.

Quod est Obiectum?

Iterata missio in possessionem earum rerum, quas missus ex primo decreto antea, non nisi detinebat & custodiebat, quod locum habet in causa damni infecti, duplicibus iudiciis, & omnibus actionibus personalibus: non autem realibus. Quia in iis transitus vnus anni, à tempore interpositionis primi decreti computati, absque sententia, vel ulteriori decreto, facit missum ex primo decreto, verum & incommutabilem possessorem, cap. contingit, extr. de dol. & cont. cap. pastoralis, extr. de off. & ord. Quod non est in personalibus, in quibus lapsus anni non facit missum possessorem sine secundo decreto, imò etiam post annum audietur Reus super possessione, nisi res iudicis autoritate sit distracta & vendita, Speculat. tit. de secundo decreto, & c. qui etiam huius diuersitatis rationem ponit, & Bart. in gloss. ult. cap. i. extr. eod. & ca. contingit, extra. de dolo, & cont.

Que Forma secundi Decreti interponendi?

Secundum decretum nunquam interponitur, nisi cum causa cognitione, & vtraque parte presente, idè ad petitionem missi in possessionem aliquarum rerum, pro mensura debiti in libello declarati, iudex contumacem citabit, mouebitque vt pareat, & iudicio fisci caueat: quod si intra annum à tempore primi interpositi decreti computandum, hoc contumaciter recusauerit, per notarium, vel tabellionem, omnium rerum inuentario confecto, & earundem æstimatione facta, constituet creditorem ex secundo decreto, verum & incommutabilem possessorem: vel rem, in cuius possessionem missio facta est, eidem in solum adiudicabit, vel autoritate publica vendendi facultatem concedet.

Qui Effectus?

Primò est, quòd per secundum decretum aliquando acquiritur dominum, cap. i. eod. Secundò, quòd creditor, cui res in solum data est, habeat istam causam possidendi, & prescribendi, siue debitor fuerit dominus illius rei; siue non, cap. Abbate, de sentent. & re iud. in 6. Et est ratio: Quia iuste possidet, qui pratore auctore possidet, libere, ff. de acquir. poss. Tertiò, per hoc creditori facultas fit istam rem vendendi. Tamen ad venditionem hanc, secundum Speculat. quatuor coniunctim requiruntur. 1. Quòd missionem

passus latitet. Dicitur autem latitare, quando turpiter, & fraudulenter se occultat, ut euitet creditores, l. cum proponas, C. de bon. auct. iud. poss. 2. Quod fraudandi causa latitet, l. Fulcinius, ff. quibus ex causis in pos. 3. Ut de debito constet. 4. Ut tempus sit præteritum, & dies solvendi effluxerit, d. l. cum proponas. C. de bon. auct. iud. poss. Decreta igitur venditione, & facta sententia diffinitiva, nunquam Reus auditur, verum decreto in solutum facto Actori, auditur adhuc Reus, volens de iure suo probare, Si verò res creditori adiudicata, vel vendita non fuerit, usque ad 30. annos; Actori tamen, impensis, & interesse solutis, &c.

AXIOMATA, ET SENTENTIÆ.

Missus in possessionem ex primo decreto in reali, per lapsum anni veram, & incommutabilem illius rei possessionem acquirit, cap. 1. extr. eod.

Voluntas, ad effectum non deducta, nulla est, d. cap. 1. eod.

Si passus missionem, repetens possessionem, allegat, se contumacem non fuisse, restituitur in pristinum statum, præstita cautione, & dilata condemnatione expensarum, quam euitat, si postea constiterit, eum non fuisse contumacem, cap. penult. extr. eod.

Si agitur actione personali, primo mittitur Actor in possessionem mobilium, si extant, alioquin immobilium, postremo etiam nominum, sicuti fit in executione rei iudicata, l. à disno, ff. de iud.

Missus in possessionem ex primo decreto, non videtur bonis illis, vel fructibus, in quorum possessionem missus est, sed eos restituet infra annum cum ipsa re, cap. extra. de sequestrat. poss.

Vbi agitur personalibus actionibus pro temporalibus, non fit missio in possessionem spiritualium, pro mensura debiti declarati, cap. 1. extr. de iniuriis.

Creditor quivis, sine pure, sine in diem, sine sub conditione quid ei debeatur, potest postulare, ut in possessionem mittatur.

Haredi

Hereditate petita ex testamento, vel ab intestato, fieri potest missio in possessionem bonorum totorum.

Primum decretum generaliter interponitur, quotiescunq; quis non defenditur, tam in realibus, quam personalibus actionibus, cap. quoniam, extr. ut lite non contest.

Iuris beneficium nemini est denegandum, cap. frequens, §. solet, extr. de rest. spoliat.

Secundum decretum nunquam interponitur, nisi cum causa cognitione, & utraque parte presente, cap. i. extra. eod. & c. quoniam, §. quod si super, extr. ut lite non contest.

Creditor, cui res in solutum data est, per secundum decretum, iustam causam possidendi & prescribendi habet, capit. Abbat. in 6. de re iudic.

Iuste possidere censetur, qui authore pratore possidet.

Iudex potest decernere, iurisdictionem esse faciendam in bonis non sua iurisdictionis.

Superfluum est, petere quod de iure communi competit.

Quod meum est, amplius meum fieri non potest, cap. inter dilectos, extr. de fide instrument.

VT LITE PENDENTE nihil innouetur.

TITVLVS XVI.

Continuatio.

Lite pendente nihil innouandum: ita, vt nec per missum in possessionem, causa rei seruandæ, nec missionem passum; vel si missio facta non sit, per alterutrum litigantium ad interuertendam, vel alienandam rem litigiosam quid attentari debeat.

Quomodo litis pendentia fiat?

Lis pendere dicitur, non tantum per litis contestationem, sed etiam per citationem, qua Reus de negotio principali, super quo instituitur actio, instruitur, deducto nomine litis, & contentione limitis. Vnde Virgilius.

Limes erat positus, litem ut discerneret agris:

cap. forus, extra. de verb. sign. Clem. cum lite, tit. ut lite pendente nihil innouetur.

Quæ causæ Efficiens litis pendentia?

Est litis contestatio. Quia lis, absque contestatione, propriè non est, neque iudicium, vel instantia; cum litis contestatio sit fundamentum iudiciarii processus, ex quo instantia & iudicium constant, Alc. in l. postquam, C. de pactis, cap. ex parte, extra. de verb. signif. Tamen cum lis etiam à citatione incipiat, sitque sufficiens ad perpetuandam iurisdictionem, cap. grauem, extra. de off. deleg. traditum est, citatione etiam induci litis pendentiam. Ad quam tamen sex requiruntur, secundum Clem. cum lite, eod. tit. 1. Quod citatio emanarit. 2. Quod à iudice competente. 3. Quod ad citatum peruenierit, aut per eum steterit, quò minùs perueniret. 4. Quod ex tenore citationis plenè cognoscere potuerit citatus, qua de re futura sit controversia. 5. Quod citatio sit apta. 6. Quod nuntius eam legitimè, & sufficienter insinuauerit, per gloss. in Clem. cum lite, eod. tit. Myns. obseru. 26. cent. 4. idèò rectè Afsl. dixit per citationem circumductam litis pendentiam non induci, decis. 266. num. 14. Inducitur etiam litis pendentia, per petitionem, ut quis carceribus mancipetur, ac per ipsam capturam: ut Calecial. voluit in Tract. de deb. susp. quest. 27. Item per bonorum sequestrationem, ut eo loci, num. 3.

Quis Effectus?

Quòd nec iudici, nec aduersario liceat, lite pendente, propria temeritate aliquid innouare, nec etiam Principis auctoritate, absque causæ cognitione. Vnde priuilegium, vel rescriptum, lite pendente, impetratum, non valet, nisi de hoc expresse mentionem faciat, cap. ult. extra. eod. & cap. causam, extr. de testibus. Nec matrimonio, ob causam consanguinitatis, accusato, priuandus est alter coniugum iure suo, quousque consanguinitas probata fuerit. Nec deiciendus, excommunicandus, vel suspendendus est, in dignitate vel officio constitutus, per inquisitionem impetratam. Quilibet enim innouatio in præiudicium vocati tendens prohibita est: non debet igitur ille, iure, vel priuilegio, quo uti consuevit, lite pendente, destitui, cap. 1. per totum, extr. eod.

Quòd si autem aliquid innouatum fuerit, immutans non tantum in expensas damnatur, verum etiam attentato in pristinum statum reducto iure sibi competenti priuatus, infamis

mis efficitur, l. penult. & ult. C. vt lite pendent. vel post prouocationem, aut definitiuam sententiam nulli liceat. Imperatori supplicare.

AXIOMATA, ET SENTENTIÆ.

Accusatus de adulterio, ad separationem thori, non debet, lite pendente, possessione coniugali priuari, cap. laudabilem, extra. eodem.

Rem litigiosam alienare non licet: ea tamen ita alienata, vt redhiberi non possit, illius loco æquiualentem substituere tenetur, cap. Ecclesia, extr. eod.

In decidendis litibus iura, quæ tempore controuersæ fuerunt, inspicienda sunt: Non autem priuilegium, lite pendente, impetratum, nisi de litis pendentia mentionem faciat, cap. fin. extra. eodem.

DE SEQUESTRATIONE possessionum, & fructuum.

TITVLVS XVII.

Continuatio.

PER sequestrationem inducitur litis pendentia: quæ, licet rei, in cuius possessionem missio facta est, regulariter non concedatur; eo quod nemini possessio temerè sit auferenda: tamen quandoque, exigente iusta rei conseruandæ causâ, vel partium consensu, vel iudiciaria authoritate, sequestratio fieri legibus iubetur.

Quid est Sequestratio?

Sequestratio est, rei controuersæ, vel fructuum eius, partium consensu, vel iudiciaria authoritate, apud quendam tertium, & medium inter litigatores, facta depositio, l. licet, ff. depositi.

Quotuplex est Sequestratio?

Duplex: voluntaria & necessaria. Voluntaria est, si litigatorum consensu, translata possessione rei litigiosæ depositio fiat. Necessaria autem dicitur, si iudicis authoritate res controuersa ex causa deponatur: vt quia veretur iudex, ne partes de

possessione contententes ad arma procedant, vel quia missus in possessionem causa custodix, malè in re ipsa versatur, vel fructus dissipat, ca. dilectus, extr. cod. l. æquissimum, ff. de v. s. l. interesse, ff. de acq. pos. l. si soluturus, §. fin. ff. de solut.

Quæ causa Efficiens?

Consensus litigatorum, & iudicis autoritas, d. l. æquissimus, ff. de v. s. & l. interesse, ff. de acq. poss.

Quod Obiectum?

Est res controuersa & litigiosa, l. licet, ff. de positi. Non tamen quælibet res controuersa sequestrari debet: sed sunt certi casus, quibus hoc conceditur, extra quos sequestratio summa ratione, cum nemini possessio temerè sit auferenda, prohibetur. 1. Si veretur iudex, ne ad arma, & rixas partes procedant. 2. Cum post appellationem fructus agri, de quo disceptatur, ab aduersario, qui condemnatus est, depopulantur: nam eos fructus apud sequestrum deponi, æquū est, l. Imperatores, ff. de appellat. 3. In odium Rei contumaciter absentis res controuersa potest sequestrari, cap. ex literis, extr. de dolo & contum. 4. In peculio & aliis rebus eius, qui ex possessione seruitutis ad libertatem proclamat, quæ in tuto, pro iudicis arbitrio, collocantur, l. 1. C. de asser. toll. 5. Si partes in sequestrationem cōsentiant, d. l. si soluturus, ff. de sol. 6. Fauore religionis, cap. 2. extr. de dol. & contum. 7. Quando persona, à qua res mobilis petitur, suspecta sit de fuga, l. si fideiusor. ff. qui satisd. cog. Suspecta autem esse potest, vel ob deprauatos mores, vel si immobilia non possideat, l. sciendum, ff. qui satisd. cog. 8. Cum à sententiæ executione appellatur. Quoniam si res, de qua cōtenditur, mobilis est, sequestratur, si immobilis, possessione apud appellantem remanente, fructus sequestrabuntur, lab executione, C. quorum appell. non recip. 9. Cum inter dominum & colonum est de dominio rei controuersia. Nam si recusauerit colonus de restituendis fructibus satisdare, fructus illi sequestrabuntur, l. litibus, C. de agri. & cens. lib. xj. Cui tamen ob stare videtur l. si quis conductionis, C. de locato, Vbi traditur, conductorem domino, dominij quæstionem referre nō posse. 10. Cum maritus petit vxoris virginis restitutionem matrimonium cōtractum negantis: sequestratur enim puella quousque causa terminata sit, c. cum locum, extr. de spons. l. 1. Si vxor, cuius restitutionem maritus postulat, de scuitia viri probabiliter tinet: quia vir eam capitali odio prosequitur.

Nanique

Namque tunc probæ & honestæ mulieri, vsque ad finem litis, committi debet, c. ex transmissa, & c. literas, extr. de rest. spol. 1 2. Cùm apparet, maritum dissipare; oportet quippe tunc dotem sequestrari, quatenus ex ea mulier competens habeat solatium, l. si cùm dotem, ff. sol. matri. 1 3. Cùm præsidis prouincie familiares furtum passi sunt: nam de hoc furto ipse etiam præses cognoscere poterit, vsque ad contestationem litis, vt per eam actio perpetuetur, & vltra poterit iubere, vt res ablata exhibeatur, & apud sequestrum deponatur, l. senatusconsulto, ff. de off. præsid. 1 4. Si quæstio sit de possessione, & non possit probari, quis possideat, l. in sequestro, ff. de acquir. possess. 1 5. Quando possessor victus appellauerit, & incipit dissipare, vel alienare fructus: item si missus in possessionem causa rei seruandæ dissipet, sequestrantur fructus, 2. q. 6. quot. 2. inf. cod. c. vlt. & c. dilectus, extr. cod. 1 6. Propter contumaciam nolentis cauere, etiam conceditur sequestratio, l. 1. ff. de col. bo. Et denique, ne impediatur vendendi commoditas, l. si oleum, ff. de dolo.

Quæ Forma?

Vt litigatores rem controuerfam litis causa deponant apud sequestrum, id est, medium quendam inter litigatores in solidum: hoc fine, vt ipse possidens vsque ad tempus restitutioni destinatum custodiendo seruet rem, eamque tempore elapso, restituat, l. sequester, ff. de verb. sign. l. 5. & l. 6. ff. de positi.

Quis Finis?

Vt res sequestro commissa seruetur.

Quis Effectus?

Est actio sequestraria, quæ, pro restitutione rei sequestratæ, competit, l. si in Asia, & l. si oleum, ff. de dol. malo. Vnde ratione possessionis, ius percipiendi fructus, & ius præsentandi beneficia habet: si forsitan apud eum factum est sequestrum Ecclesiæ, ac iuris patronatus, & sacerdotium, valet, Felin. in c. Bertoldus, extr. de sent. & re iud. gloss. in Clem. vni. de sequest. possess. Sequester enim possidet, quoniam ea depositione id agitur, vt neutrius litigatoris possessioni id tempus procedat, l. licet, ff. de positi. Quod verum est in voluntaria, hoc est, consensu & voluntate partiû facta sequestratione: & nisi expressè contrà actum sit. Hoc enim casu partium conuentioni, quæ legem contractui dat, standum est, l. inter esse, ff. de acqui. poss. At in necessaria sequestratione, quæ præcepto iudicis fit, seûs est. Quia is non præsumitur litigatoribus possessionem

auferre velle, Bart.in d.l.licet, cap.1.& c.2.extr.cod. Accedat quòd exploratum sit, actum voluntarium necessario longè potentiorẽ esse, Accurs.l.1.C.de iud.

Quæ Affinitas?

Depositem,missio in possessionem,&c.

Quæ Pugnancia?

Existencia conditionis & temporis,quo res restituenda est, l.fi quis,ff.de dolo. Dissipatio rei sequestratæ. Satisfactio litigantis,Pan.in c.2.col.fin.extr.de sequest.poss.& fruct.

AXIOMATA, ET SENTENTIÆ.

Sequestrium factum loco missionis, propter scandalum evitandum,renocari debet,oblata cautione,& restitutis expensis, c.ad hoc,extr.cod.

Sicuti,qui à sententia appellauit:ita is,qui in possessionem custodiæ causa missus est si fructus dissipat, sequestratio fit, c.dilectus,& c.fin.extr.cod.

Ubi titulus,ad translationem domini habilis,non præcedit, rei traditio custodiæ causa facta præsumitur l.cum pater, §.pater,ff.de leg.2.

DE CONFESSIS.

TITVLVS XVIII.

Continuatio.

AD instruendam causam,utriusque partis probationes recipiendæ sunt, quæ vt commodius expediantur, articuli & positiones (quæ nihil aliad sunt, quàm breues verborum formulæ,intentionem litigantium continentes, ad veritatem eliciendam conceptæ)in locum interrogationum, quibus ante litis contestationem iudex olim vti solebat; in hunc effectum, vt opponens ab onere probationis per confessionem aduersarij releuetur, inductæ sunt. Is enim confessus, non ad probationes faciendas, quibus aduersarius liberatus est; sed ad diffinitivæ sententiæ pronuntiationem proceditur: quia in consistentem iudicis partes nullæ aliæ sunt, quàm vt condemnet, & pronuntiet, c.præterea, extr.de transact.c.statuimus, in 6.de confessis.

Quo

Quotuplex est Confessio.

Duplex: Iudicialis & extraiudicialis. Iudicialis est, eius, de quo in iure queritur, clarè, spontè & liberè, coram competenti iudice, aduersario præsente, facta responsio, c. 1. 1 5. q. 6. c. 2. extr. eod. c. præterea, extr. de transf. Extraiudicialis est eius, de quo queritur, extra iudicium facta assertio.

Quæ causa Efficiens?

Est consentientis voluntas, spontanea & libera, vel inductione, vel aliis legitimis modis conuicta.

Quod Obiectum?

Obiectum confessionis est, rei gestæ, vel ipsius negotij veritas. Quia non, nisi quod verum est, & ipso facto ita contigisse, constat vel in rerum natura existit, in confessionem venit: modo illud certum sit vel incertum, cuius tamen incertitudo declarari possit, c. 4. & 6. extr. eod.

Quæ Forma?

Vt maior viginti quinque annorum, qui sit sanæ mentis, & dominus causæ, contra se in iure coram competenti iudice liberè, spontè, & scienter confiteatur veritatem rei gestæ, vel negotium: vnde versus in Hostiensis, eod. titul. §. qualiter:

Maiores, spontè, sciens, dominus, pars, lis, sed & in se

Confessus certum, compos, pro iudice, iure,

Damnatur, nisi lex, fauor, aut natura repugnet.

Minor enim, vel pupillus absque tutoris autoritate, in iure non confitetur: nec procuratoris confessio domino absenti nocet: nec furiosus, nec propria consentientis confessio per se iure subsistit: vel si coram incompetenti iudice fiat: nec coactè, metu, vel adhibitis tormentis facta confessio pro iudiciali confessione habetur; nisi in iudicio constanter persistat, nec si factum confiteatur, & tale quid, quod in rerum natura non fuit, c. 2. extr. eod. c. 1. 1 5. q. 3. in 6. cap. præterea, extr. de transf.

Non tamen ore tantum confessio sit, sed etiam rei euidencia, quæ nulla tergiversatione celari potest, contumacia nimia, paciscendo super crimine, taciturnitate: nam qui tacet, consentire videtur. Quod quidem obtinet, si in iure contumaciter tacet, & interroganti iudici respondere nolit, vel ab aduersario allegata non neget, cap. 1. & c. 2. 1 5. q. 6. cap. tuam, & c. ult. extr. de cohabit. cleric. & mul. cap. nullus, & cap. nonne,

extr.

extr.de præsumpt.c.ex cod.1 §.q.3.c.sanè,24.q.2.

Quis Finis?

Si citra solennem iudiciorum ordinem processum fuerit,est ipsa condemnatio, alioquin confessio in eum finem fit, vt iudici ad sententiam ferendam fides fiat veritatis,c.1.vbi Dd.& gloss.de confess.in 6.

Qui sunt Effectus Confessionis?

Confessus pro iudicato habetur.Quia confitens,se sua sententia quodammodo damnat, arg.c.nunc autem, 21.dist.1.1. ff.& C.de confes.vnde ad condemnationem sententia non est necessaria:nisi libellum petierit,receperit,& lite contestata in forma iudicij confessus fuerit, l.Iulianus, ff.eod.In criminalibus igitur,in quibus exactè iudiciarius processus obseruandus est, diffinitiuæ, ad condemnandum confessum, requiritur, l.confessus, ff.de custod.& exhib.Reorum, & Specul.eod.tit. §. effectus autem, licet Bart.in l.si cōfessus, ff.de custod.& exhib.reorum, confessionem vim probationis, non sententiæ, habere existimet:quòd de sententia vera esse non possit:attamen, cum Reus confitendo seipsum quodammodo iudicet, secundum illud:ex ore tuo te iudico,arg.c.tunc autem, dist.21.& c. qui quod nouerit, §.q.5. Non conuenienter vim sententiæ, quæ ex adductis Actoris probationibus formatur, habere dicitur.Ex quibus patet, confessionem præiudicare, cum iudicium inducat. Interest tamen: an confessio in causa ciuili, vel criminali fiat:& hoc: an in iudicio, vel extra iudicium. Si in criminali, & extra iudicium, non nocet nisi ad torturam, ad quam iudicium facit contra confitentem, quia nullus priuandus est, nisi per viam iuris.Quæ triplex est:scilicet, accusationis, denuntiationis, & inquisitionis. Si autem fiat coram competenti iudice, præiudicat: in ciuili verò confessio in iudicio legitime facta, si non reuocetur, præiudicat, cap.2.& c.3.extr.cod. Secus autem in extraiudiciali, nisi quis vel ad obligandum se alteri, vel ad liberandum alium sibi, solenniter adhibitis testibus, vel super possessione, quæ solo animo admittitur, confiteatur, Spec.§.videndum, vbi ea latius explicat.

An autem confitens confessionem suam reuocare possit? Et traditum est per Spec.tit.eod.§.postremò, ante litis contestationem ex iusta causa posse reuocare. Quòd si per aduocatum, vel procuratorem, tutorem, vel principalem, lite contestata confessio fiat, tunc, errore probato ante sententiam, litigator ad confessionis reuocationem admittitur, cap.fun.extr.cod.

cod.c.cùm olim,extr.de off.deleg.c.2.14.q.2. Non post sententiam;nisi fuerit appellatum, l.sub pretextu, C. de transact. Licet etiam ante sententiam in contineti, absque erroris probatione, reuocari possit, l.fin.C.cod.c. præterea, extr. de test. cog. Si igitur confessus ad probandum errorem,sive in ciuili, siue in criminali non admittitur, appellationis remedio sibi consulere potest,c.cùm causam,extr.de appellat. Nisi conuictus,confessus,& manifestis argumentis superatus fuerit,l.fin. C.de errore aduocatorum,&c.Denique cùm in causa appellationis nouis allegationibus & defensionibus, & exceptionibus peremptoriis in prima instantia omisis vti liceat, errorem etiam in principali commissum corrigere nemo prohibetur. Quia hoc ipsum, est exceptibnem peremptoriam proponere, c.fraternitatis, extr.de test.cap. cùm Ioannes, extr.de fide instrum.

Quæ Cognatus?

Sententia, iusiurandum,transactio, cuidentia facti, probatio,præsumptio iuris,&c.

Quæ Adiacentia?

Minor ætas,furor, aliudque vitium, vel defectus confitentis,c.paruuli, 2.2.q.5.confessio extrajudicialis,absentia aduersarij vel procuratoris, c.2.extr. cod. si non fuerit super re litigiosa,vel contra ius,c.mancia, dist. 54. Si à procuratore:quia ea non obest domino, metus, incompetencia iudicis & error facti,c.1.quod metus causa,c.fin.extr.cod.

AXIOMATA, ET SENTENTIÆ.

Confessus,pro iudicato habetur,l.1.ff.cod.

Sicuti sententia, ita nec confessio, reuocari potest, præterquam ex incontinenti. Nam confessiones repentino calore iracundia effusa non obligant, & statim reuocari possunt. Panor.c.cùm venerabilis,extr.de excep.

Cùm ordine iudiciario proceditur, & præcipuus ordo iudicij sententiam exigat, definitiue, super confessione pronuntiare iudex debet: secus, si de plano, & sine figura iudicij iudex cognoscat. In criminalibus autem, cùm exactè iudiciorum ratio obseruanda sit, in iis definitiua requiritur, Bal.in l. fin.C.de edendo.

Nulli

Nulli in propria sua causa pro se creditur, sed contra se: et propria sua confessio non alij, sed sibi praiudicare debet, c. 1. extr. eod.

Confessio in articulo mortis facta, etiam pro confitente, eiusque heredibus, presumptionem inducit: quod nemo eo tempore presumatur mendacium dicere, Hip. in rub. C. de probat.

In criminalibus confessio extrajudicialis indicium facit ad torturam contra confitentem, non aduersus alium, nisi in tortura dixerit, Boer. decis. 319. parte 2.

Confessio non valet facta metu mortis, vel tormentorum, vel cruciatus causa, nisi persisteret in confessione, c. 1. extr. quod metus causa, c. Lotharius, 31. q. 2.

Confessio per errorem facta iure non subsistit, unde reuocatur, quandocunque ante sententiam, errore probato, c. fin. extr. de confess.

Confessio procuratoris, tutoris, vel curatoris, absente domino, facta ei obesse non potest, cap. cum tempore, extr. de arb.

Si quis in instrumento confiteatur, se dotem ab uxore accepisse: attamen talis confessio sibi non praiudicat: immo uxorem repetens se eam numerasse probare debet, l. 1. C. de dote cauta non numerata.

Confessio metu tormentorum nullis legitimis precedentiibus iudiciis facta confitenti non praiudicat, nec ex ea Reus potest condemnari, etiamsi millies ratificetur, Myns. obser. 23. cent. 5.

Si eadem causa de uno iudice ad alium transeat, acta habita coram uno iudice faciunt idem coram alio, c. causam, extr. de test.

Factum procuratoris non nocet domino, nisi in causa, in qua datus est, c. cum olim, extr. de off. deleg.

Confessio in iudicio facta praiudicat, dummodo facta sit legitime, c. 2. extr. eod.

Confitens, se non possidere, statim perdit possessionem, quia solo animo amittitur.

De crimine aliquo infamato est indicenda purgatio, cap. 1. extr. eod.

Favor matrimonij facit, ut nulla confessio coniugum ei praiudicet, ex quo publicè est contractum, cap. ex literis, extr. de diuor.

Confessio sine causa extra iudicium coram testibus facta non inducit plenam probationem, Specul. hic, §. nunc videndum.

Præceptum confesso factum obtinet vim sententiae. Nam mandatur executioni, & actio ex eo nascitur, ut ex sententia, l. fin. C. de except. rei iud.

Confessio criminis, per contrarij probationem potest reuocari.

Error, per procuratorem, in iudicio commissus, praiudicat: nisi eum reuocet, quod potest facere quandocunque ante sententiam, errore probato, c. cum olim, extr. de off. deleg.

Probatio per confessionem aduersarij, potest fieri post lapsas omnes dilationes datas ad probandum, Innocen. in cap. ultra, extr. de testam. & Mynsing. obser. 94. cent. 1.

DE PROBATIONIBVS.

TITVLVS XIX.

Continuatio.

Actor, ab onere probandi releuatur, si aduersarius intentionem suam confitetur, quam si neget, probatio dicti sui ei incumbit. Actore enim non probante, Reus, etiam si nihil præstiterit, absoluitur, 2. q. 1. §. 1. ut Eccl. bene. c. 1. de caus. pos. & propri. c. cum Ecclesia, de iurei. c. fin.

Quid est Probatio?

Probatio est, rei dubiae in iudicio legitimè facta probatio, c. 3. extr. de testibus cog. c. qualiter, extr. de accusat.

Quot

Quot sunt probationum Species?

Varie sunt. Nam probationes fiunt. 1. Per testes, c. 2. extr. de probat. 2. Per confessionem partium, c. nos in quenquam. 2. q. 1. 3. Per instrumenta iuris præsumptione debita solennitate confecta, c. omne, extr. de fide instr. 4. Per euidentiā facti, c. de manifesta. 2. quæst. 1. Ut si clericus habet parvam filiam, ex hoc probatur, virginitatem & continentiam non fouere, cap. priusquam, dist. 28. 5. Per præsumptionem, per totum, extr. de præsumpt. ut si sæpè inuenitur solus cum sola, in loco secreto, & sunt personæ suspectæ, præsumitur fornicatio, c. literas, ext. de præsumpt. Vera tamen probatio præsumptionem vincere dicitur, c. fin. extr. de præsumpt. 6. Per famam cum aliis probationibus, c. tertio loco, extr. eod. 7. Per iuramenti delationem factam à parte parti, c. fin. extr. eod. vel factam à indice alicui litigantium, putà, quia semiplenè probauit, c. 2. ext. eo. & c. ex insinuatione, ext. de procur. 8. Per libros antiquos, & per scripturas antiquas in lapidibus, vel columnis sculptas, cap. cum causam, extr. eod. c. peruenit, 30. q. 1. 9. Per litteras sigillatas sigillo Episcopi, c. post cessionem, extr. eod. c. curæ, 11. quæst. 3. Item sigillo Legati, Cardinalis, Abbatis, Capituli, vel Conuentus, c. tertio loco, extr. eod. c. statuimus, 19. q. 3. 10. Per denuntiationem publicarum personarum. 11. Per communem opinionem. 12. Per iudicia indubitata, c. excommunicamus, extr. de hæret. Quarum probationum species vtitiores his versibus continentur:

*Aspectus, cultus, testis, notoria, scriptum,
Iurans, confessus, præsumptio, fama, probabunt.*

Et habent prædicta locum in probatione facti: probatio verò iuris per leges, canones, consuetudines, interdum directè, interdum per argumenta fieri debet, Specul. tit. de disputationibus.

Quæ causa Efficiens?

Est, ipsa lex, accedente iudicis præcepto, præcipiens probationes afferri tam ab Actore, quam à Reo, cum distinctionis quodam moderamine. Primò enim Actori incumbit, ut intentionem suam probet, qua non probata, Reus etiam si nihil præstiterit, absoluitur, l. qui accusare, C. de edendo. l. Actor, l. si scriptum, C. de probat. Quòd si, productis probationibus actoris, Reus excipiat, pari ratione, illam exceptionem probare tenetur. Quia excipiendo Reus etiam Actoris vicem subit, c. in exceptionibus, ff. eod. c. inter memoratos, 16. q. 4.

Sunt

Sunt tamen quædam à Doctõribus hîc notata, quæ etiam non probata intentione Actoris, onus probandi in Reum transferunt. Primò exceptio; putà: peto à te decem, tu excipis, quòd soluisti: vel peto fundum, quem probò meum: tu excipis de præscriptione, & similia. Sanè his casibus in Reum transfertur onus probandi: quia excipiendo fit Actor, c. ex literis, extr. cod. c. auditis, extr. de præscrip. Et hoc verum est, cum Reus excipiendo aliquid asseuerat: secus est, si excipiendo neget, vt patet in exceptione non numeratæ pecuniæ. Quia ea à Reo proposita, Actor numerationem probare tenetur, & non Reus exceptionem, l. si ex cautione, C. de non num. pec.

Secundò, præsumptio pro Actore, quæ transfert onus probandi in Reum, c. contra morem, 100. distinct. Vnde, si aliquid relictum sit Episcopo in testamento ab extranea persona, præsumitur intuitu Ecclesiæ, ipsi esse relictum. Quamuis igitur ipse sit in possessione, & neget ille ad Ecclesiam pertinere, tamen probare debet sibi soli esse relictum, c. pontifices, 12. quæst. 3.

Tertiò, spontanea probationis assumptio: si enim reus velit onus probandi subire, mos ei gerendus est, vt, volens probare, admittatur, c. 1. extr. de restitut. spoliat. c. cuius rei causa, 29. quæst. 2.

Quartò, iuramenti delatio: Si enim iudex Reo deferat iuramentum, suscipere debet ipsum: quod præstitum loco probationis habetur, c. dilectio, 16. quæst. 4.

Quintò, Actoris priuilegium: nam qui repetit tanquam indebitum, tametsi repetens sit priuilegiata persona, puta, pupillus, vel minor, vel miles, vel agricola, Reus probare tenetur se debitum recepisse.

Sextò, delictum: si quidem, si Reus, à quo indebitè solum repetitur, negat se ab Actore pecuniam recepisse, certè Actore solutionem probante, Reus necesse habet probare postea sibi debitum recepisse, c. fin. extr. de solut.

Septimò, in duplicibus & communibus iudiciis probationes vtriusque partis admittuntur, c. ex literis, extr. cod. l. in his tribus, ff. de iud.

Octauò, cum vterque se asserit possidere, càmque possessionem probat, c. licet, extr. cod.

Nonò, in crimine falsi & læsæ maiestatis, & in sacramentis desertis, & prodicione patriæ, & crimine peculatus, vtriusque testes admittuntur, c. vbi, extr. de fal. c. quid ergo, 23. quæst. 4. Denique nequa iua habens in se implicitam affirmatiuam à

Reo probari debet.

Quod Obiectum probationis?

Obiectum probationis est affirmatiua facti incerti, vel negatiua iuris propositio; siue in modum actionis, siue exceptionis, siue replicationis in iudiciu deducatur. Factum enim incertum, quod affirmatur, probari debet: non autem, si certum sit, vel si ius affirmetur. Nam quæ certa sunt, vel per sententiam, vel iuramentum, vel transactionem definita, vel si ius affirmetur, nulla est opus probatione, Bald. in addit. ad Specul. tit. de test. §. nunc videndum. Pari ratione, negans factum onere probandi non est grauandus, cum negantis factum per rerum naturam nulla sit directa probatio, c. bonæ, extr. de elect. Negatiua tamen iuris: quæ nihil aliud est, quàm cum negatur aliquid iure factum esse: vt, iuris solennitatem abfuisse: vel negatur concedi, quod iure communi conceditur, vt aliquem emancipare, matrimonium contrahere, adoptare, testari posse: ab opponente probari debet. Sed cur Neganti ius incumbit probatio, & non neganti factum? Respondetur: Quia præsumitur contra negantem ius. Omnia enim præsumuntur licite, & debitis solennitatibus confecta esse, nisi contrarium probetur, c. aliud, 11. q. 1. sed contra negantem factum, nulla est: præsumptio, nisi in casibus suprâ recensitis, quibus Reus etiam factum negans probationis onus subit.

Quæ Forma?

Quòd si per responsionem ad positiones non est opponentis intentio probata, lite tamen purè contestata, debet Iudex partibus terminum 15. dierum, pro prima dilatione: vel vnum mensem, pro prima, secunda, & tertia dilatione statuere (quarta enim dilatio absque solennitate legali, cuius forma extat apud Specul. tit. de teste, §. qualiter autem) non dabitur, Specul. tit. de probat. §. 1. lib. 2. par. 2. Et, ad productionem testium in termino faciendam aduersus partem, citare etiam debet Iudex, vel is, cui id negotij à Iudice commissum est. Et cum sententia debeat esse conformis libello, sequitur non ad impertinentia quædam narrata, sed potissimum omnem probandi rationem ad ius ipsum agendi, quod necessario ex narratione libello comprehensa fuit, esse dirigendam. Sicuti igitur Actori post litis contestationem (antea enim ignoratur, an Reus negaturus, vel confessurus sit:) ad probandam suam intentionem terminus assignatur: ita etiam

etiam Reo, ad fundandam suam exceptionem. Distingue tamen : aut exceptio peremptoria est , aut dilatoria solutionis, vel pacti: aut dilatoria, & declinatoria iudicij. Si peremptoria, eam Reus proponere & probare, quandoque ante sententiam, scilicet postquam Actor fundauerit intentionem suam, potest, cap. ex tenore, & cap. presentium, extra. de testibus. Si verò dilatoria sit exceptio solutionis, vel pacti, opponi debet ante litis contestationem, & probari, postquam aduersarius fundauerit intentionem suam, cap. inter monasterium, extra. de sententia & re iud. Sed declinatoria iudicij, quam quis sibi competere scit, obijcienda & probanda ante litis contestationem erit, l. sui. C. de except. secus si ignoret eam sibi competere : eo enim casu, etiam post sententiam opponi potest, l. licet, C. de procurat. Nota etiam, quòd iis casibus, quibus neque libelli oblatio, neque litis contestatio requiritur, quod contingit, si simpliciter, & citra solennem iudiciorum ordinem proceditur : quocumque tempore ante sententiam probationem fieri posse.

Quis Fuit, & Effectus?

Vt iudex probationibus instructus, & de causæ controuersia edoctus, secundum allegata, etiam postposita priuata conscientia, sententiam ferat. Debet enim, vt inquit Clemens III. cap. in presentia, extra. de renuntiatione, ex confessionibus, depositionibus, allegationibus, & alijs, quæ in eius presentia proponuntur, formare animi sui iudicium : & tanta sit iudicialis auctoritas, vt semper pro iudice presumatur, donec contra ipsum aliquid legitime comprobetur.

Quæ Cognata?

Confessio, communis opinio, iudicia indubitata, euidentia facti, iuramentum, præsumptio iuris, & fama.

Quæ Adiacentia?

Totus processus examinandorum testium : Vt sunt commissiones, dilationes, productiones testium, adiunctio Notarij, exhibitiones interrogatorum, exceptiones, replicatio, & rotulus examinis ; &c.

Quæ Pugnancia?

Actoris probationi contrariatur quandoque diuersa probatio Rei, vitium formæ, & materiæ probationis conditio : vt si legitimam personam in iudicio standi non habeat, & contradictio in probationibus inuenta, D. l. in l. ubi repugnancia ff. de reg. iuris.

AXIOMATA, ET SENTENTIÆ.

Actore non probante, Reus, cisi nihil præstiterit, absoluitur, cap. fin. extr. de iurei.

Negantis factum per rerum naturam, nulla est directa probatio, cap. bona, extr. de elect.

Negativa facti pura, simplex, & indeterminata, quæ non habet determinationem temporis, loci, vel alterius rei, probari non potest: quia nullæ sunt negationum causa, cap. iuravit, extr. de probat.

Negativa facti determinata, scilicet habens determinationem loci, vel temporis probatur, saltem indirecte, cap. ex tenore, extr. de test.

Præsumptio pro Actore transfert onus probandi in Reum, cap. contra morem, dist. 100.

Probatione per instrumentum facta, præsumendum est, debitas solennitates præcessisse, per totum, extr. de fide instru.

Probatio semper facienda est contra producentem, cap. in præsentia, de probat. gloss. in c. cum clamore, extr. de test.

Probationes in uno iudicio factæ fidem faciunt in alio: & etiam factæ coram arbitro fidem faciunt coram iudice, & è contrâ. Ratio est: Quia iudicium dignius est arbitrio, & acta perpetuò sunt, Specul. §. fin. eod. tit.

Probato vitio falsitatis rescinditur sententia, & omnia, quæ ex ea sequuntur.

Cuiuslibet in arie sua credendum est, c. proposuisti, extr. eod.

Post quartam productionem, aut post publicatam testimoniam non est probatio admittenda, ut nec post conclusionem in causa: nisi in criminalibus ad probandam defensionem, vel Rei innocentiam, gloss. c. sæpe, extr. de verb. signifi.

In contrarietate testimonum plerumque maiori, & digniori parti creditur, cap. licet causam, extr. eod.

Contrarietas probationum omnem fidem documentis derogat, l. scriptura, C. de fide instrument.

Vbi ex conuentione, circa solennem iudiciorum ordinem, litigatores procedunt, possunt etiam ante libellum probationes fieri, Bald. in l. diffamari, C. de inge. mann.

In comuni iudicio Actor & Reus probare tenentur, & si pariter probant, Reus absolvitur, nisi fauorabilem causam foueat Actor, cap. ex literis, extr. eod.

Non creditur marito adferenti etiam cum iuramento, uxorem se cognouisse, si uxor per matronas attestantes per ipsius corporis aspectum, probat contrarium, cap. proposuisti, extra. eodem.

Nec falsitas veritati praiudicare, nec iniquitas aequitati preualere debet, cap. quoniam, extr. eod.

Si Actor & Reus in interdicto retinenda possessionis probant, obtinet is, qui antiquiorem possessionem probat, titulo maximè iustificatam, vel meliores probationes respectu possessionis adduxit, ca. licet causam, extr. eod.

Si rogatus restituere totam hereditatem, eo sine liberis decedente, intret monasterium, euanescent fideicommissum, & hereditas applicatur monasterio, ca. in presentia, extr. eod.

Iudex non semper ad unam speciem applicat mentem suam: sed ex confessionibus, depositionibus, allegationibus, & aliis, quæ in presentia eius proponuntur, formare debet animi sui motum, ca. in presentia, extr. de renuntiatione.

Quod traditur, probationes imperfectas coniungendas esse, ut faciant plenam probationem, hoc verum est, quando probationes tendunt ad unum finem, non autem, si ad diuersum, Felin. c. cum causam, extra. de probat. siue sint eiusdem generis, ut est in duobus testibus, siue diuersi, ut unus testis cum fama, Mynsing. obseru. 100. cent. 2. Nisi tales probationes coniungenda essent in sua specie imperfecta, puta, si fama probetur per unum testem, & fuga probetur per alium testem, tunc non coniunguntur, cum quodlibet iudicium requirat duos testes, Abbas in cap. transmissa, extra. qui filij sint. leg.

Probationes non coniunguntur, quando repugnant in modo, licet conveniant in fine, l. ubi pugnancia, ff. de regul. iuris.

Plures imperfectæ probationes regulariter in criminibus non possunt coniungi ad faciendam probationem plenam, & perfectam: quod verum est, si in causis criminalibus ad pœnam corporalem, siue effectum puniendi, agatur: secus si tantum ad effectum torquendi, vel inquirendi, aut s. s. pendendi, Myns. obseru. 33. cent. 5.

Si testes variant in circumstantiis, an sint singulares? Distinguit Speculator, tit. de teste, §. iuxta de interrogatoriis, num. 13. Si tempus & locus sint de substantia actus, ita quod ex temporis & loci varietate, veritas causæ variet, tunc testes in tempore & loco singulares non probant. Sin verò ad substantiam actus, ad articulum causæ principalis, tempus & locus non sint necessaria; singularitas in huiusmodi qualitatibus testibus non nocet, & dicit Bald. in l. Actor, C. de probat. quod si eadē veritas reluceat, tunc procedit ratio concordia in testibus singularibus, licet variis mediis percepta.

DE TESTIBVS, ET ATTESTATIONIBVS.

TITVLVS XX.

Continuatio.

INter omnes probationum species efficacior est illa, quæ fit per testes, quorum fides ad alicuius rei dubiæ confirmationem inuocatur, cap. illud. extr. de præsumpt.

Qui sunt testes?

Testes appellantur personæ, quarum dictis & testimonio Actor, vel Reus ad fidem alicuius rei faciendam utitur, Socin. conf. 39. num. 10. vol. 1.

Quæ causa Efficiens?

Admissio, citatio & coactio iudicis. Hoc enim generale est, omnes, quibus non specialiter interdicatur testimonium, neque

neque qui vlla lege à dicendo testimonio excusantur, admit-
tendos, citandos, & cogendos esse, l. i. ff. eod. Specul. de test. §.
1. num. 96. Sunt autem quidā, etsi à parte in iudicio quasi te-
stes nominari sint, tamen ex causa non admittuntur, vel, si
admittantur, tamen non citantur, & si citentur, tamen quan-
doque ad perhibendum testimonium non coguntur. Circa
primum nota versus in Hostiens. §. quis possit, eod.

*Conditio, sexus, ætas, discretio, fama,
Fortuna, fides, in testibus ista requiruntur.*

Primò igitur conditio impedimento est, quò minùs quis
ad testimonium dicendum admittatur: vt seruus in domi-
nū, nam sæpè seruus metu dominantis supprimit veritatem,
cap. forus, extr. de verb. significatione; nisi aliis probationibus
deficientibus: tum enim cum tormentis admittitur, 4. quæst.
3. Sexus repellit mulierem à testimonio in criminali & testa-
mento, non autem ciuili, vel criminali, quod ciuilitè inten-
tatur. Et ratio est: Quia varium, & mutabile animal est mu-
lier: nec præsumitur firmum aliquod & constans testimo-
nium producere, cap. de crimine, l. 5. q. 3. & ca. forus, §. ult. extr.
de verb. signifi. Admittitur tamen secundum Canones, si de
crimine ciuilitè (vt dixi) vel in modum denuntiationis, vel
inquisitionis, seu exceptionis agitur, etiam contra clericos,
cap. quoniam, & cap. tam literis, extr. eod.

Ætas, causa est prohibitionis testimonij ferendi in pu-
pillo, l. 2. ff. de testam. nisi agatur de crimine læsæ maiestatis:
tunc enim de minore 14. annis quæstio haberi poterit, ciuili-
que testimonium admittitur, l. de minore, ff. de quæst. Alio-
qui minor viginti annis in causa criminali testis esse non po-
test, l. in testimonium, ff. de testibus: Sed nunquid pupillus fa-
ctus pubes possit testificari de his, quæ vidit in pupillari æta-
te? crebrior opinio est, quòd possit, secundum gloss. super ver-
bo, *contigerit*, in l. ad testium, ff. de test. & gloss. super verbo, *ne-
que impubes*, §. testes autem, Instit. de test.

Discretio in testimoniis desiderata repellit furiosos, men-
te captos, & huiusmodi homines mentis sensu priuatos, 3.
quæst. 7. cap. ult. extr. de success. ab intest.

Fama impedit admissionem infamium: Vt sunt damnati
publico iudicio, qui, ob testimonium dicendum, vel non di-
cendum, pecuniam accepisse iudicari, conuictique fuerint,
damnati repetundarum, aut crimen famosum, aut calum-
niam, aut adulterium, ob vitæ turpitudinem senatu mort,

hæretici, mulier, quæ corpore quæstum palam facit, feceritque, & omnes infames, quos leges seculares infames esse asserunt, & lex Iulia iudiciorum publiciorum à perhibendo testimonio arcet, cap. constitutus, 3. quæst. 5. & l. 3. ff. eod. Nonnunquam tamen hæreticorum testamentaria testimonia, & quæ in ultimis elogiis, vel contractibus consistunt, admittuntur, propter utilitatem, necessarij usus, ne probationum facultas angustetur, l. penult. C. eod. Denique, ratione consanguinitatis testimonij ferendi extat prohibitio: ut est inter personas ascendentis lineæ, & proximiores collaterales, sub quadam distinctione, ut ex sequentibus patebit. Pater enim in testimonio filij de peculio testantis testis esse potest, similiter & frater, l. qui testamento, ff. de testament. Parentes quoque, fratres & cognati utriusque sexus in testificatione suorum, ad matrimonium coniungendum, vel dirimendum, admittuntur. Nec obstat quòd dicitur, patrem filio, vel filium patri, idoneum testem esse non posse, l. testis idoneus, ff. de test. Hoc enim in criminalibus causis, & contractibus obinet: non autem in matrimonio coniungendo, vel disjungendo, ex ipsius coniugij prærogativa. Atqui hoc à fratribus distinguuntur parentes, & liberi, quòd parentes utriusque sexus & liberi, siue volentes, siue nolentes, pro se, vel aduersum se prohibeantur testimonium dicere, l. parentes, C. de testibus. Frater autem contra fratrem, nec in ciuili, nec in criminali causa testimonium dicere cogitur. Volens autem contra fratrem testificari, in nullo iudicio repellitur; lex enim Iulia solum dicit, non cogi inuitos, volentes autem non prohibet, l. lege Iulia, ff. de testibus. Quòd si autem frater pro fratre testificari velit in criminali causa, non, nisi in defectum aliorum testium, admittitur, Panorm. in cap. cum dilectus, extr. de elect. sed in ciuili indistinctè testimonium fert: nisi uterque fratrum sub vnius sint potestate constituti, aut communi victu, ac vitæ consuetudine vtentes vnà degant, eisdemque in adibus commorentur, l. 2. C. eod. Eo enim casu domestici & familiares sunt, quorum testimonium iure ciuili improbatur, ca. in literis, extr. eod. l. 2. C. eod. Familiæ appellatione, omnes, qui in seruitio sunt, continentur, etiam liberi homines bona fide seruientes: vel qui in potestate sunt, vel qui cum illo, à quo producuntur, commorantur, secundum gloss. cap. 1. l. 3. quæst. 5. c. insinuante, extr. de off. iud. deleg. Domestici dicuntur, seruus, colonus, adscriptitius, familiaris, libertus, & mercenarius, qui operas suas alicui locat, l. ult. §. sanè enim, C. de his,

his, qui ad Eccl. confug. l. respiciendum, §. furta domestica, ff. de pœnis. Ob probationis tamen inopiam, & difficultatem, etiam horum testimonium quandoque recipitur, Pan. in c. fin. extr. eod.

An autem subditi testes esse possint in causa Principis, cuius potestati sunt subiecti? Et videtur quod non. Quia idonei non sunt testes, quibus imperari potest, vt testes fiant, l. idonei; ff. de testibus. Nam & tales testes sunt adhibendi, qui omni gratiæ, & potentatui fidem possunt præponere, l. 4. C. de testibus. Tamen propter vtilitatem necessarij vsus, & ne probationum facultas angustetur, Rex, Dux, Comes, ceterique iurisdictionem habentes, subditos suos in testimonium producere poterunt. Quia persæpè huiusmodi personæ aliter, quàm per subditas probare nequeunt. Et licet idoneus testis, cui imperari possit, vt testis fiat, non reputetur, d. l. idonei: tamen illa taurum obtinet in eo, cui imperari potest, ratione dominicæ, vel patriæ potestatis: non autem in eo, cui imperari potest, ratione iurisdictionis tantum, &c.

Quid autem, si causa respiciat commodum publicum, & in consequentiam testium productorum, priuatum? Communis Doctorum opinio est, admitti posse, si alij testes haberi non possint. Quia hîc non consideratur, quid in consequentiam veniat, sed quò causa directò respiciat, Lanfr. in c. quoniam, ver. testium, num. 76. & 77. extr. de probat. Textus autem in l. nullus idoneus, ff. de testibus, intelligitur, quod nemo in re sua priuata, vel cuius commodum, & vtilitas ad se directò spectat, testificari possit: vt sunt, socius omnium bonorum, vel eius rei, quæ petitur, & super qua testimonium ferendum est, commune enim esset lucrum: socius & particeps criminis, quia absolutio vnius alteri prodesset, l. quoniam liberi, C. de testibus. Actor, Reus, quorum causa agitur: debitor, venditor, ad quem periculum euictionis redit: patronus, iudex procurator, executor, quibus etiam connumerantur, qui de domo producentis producuntur, Spec. tit. de test. §. 1. Dd. in l. omnibus, C. de testib.

Ex illis autem, qui admittuntur, non autem euocantur, sunt valetudinarij, senes, vel debilitate confecti, aut paupertate laborantes, vt non possint ad iudicis præsentiam adduci, & illi non sunt euocandi, sed ad testimonia eorum audienda, & dicta recipienda, idoneas personas mittit iudex, c. si quis testium, extr. eodem ita & ius ciuile ad personas egregias, eosque, qui valetudine impediuntur, domum mitti iussurandum ita-

tuit, l.ad personas egregias, ff. de iureiur. Item, si testes, illius iudicis iurisdictioni, ubi causa agitur, non sint subiecti, per subditum iuris citandi, & examinandi sunt: hoc est, admittit quidem index causæ, suæ iurisdictioni non subiectos testes, sed quia extra territorium, vel iurisdictionem ius dicenti impune non paretur, l.extra, ff. de iurisdiction. ipsos non citat, sed requirit iudicem loci, ubi testes degunt, ut testes examinet, atque recipiat. Alij verò: qui, licet admittantur, & citari possint, ut veniant testimonium perhibitori, inuiti tamen non coguntur: sunt senes, valetudinarij, milites, vel illi, qui cum magistratu Reipublicæ causa absunt, vel quibus venire non licet, l.inuiti, ff. eod. Senes intellige maiores 70. annis; illos enim onere publicorum munerum lex eximit, l. 3. ff. de iure immunitatis. Inuitos testimonium non dicere asserit Vlpian. publicanos, qui quid à fisco conductionis titulo acceperint, & eos, qui quid exercitui præbendo conduxerint, vel non detrectandi testimonij causa, aberint, l.inuiti, ff. de testibus.

Contra illos etiam consanguineos, qui lege Iulia continentur, omnes excusantur, ne inuiti ad dicendum testimonium cogantur: ut aduersus socerum, generum, vitricum, priuignum, sobrinum, sobrinam, & eorum liberos, vel, qui his propiore sanguinis nexu iunguntur, (quam excusationem putat VVesembec, hic, usque in sextum vel septimum gradum extendi.) Item in patronum, libertum, virum, uxorem, illorumque liberos, l. lege Iulia, ff. de testibus.

Et hæc iure ciuili obtinent, iure autem Pontificio multæ personæ ex illis, in veritatis eruendæ subsidium, ad dicendum testimonium compelluntur: scilicet seruus, socius, mulier, & illi, qui necessitudine sanguinis sibi inuicem sunt deuincti, parentibus & liberis, ob iuris fictionem, qua pro vna persona habentur, aliisque, ut iuris absurditas euitetur, exceptis, l. si. C. de impub. sub. c. venerabilis, Canonistæ in c. 1. & c. cæterum, extr. de testib. cogend. c. peruenit, extr. de test. cog. Spec. §. pen. nu. 2. tit. de teste.

Quod est Obiectum?

Factum ipsum ciuiliū & criminalium causarum, non autem ius, quod ex ipso facto oritur: Et consuetudo, quæ legis vim habet: ea enim aliter, quam per testes probari non potest, c. testimonium, extr. eod. & c. 2. cod. in 6. Quoniam testes super articulis, qui ex substantia & corpore ipsius libelli, quò
ad

ad ipsum factum attinet, desumuntur, ad eliciendam veritatem examinantur. Nec ius articulis comprehendi debet, cum ad articulum iuris nemo respondere obnoxius sit, multò minus igitur super tali testis producendus, & examinandus. Mynsing. obseruat. 88. cent. 5. secus est in positione super consuetudine, huic enim responderi debet. Ratio est: Quia, licet consuetudo vim legis habeat, & sic ius statuere dicatur, ipsa tamen quo ad actus ad inducendam consuetudinem requisitos multum facti habere intelligitur, c. ad Apostolicæ, & c. in aliquibus, extr. de decimis. Bald. l. 1. ver. *super statuto*, C. quæ sit long. consuetudo, gl. c. 2. extr. de consuet.

Quæ Forma?

Forma hæc considerari potest, vt consistat in recipiendis, producendis, & examinandis testibus, publicandis attestationibus.

*Quæ Forma recipiendi & producendi
Testes?*

Regulariter, lite non contestata, non proceditur ad testium receptionem, & si recipiantur, frustratorius redditur processus: nisi cum timetur de morte, vel absentia testium, vel ad æternam rei memoriam, ne veritas occultetur & probationis copia subtrahatur, vt notatur in cap. quoniam, extr. vt lite non contesta. Quo casu si à parte Actoris, lite non contestata, testes fuerint recepti, eorum dicta in publicam scripturam rediguntur, nec partibus publicabuntur, donec lis fuerit contestata, & alij testes inducti. Verum, cum Reus citatus in iudicio adest, Actor verò contumaciter abest, tunc testes rei recipiuntur, lite non contestata, & publicantur, ferturque sententia, Specul. tit. de testibus, §. nunc tractemus, nu. 5. Iudex igitur, articulis, super quibus testes examinari debent, libello congruentibus acceptis, terminum, intra quem producens producat suos testes, assignet: intra quem si omnes non produxerit, secundum statuat, vel etiam, si opus fuerit, tertium: quartam autem dilationem, ad productionem faciendam, absque solennitate legali, non concedet. Quæ talis est: vt præstito à litigatore sacramento, quod nec ipse, nec ququam omninò suorum; putà aduocatus, vel procurator, testificationes explorarit, quodque nulla doli, aut calumniæ, sed necessariæ probationis causa, quartam dilationem petat, Specul. tit. de teste, §. qualiter autem, & cap. vltima, & cap. in causis, extr. eod. Terminus autem productionis
testium

testium erit spatium sex septimanarum, intra quod spacium termini præstituti loco concessum, iudex, vel is, cui examinatio testium commissa est, testes iudicialiter admissos, ad locum & diem certum citet, illudque, admissis simul articulis probatoriis, & nominibus testium aduersario denuntiet, certificet producentem. Qui si statuto die compareat, præsentem aduersario, vel eo, cõtumaciter absente, legi nomina testium, eosque præstito veritatis iuramento, ad totam causam examini subiici petat. Post hæc iudex, vel is, cui id negotij commissum est, facta de exceptione contra testes producenda solita protestatione, & interrogatoriis per se, vel per procuratorem ab aduersa parte non producenti, sed iudici exhibitis, testes recipiat, atque præstationem iuramenti imponat. Quæ quidem, ad euitandam præscriptionem, quæ producenti obesse possit, intra terminum productioni præstitutum, expediti debent: licet post terminum testes sigillatim examinis rigori subiiciantur, c. quanquam, 14. q. 2. c. vidua, 20. q. 1. c. induciæ, 3. q. 3. l. pen. C. de testibus.

Quæ Forma examinandi testes?

Præuia citatione, & iuramento, de dicenda veritate, à testibus exacto, iudex sigillatim cuilibet testium præstiti iurifurandi in memoriam refertur, eiusque grauitatē, & periurij pœnas explicando, ne se huiusmodi pœnis & maledictioni subiiciant, admoneat, super omnibus articulis à producente oblatis, (nisi aliud placeat) & interrogatoriis ab aduersario iudici exhibitis, adiuncto tantum notario, qui omnium dicta consignet, à quolibet seorsim, & secreto veritatem exquirat, c. venerabili, extr. eodem, c. nuper nobis, & c. significauit, eodem. Examine de omnibus circumstantiis: videlicet de causis scientiæ, persona, loco, tempore, visu, auditu, credulitate, fama & certitudine. Debet enim testis dicti sui, & scientiæ causam in medium proferre, si de hoc fuerit interrogatus; nam sola testatione prolata, nec aliis legitimis adminiculis causa probata, nullius est momenti. Causam autem scientiæ assignabit per illum corporis sensum, quo percipitur id, de quo interrogatur, vt visum, auditum, vel alium. Imò etiam de minutissimis circumstantiis, de vestitu, de vestium colore, cæteraumque rerum exactissima qualitate indagabit: vt scilicet explorare possit, num suspectorum testium dictis fides adstipuletur. Oportet enim iudicantem cuncta rimari, & ordinem rerum plena inquisitione discutere, 3. quæst. 5. secundum glos. in ver. ex

Tempore, §. in testibus, 4. q. 3. & glos. super ver. *causam*, §. licet dudum. Postquam iudex testem examinavit, præcipit ei, ne alteri partium quicquam illorum, quæ dixit ante publicationem reuelet. Nota etiam, quòd iudex si articulos, & interrogatoria impertinentia aduerterit, illis reiectis, super eo, in quo cardo principalis negotij consistit, testes examinare possit, si tamen in tota causa iuratum sit, Ioannes An. in c. præsentium, eod. in 6.

Quæ Formâ reproducendi Testes?

Si producens eosdem testes, ob examinis obscuritatem, vel nullitatem, reproducere, vel alios super eisdem articulis inducere velit, hoc ei, intra terminos tribus productionibus, vel dilationibus dados, cum observatione horum, quæ obseruanda in productione notavi, conceditur, l. repeti, ff. de quæst. cap. constitutus, c. cum clamor, & cap. per tuas, extr. eod. Si tamen nulla causa obscuritatis, vel nullitatis subsit, tanquàm suspectus reproducere testes volens repellitur: nisi super novis articulis dependentibus ex veteribus reproducantur. Manifesti enim iuris est, ante edita testimonia, vel dicta testificata, licere alicui trinas productiones intra terminum, à iudice productionibus præstitutum, facere. Quarta autem productio absque solemnitate legali, vt dixi, non permittitur. cap. cum clamor, & c. 2. extr. eod. Spec. §. 1. num. 70. §. satis, nume. 3. c. ultra, extr. eod. c. in causis, & c. seruasti, extr. eod. Quod non tantum de diuersorum testium productione, sed etiam eorundem testium reproductione, causa æquitatis ita suadente, accipiendum est.

QVÆSTIO.

An examen Testium alteri committi possit? Et quæ forma constituendi Commissarios, atque Commissionis?

Iudex potest committere examinationem absentium testium, iudici illius territorij, sub quo testes degunt, & mandare partibus, quòd coram eo compareant, & hoc, siue testes ab Actore, vel Reo, ad probationem positionalium, vel defensionalium, aut alicuius instrumenti probationem producantur, per text. in l. iudices, C. de fide instrumentorum. Sed, ex communi iudiciorum usu, Commissarij à partibus nominantur,

tur, nominati plerumque deputantur, vel in eorum locum, si ex iustis causis suspecti allegantur, nec idonei iterum nominentur, ex officio alij conceduntur, cum potestate adiungendi notarium non suspectum, c. statutum, §. insuper, §. affessorum, §. notarium, de rescrip. in 6. Articuli, super quibus testes examinandi sunt, vna cum commissione Commissario transmittuntur, qui postea partem aduersam, ad dandum sua interrogatoria, si velit, & ad videndum iurare testes: præterea ipsos testes, ad testimonium in loco & tempore commodo perhibendum, citare debet, c. 2. extr. de test. & glos. ibidem in verb. testibus, & Panormita. num. 10. Si citati comparere nolint, mandatis pœnalibus eos coërcebit, tot. tit. extr. de testib. cogend. Quòd si compareant, iuramentum veritatis illis deferet: testis enim iniuratus nullam fidem facit, cum tota substantia depositionis testium in iuramento consistat, cap. licet, eod. Licet quandoque partium consensu, & voluntate hoc iuramentum remittatur: & potissimum, si testes sint personæ illustres, aut in aliqua dignitate, vel officio publico constitutæ, cap. in tuis, extr. de testibus. Ea est ratio: Quia iuramentum testis respicit fauorem partis, contra quam producitur, vt scilicet veritatem dicat, nec est substantialis solennitas, ideò valet renuntiatio, cap. si diligenti, extr. de for. competent. Iuramento autem veritatis præstito, & examinatis, secundum formam suprâ præscriptam, testibus, iisdemque silentio imposito, Commissarius rotulum, siue attestations partibus non communicat, sed suo sigillo obsignatum ad committentem transmittit, cap. cum clamor, extr. eod. coram quo postea, ad instantiam partium, publicatio facienda est. Et sciendum, quòd commissiones, vt plurimum, in communi forma, putà ad recipiendos testes tantum: raro in optima forma: id est, ad recipienda & transmittenda instrumenta decernantur. Sub communi autem forma ocularis inspectio comprehenditur, hoc est, vt Commissarius rem oculis subiiciat, & in rem præsentem eat.

Que Forma publicandi testium dicta siue attestations.

Testibus productis legitimè examinatis, debent partes ulteriori testium productioni, post terminum lapsum, renuntiare, que renunciatio loco conclusionis est: & produciens petere vt eorum attestations publicentur. Quòd si aduersarius in publicationem consentiat, nec producentis petitioni aliquam

quam exceptionem obiciat : vt putà, quia ab his, quibus testium examinatio commissà fuit, remissionem non esse rãtã, vel se omnes suos testes nondum produxisse : index præsens partibus, vel contumaciter absentibus, ipse legat, vel præcipiat alteri, vt legat publicè in iudicio dicta testium in tali causã receptorum. Absque autem contumacia, altera parte adsente, publicari non debent, ob protestationes in actu publicationis consuetas, quibus pars absens, & non citata ui posset, Specul. §. satis vtiliter, titul. de test.

Qui sunt Publicationis Effectus?

Primus est : Quòd publicatis attestationibus nihil obici potest in testium personas, nisi tribus casibus in cap. præsenium, extra. eod. notatis. 1. Si iuratur, id ex malitia non fieri, 2. Si quis ante publicationem protestatione sibi in personas testium obijciendi facultatem reseruauit. 3. Quando ostendere potest, se, post publicationem, quod obijcere vult, didicisse.

Secundus Effectus : Quòd, attestationibus publicatis, non liceat super eisdem, seu directò contrariis articulis alios, vel eosdem testes in principali causã producere. Excipir Speculat. multos casus. 1. Si inter alias personas agatur, cap. constitutus, extra. eod. 2. Si diuersus modus agendi, cap. veniens, eod. 3. Si sit nouus articulus diuersus, pendens ex veteri, cap. fraternitatis, extra. eod. 4. Si primæ attestationes sint omisissæ. 5. Si mutatur iudicium, & is velit, contra quem producantur testes, cap. præsentata, extra. eod. 6. Si obscure & nulliter deposuerunt, d. cap. cum clamor. 7. Si examinatio super quibusdam articulis fuerit omisssa. 8. Si in causã matrimoniali, cap. series, eod. 9. Si detur in integrum restitutio. 10. Si in causã appellationis, cap. cum Loannes, extra. de fide instrum. alia enim videtur esse causã. 11. Publicatis testibus, possunt testes reprobarij produci. 12. Etiam exceptio peremptoria proponi & probari. 13. Si testes sint recepti ad æternam rei memoriam, & publicari secundum formam traditam in cap. significauit, extra. de testibus.

Tertius effectus est : Quòd, sicuti attestationibus publicatis, non licet super eisdem, seu directò contrariis articulis, alios, vel eosdem testes in principali causã producere : sic nec in causã appellationis de iure Canonico licet, iuxta text. in Clem. 2. de testibus. Dicunt enim *omissæ*, quòd vtròque eadẽ causã subornationis sit timenda : nec obstate, quò in causã appellatio

appellationis, non deductum deducere, & non probatum probare licet. Hoc enim verum esse in articulis nouis, qui ex antiquis dependent, quia idipsum etiam in prima instantia conceditur. iuxta c. cum Ioannes, extr. de fide instrum. Qui autem dicantur noui articuli, Vide Spec. in §. satis vtiliter, num. 7. tit. de test. Qui quatuor modis nouum esse existimat. Quod si de test. non super certis articulis editis, sed simpliciter super questione totius controuersie, producti essent, postea de nouo producti non possent: cum enim super tota causa generaliter, & indefinite protulerint testimonium nullum postea censetur dependens superesse: super quo de nouo testes possint produci, Panor. in c. fraternitatis, extr. de test.

Et licet supra dicta iure Canonico obseruentur, contrarium tamen iure ciuili communi Doctorum opinione obtinere testatur glos. in d. Clem. 2. eod. Quod scilicet, in causa appellationis noui testes super antiquis, vel directò contrariis articulis admittantur. Quam etiam opinionem Bald. & alij Dd. in l. per hanc. C. de temporibus appellat. firmis rationibus comprobant, eamque in Camera Imperiali obseruatam testatur Myns. obseruat. 41. cent. 1. licet superiorem in iure Canonico fundatam opinionem veritiorem putet, per ea, quæ tradit Gui. Pap. decis. 14. & 347. & consilio 37. vers. & ideò salua, in 1. parte Maran. in Spec. iud. par. 6. in 6. actu, nu. 2. ver. super tertia questione princip. Et latiss. Rol. à Valconf. 45. numer. 8. 14. & 20.

Quæ Forma reprobandi Testes?

Ante testium publicationem, & etiam post, tam dicta, quam personæ testium, possunt per alios testes legitimos reprobari, dummodò id ante sententiam fiat, & ante publicationem de exceptionibus contra dicta, & personas testium obiiiciendis, vel reprobatione facienda protestatio facta fuerit, c. præsentium, eod. in 6. c. licet, de probat. & c. 1. extr. de except. Spec. in §. sæpè testes, tit. de test. Reprobare igitur intendens, dicat, ab aduersario productos testes esse seruos, infames, criminosos, famulos, falsos, corruptos, vel alio modo illegitimos: quod variis modis contingere potest, vt notat Specul. in §. 1. tit. de teste. Quæ probanda sunt per instrumenta, vel alios testes, qui reprobatorij dicuntur, d. cap. præsentium, extr. eod. cap. licet, extr. de iuror.

Et potest Reus, contra quem testes producuntur, intra terminum ad reprobandum datum, primo eos per alios reprobare.

bare. Item Actor Rei reprobatorios poterit per testes alios reprobare, facta simili specificatione & declaratione criminum contra eos. Vltrà enim neque Reus, neque Actor audientur. Quia testes probatorios, & reprobatorios probatoriorum reprobare licet, sed reprobatorios reprobatoriorum non licet, c. licet dilectus, extr. eod.

Quis Finis & Effectus?

Vt veritas eruatur, & fides de causa principali iudici fiat. Fidem autem faciunt testes, si in testimonio perhibendo consentiant & concordent. Quòd si contrarij sint, vel diuersi, iudex eos, quoad fieri possit, coniungat. Quoniam etiam testis, licet singularis per se nihil probet, cum vni testi fides non sit habenda, etiam si præclaræ curiæ præfulgeat honore, l. iurisu-randi, C. eod. tamen cum alio coniunctus plenam probationem facit. Coniungi autem plures imperfectæ probationes ad plenam fidem faciendam possunt, non in criminalibus, si ad poenam corporalem, vel effectum puniendi agatur: sed in ciuilibus, si omnes probationes tendant ad eundem finem: siue sint eiusdem generis, vt sunt diuersi testes, vel diuersi generis, vt vnus testis cum fama. Felin. in c. cum causa, extr. de probati & Myns. obser. 100. cent. 2. & obseruat. 3. cent. 5.

Quòd si, ob nimiam discrepantiam, coniungi testes non possint, sed quiuis singulare quid, quod cū alterius dicto non conuenit, deposuerit, omnes, etiam si mille sint, vnico testi, qui fidem nullam per se facit, cōparantur, c. cum dilectus, extr. de elect. & c. licet, extr. eodem. Si verò numero impari plures, pari tamen autoritate prædiri, diuersas produxerint sententias, vel ipsum factum, super quo adhibiti, pariter non narrent, iudex circumspectus & discretus motū animi sui, ex argumentis & testimonijs, quæ rei aptiora esse, vel naturæ negotij magis conuenire compererit, confirmabit. Nec tam ad multitudinem testium, quàm ad sinceram testimoniorum fidem, & testimonia, quibus potius lux veritatis affluit, respiciet, c. præterea, extr. eod. c. in præsentia, extr. de renunt. l. ob carmen, ff. eod. Si testium, in autoritate, nulla est paritas, sequetur iudex testes, qui dignitate, fide, constantia, moribus, granitate, nobilitate, alijs antecedunt. Potius igitur credet ingenuo, quàm libertino: seniori, quàm iuueni: honorato, quàm inferiori: nobili, quàm ignobili: masculino, quàm fœminæ, Decurioni, quàm plebeio: honesto, quàm infami.

magis locupleti, quàm egeno: magis alij, quàm amico, vel inimico: veridico, quàm mendaci: moribus honestis prædito, quàm prodigo, vel luxurioso, & c. l. testium, ff. cod. 4. q. 3. d. c. si testes, §. testium, c. in nostra, extr. de fide instru. c. forus, extr. de verborum sig. c. Ecclesia, extr. de elect. 2. q. 1. c. in primis, 3. q. 5. per totum. Si verò testes Actoris, & Rei autoritate, & conditione sunt pares, potiùs pro Reo sententia ferenda est; cum promptiores esse debeamus ad absolvendum, quàm condemnandum, c. ex literis, extr. de probat. Nisi Actor fauorabilior sit Reo. Fauorabilior autem est, si consistat pro libertate, dote, testamento, legitimatione, pupillo, vidua, orphano, fisco, Ecclesia: vel aliàs, pro alia re, seu persona fauorabili, l. inter pares, ff. de re iud. c. fina. extr. de re iudic. Atqui hoc ipsum fauor, in dubio & in paritate operatur, vt potiùs pro Actore sit pronuntiandum: Non autem, vbi ex aduerso pleniùs probatur, c. nouit, extr. de re iud. c. necesse, c. quatuor, 9. quæst. 3. 11. quæst. 3.

Verum Mynfinger. obseru. 38. cent. 4. ad diiudicanda testium pugnantia testimonia tres gradus obseruandos asserit, scilicet autoritatem personarum, qualitatem testimoniorum, & numerum testium. Primum: personarum autoritatem, & honestatem respiciendam ait: quæ in dignitate, moribus, & grauitate consistit, per l. 2. & 3. ff. de testib. Secundò: si qualitas personarum par sit inter testes, respicienda esse testimonia, considerandumque qualia sint: hoc est, quàm verisimilia, quàm naturæ negotij, de quo agitur, conuenientia, l. ob eam, ff. de testib. Ponderanda etiam argumenta dictorum testium: hoc est, rationes, quibus dicta testium firmantur, Bald. in l. testium, C. eod. Tertiò: vt si testes, & personarum, & testimoniorum fide sunt pares, tum denum ad numerum testium recurrendum, per tex. in nostra, verl. mandamus, extr. de test. & l. 3. §. eiusdem quoque, ff. eod.

Quæ Cognata?

Instrumenta, præsumptiones, fama, aliæque probationum species, de quibus suprà, conscientia: vnde dicitur, *Conscientia mille testes*, confessio propria, iuramentum, & c.

Quæ Adiacentia?

Iuramentum, præstatio sumptuum, comparitio, & similia, l. iusiurandi, & l. quoniam, C. eod.

Quæ Pugnantia?

Omnia ea, quibus testes ante, vel post attestationum publicationem,

blicationem, reprobantur, vel quæ eorum dictis, & persone obici possunt: vel quia sir seruus, libertus contra patronum, socius criminis, monachus, canonicus regularis, conuersus, vel alius religiosus sub obedientia constitutus, mulier, impubes, mutus, surdus, furiosus, prodigus ex interdicto, inimicus, conspirator, coniurator, parens, filius, fur, raptor, adulter manifestus, familiaris, domesticus, excommunicatus, pretio corruptus, confors litis, iudex, aduocatus, procurator, assessor, executor, Actor, vel arbiter in eadem causa, verbosus, inconstans, nullam causam dicti sciens, pauper, Iudeus, infidelis, gratiofus, adulator, arenarius, vilis persona, subornatus, non cognoscens personas litigantium, rei infelix, ignarus, accusatus criminaliter, quod timore, odio, vel commodo deposuerit, quod sit cohabitator inimicus, homicida, concubinarijs manifestus, incestuosus, hermaphroditus, laicus in causa criminali contra clericum, clericus in causa contra laicum, publicè pœnitens, vtrò se ingerens, non rogatus, publicis vinculis, vel custodia detentus, seruus pœnæ, publico iudicio de calumnia damnatus, quod speret commodum, vel incommodum ex illa causa, mendax, consanguineus, affinis, falsus, redemptus, socius, non iuratus, quod eius dicta sint obscura, ambigua per sensum aliquem, non declarata, negatiua, vacillantia, non congruentia, varia, præmeditata, composita, ad articulos, & interrogatoria impertinentia, & alia.

AXIOMATA, ET SENTENTIÆ.

Testimonium & vsus frequens necessarius est, & ab his præcipuè exigendus, quorum fides non vacillat, l. 1. ff. eod.

In testimonijs, dignitas, fides, mores, gravitas, examinanda est: & ideo testes, qui aduersus fidem sua testationis vacillant, audiendi non sunt, l. in testimonijs, ff. eod.

Circumspectus iudex atq. discretus motum animi sui argumentis & testimonijs, quæ rei aptiora esse compererit, confirmare debet, cap. præterea, eod.

Ultra tertiam productionem non debent testes ulterius produci in causa, nisi prælio ab eo, qui hoc postulat, iuramento, quod neque per se, neque per alium testificatus subtraxerit, vel fuerit percontatus, nec per dolum, aut

ariam aliquam, quariam productionem exposcat : sed, quia, quos desiderat de nouo producere, prius habere nequit, cap. ultra, & cap. significat. extr. eod.

Ob depositionis obscuritatem iterum examinari potest testis, ex iudicis officio, cap. cum clamor, eod.

Testi non iurato non crediur, extr. eod.

Attestationes receptæ per arbitrum fidem faciunt in iudicio, cap. presentata, eod.

Testes probatorios, & reprobatórios probatoriorum reprobare licet, sed reprobatórios reprobatóriorum non licet, cap. dilectus, eodem.

Personis grauibus fides est adhibenda, d. cap. licet.

Post publicationem attestatorum, ad petitionem producentis repeti testes non debent, nisi quando dolo, vel negligentia examinatorum super omnibus capitulis examinati non fuerint, cap. per tuas, eod.

Testificatis nondum dictis, vel etiam testium producendorum renuntiatione nondum facta, etiam super eisdem articulis testes aliàs producti, produci & repeti non possunt, cap. constitutis, eod.

Si materia antiqui capituli repetitur aliquo addito, quod subiicitur necessitati probandi, possunt testes etiam antiqui publicatis attestacionibus produci, cap. cum causa, extra. eodem.

Attestationes receptæ in summario, fidem non faciunt in ordinario iudicio, cap. veniens, eod.

Quæ argumenta, probanda cuique rei sufficiant, nullo certo modo satis desiniri potest : sicut non semper, ita sæpè sine publicis monumentis cuiusque rei veritas deprehenditur, aliàs numerus testium, aliàs dignitas, aliàs auctoritas, aliàs veluti consentiens fama confirmat rei, de qua queritur, fidei, l. testium, ff. eod.

Idonei non videntur esse testes, quibus imperari potest, ut testes fiant, l. idonei, ff. eodem.

Testis

Testis idoneus pater filio, vel filius patri non est, l. testes, eodem.

Nullus idoneus testis in re sua intelligitur, l. nullus, eod.

Ad fidem rei gesta, etiam non rogatus testis admittitur, l. ad fidem, eodem.

Vbi numerus testium non adiicitur, etiam duo sufficiunt: pluralis enim elocutio duorum numero contenta est, l. vbi numerus, ff. eodem.

Si testes omnes eiusdem honestatis, & existimationis sunt, & negotij qualitas, & indicis motus cum his concurrat, sequenda sunt omnino testimonia, cap. ob carmen, ff. eod.

Non ad multitudinem testium, sed ad sinceram testimoniorum fidem, & testimonia, quibus potius lux veritatis adfuit, respicere index debet, d. l. ob carmen, eod.

Produci testis non potest, qui ante in eum Rem testimonium dixit, l. produci, eod.

Quarta productio testium absque sollemnitate legali concedi non debet, cap. significauerunt, extr. eod.

Publicatis attestationibus, admittitur aduersarius ad probandum contrarium, si ante publicationem super hac probatione contraria instrui non potuit, cap. ex tenore, eod.

Si Actoris & Rei testes contraria deponunt, fidem sibi non derogant: sed preualent digniores, & uerisimiliora deponentes, & si in ceteris est disparitas, praefertur numerus, ca. in nostra, eodem.

Post publicationem attestationum, contra personas testium excipi non potest, nisi iuramento iurauerit, quod ad hoc ex malitia non procedat, vel ante publicationem fuerit protestatus, vel ostendere poterit, quod post publicationem didicerit, quod in personas obiicit, capit. praesentium, extra. eodem.

Domesticum testimonium omni iure reprobatum, cap. in literis, l. domesticum, & l. testes, extr. C. & ff. eod.

Publicatio, vel renuntiatio testium, in certis capitulis

non praiudicat volenti testes producere in alijs, cap. causam, extra. eodem.

In causa appellationis super nouis articulis non tantum noui, sed etiam veteres testes producuntur, cap. fraternitatis, extra. eodem.

Attestationes in uno iudicio recepte fidem faciunt in eadem causa, & inter easdem personas coram alio iudice, ca. causam, extra. eodem.

Clerici non sunt à ferendo testimonio in causa Ecclesia sue, sine rationabili causa, repellendi, cap. cum numerus, extra. eodem.

Episcopus ad dicendum testimonium citari non debet iure civili, idque ut persona honoretur, & ne dignitas sacerdotij exempta confundatur, l. nec honore, C. de episc. & cler. cum authen. sed iudex.

Consensu litigantium quibuscumque testibus insurandum remitti potest, cap. tuis questionibus, extra. de testibus, & ibi glossa.

Iurabit testis, se nulla admixta falsitate, aut mendacio, nec pretio, nec amore, nec odio, nec timore, nec pro quoquam commodo testimonium dicturum, gloss. in capit. fraternitatis, extra. eodem.

De singulis circumstantiis testes per iudicem prudentem sunt inquirendi, videlicet de causis, personis, loco, tempore, visu, auditu, scientia, credulitate, fama, & certitudine, capit. cum causam, extra. de testib.

Oportet indicantem cuncta rimari, & ordinem rerum plena inquisitione discutere, 30. quest. 5. secundum gloss. in verb. ex tempore.

Si quis semel, aut bis testes produxerit, & testificata didicerit, nulla postmodum productione utitur, etiamsi divina iussio hoc preceperit, cap. penult. extr. de testibus.

Attestationibus publicatis, sicut non licet super easdem, seu directo contrariis articulis alios, ut eosdem testes in principali

cipali causa producere, sic nec in appellationis causa licet, cum utrobique eadem subornationis causa sit timenda, Clem. 2. de testibus.

Vnius testis dictum non audietur, etiam si preclara curie honore praeulgeat, l. iurisiurandi, C. eod.

Testes adhibendi sunt, qui praeponant veritatem gratia, & potentia, l. eos testes, C. eod.

Omnibus in re propria dicendi testimonij facultatem iura submouerunt, l. omnibus, C. eod.

Testis ratione testimonij subicitur iurisdictioni eius iudicis, apud quem testimonium perhibet, tamen si alioqui praescriptione fori sit tutus, l. nullum, C. eod.

In probatione facienda testibus aequè creditur, ut instrumentis, l. in exercendis, C. de fide instr.

Testimoniorum usus ad eruendam veritatem inductus est, & ideo testes adhibentur, ut veritati testimonium perhibeant pro utraque parte, & probatio rerum gestarum salua sit testibus adhibitis, l. curent, eod.

Testes contrarij, sibi inuicem fidem derogant, cap. in nostra, extra. eodem.

Vnius testis ad cumulandam probationem, vel iuramenti dilationem, in supplementum probationis impetrandam proficui, cap. fin. extr. de iureiur.

DE TESTIBVS COGEN-

DIS, VEL NON.

TITVLVS XXI.

Cum publicè interfit, reuelata veritate, vnusque ius suum conseruari, testes à litigatoribus nominati, etiam inuiti, quandoque euocantur, & ad dicendum testimonium poenalis mandatis per iudicem ordinarium, vel eius commissarium compelli possunt: maximè, si nullo excusationis priuilegio sint muniti, & se, gratia, timore, vel odio, à ferendo testimonio subtrahant, ca. dilectorum, & c. i. extr. eod. An autem, in defectum aliorum testium, illi, qui excusationem legi-

bus merentur, inuiti ad testimonium dicendum compellantur: Vt sunt valetudinarius, senex, miles, publicanus, qui abest ex probabili & necessaria causa; & qui lege Iulia iudiciorum publicorum continentur, puta, gener, vitricus, sobrinus, liber-tus, contra priuignum, sobrinum, vel sobrinam, vel liberos eorum, patronum, alique, qui ratione sui, vel causæ priuilegiati sunt. Et licet sint, qui eos inuitos, excepta causa matrimonij, & hæreseos, non cogi putent, quasi hoc priuilegium eis à lege indultum, nusquam inueniatur ademptum, secundum l. sancimus, C. de test. Tamen consentaneus est, si res aliter probari non possit, præmissa monitione, etiam per Ecclesiasticam censuram, in causa ciuili, vel criminis ciuilitè intentati eos compelli posse, cap. cum super, extra. eod. cap. peruenit ad nos, extra. eodem.

Et est ratio: Quia iudex, ad eliciendam veritatem, omnem lapidem (vt dicitur) mouere debet. Accedit, quod veritatem occultans mortale peccatum committat. Non debet igitur prætextu alicuius priuilegij supprimi, cuius reuelata veritas, litigatorem, qui aliàs ius suum deducere & probare non potest, in iudicio subleuaret, cap. peruenit ad nos; extra. eod. l. i. quæst. 3. cap. quisquis, extra. de crimine falsi, cap. i. Pañorm. num. i. extra. eodem.

AXIOMATA, ET SENTENTIÆ.

Compelluntur testes, etiam in criminali, quos accusatus malitiôsè accusatori subtraxit, cap. peruenit ad audientiam, extra. eodem.

Tam in ciuili, quàm in criminali monendi, & inducendi sunt testes ad testificandum: & si se odio, gratia, vel amore subtraxerint; nec aliter veritas haberi possit, etiam per suspensionis, excommunicationis, & depositionis sententiam sunt compellendi, cap. i. cap. 2. cùm contra, & ca. delictorum, extr. eod. cap. peruenit ad nos, extr. eod.

Deficiente probatione multi admittuntur & coguntur, qui aliàs non cogerentur, cap. quoties, & cap. tam literis, extra. de testibus.

Qui veritatem occultat, mortale peccatum committit, cap. quisquis, ii. quæst. 3.

Clerici

Clerici ad dicendum testimonium, ne à diuinis auocentur, cogi non debent: possunt tamen in defectum probationum, & in rebus Ecclesiæ cogi, cap. statuendum, 2. quasi. 6. c. cum nunciis, extra. de testibus.

DE FIDE INSTRV- MENTORVM.

TITVLVS XXII.

Continuatio.

INstrumenti editio, modus est faciendæ fidei, & species instruendæ probationis, non tantum in actionibus, verum etiam exceptionibus, & replicationibus, quocunque tempore ante conclusionem causæ fiat.

Vnde dicitur Instrumentum?

Instrumentum dictum est, ab instruendo, quia instruit causam: sicuti documentum à docendo, quia docet, seu munimentum, à muniendo, quia munit producentem contra aduersarium, cap. fin. extra. de dol. & contum. & cap. si quis de clericis, 1. 2. q. 2. Et accipitur generaliter & propriè. Generaliter quidem instrumentorum nomine ea omnia accipiendæ sunt, quibus causa instrui solet, & ideò tam testimonia, quàm personæ, quæ testificantur, instrumentorum loco habentur, cap. peruenit ad audientiam, extra. de test. cog. l. 1. ff. de fide instr. Propriè autem instrumentum dicitur scriptura ad memoriam alicuius rei confecta, Spec. tit. de instr. editione, §. 1.

Quotuplex Instrumentum?

Duplex, publicum & priuatum.

Quid est Publicum?

Publicum est solennis & ritè ordinata scriptura, per authenticæ personæ manum, publicè, causa memoriæ, facta, Specul. §. 1. eod. Vel dicitur scriptura, publicam auctoritatem obtinens. Et huius varia sunt genera. Primò enim publicum dicitur, quod per manum publicam scriptum est: per publicam manum notarius intelligitur, qui etiam publicus seruus dicitur, cap. quanquam, extra. de vsuris, cap. illud, extr. de præsumpt. 2. Quòd sigillo authentico est roboratum, cap. scripta, extr. cod. etiam si à priuato scriptum, putà: sigillo Principis,

Vniuersitatis, aut alicuius collegij. 3. Omnes scripturæ qualescunque, etiam priuatæ, quarum publicatio magistratûs auctoritate interueniente contingit: vt cùm testamenta, vel codicilli, vel aliæ tabulæ auctore iudice aperiuntur, c. 2. extr. de fide instrum. l. publicari. C. de testib. 4. Quod in iudicio apud acta publica scribitur, cap. quoniam, extr. de probat. 5. Dicitur publicum, quod habet subscriptionem trium, vel, iuxta canones, duorum viuientium testium, etiam si sit per priuatam manum scriptum, c. 2. extr. de fide instrum. c. 1. extr. de probat. Sed mors testium vigorem istiusmodi instrumenti perimit, cap. 2. extr. eodem. 6. Publicum dicitur, quod de archiuo publico producitur: liber scilicet rationum, vel alterius rei, cui fides adhibetur, si publicum testimonium iudicis, hoc ex archiuo publico esse, asseuerantis accedat, c. ad audientiam, extr. de præscrip. c. peruenit, 3 o. q. 1.

Quid est Priuatum?

Priuatum est, omne aliud instrumentum, à quocunque sit scriptum, quod aliquo prædictorum modorum non est corroboratum: quorum tres species ponit Specul. tit. de instr. editione, §. nunc dicendum restat.

Quæ causa Efficiens?

Est lex, & consensus partium: hinc est, quod instrumenta sint necessitatis, quæ lege fieri præcipiuntur, c. 1. extr. de censibus; & voluntatis, quæ voluntate & consensu partium, nulla impellente necessitate, conficiuntur, l. contractus, C. de fide instrument.

Quæ causa Procatartica?

Est partium petitio, vel rogatio: persona autem ista, quæ instrumento conscribendo adhibetur, in illis actibus, qui vtriusque partium consensu perficiuntur, vt sunt venditiones, permutationes, transactiones, pignorationes, locationes, conductiones, &c. ab vtraque parte rogari debet. Si verò actus vnius tantum partis desideret consensum, vnius tantum rogatio sufficit: vt sunt testamenta, codicilli, appellationes, protestationes, l. contractus, C. eodem, Bald. in l. 2. C. de edendo.

Quæ est causa Instrumentalis?

Est notarius, vel alia publica persona. Solet enim magistratus de archiuo publico scripturam quamque transumere & conficere, Bal. in rubr. C. cod. Solet etiam publicis scripturis conficiendis præfici persona publica, quæ, sicut iudex habet

bet ordinariam iudicandi potestatem; ita publicam potestatem scribendi obtinet, ita vt illi fides plena adhibeatur, Bald. d. loco, nec tamen hoc ipso notarius efficitur: is enim vel à Principe, vel Comite Palatino, cui hanc potestatem creandi notarios Princeps concessit, creatur. Et est actus summi imperij, quod genus magistratus municipales exercere absque singulari Principis indultu non possunt. Ergo persona à iudice municipali constituta ad hoc, vt in archiuum publicum relata, vel aliàs apud acta notata, transumat, publicamque scripturam conficiat, propriè notarium agere non dicitur. Quòd si autem magistratus, vel quiuus alius, putà Comes, vel Baro, &c. creandi notarios ex consuetudine actus vsuper, eius instrumento tantum intra territorium magistratui, à quo creatus est, subiectum, creditur: non autem extra. Licet notarius auctoritate Papæ, vel Imperatoris creatus, vbi que locorum exercitium officij sui habeat, & instrumentum vbiuis locorum valiturum conficere possit, Bald. in addit. ad Spec. de instr. editione.

Quod Obiectum?

Omnes actus iudiciales, voluntarij inter viuos, & vltimæ voluntatis. Actus enim iudiciales sunt, citationes, dilationes, recusationes, exceptiones, petitiones, responsiones, interrogationes, confessiones, testium depositiones, instrumentorum productiones, interlocutiones, appellationes, renuntiationes, conclusiones. Statuit enim Innocentius III. in concilio generali, vt iudex tam in ordinario, quàm extraordinario iudicio adhibeat publicam personam, vel duos viros idoneos, qui vniuersa iudicij acta, loca, tempora & personas designando conscribant, atque super aliquibus propria instrumenta, quæ hoc titulo explicantur, his actibus confici possunt, cap. quoniam, extr. de probat.

Voluntarij actus inter viuos sunt, venditiones, emptiones, locationes, conductiones, permutationes, mutuum, pignorationes, emphyteusis, feudum, constitutio seruitutis tam realis, quàm personalis, vt vsusfructus, vsus, habitatio, transactiones, arrharum dationes, donationes, diuisiones, solutiones, acceptilationes, emancipationes, possessionum traditiones, manumissiones, & omnes alij actus, qui inter viuos celebrantur, & desuper instrumenta ad faciendam in omnem perpetuitatem fidem conficiuntur, l. contractus, C. eod.

Vltimæ voluntates, vt testamentum, codicillus, donatio causa

causa mortis, & cætera, quæ his æquiparantur, tot. titul. C. de test. ordinan. l. cum de mortis, C. de donat. causa mortis. Et denique de omnibus, nisi vel lex, vel statutum obstat, instrumenta fidei faciendæ, & causæ instruendæ, vel facilioris probationis gratia, confici possunt, Bal. in rubri. nu. 17. C. eod.

Quæ est Forma conficiendi publica Instrumenta?

Instrumentum, secundum Specul. duo continere debet, factum, & ipsam publicationem. Quod ad factum attinet, tenentur partes notario ad hoc rogato, qui ratione officij sui, obstrictus est quasi condigno pretio conductus in eo partibus præstita opera annuere, in scriptis & in præsentia duorum, vel trium testium facti speciem explicare, qua intellecta, debitis solennibus obseruatis, in quibus ipsa publicatio consistit, de super instrumentum conficiat notarius, Bal. in rub. C. de fide instrum. §. nos autem, in auth. de tabell. & Dd. in auth. si quis in aliquo, vbi glo. C. de edend.

Sunt autem nouem regulariter, quæ publicationem faciunt, vt in auth. vt nomen Imp. præpo. §. 1. col. 5. scilicet inuocatio nominis Domini, anni eiusdem, indictio, dies contractus, nomen Imperatoris, vel Papæ, vel regis, locus, testes, nomen tabellionis, vel notarij, & signum notarij. Non autem subscriptio vel subsignatio contrahentium, vel testium. Ea enim ad muniendam publici instrumenti fidem, non requiritur: cum notarij, vt publicæ personæ subscriptio, & signatio sufficiat. In instrumentis verò publicis, apud acta, vel à iudice confectis, nulla solennitas desideratur, cum eam iudicis præsentia, & iudicij autoritas satis, superque suppleat, l. omnium, C. de testib. & ibi Dd. Quod secus est in priuatis, quorum validitas & robur ex subscriptione & sigillis partium, & testium dependet: Panormit. & Inno. in c. 1. extr. de his, quæ fiunt à præla. sine con. Cap. Notandum etiam, quod, propter vetustatem, vel aliam iustam causam de instrumentis originalibus exempla solenniter sumi possunt. Solenniter autem sumi dicuntur, cum coram ordinario iudice, vel ad hoc ab ipso specialiter delegato, ab eo, cuius interest, præsentantur, qui si ea diligenter inspecta in nulla sui parte vitiata compererit, per publicam personam illa præcipiat exemplari, eandem authoritatem per hoc cum originalibus habitura, c. fin. extr. de fide instrumentorum.

Quæ Forma exhibendi Instrumenta?

In exhibitione instrumentorum hoc obseruatur, vt ante, & post

& post publicationem testium, quodcumque voluerit altera partium, aduersario ad hoc citato, possint exhiberi, vsque ad conclusionem causæ, c. cum dilectus, extr. de test. Verum, postquam conclusum est, id est, renuntiatum productioni instrumentorum, & aliis probationibus, induci non possunt, nisi noua oriantur capitula ex veteribus pendentia: in quibus possunt de nouo instrumenta exhiberi, etiam in causa appellationis, sicut & testes noui recipi, c. fraternitatis, extr. de test. Vel, nisi talis esset persona, cui beneficium restitutionis in integrum indulgetur; potest tamen iudex terminum peremptorium ad exhibendum omnia instrumenta præstituere, ultra quem pars nisi legitima ex causa, ulterius non auditur, l. 1. ff. de edéd. & Spec. per text. in d. c. cum dilectus, tit. de inst. editione. An autem litigatoribus instrumenta sint edenda? Distinguitur. Aut instrumenta sunt communia, aut propria: si communia, utrique parti sunt edenda, cap. 2. G. perpetuus Vicarius, extr. eodém. Si propria, aut iis partes vtuntur, aut non vtuntur: si vtuntur, & Actor vel Reus aliquod instrumentum in iudicio producat, quo aduersus aduersarium uti velit, illud aduersario edere cogitur, l. 1. ff. de eden. Nam & Actor Reo, & Reus Actori omnia, quibus in lite vsurus est, edere tenetur, secundum gloss. in d. cap. G. perpetuus Vicarius, extr. eod. si autem partes non vtuntur, & Actor à Reo edi instrumenta, ad intentionem suam probandam petierit, repellitur; quia non ab aduersario tela petere debet, sed à seipso accipere, sciturus, non probata sua intentione, Reum absolutum iri, c. 1. extr. de probat. l. qui accusare, C. de edendo. Pari ratione nec Reus ab Actore petere potest instrumentum, ad exceptionem suam fundandam, vel reconuentionem instituendam: nisi petitum instrumentum, quasi suum sit, l. non est nouum, & l. fin. C. de edend. nec tertius quidam, penes quem instrumenta litigantibus ad instruendam causam vtilia esse dicuntur, exhibere tenetur, nisi ratione alicuius negotij partib. teneatur, puta tutelæ, negotiorum gestionis, & similibus, Specul. tit. de instr. editio. §. videndum, num. 18.

Quis Effectus & Finis?

Si publicum est instrumentum, plena fides rei gestæ, super qua illud confectum est: solum enim publico instrumento, & eius exemplo solenniter sumpto creditur: non autem priuato. Instrumenta enim domestica, seu priuata testatio, seu adnotatio, si non aliis quoque adminiculis adiuuentur, ad

probationem sola non sufficiunt, l. instrumenta, C. de probat. Nisi contra scribentem producantur, vel subscriptione testium, & contrahentium, vel iudicialia cognitione sint confirmata, Bal. in rub. nu. 3. eod. l. contractus, C. eod. Quòd si ex scriptura priuata conuentus, illam neget à se scriptam, vel ad testes, vel ad literarum comparationes, erit confugiendum. Debent autem comparationes literarum non ex quibusuis scripturis, chyrographis, vel instrumentis, quæ non publicè sunt confecta, fieri: sed ex forensibus, vel publicis instrumentis, vel huiusmodi chyrographis, quæ ad minimum triù testium habent subscriptiones, præstito iuramento ab his, qui comparationem faciunt, quòd neque lucri causa, neque inimicitias, vel gratia impulsæ, ad comparationem faciendam procedant, vt omnis falsitatis suspicio euitetur, l. comparationes, C. de fide instr. & l. 2. ff. eo. Debetq; instrumentũ, vt fidem faciat, rei q; gestæ probationi sufficiat, non esse cæcellatũ, abolitum, continere lituras, vel quacũq; suæ formæ parte vitiatum, neq; huic contrarium aliud produci. Scripturæ enim diuersæ fidem sibi derogantes, ab vna eademq; parte probatæ nihil firmitatis habent, l. scripturæ, C. eod. & imputet sibi proferens tales, cùm in ipsius fuerit potestate, quam voluerat non proferre: nihil igitur probabit, cap. imputari, extr. eod. cùm contraria allegans non sit audiendus.

Quanta autem fides instrumentis in causis decidendis adhibeatur: Respondet Speculator, tit. de inst. edit. num. 8. quanta duobus, vel tribus testibus. Parem enim vim habet in exercendis litibus instrumenta & testes, l. in exercendis, C. eod. c. cum Iohannes, §. porro, extr. eod. Quod verum est, quoad iustam probationem, ad quam faciendam, alterutrum sufficit, aut idonei testes, aut non suspectum instrumentum, scilicet, vbi sine contradictione proferatur. Nam etiam contra instrumentum quantumcunque publicum testes admittuntur, prout expresse habetur in cap. cum Ioannes, extr. eod. & cap. ad audientiam, extr. de præscript. Quid igitur iuris, si testes instrumento repugnant, an testibus, vel instrumento credendum sit? Mynsing. in obs. 39. cent. 4. ita putat distinguendum: Si testes contradixerint scripturæ, ad quam ipsi fuerunt, propter fidem, adhibiti, tunc testes scripturæ præferri debent: cùm tota authoritas tabularum à testium comprobatione dependeat, c. tertio loco, extr. de probatio. Secundo: si testes contradicant instrumento, ad cuius fidem confirmandam fuerint producti, tunc refert, an producantur ad probandam

dam falsitatem instrumenti, quod non simul cum attestacionibus, sed seorsum profertur ad probandum aliquid, hoc casu parib. testibus praualeat scriptura: puta, si tres dicant, instrumentum falsum, non audientur: quia & in tabulis instrumentorum duo testes vnà cum notario, qui tertius, adhiberi solent. Ni igitur quatuor aut quinque boni viri attestentur falsitatem, instrumento stabitur, d. c. cum Ioannes.

An verò de falsitate non principaliter tractetur, neque accusando, neque excipiendo: sed vnà ad probandam intentionem exhibeantur instrumentum & testes, qui examinati, repugnent instrumento? Hac specie nulla regula tradi potest, sed iudex ex qualitate causæ æstimare debet, quid horum magis ipsum sequi oporteat. Nam quædam per testes melius probantur, vt consanguinitas, adulterii: quædam verò cõmodius per instrumenta, veluti acta iudiciorum, res antiquitùs gestæ.

Quæ Cognata?

Monumenta publica, libri ciuitatum, monasteriorum, collegiorum, testes, præsumptio iuris, & aliæ probationis species.

Quæ pugnantiæ?

Sunt omnia ea, quibus instrumentum impugnari potest: vel, quæ ratione causarum, vel formæ, obiciuntur contra instrumentum; vt si de re illicita & impermissa instrumentum factum fuerit: vel ab eo, qui non habet potestatem faciendi: vt, qui se notarium agit, cum tamen non sit, vel malè creatus; videlicet ab eo, qui ius creandi non habet; si fuerit cancellatum, abolitum, habeat liturgas, sint sigilla abrafa, vel sculpturæ sigilli deletæ, si falsum, si non omnes contineat solennitates, quæ publicationem efficiunt: vt quia omiſsa indicio, testes, nomen notarij, eiusdem subscriptio, & signum, & circumstantiæ requisitæ: si producantur plura instrumenta fidem sibi derogantia: vel si illud, quod producitur, sibi ipsi sit contrarium, si non debito tempore producatur, vel publicetur, & alia multa, quæ omnia hic recensere, longum esset.

AXIOMATA, ET SENTENTIÆ.

Scriptura contraria ab eodem producta fidem non facit, c. inputari, extr. eod. l. scriptura, C. eod.

Vtriq; parti communia instrumenta sunt edenda, c. g. perpetuus vicarius, extr. eod.

Instrumentum exemplatum per tabellionē auctoritate Ordinarij, eandem vim habet cum originali, c. fin. extr. eod.

Post

Post publicatas attestaciones, usque ad conclusionem in causa, possunt instrumenta produci, c. cum dilectus, extr. cod.

Instrumentum, propter rasuram in loco non suspecto, non dicitur vitiosum, c. ex literis, extr. cod.

In exercendis litibus eandem vim obtinent tam fides instrumentorum, quam depositiones testium, l. in exercendis, C. cod.

Testium, vel instrumentorum receptio potest ex causa committi Iudici alterius territorij, l. Iudices, C. cod.

Instrumenta domestica, seu priuata testatio, seu adnotatio, si non aliis quoque adminiculis adiunguntur, ad probationem sola non sufficiunt, l. instrumenta, C. de probat.

Rationes defuncti, quæ in bonis eius inueniuntur, ad probationem sibi debita quantitatis, sola non sufficiunt, l. rationes, C. de probat.

Instrumenta cuiuscunque generis non definiunt negotium, nec obtinent vim definitiue sententiæ, nec habent executionem paratam, sed tantum probant rem gestam, Bald. Conf. 133. vol. 1.

DE PRÆSUMPTIONIBVS.

TITVLVS XXIII.

Continuatio.

PRÆsumptio, quasi legis opinio, nisi contrarium probetur, vel etiam quandoque contraria probatione non admissa, probationem facit, & Iudicem in formanda sententiâ instruit, c. literas, extr. de eo, quod metus causa, & tot. tit. de præsump.

Quid est Præsumptio?

Alciatus in Tractatu, De præsumpt. ita definit: Vt sit probabilis coniectura, ex certo signo proueniens, quæ alio non adducto, pro veritate habetur.

Quotuplex Præsumptio?

Quidam triplicem statuunt, scilicet præsumptionem iuris, & de iure: præsumptionem iuris, & præsumptionem facti. Sed Spec. & Bal. in addit. tit. de præsumpr. quadruplicem ponunt, temerariam, probabilem, violentam, & necessariam.

Quæ

Quæ diuisio Canonibus magis videtur conuenire, c. adferre. c. literis, & c. literas, extr. cod.

Quid est Temeraria?

Præsumptio temeraria est, vanâ quædam hominis opinio, ex causis vilibus & leuibus proficiscens: vt, quia videt quis adolescentem salutare aliquam, statim præsumit, ipsos in rebus illicitis conuersari, cum tamen dubia in meliorem partem sine interpretauda: nec petulanti procacitatis lingua, in præiudicium alicuius bonæ famæ sinistrè diuulganda. Vnde si presbyter amplexetur mulierem, præsumitur facere id causa benedicens, vel ad pœnitentiam exhortandi, c. absit, 111. q. 3. cap. iii scripturis, distin. 96. Sed ab illa benedictione libera nos, Domine, inquit Augustin. Inò, ob fidem à clericis male seruata, hanc præsumptionem exoluissè, non inconvénienter dici potest.

Quid est Probabilis?

Est verisimilis coniectura, ex certo signo proueniens, quæ alio non adducto, pro veritate habetur, Alc. in Tract. de præsump. Quæ aliquando iuuatur legibus, & tunc vim probationis habet, nisi contrarium probetur. Et dicitur probabilis: quia plurium hominum opinione, ex multis causis, & suspicionibus fama super his incrementum collecta inducitur. Probabile enim, secundum Aristotelem, est, quod omnibus, aut pluribus, aut saltem sapientibus videtur, Bald. in addit. ad Specul. tit. de præsumpt.

Quid est Violenta?

Violenta est, verisimilis probatio ex multis indicijs, vel ex vno multum efficaci, & veritati proximo collecta: vt si quis fugiat cum gladio sanguinolento, præsumitur vulnerasse, si aliud non appareat. Item si quis inuentus sit nudus cum nuda, solus cum sola, in eodem lecto iacentes, secretis locis, & latebris, præsumitur, quod sint fornicati, c. literis, extr. cod. Item præsumitur, quod quis cognouerit mulierem, cum qua diu cohabitauerit, c. nec aliqua, 17. questio. 1. Item si quis ter denuntiet alicui, ne cum vxore sua loquatur, & hoc non attento, postmodum inueniat eum cum ea loquentem, potest eum tradere iudici puniendum. Quia violentissima, malæ & detestandæ conuersationis, præsumptio est, auth. vt liceat matri & auix, §. his quoque, collat. 8. Item cancellato chyrographo, præsumitur liberatio debitoris, l. si chyrographum, ff. de probat. Præsumitur vxor, quicquid habet, de bonis ma-

riti acquisiuisse. Quilibet præsumitur bonus, idoneus, integritatis famæ, &c. nisi contrarium probetur. Atqui hæc præsumptiones violentæ, etiam dicuntur præsumptiones iuris: puta, quia ius præsumit aliquid, sed non statuit ius super præsumpto: igitur per contrariam probationem possunt extenuari tales præsumptiones, Bal. in l. si duo patroni, ff. de iureiur.

Quid est præsumptio necessaria?

Præsumptio necessaria communiter vocatur iuris & de iure. Et definitur ab Alcia. in tract. de præsump. in prin. quod sit dispositio legis aliquid præsumentis, super præsumpto, tanquam sibi comperto statuentis. Dicitur autem ideo iuris & de iure, quia ius vehementer præsumit sic esse, vel non esse, & propter talem præsumptionem ius statuit super ea. Verbi gratia: si is, qui cum virgine per verba de futuro contraxit, cognouerit eam postea, ius certe statuit contra huiusmodi matrimonium præsumptum probationem non admitti: Nam ex quo eam cognouit, intelligitur in eam consensisse, quamvis cum ea non contraxerit per verba de præsentis, c. is qui, extr. de spons. Idem est, si quæ inuita viro tradita post consenserit in carnalem copulam, ulterius non auditur, c. significauit, extr. de eo, qui dux. in matr. quam pol.

Traduntur & aliæ præsumptionum diuisiones. Quod scilicet alia sit famæ, alia naturæ, alia iuris, alia iuris & de iure, alia facti, alia qualitatis, alia iudicis, seu contumaciæ hominis, alia facti præcedentis, vel subsequenti: quæ tamen omnes sub quatuor recensitis præsumptionum speciebus continentur.

Quæ est causa Efficiens?

Est ipsa lex, & ratiocinatio hominis ex varijs coniecturis orta: coniecturæ autem ex diuersis, personarum, rerum, locorum, temporum, & factorum qualitatibus sumuntur.

Quæ est præsumptionum causa ex qua?

Ex varijs causis præsumptiones proficiuntur, scilicet ex persona, loco, tempore, qualitate, fuga, fletu, negligentia, obscuritate, euentu, quantitate, taciturnitate sequenti, familiaritate, dignitate, dilectione, societate, frequentatione, & ætate, Bald. in addit. ad Spec. tit. de præsump. & Spec. cod. tit. §. præsumptio est.

Quod est Obiectum?

Res verisimilis, instrumentorum solennitates, qualitates persona

personarum, facta incerta. Nam quæ iuris sunt, non præsumuntur: quia ius semper est certum, l. 2. ff. de iuris & facti ign. consilia, affectus, & signa tam necessaria, quam verisimilia.

Quæ Forma?

Forma præsumendi variâ est. Aliam enim præsumptionem iure introductam, lex iuris firmitate roborat, & pro veritate eam haberi, & ne quid contra statuatur, præcipit: aliam, donec facti quæstio controuertatur, & contraria probatione eneruetur, suis viribus relinquit, non tamen super præsumpto ius statuit; Alia denique omni iuris adminiculo destituta, nuda hominis opinione, inducitur.

Quis Finis, & Effectus?

Pro verietate præsumptionum, varij sunt effectus. Temeraria enim præsumptio nec semiplenæ probationi sufficit, nec mouere animum iudicantis debet, cap. 1. 2. quæstio, 1. ca. oues pastorem, 6. quæst. 1. cap. si quid verò, distinct. 86. c. licet Heli. extr. de simonia. Probabilis præsumptio, quæ lege iuuatur, vim habet probationis, nisi contrarium probetur. Sed quæ lege non iuuatur, sed tantum in opinionibus hominum consistit, non probat per se: sed iuuat probationem sibi concordantem. Hoc est, licet per se iudicem non moueat ad pronuntiandum, cum vno tamen teste, vel cum alia consimili præsumptione, plenam facit fidem, cap. illud, extra. de præsumpt. cap. item sapè, 4. quæst. 3. & cap. si duo, 3 §. q. 6. Mouet etiam iudicem ad deferendum iuramentum ei, pro quo est præsumptio, non autem eius aduersariò, l. in bonæ fidei, C. de reb. credit. Et ad imponendam purgationem infamato præsumpto, ca. sicut consuetudo, extr. de probat. ca. presbyter, 2. q. 5. & cap. 1. & 2. extr. de purg. canon. Contra eam autem probatio in contrarium admittitur. Violenta præsumptio, quæ ex verisimili probatione fit, diciturque præsumptio iuris, onus probandi in aduersariû transfert, diciturque actus à iure præsumptus, eo ipso probari, quod non probetur contrarium. Vnde ea liquidissima probatio vulgò appellatur, l. licet Imperator, ff. de leg. 1. In criminalibus tamè enormibus non nisi semiplenam probationem facit, quæ tantum ad torturam, non autem ad infligendam pœnam capitalem, nullo adiuncto alio adminiculo, sufficiens est: nec per præsumptiones condénatur quis sine probationibus, quæ in criminalibus luce meridiana clariore desiderantur, cum satius sit, impunitû relinqui facinus

nocentis, quàm innocentem condemnare, l. absentem, ff. de pœnis, l. fin. C. de probat. cap. literas, extr. eod. arg. cap. nomine, 2. quæst. 1. cap. quia verisimile, extr. de præsumpt. Est & huius præsumptionis iuris effectus, quòd aduersariū, qui cōtrarium probare nititur, duriore grauet probatione, adeò, vt nec ei semiplenè per vnum testem, vel alio modo probanti, in supplementum probationis, deferatur iuramentum, Myns. obseru. 68. cent. 5. per text. in l. ult. & ibi gloss. & Bald. ff. de eo, quod metus causa. Denique necessaria præsumptio, quæ & iuris, & de iure dicitur, plenam probationem facit, & pro veritate habetur, nec probationem in contrarium admittit, nisi per confessionem partis, restitutionem in integrum, & alia, quæ Alc. in Tractat. de præsumpt. & Felin. in cap. quanto, extr. de præsumpt. & Bald. in addit. ad Specul. remissiue recensent, tit. de præsumpt.

Quæ Cognata?

Omnes probationum species, & fictio iuris: quæ nihil aliud est, quàm legis aduersus veritatem, in re possibili, ex iusta causa dispositio. Differunt tamen. Quia fictio fit aduersus veritatem: præsumptio autem veritatem imitatur. Vnde dicitur, lex falsum & certum fingit, sed verum & verisimile præsumit, Alc. in tractat. de præsumpt. in princip.

Quæ Adiacentia?

Veritas, confirmatio legis possibilitas, verisimilitudo.

Quæ Pugnancia?

Notorietas rei, veritas in contrarium probata, iuris dispositio contraria, impossibilitas, certitudo facti. Nam in claris & certis non est locus coniecturis, l. continuus, §. cum ita, ff. de verb. oblig.

AXIOMATA, ET SENTENTIÆ.

Quilibet præsumitur bonus & idoneus, nisi contrarium probetur, cap. dudum, & cap. cum in inuentute, extr. eod.

Ex præteritis præsumitur circa futura, cap. mandata, & cap. scribam, extr. eod.

Ex vicinitate præsumitur notitia facti loci vicini, cap. quoscumque, & cap. quanto, extr. eod.

Qui ex duobus illatis alterum negat, reliquum affirmare præsumitur, cap. nonne, extr. eod.

Quicquid

Quicumque virtutibus studet, cum modestia continentia, auditioni sapientium, obseruantia mandatorum Dei, maxime simplicitati & humilitati, is commendandus, cap. ex studiis, extra. eodem.

Conuersatio in adolescentia facit presumptionem in senectute, d. cap. ex studiis, extr. eod.

Presumptio veritatis cedit, presumptio autem iuris & de iure ipsa veritas esse censetur, l. nuptura filio, ff. de iure dot. l. antiqua, C. ad S. C. Velleia.

Stante probatione pro aliquo, aduersarius qui contrarium probare nititur, diuiori probatione gravatur, adeo ut nec ei semiplene probanti in defectum probationis iuramentum deferatur, cap. quia verisimile, extra. eod. Myns. obseru. 68. cent. 5.

Sicut manifeste nocens: ita & occultus poena obnoxius est, cap. sicut, extr. eod.

Presumitur semper in benigniorem partem, in quam, ipsa nature ratio, & affectio ducit, cap. estote, extr. de reg. iur.

DE IURE IVRANDO.

TITVLVS XXIIII.

Continuatio.

IN probationum defectum, iusiurandum, quod litium expediendarum maximum remedium esse dicitur, deferitur, cap. etsi Christus, §. Iacobus, extr. eod.

Quid est Iusiurandum?

Est assumptio nominis diuini, qua inuocatur Deus, ut dicti fidem attestetur, d. cap. etsi Christus, extr. eod.

Quot sunt eius partes?

Sunt duae: Inuocatio diuini numinis, & imprecatio, qua iurans, se poenae & diuinæ vindictæ deuouet, si verum non dicat.

Qua est Iuramentorum diuisio?

Quod iuramentum aliud sit promissorium, quod super futuro sit, quandocunque videlicet, aliquid dandum, vel non dandum, faciendum, vel non faciendum, promittitur: ut si

quis iureiurando promittit iudicio fisci, aut litem exequi, cap. 1. extr. de sequest. possess. Aliud assertorium, quo aliquid esse, vel fuisse, assertitur. Quod plures habet species: nam aliud dicitur de calumnia, aliud de veritate, aliud de malitia: item, aliud voluntarium, aliud necessarium, aliud iudiciale. Sed quia hæ postremæ iuramentorum species ad decidendas & finiendas lites proficiunt, & in defectum probationum proferuntur, hæc potissimum sunt explicandæ.

Quid est Iuramentum voluntarium?

Voluntarium iuramentum est, quod ex conventionem per modum transactionis extra iudicium deferretur, dictum à spontanea suscipiendi voluntate, l. iusiurandum, ff. cod.

Quid est Iudiciale?

Est, quod à parte parti, in iudicio deferretur; cap. fin. extra. cod. quod quidem Actor facere potest, etiamsi nihil præstiterit, aut probarit, Iason. in Iadmonendi, ff. cod.

Quid Necessarium?

Necessarium est, quod iudex ex officio, in defectum legitimarum probationum, ubi neque nihil, neque plenè probatum est, alterutri litigatorum deferret dictum à necessitate præstandi. Quia recusari, absque legitima causa, non potest, cap. fin. ext. cod. l. generaliter, C. de rebus credi.

Quæ est causa Efficiens?

Præceptum iudicis, in supplementum vel defectum legitimarum probationum, alterutri parti præstationem iuramenti deferentis, vel partium conventio; qui dirimendæ litis causa iuramentum sibi inuicem deferunt, & referunt, si probationibus, ad instruendam causam requisitis, sint destituti, l. 1. ff. eodem.

Quod Obiectum, vel Materia circa quam?

Omnes lites, & controverſiæ, in quibus litigantes probationibus sunt destituti: siue agatur de proprietate, siue de possessione, siue in personam, siue in rem. Non autem si res merè sit spiritualis, de qua controverſia est, vel actio famosa instituatur, vel criminaliter agatur, in quo genere causarum luce meridiana clariore desiderantur probationes, l. fin. C. de probat. cap. fin. extr. cod. Specul. tit. de iuramenti delatione, §. quoniam, & Hostiens. tit. de assertorio iuramento, §. & super quibus, & Dd. in d. Iadmonendi, ff. cod.

Quæ

Quæ Forma deferendi, & præstandi Iuramentum?

Si voluntarium fuerit iuramentum, vt voluntate eius, cum quo alicui negotium est, spontè suscipiatur, atque vt vtriusque voluntate, & quasi conuentione susceptum inuocato diuino nomine, absque potestate referendi præcisè præstetur: sicut enim ab initio, id ipsum suscipiendi, libera est facultas, ita post suscepcionem illud præstandi incumbit necessitas, l. sicut, C. de act. & oblig. & l. iusiurandum, ff. eod. Si iudiciale, vt Actor, etiam si nihil præstiterit, ante litis contestationem, præstito de calumnia iuramento, si hoc petatur, deferat Reo iusiurandum, qui remissione iurisiurandi non facta ipsum præstet, aut referat, aut soluat: siquidem, non subito delatum iuramentum præstare cogitur, sed referre, sicuti etiam aduersarius contentus voluntate suscepti iurisiurandi delationem reuocare poterit, quo casu, perinde, ac si iuratum esset, habebitur, l. 4. & 5. ff. eodem.

Quòd si necessarium: vt iudex in ciuilibus, & arduis, non merè spiritualibus, vel famosis, nec criminalibus (nisi de pecuniaria pœna agatur) vbi neque nihil, neque plenè probatum est, Reo quidem, si vel semiplenè probauit, vel eo nihil probante, Actori, qui semiplenè probauit, vel si, vtriusque probationes sint pares, inspecta personarum qualitate, vt dignior & præstantior præferatur, vel si autoritate & dignitate pares, Reo, cuius partes in sententia ferenda sunt fauorabiliore, nisi causa actoris fauorabilior sit, vel causæ qualitas aliud suadeat, ad petitionem partium ante conclusionem causæ factam, in defectum vel supplementum probationum iuramentum ex officio deferat: & vt is, cui iuramentum hoc suppletorium à iudice delatum fuerit, absque relatione præstet, Dd. in l. admonendi, ff. eod. cap. fin. extr. de purga. gloss. in cap. fin. extr. eod. Quare tradit Mynfingerus in obseruat. 68. centu. 1. Ad hoc, vt deferri possit iuramentum suppletorium, sex coniunctim considerari. Ad eò vt vno ex his deficiente, delationi non sit locus. 1. Quòd semiplenè probatum sit per vnum testem omni exceptione maiorem, & quòd talis semiplena probatio verè, & non præsumptiuè concludat. 2. Quòd ille, cui defertur, sciat verisimiliter veritatem per sensum corporeum. Et ideo non defertur hæredi, cum verisimiliter ignoret negotij veritatem. 3. Vt is, cui defertur, sit honesta persona, & integræ vitæ: quia vili & suspecto de periurio, non defertur. 4. Quòd causa non sit ardua, vel criminalis:

sed modica, & ciuilis. Quòd talis semiplena probatio aliqua præsumptione dilui & eleuari non possit. 6. Quòd tale iuramentum fuerit à partibus petitum, antequàm conclusum sit in causa. Et nota híc, quòd licèt in criminalibus non deferatur iuramentum in supplementum probationis, hoc tamen verum est, si criminaliter agatur. Et in accusatore, non autem in reo verisimilibus coniecturis, & præsumptionibus grauato: hic enim ad ostendendam suam innocentiam iuramento onerari potest, vbi agitur de pœna pecuniaria; Vnde in causa fractæ pacis iuramentum purgationis Reo, contra quem sunt suspiciones, etiam absque noua citatione, & processu, deferri tradit Mynsing. in obseruat. 87. centur. 2.

Est & vsitatum, vt mares per expressionem nominis diuini, erectis duobus digitis, superioribus reliquis depressis: fœminæ autem, imposita manu dextera sinistræ mammillæ, in loco publico, coram iudice iurent.

Quis Finis?

Ne, inopia probationum, alicui ius suum pereat: sed iuramento in locum deficientis probationis suffecto, lites expediantur, teste Caio, qui in l. 1. ff. eod. ait: maximum remedium expediendarum litium in vsum venisse iurisiurandi religionem, qua vel ex pactione ipsorum litigatorum, vel ex autoritate iudicis, deciduntur controuersiæ. Hinc & Apostolus ait: Omnis controuersiæ finem esse iuramentum, cap. etsi Christus, §. Iacobus, extr. eod.

Qui sunt Effectus?

Quòd iuramentum voluntarium, & iudiciale speciem transactionis contineant, maioremque habeant authoritatem, quàm res iudicata, cedantque loco solutionis: Adeò vt causa iureiurando ex consensu vtriusque partis, vel aduersario inferente delato & prælitto, vel remisso, decisa, nec perituri prætextu retractari possit: nisi hoc specialiter lege excipiat. Iurisiurandi enim contempti improba præstatio diuinæ tantum vltioni relinquitur. Et post præstitum iuramentum, amplius non queritur: quia asseueratio iurisiurandi religione firmata, pro veritate habetur. Ideò ei, qui formiter, scilicet causa adiecta, & expressione contractus, ex quo quid sibi deberi contendit, iurauit, datur actio in factum ex iureiurando, vt ex re iudicata, vel etiam utilis ex contractu: licèt, si informiter

mitter iurauerit, vna tantum in factum iuratoria actio, & exceptio iurisiurandi concedatur. Hostiens. tit. de iurament. asserto. §. si quis, Zasius tit. de actionibus, Inst. l. 2. Iurisiurandum, l. nam postea, ff. eodem, l. 1. l. 2. & l. actori, C. de reb. cred. Necessarium autem iuramentum cum non ex litigatorum pactione, sed autoritate iudicis, propter probationum inopiam, deferatur, vim non habet transactionis, vel rei iudicatæ, sed probationis.

Non tamen adeo, quin detecto periurio, vel nouis repetitis instrumentis, retractari non possit, l. eum, & l. admonendi, & ibi Dd. ff. eod. Sunt & alij iuramentorum effectus, qui in l. qui iurasse, ff. eod. & per Iason. in §. item si quis, Inst. de actionibus recensentur.

Qua Cognata?

Fidei promissio, quæ, quo ad promissionis obseruationem, à iuramento non differt. Vtraque enim pars est efficax, sed tantum quo ad pœnam, quæ non pariter fractione fidei, atque iuramento incurritur; Did. Couar. in 1. part. comment. in cap. quamuis, de pactis in 6. Imò, promissio sub fide & dignitate principali à Principe facta iuramento solenniter præstito æquipollet, Mynsing. in obseruat. 17. cent. 1. Affinia etiam sunt, res iudicata, transactio, secundum l. 2. ff. eod. & l. non minorem. C. de transact.

Qua Adiacentia?

Innocentius III. ex Hieremia propheta, cap. 4. colligit, iuramentum tres habere comites, scilicet, veritatem, iudicium, & iustitiam. Veritas hîc ex conscientia iurantis iudicatur. Si enim aliter sciat, quàm ore exprimit, in petiurij crimen incidit. Iudicium intelligitur de discretione & animi deliberatione, quæ in pupillis, furiosis, aliisque mente captis non est: igitur à iurisiurandi præstatione repelluntur. Iustitia accipitur de rebus iustis, licitis, & honestis, extra quas iuramentum præstitum in temerariam & impiam degenerat promissionem, cap. fin. 17. quæst. ult. cap. si quis, 13. quæst. 2. cap. cum quidam, extr. cod. Hostiens. hoc tit. §. quot comites, & Alc. cap. cum contingat, extr. eod.

Qua Pugnantia?

Petiurium, mendacium, imbecillitas intellectus, minor ætas, furor, iniquitas, falsitas, dolus, metus, frequentia iurandi, turpitudô.

AXIOMATA, ET SENTENTIE.

Regulariter in arbitrio iudicis est, ut Actore in probationibus deficiente, si reus grauius sit verisimilibus coniecturis, & presumptionibus, quod ad ostendendam suam innocentiam iuramento onerari possit, c.vlt. §. vlt. extr. cod. & Mysing. obseruat. 89. cent. 2.

Iuramentum suppletorium non deferitur, nisi semiplena probatio verè, vel necessariò concludat, nec sufficit eam presumptionè concludere, Rom. consil. 91. num. 10.

Iuramentum litis decisorium à iudice delatum sine iusta causa recusari non potest: delatum verò à parte licitè recusatur, & refertur, excepta actione famosa, in qua Reo, referre non licet, c. iuramentum, extra cod.

Actore nihil probante, Reus, etiam si nihil prastiterit, obtinebit: presumptione verò faciente pro Reo, deferri potest ad ostendendam suam innocentiam: Nisi iudex inspectis personarum & causæ circumstantiis illud Actori videat deferendum, d. c. fin. §. sanè, extr. cod.

Si mulier iurauit aliquem esse maritum, & succubuit, quia alias probationes non attulit, non datur, nec denegatur ei licentia cum alio contrahendi, c. mulieri, extr. cod.

Iuramentum prastitum super actu à lege infirmato, principaliter fauore iurantis, licet in consequentiam, in fauorem publicum, necessariò est obseruandum, si non vi, dolo, aut metu fuerit extortum, cap. cum contingat, eod. & cap. sicut, eodem.

Non adstringitur quis iuramento adimplendo quod iurauit, si ab alia parte non impletur, cuius respectu prastitum est iuramentum, c. sicut, eod.

Sicut modico vino, propter frequentes infirmitates, uti licet: ita pro re vera, licita, & honesta, necessitate exigente, potest securè iurari, cap. etsi Christus, §. quemadmodum, extr. eodem.

Quedam prohibentur, quia per se mala sunt: ut furtum, adulterium, & c. quedam verò prohibentur ex causa: non quia per se mala sunt, sed quia, si fiant, frequenter, & multum ex his mala sequuntur. Sic iuramentum per se quidem malum non est, cum sit confirmatio veritatis: sed tamen prohibetur ex causa: quoniam ex frequenti, & incauta iuratione periurium sapè contingit, cap. etsi Christus, extr. eod.

Ad iurandum non debet quenquam spontanea voluntas inducere, sed necessitas importuna trahere, dict. cap. etsi Christus.

Quodlibet iuramentum tres comites habere debet, veritatem scilicet, iudicium & iustitiam, d. cap. etsi Christus, §. Iacobus, eod.

Is, qui iuravit cum muliere contrahere, propter superuenientem fornicationem, vel deformitatem, eam repellere potest, propter præcedentem non, cap. quemadmodum, eodem.

Ex causa leui, & temeraria, coniuges, etiam quo ad thorum, & mutuam cohabitationem, se separare non possunt, etiam cum iuramenti interpositione, c. tua, eod.

Omne iuramentum generaliter præstitum, intelligitur omni meliori modo, quo sustineri possit, cap. ad nostram, eod.

Ad liberationem à iuramento per metum extorto, opus est Ecclesiastica absolutione, qua non secuta, seruandum est, si absque interitu salutis aterna seruari possit, c. si verò, & cap. verum in ea, extr. eod.

Vasallus, qui iuramentum fidelitatis superiori prælato præstitit, successoribus iurare non cogitur, c. veritatis, eod.

Veritatis amica est simplicitas, dicto cap. veritatis, extr. eodem.

Crimen ab eo, qui in dignitate constitutus est, tantò grauius est vindicandum, quantò maiore præminet digni-

tate committens. Quia eius exemplo facilius alij poterunt ad similia provocari, c. cum, quidam, extr. eod.

Periurus est, & ab Ecclesia remouendus, qui non necessitate, sed voluntate contra licitum iuramentum venit, c. quere- lam, eod.

Debitor, qui iurauit creditori nullum grauamen super re pignoriata inferre, donec solueris debitum, non auditur re- petens pignus, & volens compensare fructus in sortem: sed debet prius debitum integrum soluere, & postea rem cum fructibus inde perceptis exposcere, cap. ad nostram, extra. eodlem.

Si obiiciens exceptionem iurifurandi, remissi, vel debiti, ex illa exceptione succumbat, nec plenè ante litis contestatio- nem probarit, licet super hoc examinati fuerint testes, nihilo- minùs post litis contestationem, iterum poteris opponi, testef. que rursus examinari, & publicari super eadem, Myns. 14. obser. cent. 4.

DE EXCEPTIONIBVS.

TITVLVS XXV.

Continuatio.

Actoris intentione fundata, solet quandoque Reus con- uentus exceptiones peremptorias, ad excludendum & perimendum id, quod ex narratione facti, & agendi iure Actor in libello concludit. obiicere, l. 2. ff. de exceptio. & præscript.

Quid est Exceptio?

Exceptio, secundum Vlpia. in l. 2. ff. eod. dicitur, quasi quæ- dam exclusio, quæ interponi actioni cuiusque rei solet, ad ex- cludendum id, quod in intentionem, condemnationemve deductum est.

Quæ causa efficiens?

Est ipsa lex, & alia omnia, quæ vicem legis habent. Vnde exceptiones à causa efficiente, diuiduntur in ciuiles & præto- rias,

rias, testante Iustiniano in §. alioqui, Instit. de except.

Quæ sunt exceptiones ciuiles, & pratoria?

Exceptiones ciuiles dicuntur, quæ ex legibus, vel ex iis, quæ vicem legis obtinent, vt sunt, senatusconsultum, plebiscitum, consuetudo, siue statutum, &c. proficiscuntur: vt exceptio Macedoniani, Velleiani senatusconsulti, &c. Pratoriaræ sunt, quæ ex edictis, & ex ipsius prætoris iurisdictione substantiam capiunt, d. §. alioqui. Quæ per multos Pandectarum libros sparsim explicantur, vt exceptio doli, metus, pacti conuenti, &c.

Quæ Materia?

Materia circa quam exceptionum, est, actio de iure competens, vel nullo iure competens, sed de facto tantum intentata, Dd. in l. non exceptionibus, C. eod. Cuius contemplatione exceptiones diuiduntur in exceptiones peremptorias facti, siue intentionis, & exceptiones peremptorias iuris.

Quæ sunt exceptiones peremptoria intentionis?

Sunt, quæ intentionem Actoris experiuntis tantum de facto; cum ei nulla nunc competat actio; (siue antea competierit, siue non) perimunt. Nulla autem Actori competit actio, quando Reus, neque naturaliter, neque ciuilitè agenti obligatus est: vel saltem naturaliter, ex qua tamen non datur actio. Exceptionibus peremptoriis facti, siue intentionis numerantur, rei iudicatæ, transactionis, & iurisiurandi, c. 1. eod. tit. in 6.

Quid est exceptio rei iudicatæ?

Exceptio rei iudicatæ est, quæ competit illi, pro quo antea in eadem causa, super qua nunc conuenitur, lata sententia est, quæ transiit in rem iudicatam. Ea enim, cum, propter auctoritatem iudiciorum, habeatur pro veritate, tollit ciuilem obligationem, etiamsi fuerit iniqua, l. ingenuum, ff. de stat. hominum. Agens igitur, quasi actionis fundamento destitutus, ob ciuilis obligationis extinctionem, ab intentione, per huius exceptionis objectionem, de facto repellitur. Intellige tamen de sententia condemnatoria, quæ transiens in rem iudicatam, producit actionem iudicati in factum, l. actori, C. de rebus cred. ergò multò magis exceptionem producit ei, pro quo sententia lata est. Vt autem hæc rei iudicatæ exceptio competat, tria coniunctim interuenire debent. 1. Vt sententia lata sit à iudice competente, qui habuit ius iudicandi, c. secularis, de for. comp. in 6. 2. Vt sententia sit lata, iuris ordine

ser

seruato, c. cū inter ceteras, extr. de sentent. & re iud. 3. Vt ab ea non fuerit infra decem dies appellatum: vel appellatum quidem, sed instituta appellatio post elapsa fatalia, annum scilicet, vel biennium, prosequendæ appellationi præfixum, & concessum, deferatur. Quæ si interuenerint, tam in ciuilibus, quàm criminalibus competit rei iudicatæ exceptio, c. de his, extr. de accusat. Excepta matrimonij causa, quæ nunquam in rem iudicatam transit, quin, comperta veritate, retractari possit, c. lator, extr. de sent. & re iud.

Quid est exceptio transactionis?

Est, quæ competit contra eum, qui, super causa antea in iudicio, vel extra iudicium transacta, rursus de nouo litem excitat, & actionem instituit, l. fratris, C. de transact. Lites enim, legitimis transactionibus sopitæ, etiam Imperiali rescripto resuscitari non debent, l. causas, C. de transact. Pariter ad hanc exceptionem tria requiruntur. 1. Vt fiat inter personas, quibus transigendi facultas concessa est. Quæ illæ personæ sint, vide supra, de transactio. item vt fiat de rebus licitis, & permissis. 2. Vt fiat bona fide: quoniam replicatio doli, exceptionem transactionis solo, vel metu initæ elidit, & enecat, l. tres fratres, ff. de pactis. 3. Ne fiat post rem iudicatam: transactio enim post rem iudicatam celebrata, iure non subsistit: nisi negetur, vel ignorari possit, an iudicatum sit, l. post rem iudicatam, ff. de transact. Sciendum tamen, quod iure ciuili intersit, an transactio per Aquilianam stipulationem, an per nudum pactum, facta sit. Nam si per nudum pactum: exceptio transactionis non dicitur exceptio intentionis, vel facti: sed iuris. Ratio est: Quia Actori de iure adhuc competit prior actio, quam transactio per pactum celebrata, penitus enecare non potuit. Cū pactum sit conuentio iuris gentium, quæ actionem iuris ciuilis non tollit, vt notant Dd. in l. cū proponas, ff. de transact. Quod si autem Aquiliana stipulatio addita fuerit, vel acceptilatio, quæ dicitur esse ciuilis solutio, perimens omnem obligationem, tunc hæc exceptio transactionis, intentionis & facti dicitur: quia hoc casu Actor agens ad ea, quæ transactione sunt sopita, de facto experitur: ius tamen Canonicum approbans nuda pacta ad constituendum actionis ius, hanc distinctionem celebratæ transactionis per Aquilianam stipulationem, & nudum pactum non curat, neque approbat, cap. 1. extr. de litis contest. vbi gloss. & Dd. in ver. finit r.

Quid

Quid est exceptio Iurisiurandi?

Iurisiurandi exceptio est, quæ datur contra eum, qui illius negotij, cuius controuersia à se delati, vel relati iurisiurandi præstatione sopita, & transacta est, nouam questionem refricare intendit. Iuramento enim, aduersario deferente, vel referente, in iudicio, vel extra iudicium præstito, tantum quæritur an iuratum sit, nec alia quæstio admittitur, non erit, §. dato, ff. de iureiuran. Quod intellige de iuramento voluntario & iudiciali. Illa enim cum ex conventionione partium originem trahant, vim habent transactionis, maioremque auctoritatem, quam res iudicata. l. 2. ff. de iureiur. Nec quid impedit, quò minus hæc duæ iuramentorum species, sicuti & res iudicata, & transactio civilem obligationem tollere, atque pari ratione exceptio ex illis proficiens litis finitæ impediens litis ingressum intelligatur: eius enim gratia ex litigatorum pactione defertur, & præstatur iuramentum, ut liti finis imponatur: ita ut non insecus Innocentius III. in c. et si Christus, §. Iacobus, extr. de iureiur. dixerit: Omnis controuersie finem esse iuramentum. Quod de iuramento necessario, iudicis auctoritate, in defectum vel supplementum probationum, delato, accipi non potest: illud enim vim decisionis, vel transactionis non habet, sed probationis, aduersus quam in contrarium admittitur probatio, l. admonendi, ff. de iureiur. Et licet ex solo tali iuramento loco probationis deficientis præstito feratur sententia, per lapsum fatalium, transiens in rem iudicatam, & postea eandem controuersiam velit resciscitare aduersarius, non tam iurisiurandi, quam rei iudicatæ exceptione ab intentione sua remouetur, &c.

Et hæc tres exceptiones, si in vim dilatoriæ, ante litis contestationem obiciantur, & probentur, dilatoriæ: Si autem in vim peremptoriæ, post litis contestatam opponantur, peremptoriæ dicuntur. Nec alium tunc effectum, quam aliæ peremptoriæ iuris, producant, Canonistæ in c. exceptionem, extr. cod.

Quæ exceptiones peremptoriæ iuris dicuntur?

Exceptiones peremptoriæ iuris dicuntur, quibus eliditur actio illius, cui competit quidem actio de iure, sed non cum effectu actionis. Quod contingit, quando Reus non est naturaliter obligatus Actori, sed tantum civiliter. Hoc enim casu, licet civilis obligatio pariat actionem, illa tamen per exceptionis obligationem ita enervatur, ut exigendi effectum habere non possit. Quamquam plurimæ recen-

sen

feri possunt. Sunt enim rei iudicatæ, ex sententia absolutoria, doli mali, quod metus causa, erroris, non numeratæ pecuniæ, pacti de non petendo, &c.

Quæ Exceptio rei iudicatæ dicitur peremptoria iuris?

Exceptio rei iudicatæ dicitur peremptoria iuris, quæ manat ex sententia, qua Reus conuentus liberatur definitiue ab actione, eò quòd Actor intentionem suam probare non potuerit. Hoc enim casu, licet, ob iudiciorum authoritatem, tollatur ciuilis obligatio: remanet tamen, ob consensum, quem conuictus sententiæ latæ præbere non præsumitur, naturalis, ex qua, ob defectum probationum, victo competit actio, quæ contra reum, denuò intentata, per exceptionem rei iudicatæ eliditur. Sed quomodo ex naturali tantum obligatione dari potest actio, ciuili obligatione, quæ tantum actionem producere dicitur, sublata? Respondet Bart. in l. Iulianus, ver. secundo, ff. de condict. indeb. quem sequuntur ibi Paul. Ias. & alij: Licet naturalis per se ad producendam actionem inefficax sit, ad conseruandum tamen, ex coniunctione naturalis & ciuilis productam obligationem, proderit. Sicuti scemella viro non mixta, licet non pariat, potest tamen ex coniunctione viri partum conceptum etiam absque viro conseruare. Ideò pari ratione hoc casu, naturali obligatione remanente tantum, quæ ciuili coniuncta fuit, ex coniunctione producta actio conseruari potuit: cui tamen exceptio rei iudicatæ, quæ ob id non peremptoria facti, siue intentionis; sed iuris dicitur, obstare potest. Tamen aduerte, quod hoc verum sit, si ex illa causa, ex qua antea actum est, agatur: si autem ex alia causa, ad eandem rem actio instituatur, non obstabit rei iudicatæ exceptio: illud enim canonicum est: Si, assignata remota causa, vel in rem, vel in personam, agens succubuit, non obesse rei iudicatæ exceptionem, quò minus denuò ex alia causa rem eandem petat, l. de eo, ff. ad exhib. l. hæreditas, C. de petit. hæred. Quòd si agens actione in rem, remotam non expresserit causam: sed tantum proximam, id est, dominium, omne ius suum in iudicium deduxisse videtur: ideò si reus absoluat, obstabit actori rei iudicatæ exceptio, l. & eandem, §. actiones, ff. de except. rei iud. (Quæ verò sit causa remota, vel proxima in actione personali & reali vide latius suprâ, titu. de libel. oblat.) In qua, si Reus, Actore non probante, absoluat, obstabit eidem iterum agenti exceptio rei iudicatæ peremptoria iuris, non facti,

nisi

nisi pronuntietur, ipsum quoque esse dominum. Hoc enim casu, si Actor non appellet, præsumitur consentire, ut penes Reum dominium permaneat: per quem consensum naturalis obligatio etiam tollitur, ita ut ne reliquæ quidem prioris institutæ actionis remanere videantur. Sed nonne pari ratione, si Reus simpliciter absoluitur, videtur Actor in iudicatum consentire non appellando? Respondeo, quod sic, quatenus tale iudicatum est: absolutoria autem sententia simplex non omnino admittit Actori ius suum, sed ab impetitione liberat conuentum Reum. Ergo naturalis obligatio, quæ summæ æquitati subnixa est, adhuc durare intelligitur: submouetur autem Actor denuo agens exceptione rei iudicatæ, quæ naturali obligationi ad autoritatem publicam, cui iudicia in-
nituntur, in dubio praualeat.

Quid est Exceptio doli mali?

Exceptio doli mali est, ius, quo submouetur intentio eius, qui petit id, quod illi, ratione adhibiti doli, promissum est. Promissio enim cum iuris vinculum contineat, civilem obligationem inducit: licet per adhibitionem doli, naturalis obligatio impediatur: ideo actio ex civili obligatione proficiscens, exceptione eliditur. Distingue tamen circa contractus. Aut dolus dat causam contractui bonæ fidei, in qua concitatus amoris instinctus, bonæ fidei exuberantia, summaque æquitatis ratio, nihil fraudis admittit: Et tunc ipso iure nullus est contractus, nec rescissione indiget, ut in societatis iudicio, & arbitrio rei uxoriæ, l. 3. ff. pro socio, & l. si mulier, §. si dos, ff. quod metus causa. Aut dat causam aliis modis contractibus bonæ fidei, & stricti iuris, vel incidenter venit in contractum bonæ fidei, vel stricti iuris: & contractus ipso iure quidem subsistit, sed per exceptionem, vel doli actionem rescinditur, l. 1. ff. de except. l. dolo, C. de dolo, & l. eleganter, ff. de dolo. Licet contractus bonæ fidei, etiam ob dolum, per actionem ex ipsius contractus natura proficiscentem, rescindatur, l. si dolo, l. dolus. C. de rescind. vend. & l. Iulianus, §. per contrarium, ff. de act. emp. & vend.

Quid est Exceptio, Quod metus causa?

Exceptio, quod metus causa, est, qua repellitur Actor petens quod metu extorsit, nondum facta traditione, l. si donationis, C. de his, quæ vi, metuque causa, &c. Metus enim, qui in constantem virum cadere potest: ut metus mortis, cruciatus corporis, capitalium minarum, potentiæ, &c. naturalem

obligationem, ob defectum consensus impedit: licet, ob aliqualem factæ promissioni accommodatum consensum, producat civilem, per hanc exceptionem, Quod metus causa, elidendam, l. fin. C. de his, quæ vi, metusque causa, & l. si mulier, ff. cod.

Quid est Exceptio erroris?

Exceptio erroris est, quæ datur illi, qui promisit, quod credidit se debere, cum non deberet: obligatur enim civiliter, propter promissionem. Cum autem error impediatur consensum, naturalis obligatio, ad firmandum promissionis ius, produci non potuit, l. si per errorem, ff. de iurisdic. omnium iudicum.

Quid est Exceptio pacti, De non petendo?

Exceptio pacti, De non petendo, est, quæ competit contra eum, qui, per pactum, se non petiturum promisit. Quæ idcirco elidit actionem iuris, quia per pactum, De non petendo, eliditur tantum naturalis obligatio, remanente civili. Sicuti enim nudum pactum non parit efficacem obligationem ad agendum, ita quoque non potest eam tollere ipso iure, sed exceptionis æquitate, l. iuris gentium, ff. de pact. Fallit tamen in omnibus contractibus, qui consensu contrahuntur. Quia illæ obligationes, nudo consensu, re integra, tolluntur. Secundo in actionibus famosis, ex maleficiis descendentes: ut, furti, iniuriarum, & similium; illis enim casibus per pactum, obligationes & actiones tolluntur. Notæ etiam, quod hæc exceptio pacti, De non petendo, elidatur: non quidem ipso iure, sicuti stipulationes stipulationibus tolluntur, sed replicationis ope. In illis enim ius, in his factum, versatur, l. si vnus, §. pactus, ff. de pactis. Sunt & aliæ facti, & iuris exceptiones: ut putà, præscriptionis, solutionis, acceptilationis, compensationis, deceptionis vitra dimidium, quæ suo loco explicantur.

Quæ Forma Exceptionum?

Forma exceptionum certa præscribi non potest: sufficit enim, simplici facti narratione, in scriptis, vel sine scriptura, in iudicio, coram iudice, ante vel post litis contestationem, (prout obiectæ exceptionis conditio requirit) ipsum exceptionis ius explicare. Modus autem proponendi, & tempus, quo opponi debent, hic consideranda sunt. Proponuntur enim quædam exceptiones in modum actionis; velut, simulationis contractus, non numeratæ pecuniæ, &c. Quæ & excipiendo, sicuti omnes aliæ exceptiones, opponi possunt.

possunt. Et licet illæ ad certum tempus, infra quod obii-
ciendæ, restringantur, sunt tamen omnes penè exceptiones ex va-
riis causis proficiscentes perpetuæ; etiam si actio, cui obii-
citur, annalis sit: quia quæ annua sunt ad agendum, perpetua
sunt ad excipiendum, l. quæsitum, ff. de peculio. Ratio est,
quia Actori liberum est, quando suo iure uti velit; quod non
conceditur Reo, qui de tempore, quo conveniri possit, in-
certus est, l. 3. §. ult. ff. de doli except. Excipiuntur exceptio-
nes dilatorix cum illis, quibus ipsa lex, & pactio hominis,
utendi modum, & opponendi tempus præscribunt. Nam li-
cet pluribus uti exceptionibus de iure competentibus, & una
omissa, vel non probata, ad aliam redire nemo prohibeatur, l.
nemo, ff. eod. Tamen non omnes vno tempore, vel ad vnum
effectum proponuntur. Opponuntur enim in vim perempto-
rix: quædam post litis contestationem: quæ si ante litem con-
testatam obiiicerentur, litis ingressum impedirent: ut sunt
omnes exceptiones peremptoriæ facti, siue intentionis, vel
litis finitæ. Quæ quidem si in vim dilatorix opponuntur, an-
te litis contestationem incontinenti probandæ sunt, vel litis
ingressum impediunt: Si verò in vim peremptoriæ, obii-
ci post litis contestationem possunt, & probari, cum aduersa-
rius intentionem suam probando fundavit, l. fin. C. de except.
& ibi Dd. Bald. in l. edicto, C. de edict. diui Adria. toll. & cap. 1.
extra. de litis contest. Exceptiones peremptoriæ iuris oppo-
nuntur, & probantur ante sententiam, non autem post sen-
tentiam, l. peremptorias, C. sententiam rescindi non posse.
Ni; ex quodam privilegio, hoc concedatur: ut si sententia
contra minorem, militem, vel mulierem, esset lata: specia-
liter lege sancitum sit, ut de exceptione falsi procuratoris,
nullitatis processus, & similibus. Exceptio non numeratæ pe-
cuniæ intra biennium opponitur: exceptio ex epistola diui
Adriani, & excommunicationis ante, vel post litis contesta-
tionem. Dilatorix verò pleræque ante litem contestatam
sunt opponendæ & probandæ, ad quas proponendas potest,
imò debet, iudex terminum assignare, ultra quem excipere
volens non auditur; nisi ante terminum de pluribus propo-
nendis fuerit protestatus, vel aliqua forte de nouo compe-
tens sibi exorta fuerit, vel fidem faciat iuramento, se post-
modum ad illius notitiam pervenisse, cap. pastoralis, extra.
eod. Quòd quidem verum est, non tantum de dilatoriis iu-
dicii, sed etiam de dilatoriis actionis, vel causæ, de qua agi-
tur: ut est exceptio pacti, De non petendo intra certum tem-

pus, exceptio executionis in persona ante lapsum quatuor mensium, &c. Nam & hæc initio ante litis contestationem opponi possunt: probari autem eas, priusquam Actor intentionem suam fundaverit, non est necesse, l. exceptionem, C. de probat. & ibi Dd. Declinatoriæ denique exceptiones proponi debent initio litis, non modò ante litis contestationem, sed ante reliquas exceptiones, quæ ex variis causis competere possunt, quoniam iis omissis, si procedat Reus, in tale iudicium consensisse, & iudicem approbasse videtur. Quare & recusationis exceptio, qua iudex ob suspicionem recusatur, primò omnium obici debet, cap. quoniam, extra. de probat. & gloss. in cap. 4. extra. eod.

Ex his omnibus patet, varias esse exceptionum divisiones: Quædam enim sunt temporales, quædam perpetuæ, quædam reales, quædam personales, quædam transitorie, quædam non transitorie in hæredes, &c.

Quis Finis, & Effectus?

Quòd exceptiones peremptoriæ facti in vim dilatoria- rum obiectæ impediunt litis ingressum; post litem autem contestatam, in vim peremptoriarum oppositæ, perimant intentionem Actoris: Reliquæ omnes exceptiones vel perimant actionem, vel differant, vel mutant iudicium. Hinc generalis illa divisio exceptionum, quam Caius in l. 3. ff. eod. ponit, desumitur: Quòd quædam exceptiones sint dilatoria, siue temporales, quædam peremptoriæ. Sed cum de peremptoriis satis, superque dictum sit, nunc quic dilatoriæ, & ex quibus causis desumantur, videamus.

Quæ dilatoria Exceptiones dicuntur, & quotuplices?

Dilatoriæ exceptiones, dicuntur & temporales, quia ad tempus tantum nocent, & actionem in tempus differunt, l. 3. ff. eod. Et sunt duplices: quædam declinatoriæ iudicii, quædam dilatoriæ intentionis.

Quæ sunt declinatoriæ iudicii, & ex quibus causis colliguntur?

Declinatoriæ iudicii dicuntur, quæ, mutandi fori causa, obiciuntur, & colliguntur ex multis causis. 1. Ratione iudicis: quòd sit incompetens, suspectus, bannitus, infamis, furiosus, mutus, surdus, minor, mulier, hæreticus, Iudæus, Specul. in tit. de iudic. deleg. §. excipi potest. 2. Ex persona Actoris: ut quia prodigus, furiosus, mutus, surdus, infans, minor volens agere

agere sine tutoris auctoritate, Specul. tit. de actore, qui plures ponit. 3. Ex persona Rei: vt quia Doctor iuris, Medicus, artium liberalium professor: qui inuiti cogi non possunt esse in iudicio, clericus conuentus coram laico, parens, patronus, consul, vel persona in dignitate constituta, & conuenitur absque venia iudicis, Specul. tit. de Reo. 4. Ex persona procuratoris, quod sit mente captus, mutus, surdus, redemptor litium, accusatus de crimine, nec purgatus, minor, mulier, Specul. de procuratoribus. 5. Ex rescripto: vt quia est falsum, surreptitium, cancellatum, rasum, Specul. tit. de rescript. qui multo plures ponit excipiendi causas. 6. Ex tempore: vt quia citatus ad diem feriatum, vel tempore messis, vel vindemiarium, tot. tit. C. de feriis. 7. Ex loco: vt quia locus non est tutus, propter incursum hostium, vel latronum, vel grassantem pestem. 8. Ex causa: vt quia quis conuenitur super pluribus actionibus personalibus, coram diuersis iudicibus, capit. dispendia, extra. de rescript. 9. Colliguntur ex libello: vt quia defectus est in solennitate, vel sit obscurus in personali, non expressa causa agendi, vel non cõcludat, tot. tit. de libel. oblat.

Quæ sunt exceptiones dilatoria intentionis?

Sunt illæ, quæ negotium, vel causam principalem in certum tempus, vel pro parte, vel in totum, differunt. Et hæ exceptiones etiam ex multis causis proficiuntur. Primò ex legis dispositione: quando videlicet lex non statim, sed certo tempore solutionem fieri statuit: vt est in condemnato in actione personali, qui non tenetur iudicatum soluere ante lapsum quatuor mensium, l. 2. ff. de re iud. Item, quando vxor, vel eius hæredes soluto matrimonio, repetunt dotem, non tenetur maritus reddere ante annum à die soluti matrimonij computandum res immobiles, l. vnica, C. de rei vx. act. Huc quoque referendæ sunt exceptiones, quibus quidem se defendunt à solutione solidi: quales sunt dominus & pater, quando conueniuntur de peculio filij, & serui. 2. Maritus quando vxor repetit dotem. 3. Parens & patronus, quando conueniuntur à filiis, & libertis. 4. Quando agit socius cum socio. 5. Si quis conuenitur ex sua donatione. 6. Is, qui cessit bonis. Nam illi omnes habent exceptionem ex dispositione legis, qua se defendunt, ne teneantur soluere solidum, sed quantum facere possunt. Et sic differtur solutio pro parte, leg. sunt qui, ff. de re iudic. Speculat. in tit. de except. nunc videndum.

Secundò, oriuntur ex conventione partium; vt si tibi promisi in diem, & tu petis statim, l. continuus, §. cum ita, ff. de verb. oblig. Vel, quia ab initio purè obligatus eras, & postea feci tibi pactum, De non petendo vsque ad certum tempus, l. 3. §. temporales, ff. cod.

Que Cognata?

Actio legis diffamari, duplicatio, quadruplicatio, (quia excipiendo proponuntur) reconuentio.

Que Adiacentia?

Naturalis æquitas, cui exceptio, quæ speciem defensionis habet, subnixa est, protestationes, contestationes, exercitium de iure competentis exceptionis. Quia super ea si non legitime proponatur, iudex cognoscere solet.

Que Pugnancia?

Replicatio: quia sicuti exceptio actionem, ita replicatio exceptionem excludit: triplicatio, quintuplicatio; ultra tamen quadruplicaciones in benè institutis iudiciis vnā exceptionem protendi non permittitur; statutum & consuetudo, quæ tales vel tales exceptiones proponi prohibent, pactum, De non petendo, aliæque iure licite conventiones partium, quibus exceptiones tolluntur: omnesque exceptiones, quibus, falsum, iniquum & absurdum asseritur. Non enim hæ exceptiones, sed allegationes illicitæ & improbæ, dicendæ sunt.

AXIOMATA, ET SENTENTIÆ.

De attentato post appellationem, etiam ab interlocutoria, non est necesse rescriptio facere mentionem, cap. dilecta, extra. eodem.

Replicatio excludit exceptionem, cap. dilecti, eod.

Excipiens non videtur fateri ea, quæ exceptione includuntur, cap. cum venerabilis, extr. eod.

Excommunicatus, excipere appellare, & omnem defensionem facere potest: sed reconuenire non potest, cap. cum inter, extra. eod.

Iudex statuere debet terminum ad omnes dilatorias proponendas, post quem excipientem non audiet: nisi de ea proponenda fuerit protestatus, vel aliqua de nouo sibi competens

exorta fuerit: vel is, qui voluerit eam opponere, fidem faciat iuramento, se postmodum ad illius notitiam peruenisse, cap. pastoralis, extr. eod.

Periculosum est coram suspecto iudice litigare, cap. cum inter, extra. eodem.

Iudicium non debet claudicare: nec Reus multoties condemnandus, d. cap. cum inter, eod.

Exceptio ex conditio, qua modo eximit Reum à damnatione, modo minuit damnationem, l. antepen. ff. eod.

Exceptiones peremptoria facti si in ingressu litis opponuntur, non ad merita causæ, sed ad litis ingressum, impediunt litis contestationem.

Nemo prohibetur vii pluribus exceptionibus, quamuis diuersa sint: quare una omissa, vel non probata, ad aliam redire potest, l. nemo, ff. eod.

Non utique existimatur confiteri de intentione aduersarii, cum quo agitur, qui exceptione vititur, l. non utique, ff. eod.

Omnes exceptiones, quæ Reo competunt, fideiussori quoque, etiam inuito Reo, competunt, l. omnes, & l. exceptiones, ff. eodem.

Exceptiones, quæ persona cuiusque coherent, non transeunt ad heredes, l. exceptiones, eod.

Replicatio est contraria exceptio, quasi exceptionis exceptio, l. exceptio, eodem.

Generaliter in praiudiciis Actoris partes sustinet qui habet intentionem secundum id, quod intendit, l. generaliter, eodem.

Exceptiones opponuntur, aut quia factum sit, quod fieri oportet: aut quia factum sit, quod fieri non oportuit: aut quia factum non sit, quod fieri oportuit, l. exceptiones, eod.

Rei iudicata exceptio non obstat quin instrumenti falsitas probari possit, l. qui ad genus, eod.

Ea, quæ sunt ad agendum annua, vel temporalia, sunt ad excipiendum perpetua, l. 4. C. qui admitti, & c.

Non tenetur reus suam exceptionem probare, antequam Actor suam intentionem implenerit, vel eam confessus fuerit Reus. l. exceptionem, C. de probat.

Agere etiam is videtur, qui exceptione utitur: nam Reus in exceptione Actor est. l. i. ff. eodem.

DISCORDANTIA IVRIS CIVILIS, ET PONTIFICII.

Legista peremptoria obiectu litem putant contestari, Bald. l. i. C. de litis contest. Canonista negant, nisi inficiando contestetur, cap. 2. exir. de litis contest.

Exceptionem temporalem, ut est exceptio non numerata pecunia, perpetuam esse ex aequitate putant Canonista, Dyn. cap. locupletari, in 6. de reg. iuris. Legista negant.

DE PRÆSCRIPTIONIBVS.

TITVLVS XXVI.

Continuatio.

Licet præscriptiones, pro exceptionibus in vim dilatoria. am obiectis promiscuè vsurpentur, est tamen præscriptio exceptio causam ex tempore trahens, qua Actoris intentio, quandoque perimitur.

Quid est Præscriptio?

Præscriptio est, ius quoddam ex tempore continuæ possessionis rerum mobilium & immobilium, aliquando dominij utilis, aliquando actionis utilis, aliquando legitimæ exceptionis causam tribuens, 1 6. quæst. 3. Hostiens. tit. de præscript. rerum immobilium. Vel: præscriptio est ius quoddam ex tempore congruens, legum autoritate vim capiens, negligentibus poenam inferens, & finem litibus inponens, quæ duæ definitiones à fine, & effectu sunt desumptæ, Panorm. & Ioannes Andr. in cap. possessor, de reg. iur. in 6.

Quotuplex Præscriptio?

Præscriptionum, alia temporalis, alia perpetua est. Temporales

porales præscriptiones à varietate materiæ variz defumuntur, & dicuntur vel horarum, vel mensium, vel annorum: longior tamen 25. annos non transcendit: quas vide in Host. §. quot sunt eius species, tit. de præscri. Perpetuam alia, est 30. vel 40. annorum, l. 6. q. 3. §. potest, c. sanctimonialis, l. 2. q. 1. quibus omnes actiones, item pignus à tertio quodam possessum, res furtiuæ, de iure ciuili, & de iure Canonico Ecclesiæ priuilegia præscribuntur, l. omnes, C. de præscr. 30. vel 40. annor. c. si de terra, & c. accedentibus, extr. de priuil. & excess. & c. Et hæc præscriptiones dicuntur longissimi temporis. Dicitur etiam præscriptio tanti temporis, cuius initij memoria non extat, perpetua: quia imperium, iurisdictio, vectigalia, ius collectandi pædagia, & alia regalia præscribuntur, c. super quibusdam, extr. de verb. sign. & ibi Canonistæ: Etiam seruitutes causam discontinuam habentes, quæ sine facto hominis non consistunt. Perpetua etiam dicitur præscriptio 100. annorum, quæ specialiter soli Romani Ecclesiæ concessa est ab Innocentio III. qui asserit, in iuribus ad Romanam Ecclesiam spectantibus currere solam centenariam præscriptionem, c. ad audientiam, extr. eod. Quod ita accipiendum est, si priuatus contra Romanam Ecclesiam in aliquod præscribere præsumat: aliàs enim Ecclesia contra priuilegia alterius Ecclesiæ 30. vel 40. annorum spatio præscribit, d. c. de terra, & c. accedentibus, extr. de priuil. & excess.

Quæ est causa Efficiens?

Est lex ciuilis causam fundatam habens in iure naturali, iubente humanam societatem in tuto esse constituendam, & conseruandam: quod fieri non posset, si non certi fines litium sopiendarum essent constituti. Inquit enim Caius in l. 1. ff. de vsucap. Bono publico vsucapionem esse introductam, ne scilicet quarundam rerum diu, & ferè semper incerta dominia essent, cum sufficeret dominis ad inquirendas res suas statuti temporis spatium. Et licet textus loquatur de vsucapione, quæ propriè rerum mobilium est: tamen cum, generaliter accepto vocabulo vsucapionis, præscriptionem etiam contineat, dubium non est, quin relata in tit. De vsuc. ad præscriptionem, nisi eius naturæ repugnent, transferri possint, & c.

Quod est Obiectum?

Res mobiles, immobiles, corporales, & incorporales: vt sunt iurisdictiones, iura seruitutum, actiones, aliæque, quæ vel iure, vel corpore consistunt: nisi humanis visibus, & commercio sint

exempta: vt sunt res sacrae, religioſae, ſanctae, liber homo, ſpiritualia, cap. cauſam, extr. eod. gloſſ. in cap. 2. ad verb. iura, extr. de reb. Eccleſ. non alienand. l. ait prætor, §. 1. ff. de iure dot. Aduerte tamen, quòd hoc obtineat, ſi præſcriptionis vocabulum generaliter accipiat, & ratione effectus: vt propter rem mobilem præſcriptam, vel res incorporales longiſſimo tempore, & cuius initij memoria non extat quaſi poſſeſſas, competat præſcriptionis exceptio, iuri tamen offerendi, luendi, & aliis, quæ ſunt mera facultatis, ne quidem triginta annis præſcribitur, Mynſ. obſer. l. 6. cent. 1.

Quæ Forma?

Vt præſcribens rem, quæ præſcribi, & poſſideri poſſit, bona fide, & iuſto titulo per continuationem temporis lege definiti ſuo nomine poſſideat. Ex quibus apparet, quæ ad præſcriptionem inducendam requirantur; requiritur enim primò, vt res præſcribi poſſit. 2. Bona fides. 3. Titulus iuſtus. 4. Continuatio poſſeſſionis per tempus lege definitum. 5. Vt poſſeſſio, non alieno, ſed ſuo nomine, contingat.

Quæ res dicitur præſcriptibilis?

Res præſcriptibilis dicitur, quæ non eſt commercio, & humanis vſibus exempta, & quæ poſſideri poteſt, vel quæ non eſt vitioſa. Nam quæ poſſideri non poſſunt, non præſcribuntur: cum præſcriptio abſque poſſeſſione non inducatur, c. ſine poſſeſſione, in 6. tit. de reg. iur. Non autem poſſidentur, quibus impoſſibilitas vel iuris, vel facti obſtat. Impoſſibilitas facti, eſt in illis rebus, quæ per rerum naturam non exiſtunt: vel exiſtunt quidem, ſed in dominium noſtrum adduci non poſſunt: vt ſunt res, quæ mari ſunt demerſæ, & ſimiles. Iuris impoſſibilitas, poſſeſſioni obſtare dicitur, ſi res vetita legibus poſſideatur: quæ enim legibus prohibita ſunt, illa nos non noſſe, exiſtimandum eſt: vt ſi res ſacræ, ſanctæ, religioſæ poſſiderentur; in his enim fauor religionis iuris impoſſibilitatem, quoad poſſeſſionem, inducit: quod tamen intellige quoad laicos. Quoniam clerici, ſicuti eas poſſidere, ita præſcribere poſſunt, cap. cauſam, extr. eod. & per totum, l. 6. quaſti. 3. Res autem furtiua, & vi poſſeſſæ, licet poſſideantur, tamen ob vitium furti, vel violentiæ, quo affectæ ſunt, non præſcribuntur, niſi longiſſimi temporis vſu illud purgatum fuerit: quod quidem iure ciuili ſtatuitur: iure autem Canonico poſſeſſor rei alienæ ſibi conſcius nunquam præſcribet, c. ſin. extr. de præſcript.

Quid

Quid bona Fides?

Bona fides est, vt gloss. notat in cap. si diligenti, extr.cod. credulitas, qua quis putat tradentem esse dominum, vel habere ius distrahendi, licet erret in facto. Cui opponitur mala fides: quam dicitur ille habere qui scit, eum, à quo rem comparat, dominum non fuisse, vel eius distrahendæ potestatem non habere, vel alienationem & possessionem legibus esse prohibitam, Dyn.c. possessor, in 6. de regul. iur. Quo autem tempore bona fides ad præscriptionem requiratur, quaritur. Et distinguendum est inter ius ciuile & Pontificium. Ius enim ciuile possessionem bona fide incæptam, licet postea mala fides superueniat, vel eius, qui incæpit, vel vniuersalis successoris, sufficientem ad inducendam præscriptionem constituit. Quod quidem verum est in successore vniuersali, & hærede, & bonorum possessore; non autem successore singulari: vt venditore, emptore, permutatore, donatore & donatario, &c. inter eos enim, licet continuatio temporum ad complendam præscriptionem proficiat, tamen vtriusque bona fides requiritur. Ratio diuersitatis fundatur in fictione iuris: qua vniuersalis successor eadem persona cum defuncto reputatur, quæ fictio in singulari successione locum sibi non vindicat. Exempli gratia: Titius prædium à Seio, quem putat verum esse dominum, soluto iusto pretio, comparat; (Ecce bona fides:) Titius moritur post præscriptionis incæptionem elapso triennio, relicto hærede Caio, qui venditorem prædij distracti dominum non esse scit, (Ecce mala fides in successore vniuersali) adita hæreditate prædium per septennij spatium possidet: an tempora, scilicet triennium defuncti, & septennium hæredis, ad constituendum tempus præscriptionis inducendæ definitum continuentur, nec obfit tanto tempore hæredis mala fides præscriptionis vigori? Leges ciuiles continuari tempora, nec malam fidem postea superuenientem impedimento præscriptioni esse, statuunt: initium enim præscriptionis inspicitur, quod si mala fide careat, præscriptionem inducit; si verò non careat, & defunctus notitiam rei alienæ habuerit, vel contra leges, & dolo malo, sciens rem comparauerit, hæredis etiam bona fides ad implendam malè cæptam præscriptionem, non proficit: nisi à se præscriptio incæpta, & legitimo tempore completa fuerit. Si verò Titius, post triennium adhuc superstes prædium vendat, Titij bona fides emptori ad perficiendam præscriptionem

nihil

nihil prodest: Nisi & is rem alienam esse ignoret, & sic bonam fidem habeat. Hoc enim casu continuatio temporum, & possessionum accessio fiet, proficietque triennalis possessio ad præscriptionis inductionem ipsi emptori, §. inter venditorem; Inst. de vsuc. & longi temp. præscr. & §. diutina, eod.

Ius autem Canonicum in possessore quolibet tempore bonam fidem requirit, donec præscriptio compleatur. Et ideo quocunque tempore mala fides supetueniat, ante completam præscriptionem, interruptitur præscriptio. Quod etiam in huiusmodi causis decidendis observari debet: dubium enim non est, quod quiuis, qui sciens rem alienam possidet, se peccatis aggrauet, cum non tantum furta, direptiones, & alia, quæ damno proximi cedant, lex diuina prohibeat, sed etiam aliena restituenda præcipiat: possessor igitur male fidei iuxta Bonifacii VIII. regulam, nullo vnquam tempore præscribit, cap. possessor, de reg. iur. in 6. & c. si diligenti, extr. de præscriptionibus. Quod & Innocentius III. tam in Canonica, quam civili præscriptione statuit, c. fin. extr. eod.

Quid est Titulus?

Sola bona fides non sufficit ad præscriptionem, sed requiritur etiam iustus titulus: quia, sicuti ex temporis tractu non tollitur, ita etiam non constituitur aliquod ius, l. obligationum, ff. de act. & oblig. c. dudum, extr. de decimis. Est autem titulus causa, seu modus ad transferendum dominium habilis. Quorum quosdam iure gentium, quosdam iure civili introductos docet Iustinianus in §. singulorum, Inst. de rerum diuisione: ut sunt, pro derelicto, pro suo, pro soluto, pro emptore, pro transfacto, pro hærede, pro donato, pro legato, pro dote. Titulum, pro suo, Vlpianus generalem constituit in l. 1. ff. pro suo: Paulus autem specialē, l. 2. ff. Pro suo. Generalis est, qui cum omnibus aliis iuris civilis titulis concurrat: Nam qui, pro emptore, legato, donato, vel alio titulo possidet, pro suo, etiam possidet, d. l. 1. Specialis autem titulus, Pro suo dicitur, iuris gentiū modus, quo possidemus omnia, quæ mari, terra, cælo capimus, aut quæ alluione fluminum, nostra fiunt: item, quæ ex rebus alieno nomine possessis nata possidemus: & quotiescunque alius titulus deficit, Pro suo quis possidere dicitur: quare partus hæreditariæ, aut emptæ ancillæ, similiter fructus rei emptæ, aut donatæ, Pro suo, possideri dicuntur, d. l. 2. ff. pro suo. Quia in illis alius titulus possidendi non habetur. Titulus, Pro derelicto, dicitur, quando res mea ab alio, qui credebatur do-

minus

minus possideretur: eaque ab ipso possessore, Pro derelicto habita, à tertio, qui ipsum credebatur esse dominum, possideretur, qui eam, Pro derelicto, iuris titulo acquirere potest, etiam si, à quo derelicta sit, ignoret. Res enim, pro derelicto habita, statim domini esse desinit, & occupantis sit, si eam apprehendat: quia iisdem modis res desinunt esse nostræ, quibus acquiruntur, l. 1. & l. id quod, ff. Pro derelicto. Quod si autem non apprehendatur, nullius esse dicitur. Nam, licet iuxta opinionem Iuliani, quæ Proculi sententiæ prævaluit, res, pro derelicto habita, desinat omitti etiam esse: non tamen alterius sit, nisi possessa fuerit, l. pro derelicto, ff. eodem. Titulus, Pro soluto, proficit præscriptioni inducendæ, cum uterque, & solvens, & is, cui soluitur, iusto errore ducti, putant debitum esse, cum tamen non sit: & hoc verum est, siue causa debiti sit, siue non sit, vel sua res ex nulla, vel aliena ex iusta causa præcedente, credente eo, qui accipit, tradentem, rei alienæ, & traditæ esse dominum, tradatur, tamen ex causa emptionis tradens rem, cum emptio nulla præcesserit, non inducitur vsucapio. Ratio diuersitatis est: quia in aliis contractibus vnum tantum tempus, scilicet solutionis, seu traditionis, inspicitur; sed in emptione duo tempora, videlicet contractus & solutionis, attenduntur, l. pro emptore, ff. pro emptore: ut igitur accipiens rem traditam ex causa emptionis vsucapiat, non tantum possessionem bona fide adeptus, sed etiam bona fide emisit debuit. Titulus, Pro emptore, iusta dicitur præscriptionis causa, si emptio rei alienæ in rei veritate, & traditio celebrata sit: vel cum eo, qui rem suam ius distrahendi non habet, l. 2. ff. Pro emptore. Ad hunc titulum requiruntur. 1. Cōuentio contrahentium. 2. Ut sit conuentio pura, non conditionalis. 3. Ut res vendita, sit tradita. 4. Ut pretium sit solutum. 5. Ut emptor utroque tempore, & conuentionis, & traditionis habeat fidem bonam, d. l. 2. ff. pro emptore. Titulo, Pro transacto, vsucapitur res, quæ relinquenti actionem & recedenti à lite, transactionis causa, à non domino putante se dominum, traditur. Nec enim hoc titulo vsucapitur id, super quo transigitur, id est, res, de qua litigabatur: sed id, propter quod transigitur, id est, res, propter quam à lite receditur, l. si pro fundo, C. de transact. Pro donato, inquit Paulus, is vsucapit, cui donationis causa res tradita est: nec sufficit opinari, sed & donatum esse oportet: si igitur donationis causa venditio fiat, non pro emptore, sed pro donato, res tradita, vsucapitur, l. 1. & l. fin. ff. Pro donato. Idem Paulus, Pro legato, vsucapit aut, si res aliena legata sit, aut testatoris

toris quidem sit; sed adempta codicillis ignoratur: vel si in nomine erit dubitatio; veluti si Titio legatum sit, cum sint duo Titij, & alter eorum de se cogitatum existimauerit: vel si is, cui tradita res est, mortuum esse testatorem putauerit: his enim casibus probabilis error, & putatiuus titulus iustam dat usucapiendi causam, l. pro legato, & l. si is, ff. pro legato. Pro dote, usucapio locum habet inter eos, inter quos est matrimonium: si enim sponso aliquid datum sit, nuptiis nondum solutis, non pro dote, sed pro suo, usucapiet. Et contingit, quando res aliena bona fide in dotem datur, l. 1. & l. duæ filiarum, ff. pro dote. Pro hærede; usucapit is, qui verè hæres est, qui testamenti factionem habet. Quando videlicet hæres rem alienam in hæreditate defuncti inuentam, post aditam hæreditatem legitimo tempore possidet, putans ipsam fuisse defuncti: vel etiam sciat, dummodo initium præscriptionis bona fide non caruerit: quia superueniens mala fides hæredis legitimæ inceptæ præscriptionis cursum non impedit, de iure ciuili, toto titulo pro hærede, & pro posses.

Quæ possessionis continuatio requiratur?

In præscriptione longi temporis, continuari possessionem oportet inter præsentes decennio, inter absentes autem vicennio: in longissimi temporis præscriptionibus, 30. vel 40. annis continuari possessionem, nec naturaliter, vel ciuilitè interrumpi, necesse est. Naturaliter interrumpi dicitur possessio: ut quia possidere possessor desit, vel quia aliquid ex substantialibus usucapionum ei interuertitur: ciuilis autem interruptio fit per citat. onem solennem, denuntiationem, vel litis contestationem, l. morè, C. de rei vind. Continuare possessionem non semper vna, eademque persona dicitur, sed fit quandoque possessionum & temporum diuersarum personarum coniunctio, quæ ad constituendum præscriptionis ius proficit. Sic continuatur tempus testatoris in hæreditatem, & hæredem, hæredis in legatarium, venditoris in emptorem, donatoris in donatarium, l. hæres, l. nunquam, ff. Pro suo, l. 2. ff. Pro empt. Exempli gratia: Si donator rem immobilem, inter præsentes quinquennio bona fide possedisset, eamque in donatarium, donationis titulo transfuisset, hic donatarius in possessione rei immobilis donatæ, & traditæ, bona fide per quinquennium perseuerans, tutò contra dominum vindicantem ipsam rem præscriptionis iure se defendit: Possessio enim donatoris eius possessioni ad perficiendam præscriptionem accedit.

Quis

Quis Finis?

Gaius Iurisc. in l. i. ff. de vsuca. bono publico introductam asserit vsucapionem, ne scilicet, quarundam rerum diu, & ferè semper, incerta dominia essent: cum sufficeret dominis, ad inquirendas res suas, statuti temporis spatium. Neratius finem clarius expressit in l. fi. ff. Pro suo. Ait enim, vsucapionem esse introductam, vt aliquis sit litium finis: quod fieri non posset, si cuilibet de possessoribus alterius controuersias mouere, quocunque tempore, concederetur.

Quis Effectus?

Effectus vsucapionis rerum mobilium est, adiectio directi dominij, & directa rei vindicatio, pro re vsucapta recuperanda, & exceptio præscriptionis.

Effectus autem præscriptionis rerum immobilium est, adiectio utilis dominij, Publiciana actio, & exceptio: quia lex utilem actionem dat ei, contra quem longi temporis præscriptio inducta est, l. si duo, §. Iulianus ait, ff. de iureiur. Ergo naturali ratione dominium directum penes dominum permanere videtur, cuius contemplatione ei datur actio, quam tamen præscriptionis exceptio elidit. Hinc patet, præscriptionis exceptionem non esse peremptoriam facti, id est, quæ ante litis contestationem obiecta impediatur litis ingressum; competit enim præscribenti contra eum, qui de iure impeditur, vel cui de iure competit actio, absque tamen effectu exactionis. Nec obstat, si dicatur, præscriptionem introductam, vt sit litium finis, d. l. fin. ff. pro suo: ergo præscriptionem esse litis finitæ. Hinc enim non sequitur, esse peremptoriam facti, quia etiam exceptiones peremptoriæ iuris, dicuntur esse litis finitæ, cum ipsam actionem perimant: Neque tamen ob id, ad impediendum litis ingressum, ante contestatam litem opponuntur, & peremptoriæ exceptiones facti sunt. Ad diiudicandam enim, & discernendam peremptoriam iuris, & facti, ius ipsum actoris experiuntis inspiciendum est. Qui si actionem in iure fundatam intentet, quæ exceptionis ope elidi possit, hæc Reo competens exceptio peremptoria iuris dicetur, etique post litem contestatam obiiicienda, & cum Actor, intentionem suam fundauerit, probanda, l. peremptorias, C. sententiam rescindi non posse. Si verò Actori, nulla sibi de iure competenti actione experietur, exceptio contra ipsum obiecta ante litis contestationem, & probata peremptoria, facti erit, & litis ingressum impedit, Dd. in c. exceptionem. extr. de except.

except. Qualis non est exceptio præscriptionis: ea enim contra Actorem, cui de iure utilis actio, ad repetendam rem suam competit, obiicitur: quare post litis contestationem obiicienda, & cum Actor de iure suo probauerit probanda erit, per l. emptor, C. de præscrip. long. temp. Idem est in vsucapionibus rerum mobilium. Quia licet, per vsucapionem dominij directi adiectio contingat, intelligitur tamen hoc legis auctoritate, licet naturali ratione penes dominum dominium permaneat. In præscriptionibus autem 30. vel 40. annorum, vel etiam longioris temporis, exceptio præscriptionis dicitur exceptio facti, quia tanto tempore, dubium non est, quin omnis actio, tam realis, quam personalis, in odium negligentis penitus tollatur, l. sicut, & l. omnes, C. de præscript. 30. vel 40. annorum.

Quæ Cognata?

Præscriptioni affinia sunt, omnes iuris ciuilis modi, quibus sigillatim rerum dominia acquirimus; vt legatum, donatio, &c.

Quæ Adiacentia?

Possessio, sine qua præscriptio non procedit, titulus, bona fides, quæ de iure Canonico ad omnem præscriptionem requiritur, Dd. in c. fin. extr. cod.

Quæ Pugnantis?

Mala fides, possessionis interruptio, siue ciuilis, siue naturalis, reale, vel personale vitium, quod præscriptionem impedit, causæ falsitas, error, iuris ignorantia, contrarium statutum, quod prohibet præscriptionem, & pactum. Quia per conventionem derogari potest præscriptioni: quod verum est de præscript. 30. vel 40. annorum; non autem immemoriali, absque tali pacto iuris offerendi, luendi, & aliis, quæ sunt meræ facultatis, ne quidem triginta annis præscribitur. Myns. obser. 16. cent. 1.

AXIOMATA, ET SENTENTIÆ.

Possessor male fidei non præscribit: licet iure ciuili secus: præscribit enim 30. annis, c. vigilanti, extr. eod. & c. fin.

Nec constitutio, nec consuetudo, quæ absque peccato non potest obseruari, valet, c. fin. extr. eod.

In præscriptione rerum. Ecclesiasticarum bona fides, & iustus

iustus titulus requiritur, c. si diligenti, extr. eod.

In iuribus ad Romanam Ecclesiam spectantibus currit sola prescriptio centenaria, c. ad audientiam, & c. citem vobis, extr. eod.

Laici spiritualia non possunt possidere, ergo nec prescribere: quia prescriptio absque possessione, non procedit, c. causam, extr. eod.

Prescriptiones in favorem possidentis, & odium negligentis domini, nec tanto tempore rem suam repemientis, introducta est.

DE SENTENTIA, ET RE IUDICATA.

TITVLVS XXVII.

Continuatio.

CVM iurgantium controuersias celeri sententia terminari, æquitati, & iuris rigori conueniat, c. 2. extr. eod. debet iudex iure Actoris, & Rei cognito, & habita cum peritis consultatione, ad sententiæ pronuntiationem procedere.

Quid est Sententia?

Sententia est, iudicialis definitio, controuersię finem imponens, condemnationem, vel absolutionem continens, c. ci, qui, 2. quæst. 6.

Quotplex Sententia?

Duplex; interlocutoria & diffinitiuæ. Interlocutoria est, quæ inter principium causæ, & finem, fertur: non super principali: sed super incidentibus quæstionibus, vel emergentibus: putà, si iudex super libello ferendo, vel corrigendo, dilatione danda, vel deneganda, similibusque exceptionibus pronuntiat, c. significantis, extr. de off. delegat. Quam nec in scriptis ferri oportet, & ante diffinitiuam sententiam, quandoque iudex reuocare poterit, l. quod iussu, ff. de re iud. Spec. tit. de sententiis, §. iusta, versic. quid de. Diffinitiuæ autem est, quæ condemnando, vel absoluendo principalem definit quæstionem: nec talebit, nisi absolutionem, vel con-

demnationem contineat, §. diffinitiva, l. quest. 2. & c. illa, extr. de accusat.

Qua causa Efficiens?

Est iudex competens, qui iurisdictionē habet in quæstione proposita: siquidem sententia à non competente iudice lata, ipso iure non valet, c. at si clerici, extr. de iud. & c. ad audientiam nostram, extr. de consuetud. In tantum ut nec iudex competens alteri prolationem verborum committere possit, d. c. ad audientiam nostram: nisi iudex sit illustris, auth. ut ab illust. colum. 6. §. sancimus. Et si sint plures iudices, omnes simul sententiam ferre debent, nisi per cōtumaciam quis sit absens: valet enim tunc sententia præsentium, c. prudentiam, §. adiiciamus, extr. de offic. delegat. vel nisi vnus de mandato aliorum pronūtiat: vel nisi in commissione contineatur, quod vnus possit sine alio procedere, l. si tres, ff. de arb. Specul. hoc tit.

Qua causa Impulsiva?

Ipsa æquitas, ut ait Gregorius in c. iurgantium, extr. eod. Iurgantium controuersias celeri sententia terminare, & æquitati conuenit, & rigori.

Qua causa procatartica?

Instantia partium, si conclusione causæ facta sententiam ferri per iudicem petant.

Qua Materia?

Sunt omnes res, siue mobiles, siue immobiles, corporales siue incorporales, de quibus iudicialis controuersia, vel lis esse potest.

Qua Forma?

Forma iudicandi, vel ferendi sententiam, ex requisitis, quæ ad legitimæ sententiæ vigorem desiderantur, intelligi poterit. Primò enim, ut sententia lata valeat, requiritur, ut lis sit contestata, confessiones, probationes, allegationes auditæ, omniaque causæ merita diligenter inuestigata, & cognita, Clemen. pastoralis, de sent. & re iud. 2. Ut conclusio in causa vtrinque per litigatores sit facta, c. nullum, c. iudicantem, 30. quest. 3. 3. Ut causa ex actitatis in iudicio sit benè discussa, & à Iurisperitis deliberata, Specul. hoc tit. 4. Ut ab ipso iudice competente, c. at si clerici, extr. de iudiciis. 5. Ut loco consueto, l. 2. C. de sententiis ex breuiculo recitandis. 6. Non die feriato, & noctu, l. 5. D. quomodo & quando iud. senten

sententiam ferre debet, Dd. in l. minorem, C. de transac.
 7. Iudice pro tribunali sedente, §. sedebunt, authen. de iudic. 8.
 8. Vt fiat in scriptis, l. 2. & 3. C. de sententiis ex breuic. recit.
 9. Citatis ad hoc litigatoribus, vel tribus edictis, vel vno pe-
 remptorio, quod tamen trium edictorum tempus in se, in-
 tegrumque spacium comprehendat, cap. 1. extr. de caus. poss.
 & propr. Lanf. in ca. quoniam, verb. citationes, num. 7. de pro-
 bat. & cap. cum olim, extr. de test. 10. Vt sit certa, tot. tit. quæ
 sine certa quan. proferuntur. Quamquam certam sententiæ
 causam exprimi non sit necesse, cap. licet, extr. eod. 11. Vt sit
 conformis libello, Auctor conf. 249. in quæst. num. 2. 12. Vt
 fiat secundum allegata, & probata: non autem priuatam, & er-
 roneam iudicis conscientiam, cap. si sacerdos, extr. de offi. iu-
 dic. ordin. 13. Secundum consuetudinem, leges, & constitu-
 tiones, l. cum prolatis, C. eod. Guido Pap. in proce. decis. circa
 finem. Et denique, vt illa sex contineat, de quibus per Specul.
 hoc tit. 1. Nomen iudicis, an sit Delegatus, vel Ordinarius. 2.
 Nomina litigatorum. 3. Tenorem petitionis in iudicio por-
 rectæ. 4. Substantiam processus causæ, putà litis contestatio-
 nem, iuramenti præstationem, & similia. 5. Quòd fiat men-
 tio, partes esse præsentis, vel per contumaciam absentes. Vlti-
 mò, quòd contineat condemnationem, vel absolutionem,
 pronuntiationem, & alia, quæ videbuntur iudici optima.

Quis Finis?

Vt lites finiantur, d. cap. 2. extr. eod.

Quis Effectus?

Primò, quòd iudex, post pronuntiationem, reuocare sen-
 tentiam non possit: quia semel benè, & malè officio suo fun-
 ctus est, l. iudex, ff. de iudic. & tot. tit. in authen. de appellat. &
 intra quæ tempor. Sed cum durat adhuc officium, retractate
 sententiam poterit, vt in interlocutoria, vel cum sententia
 est ipso iure nulla, l. quod iussit, ff. eod. l. si qui. C. de adult.
 & ibi Dd.

2. Quòd non rescindatur, prætextu instrumentorum pos-
 tea repertorum, cap. inter monasterium, & cap. suborta, extr.
 de re iudic. Vel ratione calculi, l. 2. C. de re iudic. nisi error cal-
 culi in sententia exprimat, l. 1. ff. quæ sententiæ sine appel-
 lat. rescindantur.

3. Quòd sententia post decem dies, si ab ea non fuerit ap-
 pellatum, transeat in rem iudicatam, tot. tit. in authen. de ap-
 pellat. & intra quæ, &c. Sententia enim differt à re iudicata,

vt causa ab effectu, siquidem sententiam dicit iudex: at verò ex sententia nascitur res iudicata, quemadmodum obligatio ex contractu, perindeque propter auctoritatem iudicis, vt veritas habetur: Vnde Vlpianus in l. res iudicata, ff. de reg. iur. rem iudicatam pro veritate accipi asserit. Nam siue bene, siue malè iudicatum sit, publica tamen iudiciorum auctoritas ad se iuris præsumptionem rapit, adeò vt non amplius quærat de iure Actoris, aut Rei; sed de eo tantum, quod est iudicatum, sicut in iuramento, & transactione, quæ & ipsa iudicati vim habent.

4. Sententia ius facit inter partes, inter quas est lata, etiam si lata sit contra ius litigatoris, l. ingenuum, ff. de stat. hominum. Aliis autem, qui vicem Rei, vel Actoris, in iudicio non subierunt, sententia non præiudicat, vnde stricti iuris esse dicitur, l. sæpè, ff. cod. & Bart. in l. 2. §. item, numer. 5. ff. de quis in ius vocat.

5. Vigore illius iuris, per sententiam constituti, non tantum Reo, pro quo sententia lata est, exceptio litis finitæ, si conueniatur, competit, cap. 1. extra. de litis contest. Sed etiam actio iudicati, vel in factum, vt sententiæ satisfiat, litigatoribus conceditur, l. actori, C. de rebus cred. & l. miles, ff. cod.

6. Potestas implorandi officium iudicis, ad mandandam executioni sententiæ, per iudicem iudiciario processu seruato latam. Iudicis enim officio petenda est sententiæ executio. Et non actio in factum ex re iudicata descendente, & sine libello: quia executio ipsa in facto consistit, l. à diuo Pio, ff. de re iud. & probat Speculator in tit. de sententiæ execut. Sic in Camera sufficit summaria propositio, & petitio, pro facienda executione: quia executionis processus summarius esse, & proindè maturè expediri debet: de simplici igitur & plano, absque libello, & litis contestatione proceditur, Dd. in l. à diuo, ff. de re iud. & notat And. Geyl. obseru. 113. libr. 1. præct. obseruat. nec per exceptionem requirentem altiore indaginem executio suspenditur, l. 3. §. ibidem, ff. ad exhibed. Excipitur tamen vnus casus, vbi libellus admittitur, & lis super eo contestatur, vt putà, si tertius interueniat, & executionem pro suo interesse impugnet, Dd. in cap. cum super, extra. cod. & l. sæpè, ff. cod. Est autem in personali actione regulariter, post quatuor menses, sententia executioni mandanda, cap. quærenti, extra. de off. delegat. & cap. quoad consultationem, extra. cod. Quòd tamen quadrimestre tempus nonnquam personarum, locorumque qualitate, & circumstan-

aliis

aliis consideratis arctari, extendique poterit, d. ca. quoad consultationem, & l. 2. ff. eod. hoc modo vt primò capiantur bona mobilia; & se mouentia, si quæ sunt: secundò, immobilia: tertio perueniatur ad nomina, siue iura, id est, ad ea, quæ ei debentur, dum tamen sint liquida & confessa. Et si dare recuser, manu militari cogitur, & proceditur, vt notatur in l. diuo Pio, ff. eod. & l. qui restituere, ff. de rei vindicat. In reali autem actione, si non est appellatum à sententia, nec restitutio postulata, si res illa, in qua condemnatio facta est, sit præsens, sententia per missionem in possessionem rei sibi adiudicatæ executioni mandanda est, statim post decendium, id est, decem dierum spacium: quia hoc temporis tractu, transit sententia in rem iudicatam, cap. cum Berthold. extr. eod. cap. cum dilecti, extr. de elect. & cap. significauerunt, extra. de testibus. Sed Camere Imperialis iudex, sententiam, quæ transiit in rem iudicatam, per viam executorialium, & mandatorum executorialium exequitur. Quæ sine clausula iustificatoria decernuntur, cum termino sex septimanarum, & trium dierum, & annexa citatione ad decendium de partitione, vel videndum se declarari in pœnam executorialium, aut allegandum causas, cur talis declaratio fieri non debeat: & sic in effectu habent clausulam iustificatoriam. Quòd sit ea ratio: quia sunt quædam exceptiones, quibus etiam post sententiæ pronuntiationem, obiectis, impeditur executio, de quibus per Speculat. in tit. de except. & replic. §. dicto, num. 14. Inter executoriales autem, & mandata executorialia hoc interest. Quòd executoriales decernantur, quoties executio sententiæ immediatè ad Cameram spectat; vt putà, si sententia à qua, in Camera confirmata sit, si pronuntiatum sit in causa appellationis, benè iudicatum, malè appellatum: quo casu ex recepta, & communi doctorum opinione, executio tam causæ principalis, quàm expensarum omnium instantiarum ad confirmantem, non ad iudicem à quo, pertinet, l. præcipimus, §. in his, C. de appellat. Felin. in cap. pastoralis, extra. de off. iudic. deleg. Mandatum verò executorialie tunc demum conceditur, quando executio sententiæ ad iudicem à quo spectat: veluti, si iudex appellationis pronuntiat appellationem desertam, vel rigore priuilegij, aut ex alia causa non deuolutam. Quò casu ex prima sententia, actio tantum oritur, & ideò iudici à quo executio competit. Franc. in cap. ex ratione, extra. eodem.

*Quomodo Sententia, per iudicem Ecclesiasticum
lata, executio fit?*

Iudex Ecclesiasticus, pro executione suæ sententiæ, suspendendo, deponendo, excommunicando, & degradando, procedere potest, pro conditione, & statu personæ victæ. Nam si clericus sit, summa, qua potest coercere pœna, est, cum excommunicatione degradatio: sin laicus excommunicatio. Quòd si autem victus Ecclesiasticas censuras faciat nihili, easque obstinatè, & perfricta fronte contemnat, nolitque sententiæ contra se latæ, parere: tunc imploratio brachij secularis, omnium ultimum, adeoque extremum remedium esse debet, per text. in cap. ab homine, extr. de iud. Hoc enim Canonicum est, iudicem Ecclesiasticum, si pro executione suæ sententiæ omnia fecit, quæ facere potuit, brachium seculare inuocare, adeoque iudicem secularem, si auxilium deneget, excommunicare posse, per tex. in cap. i. extr. de off. iudic. ord. & Dd. in cap. quoniam, extr. de off. iudic. & cap. statuimus, extra. de maledic. Vna enim iurisdictio per aliam adiuuanda est: Ob id etiam iudex Ecclesiasticus, seculari iudici, postulate necessitate, contra clericum contumacem, officium suum impartiri debet, d. c. i. quoniam, & c. statuimus. Quando autem brachium seculare contra clericos inuocari possit, vide ca. princeps, 23. q. 5. & c. perpendimus, extr. de sentent. excom. & de modo procedendi, Panorm. in d. c. i. extr. de off. iud. ord.

In Camera quâdo iudex Ecclesiasticus implorat brachium seculare: hoc est Cæsaris, contra partem victam & contumacem, mandata executorialia, sine clausula, sub pecuniaria, ratio banni, pœna decernuntur. Et propter annexam citationem, ad docendum de partitione, legitimæ exceptiones, contra inuocationem brachij, & obtemperata mandata executorialia in termino reproductionis admittuntur, præsertim litis pendentiæ, & nullitatis, videlicet, à sententia iudicis Ecclesiastici. Cuius executio petitur, ritè & debito tempore appellatum, & proinde pendente appellatione, nihil innouandum esse, vel per Ecclesiasticum iudicem nulliter processum, & iudicatum. De qua nullitate, iudex secularis, antequam ad pœnam procedat, primùm cognoscere debet, vt docet Panorm. in d. cap. i. extr. de off. iud. ord. num. 19.

Quæ Cognita?

Transactio, iusiurandum: quæ non minorem auctoritatem, quàm res iudicatæ habent, l. non minorem, C. de transact.

laet. & l. 2. ff. de iureiurand. Differunt tamen, vt per Alciatum in d. l. non minorem.

Quæ Pugnantiæ?

Omnes exceptiones peremptoriæ, quæ post sententiam contra executionem obici possunt, de quibus Speculat. tit. de except. & replicat. §. dicto, num. 14. Vbi nouem recenset casus, in quibus exceptio peremptoria executionem remoratur. Pugnans etiam nullitas & iniquitas relatæ sententiæ. Quia iniquitas manifesta ipso iure nullam reddit sententiam, cap. inter cæteras, extra. eod. & modi, quibus sententia ob iniquitatem rescinditur, non autem ob nullitatem: quia quod nullum est, rescissione non indiget, l. 1. ff. quando prouo. non est necesse.

Qui sunt modi rescindende Sententiæ iniquæ?

Primò, Appellatio. 2. Restitutio in integrum. 3. Supplicatio contra sententiam. 4. Querela falsi, Innocent. & Hostiens. in cap. præsentia, extra. de renunt. cap. sicut. eod. cap. cum ad sedem, extra. de restitut. spoliat.

Quibus committitur nullitas Sententiæ?

Primò, ratione personæ iudicantis: Vt putà, quia non fuit competens iudex, vel excommunicatus, seruus, vel mulier, l. 1. C. de arb. l. cum prætor. 1. 2. ff. de iudic. adeò vt etiam hæc sententia à litigatoribus confirmari non possit, vt sententia, l. si expressim, ff. de appellat. Si tamen confirmetur, ratione pacti, efficaciam obtinebit, vt traditur in l. 2. C. communia vtriusque iudic.

Secundò: si aduersus absentem, non per contumaciam, scilicet denuntiationibus ex more nequaquam conuentum sententia proferatur: regulariter enim partes ad audiendam sententiam diffinitiuam, de iure communi, citari debent, & ferenda sententia est, partibus verè, vel per interpretationem præsentibus, aliàs vsque adeò nulla est, vt etiam, pro absente parte, non valeat, nec rei iudicatæ firmitatem obtineat, l. ea quæ, C. quomodo & quand. iud. & gloss. ibid. in verb. aduersus, Dd. & gloss. in Clem. pastoralis, de re iudic. Per interpretationem pars præsens esse dicitur, si sit verè & fictè contumax, gloss. in l. ex consensu, §. fin. ff. de appellat. Tamen si contrarium statuto, vel consuetudine obtentum sit, quòd scilicet, absentibus partibus, procuratore pro iis in iudicio agente legitimè constituto sententia feratur, sententia subsistit: nec, ob omissionem citationis ad partes, infirmari potest. Citatio enim ad audien-

dam sententiam, post conclusionem causæ, est iuris positiui, nec defensionem partibus tollit: ideò potest ea iure statuti, vel consuetudinis omitti, per text. in cap. causis, in fin. de re iud. & Iason in l. 1. num. 8. ff. de constitut. Hinc in iudice Cameræ Imperialis, citatio ad audiendam sententiam, tam in diffinitiuâ, quàm interlocutoriis, non requiritur: verùm sufficit, partes semel ad totam causam legitimè, & peremptoriè citatas fuisse: quemadmodum etiam mandata procuratorum ibi, ad vnicum actum non admittuntur; sed ad totam causam exhibenda sunt: proinde facta hinc inde conclusione, absque nouâ citatione, sententia in causa principali diffinitiuè, vel super articulo concluso interlocutoriè proferitur. Quæ tamen limitatio non procedit, si alterutra pars, post conclusionem causæ vitam cum morte commutet; eo enim casu hæres eius, non quidem ad reassumendam causam, sed audiendam sententiam parte hoc petente, & mortem aduersarij in iudicio allegante citatur: id si factum non sit, diffinitiuè absque citatione hæredum pronuntiatur: quia de morte partis iudici constare debet, vt iudici, hoc est, ex allegatione iudiciali, Guid. decis. 86. num. 2. Quando verò post publicatam demum sententiam mors partis in iudicio allegatur, sententia per interlocutoriam in hæredes transfertur. Quòd si ante conclusionem in causâ, altera partium in fata concedat, tunc, implorato iudicis officio, citatio ad reassumendam causam, in eo statu, in quo relicta est, contra hæredes decernitur; etiam si procurator defuncti, lite iam contestata, dominus litis factus sit. Et hæc ita in iudicio Cameræ Imperialis obseruati, notat Mynsing. obseru. 71. centur. 3. & obseru. 85. centur. 1. & Andreas Geyl. lib. 1. obseruat. 100. pract. obseru. Ex his omnibus patet, regulam iuris communis esse, Quòd sententia, præsentibus partibus, iis citatis, vel per contumaciam absentibus, ferenda sit. Quæ regula fallit tribus casibus. 1. Si sententia interlocutoria in fauorem absentis lata, vel contra eum prolata modici præiudicij sit. Quo casu valet sententia interlocutoria absque citatione partis publicata, Lille à quo, ff. ad Senatuscons. Trebell. Secus, si magnum absenti grauamen adferret: quia tunc causæ cognitione, & ex consequenti, partis citatione opus foret, l. à precedente, C. de dilat. 2. Fallit, si iure statuti, vel consuetudinis contrarium obseruetur, Afflict. decis. 238. 3. Si generalis citatio facta sit per edictum, non tunc debet pronuntia diffinitiuâ, nisi præmissa speciali citatione, ad audiendam

diendam sententiam, Dd. & Imo. in c. consuluit, extr. de offic. deleg. c. auditis, de procurar. Abb. in c. fin. de delat. & probatur l. consentaneum, C. quomodo & quando iud. Mynsing. obser. 71. cent. 3.

Tertio: dicitur sententia nulla, si feratur aduersus absentem infirmitate detentum, l. quæsitum, ff. de re iud. & ibidem Paulus de Castro. Cæterum si iudex ignoraret impedimentum, sicque ad sententiam procederet, tunc quidem valeret sententia, sed absens restitui, saltem ad appellandum, vel alia causa reponi posset, l. fin. ff. de in integr. restit. Et quod de infirmitatis impedimento dictum est, ad alia omnia impedimenta, quæ in l. 2. §. quod diximus, ff. si quis caut. recensentur, extendi debet. Cuiusmodi sunt, vis hostium, locus pestilentia, impetus fluminis, & si quæ sunt similia. Sed quid, si Reus alleger, se impeditum: aduersarius autem neget, cui incumbit probatio? Respondetur: probationem præstatione iuramenti, per eum, cui iudex hoc derulerit, fieri posse: in deferendo autem iuramento attenditur qualitas personæ, quæritur causæ, an sit magna, vel moderata, & aliæ conditiones, & circumstantiæ, quæ arbitrio iudicis, ut admittat iuramentum, vel non, relinquenda sunt, quod & in Camera Imperiali obseruatum, testatur Mynsing. obser. 57. cent. 4.

Quarto: si contra mortuum lata sit sententia, l. penult. ff. de sent. quæ appellat. rescind. Quid, si pro mortuo lata sit? Dd. communiore calculo sententiam etiam pro mortuo prolatam non valere, pariter nec decretum in eius fauorem interpositum, tradunt in l. in summa, §. vlt. ff. de re iud. & ibi Paul. & per tex. in l. qua de re. §. cum absentem, ff. de iud. Vbi dicitur, adeo sententiam non valere, quod nec contra defensorem, nec contra hæredem defuncti operabitur. In Camera autem Imperiali sententia pro mortuo lata non est nulla, sed pro firma: contra §. vlti. d. l. in summa, ff. de re iudic. habetur; Et si de morte eius, pro quo lata est, deinde constet, transfertur in ipsius hæredes, Myns. obseruat. 85. centur. 1.

Quinto: nullitas sententiæ etiam committitur iure ciuili, si, procuratore in causa existente, contra dominum feratur sententia: iure enim communi sententia in procuratorem necessario ferenda est, quando scilicet iudicium agitur cum procuratore legitime constituto, absente domino, l. 1. C. de sent. & interlocutionibus omnium iud. & gl. in c. querelâ, extr. de elect. & Inno. & Panor. nu. 50. ibid. Ratio: Quia initium obligationis ex procuratoris persona sumitur, cum eo in iudicio

quasi contrahitur, ipseque per litis contestationem dominus litis efficitur, ideoque meritò verba sententiæ in personam suam concipi debent, l. 3. §. idem scribit, ff. de procur. & c. 1. §. 1. extr. eod. in 6. Sed iure Canonico legalis illa subtilitas non attenditur, & sententia concepta etiam in ipsum dominum, tenet, per tex. in c. licet, extr. de procurat. gloss. singularis in c. suscitata, in verbo, *monasterium*, extr. de in integr. restit. & plenius per gloss. & Ioann. Andr. in d. c. querelam, extr. de electio- nib. Quod & in Camera Imperialis supremo iudicio obseruatur. Quia ibi causæ aliter non agitantur, quàm per procura- tores, & tamen sententiæ concipiuntur in personam domini, indistinctè, siue dominus nūquam in iudicio præsens fuis- set, siue initio litis comparuisset, litemque contestatus esset, tradit And. Geyl. in suis pract. obseruat. 111. lib. 1.

Sextò: nulla dicitur sententia, si feratur post lapsum in- stantiæ. Labitur autem instantia, de iure ciuili, in causis ci- uilibus triennio, & in criminalibus biennio, text. est in l. pro- perandum, C. de iud. & ibi Dd. De iure autem Canonum in- stantia triennio, vel biennio, sub distinctiōne posita, non pe- rit, sed perpetuò durat, per text. in cap. venerabilis, & cap. vl- tim. extr. de iud. Abb. & Dd. ibidem. & Bald. conf. 217. vol. 3. vbi allegat authent. sed lis, C. de tempo. appellat. Quod & in consistorio Imperialis Camera approbatur, licet Matth. de Afflict. decis. 283. post num. 4. contrarium referat, velitque di- spositionem d. l. properandum, habere etiam locum in consi- storio Principis, per gloss. in nouel. vt spon. larg. §. hoc quo- que, & nouel. de appellat. §. ad hæc. Cuius tamen opinionem Camera, vsusque fori frequens non admittit, &c. vt notat Myns. obser. 48. centut. 2.

Septimò: si sententia feratur, post propositam suspecti iu- dicis recusationem: vt habetur in c. suspicionis, extr. de off. de- legat. & traditur de hoc inf. de recusationibus.

Octauò: si sententia sit lata, in causa, in qua interuenit falsus procurator, c. in nostra præsentia, extr. de procur. Sed an dominus per falsum procuratorem gesta rata habere pos- sit? Et regulariter per dominum talia gesta, siue in comino- dum, siue in præiudicium suum, ratificari posse, tradit Bald. in l. licet, C. de procurat. & in addit. ad decis. cap. Tholos. 221. Licet in auditorio principis facta per falsum procuratorem, ratificatione non conualescant, iuxta Bald. l. ni falsus procura- tor, vers. secundò præmitte, C. de fur. & ser. corrup. Mynsing. obseruat. 44. cent. 1.

Nonò:

Nonò: si feratur sententia super alio, quàm quod fuerit peti-
tum, c. in nostra præsencia, extr. de procurat. Sententia enim
debet conformis esse libello; nec aliud continere, quàm fuerit
petitum, l. vt fundus, ff. communi diuid. Multæ tamen sunt
factorum species, in quibus toleratur libelli, siue petitionis,
& sententiæ discrepantia. Primum enim Princeps, & Sum-
mus Pontifex in sententiis suis petitionem litigantium egre-
di possunt, cap. 2. extr. de restit. spoliat. Deinde in criminali-
bus conclusione opus non est: & si conclusio fiat, adhuc ta-
men iudex, cognita qualitate delicti, & personarum, plus
minúsque condemnandi liberam potestatem habet, Bart. in l.
quid ergo, §. pœna, ff. de his, qui not. infam. Denique potest iu-
dex, & in ciuilibus causis, quoad qualitates, tēpora, modos, &
loca, non sequi petitionem libelli. Quare eleganter Baldus,
sufficere ait, si sententia cum libello conueniat in re, causa, &
actione, l. 1. C. si plures vna sent. & c.

Decimò: si sententia pronuntietur contra solitum ordinem
iudiciorum: Vt potè, non oblato libello, nec lite contestata,
nec aliis solennitatibus obseruatis, l. prolatam, C. de sentent.
& interloc. Princeps tamen potest habere ratum processum,
ratione ordinis omissi, quando merita sunt benè tractata, iux-
ta Panormit. in c. cum olim, extr. de re iudic. & c. ad petit. extr.
de accusat. Et consuetudine potest etiam induci, vt per sim-
plicem facti narrationem, ac responsionem inducatur litis
contestatio, idem Panorm. in c. causis, extr. de re iudic. & te-
statur Guid. Pap. decif. 369. & traditur in ordinat. Cameræ,
part. 3. tit. 34.

Vndecimò: si lata sit tempore nocturno, c. consuluit, extr.
de off. iud. deleg.

Duodecimò: si sententia non contineat expressam con-
demnationem, vel absolutionem: vel æquipollens, l. quid ta-
men, §. Pomponius, ff. de arb. Vel si non contineat certā quan-
tatem, vel rem, in qua condemnatio fit per se, vel per rela-
tionem ad aliud, l. ait prætor, ff. de re iud.

Decimotertiò: si sit lata contra ius scriptum expresso errore
in sententia, l. 2. C. quando prouoca. non est necesse. Potest
tamen iudex, ex magna & euidenti causa transgredi leges,
& statuta, nec teneretur illam causam in sententia exprimere,
dummodò ex actis apparere possit, eam iustam fuisse, quæ iu-
dicem, ad sic pronuntiandum, mouerit: aliàs sententia possit
nullitatis argui, tanquam lata contra ius constitutionis, & per
expressum iuris errorem, per l. 1. ff. quæ sentent. sine appellat.
releind.

rescind. & Panor. in c. super his, extr. de accus. & tradit Mynsing. obseruat. 54. cent. 2. & obser. 82. cent. 4.

Decimoquartò: sententia dicitur nulla, si feratur à iudice corrupto, l. venales, C. quando provocare non est necesse. His igitur nullitatibus, aliisque peremptoriis exceptionibus, quæ iuxta opinionem Spéc. post sententiam, ad impediendam executionem obijci possunt, oppositis: sententia non transit in rem iudicatam. An autem in causa executionis super propositis exceptionibus, novus processus requiratur: hoc est, an opus sit nouo libello, & noua litis contestatione: vide Dd. in l. prope-
randum, C. de iud. Qui communiter distinguunt, utrum agatur actione iudicati, siue in factum ex re iudicata: an verò officio iudicis, ut primo casu libello, & litis contestatione opus sit: altero verò non, sed per nudum iudicis officium, ut executionem faciat, exceptionibus non obstantibus, procedi possit, Bartol. in l. intra, numer. 1. ff. de re iud. & Angel. in repetit. l. 1. C. de iud.

Qua pœna iudex perperam iudicans punitur? Et quis dicitur iudicando litem suam facere?

Si Iudex pretio deprauatus, aut gratia, perperam iudicauerit, non solum tenetur parti læsæ in solidum, ad veram litis æstimationem: sed etiam infamia notatur, l. filiusfamilias, ff. de iud. & l. fin. C. de pœna iudic. malè iudic. At si iudex perperam iudicat, per imprudentiam, videtur quasi ex maleficio teneri in factum actione: sed in quantum de ea re æquum religioni iudicantis visum fuerit, pœnam sustinebit, l. fin. ff. de variis & extraord. cog. Sicque non in solidum veram litis æstimationem præstabit. Et iudex, qui per dolum malè iudicauit, non tantum facit litem suam: sed etiam tenetur lege Cornelia de fal. Iudex verò litem suam facere videtur, quum dolo malo in fraudem legis sententiam dixerit. Dolo malo autem hoc facere intelligitur, si euidentis arguatur eius vel gratia, vel inimicitia, vel etiam sordes, ut veram æstimationem litis præstare cogatur, d. l. filiusfamilias, ff. de iudic. Recentiore quoque iure Nouellarum cauetur, iudicem pretio, aut promissione iudicantem, si causa sit civilis, cõdemnari in triplum dati, & in duplum promissi, amissa, in qua constitutus est, dignitate. Si verò sit criminalis, confiscatis omnibus bonis, in exilium mitti, in auth. ut litigan. iu. in exordio lit. coll. 1 x. §. si quis autem. Iure autem Canonico, qui in grauamen partis alterius in iudicio aliquid iniuste fecerit, per gratiã, vel per sordes, siue Ordinarius, siue

Dele

Delegatus sit, ab executione officij per annum suspenditur, cupientes, §. cæterùm, de elect. in 6. c. 2. dist. 5 §. & c. quæsiuit, extr. de verb. sign. & ad æstimationem litis parri, quam læserit, nihilominus condemnatur. Quòd si suspensione durante, diuinis se ingesserit, irregularitatem incurrit, qua non, nisi per Pontificem liberari poterit, aliisque pœnis coercetur. Quia non tantùm malè iudicando contra debitum officium facit, verumetiam, DEVM, iustitiam, & humanam naturam lædit, c. 1. extra, de crimi. fal. & c. ad Apostolicæ, eodem tit. in 6. Denique lege duodecim tabularum capite multabatur iudex, arbitrie iure datus, qui ob rem dicendam, pecuniam accepisse conuincebatur. Cuius meminit Gellius lib. 20. noct. Attica. c. 1. De pœna iudicis per sordes corrupti iudicantis ita distinguit Menoch. lib. 2. cen. 4. casu 342. inquit: Iudex, qui corruptus per sordes iudicauit, si in causa criminali, pro grauitate causæ, etiam vsque ad mortem, iudicis arbitrio, punitur: confiscantur etiam eius bona, notatur infamia, & dignitate, nobilitateque priuatur: si verò in causa ciuili iudicauit, si rectè, solùm tenetur restituere, quod accepit, l. 2. §. ult. ff. de condit. ob turp. causam: si verò iniquè, litis æstimationem læso soluit, l. filiusfamilias, §. ult. ff. de iud. & l. ult. C. de pœna iud. qui malè iud. Erga fiscum verò in triplum condemnatur, d. auth. nouo iure, C. de pœna iudic. & c. Et alia etiam pœna iudicantis arbitrio punitur, Instit. de oblig. ex quasi delicto.

AXIOMATA, ET SENTENTIÆ.

Iudex Ecclesiasticus, pro executione sue sententia, brachium seculare innocare, adeoque iudicem secularem, si auxilium petiit, denegat, excommunicare potest, c. 1. ext. de off. iudic. ord. & c. statuimus. extr. de maled.

Vna iurisdictio per aliam adiuvanda est, c. quoniam, extr. de off. iud. ord.

Iudex Ecclesiasticus, seculari iudici, postulante necessitate, contra clericum contumacem, officium suum impertiri debet, gl. in c. extr. de off. iud. ord.

Implorato brachio seculari, iudex secularis primùm de nullitatis exceptione obiecta cognoscere debet, antequàm ad pœnam procedat, Panor. in d. c. 1. extr. de off. iud. ord.

Omnis

Omnis exceptio, quæ post sententiam, sed non contra sententiam opponitur: hoc est, quæ non repugnat sententia, executionem impedire poterit, l. 1. C. de re iud.

De iure communi sententia in procuratorem necessario ferenda est: quando videlicet, iudicium agitatum est cum procuratore legitime constituto, absente domino, gloss. in cap. querelam, extr. de elect. Ratio est: Quia initium obligationis ex procuratoris persona sumitur, cum eo in iudicio quasi contrahitur, ipsæque per litis contestationem dominus litis efficitur, ideoque merito verba sententia in personam suam concipi debent, c. 1. §. 1. eod. tit. in 6.

Quamvis sententia individua sit, ita ut pro parte valere nequeat: tamen iudex sententiam separabilia, & diversa continentem capitula, partim confirmare, partim reformare potest, etiam si hoc à parte nec allegatum, nec petiitum sit, cap. Raynutius, & c. Raynaldus, extr. de testa.

Tot censentur esse sententia, quot sunt capitula, & diverse species, Felin. in c. cum Ioannes, extr. de fide instrum.

Quando libellus unum factum, quod separationem non recipit, continet, tunc sententia, super illo facto lata, reformari non poterit: sed in totum aut confirmari, aut retractari debet: cum sit individua: secus si plura facta, vel plura capitula libellus contineat, Pan. in d. cap. Raynutius, extr. de testam.

In causa matrimoniali & criminali sententia necessario in principalem, & non in procuratorem, ferenda est, glo. in c. querelam, extr. de elect.

Duobus iudicibus diversæ sententias proferentibus, si ex iurisdictione ordinaria processerint, tenet pro Reo, non pro Actore sententia: nisi in causa favorabili, puta, matrimonio, libertate, dote, seu testamento, pro ipso fuerit promulgata: si vero ex delegata potestate, utraque pendet sententia ex arbitrio delegantis: Quod si ex compromisso, neutra debet habere vigorem, c. f. n. extr. eod.

Quam

Quamuis regulariter aliis non noceat res inter alios indicata, ei tamen qui cum sibi primum de ea re actio, vel defensio competeat, sustinuit sequentem agere, ac illi etiam, qui passus est, eum à quo causam habuit, experiri, est præiudicium generatum, c. quamvis, extr. eod.

Secunda sententia in diuersa instantia contra primam lata tenet mero iure, nec debet infringi, etiamsi sit iniusta, ex quo ab eo non fuerit appellatum, cap. inter monasterium, extr. eod.

Si citatus ad sententiam, ex legitima causa iudici ignota, non comparuit, tenet sententia, eo absente, lata: sed retractatur, eo probante legitimam absentiam causam, cap. cum Bertholdus, extr. eod.

Ab executione sententia non appellatur, nisi in executione modus excedatur, cap. quod ad consultationem, extr. eodem.

Quadrimestre tempus, quod à lege datur condemnatis in actione personali, potest à iudice, ex causa arctari, & spontè arctatum terminum recipiens, non potest post decendum appellare, d. c. quod ad consultationem, eod.

Si sententia precipit aliquid fieri ad certum terminum, tempus decendij ad appellandum currit à tempore sententia, non autem à die finiti termini, d. c. quod ad, &c.

Valeet sententia contra ius litigatoris lata, si ab ea non fuerit appellatum, c. cum inter, extr. eod.

Sententia iniqua retractatur per Superiorem, licet causa fuerit appellata remota commissa: si autem continet manifestam iniquitatem, est nulla, c. cum inter, extr. eod.

Sententia lata contra matrimonium nunquam transit in rem iudicatam; unde quandoque reuocatur, cum constat de errore, c. lator, extr. eod.

320 ANALYS. IURIS PONTIFICII
DE APPELLATIONIBVS,
Recufationibus,& Relationibus.

TITVLVS XXVIII.

Continuatio.

NE iniquo iudicio, per imperitiam, aut etiam malitiam iudicis, ius suum cuiquam per iniuriam eripiat, inuentum est appellationis beneficium: quo ad superiorem magistratum, causa iterum cognoscenda, intra decem dies deferretur.

Quid est appellatio?

Appellatio, secundum Azonem, est, à minore iudice, per inuocationem maioris iudicis, prætextu iniquitatis primæ latæ sententiæ, recessio, l. præfecti, ff. de minorib.

Quotuplex Appellatio?

Duplex, iudicialis & extraiudicialis. Iudicialis est, quæ à sententia in iudicio pronuntiata, fieri contingit. Extraiudicialis autem dicitur, quæ non à sententia, sed ab actibus & decretis extraiudicialibus, interponitur, l. i. §. solent, ff. quando appellat.

Quæ est causa Efficiens?

Est ius gentium. Nam ad hoc, quòd totus processus iudiciarius ex iure gentium originem traxisse dicitur: vt notant Dd. in l. ex hoc iure, ff. de iustitia & iure, testatur etiam Vlpianus in l. i. ff. eod. appellationem antiquissimo vsu esse introductam, eiusque vsu esse frequentem, & ad corrigendam iudicantium iniquitatem, & imperitiam, necessarium. Proxima causa est, quæuis persona, quæ in iudicio per iudicem, grauatur, nec appellare prohibetur. Omnis enim, per iniquam sententiam iudicis oppressus, seu iniuste grauatus, quicumque sit, appellandi habet facultatem, c. omnis oppressus, 2. q. 6. & c. vt debitus honor, extr. eod. Siue is, qui condemnatur, principalis litigator sit, siue non: dummodo inter sit eius, sententiam retractari, vel ei mandatum sit, vel is alienum negotium gerat, c. non solet, 2. q. 6. c. cum inter, extr. de elect. Vnde, procurator, tutor, fideiusor, legatarius, & venditor, qui de euictione renetur, appellare non prohibentur, l. tutor, l. ab executione, ff. eodem, & Spec. in §. quis possit, eod. tit. An autem tertius pro suo interesse appellare possit à sententia inter alios lata? Ad

expli

explicationem huius quæstionis, tres casus distinguendos putat Andr. Geyl. in suis pract. obseruationib. obseruat. 122. Primus: si ab alio interpositam appellationem prosequi velit; & tunc admittendus est ad prosecutionem, etiam si ipse non appellauerit, l. à sententia, §. idem rescriptis, ff. de appellationib. c. cum super, extr. de offic. delegat. Panormit. in c. cum super, num. 4. & num. 27. extr. de re iudic. Ratio: Quia per appellationem principalis, iam suspensa est sententia, & omnibus, quibus grauamen illatum est, via aperta: ita ut non sit opus alia appellatione, Bald. in §. hodie, num. 6. C. de appellat. Secundus: si alterius appellationi, pro suo interesse, adhaerere velit: quo casu necesse est, ut intra decendum ratam habeat appellationem per alium interpositam: appellare quidem intra decendum non tenetur interueniens, sed tamen, intra illud tempus alterius appellationi adhaerere, & interpositam appellationem ratam habere debet, c. ut circa, de elect. in 6. & text. in c. non solet, 2. quæst. 6. Tertius casus est, si ipse, pro suo interesse, à sententia contra principalem lata, principaliter appelleret: & tunc requiritur, ut non tantum intra decendum appellationem interponat, sed etiam nuncupatim grauamina, & causas exprimat, cur sua intersit, appellari à tali sententia: idque procedit, etiam si à diffinitiuā contra alium lata appelleretur: tametsi aliàs in appellatione à diffinitiuā, causæ expressio necessaria non sit. Ratio differentiae est: Quia, ubi appellatio interponitur contra regulas iuris, propter præsumptionem doli, non aliter admittenda est, quam si expressa causa iustificetur: sed appellatio tertij sit contra regulas iuris, quia regulariter non licet appellare à sententia inter alios lata, ergo admitti non debet, nisi expressa causa, per tex. in d. c. non solet, c. cum super, num. 5. Felin. ibid. numer. 1. & Innocentius in c. veniens, extr. de testibus. An autem victoria tertij, appellantis pro suo interesse, profit principali iam antea dicto: Dicendum regulariter, quod sic, per l. 1. & l. 2. C. si vnus ex pluribus, & c. vna sententia, extr. de appell.

Ex his patet, appellationem domini, si sua, vel principaliter, vel in consequentiam, & aliquo modo intersit, recipi, prodesseque subditis, contra quos principaliter actum fuit, etiam non appellantibus: potissimum, si subditi à domini privilegiis noluerint se separari. Hoc enim certum est, quod vnius appellatio profit aliis non appellantibus, quando videlicet causa est communis, & vna eademque omnium defensio, tot. titul. C. si vnus ex pluribus, l. si qui separatim, §. fin. de appellat.

& notat And. Geyl. obseruat. 110. pract. obseruat. prohibetur autem appellare contumax: ex vera enim contumacia oritur duplex exceptio, scilicet declinatoria & peremptoria: quas appellatus contumaci obiiicere potest, vt pulchrè tradit Bald. in l. diffamari, C. de inge. manu. numer. 7. cum gloss. in Cle. men. vnica, de dolo & contum. Prohibentur etiam, homicida, veneficus, adulter, manifestam violentiam inferens, insignis latro, concitator seditionis, dux factionis, raptor virginum, si sint argumentis superati, testibus conuicti, &c. Et alij, quos notat Speculat. lib. 2. par. 3. §. quis possit, hoc titulo.

Que Materia?

Quoduis grauius, tam in causa ciuili, quàm criminali. In criminalib. quidem, non tantum condemnatus de crimine capitali: sed etiam quilibet extraneus, etiam inuito condemnato, admittitur ad appellandum pro eo, per tex. in l. non tantum, ff. eod. & l. eos, §. super his, C. eod. Et hoc ratione humanitatis, cum sit proximus: quia consors naturæ, c. charitas est, distinct. 2. de pœnit. Excipiuntur casus enumerati in l. 2. & l. addictos, C. de appel. recip. Quotiens enim lex in facinorosos, ob manifesti criminis atrocitatem, statim sententiam exequendam præcipit, toties appellationis beneficium denegatur, c. ei, qui, §. sunt etiam, extr. eodem. Inueterata tamen per Germaniam consuetudine receptum est, in causis criminalibus illicitas esse appellationes: quam consuetudinem approbat etiam ordinatio Cameræ, part. 2. titul. 18. expressè prohibens, ne recipiantur causæ criminales per viam appellationis in Camera. Excipiuntur duæ casus. Primò: nisi ex commutatione fortè per gratiam facta, multa successit in locum pœnæ corporalis, à quo appelletur. Nam à multa appellari posse, celebriori calculo obtinuit, vt tradit Mynsing. obseruat. 43. centur. 3. & obseruat. 41. centur. 4. Secundò: nisi super nullitate causæ criminalis agatur. Si enim in criminali causa quis principaliter à nullitate processus appellet, eamque docere velit; vt quia non citatus, & indefensus condemnatus, vel aliàs contra naturalem æquitatem, aduersus ipsum processum fuerit, aut indicatum; id ipsi permittendum est. Quod in reo accusato, vel inquisito, non etiam in accusatore, qui putat, accusatum nulliter absolutum fuisse, procedit: Nisi fortè ipsi in processu, vel sententia pœna talionis, & corporalis immineret, notat Mynsing. obseruat. 42. centur. 4. Proinde in ciuilibus

libus causis iure ciuili tantum à sententia diffinitiuâ, quæ post litis contestationem fertur, appellatio conceditur: non autem ab interlocutoria, nisi vim habeat diffinitiuæ, vel tale grauamen continëat, quod per appellationem à diffinitiuâ reparari non possit, l. ante diffinitiuæ, C. quorum appellat. non recip. & Bartol. in l. post sententiam, C. de sentent. & interlocut. idem prolixè in l. ante sententiam, num. 12. & num. 26. ff. de appellat. recip. Vbi tradit hanc regulam, quòd quando per appellationem à diffinitiuâ non potest reparari grauamen perfectè, quia aliquale præiudicium faciat, quòd tunc possit ab omni interlocutoria appellari, quod & vsus fori, & Cameræ ordinatio approbat, part. 2. titul. 29. §. 4. & titul. 28. §. fin. Mynsing. obseruat. 43. centur. 4. Et latius, quæ sint interlocutorix, à quibus appellatio conceditur; vide Bartol. in d. l. ante sententiam, & Guid. Pap. decis. 75. cum Philip. Franc. in cap. cum cessante, extra. de appellat. Sententiæ autem vim diffinitiuæ habentes, quomodo ab aliis discernantur, regulentur, & cognoscantur; vide Felin. in rub. extr. de re iudic. Hæ enim, non solum quo ad formam & effectum interponendæ appellationis: sed etiam, quo ad alios iuris effectus, veræ diffinitiuæ, per omnia æquiparantur. Tales sunt sententia competentix, absolutionis ab instantia, vel obseruatione iudicij, desertionis, reuocationis, attentatorum, de procedendo, vel non procedendo in causa, item exceptionem peremptoriam obstare, vel non; probatum esse, vel non: & si quæ sunt similes. Licet enim sequatur, & speretur aliquando aliqua diffinitiuâ: tamen hæ feruntur super eo, in quo pendet victoria causæ; differunt enim vel parant præiudicium super toto negotio, vel super aliquo fundamento principali, & substantiali ipsius negotij, Mynsing. obseruat. 88. centur. 3. explicat etiam Andr. Gcyl. obseruat. 130. libr. 1. pract. obseruat.

Denique, de iure Canonico à quolibet grauamine, & omni interlocutoria sententiâ, per quam alteruter litigatorum grauatur, etiam ante litis contestationem appellare permittitur, cap. super eo, eod. Felin. ad rubr. extr. de sentent. & re iudic. num. 1. cap. 1. & cap. cum Romana, extr. eod. & cap. non ita, 2. q. 6. Quod tamen (vt dictum est) vsus fori, ad obuandum multorum malitiis & calumniis, non probauit.

Quæ Forma interponendæ Appellationis?

Regulariter, ab inferiore ad superiorem iudicem, grada-

tum nullo omisso medio, instituitur appellatio. Et hoc quidem, si sententia diffinitiva fuerit, à qua appellatur incontinenti, apud acta illius iudicis, à quo prouocatur, viva voce, per verbum, *Appello*: ex intervallo vero, vel in scriptis, intra decendum, cap. ex parte, extra. eod. Si autem interlocutoria, tantum in scriptis, grauaminibus nuncupatim insertis, intra decem dies, à tempore latæ sententiæ computandos, cap. significauerunt, extr. de re iudic. cap. quod ad consultationem, extr. de confirm. vili, c. bonæ, & c. anteriorum. 2. quæst. 6.

Iustificantur autem appellationum formalia, ex requisitis appellationum. Requiritur ad formam appellationis primo: Vt appellatio gradatim fiat, non omisso medio: & hoc præcisè iure civili, l. imperatores, ff. de appellat. quod & in terris Imperij obseruatur, Ordinatio. part. 2. titulus. 29. §. 1. Non autem iure Canonico. Volunt enim Canones ad Summum Pontificem, omisis mediis, posse appellari, cap. Metropolitanum, 2. quæst. 6. & Imol. in d. l. Imperatores, cap. ad Romanam, 2. quæst. 6. & cap. si duo, extr. eod. Rationem illam assignant: Quia Pontifex est Ordinarius singulorum, cap. cum nobis, extra, de elect. Imperator autem, qui licet dominus mundi sit, l. deprecatio, ff. ad leg. Rhod. de iact. & omnes prouinciæ sub eo sint, cap. Adrianus, 63. distinct. & omnes nationes, cap. hoc si quis, 11. quæstio. 1. & omnes Principes, c. in apibus, 7. quæst. 1. excepto Rege Franciæ, cap. per venerabilem, extr. qui filij sint leg. & omnia in eius potestate sint sita, cap. quo iure, 8. distinct. & cap. futuram, 12. quæstio. 1. non tamen patiatur in præiudicium inferiorum Ordinariorum, & in damnum, & laborem inestimabilem litigatorum, ad se, omisis mediis, appellari. Quod si fiat, remittit appellantem ad iudicem competentem, l. Imperatores, ff. eodem, Licet enim Princeps legibus non adstringatur, viuere tamen secundum legem debet, ca. proposuit, extr. de concess. præbend. tunc enim iura sua seruantur, quando ipse illis reuerentiam exhibet, cap. iustum, distinct. 9. Duo tamen casus excipiuntur, quibus, omisso medio, ad Superiorem appellatio institui, iure civili permittitur. Primo: Si intermedius iudex, palam & euidenter denegasset iustitiam, Mynsing. obseruat. 55. centur. 3. Secundo: Si medius iudex, ratione suspitionis, excommunicationis, vel alterius cuiusdam impedimenti, sit inhabilis, Abb. & alij in cap. dilecti, extra. de appellat. Quod etiam probat Ordinatio Camer. in 2. part. titulus. 29. in princip. & notat Mynsing. obseruat. 66. centur. 1. His casibus exceptis, si ab ordinario

dinario iudice appelletur, appellatio gradatim facienda est: nisi quòd Canones ad Papam, omissis mediis, appellari velint. Quid, si à Delegato appelletur? Et distinguitur. Aut delegatus est ad vniuersitatem causarum, vt est vicarius Episcopi, & Officialis, qui ordinarius censetur, tunc appellatur ad Archiepiscopum, ad quem ab Episcopo appellatur: quia vnum & idem consistorium censetur Officialis & Episcopi, cap. Romana, extra. eodem. Vel ad vnā causam, idque aut à Principe, & tunc ad ipsum Principem appellatur, cap. super questionum, extra. de offic. deleg. aut ab alio inferiore ordinario: & tunc etiam ad eundem ordinariū appellandum, cap. cum speciali, extra. eod. Si verò à subdelegato Principis, puta, cum delegatus Principis subdelegauit: subdistingue. Nam talis aut subdelegauit totam causam, & tunc tantum ad Principem appellatur: Aut aliquid de iurisdictione sibi retinuit: & tunc, vel est remota appellatio in rescripto, & non potest appellari ad Pontificem, sed ad Delegatum tantum; qui eum subdelegauit: & si fiat appellatio, non valebit, imò remittetur ad Delegatum, & est speciale hoc casu, vt, omissis mediis, ad Papam appellari non possit, Speculat. in §. nunc tractemus, num. 3. hoc tit. si verò non sit remota appellatio, communiter tenetur, quòd ad Delegatum, vel ad Papam, omissio delegato, appellatur, Speculat. d. locò.

Et sciendum, quòd à sententia Commissariorum Cæsaris, vigore ordinationis, part. 1. tit. 6. immediatè ad Cameram appellari possit. Non autem hoc obtinet in Commissariis, què ad instantiam partium, etiam priuatorum hominum, per meram delegationem à Cæsare dati sunt: hic enim casus in ordinatione non est expressus: igitur dispositioni iuris communis relinquitur, l. si cum dotem, ff. sol. matrim. Iuris autem est, quòd à Delegato ad delegantem, vel eius successorem in officio, appellandum sit, l. Papinianus, §. hæc si appellatio; C. de appellat, Salicetus, num. 4. l. vnica, C. qui pro sua iurisdic. & cap. super questionum, §. porro, & §. fin. cum gloss. ibidem, extra. de offic. deleg. Tali igitur casu appellatio ad Imperatorem, tanquam delegantem deuoluitur, Andr. Geyl; obseruat. 1. 2. 1. lib. 1. pract. obseruat.

Secundò requiritur, vt, si appellatio à sententia diffinitiuā interponatur viua voce incontinenti, vel intra decem dies, absque vlla necessitate exprimendæ iustæ causæ in scriptis: Si verò ab interlocutoria intra decem diem in scriptis, grauaminibus nuncupatum insertis, appelletur; l. 2. ff. eod. Bart. &

Ang. in l. litigatoribus, C. eod. Diverſitatis ratio eſt. Quia ab interlocutoriis, iure civili non appellatur, niſi iuſta appellandi cauſa ſubſit, quæ in inſtrumento appellationis per Notarium conſectio in ſpecie exprimi debet, vt iudex ad quem, ſtatim dignoſcere poſſit, iuſta necne ſit appellatio interpoſita, cap. cordi nobis, de appellat. in 6. Clem. appellanti, eod. tit. Huius ratio eſt: Quia in interlocutoriis appellatio ex prioribus, ſive iſdem actis, vel cauſis iuſtificari debet, gloſſ. in cap. cum in eccleſia, & cap. vt debitus, extra. eod. Regula enim & beneficium l. per hanc, ff. de temp. appellat. ſcilicet, Non deducta deducam: non probata probabo; non habet locum in ſimplici interlocutoria, d. cap. cordi, & Bartol. in d. l. per hanc. Appellatio autem à diffinitiva, ex aliis etiam, quàm quæ inſtrumento inſerta ſunt, argumentis, rectè approbatur. Bart. in l. ſi mater, §. ſi. ff. de execut. rei iud. Quòd ſi tamen conſuetudine receptum ſit, vt viua voce ab interlocutoria appellari poſſit, hæc, quaſi iuri civili conſentanea, valet, Angel. conſil. 267. Eſt enim ſolennitas appellandi iuris poſitiui: ac proinde contratio iure, putà conſuetudine, vel ſtatuto tolli poteſt, quod etiam Camera approbat, tradit Andr. Geyl. obſervat. 130. libr. 1. pract. obſervat. Sed, an interlocutoria vim diffinitivæ habens, diffinitivam, vel interlocutoriam ſimplicem irreparabile damnum continentem, in hoc ſequatur? Et ſuprà traditum eſt, ipſam non tantum quò ad formam: ſed etiam, quò ad iuris effectus diffinitivè comparari: paria enim ſunt, diffinitivam ſententiam eſſe, & habere vim diffinitivæ, gloſſ. in cap. ſin. de elect. in 6. & Alexand. conſil. 182. num. 1. volum. 6. Quemadmodum igitur à diffinitiva incontinenti, viua voce, ex intervallo verò in ſcriptis, ſine expreſſione grauaminum, appellari debet: ita quoque, ab interlocutoria vim diffinitivæ habente, appellari poteſt, tradit Franc. in d. cap. non ſolum, num. 3. & d. cap. vt debitus, num. 25. & ordinat. Part. 2. tit. 29. §. 3. Præterea, ſicut diffinitiva reuocari non poteſt, ita nec interlocutoria habens vim diffinitivæ, ita gloſſ. in d. cap. ſin. de elect. in 6. & c.

Requititur igitur tertio, vt ſi ab interlocutoria ſimplici appelletur, inſtrumento appellationis iuſta cauſa grauaminis, vel illari, vel cominati exprimat, cap. vt debitus, & cap. interpoſita, extra. eodem. Nam ad iuſtificandam appellationem huiusmodi grauaminis, deductio iure civili fieri debet, quod in diffinitiva reparari non poſſit, iuxta l. ante ſententiæ, vbi Salicet. & Dd. C. quando appellat. non recip. Licet Canones in
grava

grauamine multum non discernant, cum à quouis appellari possit, cap. 1. & cap. cum sit Romana, extra. eodem.

Quartum requisitum est, vt appellationis instrumentum per publicum Notarium recte sit confectum. Cuius rectitudo consistit in forma, & materia. Forma instrumenti appellationis est, vt contineat nomen eius, qui appellat, nomen eorum, aduersus quos appellatur, & nomen iudicis ad quem: denique à qua, cuiusve iudicis sententia, l. 1. ff. eod. Materia consideratur in deductione grauaminis, vel simpliciter interpositæ appellationis, quæ schedula appellationis continetur: debetque illa schedula instrumento Notarij inferri: nec sufficit attestatio Notarij in instrumento appellationis cotaip eo facta, sine insertionem schedulæ, Mynsing. obseruat. 45. centur. 4. Spectat & hoc ad Materiam ex qua, quod ex constitutione Diui Imperatoris Maximiliani, Anno 1512. in Comitibus Colonienfibus promulgata, instrumenta Notariorum ex membrana confici debent, non ex papyro, nisi aliter consuetudine receptum sit, vt notat Andr. Geyl. obseruat. 119. lib. 1. pract. obseruat. & Mynsing. obseruat. 80. cent. 1. Parnorm. in cap. cum dilecti, extr. de confirmatione vtili, & inutili.

Quintò requiritur observatio fatalium. Quæ in quadruplici sunt differentia: quædam enim ad interponendam appellationem: quædam ad discedendum à iudice à quo: quædam ad præsentandam appellationem coram iudice ad quem: quædam ad prosequendam appellationem, spectant. Fatalia interponendæ appellationis decem dierum à tempore sententiæ latæ computandorum spatio continentur. Vniiformiter enim hoc tempus decendij locum habet in omni appellatione, siue ab actu iudiciali, siue extraiudiciali interposita sit, per ea. concertationi antiquæ, eod. lib. 6. Curritque etiam non editante compromisso, aut pacto partium, à tempore latæ sententiæ, facta computatione, de momento ad momentum, auth. hodie, C. eod. & c. quò ad consultationem, extr. de re iud. Consultum igitur traditur, vt Notarius in instrumento appellationis apponat, non solum diem, sed etiam horam diei appellationis, ad hoc vt rite cognoscatur an decendiū effluxum sit. Nam prima dies appellationis non computatur tota, sed momentū, hora, & punctus illius diei, qui ad decimum diem eiusdem puncti referri debet. Vnde euenire potest, quòd decima dies in vndecimam definat, Felin. d. c. quò ad consultationem, nu. 24. & docet Andr. Geyl. obser. 139. lib. 1. pract. obser. Debetque tempus interpositæ appellationis accurate notari: quia interposita appellatio non

præsumitur facta, nisi probetur, nec possit iudex appellationis procedere & inhibere, priusquam de hoc ei fides fiat, in tantum, ut si processerit, & sententiam tulerit, non probato appellationis interpositæ decendio, si postea, post decimum diem, appellatum esse compertum fiat, sententia pronuntiata nullius sit momenti. Et est ratio. Quia deficit iurisdicção, propter desertionem, Clem. si appellationem, de appellat. & notat Mynsing. obseruat. 1. i. cent. 3. Felinus tamen in d. c. quò ad consultationem, ad hoc, ut currat tempus decendij, duo necessaria esse tradit. 1. Quòd victus sciat sententiam esse latam. 2. Ut sciat contra se, & ad suum præiudicium esse prolatam. Est enim illud tempus à principio utile, & in progressu continuum: unde non currit, nisi à tempore scientiæ, d. cap. concertationi, & d. authent. hodie, idque etiam in hærede appellantis obinet: quia hæredi non currit tempus interponendæ, vel prosequendæ appellationis, nisi à die notitiæ, siue defunctus appellauerit, siue ante appellationem fata concesserit, per text. in l. fin. C. si pendent. appellat. Quæ tamen ita intelligenda sunt, si dominus procuratorem apud acta non habuerit, aliàs procurator apud acta tam ab interlocutoria, quam diffinitiva appellare tenetur, l. inuitus, C. de procurat. & ibi gloss. Aut saltem intra decendium domino suo non solum ignoranti, sed etiam scienti denuntiare debet sententiam contra ipsum latam, cap. non iniuste, extra. de procurat. gloss. & Panorm. ibidem. Alterutrum si factum non sit, sententia transsit in rem iudicatam, & negligentia procuratoris nocet domino, si sit soluendo: sin minus consulitur ei beneficio restitutionis in integrum, Bald. in l. ab eo, num. 6. C. quomodo & quando, & c. & Andr. Geyl. obseruat. 45. lib. 1. præst. obseruat. Fatalia, ad recedendum à iudice à quo, consumuntur triginta dierum spacio, quo appellans à iudice à quo, apostolos petere tenetur. Iure enim communi non petens apostolos intra triginta dies, à tempore latæ sententiæ numerandos, appellationem deferit, cap. ab eo, de appellat. lib. 6. Bart. in l. eos, §. apostolos, C. eod. & est text. in Clem. 2. eod. tit. Suntque hi dies continui, per gloss. in cap. non solum, verb. dicendum, de appellat. lib. 6. Reteneti igitur sunt non semel, sed instanter, & sæpius, cap. quamuis, in Clem. de appellat. & si iudex eos non det, de diligentia protestandum est. Quod si autem appellans apostolos petere neglexerit, vel in termino, quem ei iudex eorum accipiendorum causa, statuerit, non comparuerit, appellationi renuntiasse videtur, d. Clement. quamuis, nisi iustum.

stum impedimentum doceatur. Verum ex nouella ordinatione Camerae Imperialis in 2. par. tit. 30. Apostolorum requisitio prorsus necessaria non est, sed relinquitur arbitrio appellantis, num eos petere velit, Mynsing. obseru. 84. cent. 1. & obser. 36. centur. 4. Tempus praesentandae appellationis, dicitur terminus legis, vel hominis, intra quem, si pars condemnata, coram iudice appellationem non praesentet, vel compareat, prior sententia transit in rem iudicatam, tex. est in c. personas, extr. eod. & gl. in l. praesens, C. de appellat. & c. saepe, extr. de appellat. Et dicitur vel terminus legis: quia lex, vel statutum, certum praesentandae appellationis tempus praescribit: vel hominis, quod iudex personae, causaeque circumstantiis perpensis statuit: uterque est eiusdem effectus, nisi quod terminus legis à iudice à quo, minui, non prorogari possit, c. ad haec quoniam, extr. eod. gl. in d. c. cum sit Romanae hominis verò terminus ab ipso iudice à quo, intra tempus à se praescriptum recte prorogatur, Franc. in c. personas, extr. eodem. Hoc tamen And. Geyl. obser. 140. libr. 1. pract. obser. ita accipiendum putat, ut prorogatio hominis non extendatur ultra terminum legis, idque ex ordinatione Camerae, qua appellanti bus sex menses ad introducendam appellationem conceduntur, perspicuum esse dicit, tit. 30. §. 1. & §. 5. par. 2. Terminus enim ordinationis est legis, seu iuris, quia à lege Imperij statutus, intra illum (si à iudice à quo non sit breuior assignatus, quod fieri potest) eitatio in Camera extrahi, & ante eius finem reproduci debet, id nisi fiat, appellatio deserta efficitur, & super desertione ex officio pronuntiatur. Et notandum, quod huiusmodi fatalia praesentandae, vel introducendae appellationis, non à die latae sententiae, sed à tempore interpositae appellationis currere incipiant, possintque compromisso, vel expresso partium consensu prorogari, auth. ei qui, C. eod. auth. si tamen, C. de temp. appell. Clem. sicut, eod. & Clem. quamdiu, eod. Denique fatalia prosequendae appellationis, sunt anni spatium de iure communi, & ex iusta & legitima causa biennium, à tempore interpositae appellationis numerandum, intra quod, nisi prosequatur appellans appellationem iudicalem, vel extraiudicalem, siue ab interlocutoria, siue diffinitiva institutam, appellatio pronuntiatur deserta, & per remissionem causae ad iudicem à quo, sententia prior confirmatur, & legitimum sortitur effectum, auth. ei qui, C. de temp. appell. Notat tamen And. Geyl. obs. 141. libr. 1. pract. obser. in iudicio Camerae Imperialis regulariter fatalia appellationis prosequendae, propter cau-

farum multitudinem, non curtere: sed tantum fatalia interponenda & introducenda appellationis: si tamen huiusmodi tempora prosequenda appellationis, coram inferioribus iudicibus non sint seruata, appellationem in Camera, tanquam desertam, non recipi; sed ad iudicem à quo, pro executione remitti: iudicari enim in Camera secundum ius commune, etiam quo ad solennitates coram iudicibus inferioribus non seruatas: tamen si ubique ferè locorum in iudiciis horum fatalium nulla habeatur ratio.

Sextò: requiritur, ut causa talis sit, quæ per appellationis viam ad superiorem deuolui possit, non ex minimis, in quibus, ob malitiam aduersarij, & inanem sumptuum faciendorum vexationem, appellatio prohibetur, atq. cap. anteriorum, 2. quæstio. 6. In Camera autem Imperiali appellationes non recipiuntur, si summa appellationis sit infra 50. florenos Rhenenses, ita disponente ordinatione, tit. 28. §. 4. part. 2. Quæ summa postea in Comitibus Spirensibus, anno 1470. fol. 19. ad 150. florenos extensa est: idem obtinet in summis priuilegiis, de non appellando, statibus & ciuitatibus concessorum: quia appellatio non deuoluitur ad Cameram, si summa non sit priuilegio conformis, d. tit. 29. §. 4. in fin. Nec appellatur in causa criminali, ubi delictum notorium vertitur, ut notatur in l. 1. C. quorum appellat. non recip. Ratio: Quia appellatio non debet esse iniquitatis præsidium, c. cum sit Romana, extr. de appellation. vel si res dilationem non patitur; puta, ne testamentum aperiatur, vel ne scriptus hæres in possessionem mittatur, vel ne frumentum in subsidium militiæ transmittatur, &c.

Septimò: ut appellans talis sit, quòd appellare possit: non contumax, vel is, quem perpetua lex, ob scelus, vel notorium delictum, statim pro meritis pœnis subiici iubet, ut supra.

Octauò requiritur: ut iudex à quo appellatur, inferior sit, à quo appellari possit: ut sunt tã Ordinarij, quàm delegati, 2. q. 6. & c. secundo requiris, & c. Romana, iuncto c. cum sit Romana, extr. cod. A principe igitur, id est, à Papa, vel Imperatore, non appellatur, d. c. anteriorum, 2. q. 6. c. cuncta, & c. per principalem, 1. 1. q. 3. Neque à præfecto prætorio, l. 1. C. de sentent. præfect. prætor. Neque à sententia arbitri, ad quem, per compromissum itum est, c. omnis oppressus, 2. q. 6. l. episcopale, C. de episcopali aud. vel à iudicibus, quos communis partium consensus elegit, c. à iudicibus, 2. q. 6.

Quis finis interponenda appellationis?

Vt non deducta & probata deducantur & probentur, l. per hanc, C. de temp. appell. l. eos, §. 1. C. eod. Non autem instituitur appellatio, vt aduersarius multis sumptibus diu, multumque vexetur, §. 1. authen. de iis, qui ingred. ad appel. Quia appellationis beneficium, non ad defensionem iniquitatis; sed ad præsidium innocentie institutum est, text. in cap. cum speciali, §. porro, extr. de appellat. & c. ad nostram, vbi gloss. eod. tit. Finis etiam appellationis interpositæ proprius est, vt iudicantium imperitia, & sententie iniquitas corrigatur, licet ipso facto comperiat, nonnunquam bene latas sententias per appellationem in peius reformari, vt ait Vlp. in l. 1. ff. eod.

Quis Effectus?

Primus effectus est. Quod appellatio causam reducit ad tempus litis contestatæ. Quare exceptiones peremptoriæ, quæ non ad impediendum litis ingressum, sed in vim peremptorium, post litis contestationem opponuntur, in causa appellationis rectè proponuntur: non autem illæ, quæ ante litem contestatam proponi necesse est, vt dilatoriæ, Alcia. in l. 3. C. de edend. eadem ratione, & articulos novos proponere, non tamen prioribus directò cōtrarios, probationesque vt in priori instantia facere, & non allegata allegare, non probata probare licet, Clem. fin. de testib. c. quoniam, extr. vt lite non contest. Articulus enim in prima instantia omissus, in causa appellationis redintegrari, & probari potest; dummodò nouus ille articulus à veteribus dependeat, & talis sit, in quo sententia à qua, faceret præiudicium, & pareret exceptionem rei iudicatæ, Bart. & Albin. in l. per hanc, C. de temp. & repar. appellat. & Ordinat. part. 3. tit. 3. §. 1. & §. 3.

Alter effectus est. Quod, secundum communem Doctorum opinionem, appellatio, quo ad præsentem causæ statum, plane extinguat pronuntiatum, licet quo ad futurum statum, & litis exitum suspendat tantum, per text. in l. 1. §. fin. ff. ad S. C. Turpil. & gloss. in c. venientes, extr. de iureiurando, Felin. in c. pastoralis, num. 14. extr. de off. deleg. Cum igitur per appellationem interpositam suspendatur sententia, ea pendente, nihil innouari; sed omnia in eo statu, quo tempore interpositæ appellationis erant, permanere debent, ita vt si à diffinitiuâ sententia, vel interlocutoria vim diffinitiuæ habente appellatum sit, iudex appellationis statim cum citatione inhibitionem decernere possit. Nō autem, si ab interlocutoria simplici, appel

appellabili tamen. Et ratio est. Quia ei de veritate grauaminis primum constare oportet, vtrum causa sit deuoluta necne: quando enim cognoscit an appellatio sit recipienda: an causa sit deuoluta: inhibere non debet, Henning. in sua pract. part. 3. tit. 30. Dd. in c. non solum, & c. Romana, cod. in 6. Quæ ratio cessat, quando à diffinitiuâ, vel interlocutoria diffinitiuæ vim habente appellatur. Quia appellatio à diffinitiuâ, vel interlocutoria diffinitiuæ vim habente (vt in primo effectû dixi) statim deuoluit causam ad iudicem appellationis, & reducit ad eum statum, in quo erat causa. principalis post litis contestationem, per tex. in l. ita demum, & ibid. Barr. & Bald. C. de procurat. Marant. dist. 6. nu. 16. An autem iudex appellationis innouata ante inhibitionem reuocare possit? Et pari ferè distinctione explicat hanc quæstionem Bonifacius VIII. c. non solum, de appellatio. in 6. inquit: Non solum innouata post appellationem à diffinitiuâ sententiâ interiectâ, debent semper (exceptis casibus, in quibus iura post sententiâ prohibent appellare) ante omnia, per appellationis iudicem penitus reuocari: sed etiam ea omnia, quæ medio tempore inter sententiâ, & appellationem (quæ postmodum intra decendium interponitur ab eadem) contingit inuocari: ac si post appellationem eandem innouata fuissent. Si verò ante diffinitiuam ab interlocutoria appellatum sit, illa, quæ post appellationem interpositam ante diffinitiuam sententiâ innouantur, donec appellationis causam veram esse constiterit per iudicem appellationis (postquam sibi cõstiterit per appellationem emissam, ex probabili causa fore ad se negotium deuolutum) inhibeat canonicè iudici (à quo appellatum extitit) ne procedat: tunc enim quicquid post inhibitionem huiusmodi fuerit innouatum (licet causa eadem non sit vera) per eundem appellationis iudicem, ante omnia, in statum pristinum reducendum est, vt traditur in c. ex parte, extr. cod. Notat etiam Spec. §. nouissimè, nu. 7. cod. tit. casus 16. quibus, pendente appellatione; innouatio permittitur. Quos ibi videre licet.

Tertius effectus est. Quòd appellans, per appellationem interpositam, statim eximatur à iurisdictione iudicis à quo, censeaturque iudex incompetens, potissimum si appellationi interpositæ derulerit. Nam is iudex deferendo appellationi, iurisdictionem quodammodò à se abdicat, c. cum appellationibus, de appellat. in 6. transfertque eam, super qua appellatum est, ad eum, ad quem fertur appellatum esse, c. pastoralis, extr. cod. c. per tuas, extr. de sent. excom. & c. ad reprimendam;

extr.

extr.de offi.ordi. Quod tamen non ita accipiendum est, quod per hoc iudici à quo iurisdictione in appellan-tem penitus adimatur. Cum etiamnum appellan-tem, si delinquat, notorie punire, & appellationem propriam ptosequi negligentem distingere possit, c. reprehensibilis, c. consuluit, & c. proposuit, extr.co. Siquidem, aut appellans à prosecutione appellati-onis desistit, & appellato in expensas legitime condemnatur, d.c. reprehensibilis, extr.eod. Aut appellatus non prosequitur appellationem, & contra eum, vt contumacem, ptoce-ditur, c. sæpè contingit, extr.eod. Aut vterque prosecutionem appella-tionis negligit: quo casu prioris iudicis sententia, cui litiga-tores postea parere tenentur, ob desertionem appellationis interpositæ, in rem iudicatam transit, d.c. reprehensibilis. Ne tamen quis, prætextu grauaminis nullibi existentis, à iusta sententia, temerè appellare audeat, iure ciuili pœna 50. libra-rum auri, cum existimationis iactura in temerè prouocantes statuta est, l.eos, C.eod. l. à proconsulibus, C.eod. & l. 5. C. quo-rum appellat. non recip. Sed hæc pœna, cum quorundam ap-pellantium facultatib. par non sit, & ex consequenti, iuxta il-lud: (*Qui non habet in ære, luat in corpore*) in corporalem pœnam transmutetur, per Canones mitigata est. Nam appellantium temeritatem expensarum solummodò damno puniunt, d.c. reprehensibilis, extr.eod. c. de elect. in 6. Abb. in c. inter cæte-ra, extr. de appellat. Quod ita intelligendum est, si de temeri-tate appellantis indubitato constet. Appellans enim, qui in prima instantia obtinuit, etiamsi in appellationis causa suc-cumbit, non tamen est in expensis condemnandus: quod ita procedit, si ex nouis probationibus, & actitatis succumbat: se-cus si eisdem, seu prioribus actis, iuxta gl. in c. ignorantia, de reg. iur. in 6. Imol. & Host. in c. finem litibus, extr. de dolo, & cõtu. & tradit Mynsing. obseru. 89. cent. 2.

Quæ Affinia?

Recusatio, relatio, in integrum restitutio, supplicatio, re-uisio.

Quid est Recusatio?

Alterum membrum huius tituli est: *De recusationibus*; parti-ficantur enim recusatio & appellatio, c. super, extr.eod. Et si-cuti per appellationem receditur ab audientia iudicis, ita etiam per recusationem, c. secundò requirits, extr.eod. & c. quod su-specti, 3. q. 5. Est autem recusatio, vt definit Speculator in §. recusatio, titul. de recusat. iurisdictionis, vel audientie, causa suspi

suspicionis, proposita declinatio, c. quod suspecti, 3. q. 5. & c. suspicionis, extr. de off. deleg.

Qua est causa Efficiens?

Ipsa lex, quæ non vult institui à personis suspectis administrari, magno partis detrimento, l. apertissimi, C. de iudiciis.

Quod est Obiectum?

Iudex ordinarius, & Delegatus. Quia iure Canonico, tam Ordinarius, quàm Delegatus, ob suspicionem recusari possunt. De ordinario patet ex cap. si quis contra, extr. de foro comp. cap. placuit, 2. questio. 6. cap. peruenit, 1. 1. questio. 1. & c. cum specialis, extr. de appellat. De Delegato autem expressum est in cap. suspicionis, extr. de offic. deleg. & cap. postremo, extr. de appellat. nisi sit datus ad petitionem partis. Quia is, qui ipsum petit, nequit eum recusare, c. induciæ, §. offeratur, 3. q. 3. & c. cum olim, extr. de off. deleg. nisi ex noua causa suspicio oriatur, c. insinuantem, extr. de offic. deleg. Iure autem civili tantum Delegatus, non autem Ordinarius regulariter recusari potest: ad eum effectum, ut remoueatur tanquam suspectus: sed si aliqua suspicionis subfit causa, adiunctus ei dandus est, communiter Dd. in auth. si verò contigerit, C. de iud. & glo. in l. apertissimi, C. de iud.

Qua Forma?

Vt, ante litis contestationem, intra tempus deliberationis: scilicet, viginti dierum, libellus recusatōis, in quo sufficiens suspicionis causa scripta sit, iudici ordinario, vel Delegato, porrigatur, eliganturque per litigatores arbitri, qui de suspicionis causa cognoscant, qua coram arbitris probata, negotium cuidam personæ idoneæ decidendum committatur, vel non probata ad iudicem recusatū remittatur, c. cum speciali, extr. cod. & l. si. C. de iud. Primò enim requiritur, ut recusationis exceptio in scriptis proponatur, ante litis contestationem, tam iure civili, ut in dict. l. apertissimi, quàm iure Canonico, ut in cap. inter monasterium, extr. de re iudicata. Est enim illa exceptio dilatoria, ergo ante litem contestatam oblicienda, imò ante omnes dilationes. Quia si opponitur alia dilatoria, censetur prouocari iudex, ut super ea pronuntiet, & sic inducitur consensus in iudicem, ut non possit recusari postea, Lanfran. in cap. quoniam, extr. de probat. Quod ita procedit, nisi ex noua causa, post litis contestationem, suspicio oriatur, ob quam exceptio recusatoria opponenda

nenda foret, c. insinuantem, extr. de offic. deleg. tunc en in in quacunque parte litis obiici poterit, etiam post conclusionem causæ, si post superuenit, iuxta Felin. in d. c. insinuantem. Quo casu, is, qui, ob suspicionem, iudicem, quem antea approbasse videtur, recusare contendit, iurisiurandi religione affirmare tenetur, eam de nouo ad eius notitiam peruenisse, capit. pastoralis, extr. de except. Nam & in Camera, post litis contestationem, recipiendam talem recusatationis exceptionem non esse, communi suffragio obtinuit, nisi notoriè, & euidenter constet iudici, eam de nouo superuenisse, Mynsing. obser. § 9. cent. 4. Secundò requiritur, vt recusatio non verbis, sed scripto fiat. Quia huiusmodi recusatio interlocutorie comparatur, à qua in scriptis appellandum est, ita tenet Angel. Fulg. & Salic. in l. fin. C. de iud. debetque recusatationis libellus iudici præsentì exhiberi, d. l. apertissimi, C. de iudic. in verb. *libello recusatationis porrecto*. Cuius forma est, vt contineatur, quis, quem, in qua causa, quare recusat, & nomen arbitri, qui ad cognoscendam suspicionis causam eligitur, Speculat. in §. qualiter autem, hoc titul. Tertiò requiritur de iure Canonico, vt. causa suspicionis iuxta libello recusatatorio inferatur, quæ coram arbitris postea electis probetur. Causæ iuxta sunt: quia iudex, maritus, pater, vel patronus aduersarij est, pecunia interueniente corruptus, nimis fauens propter proquitatem, inimicus, quia recusantem priuato, vel euidenti odio prosequitur, vel quia fuit aduocatus, vel procurator eiusdem causæ, vel quia est imperitus iuris, vel habet assessorem suspectum, Hostiens. in §. quæ sint iustæ causæ, de offic. deleg. & §. ex quibus causis, tit. de recusat. & Specul. §. causa recusatationis, de recusat. Illud singulariter notandum, quòd omnes causæ, quæ repellunt testem, tanquàm suspectum, multò magis iudicem repellunt, imò minor suspiciò sufficit in iudice, quàm teste, quia facilius est, alium inuenire iudicem, quàm alium testem: & quandoque victoria totius causæ in vnico teste, propter alia quædam adminicula, consistit, glo. in cap. cum R. Canonicus, extr. de offic. delegati. Quarto requiritur de iure Canonico, vt à litigatoribus, arbitri, qui de causa suspicionis cognoscant, eligantur, qua probata, causa principalis alij iudici committatur, vel non probata, ad iudicem recusatum remittatur, cap. cum speciali, & cap. secundò requiris, extr. eod. Sic enim ait Innocen. III. in c. cum speciali, extr. eodem. Cum aliquis iudicem proponit se habere suspectum, suspicionis causam coram eodè allegare tenetur.

Sed

Sed partes, vt in aliquos non valdè remotos conueniant, per eundem iudicem debent cogi: coram quibus si causa suspitionis intra terminum competentem probata non fuerit, tunc demum autoritatè sua iudex vtetur. Quòd si corà ipsis causa suspitionis probata fuerit, causæ cognitione superledere tenebitur recusatus, & de recusatoris consensu, vel negotium alicui idoneæ personæ decidendum committit, vel ad Superiorem remittit. Sed ius ciuile hos duos postremos effectus non approbat. Eo enim iure causa suspitionis in libello recusationis exprimenda non est, sed sufficit suspitionis allegatio in genere secundùm formulam recusandi, quam tradit gl. in d.l. apertissimi, in verbo, *libello*, quam sequitur Bal. ibidem num. 7. Iason, Sal. & alij. Sufficit igitur dicere, se habere iudicem suspectum; licet iuramentum præstare teneatur recusans, se non calumniandi animo recusare. Nam hoc iuramentum loco probationis erit, cum quilibet præsumatur memor e Te salutis suæ, & proinde arbitri à partibus electi, secundùm ius ciuile, omisso articulo suspitionis, in causa principali cognoscunt; quia cum causa libello non sit inferenda, ex consequenti nec probanda est, d.l. fin. C. de iud. prout tenet etiam Ang. in d.l. apertissimi, & Bal. in l. r. §. i. ff. à quib. appell. non licet. In hoc tamen quid consuetudine obseruetur, attendendum est, vt tradit Mynsing. obser. 63, cen. 3. & Andreas Geyl.

Quis Finit?

Vt iudex, ob suspitionem remoueat: ipsa namque ratio dicat, vt ait Cælestinus, suspectos, & inimicos iudices esse non debere, d. c. secundò requiris, extr. eod.

Quis Effectus?

Primus est: Quòd eo ipso, quòd iusta suspitionis causa proponitur, recusati iudicis iurisdicctio sit suspensa, cap. super eo, extr. eod. Alter effectus est: Quòd probata causa suspitionis, in tantum expiret, & extingatur recusati iurisdicctio, vt in causa principali procedere non possit: & si ad vltiora processerit, processus sit ipso iure nullus, dict. c. secundò requiris, extr. eod. An autem hoc casu arbitri in causa principali procedant, vel alij iudices sint eligendi? Et distinguitur inter ius ciuile, & Canonicum. Nam iure ciuili, arbiter de cognoscenda suspitione electus, in recusati iudicis delegati (iure enim ciuili Ordinarius propriè non recusatur) locum succedit, & tanquam delegatus ab eo, qui recusatum delegauerit, de causa principali post factam suspitionis probationem cognoscit, d. l.

apertissimi, & arg. c. dispendia, extr. de rescrip. sicut cum pronuntiatur, quod appellatio ab interlocutoria sit iusta: quia tunc deuoluitur negotium principale ad iudicem appellationis: appellationibus enim ab interlocutorijs recusationes iure ciuili comparantur. Cast. in d. l. apertissimi. Verum iure Canonico, arbitri tantum de causa suspicionis cognoscunt. Qua probata, iudex recusatus potest de recusatoris assensu committere personæ neutri parti suspectæ causam: seu cogere partes ad eligendum arbitros, quibus ipse vices suas committat, ac deleget, & hi tanquam delegati eius vice de principali causa cognoscant, vel causam ad Superiorem remittere potest, d. c. cum speciali, extr. eod. c. cum te, extr. de off. dele. c. peruenit, l. i. q. 1. & c. placuit, 2. quæst. 6.

Quid Relatio?

Relationis tractatio ad tertiam huius tituli partem spectat: conuenit cum appellatione in effectu. Quod sicuti instituta appellatione, ita etiam facta relatione ad Superiorem, nihil innouari debet. Et dicitur relatio, iudicis, de iure dubitantis ad Principem missa consultatio, c. intimasti, extr. eo. & c. si quid in ecclesia, 2. q. 7.

Qua est causa Efficiens?

Iudex competens, qui, ob difficultatem, vel ambiguitatem iuris, de causa dubitat. Nam in factorum perplexitate non est recepta relatio, l. 1. & l. 2. C. de relat.

Qua Materia?

Ipsum ius, non autem factum, tam in causa ciuili, quam criminali, auth. collat. 6. de iud. §. fin. & l. eum, ff. de iudic. Relatio enim locum habet. 1. Vbi in controuerso casu nullum ius est expressum. 2. Vbi quidem expressum est, sed de eius intellectu dubitatur, propter diuersas interpretationes sententias. 3. Vbi tanta est iurium contrarietas, ob quam iudex in diuersas sententias anceps distrahat, c. pastoralis, extr. de fide inst. ca. literas, extr. de restit. spol.

Qua Forma?

Formam ponit Speculator in §. qualiter, titu. de relationibus, & Imp. Theodo. & Valent. in l. fin. C. de precibus Imperatori offerendis: scilicet, ut iudex ante sententiam diffinitiuam, examinato diligenter articulo, super quo fieri debet relatio, partibus presentibus dicat, se super ea dubitare, & velle Principem consulere: demum conficiat libellum Principi mittendum, in quo contineatur processus, coram eo habitus,

& dubitationis articulus, rationesque partium, & iura, quæ ipsum perplexum reddant. Quo facto, ipsum consultationis exemplum partibus legendum, vel edendum illicò tradi iubeat: ut si forte relatio minus plena videatur, vel aliter scriptum, quàm actum sit, opponere suas rationes, & refutatorios libellos Principi offerre possint, c. cum inter, extr. de elect. Tunc enim relationibus plena fides, & veritas inest, cum vel allegationibus repelluntur, vel partium approbantur assensu, l. 1. & l. 2. C. de relat.

Quis Finis?

Ut ambiguitate iuris, per Superiorem declarata, iudex rectè quæstionem definire, & sententiam iuri, & æquitati consentaneam ferre sciatur, d. c. intimasti, extr. de appellat.

Quis Effectus Relationis?

Effectus relationis est, ut causa, vel etiam consultatio pendente, nihil debeat innouari, vel de causæ meritis inquiri, vel aliquid fieri: aliàs irritum id habetur, a. licet, extr. de off. de leg. c. bonæ, 2. extr. de post. prælat. c. nomen, 2. q. 1. & c. denique, 6. q. 3. Notandum etiam. Quamvis relatio fuerit per iudicem approbata, tamen, priusquam facta sit, postea commissa de partium consensu in causa procedi, c. significantibus, extr. de off. deleg.

Quid est Supplicatio?

Sicut appellatio ad corrigendam Inferioris sententiam interponitur: ita supplicatio ad mitigandam sententiæ sæueritatem, illorum, à quibus propter dignitatis sublimitatem appellari non licet, fieri contingit. Est enim supplicatio nihil aliud, quàm veniæ proprii erroris petitio, vel ipsius Superioris benignitatis imploratio, l. præfecti, ff. de minor.

Quæ causa Efficiens?

Est lex ipsa, permittens in certis casibus Principi preces offerre, tot. tit. C. de precibus Imp. off. & tit. C. ut lite pendente vel post prouoca.

Quod Obiectum?

Sententia, à qua appellatio non conceditur: ut est sententia Præfecti prætorio, Imperatoris, vel Papæ, c. ex literis, extr. de restit. in integrum, & c. cum causam, extr. de re iud. Aliàs enim lite pendente, vel post prouocationem, aut diffinitiuam sententiam nemini licet supplicare, d. tit. ut lite pendente, & c. Nisi vel actorum communium, vel pronuntiationis editio denegetur, l. supplicare, d. tit. ut lite pendente. An autem potest supplicari

supplicari ad Episcopum à sententia Vicarij? Et quidem potest, supplicatione largè sumpta, vt scilicet comprehendat beneficium restitutionis in integrum; quod conceditur minori, vel maiori, ex causa; nam cum ipse Vicarius Episcopi possit aduersus suam sententiam restituere in integrum, non est mirum, si Episcopus aditus restituere possit aduersus eandem sui Vicarij sententiam, cum vna, eademque vtriusque censeatur iurisdictio, iuxta Panorm. & alios, in cap. ex literis, extra. de restitut. in integ.

Que Materia?

Causa tam criminalis, quam civilis. Nam super criminis poena, venia potest per supplicationem impetrari, l. rescripta, C. de precib. Imp. off. & cap. quæ est, 2 §. q. 2. Huius autem supplicationis basis, & fundamentum sumitur, non ex sententiæ iniquitate, quæ non cadit in tam sublimes personas, à quibus appellandi facultas non permittitur; sed ex petitione veniæ proprij erroris, vel aduersarij circumuentionis allegatione, l. præfetti, ff. de minorib. In causa autem civili, post pronuntiationem reuissio omnium actorum, oblatis Principi precibus, peti potest, si condemnatus prolata sententia contra æquitatem, & ius scriptum se grauati arbitretur: pendente verò lite supplicatio facilè non recipitur, nisi supplicetur pro eo, quod graui partis diuersæ dispendio non cedat, vt pro dilatoria exceptione, non peremptoria; id enim, quod totius negotij cognitionem tollit, & vires principalis negotij exhaurit, per rescriptum nō conceditur, leg. quoties, C. de precib. Imp. off. ca. ex insinuatione, extr. de proena. & c. 1. extr. de dol. & contum.

Que Forma?

In causa criminali, forma est, vt supplicatio libello comprehensa, in qua, suppressa causa supplicandi extrinseca, error proprij facti, vel dolus, & circumuentio aduersarij prætendatur, cum imploratione benignitatis Principi offeratur, prosiq; petenti, nec alij obsit, c. nec damnoſa, 27. q. 2. & l. 2. C. de precib. Imp. & c. Forma in causa civilis est, si condemnatus iniquè cōdemnationem factam putet, vt intra decē dies reuissionem actorum, & totius causæ petat, quibus elapsis, habet biennium ad supplicandum Principi: quod biennium computatur, ex quo Imperator in cognitione præfetti successit, l. 1. C. de sentent. præf. præf. & auth. quæ supplicatio, C. de precibus. Imper. offer. quod iure communi obtinet. Quid autem in Camera? vide infra de reuissionibus.

Qui Effectus?

Effectus supplicationis est: quia si Princeps rescribit ad supplicationem, obtinet vicem litis contestatæ, quantum ad hoc, ut perpetuetur usque ad 30. annos, vel secundum alios, usque ad 40. tot. tit. quando libel. Princ. datus litis contest. faciat, & l. 1. C. de annali except. transitque ad hæredes, & contra hæredes, l. 1. C. quando libel. l. constitutionibus, ff. de actio. & oblig. cap. circa medium, §. potest. 1. 6. quæst. 3. Ob id prætoriz, aliæque temporales actiones, per oblatas Principi preces, & ad eas rescriptionem, perpetuantur, l. temporales, C. quando libell. Princip. datus.

Alter effectus est, commodum fideiussionis præstandæ. Supplicatio enim non habet hunc effectum instar appellationis, ut pendente rescripto, ad supplicationem nihil innovetur. Quandoquidem, si intra decem dies supplicetur, potest sententia executioni mandari: ita tamen, si victor satis dederit de restituenda re, si sententia fuerit iuste resoluta. Si autem non supplicauerit intra decem dies, habet biennium ad supplicandum Principi: quod biennium computatur, ex quo Imperator ex cognitione præfecti successit, l. 1. C. de sentent. præf. prætor. Sed tunc executio sententiæ fiet, nec victor satisdabit de restituendo, authent. quæ supplicatio, C. de precibus. Imp. off. Igitur aduersus sententiam supplicare quis debet infra decem dies, si velit habere commodum fideiussionis præstandæ: sed per hanc supplicationem executio sententiæ non impeditur.

Ex his patent, inter appellationem, & supplicationem differentiz. 1. Appellatur intra decem dies: sed supplicatur usque ad biennium. 2. Pendente appellatione, nihil est innovandum: sed pendente supplicatione, mandatur executioni sententia. 3. Ante sententiam non licet simpliciter supplicare, l. 2. C. ut lite pend. sed appellare permittitur, ubicunque grauamen inferitur, cap. ut debitus, extr. de appellat. 4. Supplicatio protenditur ad noua, & vetera: appellatio verò solum ad ea, super quibus interponitur, cap. suscita, & cap. ex literis, extra. de in integr. restitut. Denique temerè supplicans in omnem litis æstimationem aduersario condemnatur, l. 2. & l. 3. C. ut lite pend. secus in appellatæ, de iure ciuili, iuxta l. eos, C. eo.

Quid Reuifio?

Reuifio est, causæ, in qua, per diffinitiuam iudicis sententiam opinione partis supplicantis contra æquitatem, vel ius scriptum

scriptum grauamen infertur, ex prioribus actis, propositis-
que causis, & argumentis merita causæ concernentibus, re-
petita cognitio.

Quæ causa Efficiens?

Constitutio Imperialis, quæ neminem, contra ius & æ-
quum grauare permittit, authent. quæ supplicatio, C. de pre-
cibus. Imper. off.

Quod Obiectum?

Prætenſa à parte condemnata nullitas, vel iniquitas pro-
nuntiatiæ sententiæ diffinitiuæ, in quauis causâ: ita vt etiam
in causâ diffamationum, in qua ad impositionem perpetui
silentij proceditur, sententia lata, reuſio peti possit, Andr.
Geyl. obseruat. 1 3 2. lib. 1. pract. obseruat.

Quæ Forma?

Forma, de iure communi, habetur in authent. quæ suppli-
catio, C. de precibus. Imper. off. Sed quid in reuſionibus, post
sententiam diffinitiuam latam, in Camera Imperiali, per par-
tem cõdemnatam, & victam, petitis obseruetur, traditur Or-
dinat. Camer. part. 3. tit. 53. & constitut. Ratispon. anno 1532.
promulgata, fol. reccf. 246. Quæ tamen ordinatio Cameræ,
per constitutionem Imperialem postea Anno 1557. Spiræ
promulgatâ, ampliata est, fol. 208. reccf. Spiren. Anno 1557.

Qui Effectus?

Vt sumptibus partis petentis fiat reuſio per peritos ad
hoc deputatos. Qua facta, si nullitatem, vel iniquitatem sen-
tentiæ deprehenderint, contra sententiam pars condemnata
restituatur. Et nota, quòd, reuſionis tempore durante, senten-
tia executioni mandetur, si victrix pars dignam præstiterit fi-
deiussionem tantum restituendi, quantum fuerit in condem-
natione, si legitima retractatione sententia resoluatur, d. an-
then. quæ supplicatio, C. de precib. Imp. off. Quid, si fideiſſo-
res habere nequeat? Et adhuc per reuſionis processum non
impeditur executio, si modò iuratoriâ cautionem, quæ lo-
co fideiſſionis requisitæ admittitur, præstiterit: ita concludit
Andr. Geyl. ex opinione Guid. Pap. decis. 189. &c.

*Quid est Restitutio in integrum? Et quomodo ab ap-
pellatione, supplicatione, vel reuſione differi?*

Restitutio in integrum est, prioris status, iuris, vel audien-
tiæ redintegratio, cap. ex literis, extr. de in integr. restitut. Nec
nultum, quo ad effectum legitimum, ab appellatione differt:

sicut enim per appellationem quandôque rescinditur, ita etiam per in integrum restitutionem: & sicuti, pendente appellatione, nihil est innouandum: ita quoque postulata, & obtenta in integrum restitutione, omnia sunt in eodem statu, in quo erant, priusquam petitio fieret. Nec enim res, super qua postulatur, alienari debet, nec sententia executioni mandari, nec aliquid fieri in præiudicium postulantis, donec restitutio fuerit expedita. Ex quo perspicue apparet, vberius esse restitutionis, quam supplicationis beneficium. Nam supplicationis oblatio sententiæ executionem, vel rerum alienationem, donec ad eam rescribatur, non impedit. Differunt & alio modo. Quia supplicatio puræ gratiæ, & benignitati Principis innititur, locumque habet, quando nulla probabilis causa extrinseca allegatur: sed vel error facti prætenditur, vel dolus, & circumuentio aduersarij. At restitutio in integrum, innititur iustitiæ, locusque ei est, quoties contra sententiam Principis allegatur probabilis quædam causa extrinseca: puta, minor ætas, fauor Ecclesiæ, absentia probabilis, vel necessaria, aut simile quid, iuxta Panormit. in cap. cum ex literis, verb. sed pro concordia, extr. de in integ. restit. & cap. auditis, extr. de in integ. restit. Quale autem beneficium sit in integrum restitutio; vide in Mynling. obseru. 1 8. centur. 4. Quæ forma petendi; obseruat. 4 9. & obseru. 1 1. centur. 1. Quid probari debeat; obseruat. 3 0. cent. 1. & obserua. 1 6. cent. 4. Quis effectus; & an impediatur executione sententiæ; vide obseru. 4 8. cent. 1. Sed de hac materia latius supra, lib. 1. tit. 4 1. de in integ. rest.

Quæ Adiacentia?

Dimissorij libelli, qui apostoli dicuntur, libelli appellatorij, compulsoriales, & inhibitiones, siue literæ inhibitoriales.

Qui dicuntur apostoli?

Apostoli dicuntur, libelli, per quos causa ad eum, qui appellatus est, dimittitur: & post interpositam appellationem, in qualibet causa dandi sunt ab eo, à quo appellatum, ad eum, qui de interposita appellatione cogniturus est, l. 1. ff. de libell. dimissor. Forma apostolorum traditur per Iureconsultum in l. vnica, ff. de dimissor. libell. videlicet, appellare Lucium Tirium à sententia illius, quæ inter illos dicta est: debent enim continere quis appellet, à quo, ad quem, super quo, & ex qua causa, Specul. in §. de officio, hoc tit.

Quæ sunt apostolorum species?

D. centur apostoli, vel dimissorij, vel testimoniales, vel conuenio

conventionales, vel reuerentiales, vel refutatorii. Dimissorii dicuntur, per quos apparet, quòd iudex appellationi derulit, & quòd appellansem à sua iurisdictione exemir, & causam ad eum, qui appellatus est, remittit. Hi enim sunt dimissoriorum effectus. Testimoniales dicuntur, quia testificantur de appellatione facta coram iudice. Conuentionales sunt, quos pars admittit, siue in iudicio, iudice refutante, siue tacente extra iudicium, cap. sepe, & ca. oblatæ, extr. de appellat. Reuerentiales appellantur, vt quando, propter Superioris reuerentiam, appellationi defertur, vt in leos, §. super his, Ca. de appellat. Refutatorii dicuntur, per quos apparet, quòd iudex non defert appellationi, scilicet quando friuola & frustratoria est appellatio, & ad manifestam calumniam, vexandisque aduersarij causa instituitur; talibus enim à iudice non est deferendum, cum nec ius deferat, ca. cum appellationibus, eod. tit. lib. 6. De aliis apostolis, vide apud D. Chilianum, in pract. cap. 130. Quos libellos, si iudex ad instantiam appellantis (quod intra 30. dies fieri debet, alias appellationi renuntiasse videtur) non tradiderit, & petitione appellationis non attempta in causa processerit, erit processus ipso iure nullus, vt. norant Bonifacius VIII. & Innocentius III. in cap. ab eo, & cap. vt super, de appellat. in 6. & Clementina, quamuis, eod. Suprà tamen dixi, iuxta ordinationem Cameræ, part. 2. tit. 30. requisitionem apostolorum non esse necessariam, sed appellantis arbitrio relinqui, num eos petere necne velit, Mynsing. centur. 4. obseruat. 36.

Qui dicuntur libelli Appellatorii?

Libelli appellatorii nihil aliud sunt, quàm appellationis instrumentum, manu publici notarij confectum: quo, nomen appellantis, & appellati, & à cuius iudicis sententia appellatur, cum iustificatione appellationis (quod per expressionem cause iustæ appellandi contingit) iudici appellationis proponitur. Quo quidem instrumento opus est, si appelletur ab interlocutoria, ob hanc rationem: Quia ab interlocutoria, nisi ex iustis causis, non est appellandum: Ergo per illas causas instrumento insertas, appellatio statim coram iudice ad quem, non autem per alios, debet iustificari: quod non requiritur in appellatione à diffinitiva, quæ non nisi ex prioribus actis iustificatur. Sic enim ait Clemens V. in Clementi appellanti, de appellat. Appellanti ab interlocutoria, vel à grauamine iudicis, non licet alias causas prosequi, quàm in

Appellatione sua nominatim duntaxat expressas: Nec processus primi iudicis, ex nouis, aut de nouo probandis iustificari potest, vel etiam impugnari; sed tantum ex illis, quæ acta fuerunt, vel exhibita coram ipso. Sed appellatio à diffinitiuâ non tantum per causas instrumento insertas, sed etiam alias, quas in actis diligens iudex inueniet, iustificatur: imò ut putat Speculator in §. de officio, hoc tit. iudex inquirendo, an ex causa à diffinitiuâ appellatum sit, non laborabit, cum à diffinitiuâ etiam sine causæ expressione appelletur, & sufficiat dicere: Appello ab iniqua sententia.

Quid sunt Compulsoriales, causa efficiens, materia, forma, & effectus?

Compulsoriales sunt, literæ, quibus iudex ad quem, post receptionem appellationis, mandat iudici à quo, ut acta causæ ad se transmittat. Iudex enim à quo actorum copiam, sub suo sigillo iudiciali, appellanti edere tenetur, l. is apud quem, & Dd. ibi. C. de edendo. Quod si dare recuset, mandatis pœnalibus per iudicem appellationis, ut edat, compelli potest, d. l. is apud quem, de ordinat. part. 2. tit. 3 §. 1. & part. 3. tit. 3 §. 1. cum. seq.

Causa efficiens est, iudex appellationis, qui iudicem inférieurem ad edendum acta, sub comminatione certæ pœnæ compellere potest, ut dixi.

Materia, compulsoriales non solum pro edendis actis, sed etiam in causis priuatorum pro edendis rationibus, instrumentis, & missiuis, inuestituris, & statutis ciuitatum decernuntur: prout notant Canonistæ in cap. 1. extra. de probat. & Dd. in l. 1. §. editiones, ff. de eden.

Forma, ut iudici inferiori, sub pœna pecuniaria, sine clausula iustificatoria, per iudicem appellationis mandetur, ut intra certum terminum acta edat: huiusmodi enim compulsoriaalia mandata, clausulam iustificatoriam annexam non habent. Ratio: Quia iudex de iure acta edere tenetur: ergo præceptum pœnale hic locum habere potest, d. l. is, apud quem, C. de eden. Finis & effectus, ut editis actis perfectis, & integris, veritas inquirei, & falsitas evitari possit, per text. in cap. quoniam contra, extra. de probat. nam acta, tanquam scripturæ publicæ, plenam fidem absque testibus faciunt, Maran. part. 6. tit. de act. edit. nu. 2 3. Quod si iudex à quo adhuc acta edere contumaciter detrectet, non statim sit declaratio pœnæ, neque actiores compulsoriales decernuntur, sed in scriptis.

ptis, vel viua voce, petitio in primis ab appellante, pro arctioribus compulsozialibus, & citatione ad videndum se incidisse in pœnas simplicium compulsozialium, iudicialiter exhiberi, vel fieri debet. Ad hanc petitionem decernuntur arctiores compulsoziales, si de legitima requisitione, & insinuatione simplicium compulsozialium fides facta sit, quibus arctioribus citatio contra iudicem à quo, ad videndum, se incidisse in pœnas simplicium, vel allegandum causas iustas, cur hoc fieri non debeat, inferitur (hæc enim citatio, ad videndum, quæ ad impositionem mulctæ requiritur, euentualis pœna declarationem præcedere debet) & præterea iterum mandatur ei, vt facta legitima requisitione, acta pro debita mercede edat, ad euitandam comminatum pœnam. Et potest etiamnum, facta editione in termino, pœna compulsozialibus inserta euitari: & hæc in Camera obseruari tradit And. Geyl. obser. 13. & 134. lib. 1. pract. obser.

Quid sunt inhibitiones: Quæ causa efficiens, materia, & forma?

Inhibitiones sunt, literæ, quibus iudex appellationis interdicat iudici à quo, ne, pendente appellatione, quid in causa attentet, innouet, vel vltcrius procedat.

Causa efficiens est, iudex appellationis: qui præcepto inhibet, ne quid innouetur.

Materia sunt, varij generis attentata, à quibus iudex à quo, pendente appellatione, non desistit.

Forma, vt interposita appellatione, à diffinitiuâ, vel interlocutoriâ vim diffinitiuæ habente, ad petitionem appellantis per iudicem appellationis vnâ cum citatione decernatur inhibito: cuius literis ad iudicem à quo transmissis in causa nihil attentet. Quando enim appellatur à sententia diffinitiuâ, vel diffinitiuæ vim habente, tantum decernitur inhibito, per tex. in c. non solum, c. Romana, §. si verò, de appellat. in 6. Ratio est: Quia appellatio à diffinitiuâ, vel diffinitiuæ vim habente, statim deuoluit causam ad iudicem appellationis, & reducit ad eum statum, in quo erat causa principalis post litis contestationem, per text. in l. ita demum, C. de proc. Bart. & Bal. ibid. Marant. distinct. 6. nu. 16. Hæc tamen non ita simpliciter accipienda sunt: sed cum distinctione, quam tradit Innocentius III. in Consilio Lugdunensi. Qui ita distinguendo decreuit: Si appellatur post sententiam diffinitiuam: aut proponitur coram iudice appellationis, non esse appellatum:

aut appellationē esse nullam, vel alio modo, ad ipsum appellationem defectu iurisdictionis non pertinere: & his casibus non debet priori iudici aliquid inhibere, nisi prius constet, appellatum esse, c. Romana, §. si verò, extr. eod. aut nisi prius cognoscat, an sua sit iurdictio, c. super literis, extr. de rescriptis, Postquam igitur, vocatis partibus, cognouerit appellatum, vel suam iurisdictionem esse, statim poterit inhibere: sicuti etiam si horum nihil in dubium reuocetur, sed de appellatione interposita, & competenti iurisdictione constet, cap. pastoralis, §. præterea, extr. de offic. deleg. & cap. non solum, eod. Quod quidem procedit, si causæ qualitas appellationem admittat, non autem si prohibeat: puta à sententia super notorio crimine, vel de quo quis in iure conuictus, & confessus est, & similibus casibus à iure prohibitis. In his enim iudex appellationis decernendæ inhibitionis non habet facultatem, priusquam cognoscere cœperit, an appellatio sit recipienda, vel non: & an sit casus, in quo appellari potuerit, d. cap. Romana, §. si autem, de appellat. in 6. Ex his patet, appellatione interposita, ab interlocutoria simplici, appellabili tamen, iudicem appellationis, vñ cum citazione inhibitionem decernere non debere. Ratio est: Quia ei de veritate grauaminis primum constare oportet, vtrum causa sit deuoluta, necne: quamdiu enim cognoscit, an appellatio sit recipienda: an causa sit deuoluta: inhibendi non habet potestatem. Nec potest inhiberi is extraiudiciali appellatione: Quia cum sit tantum prouocatio ad causam, habeatque vim conventionis, non suspendit præterita: sed tantum futura respicit, ne indebitè molesteretur, Panorm. in cap. dilecti, num. 4. extr. de maior. & obedient. Apud quem vide, quomodo attentata post appellationem extraiudicalem reuocentur: eius enim opinionem sequitur Camera. Proinde non decernitur appellatio, quando tertius appellat pro suo interesse: quia titulus, ff. nihil innouari appellatione, p̄cedente, non procedit in tercio aliquid innouante, quia res inter alios acta, Felin. in cap. cum super, numer. 11. extr. de re iudic. & Panorm. in cap. in literis, extr. de restitut. spol. Nec debet iudex inhibere in interdicto retinendæ possessionis: quia iudex inhibendo, causæ principali præiudicaret, cap. 2. extr. de elect. Quare si appellatus, pendente appellatione, possessionis commodò fruatur, inhibitiō ad instantiam appellantis concedi non debet: quia nemo prohibetur vti sua possessione, etiam appellatione pendente, gl. in d. c. non solum, de appell. in 6. Rot. decis. 44. num.

1. & 2. Denique in causa nullitatis, quando ratione nullitatis, principaliter appellatum est, cum citatione inhibitiō decerni non debeat. Ratio: Quia postquā sententia in rem iudicatam transiit, eius executio nullitatis processu remorari non debet. Præterea, pro iudice præsumitur tantisper, donec de nullitate sententiæ doceatur, c. præsentium, 67. q. 1. Formā inhibitiōis vide apud Spec. titul. de citat. §. dicto. verū, *perd.*

Quæ Pugnancia Appellationis?

Sunt modi, quibus appellationum formalia possunt impugnari: Vt si appellet, qui appellare non potest, vel contra eum, contra quem non conceditur appellatio: vel ab eo, à quo, propter sublimitatem dignitatis non potest appellari: vel causæ qualitas appellationem non admittit: & alij modi, quibus non est necesse appellare, quos vide in cap. si qui appellat, §. is autem, 2. q. 6. Veluti à sententia lata citra ordinem iudiciorum, vel lata contra res prius iudicatas, à quibus prouocatum non est. Item si lata sit contra ius scriptum, secus si contra ius litigatoris: item si lata sit ab vno iudice pluribus iudicibus datis. Item si iudex contra statutum legis modum, in certa ratione, & iure non obseruato, multam irrogauerit: si sententia sit lata à iudice mercede corrupto: item si eligatur inhabilis ad honorem, propter infirmitatem ætatis. Pugnant etiam cum appellatione illi modi, quibus ipsa prohibetur, quod variè contingit. Primò, non appellat verus contumax, l. contumacis, ff. de re iud. 2. Non appellatur ab executione, nisi modus excedatur in exequendo, l. ab executore, C. quorum appellat. non recip. 3. Non appellatur à sententia lata super reductione ad arbitrium boni viri, iuxta Innocentium III. in c. penul. extr. de rescrip. 4. Non appellatur, quoties Fiscalis calculi satisfactio postulatur, aut tributariæ functionis solenne munus exposcitur, aut publici, vel etiam priuati, dummodò euidentis, atque conuicti redhibitio debiti flagiretur, l. abstinendum, C. quorum appell. non recip. 5. Non appellatur à Principe, cap. cuncta, 1. 1. q. 3. 6. Non appellat, qui se à iudice non prouocaturum promissit. 7. Si imperator ita iudicem dederit, vt non liceat ab eo appellare, dict. l. 1. ff. à quibus appell. non licet. 8. Non appellatur à præfecto prætorio, l. 1. C. de offic. præf. præt. 9. Non appellatur à sententia arbitri compromissarij, l. 1. C. de arb. 10. Non appellatur à sententia momentaneæ possessionis, c. ei, qui, 2. q. 6. 11. Non appellat is, quem
con

constiterit publicum esse debitotem, l. fin. C. eodem. 12. Non auditur appellans, ne voluntas defuncti testamento scripta referetur, vel ne scripti hæres in possessionem mittantur, l. quisquis, C. quorum appel. non recip. 13. Non permittitur appellare, si res dilationem non recipiat: veluti, ne testamentum aperiatur, ne frumentum in usum militum, vel in annonæ subsidia contrahatur, neque scriptus hæres in possessionem inducatur. Item si ex perpetuo edicto aliquid decernatur, id quò minus fiat, non permittitur appellare. Item quò minus pignus vendere liceat, appellari non potest, l. fin. ff. de appellat. recipiend. 14. Non appellat, qui terminum recepit ad solvendum, vel non sententiæ acquieuit, cap. gratum, extr. de off. deleg. 15. Non appellatur ab eo, quod à maiore, & saniore parte Capituli fuerit constitutum: nisi à paucioribus aliquid rationabiliter obiectum fuerit, c. 1. extr. de his, quæ à ma. parte, & c. 15. Non appellat Officialis condemnatus à proprio iudice, ratione malè gesti officij, l. nulli, C. eod. 16. Non appellatur à correctione Superioris, c. licet, extr. de off. ord. 17. Non appellat tutor datus, sed intra tempora præstituta, excusationem allegabit, & si fuerit repulsa, tunc demum appellabit: sed vocatus ad aliquod munus, vel honorem, mox appellare potest, l. 1. §. si quis tutor, ff. quando appel. 18. Non appellat condemnatus de falsa moneta, l. 1. C. de fal. mon. Neque appellatur in aliis delictis notoriis: quia appellatio non debet esse iniquitatis præsidium. Ideò homicida, veneficus, adulter, maleficus, & qui manifestam violentiam comisit, conuictus, & voce propria confessus, non appellant, l. 2. C. quorum appel. non recip. 19. Non appellatur à sententia excommunicationis, suspensionis, vel interdicti. Quod locum habet, quo ad hoc, ut suspendatur sententia: nam per appellationem non suspenditur, cum secum trahat executionem, & non obstante appellatione, quis excommunicatus denunciari potest, c. pastoralis, extr. de appell. & c. is cui, de sent. excom. in 6. Appellari tamen potest ad hoc, ut negotium transferatur ad Superiorem, c. peruenit, extr. de appell. & c. per tuas, extr. de sentent. excom. Et tunc Superior absolvere potest excommunicatum appellantem, & non tenetur eum mittere ad excommunicatorem pro absolutione, nisi velit, d. c. per tuas, extr. de sententijs excom.

AXIOMATA, ET SENTENTIÆ.

Non sufficit appellanti, docere, quòd exceptionem legitimam,

nam, & veram opposuit, & appellavit, nisi doceat propter exceptionem non admissam, appellasse, cap. dilecto, extra. eodem.

Si iudex confessionem aduocati eadem die renouatam pro litis contestatione velit habere, vel processum, à subdelegato subdelegati factum ratificet, licitè appellatur, c. cum causam, extr. eod.

Collatio beneficij facta post appellationem, ex probabili & verisimili causa interpositam, est ipso iure nulla, cap. 1. extr. eodem.

Si ante sententiam, vel postea, fuerit appellatum, huiusmodi appellationibus annus indulgetur, aut ex necessaria & evidenti causa biennium: nisi forte iudex breuius tempus, secundum locorum distantiam, & personarum, & negotij qualitatem fuerit moderatus: intra quod si is, qui appellavit, causam appellationis non fuerit prosecutus, tenebit sententia lata. Si post sententiam appellauerit, & à causa sua cecidisse videtur: nec amplius super eodem negotio audietur appellans. Si vero à grauamine, & ante litis ingressum fuerit appellatum, huiusmodi audietur appellans: quoniam sacri Canones, etiam extra iudicium passim appellare permittunt. Nec solent huiusmodi dici appellationes, sed prouocationes ad causam. Si autem ante sententiam quis appellauerit, cogitur illius stare iudicio, ad quem noscitur appellasse, c. cum sit Romana, extr. eod. & c. personas, extr. eod.

Qui de crimine impetitur, appellare potest, nisi sit notorium, d. c. cum sit Romana, §. praterea, extr. eod.

Appellatio generalis, respectu causa, non valet, c. inter cetera, extr. eod.

Etiā, non obstante appellatione, ex falsa causa interposita, potest iudex ad ulteriora procedere, c. super eo, §. si autem, extr. eod.

Superfeditur, propter articulum, in quo appellatum est, etiam super principali causa, si sine illo articulo expedire
non

non potest, cap. super eo, extr. eodem.

Coram iudice, à quo appellanti in una causa: possum in alia conveniri, nisi eum recusem, ut suspectum, c. hac, extr. eod. & c. proposuit, extr. eod.

Lapsus biennij non praeiudicat appellanti, quò minus ex causa legitima audiat, saltem per beneficium restitutionis in integrum, c. ex ratione, extr. eod.

Generalis & vaga appellatio respectu cuiuslibet gravaminis non valet: sed si ad certam causam restricta fuerit, cap. consuluit, extr. eod.

Excommunicatus, pendente cognitione appellationis, absolui potest ad cautelam: & si apparet, eum legitime appellasse, non punitur, ob celebrationem divinorum, cap. ad presentiam, extr. eod.

Iudex, qui recusatur, statuit certum tempus arbitris, ad finiendam causam, quo elapso, si finita non fuerit, in principali procedit, c. legitima, eod. in 6.

Si iudex requisitus non tradit Apostolos, & postea procedit in causa, non valet processus: nisi renuntiatum fuerit appellationi, c. ut super, eod. in 6.

Si negetur, per appellationem negotium devolutum, non inhibebit iudex superior, iudicem principalis causae inferiorem procedere: nisi prius de devolutione constiterit: idem est, si dicatur ex iniusta causa esse appellatum. Non enim inhibet, nisi prius recepta appellatione, c. Romana, §. si verò, & §. quòd si, eod. in 6.

Iudex appellationis inique appellantem ante sententiam remittere debet ad iudicem principalem, & in expensis condemnare: & hoc si principalis iudex non detulerat appellationi: sed si detulit, non fiet remissio de necessitate, cum totius causae decisio in Superioris potestatem, per delationem inferioris, sit transfusa, cap. cum appellationibus, eod. in 6.

Per appellationem interpositam à diffinitiva, revocari potest

potest interlocutoria, principali negotio praeiudicans, c. licet, eod. tit. in 6.

Qui appellat extra iudicium, intra decem dies (ex quo sciuit grauamen) appellare debet, postea per remedium iuris communis audietur, sed non per appellationis remedium iuris communis audietur, sed non per appellationis remedium, c. concertationi, eod. tit. in 6.

Ante diffinitiuam sententiam, appellanti non licet proseguere causas in appellatione nominatim non expressas: Nec processus primi iudicis iustificari, vel impugnari potest, nisi exactis coram eo, Clem. appellanti, eod. tit.

Tempus, ad proseguendam appellationem ab homine, vel à iure, praefixum non currit appellanti, compromisso durante, vel de partium expresso consensu, nisi periculo imminente ex more index aliud decernat, Clem. quamdiu, eod. tit.

Appellans proseguere, & finire tenetur appellationem extraiudicialem, intra annum, à die interpositae appellationis, vel illati grauaminis: quo non facto, impedimento iusto cessante, appellatio est deserta, Clem. sicut, eod. tit.

Si appellans intra triginta dies, instanter non petit Apostolos, appellationi renuntiat, c. ab eo, eod. in 6.

Si index modo debito requisitus Apostolos non tradit, sed postea procedit, non valet eius processus, d. c. ab eo, in 6.

Sufficit Apostolos peti uno contextu sapius, & instanter: ad quos recipiendos si index certum terminum statuatur, appellans illos non petens in termino, appellationi renuntiat: Idem cum index statuit terminum iuris incertum, intra quem appellans illos indebitè non petiuit, vel oblatos recipere renuit, Clement. quamuis, de appellat.

Innouata per iudicem, post definitiuam sententiam; à qua appellatim extitit, renouantur statim per iudicem appellationis: etiamsi ante appellationem fuerint innouata. Attentata verò post appellationem, ante diffinitiuam, non renouantur nisi primo de veritate constituti: nisi post inhibitionem, debito

modo factam attentata fuissent, c. non solum, eod. tit. in 6.

Valet appellatio coram maiore parte plurium iudicum. Sed appellatio est appellatio, delatio, & termini prefixio ini-manda, Clem. 1. eod. tit.

Appellans ante sententiam tenetur exprimere causam ra-tionabilem coram ipso iudice à quo, nec in contrarium admit-titur exceptio, c. ut debitus honor, extr. eod.

Si iudex, à quo est appellatum à gravamine, illud reuo-cat, potest in principali causa procedere, cap. cum cessante, extr. eod.

Alteri parte contumaciter absente, potest iudex appella-tionis, etiam principale negotium definire, si, post litis contesta-tionem fuerit appellatum, c. per tuas, extr. eod.

Vbi ex dilatione imminet periculum, etiam, neutra parte prosequente, potest iudex ad quem supplere, partes compellen-do ad prosecutionem, c. oblata, extr. eod.

Protestatio contraria actui nullius est momenti, c. sollicitu-dinem, extr. eod.

Contraria allegans, non est audiendus, d. c. sollicitudinem, extr. eod.

Per appellationem legitimè interpositam principale cum accessorius ad iudicem appellationis desertur, cap. dilectis, extr. eod.

Iudex à quo non obstante appellatione, cognoscit de causa, si appellans non prosequitur: & iudex, ut suspectus recusatus potest alteri causam committere, c. ad hac, extr. eod.

Iudex à quo potest presigere terminum appellanti, ad pro-sequendam appellationem, quo lapso, readsumit iudex iuri-sdictionem, c. ad aures, extr. eod.

Contra constitutiones regulares, appellatio religiosum non defendit, c. quia nos, extr. eod.

A iudice iurisdictionem exequente non appellatur, c. con-suluit, extr. eod.

Sententia excommunicationis, suspensionis, & interdicti
lata

lata sub conditione, suspenditur, si ante conditionis euentum fuerit appellatum, c. praterea, extr. eod.

Causa non est ad iudicem à quo remittenda, appellatione adhuc non iustificata, nisi de partium consensu, c. accepta, extr. eod.

Delegatus etiam datus cum clausula (appellatione remota,) recusari potest, si est consanguineus impetrantis, vel si fuit advocatus eius in illa causa, c. postremo, extr. eod.

Causa suspicionis proponenda est coram iudice, qui recusatur, & probanda est coram arbitris, c. secundo, §. 3. extr. eod.

Si appellatio recipitur à iudice, vel approbatur à parte, terminus ad eam prosecuendam prefixus obtinet vicem peremptorij, ut in absentem procedatur, ac si peremptoriè fuisset citatus: nec talis terminus praenitri poterit ab aliqua partium, c. sepe contingit, extr. eod.

Protestatione conservamus ius nostrum, c. fin. extr. eod.

Iustus metus excusat, adeò, quòd non appellans habetur pro appellante, si fuerit protestatus, & appellationis causas duxerit exprimendas, c. si iustus, extr. eod.

Vna sententia pluribus condemnatis, si unus solus ad appellationis beneficium consularit, illius victoria iure communi ceteris suffragatur, & communi iure inuenitur, idèmq; negotium, & eadem causa defensionis existat, c. una sententia, extr. eod.

Quoties clausula (appellatione remota) in medio literarum ponitur: si sunt plura negotia se minimè contingentia, tantum premissa complectitur: nisi fortè in fine literarum prædicta clausula iteretur, c. inquisitioni, extr. eod.

Ante inchoatam persecutionem appellationis, appellans potest, si vult, inuito appellato petere, ut remittatur ad iudicem à quo, sed condemnabitur in expensis factis per partem, aduersam, c. interposita, §. illa denique, extr. eod.

Articulus appellationis interposita à gravamine discutitur per iudicem ad quem, parte absente per contumaciam,

etiam lite non contestata in appellatione, vel principali causa, d. c. interposita, §. sanè, extr. cod.

Ab eadem sententia, ab eodem iudice, tertio appellari non potest, c. sua nobis, extr. cod.

Appellatio, omisso medio iudice, interposita, causam non devoluit, exceptione opposita, c. dilecti, ext. eo.

Si iudex de iure dubitans vult consultare Superiorem, debet consultationis copiam paribus edere, alias eius verbis consultationis fides non adhibetur, c. intimasti, extr. cod.

Per clausulam: (appellatione remota) inhibetur omnis appellatio, quæ à iure non indulgetur expresse, c. pastoralis, extr. cod.

DE CLERICIS PEREGRINANTIBVS.

TITVLVS XXIX.

Continuatio.

Sicuti per appellationem suspenditur iurisdictio, ita ut iudex appellatus ulterius procedere non possit, in tantum, ut innouata à Superiore restituantur: pari ratione, per peregrinationem, & accessionem Sedis Apostolicæ, ius suum cui libet, usque ad reditum conservatur: Et, si quid intercà ablatum sit, restituitur.

Quis dicitur peregrinans?

Peregrinans hic non dicitur quiuis, qui peregrè proficiscitur: sed is, qui peregrinationis causa ad Sedem Apostolicam se confert, c. arguta, 2. quæst. 6.

Quæ causa Efficiens?

Bonus zelus peregrinantis, arg. c. si quis Romipetas, 24. qu. 3. & c. inuocamus, extr. de trenga & pace.

Quæ Forma?

Vt clericus, adhibito consensu, & auctoritate Superioris, causa pietatis Sedem Apostolicam petat. Clerico enim, &
Episcopo

Episcopo peregrinari absque Superioris auctoritate non licet, cap. non oportet, distinct. 5. de consecrat. & cap. magnæ, extra. de vot. & vot. Nisi, non causa peregrinationis, sed appellationis prosequendæ, vel vitandæ oppressiois, & imminentis periculi profisciscantur, cap. non omnis oppressus, 2. quæstione 6.

Quis Effectus?

Primò est securitas. Qua peregrinantes subiiciuntur Apostolicæ protectioni, cum omnibus rebus suis, ut defendantur, vel iura, vel bona, quorum aliàs propter absentiam; iacturam facerent, salva, illæque ipsis conferrentur, cap. vnico, extr. eod. Secundò est conditio ex hac decretali, quæ competit ad repetitionem, & restitutionem illius, quod durante peregrinatione absque auctoritate Pontificis ablatum fuit, Hostiens. hoc titul. §. ex quo.

DE CONFIRMATIONE vtili, vel inutili.

TITVLVS XXX.

Continuatio.

Contingit, sententiam, quæ per institutam appellationem suspensa est, per iudicem superiorem, vel per inferiorem, fatalibus fluxis quandoque confirmari, authent. ci, qui appellat, C. de tempor. & reparat. appellat.

Quid est confirmatio?

Confirmatio est actus legitimi, vel canonici celebrati corroboratio: per eum, qui ius confirmandi habet, ex certa scientia, & cum causæ cognitione facta, cap. studuisti, extr. de off. deleg. & cap. bonæ memoriæ, extra. eod.

Quæ est causa efficiens?

Causa efficiens confirmationis dicitur, lex, & homo. Vnde duæ sunt confirmationis species: Legis scilicet, & hominis. Confirmatio legis dicitur, cum lex ipsa ex causa sequenti firmitur ius constitutum: ut puta, confirmatur sententia ex decursu fatalium, ob neglectam, vel desertam appellationem, transiitque in rem iudicatam, & rata habetur, d. authent. ci, qui

appellat, cap. cum sit Romana, extr. de appellat. & Clem. sicut appellationem, tit. de appellat. Confirmatio hominis suprâ definita est: & fieri potest tam ab ordinario, quàm delegato, superiore, & inferiore: ut est Pontifex, Archiepiscopus, Episcopus, & alij, ordinariam, vel mandatam iurisdictionem habentes, cap. de confirmationibus, & cap. examinata, extr. eod. cap. 2. extr. de rescript. Quòd ita intellige: ut Inferior suam, Superior autem inferioris sententiam confirmet, non autem è contra. Nam sicuti nec par in parem, ita multò minus Inferior in Superiorem habet imperium, cap. innotuit, extra. de elect. cap. cum inferior, extr. de maior. & obed. & cap. inferior, dist. 21. possitque quivis Prælati, pro ratione dignitatis, quâ aliis præminet, confirmare actus Canonicos, ca. nihil est, extra. de elect. cap. ad nostram, & cap. fin. extr. eod.

Qua Materia?

Actus Canonici, Actus legitimi, & ea, quæ ad iurisdictionem petrinent. Confirmantur enim actus Canonici: ut sunt electio, institutio, præsentatio, collatio, &c. cap. ex insinuatione, de procurat. & cap. postquam, extr. de elect. Confirmantur & actus legitimi: puta, adoptio, acceptilatio, tutoris datio, & alia, de quibus in l. actus legitimi, ff. de divers. reg. iur. Actus autem de iure gentium introducti, qui voluntate partium nituntur, etiam lite non contestata: ut sunt emptio, venditio, locatio, conductio, &c. non confirmantur, exceptis duobus casibus: primò, si partes assensum consumationi accommodent: secundò, si Pontifex de plenitudine potestatis conventionem iuris gentium alienam ex certa scientia confirmet, argum. cap. diversitatem, extra. de concess. præbend. & Innocentius in cap. de confirmationibus, extra. eod. Item actus iudiciales, & totus processus in iudicio habitus confirmari potest, non tantum à iudice appellationis, verum etiam ab inferiore: nam deserta appellatione, ad petitionem partis victricis iudex à quo confirmat sententiam à se pronuntiatam, d. auth. ci, qui appellat: C. de temp. & reparat. appellat. Confirmantur denique privilegia, cap. inter dilectos, extr. de fide instr. beneficia, cap. ad nostram, extr. eod. possessiones, ca. dudum, extr. de decimis, arbitria, compositiones, & transactiones, c. fin. & cap. examinata, extr. eod. cap. fin. extr. de transact.

Qua Forma?

Ut ad petitionem partis, is, qui ius confirmandi habet, ex certa scientia, & cum cognitione causæ, potissimum (si per
confirma

confirmationem alij præiudicium paratur id, quod inte subsistit, confirmet: aliàs secus. In his enim, quorum confirmatio alij præiudicare possit, iudex non confirmat, nisi petentibus partibus, cap. 1. extr. de transact. & cap. venerabilis, extra. eod. Ille autem, qui petit, ius illud, cuius confirmationem petit, cōstitutum esse, non autem qualitatem eius probare obstringitur: vt putà, petens confirmationem sententiæ, sententiam à competente iudice, & ordine iuris seruato latam, nō autem iustam esse, probare tenetur, Innocent. in c. si quis, extr. eod.

Quis effectus confirmationis?

Effectus confirmationis pro diuersitate actuum confirmationum, & causæ cognitiæ, varij sunt: primò enim, si confirmatio ex certa scientia, & cum causæ cognitione fiat per Pontificem, ius tribuit: ita vt de re, vel beneficio sic confirmato, nemo extra Pontificem cognoscere possit, nisi specialiter alicui commiserit, cap. quoniam Abbas, extr. de off. deleg. c. veniens, extr. de test. cap. Raynuius, extra. de testam. sic per confirmationem electionis datur potestas administrandi, cap. transmissam, extra. de elect. Quandoque confirmatio ius non tribuit, sed declarat, & conseruat ius constitutum, c. præceptum, dist. 12. & cap. quia intentionis, extr. de priuilegiis, ideò talis confirmatio petitionem alterius, vel iudicis cognitionem non remoratur, cap. quia diuersitatem, extra. de concess. præbend. cap. conquestus, 1. i. quest. 3. quod verum quidem est, si confirmatio in forma communi conceditur.

Quæ Cognata?

Dispositio legis, & pactum conuentio, stipulatio, pactum, quibus actuum confirmatio inducitur.

Quæ Adiacentia?

Existencia rei confirmandæ, æquitas, causæ cognitio.

Quæ Pugnancia?

Confirmatio inutilis, de qua alterum huius tit. membrum. Dicitur autem inutilis, si subreptitiè, id est, per falsi suggestionem, & veri suppressionem extorta, si contra formam iuris, contra ius Diæcesani, si de re litigiosa, si de sententia, per interpositam appellationem suspensa, &c. cap. 1. cap. 2. cap. 3. cap. ad nostram, cap. examinata, & cap. fin. extr. eod.

FINIS LIBRI SECVNDI.



LIBER TERTIVS.

Liber Tertius circa declarationem obiecti iuris Pontificij; quod est res Ecclesiastica; potissimum versatur: licet formalia, & adiuncta Ordinis clericalis interserantur.

DE VITA, ET HONESTATE

CLERICORVM

TITVLVS I.

Quid est Honestas vita?



HONESTAS vitæ est, agendi dexteritas, qua hominis animus ita informatur, vt detestando vitia, ea, quæ cum virtutibus congruunt, amplectatur.

Quotuplex Honestas vitæ?

Duplex: exterior & interior. Honestas exterior exterioribus actibus cum virtute congruentibus ordinatur. Interior verò cordis sinceritate, patientia, humilitate, aliisque virtutibus Theologicis, & intellectualibus, continetur.

Quæ causa Efficiens?

Potentia appetitiua, & voluntas hominis, animum, actionesque suas virtuti, religioni, omnique ciuilitati conformari volentis.

Quæ causa procacitica?

Præceptum Diuinum, quod à vitio adstinendum, & actiones secundum honestatis rationem dirigendas, iubet.

Quæ causa Impulsiva?

Virtutis amor, virtutumque igniculi, eunomia, & semina animis hominum insita: quæ, quid faciendum distant, & impellunt.

Quod

Quod Obiectum?

Est vitæ benè instituendæ, morumque rectè informandorum ratio. Quæ, licet, quoad constituendum, & conservandum reipublicæ statum, iustamque Politiam, omnibus communis tradatur; ut quivis, omni genere virtutum se exerceat, formetque in hac vita ita politicos mores, ne publicam, vel ne quidem priuati alicuius reprehensionem incurrant: sunt tamen de negotiis, officiis, moribus, vita, habitu, & vestitu clericorum Canonibus cettæ regulæ traditæ.

Quæ sunt Regulae concernentes negotia, & officia Clericorum?

Primò: Clerici, officia, vel commercia secularia non exerceant, præsertim inhonestæ, mîmis, ioculatoribus & histrionibus non intendant, cap. clericus, extr. cod.

2. Clericus nec dictare, vel proferre sententiam sanguinis debet, nec quicquam aliud exercere, per quod ad vindictam sanguinis tendatur, ca. sententiam, extra. ne clerici vel monachi. Quod si monitus non desistat, ab officio & beneficio deponitur, cap. clericus, extra. ne clericus vel monachi, &c.

3. Nullus clericorum Chirurgicam artem, quæ induritionem, vel incisionem inducit, exerceat, cap. sententiam, extra. ne clericus vel monachi, &c.

4. Clerici in sacris constituti per subtractionem beneficiorum compellendi sunt, ut desistant à tabellionatus exercitio, cap. sicut, extr. ne clericus vel monachi, &c.

5. Sub interminatione anathematis prohibendi sunt clerici, vel monachi, lucri causa negotiantes, cap. 2. extra. ne clericus vel monachi, &c.

6. Clerici non debent esse ministri, vel procuratores laicorum, quod si contrà fecerint, & deprehendantur in fraude, non subuenitur eis ab Ecclesia, cap. sacerdotibus, & cap. 1. extra. ne clericus vel monachi, Clement. 1. cod.

7. Episcopo, presbytero, aut diacono, canes, aut accipitres, aut huiusmodi ad venandum habere non licet. Quod si quis talium personarum in hac voluptate sæpius detentus fuerit: si Episcopus, tribus mensibus à communione: si presbyter, duobus: si diaconus, ab omni officio suspendatur, cap. extr. de clerico venatore. Omnibus enim seruis Dei, venationes, & sylvarum vagationes cum canibus, & accipitres aut falcones habere, interdicta sunt, cap. omnibus, extr. de cler. venat.

8. Ne quis in sacris Ordinibus constitutus in Gymnasiis

generalibus, vel aliàs publicè audiendæ philosophiæ, aut poësis vltra quinquennium, post Grammaticam, & Dialecticam, sine aliquo studio Theologiæ, aut iuris Pontificij, incumbat. Verùm, exacto quinquennio, si illis studiis operam impendere voluerit, liberum ei sit, dum tamen simul aut seorsim Theologiæ, aut Canonibus studeat. Ratio Regulæ est: Ne clerici humanarum literarum illecebris capti, Theologiæ studia omittant, cap. fin. extr. ne clerici, vel monachi, &c.

9. Clerici exercentes officia, vel negotia clericorum professioni non conuenientia, si tertiò moniti non abstinerint, privilegiis omnibus priuantur, quæ clericorum bonis à iure concessa sunt: & quandòque etiam sæuèius puniuntur, si eorum contumacia, & mores hoc mereri videantur, ca. fin. extra. eod. & Clement. 1. eodem.

*Quæ Regule traduntur de vita, & moribus
benè formandis Clericorum?*

Prima: Clerici extra matrimonium castitatem seruènt: tamen, si in ordinatione sua castitatis votum quis obulerit, & postea matrimonium contraxerit, tanta est vis in Sacramento coniugij, quòd nec ex violatione voti ipsum dissolui possit, cap. diaconus, §. hac auctoritate, 27. dist. licet extra votum clericus, iuxta morem patriæ suæ, vt sunt Orientales, contrahere possit, cap. vt clericorum, extr. eod. Quòd si autem clericus incontinentiæ vitio, prostituto pudore, laborare deprehendatur, secundùm Canonicas sanctiones, & is, qui matrimonio vti potest, grauius puniendus est, d. cap. vt clericorum, extra. eodem.

Secunda: Clerici omnem vitæ temperatæ modum in cibo, potuque seruent, nec sint ebrietati dediti, dist. 35. per tot. Est enim ebrietas fomes omnium vitiorum, Host. §. qualiter, hoc tit. Quare, clericus ebrius abstinere debet per 30. dies à communione hominum, vel subiicitur corporali pœnæ, cap. ante omnia, distin. 35. Et si commonitus hanc satisfactionem non præstet, suspenditur ab officio, & beneficio, cap. sanè, 1. §. q. 1. Modus autem in cibo seruetur, si pro sustentatione corporis necessarius, cibus, etsi delicatior sit, ingeratur. Non enim rerum usus, sed appetitus noxius, & gulosus reprobatur, ca. quisquis, §. nam in huiusmodi, distin. 41.

Tertia: Clericus alium ad bibendum incitare, vel ipse ab alio ad bibendum incitari, non debet: aliàs si commonitus non abstinuerit, ab officio, & beneficio suspenditur: sub huius enim

enim censuræ pœna Innocentius III. abusum, quo in quibusdam partibus ad potus æquales suo modo se obligant potatores, & ille iudicio talium plùs laudatur, qui plures inebriat, & calices fœcendiores exhaurit, è medio sustulit, cap. à crapula, extr.eod.

Quarta: Clerici bibendi, vel edendi causa tabernas ne ingrediantur, nisi peregrinationis tempore compulsi, c. clerici, extr.eod.c.clerici, dist. 44.

Quinta: Clerici ad aleas, & taxillos non ludant, nec huiusmodi ludis intersint, d.c.clerici, extr.eod.

Sexta: Clerici non sint contentionibus, litibus, & turbis excitandis dediti, non auari, vsurarij, vel aliis criminibus corrupti: sed omnibus virtutibus præditi, dist. 45. dist. 46. dist. 47. & dist. 49. per totum.

Qua regula de habitu corporis, & vestitu?

Prima Regula: Episcopus vilem supellestem, & mensam, ac victum pauperem habeat: & dignitatis suæ auctoritatem, fidei, & vitæ meritis quærat, c. Episcopus, dist. 41.

Secunda: Clericus professionem suam & habitum, & incessum probet: & ideo nec vestibus, nec calceamentis decorem quærat: in incesu autem debet esse ornatus, ut grauitate itineris mentis maturitatem ostendat, c.clericus, dist. 41.

Tertia: Clerici, qui comam nutriunt & barbam, etiam inuiti à suis Archidiaconis tondeantur: aliàs comam relaxatæ sub pœna anathematis prohibentur, cap. clericis, & cap. si quis, extra.eod.

Quarta: Clerici palliis diffibulatis in publico non vtantur: sed vel in collum, vel ante pectus hinc inde connexis, nec aliis indumentis nimia breuitate, vel longitudine notandis, c.clerici, extr.eod.

Quinta: Cappas manicatas ad Diuinum officium intra Ecclesiam non gerant: sed nec alibi qui sunt in sacerdotio, & personatibus constituti, nisi iusta causa timoris exegerit habitum transformari, d.c.clerici.

Sexta: Pannis rubeis, aut viridibus, nec non manicis, aut sollaribus, consutitiis, frænis, sellis, pectoralibus, calcaribus deauratis, aut aliam superfluitatem habentibus non vtantur, d.c.clerici, §. pannis, extr.eod.

Septima: Clericus vestibus, corporisque ornatibus abutens, si beneficium habet, eius fructibus semestri spatio priuatur, si verò non habet, sex mensibus ad Ecclesiasticum beneficium

aspirare vetatur: si autem sit in dignitate constitutus, aut personatum, vel beneficium curatum habeat, si citra iustam causam interdictis vestibus usus fuerit, anni vnus fructuum iactura sui beneficij mulctatur, Clem. fin. eo. tit.

AXIOMATA, ET SENTENTIÆ.

Quos diuinus timor à malo non reuocat, temporalis poena à peccato cohibere debet, capit. ut clericorum, extra. eodem.

Humanum est in corde tentationem perpeti: sed demoniacum est tentationis certamine superari, cap. hinc etenim, distinct. 49.

Radix omnium malorum est cupiditas, dict. cap. hinc etenim.

Auari est, hominum bona inuadere, quorum necessitatibus subuenire potest, c. sicut, dist. 47.

Clericum scurrilem, & verbis turpibus ioculatorem ab officio retrahendum esse, dubium non est, cap. clericum, distinct. 26.

Nihil est impudentius arrogantia rusticorum, qui garrulitatem auctoritatem putant, c. sequitur, dist. 46.

Cui minus prohibetur, multo magis id, quod maius est, interdicitur, c. nulli, dist. 44.

Sapè se vitia ingerunt, & se virtutes esse meminiunt: ut tenacia, parsimonia, effusio, largitas, credulitas, zelus iustitiæ, remissio & apparens pietas, cap. sapè se vitia, distinct. 41.

Meritis fidei, & vite, non diuini Episcopalis auctoritas queritur, c. Episcopus, dist. 41.

Quid locis, & temporibus, & personis conueniat, attendendum est, ne temerè flagitia reprobentur, cap. quisquis, distinct. 41.

*Delicia qualibet, si absque desiderio percipiantur, non offi-
ciunt. Non enim usus rerum, sed ueniens libido in culpa est, c.
delicia, & c. quisquis, dist. 41.*

. Non

Non sanctorum filij sunt, qui tenent loca sanctorum: sed qui exercent opera eorum, c. non est, dist. 40.

Non generis dignitas, sed morum nobilitas: nec urbem claritas, sed fidei puritas aliquem commendat, cap. nos qui, distinct. 40.

Studij literarum, & liberalium artium maxime diuina manifestantur, & declarantur mandata, cap. de quibusdam, distinct. 37.

Luxuriosa res est vinum, & contumeliosa ebrietas: omnis, qui cum his miscetur, non erit sapiens, cap. luxuriosa, distinct. 35.

Lasa pietas est, dum irridetur ebrietas: ubi enim ebrietas, ibi libido dominatur & furor, cap. venter, & cap. sexto, distinct. 35.

Non omnis, qui ignorat, immunis est à pœna: ille enim ignorans potest excusari à pœna, qui à quo disceret, non inuenit: illis autem hoc ignosci non poterit, qui habentes à quo discerent, operam non dederunt, c. fin. dist. 37.

DE COHABITATIONE clericorum, & mulierum.

TITVLVS II.

Continuatio.

Cum castitate non parum vitæ honestas commendetur, certis iuribus prouisum est, ut ea euitentur, quæ impudicitia, & incontinentiæ fomitem præstare possent. Non abs re igitur clericis cohabitatio mulierum, quibus ad prostituendam pudicitiam, seduci, & ad incontinentiam incitari possent, interdicitur.

Quid est Cohabitatio?

Cohabitatio est, personarum in vna domo, sub eodem tetto commorantium, conuersatio. Nam qui in vno vico, vel villa, disiectis ædibus, commorantur, cohabitare non dicuntur, cap. 1. §. sed si, extra. eod. tit.

Quo

Quotuplex Cohabitatio?

Alia est cohabitatio mulierum : in quibus naturale fœdus, nihil permittit sœui criminis suspicari : vt sunt, mater, amita, foror, neptis, & c. c. à nobis, extr. eod. & c. interdixit, dist. 32. Et illa cohabitatio clericis non interdicitur: quia ex talium conuersatione contra eos in continentie suspensionem oriri naturalis ratio non permittit. Neque obstat c. 1. extr. eod. Vbi dicitur, neque illas, quas Canones concedunt, secum retineat, matrem scilicet, amitam & sororem, quia instigante diabolo, & in illis scelus perpetratum reperitur, ait etiam in pedisse quis earūdem. Nam ibi textus loquitur de coniunctis mulieribus, quæ secum pedisse quas, & ancillas ducunt. Quarum amica conuersatione clericus allectus, posthabita voti præstiti religione, turpitudinem fornicationis exercere posset: quia, vt August. ait, non omnes, quæ cum sorore mea sunt, meæ sorores sunt. Ideo in Concilio Moguntinensi decretum est, vt si presbyter in his personis coniunctis, quæ absque perdissequis non sunt, indigeat, habeat in vico, aut in villa domum longè à sua conuersatione, & ibi eis constitutis, quæ necessaria fuerint, subministret, d. c. 1. §. sed si quæ, extr. eod. Alia cohabitatio est mulierum; quæ non leuem incontinentie suspensionem præbere possunt, & illa clericis, ob voti religionem, & conuersationis puritatem conseruandam, interdicitur, toto titul. extr. eod.

Qua pœna Cohabitantium?

Circa pœnam imponendam distinguendum est. Nam aut clericus in sacris constitutus, concubinam occultam habet, aut palam. Si occultè, concubina in pœnitentiali foro puni-
tur, sed non in iudiciali; quia occulta delicta vindictam publicam non habent: ergò tantum ei iniungitur pœnitentia, cap. quæ Christo, 26. q. 1. & c. Christiana, 32. q. 1. Cleric. autem indicitur Canonica purgatio, quam si præstare noluerit, vel in ea præstanda defecerit, canonicè punitur. Quod verum est, si de eo sit suspicio, & ex ea scandalum generetur in populo, licet contra ipsum nullus existat accusator, c. tua nos, extr. eod. Aliàs non dicitur, quòd occultum crimen ab Ecclesia tolleretur, & occultus fornicarius diuina ministeria administrare possit, c. vestra, extr. eod. Quia sacra, vitiis & delictis administrantis, non possunt coinquinari, & pollui: cum omnia in Christi fide purgentur, d. c. vestra, extr. eod. Si autem clericus palam habeat concubinam, & eius fornicatio sit publica, concubi

cubina excommunicatur, neque absoluitur, nisi præmissa satisfactione, & iusta pœnitentia peracta, c. si concubinæ, extr. de sent. excom. & c. ex parte, extr. de verb. sig. Clericus autem, si fornicariam, seu concubinam, ad secundam, vel tertiam inonitionem à se non remouerit, à beneficio suspenditur, & correctione non secuta deponitur, c. sicut, & c. si autem, extr. eod. Quòd si verò secum palàm non habeat, sed crimine fornicationis suspectus, post primam, secundam, & tertiam admonitionem, cum suspecta muliere comperiatur fabulari, vel conuersari, clericus excommunicationis censura punitur, & fœmina canonicè iudicatur, c. si quispiam, extr. eod. Quòd si clericus in Diaconatu, vel inferioribus Ordinibus constitutus, Matrimonium cum honesta persona contraxerit, siue castitatis votum præstiterit, siue non: tamen si à sacris ministeriis cessare vltro voluerit, eo licitè vri potest. Nam etsi in ordinatione sua castitatis votum obtulerit, tamen tantò vis est in sacramento coniugij, quòd nec ex violatione voti possit Matrimonium contractum dissolui, c. diaconus, dist. 27.

AXIOMATA, ET SENTENTIÆ.

Nullus missam audiat presbyteri, quem scit concubinam indubitanter habere, aut subintroductam mulierem, c. nullus, dist. 32. & c. prater, eod.

Non habient cum clericis mulieres, nisi que naturali fœdere omnem suspicionem excludunt, c. interdixit, dist. 32. & c. à nobis, extr. eod.

In ambiguis rebus absolutum non debet esse iudicium, cap. habuisse, dist. 33.

Is, qui non habet uxorem, & pro uxore concubinam habet, à communione non repellitur: tamen ut unius uxoris, aut concubina sit coniunctione contentus, cap. is qui non habet, distinct. 34.

Concubina dicitur, que conniuentibus legibus extra Matrimonium retinetur, quasi simul cubat: hic autem intelligitur, que cessantibus legalibus instrumentis coniugali affectu adsciscitur, c. omnibus, dist. 34.

Fornicaria dicitur, quasi carens forma meretrice, que mul-
torum

torum libidini patet, unde versus: Nec meretrix munda, nec cornix alba fit vnda. Hostien. §. quam pœnam, hoc tit. & c. vidua, dist. 34.

Vidua est, cuius maritus mortuus est. Eiecta est, quæ à marito vivente eiicitur, d. c. vidua, dist. 34.

Presbyter uxorem suam, quasi sororem diligere, & quasi hostem fugere debet, c. presbyter, dist. 32.

Nemo ad sacrum ordinem permittatur accedere, nisi aut virgo, aut probate castitatis, & qui vsque ad subdiaconatum unicam, & virginem uxorem habuerit, capit. nemo, distinctio. 32.

DE CLERICIS CON- IUGATIS.

TITVLVS III.

Continuatio.

NVLLUS, inquit Gregorius, ad altaris ministerium accedere debet, nisi cuius castitas, ante susceptum ministerium fuerit approbata, cap. ante triennium, dist. 31. In tantum, ut ne post ordinationem ad Matrimonium; alioquin sanctum, & à Deo institutum, aspirare præsumat. Omnium enim sacerdotum tam excellens est electio, ut quæ in aliis membris Ecclesiæ vacare vitio creduntur, in illis tamen, ob requisitam perfectæ continentiæ putitatem, habeantur illicita, cap. omnium, distinctio. 32.

*Qui Clerici Matrimonium contrahere possunt,
& qui non?*

Primò, Episcopis, presbyteris, diaconis, & subdiaconis, Matrimonia sunt interdicta: quæ si de facto contraxerint, uxores dimittere, & de commissio pœnitentiam agere, per suspensionis, & excommunicationis sententiam, compelluntur, cap. 1. extr. eod. & c. presbyteris, 28. dist.

Quibus non parùm obstare videntur cap. diaconus, distinctio. 27. & cap. si se cuiquam, & cap. presbyter, distinctio. 28. & cap. de Syracusana, §. Patet: Vbi dicitur, patet, quòd nec diaconi, nec
sub

subdiaconi sint prohibendi à coniugio, distinct. 28. Nec video, quomodo hi & alij in hac materia dissidentes Canones conciliari possint: Nisi dicamus, diaconum & subdiaconum, ex dispensatione, & singulari permissione, si, se non continere possent, in ordinatione constentur, ducere vxores posse, iuxta cap. diaconi quicunque, distinct. 28. & cap. de Syracusanæ. §. diaconi, eadem distinct. Item & illi, qui à sacris ministeriis vltro cessare voluerint: fortius enim est coniugij vinculum, quàm quòd ex violatione voti disrumpi possit, secundum c. Diaconus, qui eligitur, dist. 27. & cap. presbyter, dist. 28. Quòd si autem à ministeriis sacris abstinere nolint, sub pœna censuræ Ecclesiasticæ dimittere vxores coguntur, cap. si quis, extr. eodem, & cap. presbyteris, distinct. 27. Alij autem clerici infra subdiaconatum in ordinibus constituti, liberè contrahere possunt, c. placuit, c. si quis, cap. lectores, c. eos qui, dist. 32. & d. c. 1. extr. eod.

Quæ causa prohibitionis coniugij inter Clericos?

Causam prohibitionis munditiæ sacerdotalem fuisse, testatur Gregorius, cap. ante triennium, §. causa verò, distinct. 31. vt liberè cunctis diebus vitæ suæ orationi possint vacare. Si enim (vt ait Paulus) ab vxoribus est cessandum, vt expeditius orationi incumbamus, ministris vtique altaris, quibus quotidiana necessitas, orandi incumbit, nunquam coniugali officio, quo à diuino ministerio abstrahi possint, vacare permittitur.

Quæ pœna infligitur Clericis absque dispensatione mptiis contrahentibus?

Si clericus in subdiaconatu, vel maioribus ordinibus constitutus, vxorem dimittere, & iustam pœnitentiam agere nolit, suspenditur, deponitur, & excommunicatur, cap. 1. extr. eod. & cap. presbyter si vxorem, distinct. 28. Si autem infra subdiaconatum sit in minoribus ordinibus, priuatur beneficio, & vxorem retinere compellitur, dist. cap. 1. & cap. placuit, distinct. 32. Pari ratione vxorati, sicuti ad beneficia, vel dignitates non admittuntur, ita ex ignorantia status promoti rursus deponuntur, c. cum decorem, extr. eo. si tamen vxor decessit, quam virginem duxit, viduus petens ad ordines promoueri, repelli non debet, c. curandum, dist. 34. Aduerte tamen, quòd Episcopus, circa personas contrahere prohibitas, dispensare, vel tacitè, vel expresse possit, c. diuersis, extr. eod.

AXIO

AXIOMATA, SENTENTIÆ, ET

varij Canones, De permissione, & prohibitione
Coniugij clericalis, statuantes.

Diaconi quicumque, quam ordinarentur, si in ipsa ordinatione protestati sunt, dicentes, se velle habere uxores, nec posse se continere: hi, si postea ad nuptias pervenerint, maneat in ministerio: propterea quod his Episcopus licentiam dederit. Quicumque sanè tacuerint, & susceperint manus impositionem, professi continentiam, si postea ad nuptias pervenerint, à ministerio cessare debebunt, c. diaconi, dist. 28.

Diaconus, qui eligitur, si contestatus fuerit pro accipiendo Matrimonio, & dixerit, se in castitate non posse manere, hic non ordinetur: quod si in ordinatione tacuerit: & ordinatus fuerit, & postea Matrimonium desideraverit: su alienus à ministerio, & vacet à Clero. Si verò diaconus à ministerio cessare voluerit, contracto Matrimonio licitè potest uti. Nam etsi in Ordinatione sua castitatis votum obtulerit, tamen tanta est vis in Sacramento coniugij, quod nec ex violatione voti potest dissolvi ipsum coniugium, c. diaconus, §. hac auctoritate, distinct. 27.

Quidam nubentes post votum, asserunt adulteros esse: ego autem dico vobis, quod graviter peccant, qui tales diuidunt, c. quidam, dist. 27.

Si vir votum virginittatis habens, adiungitur uxori, postea non dimittat uxorem, sed tribus annis pœniteat, cap. si vir, distinct. 27.

Vouentibus virginittatem, non solum nubere: sed etiam vellem, damnabile est, c. vouentibus, dist. 27.

Si nupserit virgo non peccat: non illa virgo, qua semel citati diuino se dedicauit. Harum enim si qua nupserit, habebit damnationem: quia primam fidem irritam fecit, c. si nupserit, distinct. 27.

Presbyteris, diaconis, subdiaconis, & monachis concubinas habere

habere, seu Matrimonia contrahere, penitus interdiciamus: cōtracta quoque Matrimonia ab huiusmodi personis disiungi, & personas ad pœnitentiam redigi debere, iuxta sacrorum Canonum diffinitionem, iudicamus, cap. presbyteris, diffinitione, 27.

Nullum facere subdiaconum præsumant Episcopi, nisi, qui se castè victurum promiserit: quia nullus ad ministerium altaris accedere debet, nisi cuius castitas ante susceptum ministerium fuerit approbata, cap. nullum, dist. 28.

Decernimus, ut hi, qui in Ordine subdiaconatus, & supra, uxores duxerint: aut concubinas habuerint, officio, atque Ecclesiastico beneficio careant. Cum enim ipsi templum, & vasa Domini, & sacrarium Spiritus sancti debeant esse, & dici, indignum est eos cubilibus, & immundiciis deseruire, cap. decernimus, dist. 28.

Diaconi, qui in Ordinatione sua dicunt se velle habere uxores, si postea ad nuptias venerint, non prohibentur à ministerio, x. de Syracusana, §. diaconi, dist. 28.

Presbyter, si uxorem duxerit, ab Ordine illum deponi debere: quod si fornicatus fuerit, vel adulterium commiserit, extra Ecclesiam abiici, & ad pœnitentiam inter laicos redigi oportet, cap. presbyter, dist. 28.

Assumi aliquem ad sacerdotium in coniugij vinculo constitutum non oportet: nisi fuerit promissa conuersio, cap. assumi, distinct. 28.

Sacerdotibus, ut semper valeant altari adstare, semper ab uxoribus est abstinendum, capit. sacerdotibus, distinct. 31.

Eos ad sacrificia, fas est admitti, qui vel cum uxore non exerceant carnale officium, cap. eos, dist. 31.

Presbyteri, diaconi, subdiaconi, vel deinceps, quibus ducendi uxores licentia modo non est, etiam alienarum nuptiarum vitare debent conuiuia: nec his cœtibus misceantur, ubi amatoria cantantur, & turpia, aut obscœni motus corporum

chores, & saltationibus efferuntur: ne auditus, & obtutus sacris ministeriis deputati: turpium spectaculorum, atque verborum contagione polluantur, cap. presbyter, dist. 35.

Nec in perpetuum, sed tempore oblationis à complexu suarum uxorum sacerdotes abstineant, cap. quoniam, dist. 31.

Presbyter uxorem suam, quasi sororem diligat, & quasi hostem fugiat, cap. presbyter, dist. 32.

Si quis discernit presbyterum coniugatum, tamquam occasione nuptiarum, quod offerre non debeat, & ab eius oblatione ideo abstineat: anathema sit, cap. si quis, dist. 28.

Presbyterum non legalibus nuptiis detentum, Cathedram quidem habere, sed ab officio abstinere precipimus, cap. presbyterum, dist. 28.

Eos, qui post prohibitionem factam à suis se uxoribus continere noluerint, ad sacrum Ordinem volumus promovere: Quia nullus debet ad altaris ministerium accedere, nisi, cuius castitas ante susceptum ministerium fuerit approbata, cap. ante triennium, dist. 31. Causa huius institutionis fuit munditia sacerdotibus: ut libere cunctis diebus vite sue Orationi vacare possint. Si enim (ut ait Paulus Apostolus) ab uxoribus est cessandum, ut expeditius Orationi vacemus, ministris utique altaris, quibus quotidiana necessitas orandi incumbit, nunquam coniugali vacare officio permittitur, d. cap. ante triennium, dist. 31.

Nicæna Synodus usum coniugij in uniuscuiusque voluntate non necessitate, permisit, ob hanc rationem, quod scilicet cum propria uxore concubitus, sit castitas, cap. Nicæna, distinct. 31.

Si quis vituperat nuptias, & dormientem cum viro suo fidelem, ac religiosam mulierem detestatur, aut culpabilem existim at, anathema sit, cap. si quis, dist. 31.

Post Baptismum debet esse monogamus, id est, unius uxoris vir, qui in Episcopum est ordinandus, cap. unius uxoris, distinct. 26.

Vnius uxoris vir Episcopus significat ex omnibus gentibus unitatem uni viro Christo subditam, cap. acutiùs, distinet. 26.

Sicut duobus dominis servire, sic ab uno domino apostatare, atque in alterius superstitionem ire, non licet, d. cap. acutiùs, in fine, dist. 26.

In Baptismate culpa admittitur, non lex coniugij aboletur, cap. deinde, dist. 26.

Quos Deus coniunxit, homo non separet, d. cap. deinde, dist. 25. Et eius interpretatio, ibid.

Nuptiarum copula, quia Dei mandato perficitur, non potest dici peccatum: & quod peccatum non est solui, inter peccata credi non debet: erug³, integrum & salutare existimare, aboleri non posse nomen prioris, cum non sit dimissum pro peccato, quod ex Dei sit voluntate complexum, cap. cum deinde, in fine, dist. 26.

Qui, demortua uxore, demò contrahit Matrimonium, non peccat, cap. qui sine, dist. 26.

Bigami dicuntur, non solum, qui post Baptisma coniugia frequentant, sed etiam qui ante Baptismum unam, & post Baptismum alteram coniugem habuisse probantur: Et is in sacerdotem ordinari non debet: non quia deliquerit secundam accipiendo uxorem, sed quia prerogativam exutus est sacerdotis, cap. una tantum, §. unde datur, dist. 26.

Virgines, quae post consecrationem nupserint, non tam adultera sunt, quam incestae, cap. virgines, dist. 27.

Si se cuiquam mulier presbyteri, vel diaconi, relicta duplici coniugio coniunxerit, aut castitatem fruantur, aut separentur: aut certe, si in criminis intentione perseverent, pari excommunicatione plectantur, c. si se cuiquam, dist. 28.

Si quis docuerit sacerdotem, sub obitu religionis, propriam uxorem continere, anathema: sit, cap. si quis, dist. 28.

De presbyteris non est laicis iudicandum, cap. consulendum, dist. 28.

Nos virginitatem cum humilitate admiramur, & continentiam cum castitate, & religionem Deo acceptissimam esse dicimus, & renuntiationes secularium negotiorum, atque actuum, cum humilitate approbando laudamus, & nuptiarum vinculum, quod secundum castitatem perderat, honoramus, & diuites cum fide, iustitia, & operibus bonis non abiicimus, cap. hac autem, dist. 30.

Nullus Missam audiat presbyteri, quem scit concubinam indubitanter habere, aut superinductam mulierem, ca. nullus Missam, dist. 32.

Quicumque sacerdotum, diaconorum, subdiaconorum; concubinam palam duxerit; vel ductam non reliquerit, à divinis officiis arceatur, cap. prater, dist. 32. & cap. habuisse, distinct. 33.

Non habitent cum Clericis mulieres, nisi, qua naturali foedere, omnem suspicionem excludunt, c. interdixit, dist. 32.

In ambiguis rebus absolutum non debet esse iudicium, ca. habuisse, dist. 33.

Is, qui non habet uxorem, & pro uxore concubinam habet, à communione non repellatur: tamen, ut unius mulieris, aut uxoris, aut concubina sit coniunctione contentus, cap. is, qui non habet, dist. 34.

Christiano non dicam plurimas, sed nec duas simul habere, licitum est: nisi unam tantum, aut uxorem, aut certe loco uxoris, (si coniunx deest) concubinam, cap. Christiano, dist. 34.

Episcopus multam familiaritatis habens cum quadam filia, si monitus non abdicet, excommunicatur, cap. quorundam, dist. 34.

Concubinas habere non licet vobis, etsi non habeatis uxores, tamen non licet vobis habere concubinas, quas postea dimittatis, & ducatis uxores, tanto magis damnatio erit vobis, si volueritis habere uxores, & concubinas, cap. audite, §. concubinas, distinct. 34.

Regula sanctorum patrum, pro tempore, loco, & persona, & negotio, instante necessitate, tradita sunt: pro quorum varietate etiam intelligi debent, cap. 1. 2. 3. 4. dist. 29.

DE CLERICIS NON RESIDENTIBUS in Ecclesia, seu præbenda.

TITVLVS IIII.

Continuatio.

CLericus non tantum ab iis, quæ animum à diuinis officiis auertant, abstinere: sed etiam Ecclesiæ, in qua beneficium tenet, adesse, & summa, qua fieri potest, industria, fidei, quæ integritate munus, ratione obtenti beneficii, iniunctum obire debet.

Quid est residentia?

Residentia est clerici in Ecclesia beneficium tenentis, cum voluntate debiti præstandi seruitij præsentia: Dico; cum voluntate præstandi seruitij; quia parum esset, præsentiam sui exhibere, & curam, seu seruitium Ecclesiæ negligere, cap. extirpandæ, extr. de præbend. & cap. quia nonnulli, extr. eod.

Quæ causa Efficiens?

Præceptum diuinum, & voluntas clerici præsentis, nec ratione obtenti beneficii iniunctum sibi munus recusantis, d. cap. quia nonnulli, extra. eodem.

Quod Obiectum?

Omnia seruitia, quorum præstationem obtenti beneficii possessio requirit, vt ait Hostiens. §. quis clericus, hoc titulo.

Quæ Forma?

Vt Clericus Ecclesiæ, in qua præbendam habet, adsit; nec non seruitia, quæ ipsi, ratione præbendæ, vel beneficii imponuntur, in propria persona: vel si iustam absentiae causam allegare possit, per Vicarium præstet; qua tamen non probata, per subtractionem prouentuum, aliisque Pontificij iuris remediis, per se, etsi præbenda sit admodum tenuis, & ultra viginti aureos annui redditus non habeat, seruitia facere tenetur, quia eius industria videtur requisita, d. cap. quia nonnulli, cap. conquerente, & cap. cum ad hoc, extr. eod.

*Quæ Forma procedendi contra non residentes,
& absentes contumaces?*

Si prælatus, vel Clericus, in Ecclesia, in qua prælaturam, vel beneficium obtinet, non resideat, monendus est, & citandus, ut terminò in citatione præfixo ad Ecclesiam reuertatur: quòd si intra terminum præfixum non redeat, nec iustam impedi- menti causam afferat, beneficio, vel prælatione priuatur, aliis- que in eius locum sufficitur, cap. ex parte, extr. cod. Quòd qui- dem verum est, si longo tempore absit, & Ecclesiæ utilitas clerici contumaciter absentis præsentiam, & adiuuamen ex- poscat, d. cap. ex parte, vers. decem annorum. Quòd si autem breuiori tempore absit, non facilè ei terminus peremptorius præfigetur, nec ob id contumaciam commissam imponere feret. Quoniam, diaconus, vel presbyter, si per tres septimanas, vel Clericus in minoribus Ordinibus constitutus, si aliquot die- bus solennibus ab Ecclesia sua defuerint, triennio à commu- nione suspenduntur, cap. si quis in clero, 7. quæst. 1. Quòd si locus, ubi clericus absens degit, ignoretur, vel ratione loci, temporis, vel cuiusque alterius impediementi, ad ipsum cita- tio deferri non possit, tribus edictis in eius Ecclesia publicè propositis, euocabitur: quòd si nec dum intra sex menses re- uertatur, beneficio, vel Ecclesia sua priuari poterit, cap. ex tuæ deuolutionis, extr. cod. Denique, si ob clerici cruditionem, & præstantiam, eius priuationem Ecclesiæ non expedire visum fuerit, per suspensionis, vel excommunicationis sententiam, absentis contumacia coercetur, qua pœna contempta, à con- tumace rerum spiritualium administratio ei interdici pote- rit, d. cap. ex tuæ, §. contra eos, extr. cod. Episcopus etiam, reli- cto suo Episcopatu absque Superioris licentia, ad alium tran- siens, solo Pontificis mandato, Episcopatu utroque & habi- to, & ambito priuatur, licèt ab Archiepiscopo, suspendi, & excommunicari possit, si vel transeat, vel relicta Ecclesia sua, absque probabili causa euagetur, capit. accusatus, 3. quæst. 6. cap. 1. extra. eodem.

Quæ sint causæ legitimæ à pœna contumacium liberantes?

Prima causa excusationis à pœna est, priuilegium à Pon- tifice, vel Episcopo, super absentia concessum: Si tamen Ec- clesia ministrorum patitur defectum, etiam priuilegiati, per subtractionem prouentuum, residere coguntur, cap. cum ad hoc, extr. cod. cap. suggestum, extr. de decimis, cap. quid per noua- le, extr. de verb. sign. Secunda: Infirmitas. Nam qui ita detine- tur

tur morbo, vt retum ad officium suum pertinentium non possit satagere, non modò beneficij sui fructus consequetur, sed & distributiones canonicas, & omnia, quæ clerico in bona valetudine constituto, & officium suum præstanti, concederentur, cap. 1. extra. de cleric. ægto. & cap. vni. in 6. eod. Tertia: Permissa facultas à Prælato, vel Capitulo bonis literis operam nauandi in honesto & probato Gymnasio: dummodò hæc vacatio septennij tempus non excedat, cap. tuæ fraternitatis, extr. eod. & cap. cum ex eo, gloss. in verb. septennio, de elect. in 6. Dico, *in probato aliquo Gymnasio*, quia, si in villis, & castellis, vbi nullum, aut exiguum est studiorum exercitium, quis versaretur, priuilegio, ex causa studiorum absentibus indulto, gaudere non poterit, d. cap. tuæ fraternitatis, extr. eod. Quarta: Inimicitie capitales. Quoniam illæ etiam à publico munere immunitatem præstant, cap. bonæ memoriæ: extra. de elect. Quinta: Tuitio iurium ipsius Ecclesiæ, ad quæ conseruanda licitè quis abesse potest: etsi tempore promotionis de facienda residentia in ipsa Ecclesia præstirisset iuramentum, cap. ex parte tua propositum, extra. cod. Sexta: Senectus præstat excusationis causam. Non vt à sene Ecclesia prorsus deferatur, sed vt aliquatenus muneris iniuncti administratione liberetur. Est enim senectus per se onerosa, & languida, multas secum afferens infirmitates, & aduersitates. Nihil igitur rationi, & æquitati magis consentaneum, quàm eius labores; qui multo tempore, promouendis Ecclesiæ vtilitatibus insudauit, adiuuamine quodam alleuiari. Vnde Zacharias Pontifex Bonifacio Moguntino Archiepiscopo senio confecto petenti in suum locum alium constitui, non Moguntinam Ecclesiam relinquete, sed Coadiutorum, qui ipsum cura, & sollicitudine commissarum animarum liberet, & ei morienti in Episcopatu succederet, datis ad ipsum Apostolicis literis sibi adsciscere, & ordinare concessit, cap. petisti, 7. quæst. 1. Et aliæ consimiles causæ, quæ vel ex paritate rationis, vel æquitate his connumerari possunt.

Quæ causa Impulsua faciendæ Residentiæ?

Christiana charitas, vrgens necessitas, debita obedientia, ac euidens Ecclesiæ, ac Reipubl. vtilitas.

Quis Finis, & Effectus?

1. Regnum Dei; si debito modo seruitium fiat, vt ait Hotticus. §. quod si præmium, hoc titul. 1. Acquisitio iuris cli-

gendi, & spiritualis consortij, aliud nisi impediatur, cap. quia propter, extra. de elect. 3. Perceptio fructuum ipsius beneficii, cap. relatum, cap. cum secundum, & cap. extirpandæ, extra. de prebend. & dignitatibus. 4. Perceptio distributionum canonicarum, quæ solum inter præsentem clericos, non autem absentes, siue contumaciter absint, siue ex priuilegio excusentur, disperciuntur, dempto clerico, ob infirmitatem corporis absente; is enim harum distributionum etiam participes est, cap. vnico, eod. tit. in 6.

Quæ Cognata Residentia?

Quælibet, absentia priuilegiata, quæ residentia, quoad perceptionem fructuum, ipsius beneficii æquiualeat, & præsentia clerici, officium tamen suum negligentis.

Quæ Pugnancia?

Contumacia absentis, officij iniuncti neglectus, transitio ab vna Ecclesia ad aliam, ex ambitione, cupiditate, auaritia, cap. mutationes, 7. quæst. 1.

AXIOMATA, ET SENTENTIAE.

Primandus est beneficio Prelatus, vel clericus non residens, qui citatus & monitus non reuertitur in termino sibi prefixo, nisi iusta allegetur impedimenti causa, cap. ex parte, extra. eod. & cap. fin. eodem.

Si ignoretur locus, ubi clericus non residens degat, tribus edictis in Ecclesia euocabitur: qui si intra sex menses non reuertatur, beneficio priuatur, cap. ex tunc, extra. eod.

Fraus, & dolus nemini patrocinium præstare debent, cap. tunc fraternitatis, extra. eod.

Si Ecclesia patitur ministrorum defectum, priuilegiati super absentia, per subtractionem proventuum redire coguntur, cap. cum ad hoc, extra. eod.

Qui inuauit in Ecclesia residere, pro seruitiis Ecclesia licite se absinat, cap. ex parte, extra. eod.

Qui studiorum causa, vel in seruitio Episcopi, absit, omnes beneficii fructus, præter distributiones Canonicas, tanquam

quàm residens, percipit, cap. de catero, extr. eod. & c. tue fraternitatis, eod.

Episcopus, sine licentia Papæ, ad alium Episcopatum transire non potest: quod si fecerit, & habito & ambitu priuabitur, c. 1. extr. eod.

Nemo debet afflicto afflictionem addere, ne ipsam culpa offensa respiciat, c. cum percussio, 7. q. 1.

Periculosum est in rebus diuinis potestati, & iuri suo renuntiare, c. quàm periculosum, 7. q. 1.

In dignitate constitutus, si senio sit granatus, coadiutor illi dandus est, qui morienti succedat, cap. petisti, 7. questio. 1.

Necessitatis, & utilitatis causa Episcoporum mutationes fieri possunt, c. mutationes, 7. q. 1.

Non est reprobatio, sed virtutis probatio, bonorum aduersitas, 7. questio. 1.

Pro gradu sui officij quémque meliorem esse oportet, c. qualis, c. 3. 8. questio. 1.

Oportet eum, qui docet esse talem, ut pro ingenio discipulorum semetipsum possit aptare, c. oportet, 8. q. 1.

DE PRÆBENDIS, ET DIGNITATIBVS.

TITVLVS V.

Continuatio.

LEgi diuinæ consentaneum est, ut qui in Ecclesia sua reſidet, & debitum seruitium præstat, ab eadem Ecclesia sustentationem, dignitati, & officio conuenientem percipiat: Qui enim altari seruit, de altari viuere debet, c. ex his, 12. q. 1. & c. Ecclesiasticis, 12. q. 2.

Quid est Præbenda?

Præbenda, secundum Hostiensem, est ius percipiendi proventus Ecclesiasticos, competens percipienti tanquàm vni, ex

collegio, ex Canoniam promanans, Hostiens. §. quid sit præbenda, hoc tit.

Quotuplex Præbenda?

Præbendæ bifariam intelligi possunt: Vel, ut in aliquorum patrocínio, & tutela sunt: quia ab illis sunt fundatæ, & constitutæ, vel locupletatæ, quas & propterea patronatus iura appellant. Et de his hoc loco non agitur: quia cum non vni ex collegiis competant, neque ex Canoniam descendant, improprie præbendæ dicuntur, ut notatur in cap. Cum M. Ferranensis, extr. de constitut. cap. possessiones, 1. 6. quæstio. 1. & cap. 2. extr. de institut. Alio modo præbendæ dicuntur, ab omni cuiusque patronatu solutæ, & annexæ ipsi Canoniam, solum personis collegiatis competentes. Vnde dicitur, Canonicum absque præbenda esse non posse, & Canoniam habentem, ex consequenti præbendam habere debere, c. relatum, & c. dilectus, ext. eod. & c. cum super, ext. de concess. præb. & dict. c. cum M. Ferrar.

Quæ causa Efficiens?

Est collatio Canoniam facta ab eo, qui ius conferendi habet: sicut enim actio ex obligatione, ita præbenda ex Canoniam descendit. Vnde Episcopus ad sacros ordines aliquem promouens, qui præbendam non habet, nec de suo Patrimonio se sustentare potest, ipsi etiam ex suis facultatibus, de alimentis necessariis, donec beneficium adipiscatur, prouidere debet. Fuit enim in arbitrio eius, vel non ordinare, qui titulum non habuit; vel ordinare, & ei usque quo consequatur titulum, necessaria suppeditare, c. non liceat, c. cum secundum, & c. tuis quæstionibus, extr. eod.

Quid est Canoniam?

Canoniam est, ius quoddam, quod ex electione, seu collatione, vel institutione, & receptione alicuius in canonicum, oritur, siue acquiritur, ubi certus est canonicorum numerus; vel de nouo creatur, ubi certus numerus non habetur, Host. in §. quid sit præbend. eod. tit.

Quomodo differunt Canoniam, & Præbenda?

Differunt, ut causa & effectus. Quia Canoniam est ius, cuius effectus est, fructuum perceptio: contemplatione enim iuris per collationem Canoniam constituti, præbenda conceditur. Vnde Canoniam in iure, præbenda autem proprie in perceptione fructuum consistere dicitur, Hostien. d. §. quæ sit præbenda, vers. præbenda.

Quod

Quod Obiectum?

Sunt fructus beneficij, annuæ pensiones, & omnes redditus ad præbendam spectantes, quæ canonici sustentationi sufficere possint.

Quæ Forma?

Vt, collata Canonica, clerico in eadem Ecclesia residenti, promeritorum qualitate, personæ conditione, dignitatisque ratione, vitæ honestè, & dignè sustentandæ necessaria subministrantur. Ad præbendam enim obtinendam in Ecclesia non sufficit in eadem adeptæ Canonica, vel, vt quis titulum Canonici sit per collationem consecutus, sed requiritur eiusdem etiam residentia; cum clericus non residens iure percipiendorum fructuum, (quod præbendam esse dixi) imò etiam ipso titulo, ob nimiam contumaciam priuetur, Hostiens. in §. 1. & §. vltim. tit. de cleric. non resident. Quæ autem sit forma conferendarum præbendarum, & quæ ad collationem requirantur, infra, tit. de concess. præbendarum, conuenientiùs tradetur.

Quæ causa Finalis?

Vt diligentius diuina officia administrantur: ne alioquin clericus necessariæ sustentationis indigentia compulsus, ad alia officia gratia parandi vitæ necessaria, confugiat, & animum à diuino cultu, & seruitio abdicet.

Qui Effectus?

Perceptio reddituum vitæ sustentandæ necessariorum, tranquillitas animi diuino seruitio expediundo intenti, facultas subueniendi pauperibus, aliisque egentibus hominibus in necessitate.

Quid est Dignitas?

Dignitas est, rerum Ecclesiasticarum cum iurisdictione administrandarum potestas.

Quæ causa Efficiens?

Statuta Pontificum, decreta Conciliorum, & vota Collegiorum, per viam electionis alicui potestatem administrandi res Ecclesiasticas concedentium.

*Quod Subiectum? vel, Qui dicuntur habere**Dignitatem?*

Omnes Cardinales, Archiepiscopi, Episcopi, Archidiaconi, Archiepiscopi, Abbates, Præpositi, Priores, & omnes Collegiatæ Ecclesiæ Præfecti, Abbas in c. multa, extr. eod.

Quod

Quod est Obiectum?

Gradus præeminentia, administratio rerum Ecclesiasticarum, & iurisdicctio.

Qua Forma?

Vt in Ecclesia tantum una vnam habeat dignitatem, via potestatis per electionem, vel alium quemvis modum translate, iurisdictionem sibi in subditos competentem exerceat, resque Ecclesiasticas sibi commissas, fideliter administret. Solum enim Prælatum in dignitate constitutum, rerum Ecclesiasticarum cum iurisdictione administrandarum habet potestatem: non autem is, qui personatum, vel officium habet. Est enim personatus prærogativa in Ecclesia, omni carens iurisdictione; veluti, si quis sedem habeat præ cæteris in choro eminentem, aliarum prærogatiuarum, & præsertim iurisdictionis expers. Officium autem est ius administrandarum rerum Ecclesiæ sine iurisdictione, Abbas c. multa, extr. cod. & Felin. in rubrica, de offic. deleg.

Quis Effectus?

Potestas administrandi res Ecclesiasticas & exercendi iurisdictionem in clericos inferiores.

Quæ Cognata?

His, qui in dignitate sunt, comparantur Ecclesiæ Cathedralis Canonici, cap. statutum, extr. de rescript. item rectores Ecclesiarum; affinitatem etiam habent cum dignitatibus, & præbendis personatus officium, Canoniam, & ius patronatus.

Quæ Adiacentia?

Sacerdos ordo. Nam licet Episcopatus, & similia, sacerdos ordo sit; dignitatem tamen annexam habet, sicuti præbendam, Canoniam, & residentiam.

Quæ Pugnancia?

Contumacia abscentis, suspensio, depositio, & excommunicatio, neglectus minoris demandati.

AXIOMATA, ET SENTENTIÆ.

Solum egentibus subuenire debemus, si non culpa sua ad egestatem venissent, c. 1. dist. 86.

Nihil aliud est habenti dare quam perdere, cap. pastor, 1. questio. 2.

Sicuti unum corpus plura membra habet, nec omnia ad unum

unum actum idonea : ita quis in una Ecclesia potest plures dignitates obtinere, cap. singula, distinct. 89. cap. quia in, extr. eodem.

Dignum est, ut qui diuinis adscribuntur obsequiis, Ecclesie sustententur stipendiis.

In bonis Ecclesiis non succeditur iure consanguinitatis, c. 1. extr. eod.

Ratio nulla permittit, ut, quod pro communi utilitate datum esse cognoscitur, propriis cuiusquam vsibus applicetur, c. ratio, extr. eod.

Qui ordinauit aliquem ad sacros ordines sine titulo, nec de suo Patrimonio viuere possit, prouidere eidem de suis facultatibus tenetur, donec aliquem titulum fuerit consecutus, cap. Episcopus, extr. eod. c. 2. cum secundum, extr. eod.

Canonici non potest esse absque prebenda: Ideoq, si ordinatus non habeat, unde uiuat, is, ex cuius iussu quis ordinatus est, ei de prebenda prouidere tenetur, c. relatum, extr. eod.

Prebende, & dignitates nec diuidi, nec permutari debent, c. maioribus, extr. eod.

Habens plures Ecclesias alteram eligere, & alteram dimittere compellitur, c. referente, extr. eod.

Rescriptum stricte est interpretandum, cap. fin. extra. eodem.

Propter inopiam prebendarum Ecclesia Cathedralis, possunt eis annexi capella, reseruata ipsarum presbyteris congrua portione, c. posuisti, extr. eod.

Beneficium datur propter officium : ergo pueri, & beneficiati, qui non possunt in eadem Ecclesia deservire, in ea non debent idonei ad consequendum beneficia reputari, cap. super inordinata, extr. eod.

Clerici ignobiles, & non eminentis scientie, propter hoc non debent a prebendis repelli, etiam in Ecclesia, qua tales admittere non consuevit, c. venerabilis, extr. eod.

Absens propter Theologicum studium, fructus beneficio-

rum suorum percipit in absentia : sed nullo modo quotidianas distributiones, c. licet, extr. eod.

Cum sublimibus & literatis personis circa pluralitatem beneficiorum incompatibilium, solus Papa dispensat, cap. de multa, extr. eod.

Absenti potest conferri beneficium, alio mediante : Nec refert utrum absens inuestiatur per personam mediam, vel, persona media inuestiatur pro absente, cap. accedens, extra. eodem.

Si duo electi ad aliquam dignitatem compromittant in iudices, poterit iudex alterum confirmare, & alteri, pro bono pacis, de prouentibus prouisionem facere, cap. nisi essent, extra. eod.

Sicuti duo, vel plures eandem dignitatem, vel prabendam habere non possunt : ita nec unus plures dignitates, vel personatus in una, vel diuersis Ecclesiis habere potest, c. ad hac, & c. tua fraternitatis, extr. eod.

DE CLERICO ÆGROTANTE, vel debilitato.

TITVLVS VI.

Continuatio.

Sicuti propter senectutem, clericus in dignitate constitutus, ab officio, vel dignitate non remouetur : sed adiutor, qui vicem eius subeat, ei adiungitur : ita etiam clericus infirmitate detentus, dignitatem, vel beneficium, quod habet, non amittit : sed ei datur coadiutor, qui curam habeat animarum : & de facultatibus Ecclesiæ ad sustentationem suam congruam recipiat portionem. c. de rectorib. extr. eod.

Quid est infirmitas, vel morbus?

Morbus, apud Sabinum definitur, habitus cuiusque corporis contra naturam : qui usum eius ad id facit deteriotem, cuius causa natura nobis eius corporis sanitatem dedit. l. i. §. 7. ff. de ædil. edict. & redhibet. Et vel in toto corpore : vel parte
cor

corporis accidit: toto corpore, vt febris: parte, vt cæcitas, & c. dict. l. i. §. 7.

Quotusplex Morbus?

Duplex, fonticus, & non fonticus. Sonticus morbus dicitur, qui cuiusque rei agendæ impedimento est. Non fonticus autem, qui impedimento non est, l. quæsitum, ff. de re iudicata.

Qui morbus clerici non residentis, & non administrantis absentiam excusat?

Morbus fonticus: vt est apoplexia, paralyfis, & c. & motus corporis contra naturam, quem febrim appellant. Non autem is, qui impedimento esse non solet, vt leuis febricula, vetus quartana, vt asserit Iulianus in l. quæsitum, ff. de re iudic. Distingue tamen circa personas. Aut superior prælatus, vt est Episcopus, & rector Ecclesiæ, morbo graui, & incurabili corripitur: vt lepra, vel morbo fontico, impediēte officij administrationem; & coadiutor ei dandus est, qui curam habeat animarum, & de facultatibus Ecclesiæ ad sustentationem suam congruam recipiat portionem, cap. de rectoribus, & cap. fin. extr. eod. cap. vnico, eod. tit. in 6. Aut clericus, nulla præfulgens dignitate, sed ex inferioribus quidam, corporis infirmitate laborat, & ab executione officij, siue administrationis, remouetur: ita vt ipse fructus beneficij sui, & alias distributiones canonicas percipiat, iuxtaque Ecclesiæ facultates sibi necessaria, quamdiu vixerit, ministrentur, cap. tua nos, & cap. i. extr. eod.

AXIOMATA, ET SENTENTIÆ.

Afflictio afflicto non est addenda, cap. ex parte, extr. eod.

Episcopo, qui propter morbum incurabilem pastorale officium exercere non potest, dandus est coadiutor, cui portio competens reddituum Episcopatus ad sustentationem assignetur, c. ex parte, & c. de rectoribus, extr. eod.

Clericus infirmus integrè percipit fructus beneficij sui, c. i. extr. eod.

Alter alterius miseria misereri debet, cap. ex parte, extr. eod.

DE

DE INSTITUTIONIBUS TITVLVS VII.

Continuatio.

Singularis modus conferendi beneficia, seu præbendas in patronatu alicuius consistentes, est ipsa Institutio à collatione non multum discrepans.

Quot sunt modi conferendi Beneficia?

Sunt duo: Institutio & Collatio.

Quid est Institutio?

Institutio est, beneficii iuri patronatus subiecti, ad præsentationem patroni in institutum per Ordinarium facta translatio, Abb. in c. 2. extr. de concess. præbend.

Quæ est causa Efficiens?

Authoritas Ordinarij, vel Prælati, ex lege, vel consuetudine ius instituendi habentis, præmissa per patronum instituendi præsentatione.

Quod Subiectum, vel qui instituere possunt?

Episcopus, Capitulum, vacante sedè. Nam Capitulum, licet, sedè vacante, beneficia ad Episcopi collationem spectantia, conferre non possit, tamen à patronis præsentatos, si idonei sint, admittere, & in beneficiis instituere potest, cap. 1. eod. tit. in 6. item Abbates, Delegati, vel quivis alius ius instituendi ex consuetudine habens, Hostiens. §. quis possit, hoc titul.

Quod Obiectum?

Persona idonea, quæ instituitur, siue sit nobilis, siue ignobilis: quia non genus nobilitat hominem, sed virtutes. Nec obstat aliqua consuetudo contraria, c. venerabilis, extr. de præb. Non tamen instituitur is, qui servilis est conditionis, vel duplex Matrimonium expertus est, vel qui beneficium habet, nisi beneficium dimittere velit. Potest enim Clericus secularis in seculari Ecclesia, & regularis in regulari institui, quia homines disparis professionis, simul esse non possunt, cap. 1. de vita, & honest. clet.

Quæ Materia in qua?

Beneficium, in quo alteri competit ius patronatus; in eo enim solum institutio locum sibi vendicat, dict. cap. 1. eodem titul. in 6.

Quæ

Quæ Forma?

Vt beneficio, patrocínio subiecto, vacante, patronus, qui eius patrocínio gerit, vnum, vel plures, intra legitimum tēpus, ipsi Ordinario, vel ei, qui ius instituendi habet, præsentet, quæ præsentatione facta, Ordinarius, vel is, qui instituit, si ex pluribus præsentatis vnum idoneum viderit, ipsum deligat, vel si vnus saltem præsentatus, idoneus fuerit admittat, & approbet, necnon in beneficio ipso instituat.

Ex quibus patet ad institutionem faciendam multa requiri.

1. Vt beneficium sit vacans: quia super vacaturo beneficio, nec præsentatio, nec institutio valet, cap. 2. & cap. constitutus, extr. de concess. præbendarum, licet Papa etiam in vacaturis ius tribuere possit, cap. 2. de præbendis in 6. 2. Vt beneficium tale sit, quod subsit alterius patronatui: aliàs enim in eo non institutio, sed collatio locum haberet, cap. cum in illis, cod. tit. in 6. 3. Vt is, qui præsentat, sit patronus, siue verus, siue putatiuus; quia putatiui etiam patroni præsentatio tenet, etsi postea ius patronatus alius in iudicio euicerit, cap. decernimus, & cap. filius, 1 6. quæst. 7. Nec interest, vtrum vnus, an plures sint patroni, ex successione forsitan, vel alio modo facti. Quia ius patronatus ad quoscūque hæredes transmittitur, & plures succedentes vni habent vocem vnus, nec hæres patroni institutum mutare potest, cap. 1. 2. & 3. extr. de iure patro. Quòd si autem, beneficio vacante, in plures partes, patronorum vota in præsentando se diuiserint, ille præficiendus est Ecclesiæ, qui maioribus iuuatur meritis, & plurimum consensu approbatur. Abb. in cap. quoniam, extra. de iure patro. 4. Requiritur, vt patronus vnum, vel plures præsentet. Quòd si plures præsentauerit, de omnibus magis idoneum Episcopus eligere potest, cap. quia propter, extr. de elect. se autem ipsum præsentare non potest, cap. fin. extra. cod. 5. Vt legitimo tempore præsentet. Legitimum tempus in Ecclesiastico patrono, est sex mensium spatium, sed in laico quadrimestre tempus. Ratio diuersitatis est: Quia Ecclesiastica semel facta præsentatione, ampliùs variare non potest, quod tamen laico conceditur: Ergò breuius tempus ad præsentandum ei datur, Dd. in cap. vnico, §. verum, licet de iure patro. in 6. & in Clement. plures, de iure patro. Et quæ notantur in cap. cum vos, extra. de off. ord. 6. Requiritur, vt præsentatio instituendi fiat Ordinatio, vel alij, vt est Delegatus, Abbas, Capitulum, sede vacante, & similibus, qui ius instituendi habent. Nam si patronus, pro-

pria autoritate, absque præsentatione instituerit, excommunicabitur, & clerici perperam instituti, à communione priuabuntur, aut si adhuc perstiterint, à ministerio Ecclesiastico, & Ordine deponentur, cap. prætereà, extra. de iure patro. 7. Ut Ordinarius, vel quiuvis alius, ius instituendi habens, ex pluribus præsentatis magis idoneum eligat: vel si vnus tantum, qui idoneus sit, præsentatus fuerit, eum admittat, approbet & instituat, c. illud, c. decernimus, 1 6. q. 7. But. in c. ex transmissa, extr. de renunt. & cap. quamuis, de rescript. in 6.

Qui Effectus?

Est ius percipiendi fructus beneficii iuri patronatus obnoxij, & potestas administrandi officium, & munus ratione illius beneficii iniunctum.

Quæ Cognata?

Collatio: Quæ quid sit, proximo titulo explicabitur: prouisio: licet prouisio nomen generalius sit, & ad Collationem, & Institutionem non inconuenienter adaptari, & referri possit.

Quæ Adiacentia?

Præsentatio patroni, integritas vitæ instituendi, & similia.

Quæ Pugnancia?

Institutio facta, sprete patroni præsentatione: vel institutio facta per ipsum patronum propria autoritate, vitium instituti, quod antea latuit, simonia, &c.

AXIOMATA, ET SENTENTIÆ.

Si possidet ius instituendi is, ad quem de iure communi non spectat, pendente iudicio proprietatis, in possessione defenditur, cap. cum venissent, extr. eod.

Is, ad quem spectat collatio dignitatum, seipsum instituere non potest, cap. fin. extr. eod.

Et si Capitulum, sede vacante, beneficia, quæ ad collationem Episcopi pertinent, conferre non possit, præsentatos tamen à patronis potest admittere, si sint idonei, & eos instituere in beneficiis, ad quæ fuerint præsentati, licet ad Episcopum (si supercesset) admissio, & institutio huiusmodi pertineret, cap. 1. de institut. in 6.

Sicuti

Sicuti Ordinarij institutio, sprete patroni presentatione, facta non subsistit: ita nec à patrono propria auctoritate facta institutio, valet, cap. 1. 16. quest. 7.

Patroni de presentando alternis vicibus convenire possunt, pluresque simul presentare, de quibus Ordinarius instituendum deligat, cap. fin. de prabend. in 6.

Si patroni plures in presentatione non fuerint concordēs, attenditur maior, & melior pars, cap. quoniam extra. de iure patro. & cap. si forte, dist. 63.

Episcopus, qui instituit secundo loco presentatum, in poenam tenetur providere etiam primo presentato, cap. querimoniam, extra. de iure patron.

DE CONCESSIONE PRÆBENDÆ, & Ecclesiæ non vacantis.

TITVLVS VIII.

Continuatio.

Alter modus conferendi beneficia, est, collatio, quæ nullo patroni præmissam presentationem, sed eius tantum, qui ius concedendi præbendas omni patronatus iure liberis, & solutis habet, auctoritatem requirit.

Quid est Collatio?

Collatio est præbendæ liberæ, & ab omni cuiusque patronatu solutæ, ab eo, qui vel summa auctoritate, & præeminentia præpollat, vel qui ex lege, & consuetudine ius conferendi beneficia habet, liberè, palam, purè, & sine diminutione facta concessio. Hæc descriptio colligitur ex Hostiens. §. & qualiter, tit. de præbend. & dig.

Quotplex Collatio?

A causa efficiente duplex potest intelligi: vel extraordinaria, vel ordinaria. Extraordinaria dicitur, Collatio, quæ fit, vel ex mandato Legati sedis Apostolicæ, aut Pontificio rescripto. Ordinaria autem fieri dicitur, cum Episcopus, vel Capitulum ex lege, vel consuetudine, ius conferendi habentes, beneficia concedunt, cap. postulastis, extra. cod.

Qua causa Efficiens?

Est Apostolica autoritas, & potestas ordinaria, vel delegata, lex, & consuetudo, conferendi ius tribuentia.

Quod est Subiectum?

Est Summus Pontifex, ex summa, qua pollet, autoritate; Legatus Sedis Apostolicæ, ex potestate commissa; Episcopus, aliisque Prælati, siue seculares, siue regulares, ex lege, vel consuetudine facultatem, concedendi præbendas habentes, d. cap. postulasti, cap. accedens, extra. cod. cap. cum nostris, extra. eodem.

Sed inter Summum Pontificem, Legatum, & Ordinarium, circa collationis potestatem, tres constituantur gradus. Nam ad Episcopum, & alium Prælatum, omnium quidem basilicarum, quæ in eius territorio positæ sunt, collatio regulariter pertinet; vacaturam tamen præbendam suæ dispositioni reservare non potest, cap. 2. extra. de concess. præbend. & longè minùs in eadem alicui ius tribuere. Legatus autem non modò vacantes intra suæ legationis terminos Ecclesias cõferre, verùm etiam vacaturas reservare poterit: licet eidem in vacaturis alicui ius tribuendi nulla sit facultas: At Apostolicus & ubique vacantes donare, & vacaturas suæ prouisioni reservare, & in vacaturis ius tribuere potest, cum in ipso plenitudo resideat potestatis, cap. 2. de præbend. in 6. ca. significasti, extra. de elect. & cap. proposuit, extra. de concess. præbend.

Quod Obiectum?

Beneficium à iure patronatus solum, & per mortem, resignationem, translationem beneficiati, vel alium quemcunque modum vacans, cap. nulla Ecclesiastici, cap. relatum, & cap. ex tenore, extra. eodem.

Quot modis beneficium vacare dicitur?

Multis, 1. Morte ipsius beneficiati, cap. 2. ver. ne desiderare quis mortem, extra. eod. 2. Renuntiatione eius, qui illud fuerit affectus, siue simplex sit renuntiatio, siue permutationis causa facta, cap. susceptum, de rescript. in 6. cap. 1. extra. de rerum permutat. Est tamen distinguendum inter vacationem ob mortem, & resignationem, in hoc casu. Nam si Legatus, vel Pontifex mandet alicui beneficium per resignationem vacans conferre; si illud per mortem vacet, non debebitur, sed cessat mandatum, nisi aliam fuisse mandantis intentionem ostendatur.

ostendatur. At si duo super eodem beneficio literas impetrent, & vnus per mortem, alter per resignationem beneficium vacare dicat: posterior si beneficium resignatione vacauerit, erit priori præferendus, d. cap. susceptum. de rescript. in 6. 3. Beneficium vacare dicitur ob delictum: vt si pœnæ causa ob delictum quis beneficio fuerit priuatus, cap. graue, extra, de excess. prælatorum. 4. Electione, & secuta confirmatione. Nam si quis ad Episcopatum electus fuerit, & confirmationem acceperit electionis, beneficia, quæ habet, amittit, cap. cum in cunctis, extra. de electionibus, & c. 5. Acquisitione beneficij, curam, vel dignitatem annexam habentis: siquidem cum quis beneficium assequitur, quod vel curam habeat, vel dignitatem annexam, prius beneficium ipso iure vacat, cui vel cura animarum, vel dignitas inhærebat, extra. de execrabilis, tit. de præbend. & Abbas in cap. de multa, extra, de præbend. 6. Translatione absque Pontificis auctoritate facta: Episcopo enim ad aliam Ecclesiam, relicta sua, transeunte, eiusque possessionem adepti, prior eius sedes, ac etiam posterior, quam per superbiam concupiuit, vacua fiet, cap. quanto. extra. de translatione. Episcoporum. 7. Negligentia intra annum accipiendi sacerdotales Ordines ab eo, cui parochialis Ecclesia collata est. Nam is, qui parochiam adeptus est, intra anni spacium curare debet, vt ad Ordines promoueat: quod si negligat, & annus integer labatur, illa Ecclesia priuatur, nec post priuationem illa eidem conferri poterit, cap. commissa, & cap. licet canon, de elect. in 6. 8. Per contractum Matrimonium: quia clericus in Ordinibus constitutus, si Matrimonium contrahat, nec ab eo ad admonitionem factam abstinere velit, beneficij obtenti iacturam facit, gloss. in cap. i. extra. de cleric. coniugatis.

Sunt & alij modi, quibus beneficia vacare dicuntur: qui breuitatis causa hîc omittuntur: quia Canonice sanctiones diligenter legentibus, facillè patebunt.

Quæ forma conferendi Beneficia?

Vt is, qui conferendi potestatem habet, beneficium liberum, & vacans intra statuta Canonibus tempora, liberè, palam, purè, & absque diminutione aliqua conferat ei, qui iure ipsum tenere non prohibetur. Ex quibus requisita necessaria collationum colligi possunt. 1. Ad collationem requiritur, vt collatio fiat ab eo, qui ius conferendi habet. Ius autem conferendi habent, qui suprà enumerati sunt: vt Pontifex, Le-

gatus de latere, Episcopus, Capitulum, & interdum alij Prælati. Pontifex non tantum vacantes Ecclesias, & præbendas de plenitudine potestatis confert; sed etiam in vacaturis ius tribuit. Legati sunt duplices, missi, siue nati, & legati de latere. Legati missi, vel nati, vigore suæ legationis non conferunt, nisi sibi specialiter concedatur. Legatis verò de latere, sine speciali concessione, etiam Ecclesiastico Patrono inuito, conferendi facultas competit, cap. dilectus, extr. de off. leg. Episcopus, & Capitulum quandoque coniunctim, quandoque separatim conferunt: si communiter, & coniunctim, alter sine altero potestatem conferendi exercere non poterit, nisi in altero impedimentum subsit. Impedimentum esse potest, vel mortis, vel suspensionis, vel maioris excommunicationis, ca. vnico, extr. ne sede vacante aliquid innouetur, in 6. & Abb. in cap. ex parte, extr. de constit. Cum verò ad solum Episcopum, cum consilio sui Capituli præbendarum spectat collatio, distinguitur. Aut Episcopus iusto impedimento non impeditur, & tamen per sex menses collationem differt: & ad Capitulum deuoluitur conferendi ius: Aut, rebus humanis eximitur, & tunc Capitulum se non potest intromittere, mora Episcopi mortem eius non præcedente: secus si præcederet, tunc enim cõferret. Si autem ad Capitulum solum collatio pertinuerit, & intra præscriptum terminum conferre neglexerit, Episcopus cum consilio religiosorum virorum, negligentiam Capituli supplebit. Quòd si & Episcopus negligens sit, Metropolitani etiam absque vlla contradictione disponet, ca. ex parte, vbi Abb. extr. de concess. præbend. 2. Requiritur, vt beneficium sit liberum: nam si esset in alterius patronatu, & sic iuri alieno subiectum, nec liberè Episcopus de eo disponere posset, non haberet propriè locum collatio, sed institutio, supra toto tit. de institut. 3. Vt vacet beneficiunt: (quibus autem modis vacet, iam dictum est) vnde Gelasius in Concilio Lateranensi statuit, nec concedi, nec promitti, non vacatìa beneficia posse, imò promissionem vacaturi beneficij esse ipso iure nullam, & institutum scienter in beneficium viuents deponendum esse, cap. 1. 2. cap. ex tenore, extra eodem. 4. Vt legitimo tempore collatio fiat. Est autem legitimum tempus sex mensium, intra quod Episcopus, vel Capitulum conferre debet: quo elapso, de Episcopo ad Capitulum, vel de Capitulo ad Episcopum, deuoluitur collatio. Et sciendum, quòd illud tempus à die vacationis incipiat, nec legitime impedito currat, ca. quia diuersitatem, cap. nulla Ecclesiastica, extr. eod. Quod tamen intelli-

gitur

gitur de beneficiis ultra sex menses vacantibus, non autem Episcopatibus, qui intra tres menses conferendi sunt, cap. dilectus, extr. cod. cap. postquam, 50. dist. & cap. ne pro defectu, extra. de elect. 5. Requiritur, ut collatio liberè fiat, non ob pecuniam, fauorem, consanguinitatem, vel affinitatem: sed ob vitæ merita, cap. Moyses, 8. q. 1. & ca. si quis præbendis, 1. q. 3. Vnde recenset Hostiensis, cum Ecclesia Argentinensis, de beneficio conferendo tractaret, & quilibet nominaret nepotem, & sibi sanguinis necessitate iunctum, indignum quendam Romanum Canonicum asinum, qui plus minus viginti annis Capitulo seruierat, nominasse, asserens ipsum asinum, propter seruitia Capitulo præstita, digniorem esse omnibus nominatis. 6. Palam fieri debet collatio: aliàs enim fieri non potest, ut fraudis suspicione careat, cap. cum clericus solus, dist. 81. 7. Requiritur, purè, & non sub conditione, vel modo, conceptam esse collationem: Neque ipsam aliqua pactio, conuentio, vel promissio præcedat, cap. quam pio, 5. q. 2. & ca. fin. extr. de pactis. Licet per rescriptum Apostolicum collatio in diem, vel sub conditione fieri possit, cap. pastoralis, 7. quæst. 1. 8. Ut absque vlla diminutione fiat: Quia Ecclesiastica beneficia absque diminutione conferri debent: non ab ipso collatore pars fructuum, & reddituum retineri, vel ipsum beneficium inter duos secari, nisi necessitate, & commoditate id ipsum suadente, ut infra, toto tit. ut Eccles. benefic. absque diminutione conferantur, & cap. maioribus, extra. de præbend. & dignitatibus. 9. Requiritur, ut persona, cui confertur beneficium, talis sit, ut habere collatum beneficium possit. Vnde suspensus, excommunicatus, pueri, & beneficiati, non reputantur beneficiorum capaces, & idonei. Quia confertur beneficium, ut seruitium præstetur: Sed excommunicati à ministeriis sacris longè abscedere iubentur: pueris obstat iudicii tenuitas. Licet putet Hostiens. pueros acceri tantum à dignitatibus, non autem à beneficiis, cum illos ordinari permittat, cap. de his, 28. dist. Sed hæc ordinatio, de minoribus Ordinibus, qui absque beneficiis quandoque conferuntur, intelligi potest. Beneficiatis autem impedimento est seruendi nexus, quo ipsi suæ Ecclesiæ sunt deuincti. Non debent igitur in alia Ecclesia idonei reputari, cum in eadem deseruire non possint, cap. super inordinata, extra. de præbend. & dig.

An pluralitas Beneficiorum sit prohibita?

Sicuti in Republica benè constituta, ad decorem eius ana-

plandum diuersa officia ciuibus diuersis distribuuntur. Tunc enim Reipub. speciosa pulchritudo apparet, si quamplurimini functionibus publicis obeundis eius statui laudabili conseruando intendant: ita etiam Ecclesiastica officia, ob propagandum diuinum cultum, vnitatemque Ecclesiæ conseruandam, à multis administrari debent: graduum enim & ordinum distributio Ecclesiæ vnitatem conseru, c. ad hoc etiam, 99. dist. Vt dubium nō sit, quin auaritia eorum in diminutionem cultus diuini, violationemque Christianæ charitatis redundet: qui plura beneficia insatiabili cupiditate aggregant, & acquirunt. Hac enim ratione, cum beneficium Ecclesiasticum, sit ius recipiendi sustentationē, ratione officij, & seruitij, quod vna, eademque persona in vno, vel diuersis locis præstare non potest, Ecclesia sancta, suo priuatur ministerio. Rectissime igitur Canonistæ pluralitatem beneficiorum Christianæ reipublicæ, animarumque salutē, non tantum perniciosam, verum etiam rationi naturali, salutē Ecclesiæ, constitutionibus, sanctorumque Doctorum, & Pontificum decretis contrariam asserunt. Quod tamē distinctionem quandam patitur. Aud sunt beneficia suprema, dignitatem annexā habentia: vt sunt Episcopatus, Archiepiscopatus, &c. Aut duplicia, & dignitates inferiores: vt sunt personatus, & beneficia curam animarum habentia. Aut simplicia: qualia sunt omnia alia. In primi, & secūdi generis beneficiis hæc traditur doctrina, quod assumendo secundum beneficium cum autoritate, vel dispensatione Papæ, ipso facto vacabit primum, si sine autoritate, vtroque carebit, c. quantō, extr. de translat. & cap. conquerente, extr. de cler. non resid. solusque Pontifex in illis dispensabit, nec consuetudo in contrarium valebit, c. de multa, extr. de præbend. In simplicibus autem beneficiis distinguitur: aut sunt comparibilia, qualia sunt (vt vocant) sine titulo, aliās velut commendata, ob quorum scilicet possessionem quis numero clericorum illius Ecclesiæ, in qua beneficiatus est, non adscribitur, c. 1. 21. q. 1. Et ex his non vnum, sed plura iure communi quis habere potest: nisi iure speciali, scilicet priuilegio, statuto, vel consuetudine quis prohibeatur. Aut non sunt comparibilia, sed intitulata: vt sunt, Ecclesiæ rurales, siue cura, vel præbendæ alicuius Ecclesiæ collegiæ, vel cathedralis, & in his, vt in aliis beneficiis dignitatem annexam habentibus, vel non, hæc regula datur: Quod nemo duas dignitates supremas, inferiores, vel simplicia beneficia incōpatibilia habere, vel retinere, possit, Panor. in c. iam dudum, extr. de præbend. & gloss. in cap.

in c. dudum, extr. de elect. In tantum, ut possidens unum beneficium, ex quo vitæ sustentationem necessariam habeat, si aliud recipiat, mortaliter peccet, Panor. in c. conquirente, extr. de cler. non residen. & gl. in c. dudum. 1. de elect. in 6. Cum enim titulus beneficii residentiam, & seruitium requirat, c. 1. extr. de celeb. Mis. & c. fin. de rescr. in 6. Siquidem datur beneficium propter officium, nec possit clericus in diuersis locis residere, & residendo seruire, patet ex cōsequenti, clericum possidentem plura beneficia, contra Christianam charitatem auferendo victum aliis, diminuere cultum diuinum, & Ecclesiam debitis obsequiis fraudare, Panorm. in c. dudum, extr. de præbend. An autem Pontifex super pluralitate beneficiorum dispensare possit? Et cum ex iusta, & rationabili causa possit, traditum est. Causa autem iusta est, nobilitas, & excellentia doctrinæ, vtilitate & necessitate Ecclesiæ hoc exigente. Non enim nobili, quia nobilis est, vel ut alar canes, equos, & accipitres, vel alia voluptati seruientia comparet, plura beneficia conferenda sunt: Nec viro docto, ob excellentem literarum peritiam, ut vitam splendidiorem ducat, sed considerato bono publico, ut scilicet vir illustris specimen vitæ spectatæ ita cedat, ut alij eius exemplo permoti, diuinum cultum sectentur ardentius: literatus autem non sibi, sed Ecclesiæ viuat, eiusque vtilitatem, quantum fieri possit, ingenij viribus adiuuet, augeat & promoueat. Quibus non obseruatis, dubium non est, quin impetrata beneficia etiam ex dispensatione Pontificis, conscientiam impetrantis grauent, isque Ecclesiastici patrimonij, in explenda cupiditate surrepti, & impiè absumpti, quo indigentes animæ refocillari, vel alij diuini cultui dediti, & inseruientes alij possent, DE O Optimo Maximo sit rationem exactè redditurus, Panorm. in c. per venerabilem, extr. qui filij sunt leg. & notatur in c. consequens, 1. 1. q. 3.

Qui Effectus?

1. Est perceptio fructuum beneficii collati. 2. Quod is, qui contulit beneficium, iure conferendi sit destitutus, (quod ad collatum beneficium attinet) nec possit alteri, primo non consentiente, id ipsum conferre: etiam si primus non acceptauerit. Nec sub illa conditione expressa alteri collatio fieri possit, id est, si primus non acceptauerit, c. 2. extr. de elect. cap. 2. extr. de concess. præben. & c. pastoralis, extr. de rescrip. 3. Effectus est: quod per collationem factam beneficiario amittatur prius beneficium ipso iure, c. de multa, extr. de præb. & dign.

4. Acquisitio iurium beneficij collati, quæ vel per electionem, vel collationem transferri solent, cap. cum dilectus, extr. de iure patro.

Quæ Cognata?

Prouisio, institutio, inuestitura, electio, translatio, postulatio.

Quæ Adiacentia?

Gratix expectatiue, rescriptum, personæ præstantia, præsentatio.

Quæ Contraria?

Multiplicitas beneficiorum, vitium ipsius, cui beneficium confertur, temporis, intra quod collatio facienda, lapsus, adiectio conditionis in ordinaria collatione, promissio vacaturi beneficij, conferendi pactum, beneficio vacante, simonia, diminutio beneficij conferendi, suspensio, excommunicatio, pupillaris ætas, ambitio, beneficij de facto occupatio.

AXIOMATA, ET SENTENTIÆ.

Si ad Capitulum, & Prælatum, ut Prælatum potestas conferendi pertinet, de uno ad alterum, lapsu temporis non transiit conferendi ius: secus si Prælatus, ut Canonicus potestatem conferendi habet: tunc enim Capitulo per negligentiam non conferente, collatio ad Prælatum deuoluitur, c. postulatistis, extr. eod.

Promissio beneficij vacaturi non valet, cap. ex tenore, extr. eodem.

Habens potestatem conferendi, eandem potestatem conferendi beneficium primum, quod vacabit, alteri tradere potest, c. constitutus, extr. eod.

Receptio in Canonicum consensu Capituli, tenetur Capitulum prouidere, quamprimum facultas se obtulerit, cap. cum super, extr. eod.

Beneficia vacantia concedi, vel promitti non debent: & cum vacauerint, concedi debent intra sex menses, quibus elapsis de Episcopo ad Capitulum, & è contra deuoluitur collatio, c. nullus, extr. eod.

Si Episcopus, & Capitulum habeant potestatem conferendi coniunctim, non potest unus sine altero, nisi in uno subsit impedimentum, conferre, 13. q. 2. in princ.

Obstat taciturnitas obrenti beneficij etiam modici, nisi prouiso sit facta motu proprio, c. non potest, de prab. in 6.

Collatio facta, motu proprio, pluribus beneficijs in eadem Ecclesia simul vacantibus, intelligitur facta de pinguiori: si beneficia sint equalia: ad eum spectat electio, cui gratia est concessa, c. super, extr. de testibus.

Collatio facta ad petitionem alterius, ad minus beneficium restringitur: Et si sint equalia, eligit, qui alias conferebat, c. in obscuris, extr. de re iud.

Licet collatio beneficij vacaturi non subsistat, tamen Pontifex in beneficijs vacaturis ius tribuit, c. 2. c. relatum, & c. ex tenore, extr. de concess. prabend.

Si clericus, cui mandatur provideri de beneficio vacaturo, negligat petere prabendam: non poterit postea aliam petere, nisi fuerit in canonicum receptus, c. si clericus, de prabend. in 6.

Habens gratiam expectatiuam, potest acceptare beneficium vacaturum primum, vel secundum: certum tamen acceptare non potest, c. 2. extr. eod. & c. detestanda, & cap. de captanda, de concess. prab. in 6.

Rescripto Apostolico dispensatur super pluralitate beneficiorum: maxime circa sublimes, & literatas personas, c. de multa, extr. eod.

Expressio eius, quod tacite inest, nihil operatur: nisi per alium modum, quam quo tacite inest, fuerit facta expressio, c. constitutus, extr. de rescriptis.

Mandati Apostolici fines sunt diligenter custodiendi nec extenduntur, nisi ad casus expressos, etiam de consensu, & in praiudicium prouisi, cap. cum dilecta, extra. de rescriptis.

NE, SEDE VACANTE, aliquid innouetur.

TITVLVS IX.

Continuatio.

Sede vacante, collationis potestas non deuoluitur ad Capitulum; nisi Episcopus, cum Episcopalia iura teneret, in conferendo negligentiam, vel moram commiserit. Quia, sede vacante, Capitulum vice Episcopi non fungitur: nihil igitur per Capitulum, nisi speciali iure concessum fuerit, statui debet, c. illa deuotionis, extr. cod.

Quæ Sedes vacare dicitur?

Sedes vacare dicitur, cum Episcopatus, vel alia dignitas iurisdictionem annexam habens, suo antistite priuatur, cap. 1. extr. cod.

Quot modis Sedes vacare dicuntur?

Duobus verè, & interpretatiuè. Verè, vt per mortem, vel renuntiationem antistitis. Interpretatiuè verò, per hæresim, suspensionem, vel excommunicationem eiusdem Episcopi, vel Prælati, c. 1. extr. de parœciis, c. 1. extr. de præscr.

Quæ causa Efficiens, vel sine qua non?

Mors, renuntiatio, translatio Episcopi, vel Prælati, & censura Ecclesiasticâ, qua ipse notatus est.

Quod vacationis Obiectum?

Episcopatus, aliâque dignitas iurisdictionem annexam habens, quæ antistite suo destituitur.

Quæ Forma?

Vt, vel mortuo antistite verè, vel eiusdem suspensione, vel excommunicatione interpretatiuè sedes vacet, vel eam antistes, vel per resignationem, vel incôsulto Superiori per transitionem ad aliam factam: prorsus dereliquerit, nec alius eius possessionem sit ingressus, cap. non liceat, extra, de cleric. non residentibus.

Quis Effectus?

Quòd, Sede Episcopali vacante, non tener quicquid sit de bonis, vel causis Episcopatus. Quia Ecclesia fungitur vice minoris, c. 1. extr. de in integ. rest. c. si qua de rebus, 1. 2. q. 2. c. sicut nostris,

nostris, extr. de iureiur. Ideò, Sede vacante, iudicium habitum contra Ecclesiam reuocatur, c. fin. extr. eod. Nec obstat: quòd Capitulum Episcopo demortuo, vel excommunicato, vel alio modo, Sede vacante, succedat in causis audiendis, delegationibus, & c. hoc enim tantum restringitur ad casus, in c. ad abolendum, extr. eod. comprehensos: Vt si non contra Ecclesiam, sed pro Ecclesia, eiusque iuribus tuendis iudicium instituitur, d. c. ad abolendam, & c. ult. dist. 65.

Sede igitur vacante in præiudicium eligendi: nisi aliquo iure inueniatur concessum; nihil prorsus est innouandum, vel de iuribus Episcopalibus statuendum: ita vt nec beneficia ad collationem Episcopi, vel Prælati spectantia, possint per Capitulum conferri, c. illa deuotionis, ext. eo. Nec bona, causa, & negotia, Episcopatus disponi, & administrari: Vbi tamen necessitas, vel vtilitas exposcit, potest constitui visitator, vel procurator, qui causas, & negotia Episcopatus promoueat, c. obitum, dist. 51. & c. constitutum, 7. q. 1. An autem, vacante Ecclesia, Capitulum possit absoluerè, quos Episcopus viuens excommunicauit? Respondetur, quòd sic, propter periculum animarum, arg. c. cum olim, extr. de maio. & obed. Nec obstat, quòd dicitur, non transire ad Capitulum, nisi quæ sibi specialiter sunt concessa. Cum enim specialiter sede vacante, Capitulo condemnatio concedatur, multò magis absolutionem concedi oportebit. Qui enim potestatem condemnandi, multò magis absoluedi, habet, c. ad abolendam, extr. de hæresi.

AXIOMATA, ET SENTENTIÆ.

Sede vacante, status eius mutari non debet, cap. 1. extra. eodem.

Vno Ecclesiarum, sede vacante, per Capitulum fieri non debet, d. c. 1. extr. eod.

Sede vacante, iudicium contra Ecclesiam habitum, aliq, actus iudiciales nullam firmitatis robur habent, c. constitutus, extr. eod.

Nusquam inuenitur cautum iure, quòd Capitulum, vacante Sede, fungatur vice Episcopi in collationibus præbendarum: Non enim potest dici potestas conferendi præbendas ad Capitulum per Superioris negligentiam deuoluta: cum

non fuerit ille Superior, qui eas possit de facto, vel de iure conferre, c. illa devotionis, §. non obstante, extr. eod.

Capitulum non fungitur vice Episcopi, nisi in casibus iure expressis, Abb. in d. c. illa.

Vacante sede, licet iudicium contra Ecclesiam acceptum non valeat, valet tamen iudicium contra alios pro tuendis Ecclesie iuribus susceptum, cap. ad abolendam, extra. de here.

DE HIS, QUÆ FIVNT A Prælato sine consensu Capituli.

TITVLVS X.

Continuatio.

QUæcunque Prælatus cum Capitulo communia habet, absque eius consensu, ea tractare pro libitu non potest. Vnde potestas conferendi si vtrique communis sit, alter sine altero, illam exercere non poterit. supra, ne sede vacan. aliquid, &c. Quæ iuris dispositio, non tantum in beneficiorum collationibus locum sibi vendicat, sed etiam in acquisitionibus obligationum, alienationibus possessionum, rerumque Ecclesiasticarum, diminutionibus, & vnionibus, & Ecclesiarum dispensationibus, actibus iudicialibus: vt sunt, iuramenta, confessiones, litis contestationes, &c. Vel actibus extraiudicialibus: vt sunt omnes contractus, vel quasi contractus, scilicet emptio, venditio, locatio, conductio, emphyteusæos constitutio, aliique omnes, quibus alienatio, vt iusto titulo, innititur. Denique etiam delictis, vel quasi delictis attenditur, c. 1. cap. tua nuper, extr. eod. & Hostiens. §. in quibus, hoc tit. In alienationibus tamen ad tempus factis per Prælatum, taciturnitas Capituli, pro consensu habetur: & proculdubio si ratihabitio postea subsequatur, consensus ab initio accessisse videbitur, c. 2. & c. 3. extr. eod. In rebus tamen modicis, & inutilibus alienandis, nec non seruis fugitiuis, expressus, vel etiam tacitus Capituli consensus non desideratur, cap. terrulas, l. 2. quæst. 2. & cap. casellas, l. o. q. 2.

DE

DE HIS, QUÆ FIUNT A maiori parte Capituli.

TITVLVS XI.

Continuatio.

Vice versa, Capitulum, licet habeat res, & negotia Ecclesiastica administrandi & tractandi potestatem, non tamen adeò liberam, vt in iis, quæ vel incremento, vel damno Ecclesiæ cedere possint, Episcopi, vel Superioris prælati non requirat consilium, & auctoritatem. Si igitur in rebus Ecclesiæ constituendis collegiati clerici in diuersas eant sententias, quod maior pars statuit, nisi minor ex euidenti quadam ratione contradicat, amplectendum est, cap. 1. & cap. 2. extr. eodem.

Maior pars autem attenditur non tantum circa numerum, verum etiam circa iudicij, & mentis integritatem, cap. sicut in electionibus, extr. de electionibus. Vnde maior etiam dicitur pars, quæ maiori nititur ratione, cap. sana, distinct. 9. & c. multa, distinct. 11. Sciendum etiam, etsi maior pars propriè sit, quæ sanior, & numerosior: tamen si plures vnanimiter, consenserint, & alij numero pauciores contradicant, eorūque pro maiori numero præsumitur, donec contrarium probeatur: minor igitur pars iustam contradicendi rationem allegans auditur: quam si coram Superiore probauerit, eius sententia, quasi sanior, & vtilior, etiam maioris partis opinioni præualeat, cap. dudum, extr. de elect. cap. illud, 23. distinct. cap. interposita, cap. constitutus, & cap. vt debitus, extr. de appellat.

VT ECCLESIASTICA beneficia sine diminutione conferantur.

TITVLVS XII.

Concilio Lateranensi prohibitum est, ne quis conferendo Ecclesiasticum beneficium, partem prouentuum suis vsibus retinere præsumat: quia Beneficia Ecclesiastica absque diminutione sunt conferenda. Quod tamen ita distingu-

guen

guendum censet Innocentius III. c. vnico, §. vnde credimus, extr. cod. Aut collator percipit fructus ante collationem: aut post. Si post, dubium non est, quin simoniaca prauitas intercedat: si verò ante collationem percipiat prouentus, distinguitur: vtrum ante donationem constituat, vt ipsi prouentus retineantur ad tempus, pro causa iusta, & necessaria: aut conueniat cum eo, qui accepit beneficium, seu cū meditatores quocunque, vt officio illo concessio, retineat ipse sibi prouentus. Primum, inquit Innocentius, licitum est: alterum, ne via communi committendæ simoniæ aperiatur, prohibetur, d. c. vnico, extr. cod. c. prohibemus, ext. de censib. Pari ratione Tironensi Concilio cautum est, ne beneficia conferenda diuidantur, c. maioribus, ext. de præben. nisi præbenda adeò diues sit, vt eius annui redditus plurimum sustentationi sufficiant, cap. vacante, ext. de præb. Aliàs nec electio duorum, vel plurimum, ad vnâ præbendam, vt, ea dissecta, fructibus in pares portiones potiantur, vel alter expectet, donec alia vacabit; iure subsistere poterit, c. maioribus, ext. de præbend. & ibi per Abba, & alios Dd.

DE REBUS ECCLESIAE alienandis, vel non.

TITVLVS XIII.

Continuatio.

Alienatio rerum Ecclesiasticarum regulariter interdicitur: siue Prælati, siue Capitulum, siue quidam ex Capitulo, vel prælatorum autoritate, res Ecclesiæ distrahant, in tantum vt alienatores, nisi restituantur, excommunicationis sententiam incurrant, cap. si quis, extr. cod. Possunt tamen ex causa alienari, vt infra patebit.

Quid est Alienatio?

Alienationis vocabulum est generale, continens omnes actus, quibus rerum dominia transferuntur, l. alienatum, ff. de verb. sign.

Quotuplex Alienatio?

Duplex, propria & impropria. Propria dicitur actus, quo dominium tam directum, quàm vtile, transfertur. Sic accipitur in l. alienationis, & l. alienatum, ff. de verb. sign. Impropriae alie

alienationis appellatione continetur actus, quo non directum dominium, sed utile, vel ius aliquod in re constituitur. Vnde alienare etiam dicitur, qui bona sua in emphyteusim concedit: vel qui in iis ius hypothecæ constituit, l. sancimus, C. de reb. alien. non alienan. Accipitur igitur hoc titulo generalissimè, vt tam ad translationem dominij, quàm iuris alicuius constitutionem referatur. Dicitur enim in cap. nulli liceat, extra. cod. alienationis verbum continere venditionem, permutationem, hypothecam, donationem, conductionem, emphyteusim, & omnem conventionem, per quam dominium transfertur, Abb. in cap. 1. de his, quæ sunt à prælat. sine consen. Cap. & Paulus II. in extrauag. ambitiosæ, cod.

Quæ causa Efficiens?

Causa efficiens est, Episcopi autoritas, accedente maioris, & sanioris partis Capituli consensu, vel etiam interdum Summi Pontificis consilio, & è contra, cap. alienationes, & cap. monemus, 1 2. quæst. 2.

Quod Subiectum?

Pontifex, Episcopus, Capitulum, quilibet Prælat, & Collegium.

Quod Obiectum?

Quævis res Ecclesiastica, mobilis, siue immobilis, cuius alienationem utilitas, vel necessitas, vel quæcunque alia iusta causa suadet, cap. aurum, cap. terrulas, cap. Apostolicos, 1 2. q. 2.

Quæ Forma?

Hodiè de iure Canonico alienatio rei Ecclesiæ requirit aliam solennitatem, quàm quæ inducta est iure ciuili, per authent. hoc ius porrectum, de sacros. Eccle. Cum requiratur forma tradita in cap. sine exceptione, 1 2. quæst. 2. & in c. cum gloss. de reb. Ecclesiast. non alienan. in 6. teste Bart. in d. authent. hoc ius porrectum. Scilicet, vt consensu totius cleri, vel maioris, & sanioris partis, vel Episcopi autoritate, accedente summi Pontificis autoritate, & Capituli consensu, eorundemque subscriptione, rei Ecclesiasticæ alienatio, ob legitimam causam fiat, sitque ea Ecclesiæ utilis, & non damnosa. Ex his nota, ad alienationem rerum Ecclesiasticarum requisita. ✓ Requiritur consensus totius Capituli: & dicitur consensus totius Capituli, si maior & sanior clericorum sententia accesserit, cap. Ecclesiæ, extr. de elect. cap. alienationes, 1 2. quæst. 2. Eiusdem Capituli præhabitus tractatus, instrumento

desuper, per tabellionem confecto, & subscriptionibus confirmatus, cap. non liceat, 1 2. quæst. 2. & cap. 1. eod. tit. in 6. cap. sine exceptione, 1 2. quæst. 2. Dd. in l. iubemus. §. œconomus, C. de sacrosancta Eccl. 3. Quòd si alienatio rei Ecclesiasticæ fiat ab Episcopo, eius autoritas non sufficit: nisi accesserit Summi Pontificis licentia, & Capituli consensus, cap. 2. eod. tit. in 6. nisi res sint modicæ, & exigui pretij, vel necessitas alienationem suadeat, cap. terrulas, 1 2. quæst. 2. 4. Requiritur, vt res ad Ecclesiam pertineat: nam si alterius esset, alienatio non subsisteret. Nec interest, an sit res mobilis, vel immobilis, temporalis, pro sustentatione clericorum destinata; an sacra: quia etiam ob summam pietatem, & necessitatem, tempore videlicet famis, & pro redemptione captiuorum, vasa sacra alienari possunt: sacra enim Ecclesia aurum habet, testante Ambrosio in libro de Offic. non vt seruet, sed vt erogat, & subueniat in necessitatibus, cap. aurum, & ca. Apostolicos, 1 2. quæst. 2. 5. Requiritur, vt legitima, vel probabilis alienationis causa subsit. Sunt autem varix alienandi causæ probabiles. 1. Causa necessitatis: vt si ære alieno ita sit grauata Ecclesia, vt illi distrahendo fructus, vel redditus non sufficiant, cap. hoc ius porrectum est, 10. quæst. 2. 2. Causa pietatis, vt pro captiuis redimendis, vel succurrendo indigentix & calamitatibus pauperum, tempore famis, cap. cum redemptor, 1 2. quæstio. 2. cap. gratia, & d. ca. aurum, 1 2. quæstio. 2. 3. Causa vtilitatis: vt si res distrahantur, quæ seruando seruari non possunt, vel si eæ magis oneri sint Ecclesiæ, quàm emolumento: vel si vineæ, agri, & huiusmodi generis possessiones, sint nimis procul sita, nec possit Ecclesia ea commodè colere, hac ratione alius vel ad tempus locari, vel in perpetuam emphyteusin concedi, vel si potiùs Ecclesiæ expediat, distrahi possunt, cap. sine exceptione, 1 2. q. 2. c. ad aures, extr. eod. cap. terrulas, 1 2. quæst. 2.

Quæ causa Impulsua?

Necessitas, pietas, vtilitas, maxima incommoditas, & æquitas.

Quis Effectus?

Si alienatio ex iusta causa fiat, est translatio dominij, vel constitutio iuris, ex quo possidenti rem Ecclesiasticam, actio, & exceptio ex multis, & variis causarum figuris proficiscentes conceduntur. Quòd si autem nulla alienandi probabilis causa subsit, vel forma superiùs tradita seruata non sit, vel Ecclesia enormiter læsa sit, effectus est, in Integrum restitutio,

tio, qua alienatio celebrata rescinditur, cap. 1. & cap. ad nostram, extra. eod. Qua tamen rescissione opus non est, si læsio in pretio enormissima fuerit; est enim eo casu ipso iure alienatio nulla, cap. cum dilecti, extra. de empr. & vend. Pœna absque consensu alienantis est, ut officio priuetur, deponatur, & omne damnum ob id Ecclesiæ illatum restituere compellatur, cap. monemus, 1 2. quæstio. 2. & cap. diaconi, ead. quæstio. eandemque pœnam patiatur clericus iniuste subscribens, cap. si quis, extr. eod. & cap. quod sicut, extra de electio. Pœna autem recipientis est, ut rem Ecclesiasticam restituat integram cum omnibus fructibus perceptis: nec possit ab Ecclesia pretium solum repetere, cum ipsi, siue sit bonæ fidei, siue malæ fidei possessor, aduersus alienantem concedatur regressus, c. hoc ius porrectum, 1 0. q. 2. c. ad aures, extr. eod. & c. Vulturanq, 1 2. q. 2.

Quæ Cognata?

Occupatio: sicuti enim occupatio res nullius subiicit alicuius dominio: ita etiam alienatio ex summa pietate, & necessitate facta res sacras (quæ nullius etiam esse dicuntur) alterius dominio addicit, Institut. de rerum diuis. Item res iudicata, transactio, secuta traditione, & præscriptio. Vix enim est, ut inquit Paulus, l. alienationis, ff. de verbor. signification. ut non videatur alienare, qui patitur vsucapi.

Quæ Pugnantis?

Enormis læsio Ecclesiæ, error, vel ignorantia Capituli, vel Episcopi, simulatio contractus, cui alienatio nititur, dolus contrahentium, defectus legitimæ causæ, sacrilegium, furtum, violenta inuasio, illicita vsurpatio, c. prædia, cap. de viro, cap. de rebus, cap. precariæ, cap. sicut, cap. non habenti, 1 2. q. 2.

AXIOMATA, ET SENTENTIÆ.

Alienatio rerum Ecclesiasticarum iure non subsistit, & alienatores, nisi rem restituant, excommunicantur, potestque quilibet clericus contradicendo ipsam rem alienatam cum fructibus repetere, cap. si quis, extra. eod.

Si Ecclesia enormiter fuerit læsa, exemplo minoris, ipsi in integrum restitutio conceditur, capit. ad nostram, extra. eodem.

Alienatio rei Ecclesiastica, sine legitimo Ecclesiasticarum personarum assensu, non tenet, licet approbetur per constitutionem laicorum, cap. cum laicis, extra. eod.

Cui potestas rei alicuius disponenda conceditur, rem ipsam distrahere, vel dilapidare non debet, cap. casellas, 10. quest. 1.

Alienatio, quae cedit in detrimentum Ecclesiae, nullius est momenti, cap. ea enim, 10. quest. 2.

Qui Christi pecunias, & Ecclesiae auferit, fraudat, & rapit, ut homicida in conspectu iudicis reputabitur, cap. qui Christi, 12. quest. 2.

Summum in rebus bonum est, iustitiam colere, ac sua cuique iura servare, & in subiectos non sinere, quod potestatis est, fieri: sed quod aequum est, cap. custodire, cap. si seculi, 12. quest. 2.

Vasa sacra pro redemptione captiuorum licite alienantur, c. & sacrorum, & c. sacrorum, 12. quest. 2.

Aurum habet Ecclesia, non ut seruet: sed ut eroget, & subueniat in necessitatibus, 12. q. 1. cap. aurum.

Ex causa necessitatis, vel utilitatis rerum Ecclesiasticarum alienatio conceditur, cap. sicut, & c. terrulas, 12. q. 2.

DE PRECARIIS.

TITVLVS XIII.

Continuatio.

EX modis alienandi videtur esse precarij concessio. Quia non tantum dominij alienationem; verum etiam contractus, quibus ipsa res alteri conceditur, vel ius in ea constituitur, comprehendit. Ideo non tantum permutans, vendens, & aliquo modo dominium transferens; sed & is, qui hypothecae, vel pignori dat, vel rem vtendam alteri permittit, quodammodo alienare dicitur, cap. nulli, extr. de reb. Eccles. & l. sancimus, C. de reb. alien. non alien.

Quid

Quid est Precarium?

Precarium, teste Vlpiano, est, quod precibus vtendum petenti conceditur, tamdiu, quoad is, qui concessit, patitur, l. 1. ff. eod. & cap. 3. extra. eod. m.

Quomodo differunt Precarium, Precaria, & Precaria?

Precaria, quam Iustinianus in Nouell. 7. & 120. vocat vsusfructus concessionem, est temporalis quædam præstatio, quæ ab Ecclesia conceditur homini vsque ad mortem. Et, cum sit personalis, non transit in hæredes, nec pro concedentium voluntate, vt precarium, reuocatur: Nisi irrationabiliter, & in detrimentum Ecclesiæ sit facta, cap. de precariis 10. quæst. 2. Quomodo autem hic precariæ contractus constituatur, vide cap. precariæ, 10. quæst. 2. Precariæ autem est contractus, qui vltra vitam accipientis protenditur, & in hæredes transit: ita tamen vt de quinquennio in quinquennium, secundum auctoritatem, & antiquam consuetudinem renouetur. De quo habetur in ca. 1. extr. eod. & cap. precariæ, 10. q. 2. & apud Hostiens. in §. Re magis, hoc tit. & cap. fin. extra. eod. Precarium autem vtendum conceditur, quamdiu patitur qui concessit. Et licet soluatur obitu eius, cui concessit, non tamen obitu concedentis, nisi concedere vltcrius noluerit, cap. precarium, extra. eod. quo à precariis differt, quæ quandôque de Ecclesiarum possessionibus fieri solent: Et non sunt pro voluntate concedentium reuocandæ, d. c. precarium, §. porro, extr. eod.

Quæ causa Efficiens?

Est ius gentium causa remota, sed propinqua est, voluntas concedentis, siquidem precarium iuxta voluntatem concedentis regulatur; tamdiu enim vtendum videtur concessum, quamdiu is, qui concessit, voluerit. Quod genus liberalitatis ex iure gentium descendisse testatur Vlp. in l. 1. ff. eod. Est enim natura æquum tamdiu de liberalitate mea vt, quamdiu ego velim: & vt possim reuocare, cum mutauero voluntatem, l. 2. ff. eodem.

Quæ causa procatalctica?

Petitio, vel preces petentium precarium. Habere enim precario videtur, qui possessionem vel corporis, vel iuris adeptus est: ex hac solummodo causa, quod preces adhibuit, & impetrauit, vt sibi possidere, vel vti liceat, l. ait prætor, §. habere. ff. eod.

Quæ Materia?

Res mobiles, immobiles, corporales, & incorporales. Quia precario habere etiam ea, quæ in iure consistunt, possumus: vt

sunt seruitutes, & alia, l. & habet, l. veluti, & l. in rebus, ff. cod. Sed in re propria precarium non consistit, l. 4. ff. cod. quantum ad proprietatem, sed quantum ad usum possessionis, seu detentionis bene consistit: ut si rem meam habeas obligatam, l. certe, §. fin. & l. si debitor, ff. eodem.

Quæ Forma?

Ut concedens, retento directo dominio, nulla certi temporis præfinitione, per epistolam, nuntium, vel coram permittat petenti, rei alicuius mobilis, vel immobilis, corporalis, vel incorporalis possessionem, & usum: non quidem certum, sed incertum; precarium enim vel inter præsentem, vel inter absentem, veluti per epistolam, vel nuntium constitui potest, absque certo tempore; sed quamdiu is, qui concedit, voluerit. Si tamen de certo tempore inter contrahentes conventum fuerit, illud tempus attenditur; cum ex conventionem partium contractus legem accipiant: modo intelligamus, si finito tempore, dominus patiatur accipientem possidere, quod rursus videatur precario concedere, l. in rebus §. item qui, ff. cod. Secus in contractu precario, quo conventionis genere res immobilis sub annua pensione in perpetuum, vel ad certum tempus conceditur, cum pacto renouationis, de quinquennio in quinquennium, aut aliud tempus secundum morem conventionis, cap. 1. & cap. fin. extr. cod. cap. precariæ, 1. & 2. 1. 2. quæst. 2. & Parnom. in d. cap. 1. extra. cod. Nec precarij constitutione proprietates, sed tantum usus ipsius rei, & possessio, vel quasi, transfertur, l. precario concessio, l. ait præter, §. habere, in verb. qui possessionem, ff. eodem.

Quis Finis?

Ut, communicato rerum usu, communibus vitæ necessitatibus, in hac civili societate subueniatur.

Quis Effectus?

Effectus est, ut ait Vlp. in l. 2. ff. eo. interdictum de precario, quod restitutorium est, & naturalem habet in se æquitatem & conditio incerti, hoc est præscriptis verbis actio, quæ ex bono, & æquo in perpetuum datur ei, qui precario concessit, siue domino, siue non domino, eiusque hæredibus, aduersus eum, qui precarium habet, id est, detinet, eiusque hæredes. Quia actio est rei persecutoria in id, ut res restituatur; aut si res restitui nequit, fiat condemnatio in tantum, quanti Actoris interest, rem restitui cum omni causa, post litem contestatam, l. quæ sit, m. ff. cod. & l. 2. C. cod.

Quæ

Quæ Affinitas?

Mutuum, donatio, commodatum, depositum, emphyteusis. Conuenit enim precarium cum mutuo, donatione, & commodato. Quia genus liberalitatis est, d.l. i. ff. eod. Distat autem à donatione, & mutuo. Quia hæc dominium transferunt: at illud, non dominium; sed vsum, vel possessionem transfert. Et quod precario datum est, repeti potest, licet donatio traditione perfecta reuocari nequeat, l. repetendi, C. de donat. ob causam. Et quamuis in his cum commodato conueniat, differt tamen ab eo: quia commodatum ciuilitè obligat, & ad certum vsum, certumque tempus, vel expressum, vel tacitum, datur: precarium autem neque ad certum vsum, neque ob certum tempus præstatur. Discrepat & alio modo: quia in commodato, dolus, culpa, & custodia veniunt; in precario autem dolus, & lata culpa tantum: in quo precarium cum deposito conuenit, cum depositarius de dolo, & lata culpa tantum teneatur; imputet enim sibi deponens, quod res suas penes parum diligentem deposuerit, Dd. in l. quod Nerua, ff. de positi, cap. i. extr. de commodato, & ca. bona fides, extr. de deposito. Cum precariis etiam commune quid habet emphyteusis, quoad vtilis dominij translationem: Nec ab emphyteusi contractus hic aliter differre videtur, quam quod in precariis semper pactum de renouando de certo tempore in tempus fit. Et hoc ideò, ne temporis diuturnitate contractus memoria pereat, cap. longinquitate, 1. 2. quæst. 1. & Panormit. in d. cap. i. extra. eodem.

Quæ Adiacentia?

Benevolentia concedentis, petitio accipientis, & legitima concessionis ratio, cap. de precariis, extra. eod.

Quæ Pugnancia?

Mutata voluntas domini, nolentis rem vltèriùs precario concessam esse, mors eius, cui concessum est, non autem concedentis. Alienatio facta per accipientem, absque domini consensu, cap. fin. extr. eod. l. cum precario, ff. eodem.

DE COMMODATO.

TITVLVS XV.

Continuatio.

Discrepat commodatum à precario: quod hoc ad incertum vsum, & tempus regulariter conceditur illud autem

ad vsum, & tempus cẽrtum. Quæ si secundum conuentionis legem a commodatario non fuerint obseruata, furti delictum committitur. l. cum precario, ff. eod. & §. furtum autem, Instit. de oblig. quæ ex delicto nascuntur.

Quid est Commodatum?

Commodatum est contractus, qui re contrahitur, & dicitur alicuius rei ad certum vsum gratuita facta concessio, vt eadem species, & non alia eiusdem generis nobis reddatur, l. rei commodatæ, ff. eodem.

Vnde dicitur Commodatum?

Commodatum dicitur, quasi cõmodo vtentis datum: vnde si interpestiuẽ reuocetur, tenetur reuocãs contraria cõmodati.

Quæ est causa efficiẽs?

Contrahentium consensus, & interuentus rei: vnde, qui legitimum consensum accomodare non possunt, nequaquam commodati tenentur, nisi quatenus facti sunt locupletiores, l. 1. 2. & 3. ff. eod. Ecclesiasticæ etiam personæ, quibus administratio committitur, idẽ commodare possunt: quia tenentur, pro vt possunt, necessitatibus hominum subuenire, Hostiens. in tit. de postulat. §. quid pertinet, vers. idem honor. Item fur, & prædo, lita & fur, ff. eod. Rei interuentus etiam dicitur causa efficiens: Quia hic commodati contractus rei interuentu perficitur, §. item is, cui, Instit. quibus modis re contrahitur oblig.

Quæ Materia?

Res mobiles, immobiles, se mouentes, & res, quæ in iure consistunt, vt seruitutes. Excipiuntur res, quæ in genere functionem recipiunt, & ipso vsum consumuntur, in quibus non commodatur, quod tantum vsum rei commodatæ, salua eius substantia, præbet, sed mutuum consistit, nisi fiat ad pompam, & ostentationem: vt si quis commodato accipiat pecuniam, non vt consumat, sed vt appareat diues, l. 3. §. fin. ff. eod.

Quæ Forma?

Vt res consistens in specie, vel iure, præscripto certo fine, & modo vsum, ad certum tempus gratuitõ vtendã tradatur: ita vt dominium, & possessio apud commodantem remaneat, d. l. 3. ff. eod. l. rei, ff. eodem.

Quis Finis?

Finis est, ipse vsum, cuius gratia res commodata est, ca. unico, extra. eod. Dein, vt eo commodatarius adiuuetur, cum non decipi

decipi nos beneficio, sed adiuuari oporteat, vt ait Gregorius IX. in d. c. vni. extr. eod.

Qui Effectus?

Actio commodati, quæ duplex est, directa & contraria. Directa datur commodanti, & eius hæredibus contra commodatarium, & eius hæredes, qua petit restitutionem, non tantum rei commodatæ, verum etiam omnium accessoriorum, & quicquid ex re fructus, vtilitatisque quoque tempore obuenit, l. si vt certo, §. vsque adeo, ff. eod. Quæ si non restituuntur, iuratur contra contumacem in litem, vt in cæteris bonæ fidei iudiciis, l. 3. ff. eod. Contraria autem datur commodatario, eiusque hæredibus contra commodantem, & eius hæredes, ex triplici capite. Primò, si eum impediat vti re commodata, vel ante vsum expletum, vel tempus præfinitum eam auferat, l. in commodato, & l. rem mihi, ff. eod. Secundò, si ob vitium rei, quod commodator celauit, damnum passus fuerit: vt si vasa vitiosa, in quibus vinum infusum corrumpereetur, commodauerit, l. in rebus, §. possunt, ff. eod. Tertiò, si sumptus in re commodata fecerit, vltra quàm ipsum sufferre, dictante naturali ratione, oporteat, d. l. in rebus, §. possunt, ff. eod.

Quæ Affinia?

Mutuum, & precarium. Quomodo precarium à commodato differat, superiori titulo dictum est. Nunc quomodo à mutuo distet, videamus. 1. Distant quòd mutuum tantum in rebus fungibilibus, commodatum autem in iis, quæ vso non consumuntur, consistat. 2. Quòd in mutuo transferatur dominium, l. 2. ff. si cert. pet. Rei verò commodatæ dominium, & possessionem retineamus, l. rei commodatæ, & l. seq. ff. eodem. 3. Rem mutuo damus, vt non eandem: sed aliam eiusdem generis consequamur: Commodato, vt eandem. 4. Mutuatario res perit: quia dominus est, Dd. in l. non omnis, ff. si cert. Nec casu fortuito liberatur, l. incendium, C. si cert. petatur. Commodatarius autem vim maiorem non præstat, nec interitum, vel damnum rei casu fortuito contingens, l. ad eos, l. argentum, ff. eod. Quinmodò non ipsius culpa interuenerit, vel per pactum in se non receperit, vel in mora non fuerit, vt ait Gregorius IX. in c. vnico, extr. eod.

Quæ Adiacentia?

Culpa latissima, lata, leuis, & leuissima. Nam commodatarius etiam de leuissima culpa tenetur, cum sui tantum gratia commodatum acceperit, c. vnico, extr. eod.

Que Pignantia?

Reuocatio rei commodatæ, per dominum ante vsum expletum facta, merces, commodata; tum enim debet esse gratuitum; aliàs si merces interuenit, transit in contractum locationis: abusus, & certi modi rei vtendæ præscripti transgressio. Qui enim præfinitum in re commodata vsum transgreditur, furtum committit.

DE DEPOSITO.

TITVLVS XVI.

Continuatio.

Sicut res, retenta eius proprietate, & possessione, ad vsum commodatur: ita etiam ad custodiam, vt defensione boni amici salua permaneant, deponitur.

Quid est Depositum?

Depositum est, quod custodiendum alicui datum est.

Vnde dicitur?

Depositum dictum ex eo, quod ponitur, quasi seorsim positum; præpositio enim, *De*, auget, vt ostendat totum fidei eius commissum, quod ad custodiam rei pertinet, l. i. ff. de positi.

Quotuplex Depositum.

Triplex: Primum, sequestratio: qua res litigiosa deponitur apud sequester, vt eam retineat, donec ex causæ cognitione constet, cui debeatur, l. licet, ff. de positi. de qua supra, de sequest. Secundum depositum est, quod fit in loco publico, ad impediendas vsuras, creditore recusante accipere pecuniam sibi à suo debitore oblatam, l. acceptam, C. de vsu. Tertium depositum simplex est, quod custodiæ tantum causa apud amicum fit: ita, vt dominium, & possessio penes deponentem maneat, & possit rem depositam quandocunque voluerit reuocare, c. bona fides, extr. eod.

Qua causa Efficiens?

Causa efficiens depositi remota, est ius gentium: propinqua autem consensus contrahentium, & rei interuentus, l. i. ff. de act. & oblig.

Qua Materia?

Res mobiles, & se mouentes, & res etiam fungibiles: licet enim

enim in deposito hoc potissimum agatur, ut eadem species restituatur, in tantum, ut si depositarius rem depositam in usum suum conuertat, absque domini permissione, furti teneatur, §. furtum, Institur. de obligat. quæ ex deli. nascuntur, tamen si contrahentes aliter conueniant, lex contractus seruabitur, ut ait Papinianus in l. Lucius Titius, & l. i. §. si conuenit, ff. eod.

Quæ Forma?

Ut depositario res mobilis, vel se mouens tradatur, hac conditione, ut remanente penes deponentem proprietate, & possessione, eam gratis custodiat, & domino, quocunque tempore reposcenti, restituat, l. i. & l. Lucius Titius, ff. eod.

Quis Finis?

Finis est, ut res ipsa seruetur apud alium, quam nos custodire commodè non possumus.

Quis Effectus?

Actio depositi, quæ est ciuilis, bonæ fidei, & personalis: & duplex, directa & contraria. Directa est, qua deponens agit aduersus eum, vel eius hæredes, apud quem res deposita est, ut eandem rem non deterioratam, cum omnibus accessionibus restituat, l. i. §. quæ depositio, ff. eod. Contraria autem est, qua depositarius aduersus eum, vel eius hæredes, qui rem deposuit, ut quicquid in re deposita tuenda, vel asseruanda bona fide impenderit, refundat, l. §. & l. actione, ff. eod. in qua etiam venit interesse, & iuratur in ea in litem. Non tamen est famosa: Quia contrariæ actiones non infamant, §. ex quibusdam, Insti. de pœna temerè litigan. Est depositum priuilegiatum, quod contra ipsum compensatio regulariter non admittitur, l. compensationes, C. de compensat. & c. bona fides, extr. eod.

Quæ Affinitas?

Commodatum: ut enim commodatum, ita etiam depositum, est gratuitum, & in utroque eadem species restitui debet. Et mandatum, quod etiam gratuitum est: Et precarium, in quo tantum lata culpa, & dolus venit, ut in deposito: vide supra de precario.

Quæ Aliacentia?

Dolus, & culpa, quæ dolo æquiparatur. Non autem leuis, vel leuissima culpa, vel fortuitus casus. Excipiuntur tamen quidam casus, quibus depositarius etiam de culpa tenetur.
1. Si se deposito obrulit. 2. Si aliquid pro custodia recepti, pacto

pacto verò, culpa, vel mora præcedentibus, etiam casus fortuitus imputatur, vt notatur in c. bona fides, extr. eod.

Quæ Pugnania?

Merces: quia depositum debet esse gratuitum: vsus rei depositæ, inuito domino: quo casus furtum committit depositarius, vt supra: compensatio, vt ait Greg. o IX. in c. bona fides, extr. eod. Depositori licet pro voluntate sua depositum reuocare, contra quod compensationi, vel deductioni locus non est, vt contractus, qui ex bona fide oritur, ad perfidiam minimè referatur, licet compensatio admittatur in aliis, si causa, ex qua postulatur, sit liquida, ita quod facilem exitum credatur habere, d. c. bona fides, extr. eod.

DE CONTRAHENDA Emptione, & Venditione.

TITVLVS XVII.

Continuatio.

Contractuum alij sunt gratuiti, alij quæstuarij, iuxta Arist. lib. 1. politicorum, c. 6. Gratuiti sunt, precarium, commodatum, depositum. Quæstuarij autem emptio, locatio, permutatio, & alij, mandatum scilicet, & societas, &c. Inter quos vsuatio, & vtior est emptio: vsuatio quidem, quia non solebat olim alienatio fieri, nisi emptionibus interpositis, vt indicat Alc. lib. 3. parerg. ca. 22. Vnde & emptionis nomine solet contineri quælibet alienatio, l. statuliberi, ff. de statulibe. Vtior autem, quia mercatus præcipue sustinetur emptionibus, & venditionibus.

Quid est Emptio?

Emptio est, contractus nominatus, quo per consensum obligatur emptor ad dandum pretium, venditor autem ad tradendam rem venditam, & cautionem euictionis præstandam, l. iuris gentium, ff. de pactis, & l. Iulianus, ff. de actio. empti, & vend.

Quæ causa Efficiens?

Causa efficiens remota est, ius gentium: propinqua autem est contrahentium consensus. Vnde error in corpore, vel materia rei venditæ, vitiat contractum, l. in venditionibus, l. alioquin,

quin, ff. eod. Nihil enim tam contrarium consensui est, quàm error, l. nihil tam, ff. de reg. iur.

Quæ Materia?

Pretium, & merx : cuius appellatione continentur omnes res corporales, & incorporales: quæ humano commercio subiaci possunt: vnde res sacræ, sanctæ, religioſæ vendi prohibentur: quia nullius in bonis sunt, l. & liberi hominis, ff. eod. & c. sacræ, §. quæ res, extr. de reb. Eccl. non alienand. Ob id emptio talium rerum non valet, vt in emptorem tranſeat dominium; valet tamen vt actione ex empto venditor teneatur ad id, quod interest, l. qui officij, ff. eod. Pariter ſc res habet cum libero homine, cum aduerſum hominis liberi fortunam quærere, nec ciuile, nec naturale ſit, d. l. liberi, & l. inter ſtipulantem, ff. de verb. obl. Potest autem pater neceſſitate famis vendere filium pro certo pretio, quo reſtituto, vel à filio reddito, vel ab alio quocunque præſtito, filius ingenuitatem recuperat, l. 2. C. de Patri. qui fil. ſuos diſtrax. Mater autem, quæ filium in poteſtate non habet, vendere non poteſt, Hoſt. in §. & de quibus, eo. tit. Nec veneni mali, quod non poteſt eſſe vſui, aliqua permixtione, nulla eſt emptio, ſecus ſi mixtum conferat, l. quod ſapè, §. veneni mali, ff. eod. Nec propriæ rei: cum quod ſemel meum eſt, ampliùs meum fieri non poſſit: quod ſi tamen ignoranter emptio fiat, indebiti competit conditio, quia nulla obligatio fuit. Idem eſt in re communi pro mea parte, ſed ſi vſufructuarius rem emat, in qua vſumfructum habet, ratione vſuſfructus, vel poſſeſſionis, diminuitur vſuſfructus, l. ſuæ rei, ff. eod. Nec res litigofæ; & lites vendi poſſunt: niſi ſecundum præſcriptam formam, in l. per diuerſas, cum ll. ſequentib. C. mandati. Et licet venditio ſine re fieri non poſſit, l. nec emptio, ff. eod. Vnde, nec res extincta, domus exuſta, vel animal demortuum, venditur, l. domum, ff. eo. Tamen res ita intelligitur, ſiue exiſtat, ſiue non exiſtat, probabiliter tamen futura ſperetur. Nam fructus futuri, qui in rerum natura nondum exiſtunt, vt captura piſcationis, & ſimilia rectè venduntur, l. nec emptio, eod. l. ſi actioni, ff. de act. empt. & ¶ nam hoc modo, ff. de hæred. & act. vend. Inter hæc tamen interest. Emptio ni enim piſcium, vel miſſilium non ineſt conditio, vt in fructibus futuris, ſi naſcantur: ſed eſt pura emptio, videlicet ſpei, quæ quidem ſpes fungitur loco mercis, d. l. ſi iam dictum: adeo vt, etſi nihil capiat, emptor teneatur ad pretium: ſed in futuris fructibus ſecus eſt. Quare ſi omnino fructus non naſcantur, &

empti

empti sunt, qui in hoc fundo nascuntur, condicatur pretium. Quid autem, si fructus dimidiæ parti pretij non respondeant? Et non succurritur ex beneficio l. 1. C. de rescin. vend. Quia hæc inæqualitas sustinetur propter dubium euentum fructuū, cum potuerint etiam tam vberes esse, ut pretij quantitatem longè excederent, l. si ea lege, C. de vsuris. Siue res illa sit vendentis propria, siue aliena, quia venditor nō ad transfere-
rendum dominium, sed tradendam rem, tenetur, cum ipsum euictionis nomine obligari sufficiat, l. rem alienam, ff. eod.

Que Forma?

Vt contrahentes, inter præsentēs, vel absentes per nuntium, vel epistolam, in scriptis vel sine scriptura, sine arrhis, vel arrhis interuenientibus, de certo pretio in pecunia numerata, & tradenda re vendita conueniant. Tria autem sunt, ex quibus emptionis substantia consistit: scilicet, pretium certum in pecunia numerata, res, quæ venear, & consensus in idem corpus, vel rem eandem, & in eandem rei materiam, substantiamve, l. 1. & dict. l. in venditionibus, ff. eod. Verum ad substantiam, vel perfectionem emptionis non requiritur scriptura: si tamen expressim actum est inter emptorem, & venditorem, ut non valeat contractus emptionis, sine scriptura, ante absolutionem scripturæ, non dicitur contractus perfectus, adeo ut & pœnitentiæ sit locus, nisi ad probationem emptionis post contractum scriptura accedat: nec datio arrharum requiritur: si tamen interueniant, distinguitur. Aut dantur initio contractus, ante tamen eius perfectionem: aut post contractum consummatum, & perfectum. Priore casu, arrha est quasi pœna, quia coercendi vim habet. Nam qui arrham dedit, si à contractu inchoato discesserit, amittit arrham, & versa vice duplicatas arrhas reddit, qui arrhas accepit, & recessit, l. contractus, C. de fid. instrum. Posteriore casu, arrha est quasi pignus, & symbolum seu argumentum contractus iampridem consummati, l. quod sæpè, vers. sed ut euidentius, ff. eod. Vnde quemadmodum, soluto debito, creditor restituit debitori pignus, l. si rem, ff. de pignor. act. ita venditione impleta, venditor restituit emptori arrham. Circa hoc tamen ita distingue: Aut arrhæ nomine data est species, aut pecunia: si species post contractum impletum, emptor repetit speciem, actione ex empto, vel conditione sine causa, l. ex empto, §. illud, ff. de act. emp. Si verò pecunia arrhæ nomine data est, nihil re-
peti

petitur: sed arrha imputatur in pecunia, vt notat. Accurs. in l. 2. C. quando licet ab empt. discedere, & est text. in l. fin. versic. reliquæ pecuniæ, ff. de lege commissio. Potest etiam emptio tam pure, quam sub conditione celebrari, ante cuius existentiam ipsa effectum non sortitur, §. emptio, Instit. eod. Quod sit, vt si res vendita, intra id tempus intereat, perimatur emptio, quemadmodum & stipulationes, legataque conditionalia, non existente conditione, perimuntur, l. necessario, §. quod si pendente, ff. de per. & com.

Quis Finis?

Necessitas, & utilitas humana, quibus hoc rerum commutandarum genere succurritur. Est enim hic contractus, sicuti alij omnes, ex indigentia natus, cum, vti ait Paulus in l. 1. ff. eod. frequens esset permutationis contractus, idè tamen non adeò necessitati, & commoditati humanæ conueniens: quia non semper, nec facillè contingebat, vt tu haberes, quod ego desiderarem: & vicissim ego haberem, quod tu accipere velles: inde electa materia est, cuius publica, atque perpetua æstimatio difficultatibus permutationum æqualitate quantitatis subueniret, vnde emptionis introductæ origo, & causa colligitur, d. l. 1. ff. eod.

Quis Effectus?

Effectus huius contractus sunt, parere obligationem: ex qua duæ dantur actiones: putà, actio ex empto, & actio ex vendito. Actio ex empto, datur emptori, vt tradat rem venditam corporalem cum fructibus, & accessoriis, vel, vt quasi tradat rem incorporalem emptam: hoc est, vt cedatur iuri, & præstetur patientia ad vsum liberum. Dico (*vt tradat rem*) quia non, vt emptor pretij dominium præcisè in venditorem transferre: ita venditor rem venditam ementis facere tenetur, l. si ita, ff. eod. Et hoc ob duas rationes. 1. Ne propter incertitudinem, & difficultatem probationis dominiorum, impediatur hic contractus, qui vñsibus quotidianis maximè est necessarius. 2. Quia per euictionis præstationem indemnitas seruetur emptor, perinde ac si dominiū nactus esset, l. in vendendo, ff. eo. l. ex empto, ff. de act. empt. Hinc tres alias actiones, actio ex empto complectitur: Primò, actionem de euictione: qua agit emptor post rei venditæ euictionem aduersus venditorem, ad ipsum pretium, & interesse, l. euicta, & l. si in venditione, ff. de euictionibus, si rei venditæ non fuerit dominus, tot. titul. ff. de euict. Tres tamen sunt casus, quibus iuxta

iuxta legitimas sanctiones emptor, euiſta re, contra venditor-
rem non expetit hac actione. 1. Si emptor poſt inſtitutum
contra ſe iudicium venditori, vt rem venditam ſibi defende-
ret, denuntiare omiſerit. 2. Si contumaciter abſuit tempore
ſententiæ promulgatæ. 3. Si ſententia lata fuit per iniuriam
iudicis, c. ſi venditori. extr. cod. Secundò continet actionem
redhibitoriam: qua agit intra ſex meſes ad reſcindendum
contractum, ſi vendita fuerit res habens vitium latens, l. 2. C.
de ædilitiis act. Tertiò actionem præſcriptis verbis, quæ com-
petit, ſi emptor pacta adiecta emptioni non ſeruauerit, nec
placitis paruerit: tunc enim habet emptor aduerſus vendito-
rem actionem præſcriptis verbis, ad impletionem pactorum,
l. 2. C. de pactis inter empt. & vendit. Quartò: Ex hac obliga-
tione naſcitur actio ex vendito, & hæc competit venditori, ad
ea conſequenda, quæ ipſi ab emptore præſtari oportet: in qua
veniunt non modò pretium, quanti res vendita eſt: ſed & uſu-
ræ poſt moram, & diem traditionis. Sicuti enim, vt dicitur in
l. fructus, C. de actio. empt. fructus poſt perfectum iure contra-
ctum, emptoris ſpectare perſonam conuenit, ad quem & fun-
ctionum grauamen pertinet: ita & venditor quoque pretium
tantum, & ſi mora interceſſiſſe probetur, uſuras officio iudi-
cis exigere poteſt, dict. l. fructus, & l. Iulianus, ff. de actio-
nib. empti, & venditi.

Que Affinia?

Permutatio, de qua inferiùs dicetur, & notatur, l. 1. ff. cod.
Locatio, & conductio, quæ cùm naturalis ſit, & omnium gen-
tium, non verbis: ſed conſenſu contrahitur, ſicut emptio &
venditio, l. 1. ff. locati. Et cùm eidem emptioni, & venditioni
proxima ſit, iſdem regulis iuris conſiſtit, adeoque magnam
affinitatem habere videntur, vt difficile ſit illos contractus,
in quibuſdam facti ſpeciebus diſcerni, dict. l. 2. ff. locat.
& conduct.

Que Adiacentia?

Inſunt contractibus tria: ſcilicet, natura, ſubſtantia & admi-
nicula. Subſtantiam tria perficiunt, conſenſus, forma, & res. Ad
naturam pertinet, quicquid naturale, & proprium ineſt con-
tractui, Pap. vocat contractuum terminos, l. Lucius, ff. de po.
Diſfert ſubſtantia à natura, quòd contractus coit, & componi-
tur ex ſubſtantia: ſed natura oritur, & fluit ex facto iam con-
tractu: ſicut radij ex Sole, Alc. in l. cùm quid, ff. ſi cer. ſic natura
contractus in genere, eſt actionem, & obligationem patere:

At, em

At, emptionis natura est, ut alter ad pretium, alter ad rem tradendam obligetur. Adminicula sunt, quæ nec contractum perficiunt, nec contractui sunt propria, quæ iam non insunt, & possunt abesse, verum contractus naturæ præbent adminiculum. Et hæc sunt duplicia: quædam enim sequuntur contractum, ut euictio, quæ sequitur emptionem, etsi de eâ nihil conuenerit, l. ex empto, ff. de act. empt. Quædam extrinsecus contractui insunt, ut arrha, pignora, fideiussores. Adiacens igitur emptioni, siue ex natura contractus, vel extrinsecus veniens, periculum, & commodum, rei venditæ euictio, duplæ stipulatio, stipulatio rem habere licere: quæ ad quem pertineant, & qualiter præstentur, vide rit. de per. & commod. rei vend. l. habere, ff. de euict. l. stipulatio, de euict. & l. ex empto. ff. de actio. empt. præstatio usuratum, & interesse, de quibus tot. tit. ff. de usur. l. qui per collusionem, ff. de actio. empt. Et accedunt etiam emptionibus, lex commissaria, addictio in diem, aliæque pacta, quæ ipsam emptionem vel in substantia, vel in adminiculis variant, de quibus tit. de leg. commissio rit. de die in diem, addi. l. pacta conuenta, ff. eodem, & l. iuris gentium, ff. de pactis, l. lecta, ff. si cer. Arrha, pignora, fideiussores, de quibus omnibus, l. ex empto, ff. de act. empt.

Quæ Pignantia?

Dolus. Circa dolum distingue: Aut dat causam huic contractui: aut incidit in contractum: aut re ipsa in contractu emptionis interuenit. Si dat causam contractui, (quod fit, si vendens nullum animum vendendi habeat: persuadeatur autem ab emptore, vel dolo inducatur ad vendendum) tunc licet contractus ipso iure nullus communi opinione dicatur, verius ramen est, dolum per actionem de dolo putgari, ipsamque actionem ex eodem contractu proficiscentem ad rescissionem contractus, & consequendum omne emolumentum quanti inierfuit, deceptum non esse, competere, l. si quis affirmauerit, ff. de dolo, l. Iulianus, ff. de act. emp. quibusdam casibus à lege exceptis: quos notat Faber in §. actionum, Instit. de act.

Quòd si in contractum emptionis incidat dolus, pariter actione ex ipsius obligatione mapante non tantum ad rescissionem contractus, verum ad interesse, aliæque, quæ ex æquo, & bono debentur, agi potest, l. & elegantem, ff. de dolo.

Tertiò, si dolus re ipsa in emptionis contractu comprehendarur, quod fit, si venditor ultra dimidiū iusti pretij deceptus,

vel emptor ultra iustum pretium plus duplo deceptus est: quo casu venditor petere potest, ut restituatur res emptæ, vel suppleatur iustum pretium. Emptor autem, ut vel restituatur id, quod ultra iustum pretium dedit, vel ut totus contractus rescindatur, debet autem utrumque alternatim peti, sed in arbitrio Rei conuenienti est, alterutrum eligere, cap. cum dilecti, cap. cum causa, extr. eod. & l. 2. C. de rescind. vend. Aliæ autem circumscriptiões, vel circumuentiones, quæ dolum non comprehendunt, sunt licitæ. Nam in contractibus negotiatoriis potest alter alterum circumscribere, ut loquitur Caius in l. idem si pretio, §. quemadmodum, & l. in causâ, ff. de minor. Nisi id fiat improbo more, l. 1. §. venditor, ff. de action. empr. Circumscripto enim ita fieri debet, ut fiat sine dolo, l. & ideò, ff. locati, & ut læsio non sit enormis: quibus duobus è medio sublati circumuentio est sine reprehensione. Eoque sensu dicitur, ut alter alterum circumuenire possit, imò illud fieri interest Reipublicæ. Nam, ut ait Seneca, cum quilibet sui lucri causa contrahat, l. actionum, §. actionum, ff. de action. & oblig. sublata spe quæstus, necesse est perire mercatum, quo nihil habet Respublica utilius, & vberius, lib. 1. de benefic.

Secundo: Error. Quia nihil tam contrarium est consensui, quam error. Cum igitur emptio constituatur consensu, sequitur inde ipsum errorem vitare emptionem. Distinguitur tamen; Aut erratur in nomine, aut corpore, aut materia, aut causa, aut demonstratione. Error nominis non vitiat emptionem, cum nec legatum, nec stipulationem, nec hæredis institutionem vitiet, l. si in nomine, ff. de verbor. obligat. & cap. de testam. Ratio habetur in §. si in nomine. Institut. de leg. Nomina significandarum rerum gratia reperta sunt, quæ si alio quolibet modo intelligantur, nihil interest. 2. Error corporis, vel error materiæ vitiat emptionem, l. in venditionibus, ff. eod. Differt autem corpus à materia, ut effectus à causa. Nam ex materia fit res, seu corpus; licet ipsa materia in legibus dicatur quandoque substantia, quandoque etiam qualitas, d. l. in venditionibus, §. item quæritur: sic aureæ lancis materia est, ipsum aurum, & lanx est corpus ex auro. Si igitur lanx auro cooperto, pro aurea solida vendatur, nulla est venditio, l. cum eo, ff. eod. quia aliud pro alio venditur: secus si aurea sit, licet quid aris habeat admixtum, l. quid tamen, ff. eod. Non igitur sibi contrariantur hæc duo responsa: cum priore, Species, ob facilitatem deductionis per se extare videatur, nec alia pro alia in detrimentum emptoris ignorantis vendi potuerit: posteriori

steriore autem ob difficultatem separationis auri ab ære, vna species, quæ extrinsecus apparet, licet deterior, ob admixtam qualitatem viliores non apparentem, quam empor putari, vendita sit, qui error emptionem non vitiat, l. aliter, ff. eodem. Error in causa, est nihil aliud, quam error in genere contractus, vel error in traditione; quia causa obligationis est contractus, causa autem dominij est traditio, l. actionum, ff. de actionibus, §. ex traditione, Inst. de rerum diui. Error igitur in genere contractus vitiat contractum. Verum si per traditionem, pari ratione ex vtriusque contractu dominium transferatur, accipiens post consumptionem, licet conditione teneatur, tamen cum secundum voluntatem dantis consumpserit, doli exceptione tutus est, l. si ego pecuniam, ff. de rebus cred. Et distingue ulterius, vt Dd. ibidem. Error etiam in traditione, dominij translationem impedit. Nam si meos nummos, quasi tuos, dem, non facio tuos, vt inquit Caius in l. 3. §. subtilius, ff. de con. ca. da. cau. non secuta: quia nemo errans amittit rem suam, l. si procurator, ff. de acq. rerum dominio. Denique error demonstrationis aut contingit in contractu; aut in ipsius contractus executione: qui quando viciet contractum, & quando non impediat, vel oblit; vide Accurs. in l. in venditionibus, in verb. *absentem*, ff. cod. & l. in huiusmodi, & l. sed si communis, §. si seruus, ff. eodem.

Tertio, pugnat simulatio ipsius contractus: quod enim non verè agitur, sed simulatur, nullius est momenti, l. cum in venditionis, & l. nuda, ff. cod. Vnde, si vniuersa venditio, donationis causa, facta est, in totum ipsa non valet, secus si viliori pretio res donationis causa distrahitur, l. si quis donationis, ff. eo.

Quarto, venditioni contraria sunt, omnia pacta, quibus à venditione disceditur; vel quæ venditionis naturæ, & fini aduersantur: vt si paciscatur, ne pretij conuenti, vel rei venditæ dominium in venditorem, & emptorem transferatur, l. cum manu lata, ff. cod. l. 1. ff. de rei permutat. Et similia.

DE LOCATO, ET CON.

D V C T O.

TITVLVS XVIII.

Continuatio.

Locatio, & conductio, proxima est emptioni & venditioni, vt ait Iuriscōsultus Caius in l. 2. ff. cod. iisdemque iuris

regulis consistit. Nam, vt emptio, & venditio contrahitur, si de pretio conuenerit, sic & locatio, & conductio contrahi intelligitur, si de mercede conuenerit, d. l. 2. ff. eod.

Quid est Locatio?

Locatio est, personæ, vel rei, pro mercede in pecunia conuenta ad vsum facta concessio. Verbum, *vsum*, excludit abusum: in quo mutuum consistit. Alia ad differentiam aliorum contractuum ponuntur. Nam si species cum specie commutaretur, esset contractus, Do vt des; vel si non pro mercede, sed pro pretio, esset emptio: vel pro nulla mercede & gratuito, quo casu commodatum contraheretur, l. 1. ff. de precario, l. 1. ff. de rerum permutatione, l. si conuenerit, ff. communi diuidendo.

Locatio quatuorplex?

Duplex, temporalis & perpetua. Temporalis est, quæ fit ad certum tempus, & illa retinet nomen locationis. Perpetua est, quæ absque certi temporis præfinitione fieri contingit, & nomine speciali dicitur emphyteusis. Temporalis duobus modis fit, expressè & tacitè. Expressè fit, quando verbis expressis contrahentes conueniunt de re aliqua, constituta certa mercede, locanda. Tacitè verò, quando conductor, finito tempore locationis, retinet rem locatam sine aliqua alia, & noua conuentione: vtriusque tamen eadem natura est. Nam in tacita censetur repetitum id, de quo in expressa locatione conuentum erat, l. legem, C. eod. l. item queritur, §. qui impleta, ff. eodem.

Qua causa Efficiens?

Causa remota est, ius gentium: propinqua autem est contrahentium consensus, vt ait Paulus lib. 3. 4. ad edictum; locatio & conductio cum naturalis sit, & omnium gentium, non verbis, sed consensu contrahitur, sicut emptio & venditio, l. locatio, ff. eodem.

Qua Materia?

Merces, res mobilis, & immobilis, corporalis & incorporealis: vt sunt seruitutes personales, non autem prædiales. Quia ipsæ locari non possunt, nisi cum fundo, in quo consistunt, locentur, l. locare, ff. eod. Possunt etiam res Ecclesiæ; vt sunt proventus decimarum, cum quibus conditio sit melior, per personas Ecclesiasticas legitimo modo, statuto diocesani non obstante, locari, cap. vestra, extra. cod. cap. 1. eod. Et si
cuti

cuti rei alienæ locatio constitui potest, cum dominium loca-
tione non transferatur: ita rei propriæ locatio prohibetur;
cum absurdum sit aliquem constituta mercede re sua uti, l.
qui rem propriam, C.eod.

Qua Forma?

Vt contrahentes de re, pro certa mercede, ad tempus, vel in
perpetuum locanda, conveniant, l. 1. & l. 2. ff. si ager vestig.
Sicuti enim venditionis substantia ex tribus, re scilicet, pre-
tio, & consensu, consistit; ita & in locatione, res, merces, &
consensus desiderantur: eisdem enim iuris regulis uterque
contractus consistit, l. 1. ff. eod. An autem merces in pecunia
numerata consistere debeat quæritur: Quæ quæstio, licet di-
versis sententiis agitata, ita tamen magis communi Docto-
rum assensu explicata est, ut consistat quidem in pecunia non
numerata tantum, sed aliis etiam rebus fungibilibus, quæ ap-
pellatione pecuniæ veniunt, l. fin. C. de constit. pec. pura, vino,
oleo, frumento, &c. Inde etiam partiarius colonus dicitur, qui
vice mercedis, de parte tertia, vel dimia fructuum de re loca-
ta præstandorum paciscitur, l. merces, §. vis maior, ff. eodem.
Quod tamen conventionis genus contractui innominato
proximum est, Dd. in l. si paciscenda, C. de pactis.

Quis Finis?

Vt communicato rerum usu, necessitatibus, & commodi-
tatibus magis obuiam eatur.

Qui Effectus?

Obligatio, quæ producit duas actiones: actionem scilicet
ex locato, & actionem ex conducto. Actio ex locato, compe-
tit locatori, eiusque hæredi, contra conductorem, eiusque
hæredes, 1. Vt restituat rem locatam, finito locationis tempo-
re: ante enim illud tempus expellere non potest, nisi quibus-
dam casibus in cap. propter, §. verum, extr. eod. & l. ædes, C. de
locat. exceptis: 1. Si inquilinus pensionem non soluat. 2. Si
ædes restauratione indigeant, & velit locator eas reficere. 3.
Si locator propriis vsibus necessarias sibi probauerit. 4. Si in re
locata inquilinus malè versetur, deteriorem ipsam efficiat, vel
ad inhonestum usum: veluti ad exercendum ibi scenus, & ad
introducendas meretrices transferat, d. l. ædes, vbi gloss. &
Bald. cap. eod. 2. Agitur ex locato, ut vsuras pensionis non so-
lutæ & interesse præstet, l. præses, C. eod. l. sed addes, §. illud no-
bis, ff. eod. 3. Vt rem non deterioratam, sed absque vitio præ-
stet: Et omnia ea, de quibus in conventionis lege expresse

conuenit, l. qui infulam, §. fin. & l. in lege, ff. eodem. Actio ex conducto datur conductori, ex his causis. 1. Vt, uti re conducta per tempus in conuentione præfinitum ipsi liceat, l. ex conducto, ff. eod. 2. Si quid in rem conductam impenderit, vel indebitam pensionem, vel locatori pensionem ante tempus soluerit, l. dominus, & l. sed addes, ff. eod. 3. Vt locator omne impedimentum auferat, interesse damni ex re vitiosa conducta accepti, dolum, omnemque culpam præstet, d. l. sed addes, & l. si merces, §. conductor, ff. eod. Competit etiam actio ex conducto, ad remissionem mercedis, propter damnum immodicum fructuum pendentium sine culpa conductoris, sed fato quodam contingens. Dicitur autem damnum immodicum, quando fructus infra dimidium iusti pretij diminuuntur, l. 2. C. de rescin. vend. Illud, inquam, non nocet conductori, ne scilicet vnus anni iacturam nimium præcipitet, ac fortunis omnibus priuet agricolas, argum. l. fin. ff. de off. præsid. si tamen damnum cum vbertate præcedentis temporis compensari possit, propter sterilitatem, quasi cessante ratione legis, pensio non remittitur, d. cap. propter sterilitatem, §. verum extra. eod. vel si remissa sit, tamen, ob contingentem sequentibus annis vbertatem, nihil obest domino remissio: cum integram pensionem etiam eius anni, quo remisit, exigere possit, l. ex conducto, §. Papinianus, ff. eodem.

Quæ Affinia?

Emptio, venditio, & emphyteusis. Adeò enim, vt inquit Caius, locatio & emptio familiaritatem aliquam habere videntur: vt in quibusdam quæri soleat: vtrum emptio, & venditio sit, an locatio, & conductio, l. 2. ff. eod. Et licet conuenientia, & disconuenientia horum contractuum in plurimis consistat: ad discernendos tamen eos, hæc regula traditur: Quotiescunque conuentione hoc agitur, vt his, qui rem tradit, in eum, qui pecuniam dat, dominium transferat, emptio est: si autem nulla contigit dominij translatio, locationis genus est. Notant Dd. in d. l. 2. ff. eod. Emphyteusis est contractus, quo res soli, siue immobilis, sub annua pensione, in perpetuum plerumque colenda fruenda traditur, cum retentione tantum directi dominij, alterius cuiusvis iuris in recipientem translatione facta, l. 1. §. 1. ff. si ager vectig. Cuius causa efficiens est, lex, & consensus contrahentium. Materia res soli. Forma, retentio dominij directi cum translatione utilis, ita vt in recognitionem directi soluat certum canonem emphyteuta

teuta, fiatque in scriptis, l. 1. C. cod. debent enim alienationes Ecclesiasticæ omnes in scriptis fieri, cap. siue, 12. quæst. 12. & Bart. in d. l. 1. C. cod. & Reb. in cap. hoc ius, 10. quæst. 2. Dd. in cap. 2. extr. de reb. alien. non al. Effectus est conditio ex lege, Bart. in l. vni. C. de cond. ex lege. Amittit emphyteusin colonus, si triennio continuo canonem pensionarium de emphyteusi priuato, vel biennio de Ecclesiastica soluere cessauerit, modo dominus ita voluerit: celerè tamen satisfactione, ne cadat, sibi consulere, & moram purgare poterit, cap. poterit, extr. eodem.

Quæ Adiacentia Locationis?

Dolus, lata, & levis culpa, l. in iudicio, C. cod. & pignoris obligatio, legis prouisione constituta. Nam inuecta, & illata in domum conductam per conductorem, tacite sunt obligata ipsi locatori, non tantum pro mercede, verum etiam pro damno rei locatæ dato, l. 1. 2. & 3. ff. in quibus, &c. In colono autem, qui rusticum prædium conducit, hoc non obseruatur, licet fructus naturales à fundo separatos, & illic adhuc existentes loco pignoris locator retinere, & colonum, donec pensionem soluat, ne exportet, prohibere possit: industriales autem fructus locator retinere loco pignoris non potest, Bart. in l. assiduis, vers. quæro, C. qui pot. in pig.

Quæ Pugnancia?

Dolus malus, error in re, & mercede, deceptio ultra dimidium iusti pretij, inæqualitas mercedis, vt si vno nummo locatio fiat: quæ omnia locationem vitiant.

DE RERVM PERMUTATIONE.

, TITVLVS XIX.

Continuatio.

ORigo emendi, vendendique, cum quibus locatio, & conductio magnam habent affinitatem, à permutationibus cœpit. Olim non ita erat nummus, neque aliud merx, aliud pretium, vocabatur: sed vnusquisque secundum necessitatem temporum, ac rerum vtilibus inutilia permutabat, vt ait Paulus l. 1. ff. de contrah. empt. & vend.

Quid est Permutatio?

Permutatio est, contractus innominatus, quo species, ve

res certa cum specie commutatur, l. quoniam, C. eod. & l. i. ff. eod. Et dicitur cōtractus innominatus: quia nomine, & forma speciali caret, & generali permutationis verbo designatur: quod omnibus conuentionibus, in quibus aliquid hinc inde datur, commune est, gloss. in rubr. C. de rerum permut.

Qua causa Efficiens?

Ius gentium, consensus contrahentium, & specierum traditio. Est enim, teste Paulo in d. l. i. ff. de contrah. empt. hic contractus antiquissimus: cū origo emendi, & vendendi ab illo cōperit: nec tam nuda consentientiū voluntate, quā rei traditione celebratur. Permutatio enim ex re tradita initium obligationi præbet, l. i. ff. eodem.

Qua Materia?

Indiuidua, species, vel res certæ temporales, non pretium, non genus, vel spiritualis. Nam si cōuentio sit de commutanda re pro certo pretio, emptio erit, d. l. i. ff. eod. Et si genus cum genere, vel species cum genere commutetur, non est permutatio: sed contractus innominatus, qui dicitur, Do vt des, l. i. ff. eodem. Nec res spiritualis permutari debet. Quod intellige, si cum temporali re commutetur: spiritualis enim cum temporali permutari non potest, cap. fin. extra. eod. licet spiritualis cum spirituali permutari possit. Vnde Clemens III. constituit, Ecclesias iure proprietatis, earūque possessiones posse permutari: & si ratione possessionum altera alteri præualeat, refusa certæ pecuniæ quantitate, posse permutationis negotium expediri, cap. ad quæstiones, extra. eodem. Nec obstat, si dicatur permutationem non esse contractum gratuitum, sed commutatione rerum celebrari, ergo non posse in spiritualibus, quæ gratis sunt conferenda, locum habere, cap. gratia, i. quæst. i. & cap. per nostras, extra. de iure Pat. Ad hoc enim dicitur, commutationem spiritualium auctoritate Superioris, qui omne simoniæ vitium abolet, fieri debere. Vnde dignitas cum dignitate, Canonica cum Canonica, vel aliquod aliud beneficium, non requisita Superioris auctoritate, permutari non potest: in tantum, vt si quis tantæ temeritatis deprehendatur, obtento beneficio, vel dignitate priuetur, cap. cum olim, extra. eod. Nisi permutantis simplicitate & ueniam tribui æquitas suadeat, cap. cum vniuersarum, extra. eod. Pari ratione, mancipia Ecclesiastica permutari non debent, exceptis tribus casibus: Si fauore libertatis, cap. mancipia, extra. cod. 3.

cod. 2. Vel si permutatio expediat Ecclesiæ: nam & donari possunt, c. Ecclesiasticis, 13. q. 2. 3. Statutum est etiam licere Principi rem mobilem sanctis locis præstare, & accipere ab eis aliam immobilem: ita tamen si causa rationabilis id exposcat, & res, quam præstiterit, maior fuerit, vel æqualis, c. 1. extr. cod. Aliæ autem commutationes rerum Ecclesiasticarum, quæ in casu non concessio, ab antecessore inconsulto factæ sunt, vel iuris solennitate non observata, per successorem reuocari debent, c. vt commutationes.

Quæ Forma?

Vt conuentione per pactum, vel stipulationem de commutanda re indiuidua cum alia indiuidua, & certa specie, facta, res ipsa vtrunque tradatur: nam ad producendam actionem ex permutatione, non sufficit permutationis pactum, nisi ipsum vel traditione rei, vel stipulatione rei firmatum sit: vt dicunt Imper. in Lex placito, C. cod. Ex placito permutationis, nulla re secuta, constat nemini actionem competere, nisi stipulatio subiecta ex verborum obligatione quæsierit partibus actionem, d. l. ex placito, C. cod. & l. 1. §. permutatio, ff. cod.

Quis Finis?

Vt magis subueniatur humanis necessitatibus, & is, qui animo permutandi rem suam dedit, aliam sibi magis deseruientem recipiat, d. l. cum precibus, C. cod.

Quis Effectus?

Ex permutatione, varia actio proficiscitur: nam si stipulatio permutationi subiecta est, datur actio ex stipulatu, ad tradendam rem, de qua conuenit, & vt placitis fides seruetur, dict. l. ex placito, & l. cum precibus, C. cod. Si autem stipulatio non interuenit, datur actio præscriptis verbis, quæ est similis bonæ fidei, & personalis, ei competens, qui rem suam animo permutandi alteri dedit, vt ipse aliam rem in specie ab eo ex permutatione recipiat, l. rebus, C. cod. Et si fides contractus non seruetur, præsteret interesse, l. 1. C. cod. Competit etiam conditio causa data causa non secuta, ad repetendum id, quod permutandi causa datum est, l. 1. 4. & 6. C. cod. Potest igitur in libello concludi sub alternatione bifariam. Primò: Vt impleat contractum, vel interesse; secundò: Vt impleat contractum, vel restituat rem acceptam, Dd. in l. 1. & 2. C. cod. Ex permutatione, sicuti ex venditione, paratur etiam vfucapiendi conditio: quia traditionis iusta causa est ipsa permutatio, l. 4. §. de illo, cod. Præstatur euictio, d. l. 1. C. cod. Præstatur etiam ani-

mantium sanitas: cum enim, ut ait Paulus in l. 2. ff. eod. permutatio sit emptioni vicina, actio præscriptis verbis ex permutatione proficiscens, etiam ad præstandam rem à morbis, vitiisque solutam, & liberam competit, & potest ipsa res permutata ob vitia redhiberi, ut notatur in l. sciendum, §. penul. ff. de ædil. edicto.

Que Affinia?

Contractus, Do ut des, & emptio, & venditio. Differt autem contractus, Do ut des, à permutatione, materia, & effectu. Materia quidem: Quia, si detur species pro specie, vel individuum pro individuo, permutatio est: Si vero species pro genere, vel genus pro genere, contractus, Do ut des, est, l. naturalis, ff. de præscript. Effectu differunt. Quia ex permutatione datur actio præscriptis verbis bonæ fidei. Ex contractu autem, Do ut des, præscriptis verbis stricti iuris, §. actionum autem, Instit. de actionibus. Ab emptione secernitur causa efficiente, materia, forma, & effectu. Causa efficiente: Quia non ita consensu nudo constituitur obligatio in permutatione, sicuti in emptione: sed ipsa ex traditione rei initium capit, & perficitur, ut ait Iurisc. in d. l. 1. ff. eod. Materia distat: Quia non tantum in speciebus, sed & in aliis omnibus rebus, quæ humanum commercium non fugiunt, emptio consistit, leg. sed Celsus, ff. de contrah. empt. & vend.

Forma distat: Quia in emptione alius est venditor, alius emptor: ita pretium aliud, aliud merx. At in permutatione discerni non potest, uter emptor, vel venditor sit, multumque differunt præstationes: emptor enim nisi nummos accipientis fecerit, tenetur ex vendito: venditori sufficit, ob evictionem se obligare, nec tenetur re venditam emptoris facere, sed possessionem tantum tradere: itaque si evicta res non sit, nihil debet. In permutatione vero, si utrumque pretium est, utriusque rem fieri oportet; si merx, neutrius; sed cum debeat & res, & pretium esse, non potest discerni, quid eorum pretium sit, & quid veneat, l. 1. ff. eod. Effectu etiam differunt. Quia ex permutatione datur duplex actio; puta, præscriptis verbis bonæ fidei, & condictio ob causam: non autem ex venditione, d. l. 1. §. fin. ff. eod. Multa tamen cum venditione habet communia, scilicet vscapiendi conditionem, evictionem, redhibitionem, actionem bonæ fidei, &c. Dd. in l. 1. & l. 2. C. eod. Affinitatem etiam cum permutatione habere videtur transactio, divisio, & generali quadam ratione, rerum commutandarum considerata, omnes contractus.

Quæ

Quæ Adiacentia?

Vſucapiendi conditio, redhibitio, euictio, periculum, commodum, pœnitentia.

Quæ Pugnantia?

Diffensus vtriuſque contrahentium, pactum de non transferendo dominio, pœnitentia, & modi, quibus ratione materiæ, vel alio modo, res permutari, vel alienari prohibetur, de quibus ſuprà.

DE FEVDIS.

TITVLVS XX.

Continuatio.

Feudi conſtitutione res, pro obſequiis, operaque ſideli, quaſi commutari videntur.

Quid eſt Feudum?

Feudum eſt, conſeſſio rei, facta alicui cum translatione vtilis domini, ad habendum, & fruendum cum exhibitione alicuius honeſti ſeruitij, c. 1. de capi. Conrad.

Vnde dicitur Feudum?

Feudum dicitur, quaſi fidei datio, à fide, quam dominus vaſallo, vel à fidelitate, quam vaſallus domino præſtare teneatur, ſicque reciproca eſt obligatio domini & vaſalli, c. 2. §. ſin. per quos ſi. inueſtit.

Quotuplex eſt Feudum?

Eſt multiplex, & varium. Aliud enim eſt paternum, antiquum, hæreditarium, maſculinum. Aliud nouum, fœmineum, cum fidelitate, vel ſine fidelitate, temporale, perpetuum, conditionale, purum. Aliud Guardix, & Caſtaldix. Aliud non tranſitorium ad hæredes: vt feudum Marchiæ, ducatus, & Comitatus. Quæ feudorum genera in vſibus feud. ſparſim explicantur.

Quæ eſt cauſa Efficiens?

Ius moribus introductum, Principum placita, & decreta Pontificum, voluntasque eius, qui concedere poteſt, vel conſenſus contrahentium. Quia non tantum vltimis voluntariis, verum etiam actibus inter viuos, pactis ſcilicet, & ſtipulationibus conſtituitur feudum. Poſſunt autem dare feudum,

dum, Papa, Imperator, Patriarchæ, Archiepiscopi, Episcopi, Abbates, Præpositi, inodò antiquo tempore dare Præpositus consueuerit, Duces, Reges, Marchiones, Comites, & Capitanei, diuites Barones, & Nobiles, illustresque mulieres, si senio sint confectæ, & liberos non habeant, possunt etiam vassalli rem feudalem alij dare in feudum: sed quibusdam personis dare prohibentur, scilicet forminæ, Ecclesiæ, seruo, Hæretico, Iudæo, bannito, inimico capitali, deportato, potentiori, quàm sit dominus, alteriusque iurisdictioni subiecto: adeò quidem, vt si vassallus vni harum personarum, absque domini voluntate dederit, feudi concessi beneficio ipse priuetur.

Quæ Materia?

Res immobiles, & quæ inter immobiles computantur. Illæ non propriè dantur in feudum, non autem res, quarum alienatio à lege prohibita est: possunt tamen si cum vniuersitate, id est, cum tota regione in feudum dentur. Res autem mobiles, quæ ipso vsu temporis tractu, deteriores fiunt, non dantur, sicut nec in emphyteusim, nisi accedant immobilibus: vt serui fundo, decimæ ad tempus in feudum dari possunt, non in perpetuum: feudum autem Cameræ & cauenæ debetur, quatenus ibi aliquid inuenitur.

Quæ forma constituendi Feudi?

Vt dominus, dominio directo retento, per pactum, stipulationem, vel vltimam voluntatem, in beneficium, vel compensationem obsequij, & seruiij præstandi, gratuito, nulla promissione mercedis, canonis, vel vectigalis præstandi facta, vassallo vtile dominium concedat. Quod quidem obsequium, vassallus iurifurandi religione promittere tenetur. Forma iurifurandi est: Vt Vassallus, inuestitura de fundo concessa facta, iuret, se dominum, quoad fieri possit, in omnibus honestis, & licitis defensurum. Quod iuramentum sex continere debet, scilicet Incolume, tutum, honestum, possibile, vtile & facile; vt notat Gratianus in c. de forma fidelitatis, 2. 2. quæst. 5. Quæ si Vassallus promittere recuset, dominus ipsum inuestire non tenetur. Et si plures sint Vassalli, omnes præstant: domino autem demortuo coguntur iurare successorij, & omnibus, si plures fuerint. Sin autem quidam ex his renuntiauerint feudo, adtecte pars repudiata reliquis dominis petentibus. Ante iuramentum autem fidelitatis præstitum dominus inuestituram permittit. Cuius forma est: vt dominus, qui feudum concedit, tenens ali quid in manu, putà baculum, anulum, vel

bire

biretum, tradat illud in manu Vassalli, dicens : Inuestio te, de tali, vel tali re.

Quis Finis?

Meritorum remuneratio, vel etiam proprium hominis interesse: cum hominem beneficio affici, intersit hominis, l. seruus ea lege, ff. de seruis export.

Quis Effectus?

Potestas vtendi, & fruendi re in feudum concessa, & actio vindicationis tam directa, quam vtilis. Vbi enim Vassallus agit contra dominum, petit rem feudalem actione vindicationis: vbi contra extraneum vtili in rem actione experitur. Si autem dominus, & vassallus concurrunt, dominus directa, Vassallus autem vtili aget: cui tamen directæ vtilis præfertur.

Quæ Affinitas?

Emphyteusis, census, libellus, superficies, precaria, vsusfructus. Emphyteusis cum feudo habet commune, vt, penes dantem, dominium directum remaneat, c. 1. §. 1. & seq. de inuestit. de re alien. fac. Hoc tamen differt. Quia gratuitum est beneficium, cap. §. in primis, in quibus causis, feud. amitt. Nullam idcirco pensionem annuam, nullumque Canonem sperans, sed obsequium duntaxat personale, c. 1. §. sed nec alia. Quæ fuit prima causa. Vbi verò cliens, seu Vassallus, aut emphyteuta beneficiarium fundum, aut emphyteuticarium pro annua quoque pensione, alteri concedit, neque feudum erit, neque emphyteusis, cum neuter concedens dominus sit, c. 1. de inuestit. sed nouo vocabulo libellarius contractus vocabitur; Quæuis hæc duo, libellus & emphyteusis, moribus hominum plerumque confundantur, & promiscuè soleant accipi, c. 1. §. turfus, quib. modis feud. amitt. Bar. in l. si finita, §. si de, ff. de dam. infect. Contractus censualis à feudo hoc differt: quòd in eo transferatur tam directum, quam vtile dominium, debeatque concedenti, hæredibusque eius annua pensio, cap. constitutus, extr. de relig. domi. Cum autem ob hanc pensitationem ius vniuersum à se quis abdicet, idque transferat in accipientem, Bart. in l. 1. §. 1. ff. de publica. ab emphyteusi sine dubio differt. Quia vtile tantum dominium abs se concedens remouet: unde licet emphyteuta cessans soluere triennio, & si Ecclesiæ sit, biennio canonem, iure suo cadat, non tamen hoc commissi tribuit contractus censualis, non soluto censu, etiam mille annis, gloss. & Dd. in dict. cap. constitutus, extra. de religio. domibus.

Huc

Huc quoque pertinere videtur superficiarius contractus, quo sub certa plerunque pensione domum, moletrinam, aut aliam soli nostri superficiem concedimus. Et quandoque nulla annua mercede constituta: veluti cum venditur, locatur, aut donatur superficies, l. 1. §. 1. ff. de superficiebus. Cuius conventionis hæc natura est: ut dominium, quod utile vocant, transferat in accipientem, l. 3. §. penul. ff. de noui operis nun. & destructa superficie (ruina puta, vel incendio) contractus ipse finiatur, l. inter quos, §. damni, ff. de dam. infect. Differt autem superficiarius a vasallo: quod vel certa pensione constituta, vel nonnunquam sine ullo pensionis onere superficiem possideat, d. l. 1. §. 1. ff. de superf. nec meliorationes a domino habere dicatur, sed a seipso, l. bono. ff. de verb. sign. Quocirca potest sine domini consensu eas alienare, finitoque contractu, quamuis nesciat, aut nolit dominus, illinc auferre, l. sed addes, §. si inquilinus, ff. locati: & d. l. bonorum, Precariis denique cum feudo affinitas est, quo ad translationem ipsius possessionis, & usus. Differunt autem: Quia precariæ sub annua pensione in perpetuum, vel ad tempus, cum pacto renouationis, de quinquennio in quinquennium, aut aliud tempus secundum morem regionis conceduntur, c. 1. & c. si. de preca. c. precariæ, 1. & 2. 10. q. 2. Et hoc ob id, ne temporis diuturnitate contractus memoria pereat, c. longinquitate, 1. 2. q. 2. Panor. in d. c. 1. extr. de preca. Ususfructus etiã cum feudo quid cõmune habet. Quia ferè eisdem modis cum translatione iuris vtendi fruendi constituitur: Argumenta quoque ad decidendas quandoque quæstiones in materia feudali ambiguas, illinc desumpta, iure approbantur, de quo habetur in c. fin. extr. de pig. & aliis.

Quæ Adiacentia?

Iuramentum fidelitatis, & inuestitura. Et circa eam talis ordo seruatur, ut domino concedente feudum fiat inuestitura, qua facta, vasallus præstat fidelitatis sacramentum, & verbo promittit, illa sex, de quibus supra in cap. de forma fidelitatis, 2. 1. q. 5. Deinde dominus præstito fidelitatis sacramento mittit vasallum in vacuum possessionem rei feudalis. Est autem inuestitura, concessio fidei possessionis, facta per dominum alicuius rei corporalis: pacta etiam quandoque in constitutione feudi adiiciuntur, quæ naturam feudi variant.

Quæ Pugnancia?

Merces. Debet enim feudum esse gratuitum: pacta iniqua, & ipsum feudum euerectia, dolus, culpa, casus, negligentia,

ria, feloniam, & denique omnes modi, quibus ipsum feudum amittitur, de quibus legitur cap. prima causa, in quib. causis feud. amitt. & c. 1. de causa contradi. c. est & alia, d. tit. c. ex eadem, eo. & c. 1. c. seq. in libr. feud. tit. quib. mod. feud. amit. ubi ingratitudinis variae causae enarrantur. Breuiter tamen sciendum, feudum amitti iisdem ferè modis, quibus libertus in seruitutem, propter ingratitudinem, reuocatur, licet non tam strictè agatur contra vassallum, sicuti contra libertum, & quibus filius in potestate patria constitutus exheredari potest. Amittitur autem feudum, morte, capitis diminutione, maxima & media, ingratitudine, clericatione, inuasionem, refutationem, bonorum cessione, alienatione illicita, praescriptione ab alio inducta, euictione rei, rei extinctione, negatione, & mendacio scienter facto de re feudali, & negligentia. Negligentia in multis attenditur: scilicet, si vassallus non intra annum, & diem, domino mortuo, heredem, pro inuestitura requirat: si de fidelitate praestanda, à domino tribus vicibus requisitus, eam facere negligat, dummodò maior 14. annis sit, si vassallus grauem iacturam, quam domino imminere nouit, celauerit, si resistere potuit, & non fecit, si dominum in acie periclitantem dimiserit, si dominum tempore famis, pressum indigentia non aluerit, si vassallus in re feudali malè versetur, vel contra dominum feloniam, id est, delictum aliquod committat.

DE PIGNORIBVS, ET aliis cautionibus.

TITVLVS XXI.

Continuatio.

Adiacet aliis contractibus pignoris obligatio, & alienationem in effectu quoque continet: cum, si debitum legitime non soluatur, pretio ex distractione pignoris redactio satisfieri possit, l. si conuenit, ff. de pign. act. & l. sed & quod. ff. de pign. & Hypo, & l. sancimus, C. de rebus alic. non alienand.

Quid est Pignus?

Pignus, secundum Host. est obligatio rei in securitatem debiti, donec ipsum exoluatur, celebrata, §. quid sit pignus, hoc titul.

Quo

Quotuplex Pignus?

Varia diuisiones sumuntur à causa efficiente, materia, forma, & effectu.

Qua diuisiones sumuntur à causa Efficiente?

Pignus, est vel prætorium, vel iudiciale, vel conuentionale. Prætorium dicitur, quod decreta missione in possessionem bonorum, scilicet, ut caueatur pro legatis, vel de damno infecto, vel de nouo opere demoliendo, prætor constituit, l. non est mirum, §. sciendum, ff. de pig. act. Iudiciale dicitur, quod ratione sententiæ exequendæ, capris, pro re iudicata pignoribus, à iudice fieri contingit, l. à diuo Pio, ff. de re iud. Conuentionale autem pignus conuentione partium constituitur, l. contrahitur, ff. de pig. & hypoth. Et hoc bifariam, expressè, & tacitè. Expressè fit: quando verbis expressis partes conueniunt de oppigneranda re. Tacitè autem, quando ex vi, & potestate legis, sine expressa hominum conuentione, ut dotis causa, fauore pupilli, fisci, refectionis, l. vnica, C. de rei vxor. act. l. 4. C. in quib. causis pig. tac. contrah. Exempli gratia: Omnia bona promittentis dotem sunt tacitè obligata ipsi marito; & è contrà, dote soluta, omnia bona mariti tacitè sunt obligata vxori, c. pro dote, c. ex literis, ext. cod. Secundò, locatori fundi sunt omnes fructus ex eo percepti tacitè oppignerati. Item omnia inuecta, & illata, pro pensione, l. certi, C. de locato. Plures casus, in quibus contrahitur tacitè pignus, vide apud Azonem tit. quib. causis tacitè contrah. & c.

Qua diuisio sumitur à Materia?

Pignus, vel est generale, vel speciale. Generale est, quod in vniuersitate, vel omnibus bonis constituitur: quo non continebuntur ea, quæ verisimile est, quenquam specialiter obligatum non fuisse, l. obligatione generali, ff. eo. Speciale autem pignus in re certa, vel specie constituitur.

Que diuisio sumitur à Forma?

Quòd pignus vel sit voluntarium, aut necessarium, Voluntarium est, quod expressa voluntate, pacto, vel nuda conuentione duorum contrahitur, vel voluntate vnius: quod fit, si testator in testamento alicui pignus in rebus suis, legatis, donationis, vel quouis alio titulo relinquat, constituitur, l. 1. ff. eod. l. fundus, & l. Caius, ff. de annuis legatis. Necessarium autem dicitur, quod nulla contrahentium conuentione, sed decreto prætoris, iudicis autoritate, & legis beneficio introducitur,
de quo

de quo in l.fi finita, ff. de dam. infecto, d. l. vni. C. de rei vxo. act.

Quæ diuisio sumitur, ab Effectu?

Quod pignus, vt genus consideratum in specie, vel sit pignus, vel hypotheca. Vnde ex hac, actio hypothecaria datur, quæ realis est; ex illo autem pignoratitia, quæ personalis est. Nec obstat quod Marcellus ait in l. res hypothecæ, ff. de pign. & hypoth. inter pignus, & hypothecam tantum nominis sonum differre: intellexit enim Marcellus hoc de pignote, in genere accepto, quod sub se & pignus, & hypothecam comprehendit. Hac ratione hypotheca dicitur quoque pignus; alioquin enim hypotheca, & pignus in specie considerata, differunt causa efficiente, materia, forma, & effectu. Causa quidem efficiente: quia pignus ciuile est: producitque actionem bonæ fidei. Hypotheca autem prætoria, & stricti iuris, vt notat Iason in §. actionem, Institut. de actionibus.

Secundò differunt materia. Nam pignus est tantum rei mobilis, §. item Seruiana, vers. sed in aliis, Insti. de actionibus. Vnde & nomen habet à pugno, vt ait Iureconsult. in l. plebs, §. pignus, ff. de verb. sign. At hypothecæ subiiciuntur non solum res mobiles, sed etiam immobiles, l. i. §. cum prædium, ff. de pign. & hypothec.

Tertiò differunt forma. Quia pignus rei traditione actuali constituitur, l. si rem, §. proprie, ff. de pign. act. hypotheca verò non aliter, quam nuda conuentione, & voluntate, l. contrahitur, ff. de pign. & hypothecis. Quartò differunt effectu, quantum ad actiones, quoniam pignoratitia est in personam actio, l. solum, §. per liberam, ff. de pign. actio. At hypothecaria est in rem actio. l. pignoris, ff. de pign. & hypoth. & l. eos, C. qui potiores in pign. hab. Nec tamen & hæ actiones differunt, quantum ad formulam hypothecariam, quem prætor etiam ad pignora extendit.

Quæ causa Efficiens?

Causa efficiens est, contrahentium consensus, decretum iudicis, seu magistratus, & lex. Quia, vt dictum est, nuda contrahentium conuentione, per magistratum, vel iudicem, & legis autoritate in certis casibus constituitur pignus, vel hypotheca.

Quæ Materia?

Omnes mobiles, immobiles, corporales, incorporales res: vt sunt cautiones, nomina debitorum, personales seruitutes,

& prædiales seruitutes rusticæ, l. cum conuenit, ff. eod. l. si is, ff. de pign. & hypo. Possunt etiam præsentēs, futuræ, fructus pendentes, partus ancillæ, fructus pecorum, & ea, quæ nascuntur, in causam pignoris obligari, l. 1. ff. eodem. Eximuntur autem obligationi pignorum res, quæ sunt extra commercium; ut sunt res sacræ, religiosæ, publicæ, liber homo, l. 3. C. quæ res oblig. ca. lator, extr. eod. Res etiam Ecclesiæ oppignerari non debent, nisi necessitate, & ratione euidenti hoc suadente, cap. nullus, extra. eodem, & c. Et quæ lege alienari prohibentur: est enim oppignatio quædam alienatio: l. fin. C. de rebus alien. ut sunt res litigiosæ, fundus dotalis, res minorum, absque decreto iudicis, tot. tit. de fun. dotali, & tot. tit. C. de rebus absque decreto iud. & c. Bonæ feudalia, & res alienæ: debet enim pignori dāns, ius in re, quo iure ipsa res afficiatur, constituere, quod absque domini expresso consensu fieri non potest, l. rem alienam, ff. de pign. act. & toto tit. C. si res aliena.

Quæ Forma?

Ut à debitore res mobilis, & immobilis, corporalis, & incorporalis, eius retento dominio tradatur creditori, ut retineat, donec debitum omnimodò persoluator. Vel nuda conuentione, pacto, & utriusque tam debitoris, quam creditoris consensu, absque vlla traditione in re oppigneranda obligatio ad securitatem debiti exsoluendi constituatur: licet & ex modo obligationis, quæ testamento, vel auctoritate legis, & magistratus inducitur, causa formalis petenda sit, Dd. in l. contrahitur, ff. de pign. & hypo.

Quis Finis?

Ut securiores reddantur creditores, & ut habeant suum creditum saluum. Tutius enim est pignori incumbere, quam in personam agere, §. furti, Institut. de ob. quæ ex del. nasc. sicuti, cum melior sit possidentis conditio, tutius est non soluere, quam solutum repetere, l. idè, ff. de compen.

Quis Effectus?

Actio pignoratitia, quæ duplex est, directa scilicet & contraria. Directa est actio Ciuilis, bonæ fidei, in personam, quæ competit debitori aduersus suum creditorem, ad repetendum pignus conuentionale, satisfactione præcedente, ad fructus & interesse, ad æstimationem damni dolo creditoris in re pignolata, lata, vel leui culpa data, consequendum: & denique ad restituendum reliquum pretij, cum vsuris, quod creditor ex venditione pignoris plus debito accepit, l. eleganter, §. si vendide

vendiderit, l. si pignore, & l. si rem alienam, §. fin. ff. de pign. act. Contraria autem datur creditori aduersus debitorem, qui pignus pro debito nō sufficiens dedit, aut si aliquid impensarū necessarium in rem pignori datam contulit, vt id restituatur. Competit etiam, ad consequendum interesse euictionis, quod creditor vendito pignore præstirit. Et generaliter quatenus creditoris interest ipsum in pignore, seu, per pignus, non esse deceptum, l. tutor, §. contrariam, l. si seruus, & d. l. si rem alienam, §. omnis, ff. eodem.

Datur etiam actio, quasi Seuiana, vel hypothecaria, quæ est prætoriam, & realis: qua creditor agit contra possidentem ad rei possessionem consequendam, quæ ipsi, iure pignoris, aut hypothecæ, expressè est pignerata: vt eam, vel retinere, vel alienare possit, nisi redempta fuerit à creditore, l. rem alienam, ff. de pign. act. Modus autem distrahendi, vel retinendi pignoris, exprimitur per Iustinianum, lib. 8. Codicis, l. fin. C. de iure dominij impetrando sub distinctione. Aut pactio de distrahendo pignore adiecta est: aut nullum pactum interuenit: aut conuentum est, ne distrahatur pignus. Primò si conuenit, vt distrahatur, potest creditor ex conuentione, tamquam ex voluntate debitoris distrahere. Quod tamen ex bona fide facere, solenniter commonefacto prius debitore, vt possit offerre pretium, debet: Alioqui pigneratitia tenetur, l. 4. l. specialiter, C. de distract. pign. Distrahere inquam potest, eo modo, quo inter debitorem, & venditorem conuenit, l. vetustissimam, C. de iure dominij imp. Secundò si de vendendo pignore nihil cōuenit, interpellandus est primùm debitor, vt soluat; qui si deinde cessarit biennio, (quod tamen à tempore denuntiationis, non pignorationis factæ numerandum est) pignus vendi poterit, d. l. vetustissimam, vbi plu. & gloss. Si non reperiatur emptor, rursus admonendus est debitor: qui si porro cesset, creditor sibi impetrabit ius dominij, sed tamen post talem dominij actionem, intra biennium, integrum erit debitori, recuperare rem ipsam, si creditori offerat totum debitum cum eo, quod interest, à tempore moræ, d. l. vetustissimam, §. si verò nemo est; C. de iure dom. imp. Tertiò, si pactum intercessit, ne pignus distrahatur, & creditor aduersus conuentionem initam, pignus distrahat, furti obligatur, l. si is, qui pignore, ff. de fur. nisi debitori ter denuntiauerit; vt soluat, & cessarit, gloss. in l. si conuenerit: ab eo enim tempore, elapso biennio, creditor pignus alienare potest, d. l. fin. C. de iure dominij impetrando.

Quæ Affinia?

Fideiussiones. Horum enim est idem usus: cum pariter ad iudiciorum & rerum cteditarum securitatem; ut scilicet cautum sit diligentius; sint cōparata, §. vlt. Instit. quibus modis re contrahitur, &c. Vnde cum quæritur cautio plenissima, solet caueri p̄ædibus, & p̄ædiis. Cicero Verrina 3. & Liuius lib. 12.

Quæ Adiacentia?

Dolus, lata, & levis culpa: ad cuius præstationem astringitur cteditor, non autem ad culpam leuissimam, vel casum fortuitum, §. fin. Instit. hoc titul.

Quæ Contraria?

Solutio, permutatio, donatio, vel in dotem datio pignoris, consensu creditoris facta, satisfactio, extinctio rei pignoratæ, iuramentum, sententia, datio pignoris, acceptio fideiussoris p̄to debito, pro quo lex constituēbat hypothecam, in quibusdam rebus, oblatio, depositio, pactum de non petendo, nouatio, temporis, in quod pignus constitutum, lapsus; mutatio personæ debitoris. Illis enim modis pignoris obligatio soluitur, tot. tit. ff. quibus modis pig. vel hypoth. soluitur.

DE FIDEIVSSORIBVS.

TITVLVS XXII.

Continuatio.

Affinis pignoris nexui est, fideiussio: cum pariter rebus creditis, iudiciisque inferuiat.

Quis dicitur Fideiussor?

Fideiussor dicitur, qui per stipulationem obligatur pro alio principali, ad illud idem, ut sit creditori diligentius cautum, §. 1. Instit. de fideiuss.

Quot modis accipitur Fideiussoris nomen?

Duobus: largè, & propriè. Latga significatione omnis dicitur fideiussor, qui alterius obligationem in se tranfert, & fide sua esse iubet. Propriè autem, qui per stipulationem, debitoris obligationem in se suscipit.

Vnde dictus Fideiussor?

A fideiubendo, quasi alterius obligationem fide sua esse iubeat, §. fideiussor, Institut. de fideiussoribus.

Quæ

Quæ causa efficiens Fideiussionis?

Voluntas personæ idoneæ. Vt autem idonea sit, tria desiderantur. 1. Vt sit fidelis. 2. Vt sit soluendo. 3. Vt sit ad conueniendum facilis: Non miles, clericus, monachus, Doctor, Cau-
fidicus, cauillator, vel quidam alius, qui propter priuilegium, mores, inopiam, vel munitiones, difficilis sit conuersionis, vt notat Hostiens. in §. & quis, hoc tit. Monachus enim, nec naturaliter obligatur, cum nec velle habeat, cap. nolle, 11. q. 2. Si tamen administrationem habeat, videtur obligari de his, quæ ad administrationem pertinent, arg. l. si quis infcio, ff. eod. Item clerici inferuientes fideiussionibus, ab Ecclesia sunt abiciendi, vt dicitur in cap. 1. extra. eod. Quod tamen ita intelligendum est, si frequenter fideiubeant, & absque vlla ratione, vt Ecclesiæ damnum inde sequatur, ad quod cuitadum, Clericis, vel Prælati Ecclesias obligare prohibetur, licet ex pietate moderatè subuenire teneantur, cap. non satis, 8 §. dist.

Quæ Materia?

Omnis obligatio tam ad producendam actionem efficax, quam inefficax: Vt sunt naturalis, & ciuilis simul: ciuilis tantum, vel naturalis tantum, omnes ex contractibus, vel delictis proficiscentes, vt ait Vpl. l. 1. ff. eod. Omni obligationi fideiussor accedere potest, quod explicat Iulianus in l. fideiussor, §. fideiussor. ff. eod. inquit: Fideiussor accipi potest, quoties est aliqua obligatio ciuilis, vel naturalis, cum vbi nulla subest obligatio, non possit accedere fideiussor, l. qui contra, ff. eod. Naturales autem non ex eo solo æstimantur, si actio aliqua eorum nomine competit, verum etiam cum soluta pecunia repeti non possit. Nam licet minus propriè naturalis actionis debitores debere dicantur, per abusionem tamen debitores, & qui ab his pecuniam recipiunt, debitum sibi recepisse, intelligi possunt, d. §. fideiussor. Accipienda igitur obligatio naturalis ita est, quæ licet actionem non producat, impedit tamen soluti repetitionem: vt quia per exceptionem non sit elisa. Nam si elisa esset per exceptionem, vt dicitur in illa, quæ post præscriptionem remanet, quæ tollit ciuilem obligationem, cum sit de iure ciuili, & elidit naturalem, tunc distingueretur: an intercederet fideiussor ex certa scientia, an per errorem. Quoniam priori quidem casu tenebitur fideiussor: quia exceptioni præscriptionis renuntiasse videtur. Altera verò non item, propter errorem, & quia naturalis obligationis effectus est ibi extinctus, Castren. in l. quod enim, ff.

codem : pari ratione ciuilis obligatio intelligitur , quæ parit actionem , & impedit soluti repetitionem . Nam si secus , & vt plurimum contingit , quòd sola ciuilis , quæ remansit sine naturali , sit elisa per exceptionem ; vt est in illa , quæ remanet post pactum de non petendo , vel post iusiurandum ; huic enim obligationi fideiussor cum effectu accedere nequit . Quia exceptio competens principali debitori , competit etiam fideiussori , l. exceptiones , ff. de except. Quod procedit , si ante elisionem fideiussisset , aliàs renuntiasse videtur , efficacique tenetur vinculo , l. si quis postquam , ff. de fideiuss. Obligationibus ex delicto , vel quasi delicto , proficiscentibus fideiussor applicari potest , l. Græcè , §. sed si ex delicto , ff. cod. quòd ita intelligendum est , si pœna pecuniaria sit . Nam si corporalis , non admittitur fideiussor , gloss. in cap. cum homo , 23. quæst. 5. & Panorm. in Rub. de fideiussor.

Quæ Forma?

Vt fideiussor per stipulationem (putà ad interrogationem factam à creditore , sic : Fide tua esse iubes , quod illi credidi ? Et ille respondeat : fide mea esse iubeo) se obliget pro principali debitore , ita vt si debitor non soluat , ipse ad præstationem debiti æquè teneatur . Dico , æquè . Quia fideiussor in duriorē causam obligari non potest , quàm principalis debitor , licet in tenuiorē causam , vel arctius , dato pignore , vel obligationis vinculo se obstringere , & suam conditionem hoc modo duriorē facere possit . Durior enim causa hinc intelligitur , quando in plus sese obligat fideiussor vel re , vel loco , vel causa , vel tempore , §. plus autem , Instit. de act. l. Græcè , §. illud , & l. hi qui accessionis , ff. cod. l. si ita . ff. cod. Potest etiam fideiussor vel purè , vel sub conditione , vel ad tempus , vel ex tempore dari . Quo casu post lapsum temporis non tenetur amplius , l. Lucius , ff. mandati , l. si cum Hermes , C. locati .

Quis Finis?

Vt creditoribus diligentius sit cautum , vt ait Iustin. in §. 1. Institut. eodem .

Quis Effectus?

Obligatio illa , qua fideiussor tenetur creditori , si debitor non soluat . Si enim vnus sit ipse , debitore non soluente , vigore obligationis fideiussoriæ , per stipulationem constitutæ , à creditore conueniri potest : si verò plures , eiusdem debitoris fideiussores : singuli in solidum obligantur , siue expressum hoc

hoc sit, siue non, l. non rectè, l. reos, ff. eodem. Et potest creditor eligere à quo solidum petat, etiam principali debitore non conuento; sed & eo, quem elegerit non satisfaciente, ad alium reuerti potest: ceteri enim electione nequaquam liberantur, l. iure nostro, C. eod. Diuus tamen Adrianus æquitatem motus, beneficium diuisionis pluribus fideiussoribus concessit, vt inter eos diuidatur obligatio ante solutionem, nec, nisi pro virili parte, quilibet eorum conueniri possit, l. inter plures, ff. eodem. Sunt enim quatuor diuersa beneficia fideiussoribus competentia, quorum duobus antequàm soluant, aliis duobus autem post factam solutionem iuuantur. Primum est remedium vel beneficium excussionis, authent. præsentem, C. de fideiussoribus. Quo creditor fideiussorem impetere prohibetur, nisi prius excussio principali, quo absente, vel non soluendo existente, tandem peruenitur ad fideiussorem, d. authent. præsentem. Quod quidem beneficium æquitatem nititur. Cum fideiussor in subsidium tantum teneri, nec alio animo se obligare videatur, quàm vt non soluat, priusquàm constituerit, debitorem nolle, vel non posse soluere. Huic tamen beneficio fauore fideiussorum introducto, quin ipsi fideiussores renuntiare possint, dubium non est, Dd. in d. authent. præsentem, & d. l. si quis in cōscribendo, ff. de pactis: Alterum est beneficium diuisionis ex Epistola Diui Adriani introductum, quo inter fideiussores plures eiusdem debitoris, nõ quidem ipso iure, sed ad petitionem eorum, ante solutionem diuiditur obligatio. Nec aliter, quàm, pro virili parte, quilibet eorum tenetur: modo omnes, tempore litis contestatæ, sint soluendo, adeò, vt si quis fideiussorum post diuisionem factam, efficiatur non soluendo, cæteros amplius nõ oneret; sed Creditoris damno hoc cedat, l. inter eos, §. penu. ff. eod. Ex quo tertium beneficium, actionum scilicet cedendarum competens post solutionem, inferitur. Nam si non allegato D. Adriani beneficio vnus ex fideiussoribus solidum soluit, potest petere à creditore, vt ei cedat actiones, quibus aduersus cōfideiussores ad viriles portiones agere possit, l. Stichus, §. si cum vltimo, ff. de solut. Quartum remedium est, action. mandati. Quod remedium non competit, si soluerit fideiussor, vel re vera non soluerit; sed obtulerit, consignarit, vel deposuerit in iudicio debitum. Nam & ea solutionis vice sunt, & liberationem tribuunt, l. obligatione, C. de solu. & l. acceptam, C. de vsuris. Datur enim huic mandati actio aduersus principalem debitorem, ad repetendum id, quod pro eo solutum est, l. indebitum, ff. de cond. ind. Nec aliqua ante

solutionem factam fideiussori contra debitorem datur actio, exceptis tribus casibus, quos Greg. I X. notat in cap. fin. extra, cod. 1. Si debitor diu in debiti solutione cessauit. 2. Si ipse dissipare bona sua coepit. 3. Si fideiussor per sententiam iudicis condemnatus fuit, vt soluat. His casibus fideiussor agere potest, vt à fideiussione liberetur.

Quæ Affinia?

Conueniunt cum fideiussore, quòd pro aliis intercedant, mandator, sponsor, constitutor, & expromissor. Mandator dicitur, qui alicui author est, mandatque vt pecuniam det mutuo, aut vt tempus solutionis proroget: & hi regulariter præcedunt Rei principalis obligationem, l. fideiussores, ff. de fideiuss. Constitutor ex diuerso appellatur, qui pro alio se solutum constituit, quod ipse ante debebat: sequitur enim obligationem, & id vel nudo tantum pacto, vel etiam per epistolam fieri potest, l. quidam, ff. de constit. pecun. Sponsor dicitur, quia sua sponte, & non rogatus, intercedit pro debitore præfente, gloss. in §. 1. Nouell. de fideiuss. Expromissor is proprie dicitur, qui pro eo promittit, qui ipse efficaciter obligatus non est: Velut qui pro seruo centum domino promittit, si cum manumittat, l. eleganter, §. seruus, ff. de dolo.

Quæ Adiacentia?

Paritas obligationis, mandatum, & beneficia fideiussoribus competentia, de quibus supra.

Quæ Pugnancia?

Promissio pro re turpi, fideiussio, nulla existente obligatione, cui accedat, obligatio in plus, quam debitor tenetur, facta, nouatio, solutio, confusio, præscriptio, sententia diffinitiva, iuramentum, temporis, in quod facta fideiussio, lapsus.

DE SOLUTIONIBVS TITVLVS XXIII.

Continuatio.

Fideiussioni contraria est, solutio: quia solutione eius, quod debetur, non tantum principalis, sed etiam accessoria obligatio euertitur.

Quid est Solutio?

Solutio nihil aliud est, quam rei debite, per ipsum debitorem, vel alium, eius nomine, creditori idoneo satisfactio, l. satisfactio, ff. de solution.

Quæ

Quæ causa Efficiens?

Voluntas debitoris, vel alterius, nomine debitoris soluentis, etiam debitore inuito. Quia soluere pro ignorante, & inuito cuiusque licet; cum sit iure ciuili constitutum, licere etiam ignorantis, inuitique meliorem conditionem facere, l. soluere, ff. eodem.

Quæ Materia?

Est id ipsum, quod in obligatione est, modò corporale sit. Nam incorporalia non recipiunt solutionem, nec traditionem, l. seruus, §. incorporales, ff. de acquir. rer. dominio.

Quæ Forma?

Est actualis satisfactio per ipsum debitorem, si est habilis persona, vel per alium, eius nomine creditori idoneo, secundum quod conuentum est, legitimè facta. Quibus requisita ad solutionem continentur. Primò enim requiritur, vt persona solues, vel illa, cui soluitur, sit habilis, & idonea persona. Quia prodigus, furiosus, pupillus, quamuis debeant, non tamen sine tutorum curatorumve autoritate rectè soluunt, nec iis soluitur, Dd. in l. non omnis, ff. de reb. cred. l. quod si fortè, & l. pupillo, ff. eod. Secundò requiritur, vt actualis sit satisfactio, propter res incorporales, quæ sicuti tradi nò possunt, ita nec solui: imò satisfactio, quæ fit siue pignoribus, siue fideiussoribus, volente creditore, pro solutione habetur, l. satisfactio, ff. eod. Tertiò requiritur, vt solutio legitimè, & secundum conuentionis legem fiat. Non enim inuito creditori, alio loco, quàm quo conuentum est, rectè soluitur, l. i. & l. pen. ff. de eo, quod certo loco, aut alio tempore: nisi à citeriore; tempus enim adiectum debitoris gratia videtur, l. quod ad diem, ff. eo. Aut in alia moneta; nisi creditoris nihil intersit, l. Paulus, ff. eod. Deinde, totum quod debetur, est soluendum, ad hoc, vt contingat liberatio, l. etiam, eod. Neque enim per partes solutionem admittere creditor compellitur, l. tutor, ff. de vsuris. Et quidem ita soluendum, ne quo modo res auferti possint, siue in specie debeantur, siue in genere, l. qui sibi, & l. si rem meam, ff. eod.

Quis Finit, & Effectus?

Extinctio obligationis, non tantum principalis, sed etiam accessoria. Quia solutione eius, quod debetur, omnis tollitur obligatio: adeò vt & pignora, & hypothecæ soluantur: nec, per soluta sorte, retineri possint ob solas vsuras, nec fideiussor ex fideiussione facta manet vltèrius obligatus. Simul enim cum ipsa obligatione tolluntur omnia, quæ ei accedunt, & ve-

luti appendent, l. per retentionem, C. de v. furis, & l. solutum, §. si in sortem, ff. de pign. act. Nec interest, quis soluat, vtrum ipse qui debet, an alius pro eo. Si tamen fideiussor soluerit, interest, an debitoris nomine, vel suo proprio nomine soluerit. Nam si debitoris nomine, debitor principalis ipso iure liberatur ab obligatione: secus si proprio nomine. Eo enim casu, non ipso iure, liberatur debitor, sed exceptionis, ex facto fideiussoris competentis adminiculo, l. Papinianus, ff. mandati, l. Stichum, aut Pamphilum, §. mandato, ff. de solut.

Quæ Affinia?

Acceptilatio, nouatio, delegatio, confusio, oblatio, consignatio, depositio, compensatio, transfusio, bonorum cessio, rei interitus, iusiurandum, pactum de non petendo. Omnia enim hæc obligationes solvunt.

Quid est Acceptilatio?

Acceptilatio est, liberatio per mutuam interrogationem, qua vtriusque contingit ab eodem nexu liberatio, siue absolutio, vt Modestinus definit in l. 1. ff. eod. Et necesse est, quod per stipulationem debeat id, quod per acceptilationem tollitur, ideoque si alio contractu debeat, necesse est, quod nouetur per stipulationem, & huius effectus est, qui & solutionis: quia acceptilatione omnimodò ab obligationis nexu contingit liberatio, l. si acceptò, ff. eod.

Quid Nouatio?

Nouatio est, prioris debiti in aliam obligationem civilem, vel naturalem transfusio: nec refert vtrum prius fuerit civilis, vel naturalis, re, verbis, vel qualitercunque contracta, l. 1. §. 8. ff. eod.

Quid est Delegatio?

Delegatio est, cum quis vice sua debitorem suum consentientem delegat creditori suo: ita vt debitor promittat per stipulationem debitum creditori: fit enim delegatio, vt Vlp. ait, vel per stipulationem, vel per litis contestationem, l. delegare, ff. de nouat. Ad hoc tamen, vt delegatio procedat, requiruntur. 1. Mandatum delegantis. 3. Voluntas, & consensus delegati. 4. Vt debitor promittat debitum creditori per stipulationem, nomine delegantis, l. quamuis, ff. de nouat. & l. 1. C. de nouat.

Quid Confusio?

Confusio hîc dicitur, si vi successionis obligationes confun-

fundantur; Vt si reus debendi creditoris, vel econtrà creditor hæres debitoris existat, l. si debitor creditori, ff. de fideiuf.

Quid Oblatio, Consignatio, Depositi?

Oblatio, consignatio, depositio fiunt, cum congruo loco, & tempore res debita offertur, consignatur, & deponitur, liberantque debitorem, instar solutionis, ab obligatione, l. r. ff. de positi, l. consignatione, C. de solut. l. acceptam, C. de vsuris.

Quid est Compensatio?

Compensatio est, debiti, & crediti inter se contributio, l. r. ff. cod. quæ ideo necessaria est ad tollendam obligationem, pro rata quantitatis concurrentis. Quia interest nostra, potius nō soluere, quàm solum repetere, l. 3. ff. de compens.

Quid Transfusio?

Transfusio hīc dicitur, cum debitor deportatur, aliudve delictum committit, propter quod omnia bona publicantur. Eo enim casu, transfunduntur obligationes in fiscum: ita vt debitor, ipso iure liberetur, fiscusque obligetur creditoribus, tanquàm successor, l. si debitori, ff. de solut.

Quid bonorum Cessio?

Cessio bonorum fieri dicitur, quum debitor profiteretur se velle cedere omnibus bonis, & fortune suis, siue in iudicio, siue extra iudicium, coram, aut per nuntium, aut per epistolam, l. fin. ff. cod. Propter quam cessionem, debitor beneficium competentix habet, vt vltra, quàm facere possit, non condemnatur, l. 4. ff. de cess. bon. Nec tamen ea ab obligatione naturali, vel ciuili liberationem; sed tantum exceptionem inducit, l. vnica, & ibidem Dd. C. qui bo. ced. possint.

Quæ Pugnancia?

Prodigalitas, furor, minor ætas dantis, vel accipientis, non accedente tutoris, vel curatoris autoritate, simulata solutio, defectus traditionis, deceptio circa monetam, tempus, vel locus solutionis interueniens.

DE DONATIONIBVS.

TITVLVS XXIIII.

Continuatio.

Titulus iustus transferendi dominij est, ipsa donatio, cum liberalis in donando ad præstationem rei donatæ, iuris reme

remedio compellatur. Nam & hanc sibi quodammodò nobilitas legem imponit, ut debere se, quod spontè tribuit, existimet: Et nisi in beneficiis suis creuerit, nihil se præstitisse putet, ut ait Gregorius in c. 1. extr. cod.

Quid est Donatio?

Donatio est, mera liberalitas, qua id, quod nullo iure cogente debetur, conceditur, dict. cap. 1. extr. cod. & l. donari, ff. eodem.

Vnde dicitur Donatio?

Donatio dicitur à dono, quasi doni datio, l. senatus, §. donatio, ff. de donat. causa mor.

Quotplex est Donatio?

Julianus in l. 1. ff. eod. triplicem commemorat donationem: scilicet, puram & simplicem, conditionalem, & donationem ob causam, d. l. 1.

Quid est Donatio simplex?

Donatio simplex est, cum quis, ex mera liberalitate, purè, sine aliqua condicione, vel causa, dat, vel promittit, ut statim velis accipientis fieri: nec ullo casu ad se reuerti, l. 1. ff. eod.

Qua causa Efficiens?

Ius civile. Eo enim iure donationis ius ita constitutum est, ut necessitatem præstandi inducat, l. si quis argentum, C. eodem. Et libera donatoris voluntas, l. rem legatam, ff. de adimen. leg.

Qua Materia?

Res mobiles, & immobiles: quæ etiam alienari possunt: ob id res, quæ non alienatur, donari nequit.

Qua Forma?

Vt donator, per stipulationem, vel nudo pacto promittat, vel det rem, quæ donari possit, ex mera liberalitate: & si summam 500. aureorum excedat, insinuetur notioni magistratus. In rebus autem Ecclesiasticis, vel spiritualibus obseruetur forma alienationibus præscripta: scilicet, accedat consensus Capituli, vel Prælati, nullumque Ecclesiæ damnum ipsa respiciat, c. pastoralis, & c. fraternitatem, extr. cod.

Qui Effectus?

Condictio ex lege, quæ datur donatio contra donatorem, ad tradendam rem donatam, vel ipsius æstimationem, si non habet facultatem tradendi: præstaturque euictio, si donator quid dolo fecerit, l. si quis argentum, §. sin autem, C. eod. & l.

Aristo,

Aristo, ff. de donat. Quamvis enim olim ad donationis perfectionem necessaria fuerit, vel stipulatio, vel præsens traditio: iure tamen nouo ex hoc donatio non inuvalidatur, quòd stipulatio non intercessit, vel res tradita non est. Sed etiam nudo pacto ea perficitur, daturque inde actio, nempe condictio ex noua Iustiniani constitutione, d. l. si quis argentum.

Quæ Affinia?

Venditio, & alij contractus nominati. Nam hodiè donationes, exemplo venditionum, statim atque conuenit, perficiuntur; & pœnitentia exclusa, habent necessitatem traditionis, vt cæteri contractus nominati, l. si. C. de reuocan. donat.

Quæ Pugnantiæ?

Ingratitudo: ob quam ipsa reuocatur. Eius autem ingratitude plures sunt causæ, quas Gregorius IX. in c. fin. extr. eo. & Imperator in l. fin. C. de reuocandis donat. recensent. Sunt autem. 1. Si iniurias atroces in donatorem effundat. 2. Si manus impias inferat. 3. Si grate damnum rebus donatoris dederit. 4. Si vitæ eius fuerit insidiatus. 5. Si placitis, & conditionibus donationi adiectis parere nolit. Ob has enim ingratitude causas, donatio reuocari potest. Cuius ratio est. Ne cuiquam licentia sit, & alienas res rapere, & liberalitatem irridere donatoris, l. generaliter, C. de reuocandis donat.

Quid est Donatio conditionalis?

Donatio conditionalis est, quæ sub conditione concepta est: Vt donatio causa mortis, quæ consideratione impendentis mortis, aut periculi, rem in donatarium transfert. Hac tamen conditione, vt, post ipsius obitum, res maneat potius penes donatarium, quàm hæredem donantis: vel si is conualuerit; malit se habere, quàm ipsum donatarium, l. 1. ff. de donat. causa mortis.

Quot sunt Donationis causa mortis Species?

Iulianus in l. 2. ff. de donat. caus. mor. constituit tres. 1. Cum quis nullo præsentis periculi metu contreritus: sed sola mortalitatis cogitatione donat. Quod quidem exprimendum est, alioquin pura erit, etiam à moriente facta donatio, l. Scia, ff. cod. 2. Cum quis, imminente periculo commotus, ita donat, vt statim res fiat accipientis. 3. Si quis, periculo mortis non sic det, vt statim faciat accipientis: sed tum demum quum mors fuerit secuta: quæ donatio sub conditione pœdet. Superior statim quidem perfectâ est, sed sub conditione resoluitur, l. senatus, §. mortis, l. si alienam, ff. de donat. caus. mortis.

Quæ

Quæ causa Efficiens?

Voluntas donatoris, dominium rei donatæ, sub conditione expressa, si mors insecuta fuerit, in donatarium transferentis, d. l. senatus, & l. i. ff. eod.

Quæ Materia?

Omnes res mobiles, & immobiles, quæ in humanum commercium venire non prohibentur, & quæ testamento relinqui possunt. Vniuersitas tamen bonorum, non, nisi in vim fideicommissi, ita ut scriptus testamento, vel ab intestato hæres deducat quartam, mortis causa donari potest, l. scæuola, ff. ad Treb. Alc. ad l. licet, de pact.

Quæ Forma?

Ut donator, vel in scriptis, vel sine scriptura, stipulatione, vel nudo pacto, in iudicio, vel extra iudicium, coram quinque testibus, sub expressa conditione mortis insecuturæ, donatario præsentis donet, l. scia, & l. inter mortis, ff. de mortis causa dona.

Quis Effectus?

Retentio rei traditæ. Quod si non tradita sit, rei vindictio: quæ competit ad consequendam rem donatam, nulla obstante usucapione, l. senatus, §. i. ff. de donat. cau. mor. Expensæ tamen necessariæ, vel vtilis, per doli exceptionem recuperantur, l. si mortis, ff. eod. Alter effectus est, translatio iusti tituli usucapiendi, l. qui alienam, ff. de donat. cau. mor.

Quæ Affinia?

Mortis causa capio, legata, & aliæ ultimæ voluntates. Mortis tamen causa capio differt à donatione causa mortis. Quia in mortis causa donatione obligatur, qui donat, plerunque & eius hæres, & plerunque traditur statim res: sed mortis causa capio est, quando post mortem alicuius, aliquid datur alicui, causa conditionis implendæ, vel, quicquid, propter alicuius mortem obuenerit, lucri, siue ex donatione, siue alia occasione, id generaliter mortis causa capi, & capio, ex causa lucrativa acquisitio dicitur, l. si mulier, & l. mortis, ff. de mor. causa donat. Distat etiam donatio causa mortis à legato: quod legatum regulariter præstatur ab hærede: donatio autem plerunque à donante. 2. In legatis inspicitur, utrum legatarius capax sit legati: sed in donatione causa mortis, conditio donatoris attenditur, l. senatus, §. si quis, ff. eod. Plures differentias vide in gl. Instit. eod. tit. §. hæ mortis.

Quæ

Quæ Pugnantiâ?

Pœnitentia, & mors donatarij, si ante conditionem donationis impletam contingat. His enim duobus modis, donatio mortis causa resolvitur: quæ resoluta conditio personalis, vel vilis in rem actio, ad recuperationem rerum donatarum competit, l. senatus, & l. si mortis, ff. eod.

DE PECVLIO CLERICORVM.

TITVLVS XXV.

Continuatio.

CLerici, licet de peculio indifferenter donationem simplicem facere possint: tamen pietatis ratio suadet, vt quæ intuitu Ecclesiæ quæsitæ sunt, Ecclesiæ remaneant, c. i. extr. de testa. & c. a. fin. extr. eod.

Quid est Peculium?

Peculium dicitur pusillum Patrimonium, seu pusilla pecunia, seruo à domino, vel filiofamilias à patre concessa, & scorsim à rationibus domini, vel patris posita, l. depositi, §. peculium, ff. de peculio.

Quotuplex Peculium?

Quadruplex: puta, profectitium, aduentitium, castrense, & quasi Castrense. Profectitium est, quod ex re patris, eiusve occasione, ad filium proficiscitur. Et hoc acquiritur patri, quò ad proprietatem, & vsumfructum, glo. in l. cum oporteat, C. de bon. quæ lib. Aduentitium est, quod non ex re patris, sed aliunde, scilicet ex donatione, successione, vel ex prosperitate fortunæ provenit, d. l. cum oporteat. Et huius peculij proprietas filio, vsumfructus autem patri acquiritur. Castrense peculium est, quod à parentibus, vel cognatis in militia donatum est, vel quod ipse filiusfamilias in militia acquisiuit, quod, nisi militasset, adquisiturus non fuisset, l. Castrense, ff. de Castrensi peculio. Et hoc quò ad proprietatem, & vsumfructum ad filium spectat. Demum, quasi Castrense peculium dicitur, quod filiusfamilias aduocatus, ex causarum patrociniiis, præfectus, magistratus, vel aliàs in officio constitutus, ex functione, vel publico munere; procurator, notarius, opera sua, vel clericus ex sacerdotiorum prouentibus acquisiuit, l. fori tui, C. de ad

de aduo. diuersi. iud. & ibi Dd. & Bar. in rub. de pecul. cuius peculij proprietates, & vsus fructus simul ad filium familias spectant. Cum igitur conquesta ex prouentibus sacerdotiorum eius naturæ, cuius & bona peculij quasi Castrensis, censeantur. hinc queri solet: an clericus, pro libitu illa alienare possit? Et distinguitur inter alienationem, quæ contingit per actus inter viuos, & quæ per vltimam voluntatem: quoniam potest quidem illa in vita sua prout vult, administrare, & distrahere: non autem testamentario, vel successorio nomine alicui hæredum, pro hæredumque relinquere: nisi forsan cui Episcopus pro seruitijs, ac præstatione Ecclesiæ largiri voluerit, c. si quis sanè, extr. cod. Quia de rebus Ecclesiæ, vel Ecclesiæ intuitu quæstis, testari prohibetur, cum illa Ecclesiæ, vnde prouenerunt, remanere debeant, c. 1. ext. de testamentis. Præsumitur autem de bonis Ecclesiæ quæstum, quicquid à rectore Ecclesiæ tempore promotionis nihil habente, quæstum est, c. 1. ext. cod.

DE TESTAMENTIS, ET vltimis voluntatibus.

TITVLVS XXVI.

Continuatio.

Clericus de rebus Patrimonialibus pro libitu disponere potest, easque per viam testamenti, vel aliam vltimam voluntatem, alicui relinquere.

Quid est Testamentum?

Testamentum, secundum Vlp. in l. 1. ff. cod. est voluntatis nostræ iusta sententia, de eo, quod quis post mortem suam fieri velit: ex eo appellatum, quasi testatio mentis sit.

Quotuplex Testamentum?

Tria testamentorum genera olim vsurpata fuerunt. Vnum, quod, calatis comitiis in concione populi fiebat. Alterum, in procinctu, cum viri ad prælium faciendum vocabantur. Tertium, per familiæ emancipationem, cui æs & libra adhibebatur, Gellius libr. 1 §. cap. 27. Quibus abolitis, duplex testamenti genus: scilicet solenne & nuncuparium, successit. Dicitur autem solenne, quod debitis solennibus obseruatis, in scriptis cum subscriptione, & consignatione septem testium
omni

omni exceptione maiorum, conditum est, l. hac consultiſſima, C. eod. Nūcupatiuum autem, quod absque ſcriptura, nūcupato tantum coram ſeptem teſtibus, rogato adhibitis, hærede, Alc. lib. 2. parer. cap. 3 2.

Qua causa Eſſiciens?

Ius gentium, ſecundum Theophilum in §. 1. Inſtitut. de iure Natu. Gen. & Ciuili, qui teſtamenti factionem iuris gentium eſſe aſſerit, licet forma teſtandi vntium moribus fuerit variata. Nunc autem iute ciuili certa præſcripta, qua, ratione teſtium, ſubſcriptionis, vel ſigillationis, alteriusve ſolennitatis requiſitæ, vitiata, totus actus concidit, l. ſi vnus, C. de teſtam. l. ſcio, ff. de teſtibus.

Qua Materia?

Omnia bona teſtatoris, tam mobilia, quam immobilia. Quia de omnibus rebus teſtari licet, in quibus hæres inſtitui poteſt. Cùm igitur hæres iuris ſit ſucceſſor, non poterit hæres in re aliena inſtitui: quia in ea nihil iuris ad hæredem à teſtatore deuoluitur, l. interdum, ff. de hæred. Inſtit.

Qua Forma?

Forma ſolennis teſtamenti eſt, vt teſtator habens teſtamenti factionem, ſcribat teſtamentum, vel alium ad ſcribendum adhibeat: in quo inſtituat hæredem capacem, poſtque ſubſcriptionem, & ſigillationem offerat ſeptem teſtibus ad hoc rogatis, & omni exceptione maioribus, debitis ſubſcriptionibus, & conſignationibus confirmandum, l. hac conſultiſſima, C. eodem.

Forma nūcupatiui teſtamenti eſt, vt nulla ſcriptura interueniente, teſtator coram ſeptem teſtibus voluntatem ſuam declaret: nec ad eius ſubſtantiam ſcriptura pertinet, licet teſtatoris voluntas coram teſtibus declarata quandoque in ſcripturam redigatur, argum. l. contrahitur, ff. de pign. act. Nec aliter hoc teſtamenti genus à ſolenni differt, quam quòd in ſolenni celetur, in nūcupatiuo autem exprimitur voluntas. Omnia etiam requiſita, quæ in ſolenni teſtamento deſiderantur, & nūcupatiuo teſtamento adhiberi debent, excepta ſola ſcriptura, ſubſcriptione, & ſigillatione teſtium. Requiritur autem ad ſolenne teſtamentum. 1. Vt teſtator habeat teſtamenti factionem actiuam: hoc eſt, vt poſſit condere teſtamentum, de quo habentur tituli in C. & ff. qui teſtamentum facere poſſint. 2. Vt fiat inſtitutio hæredis, qui habeat teſta-

menti factionem passuam : id est, hæres in testamento institui non prohibeatur, de quo in tit. de hæredibus instituendis, C. & ff. 3. Si testator literas norit, ut propria manu testamentum scribat ; aut si non velit, vel non possit, alio scribente, se subscribat. 4. Præsentia septem testium, præter eum, qui loco testatoris scribit. 5. Quod illi testes sint ad hoc rogati, & non casu accesserint, l. hæres palam, ff. eod. 6. Ut illi testes sint omni exceptione maiores, non mulieres, impuberes, serui, muti, surdi, furiosi, prodigi, vel potestati testatoris subiecti. 7. Quod testes se subscribant, si possint ; non autem unus pro alio. 8. Ut testes consignent propriis annulis, vel alienis, si proprios non habent, l. si unus, eod. 9. Ut illa omnia vno contextu, nullo alieno actu interueniente, fiant : nisi humana necessitas aliud coegerit, l. cum antiquitas, C. de testamen. Vltimò denique requiritur : quod testes sint in præsentia, & conspectu testatoris, ipsique oculis videant, Et prædicta adeo sunt necessaria in testamento solenni, ut si vnum deficiat, vitietur testamentum, ob defectum solennitatis : nisi parens testetur inter liberos : quia tunc duos testes adhibere satis est, d. l. hac consultissima, §. ex imperfecto, & ibidem Dd. C. eod. Vel ad pias causas : valet enim vltima voluntas ad pias causas, coram duobus testibus declarata, cap. relatum, extra. eodem. Imò testamentum, quod Parochianus coram presbytero parochiali, & duobus testibus ordinauit, iure Canonico subsistere, Alexander I I I, decreuit, cap. cum tu esses, extra. eodem.

Quis Finis, & Effectus?

1. Successio in vniuersum ius, quod defunctus habuit. Testamentarius enim hæres, in ius defuncti succedit. 2. Petitio hæreditatis, quæ datur etiam ipsi instituto hæredi, aduersus eum, qui ius, vel res hæreditarias, pro hærede, vel pio possessore possidet, l. regulariter, de petit. hæredi.

Quæ Affinia?

Aliæ vltimæ voluntates, quæ licet careant solennitatibus, eundem tamen, vel non multum diuersum à testamentis habent effectum : Ut sunt, testamenta inter liberos, ad pias causas, inter rusticos, tempore pestis, aut belli, per preces, Principi, vel magistratui oblatum testamentum, vel apud acta, coram iudice factum, & codicillus. Ad testamentum inter liberos sufficiunt duo testes, siue masculi, siue foeminae, de quo habetur

betur in d.l.hac consultissima, §. ex imperfecto, cum authent. seq. C. de testam. & l. fin. C. famil. herciscun. Testamenti ad pias causas ratio non secundum leges, sed secundum decretorum statuta, quibus ad valorem tres, vel duo testes legitimi sufficiunt, exigitur, de quo in cap. relatum, extra. eodem. Testamentum rustici, adhibiti quinque testibus conditum, subsistit, l. fin. C. eod. Testamentum militare, si in castris, vel expeditione à milite fiat, etiam omnibus destitutum solennibus, modo duorum testium depositione possit probari valet: Adeò vt si in conflictu hostium miles sanguine suo in gladio voluntatem ultimam notauerit, vel pulueri digito inscripserit, testamenti habeat vigorem, l. milites, C. de militari testamento. Testamentum tempore pestis coram duobus, vel tribus testibus, conditum, etiam subsistit: nam illud instar militaris testamenti iuris gentium, (quod hunc testium numerum exigit) esse censetur, multòque magis periculum morbi, ipsa testatoris voluntas, quàm in aliis testamentis requisita solennitas attenditur, Bart. in l. vii. ff. de bonorum poss. ex testamento militis. Testamentum coram Principem factum, dicitur, quod Principi, vel magistratui offertur, quorum approbatio omnem solennitatem supplet, l. omnium, C. eodem. Testamentum apud acta fieri dicitur, non modò, quod sit in iudicio; verùm etiam quod extra iudicium, in præsentia iudicis, vel magistratus, & notarij publici. Est enim testamenti factio, voluntaria iurisdictionis, ideò vt in loco publico expediatur, non requiritur; sed tantùm, vt coram iudice explicata in acta publica referatur, Salicetus in l. pacta nouissima, C. de pactis. Codicillus est, vltima voluntas, qua, sine solennitatibus requisitis, per fideicommissum aliquid relinquitur, l. fin. C. de Codicill. Nam solennitates: scilicet, septem testium numerus, rogatio, subscriptio, & subsignatio, hic non requiruntur: sed tantùm quinque adhibentur testes. Deinde, nec dari, vel adimi hæreditas: & proinde nemo litteres codicillis institui potest, ne confundantur iura codicillorum, & testamentorum, l. 2. ff. de iure Codicill. iure Codicillorum. Conficiuntur autem quatuor modis codicilli: Aut enim in futurum confirmantur testamento, aut in præteritum, aut per fideicommissum testamento non iure facto, aut sine testamento, ab intestato, l. 8. ff. de iure codicill. Et denique reuocantur per subsequens testamentum, aut codicillos contrarios, licet, si codicilli diuersi sint, subsistant utriusque, l. 3. C. de codicill.

Quæ Adiacentia?

Institutiones, substitutiones, exhæredationes, legata, & fideicommissa. Institutio quidem caput, & fundamentum testamenti est, qua omissa, ipsum non subsistit, l. i. ff. de hæred. instituend. Et est Ordinatio, qua quis in bonis suis aliū dominum, qui ea per additionem hæreditatis adipisci possit, constituit, l. cum hæredes, ff. de acquir. vel ret. possessio. Substitutio est, in locum cuiuscunque hæredis instituti deficientis suppositio: quæ vel directa, vel fideicommissaria est. Directa est, per quam substitutus directò, sine alterius ministerio hæreditatem capit testatoris. Et diuiditur in vulgarem, pupillarem, exemplarem, breuiloquam, & compendiosam. Vulgaris est, quæ à quolibet testamento factionem habente, cuilibet capaci, verbis apertis, & vulgaribus directè fieri, & in quemcunque casum concipi potest: sic appellata, quòd sit maxime communis, & vulgò fieri soleat, Bart. & Dd. in l. i. ff. de vulg. & pupill. Pupillaris substitutio est, Ordinatio hæredis, à patre in testamento filio impuberi in potestate constituto facta, sub ea conditione, si impubes decesserit, Zasius in tractat. substit. cap. 2. Exemplaris substitutio dicitur, cum parentes vtriusque sexus substituunt furioso, vel mente capto eius descendentes, vel his deficientibus fratres, vel etiam extraneos: si scilicet neque ascendentes, neque etiam fratres supersint. Dicta exemplaris, quia ad exemplum pupillaris introducta est. Breuiloqua: quæ continet duas vulgares, & duas pupillares substitutiones: Vt cum duo impuberes in potestate constituti, instituti à parente sibi inuicem reciprochè substituuntur. Compendiosa est, quæ verborum compendio, ultra pubertatem porrigitur, & plures etiam substitutiones, seu tempora complectitur, l. precibus, C. de impub. & aliis substitut. Fideicommissum, seu fideicommissaria substitutio est, per quam substitutus hæreditatem ex manu alterius, & sic via obliqua capit, de qua titul. in C. de fideicommiss. & ff. ad senatusconsult. Trebell. Legatum est; vt ait Florent. in l. legatum, ff. de leg. i. delibatio hæreditatis: quia testator ex eo, quod vniuersum hæredis foret, alicui quid collatum vult. Exhæredatio est, liberorum ab hæreditate, & succedendi iure exclusio, propter causam in testamento insertam, & legitimè probatam, à parentibus facta. Sunt autem xiiii. causæ, ob quas exhæredatio filiorum fieri potest: quæ notantur in §. aliud quoque, authen. vt cum de appellatio. cogn. collat. 8.

Quæ Pugnancia?

1. Defectus requisitorum. Nam si testamentum careat solennitatibus, vel qua alia re, quæ necessario desideratur, (nisi aliqua iusta causa ipsum sustineat) tunc nullum, iniustum, & nõ iure factum dicitur. 2. Modi, quibus testamentũ rumpitur. Rumpitur autem primò, per agnationẽ sui hæredis: naturalem putà, vel ciuilem: quod fit, si post testamentum factum natus fuerit posthumus, vel testator aliquem, qui per adoptionem in eius transeat potestatem, adoptauerit, vel arrogauerit, l. 1. ff. de iniusto rupto, & irrito facto testam. Secundo: rumpitur per posterius testamentum: cum testator à priore dispositione discedere & ad extremum vitæ exitum mutare voluntatem possit, l. 4. ff. de adimen. leg. 3. Modi, quibus testamentum fit irritum, scilicet maxima, vel media capitis diminutione, deportatione, vel condemnatione ad pœnam capitalem, ipsius testatoris, l. si quis filio, ff. de iniusto rupto, & irrito facto testam. 4. Modi, quibus inofficiosum redditur testamentum: & dicitur inofficiosum, quod contra pietatis officium factum est. Quod contingit, si parentes, absque legitima exhæredationis causa, prætereant liberos: pari ratione si liberi parentes, descendentibus non existentibus, vel fratres, sororesque vtrinque coniuncti, turpi persona instituta, se prætereant. Ob id prædictis præteritis personis datur contra quoscunque hæredes subsidiarium remedium; ad rescindendum tale testamentum. Hoc est, querela inofficiosi testamenti, qua petitur, vt iudex testamentum ex officio suo rescindat, quasi contra pietatis officium conscriptum, l. 2. ff. de inoff. testam. l. fratres, C. codem.

DE SVCCÉSSIONIBVS

AB INTESTATO.

TITVLVS XXVII.

Continuatio.

HÆreditas duplici iure defertur: vel ex testamento, quæ testamentaria; vel ab intestato, quæ propriè legitima nominatur; quoniam eam lex ipsa absque hominis facto defert.

Quis dicitur intestatus?

Intestatus quis decedere dicitur quatuor modis; scilicet, si nullum omnino fecerit testamentum; vel fecit, sed non iure; vel iure fecit, sed postea ruptum, irritumque factum est; vel ex eo nullus hæres extitit, l. intestatus, ff. de verb. sign. & l. i. ff. de suis, & leg.

Quomodo Intestati successio legitimè deferatur?

Primò liberis; secundò parentibus, & cum eisdem, fratribus; terriò à latere coniunctis, habita propinquitatis, & coniunctionis ratione. De quo habetur in Nouell. 118. & authen. cessante, & auth. post fratres, C. de leg. hæredibus.

Quomodo Clerico Intestato decedenti succeditur?

Holistensis in §. qualiter, hoc tit. ita distinguit: Aut clericus Patrimonialia bona intestatus decedens reliquit: & tunc propinquiores cognati illi succedunt, cap. fin. 12. q. 5. cap. ult. §. sed si Episcopus: quibus non existentibus, Ecclesia admittitur, cap. relatum, 12. quæst. 5. ita tamen, ut vxor, si quam clericus habet, Ecclesiæ præferatur, l. si quis presbyt. C. de Episc. & cler. Aut bona intuitu Ecclesiæ quæsitæ reliquit: & Ecclesia omnibus præfertur, intantum ut nec de ipsis dispositio vltima valeat, cap. 1. extra. de testamen. Quòd si autem omnia bona ita sunt confusa, ut quid Patrimoniale, vel ab Ecclesia sit, secerni non possit: in quatuor partes peculium est diuidendum, & una pars Ecclesiæ, altera Episcopo, tertia pauperibus, quarta patentibus idoneis assignanda, cap. sancto, extra. eod. Quod quidem obtinet, si pecunia verè confusa esse constet. Nam si dubitetur, fueritque clericus tempore suæ promotionis egens, quicquid post Ordinationem acquisiuit, id totum de bonis Ecclesiæ acquisiuisse præsumitur, & ideò sola Ecclesia ad intestati successionem admittitur, cap. 1. extra. de pecul. cleric. & cap. quicumque, 12. quæst. 3.

DE SEPULTVRIS.

TITVLVS XXVIII.

Continuatio.

Non tantum de bonis testatorum, quam intestatorum de mortuorum legitime distribuendis: sed etiam quomodo Christiani pij, & Catholici corpus ab anima relictum, iuxta morem consuetum, sepulture mandetur, cura & sollicitudo Episcopi incumbere debet.

Quid

Quid est ius Funerandi?

Ius funerandi est, potestas tumulandi Christianorum corpora in cœmeterio Ecclesiastico, ex assignatione Pœtificis, vel consuetudine Ecclesiæ proueniens, Hostiens. eod. titul. §. quid ius funerandi.

Quæ causa Efficiens?

Canon, consuetudo funerandi, authoritas Pontificis, vel Episcopi, cap. sicuti antiquitus, 17. quæst. 4. Licet enim sepulchra quilibet facere possit in re propria, & in sepulchro proprio, siue communi ius funerandi habeat; locus tamen sacer non sit, nisi Episcopi authoritate accedente, Myns. §. religiosum, Instit. de rerum diuis.

Quod Obiectum?

Corpora Christianorum ex hac vita piè, & religiose decedentium, cap. qui diuina, 3. quæst. 2. Hinc colligi potest quibus sepultura deneganda sit: scilicet, paganis, hæreticis, vsurariis, detrectantibus Ecclesiæ persolvere decimas iniuste possessas, excommunicatis, furibus, latronibus, raptoribus, apostatis, seipso interficientibus, & propter propria commissa scelera interfectis, cap. Ecclesiam, dist. 5. cap. fures, extra. de furtis, cap. quia in omnibus, extra. de vsuris, cap. placuit, 23. quæst. 5. cap. neque apud, 88. dist. Vide etiam plures casus in Hostiens. §. quibus interdicatur, hoc tit. & Panorm. in tract. de visit. 2. parte, quæst. 3. num. 56.

Quæ Forma, & modus sepeliendi?

Vt Christianus hinc piè discedens, in Parochiali Ecclesia, vel vbi maiorum suorum sepulchra constituta reperiuntur, aut quem locum ipse sibi delegerit, consueto more sepeliatur, cap. placuit, 13. quæst. 2. cap. 1. extr. eod. cap. is qui, & calicet, eod. tit. in 7. Testatur Augustinus ad Marcellinũ, De ciuitat. Dei, Romanis magnam sepulturæ fuisse curam, multaque, & varia solennia adhibita fuisse; hinc multa de religione sepulchrorũ, & pœnæ legibus additæ; in eum qui hoc, vel illud commiserit: vt, qui parentes in calamitate deseruerit, qui causas mortis non redemerit, qui alterum iniuste trucidauerit, insepultus abiiciatur. Vnde Cicero, pro Milone, cò infœlicius dixit cadauer Publij Clodij fuisse, quòd honore illo, & cõsuetata funeris pompa caruerit. Recenset etiam Cicero lib. Tusculana. morem fuisse Ægyptiis condire mortuos, & domi seruare. Persis cerâ circumlitos, vt quàm maximè diuturna permaneant corpora, habere. Magis non humata corpora, nisi a

feris sint antea dilaniata. Fuit etiam apud Ethnicos vetustissima humandi, & sepeliendi hominum corpora consuetudo: sed successu temporis, cum ab hostibus humatorum corporum reliquiae, in contumeliam ex terra crebrius eruerentur, cadavera demortuorum hominum igne conflagrari, & consumi, ut tantae exercendae iniuriae facultas hostibus absunderetur, mos irrepsit.

Quis Effectus iuris Funerandi?

Perceptio portionis canonicae, aliarumque rerum Ecclesiae relictarum, ab eo, quem sepulturae tradi religiosum fuerat: secus, si ob delictum, vel aliam causam sepeliri fuerit prohibitus. Hoc enim casu sepeliens ipso facto excommunicationis sententiam incurreret, à qua, nisi prius ad arbitrium dioecæsani Episcopi, iis, quibus iniuria irrogata fuerit, satisfactionem competentem exhibuerit, absolui non poterit, nullo privilegio exemptionis ei suffragante. Clemen. 1. eod. tit. Imò qui ita contra Canones sepulturae traditi sunt, si eorum corpora à corporibus fidelium discernantur, exhumandi sunt; quòd si discerni non possint, ne forsitan fidelium reliquiae effodiantur, non sunt extumulandi. Licet enim non ob sit cunctis sepultura nulla, vel vilis; impiis tamen celebris, vel speciosa non prodest, cap. sacris, extra. eod. Est & iuris funerandi effectus actio funeraria, de qua infra, eod. titulo.

Quotuplex est portio Canonica?

Duplex, Parochialis, & Episcopalis. Parochialis dicitur portio, quae Parochiali Ecclesiae, vel ipsius Curato, & Rectori debetur.

Quae causa efficiens Canonicae portionis Parochialis?

Causa efficiens sunt, Conciliorum decreta, & Bonifaciana, vel Clementina constitutio, cap. cum super, extra. eodem. Clemen. 2. eod. titul.

Quae causa Impulsiva?

Ipsa aequitas, ut Parochialium Ecclesiarum rectores, impenso laboris aliquod habeant subleuamen. Clem. 2. eod.

Quod Obiectum?

Canonicae portioni praestationi obicitur debitum seruitium, & munus Rectoris Ecclesiae, quod ipse summo pieratis seruire obire tenetur: in eius enim quae remunerationem Canonica portio soluitur.

Quae

Que Materia?

Omnes res corporales, & incorporales, mobiles & immobiles, quæ alij Ecclesiæ extra eam, in qua quis diuina officia audit, & Sacramenta percipit, relinquuntur, ex quibus Canonica portio parochialis Ecclesiæ Rectoris exoluenda detrahatur.

*Que Forma constituenda Canonica portio-
nis parochialis?*

Vt, quis aduersa valetudine laborans in alia Ecclesia, si extra eam, in qua diuina officia audiuit, vel sacramenta percipit, sepulturam elegerit, eidemque res aliquas reliquerit, quarum rerum coniunctione, vel computatione facta, detrahatur quarta pars, vel etiam tertia, vel dimidia, si hoc consuetudinis sit, & Rectori, vel Curato parochialis Ecclesiæ concedatur, Clem. 2. & c. cum super, ext. eod. c. certificari, extr. eod. & cap. vobis, 1 2. q. 2. Dico: (*aduersa valetudine.*) Quia duo excipiuntur casus, quibus canonica portio, de rebus alteri Ecclesiæ relictis, non detrahatur: scilicet, primo, si quis sanus, & nulla ægritudine correptus alij Ecclesiæ, extra propriam parochiam, quid reliquerit: bona enim sua tunc non tantum religiosis, sed etiam priuatis quibuscumque conferre potest, c. donare, 88. dist. Altero, si pro fabrica, anniuersario, pro equis, armis, contra infideles exercendis, vel ad perpetuum cultum diuinum in infirmitate constitutus reliquerit. Non enim, his casibus, detrahatur canonica portio: nisi in fraudem parochialis Ecclesiæ hoc factum probetur.

Qua causa Finalis?

Ne Rectores parochialis Ecclesiæ, vel ij, quibus cura animarum commissa est, debitis fraudentur subsidiis. Nam cum cuiuslibet liceat, etiam extra illam Ecclesiam, in qua diuina percipit, sibi in alia Ecclesia sepulturam deligere, ne quis immemor parochialis Ecclesiæ, à qua bona accepit, largis donis aliam amplectatur, iure statutum est, ut de relictis quarta, vel amplior pars, si moris sit, detracta Rectori parochiæ adiudicetur, d. Clem. 2.

Quid est portio Episcopalis?

Portio Episcopalis est, quarta pars, quæ de oblationibus, & redditibus, ratione altaris prouenientibus detrahatur; & Episcopo, propter onus Episcopale, quod ei incumbit, conceditur, Hostien. in §. de quibus, hoc tit.

Quæ causa Efficiens?

Canon, vel statutum Pontificis, Episcopo de redditibus, & oblationibus canonicam portionem concedentis, cap. concessio, l. 2. quæst. 2.

Quæ Materia?

Omnes oblationes, & redditus, ratione altaris provenientes, in quibuscunque rebus illa consistant: de quibus tamen relictis parochialis portio non detrahitur, nec Episcopalis detrahenda erit, cap. fin. extr. de Testa. & c. cum inter, extr. de verb. sign.

Quæ Forma constituenda huius portionis?

Vt facta distributione reddituum, & oblationum in quatuor partes, una Episcopo, altera clero, tertia pauperibus, quarta fabricæ detur. Redditus enim, & oblationes fidelium in quatuor partes diuidenda, variis Canonibus cautum est. Quarum prima Episcopo, eiusque familiæ, propter hospitalitatem, & susceptionem debetur; altera clericis, pro officiorum suorum sedulitate, distribuitur: Tertia fabricæ, & Ecclesiæ, religionisque domibus reparandis impenditur: Quarta in pauperes, & peregrinos erogatur, c. concessio, c. Vulturana, c. mos est, c. vobis, & c. de redditibus, l. 2. q. 2.

Quæ causa Impulsiva?

Est ipsa æquitas. Quia æquum est, vt onere grauatus commodis subleuetur, c. Romana, de cens. in 6. & Hostien. in §. & vtrum, vers. quis ergo, eod. tit.

Quæ causa Finalis?

Vt tanto decentius, & honestius Episcopus se alat, hospitaliorque erga pauperes existere possit, non debet Canonica portio, propter onus Episcopale, sibi debita, priuari, Host. d. §. & vtrum, vers. Episcopus, eod. tit.

Quæ Affinia Episcopali portioni?

Parochialis portio: quæ cum episcopali pari passu ambulat. Procuratio, & cathedraticum. Procuratio est, quæ ratione visitationis, vel pacti, vel consuetudinis; vel priuilegij Episcopo debetur. Cathedraticum verò, quod in signum subiectionis; vnde nec ipsum in alium transferri potest, exoluitur, c. pastoralis, extr. de donat.

Quæ Adiacentia?

Sepulchrum, monumentum, & impensæ. Sepulchrum dicitur, locus, vbi corpus, ossaue hominum condita sunt; & differt

fert à sepultura, quæ pro officio, quod sepeliendis impenditur, vsurpatur, cap. percipiendum, 1. 2. quæst. 1. Monumentum est, quod memoriæ seruandæ causâ existit; dictum à muniendo, quasi causâ muniendi eius loci factum sit, in quo corpus impositum est, l. funeris, §. monumentum, ff. de religiof. & sumpt. Sed melius Florentinus in l. monumentum, cod. Ait enim: monumentum, generaliter res est, memoriæ causâ in posterum prodita, in qua si corpus, vel reliquæ inferantur, fiet sepulchrum: si verò nihil eorum inferatur, erit monumentum memoriæ causâ factum, quod Græci *μνηστέριον* appellant. Impensæ recuperantur actione funeraria ad id propriè introducta contra hæredes. Actio funeraria, inquit Vlpianus, oritur ex bono, & æquo. Continet enim funeris causâ tantum impensam, non cæterorum sumptuum: æquum autem accipitur ex dignitate eius, qui funeratus est, ex causâ, ex tempore, & ex bona fide, vt neque plus imputetur sumptus nomine, quàm factum est, neque tantum, quantum factum est, si immodicè factum est, l. & quis, §. hæc actio, ff. de relig. & sumpt.

Quæ Pugnania?

Pactum, & promissio de funerando, hæresis, apostasia, vsura, sui ipsius interfectio, blasphemix diuini nominis, excommunicatio, suspensio, homicidium: Et alia omnia delicta, ob quæ sepultura denegatur: vt furtum, latrocinium, &c.

AXIOMATA, ET SENTENTIÆ.

Quota sit canonica portio debita Ecclesiæ Parochiali, attenditur loci consuetudo: aliàs quarta pars relictorum esse censetur, cap. certificari, extr. eodem, & cap. vobis, 12. quæstio. 2.

Decedens intestatus sepeliatur in sepulchro maiorum, licet ipse eligere possit aliam sepulturam in alia Ecclesiâ, quo casu Ecclesiâ parochialis habebit canonicam portionem eius, quod reliquit Ecclesiâ, in qua sepultus est, cap. nos instituta, extr. eod.

Si uxor sepulturam non eligat, tenetur sequi sepulturam ultimi viri, si plures habuerit.

Non potest quis etiam iureiurando à seipso abdicare liberam

beram eligenda sepultura potestatem, cap. 1. eod. tit. in 6.

Quibus non communicamus vinis, nec defunctis communicare debemus, c. 2. 24. q. 1.

Pro sepultura non possunt clerici aliquid exigere, nec consuetudo in contrarium valet. Possunt tamen ultro oblata accipere, gl. in c. abolenda, extr. eod.

DE PAROCHIIS, ET alienis Parochianis.

TITVLVS XXIX.

Continuatio.

Ius funerandi iuris parochialis species est, & parochiarum Rectoribus conceditur: quid igitur sit ius parochiale, scire conuenit.

Quid est ius Parochiale?

Ius parochiale est, administrandi diuina mysteria, & distribuendi populo vni Ecclesie deputato, ab eodemque percipiendi redditus, & oblationes, potestas, Hostien. §. in quibus, eod. tit.

Quid est Parochia?

Est locus, in quo degit populus alicui Ecclesie deputatus, certis limitibus constitutus, dicta ἀπὸ τοῦ παρὶς; quod præbere, vel largiri est: quia ibi fit sacramentorum distributio, c. plures baptismales, 1. 6. q. 1. & Hostien. ibi.

Qua causa efficiens iuris parochialis?

Est autoritas Pontificis, consuetudo, lex, Episcopi voluntas, & consensus Capituli, iuncta autoritate Episcopi. Sicut enim illi parochias certis limitibus determinando constituere, ita etiam earum Rectoribus iura parochialia concedere possunt: Licet & ipso iure, illa iura concessa esse videantur, cum, qui vult antecedens, velle etiam videatur consequens.

Qua Materia in qua, vel quod Subiectum?

Ius parochiale consistit in iure funerandi, iure decimandi, & percipiendi primitias, iure percipiendi oblationes, & denique iure percipiendi prouentus vndequaue debitos. c. vt dominicis, extr. eod.

Quod

Quod est Obiectum?

Est cura animarum sibi commissarum, de quibus parochialis Sacerdos Deo reddere rationem tenetur, si culpa sua perierint, c. 1. extr. de officio Archidiano. c. placuit, 1 6. q. 1. & c. requisivisti, extr. de testamen. Cura consistit in munere diuino obeundo, instruendo, & docendo populo suæ parochiæ deputato, administrandisque sacramentis, &c.

Quæ Forma constituenda Parochia?

Vt consensu Episcopi, vel superioris prælati locus certis limitibus definitus, in quo populus commoratur, alicui Ecclesiæ assignetur, Rectorque, qui huius populi, in salutifera institutione, distributione sacramentorum, administrandisque aliis diuinis officiis, diligentem curam habeat, constituatur, qui nec alienum parochianum, nisi de licentia sui Prælati, vel ad Ordines, vel ad sepulturas admittere debet, c. nullus, extr. eodem.

Quis Effectus?

Ipsa perceptio decimarum, primitiarum, oblationum, & prouentuum vndeque debitorum, ipsi Rectori parochialis Ecclesiæ, ob curam pro animabus sibi commissis habitam.

Quis dicitur Parochianus?

Parochianus dicitur ratione domicilij: vnde si quis transfert domicilium, parochianus dicitur illius Ecclesiæ, ad quam transfertur, c. fin. extr. eodem. Sed si in diuersis locis pariter degit, vtriusque Ecclesiæ parochianus intelligitur, l. assumptio, ff. ad municip. Quæsitum est de scholaribus: Et iure Canonico, si de licentia Prælatorum causa studiorum aliò proficiantur, parochiani sunt Episcopi, ad cuius Ecclesiam se conferunt, c. relatum, extr. de cler. residen. iure autem ciuili de eius fôto non videntur, nisi per decem annos ibi commorati fuerint, l. 2. C. de incol.

DE DECIMIS, PRIMITIIS, & Oblationibus.

TITVLVS XXX.

Continuatio.

IVS percipiendi decimas, primitias, vel oblationes, ad ius parochiale spectat, Rectoribusque parochialium Ecclesiarum,

Quid est Decima?

Decima est, quota bonorum mobilium licite quæstorum portio, Deo, tam diuina, quam humana constitutione debita, &c. Et dico, *Quota portio*: quia ipsa non ubique decima portio est, sed pro consuetudine locorum incerta, & varia. Consuetudo igitur attenditur in cognoscendo quotam istam, c. ad Apostolicæ, & cap. in aliquibus, extr. eod. Nec potest huius portionis certitudo exprimi, cum consuetudo sit quid facti: factum autem varium, & incertum, Dd. in l. certi conditio, ff. si cert. pet.

Quot sunt Decimarum species?

Dux: personales & prædiales. Personales sunt, quæ ex proventibus propria cuiusque solertia, & industria quæsitis deducuntur: scilicet, de negotiatione, artificio, militia. Prædiales sunt, quæ proueniunt ex ipsis prædiis, vel quæ de fructibus prædiorum penduntur: vt de fœno, de lana, de proventibus molendinorum, etiam eorum, quæ vento impellente agitantur, & de fructibus aliis, c. ex multiplici, c. 4. & c. seq. extr. eod. Sunt tamen, qui tertiam speciem, mixtam constituunt: sed ea sub alterutra, cuius naturam magis sequitur, continetur.

Quæ causa Efficiens.

Est lex diuina, quæ ita se habet: Decimas, & primitias non tardabis offerre, & quicquid decimum fuerit, sanctificabitur Domino, Exod. 22. & Leuit. vlt. cap. & c. reuertimini, 16. q. 1. Debebantur enim ex veteri lege quatuor genera decimarum. 1. Decimam partem omnium frugum Leuiticæ tribui populus ex lege debebat. 2. Rursus ex ipsis decimis Leuitæ, hoc est, inferiorum ministrorum gradus decimas dabant sacerdotibus. 3. Erant aliæ decimæ, quas vnusquisque de populo Israël in suis horreis separabat, vt comederet eas, cum iret in templum, in vrbe Hierusalem, & in vestibulo templi Sacerdotes & Leuitas inuitaret. 4. Erant illæ decimæ, quas pauperibus recondebant. Vnde illud: Qui bonis parentum, & opibus sustentari possunt, si, quod pauperum est, accipiunt, proculdubio sacrilegium committunt, & per abusionem talium, iudicium sibi manducant, & bibunt, c. 1. extr. eod. c. quoniam, 19. q. 1. & c. parochianos, extr. eod.

Quæ Materia?

Fructus rerum mobilium, & immobilium, & se mouentium, & lucra hominum ex negotiatione, artificio, vel militia,

tia, quaesita. Non ipsae res mobiles, immobiles, se mouentes, vel personae, quae ex aliqua negotiatione lucrum faciunt. Vnde de agro iuri decimandi obnoxio decima portio ipsius agri non praestatur, sed fructuum ipsius agri; & sic de aliis rebus, &c. De pascuis igitur, pensionibus domorum, prouentibus molendinorum, tam quae fluuiio, quam quae vento impelluntur, piscinis, furnis, balneis, argentifodinis, lapidicinis, fructibus omnium praediorum & arborum, ut pomis, piris, oleo, hordeo, tritico, &c. & quolibet genere frugum, & fructibus pecorum, ut lana, &c. & quauis negotiatione, artificio, vel militia hominum decimae exoluntur, c. quadragesima, distin. 5. cap. decimae, cap. reuertimini, & cap. decimas, 1. 6. quaest. 1. Res se mouentes dicuntur, quae anima vel intellectu, vel sensitiua uiuunt: ut omnia mancipia: puta, homines seruilis conditionis, & bruta animantia cuiuslibet speciei: non corpora omnis sensus expertia, quae nuda anima vegetante mouentur: ut arbores, & alia, quae ex materia subiecta indies incrementum sumunt. Haec enim rectius sub rebus immobilibus continentur. Sunt tamen res immobiles, praedia, tam urbana, quam rustica, & quae his, tanquam vno corpore, continentur: ut arbores, aliaque in fundo consista: quatenus enim illi cohaerent, pars eius, & eiusdem conditionis censentur, l. quae de tota, ff. de rei vind. Mobiles denique res dicuntur, quibus motio detrimentum magnum, vel interitum non affert: sed ex sui natura, & conditione, iis permanentibus saluis, de loco in locum transferri possunt: ut vestimenta, omnis generis suppellectilia, pecunia, &c. An autem pensio rebus mobilibus, vel immobilibus annumeretur, vide Dd. in l. filiusfamilias, §. diui, ff. de leg. 1. & l. a diuo, ff. de re iud.

Quod Obiectum?

Est officium Ecclesiasticum. Dominus enim, teste Apostolo, epistol. 1. cap. 9. ordinauit, ut illi, qui Euangelium annuntiant, de Euangelio uiuant, cap. cum secundum Apostolum, extr. de praeben. & e conuerso: qui uiuunt de altari, officium debitum praestent. Vnde dicitur in c. ipsi sacerdotes, 1. q. 1. cum sacerdotes percipiant oblationes, & decimas, preces absque intermissione ad Deum, pro populo fundere debent, qui quo digniores, eo facilius in necessitatibus exaudiuntur. Ex his patet, impios, imò sceleratos iudicandos esse, qui Patrimonium Christi, scilicet, decimas, oblationes, & pauperum contributiones, praedicandi Euangelij, alteriusque Eccle

Ecclesiastici officij præstandi causa perceptas, fœdis libidini-
bus, voluptatibusque omnis generis exercendis, turpiter in-
sumunt.

Quæ forma præstandi Decimas.

Vt persona non priuilegiata, de omnibus fructibus, lucris
solertia, & artificio quodam conquisitis decimam portionem,
vel quæ aliàs, ex consuetudine loci dari consuevit, (vnde di-
citur quota portio omnium mobilium ex consuetudine loci
constituenda) statim absque diminutione, præstet ei, qui ius
decimandi habet.

Requiritur enim primò, ad præstationem decimarum, vt
persona talis sit, quæ priuilegio aliquo non sit munita: Vt sunt
Cistercienses, Templarij, & Hospitalarij, qui decimas prædio-
rum suorum, quæ propriis manibus, aut sumptibus excolunt,
soluere non tenentur, c. ex parte, extr. eodem. Alij autem Mo-
nachi regulares, & Clerici, sicuti in Concilio Moguntinensi
statutum inuenitur, prædiales decimas solunt, etiam de no-
ualibus, de quibus antea decimæ non soluebantur, c. cunctis,
& c. de decimis, 1 6. q. 1. Et est ratio: vt in d. cap. cunctis. Quia
quoque modo, prædia ad illos peruenerint, non tamen de-
bet Ecclesia suo iure priuari. Est autem nouale, ager nunc pri-
mum ad culturam reductus, de quo quòd aliquando cultus
fuerit, memoria non extat, c. 1. extr. de verb. sign. nisi prius pri-
uilegium de decimis non soluendis sit concessum: tale enim
priuilegium Ecclesiasticæ personæ indultum, noualia, & non
noualia comprehendit, c. ex parte, extr. eod. & c. ad audiètiā,
extr. eod. Non conductæ prædia, vt tradit in c. dilecti, extr.
eod. Et proficit ipsi priuilegiato ad liberationem, si à Summo
Pontifice habuerit: non autem, si ab Imperatore, vel laico ali-
quo Principe, cap. tua, extr. eod. Quia sicuti laicus Princeps,
etiā si regni gubernacula teneat, ius decimandi non potest
conferre: ita neque potest aliquem obligatione præstandæ
decimæ, eximere, c. dudum, extr. eod. & c. cum & plantare, extr.
de priuileg. Potest tamen priuilegium etiam à Summo Pon-
tifice concessum, si læsionem Ecclesiæ inferat, reuocari, c. sug-
gestum, eod. Ratio est: Quia priuilegia ita interpretanda sunt,
ne cui ius suum, & potissimum Ecclesiæ, auferatur, c. 1. 2 1. q.
1. Ex his perspicuum est, clericos tam seculares, quàm regu-
lares, prædiales decimas soluere debere, non personales, nisi
aliquo gaudeant singulati beneficij concessi priuilegio: Lai-
cos veto Christianos ad præstationem prædialium, & perso-
narium

nalium indifferenter teneri: Iudæos verò, & à Christiana fide auersos ad prædiales tantum, cap. de terris, extr. eod. tit.

Secundò: Requiritur, vt detur de fructibus, & lucris quarumlibet rerum: & sic res mobilis, tantum in præstationem venit, non immobilis. Quia pars decima prædij ipsius, (vt suprâ dictum est) non debetur; sed portio emolumenti, & commoditatis, quæ ex ipso prædio percipitur, cap. ex transmissa, extra. eodem.

Tertiò: Decima, vel quota portio, dari debet: illa enim non semper decima dicitur pars, sed quota portio fructuum ex rebus mobilibus, immobilibus, & se mouentibus, prouenientium, quæ ex consuetudine loci variatur. Vbi tamen singularis statuti, vel consuetudinis probatio non fit, decima portio præstanda erit, cap. i. extr. eod. cap. quoniam, i. 6. quæst. i.

Quartò: Requiritur, vt statim cum collecti sunt fructus, non deductis expensis, decimæ soluantur: etiam antè census, & tributorum præstationem: quòd si secùs contingat, etiam de illis decima detrahatur: quia res cum onere suo transit, cap. & cum homines, extra. eodem.

Quintò: Requiritur, vt decima illi præstetur, cui debetur: Debetur autem personalis, parochiæ, in qua quis sacramenta Ecclesiastica percipit, tametsi lucrum alibi contigerit. In prædialibus autem decimis, vt sciri possit, cui debeantur, an Ecclesiæ, in qua quis Ecclesiastica sacramenta percipit; an in cuius territorio prædia sita sunt; attenditur consuetudo, c. cum sint homines, & c. ad Apostolicæ, extr. eod. Quæ si non sit, decimæ regulariter debentur Ecclesiæ, in cuius territorio prædia sita sunt; ita tamen, vt iusta, & canonibus approbata portione seruata, vna Episcopo, altera clero, tertia fabricæ, quarta pauperibus assignetur portio, Hostiens. §. quomodo. hoc titulo, c. quatuor, & c. Vulturana, i. 2. q. 2. Hoc etiam prædiales à personalibus differunt. Quòd in decimis prædialibus persolvendis, nullæ deducantur impensæ: Nam neque semen, neque sumptus colendo agro facti, ante decimas capi possunt, cap. tua, & cap. ex parte, extra. eod. Nec impensæ, pro reparanda re factæ, ex fructibus, vel pensionibus detrahuntur, veluti sumptus domui, molendino, aut similibus reficiendis impensi. Ratio est in c. pastoralis, extr. eod. Quia res melioratæ, & instauratæ, penes dominum permanent: decimæ autem personales, quæ ex industria, & artificio, vel negotiatione hominis, & similibus consistunt, non æstimantur, priusquam impensæ sint detrahæ, gloss. in cap. pastoralis, & cap. ad Apostolicæ, extr. eod.

Qui Effectus, & Finis præstata decimæ?

Notatur in cap. decimæ, 1 6. q. 1. quadruplex effectus: qui canon desumptus asseritur ex August. Serm. 119. de tempore, siue primæ Dominicæ post Trinitat. Quem tamē sermonem, ut & reliquos de tempore, falsò August. adscribi docet E. R. in suis cens. ad illos libros. Primus effectus esse dicitur: sanitas corporis, 2. Abundantia fructuum, 3. Sanitas animæ, 4. Acquisitio cœlestium præmiorum, d. cap. decimæ, 1 6. quæst. 1. Si tamen non est præstata, competit actio confessoria ad petendam eam: imò etiam detrectans, per excommunicationis sententiam ad solutionem compelli potest, cap. peruenit, extra. cod. l. uti frui, §. ult. ff. si usufructus petat.

Quid est Primitia?

Primitia, teste Hostiense, est, prima fructuum obuentio, siue pars Domino offerenda, §. fin. hoc tit.

Quæ causa Efficiens?

Lex diuina iuxta illud Exod. 22. Primitias frugum terræ tuæ in domum Domini Dei tui inferes.

Quæ Materia?

Fructuum omnium rerum mobilium, immobilium, & semouentium.

Quæ Forma præstandi Primitias?

Vt quilibet ex fructibus perceptis, pro loci consuetudine (ita tamen ut mediocritas quædam seruetur) rectori Ecclesiæ primitias det, cap. doctos, & cap. moderamine, 1 6. quæst. 2.

Quid est Oblatio?

Oblatio est doni, alicuius rei gratia, ultro facta præstatio.

Quot sunt species Oblationis?

Sunt tres. Prima est alicuius rei donatio, Deo vel Ecclesiæ, inter viuos, sponte facta. Secunda est, alicuius rei donatio, Deo vel Ecclesiæ, causa mortis facta, quæ ad instar, & exemplum legatorum hodie redacta est. Et hoc nihil aliud est, quàm mortuarium, siue legatum, vel relictum pro anima, de quibus habetur cap. officij, extra. de testam. cap. conquerente, extra. de offic. ordi. & c. fin. extr. de rebus Eccles. non alienan. Tertia est, oblatio quotidiana: Et est donum, quod populus vnius parochiæ, eiusdem Rectori, pro animarum cura, ad altare offert, cap. quia sacerdotes, 10. quæst. 1.

Quæ Cognata Decimarum?

Primitiæ, oblatio, procuratio, cathedraticum, census, exactiones,

ditiones, & alij clericorum prouentus, quæ decimæ in cap. decimæ. 16. quæst. 1. egentium animarum tributa dicuntur.

Quæ Pugnancia?

Illicita vsurpatio: Vt si laicus decimas sibi adscribat, arrestatio, vel in pignus receptio, secundum cap. fin. eod. Præscriptio, præstationis retardatio, diminutio, subtractio. Vnde notat Hostiens. in §. & quate, hoc tit. Subtrahentem decimas variè delinquere. 1. Præuaticationem diuini mandati committere. 2. Rapinam. 3. Homicidium. 4. Sacrilegium. Vnde dictum Hieronymi: Amico rapere quippiam, furtum est: Ecclesiam fraudare, sacrilegium est: aut, quod apertissimi sceleris est, exinde aliquid subtrahere, omnium prædonum crudelitatem superat, cap. quoniam quicquid, 16. quæst. 1.

AXIOMATA, ET SENTENTIÆ.

Domini prediorum cogi possunt, ut prædia dent colenda talibus, à quibus sine contradictione, Ecclesia possit decimas consequi, cap. in aliquibus, eodem.

Laicis, Ecclesiis, & decimas conferendi potestas non est, etiamsi sint Reges, nec ex eorum titulo præstatur causa præscribendi, cap. dudum, extra. eodem.

Vna Ecclesia cõtra aliam decimas quadraginta annorum spatio præscribit, cap. causa, extr. de præscript. Secus in Laicis.

Decimarum solutio prius facienda est, quàm census, vel tributis: quòd si tributorum, aut censuum solutio decimas præcesserit, ab ipsis quoque censibus, & tributis decima deducuntur, cap. cum non sit, extra. eodem.

Decime sunt egentium animarum tributa: quas si quis dederit, non solum ubertatem fructuum recipiet, sed etiam corporis & anime salutem consequetur, cap. decimæ. 16. q. 1.

Decima omnium fructuum prædij debetur ei, qui decimæ ibi præscripsit: sed ad illud prædium præscriptio non extenditur, cap. cum in tuam, extra. eodem.

In prædialibus decimis non deducuntur impense factæ in prædium, ex quo præstantur decime: secus in personalibus:

eas enim quis prestare non tenetur, nisi deductis expensis, cap. pastoralis, extra. eodem.

Cui maius conceditur, minus concessum esse videtur, cap. ex parte, extra. eodem.

Imperialis concessio, sub quacunque forma, à solutione decimarum eximere non potest, cap. tua, extr. eod.

Decima personalis solui debet Ecclesie parochiali, ubi quis sacramenta percipit, tamen si alibi lucrum contigerit: in prediali vero consuetudo loci attenditur; qua si nulla sit, iure communi penditur decima illi Ecclesie, in cuius territorio pradium situm est, cap. ad Apostolica, eod. titulo.

Cum decima non ab hominibus, sed à Domino sint instituta, quasi debitum exigi possunt, cap. parochianos, extr. eod.

Privilegium interpretandum est, ne cui lesionem inferat, cap. suggestum, extra. eodem.

Personales decimas, ut de propriis laboribus, clerici non solvunt, cap. 16. quest. 1.

Bonus pastor is est, qui universas sibi commissas oves alit, atque in necessitatibus inuat, non qui illicitis exactionibus opprimit, cap. nulli, 16. quest. 1.

Quicquid habent Clerici pauperum est, & domus illorum omnibus debent esse communes, cap. quoniam, 16. quest. 1.

DE REGVLARIBVS, ET transeuntibus ad religionem.

TITVLVS XXXI,

Continuatio.

Clericorum duo sunt genera; quidam enim dicuntur Clerici seculares, quidam Regulares. De secularibus supra satis, superque dictum: restat de regularibus, siue religiosis.

Quis dicitur Regularis, vel Monachus?

Dicitur, qui per emissionem professionis, vel paternam deuotionem, sequenti rati habitatione, Prælati imperio sub aliqua speciali Regula subiicitur. Abb. in rub. hoc titul. gloss. in Clem.

Clem. cum ex verb. tertio, de sententia. excomm. & Hostiens. in §. quis sit.

Quot Religiones Monachorum?

Quatuor religiones, à quibus omnes aliæ proficiuntur, esse dicuntur: scilicet, Basilij, Benedicti, Augustini, & Francisci, Summ. Atg. verb. religiosus.

Quæ causa Efficiens?

Professionis, vel voti emissio, & paterna deuotio. Nam ex triplici capite quis fit monachus: aut ex propria professione, aut ex voti emissionem, aut denique ex paterna deuotione.

Quomodo ex paterna deuotione quis fit Monachus?

Ex paterna deuotione quis fit Monachus, cum pater filium impuberem monasterio offert. Quo casu, filius post pubertatis annum, si voluerit monasterio egredi, poterit: quod si voto professionem fecerit, vel factam de se prius ratam habuerit, pœnitentiæ locus ulterius non datur: cum se, professione facta, regulæ illius monasterij adstrinxerit, cap. cum virum, extra. eodem.

Quid est Professio?

Professio, secundum Hostiens. nihil aliud est, quam certæ religionis solennis promissio, qua quis se obseruationi certæ alicuius Monachalis regulæ obstringit, Hostiens. §. ad quid, vers. professio, cod. titul.

Quotplex est Professio?

Expressa, & tacita. Expressa est, quæ expressis, & ad voluntatem profitentis cognoscendam accommodis verbis contingit. Tacita autem, si quis gestu, & habitu, profitendi voluntatem declarat: veluti, si quis ultra probationis tempus in monasterio permanserit, habitumque, siue is nouitiis, & professis communis, vel distinctus est, retinuerit. Vnde Toletano Concilio cautum est, vt clerici, qui se fingunt habitu, & nomine monachos, & non sunt, corrigantur, vel vt veri clerici, vel monachi fiant, compellantur, cap. vt clerici, extra. eodem.

Quæ Forma professionis expressæ?

Vt nouus religiosus professurus pubes, coram Abbate, vel Priore, alteriùsve nominis Prælato, vel coram simplici etiam monacho, vel religioso, à Prælato mandatum habente, eius religionis, quam ipse delegit, promissionem accipiente, Conuentu præsentem vniuerso, huius sententiæ promissionem faciat; scilicet, sese Deo, & sanctis eius, & Prælato promittere,

quantum auxilij sibi Deus concesserit, operam nauaturum, vt continentiam pro imbecillitate humana, seruet inuiolatam; vtque Prælato obedientiam, & obseruantiam, ex ipsius Regulæ præceptis debitam, præstet, vitæque corruptos mores, & malam conuersationem, præmissa testatione repudiandi sui Patrimonij, in melius reformat, notat Speculat. titu. de regula. per cap. vidua, cap. porrectum, & cap. ex parte, 20. quæst. 1. cap. ex transmissa, extra. de renuntiat, cap. cum ad monasterium, extra. de stat. monach. debetque hæc professio in scriptis fieri; vt scriptura eius contrariam conuincat voluntatem. d. cap. vidua, & cap. omnes fœminæ, 27. quæst. 1.

Quis Effectus?

Titulus, de statu Monachorum, effectus explicat. Primus est, subiectio, qua monachus Prælato subiicitur, tot. titu. de stat. monach. Secundus, abdicatio proprietatis; vel Patrimonij: Monachus enim nihil proprii habere debet; & si peculium habet, sine licentia sui prælati, monasterio, in quo ab initio conuersatus est, sub Abbatis sui Regula competenti coercitioni reddere cogitur: pœna habetur, cap. monachi, extr. de stat. Monac. Scilicet, remouetur ab altaris communione, & si sic decesserit, sepultura, & fratrum communione priuatur, cap. Ioannes, extra. eod. Tertiò, quòd quicquid monachus legitimè acquirit, monasterio acquirit; habetur enim loco filij. Quartus, quod testamentum, vel aliam vltimæ voluntatis dispositionem facere non possit. Quintus, quòd actus iuris ciuilis ipsi sunt interdicti, nisi sui Prælati accedat assensus, cap. cum ad monasterium, extr. de stat. Monach. Vltimus effectus est, obligatio illa, qua monachus professione facta regulæ monasticæ illius ordinis obstringitur.

Quæ Cognata?

Seruilis conditio, clericalis ordo, aliudque vitæ genus, & personæ qualitas, qua iuri alterius subiicitur; Vt sunt adscriptitij, & filii familias in sacris paternis cõstituti. Omnes enim illi, ratione subiectionis, affinitatem quandam inter se habent. Sicuti enim seruus iure dominico, filius iure patrio, adscriptitius iure reali fundi constringuntur: ita etiam monachus suo prælato subiicitur, & quasi professionis factæ vinculo ad Regulæ monachalis obseruantiam ligatur.

Quæ Adiacentia?

Professio, probationis annus, consensus patris, habitus, gestus, abdicatio proprietatis, & custodia castitatis, Adeò enim
anne

annexam, abdicationem proprietatis, & custodiam castitatis, Regulæ monachali asserit Innocentius I I I. cap. cùm ad, extr. de stat. Monach. vt contra eam, nec Summus Pontifex licentiam indulgere possit, d. cap. cùm ad.

Qua Pugnancia?

Contraria protestatio clerici gestantis habitum, cap. consulti, cod. furor, cap. sicut, cod. plagium, recusatio præstandæ professionis, impudicitia, rebellio, peculij retentio, repetitio mariti per uxorem in professionem non consentientem, Matrimonij cōtractus, omnia crimina, & delicta, quibus quis ab Ordine remouetur, pupillaris ætas nõ facta rati habitatione, reuocatio patris. Nam si filius familias impubes monasteriũ ingressus fuerit, intra annum à patre reuocari potest, non post annum: si autem à patre eidem fuerit traditus, post pubertatem intra probationis annum exire potest, non post. Quòd si exeat, & pater se cum suis bonis, & filio impubere obtulerit, filio egredienti, debetur de illis bonis ad monasterium translatis, legitima, cap. cùm simus, cap. si quis, & cap. ad nostrum, extra. eodem.

AXIOMATA, ET SENTENTIÆ.

Qui ultra annum habitum gerit, censetur professus, cap. ex parte, extra. eodem.

Illicitum iuramentum nullo modo seruari debet, cap. veniens, extra. eodem.

Charitas est fons proprius, cui non communicat alienus, cap. licet, extra. eodem.

Professio nec fieri, nec recipi debet intra annum probationis: sed facta, & recepta tenet, c. ad Apostolicam, extr. eodem.

In subsidium fragilitatis humana annus probationis est concessus, d. cap. ad Apostolicam.

Impubes monasterium ingressus, post elapsum annum, à parentibus reuocari non potest, cap. si quis, eodem.

Non potest quis ad religionem admitti, nisi sit legitima ætatis, & spontanea voluntate illud petat, c. nullus, extr. eod.

Episcopus contra generale Concilium dispensare non potest, cap. cùm dilecti, extra. de elect.

Professio facta ante 14. annum non obligat: post 14. verò, si fiat per susceptionem habitus, professorem etiam non obligat, nisi detur perseverantia tridui, cap. ad nostram, extra. eod.

DE CONVERSIONE CONIUGATORVM.

TITVLVS XXXII.

Continuatio.

ETiam coniugati conuersi, si ante consummationem Matrimonij, vel perfecto Matrimonio, utroque coniugum volente, monasticam vitam deligant, & professionem faciant, regulari obseruantia obstringuntur.

Quis dicitur Coniugatus?

Coniugatus dicitur, qui sponsalia de presenti cum aliqua contraxit: siue Matrimonium carnis coniunctione perficiatur, siue non. Quia nuptias non concubitus, sed consensus facit, cap. i. extra. de sponsal.

Quid est conuersio Coniugatorum?

Conuersio coniugatorum hic dicitur, cum alter coniugum, post contractum, vel consummatum Matrimonium, se ab alterius conuersatione seiungit, & professione facta, ad monasticam vitam conuertit.

Quotuplex Coniugatorum conuersio?

Duplex. Vna, quæ ante perfectionem Matrimonij contingit, sponsalibus tamen de presenti contractis; post consensum enim legitimum de presenti, licitum est alteri coniugum, altero etiam repugnante, monasterium eligere, dummodò carnis commixtio non interuenerit: quo casu remans non prohibetur ad secunda transire vota, cap. verum, extra. eod. Altera, quæ fit post confirmatum, & consummatum Matrimonium: quæ non conceditur, nisi uterque coniugum concordēs monasterio se dicarint: vel alter coniugum nulla conuersationis malæ suspitione, vel infamia notatus, continentiam ultro promiserit, cap. coniugatus, & cap. ex parte, extra. eodem.

Quæ causa Efficiens?

Voluntas vnius coniugis conuersi, nuptiis nondum consummatiss:

matris: vel voluntas vtriusque, si consummatum sit Matrimonium, c. verum, & c. coniugatus, extr. cod.

Quod Obiectum?

Vita regularis, cui se conuersus addicere præsumpsit, c. sanè, extr. cod.

Quæ Forma?

Quod ante perfectionem, & confirmationem Matrimonij volens conuerti, statim religionem ingrediatur, & professionem faciat: vel si differat, & nihilominus consociationem conjugalem fugit, iudex certum terminum, intra quem, vel religionem ingrediatur, vel in coniugio constans sit, sub receptione idoneæ cautionis, præfigat, c. ex publico, & c. ex parte, extr. cod. Verum, si post consummatum Matrimonium, vel uterque coniugum transeat, vel alter coniugum transitionem volens permittat: qui tamen de conuersatione mala non suspectus continentiam se seruaturum promittere debet, alioquin conuersio illa non approbatur; cum Matrimonia legitime contracta, & confirmata, hac religionis causa dirimi non debeant.

Quis Finis & Effectus?

Primus est: Quod si conuersio ante perfectionem Matrimonij fiat, obligatio ex contracto legitime Matrimonio tollatur: ita vt sponsa, quæ vi constitutæ obligationis, antè non potuerit resiliire, & cum alio contrahere, nunc possit, c. verum, extr. eodem.

Secundò: Quod coniugatus subiiciatur regulari obseruationi, professione facta, nec mortua vxore inde recedere possit, d. c. consuluit. Si tamen monasterium nondum intrauerit, professionem tamen, vxore consentiente, fecerit: si mortua vxore cum alia contrahat, non valebit Matrimonium, sed religionem intrare compellitur, c. ex parte, extr. cod.

Tertiò: Si conuersio, vel possessio legitime non fiat: vt si vir cum consensu vxoris professus sit, vxore verò suspecta, nec continentiam vouente, vel, si altero coniugum ignorante, professio fiat, conceditur professi repetitio, & restitutio, c. i. c. cum sis, extr. cod. Aliàs vxori maritum repetere non permittitur: etsi post ingressum continere non possit, c. veniens, extr. cod. & c. dudum, cod. Repetitus autem vxore mortua ad monasterium redire non cogitur, c. placet, cod. Licet postea illi contrahendi denuò Matrimonij facultas interdicator, c. quidam intrauit, extr. cod.

Quartò: Quòd, etiam si coniugatus ad ingrediendum monasterium dolo, vel ex causa falsa inductus sit: tamen libera egrediendi facultas non detur, c. veniens, & c. dudum, extr. eo. & c. ex parte, eod. Quia dolus in spiritualibus non ita, sicuti in contractibus, rescindit actum, c. pen. ext. quod metus causa, & c. cum dilecti, extr. de contrah. empt. & vend.

AXIOMATA, ET SENTENTIÆ.

Si coniuges continentiam promittendo, se inuicem absoluerunt, & uterq; vel alter eorum, religionem profiteatur, alter alterum repetere non potest, c. dudum, extr. eod.

Per religionis professionem, non per propositum castitatis seruanda, dissoluntur sponsalia de presenti, cap. ex parte, extr. eod.

Maritus religionem intrare non potest, nisi etiam uxor ingrediatur: vel nisi suspecta non sit, & continentiam promittat, c. cum sis, & c. coniugatus, extr. eod.

Qui inuita uxore, professione facta, postea ad petitionem eidem restituitur, non tenetur, defuncta uxore, de nio monasterium intrare, c. quidam, eod.

Ante perfectionem Matrimonij potest alter coniugum, altero inuito, & etiam repugnante, religionem ingredi: quo tamen casu remanens, ad secunda vota conuolare poterit, cap. verum, eod.

Maritus ingrediens religionem, etiam cum consensu uxoris, si uxor libidinosa omnibus de se malam suspicionem faciat, nec continentiam promittat, Episcopali auctoritate, maritus ad consortium coniugale compellitur, c. 1. extr. eod.

Uxorem habens in Episcopum promoueri non potest, nisi uxor religionem profiteatur, c. sanè, extr. eod.

Parium, si eadem subsit ratio, eadem est iuris dispositio, sumpto argumento à rationis paritate, & similitudine, c. constitutionem, de regul. & transsum. ad religion. in 6.

DE

DE CONVERSIONE Infidelium.

TITVLVS XXXIII.

Continuatio.

Contingit quandoque, vt sicuti fideles ad religionem, ita infideles ad fidem conuertantur.

Quis dicitur infidelis?

Infidelis dicitur, qui à fide Catholica dissentit. Quicquid enim à fide Christiana discrepat, infidelitatis appellatione continetur, & fidei Christianæ contrarium est, arg. 9. 11. 19. & 30. dist. per tot.

Que causa Efficiens?

Deus ipse, qui hominem infidelem, ad conuertendum diuinitus impellit, & propria conuertentis voluntas.

Quod est Obiectum?

Fides Christiana, per meritum Christi, hominem conuertentem saluans.

Que Forma?

Vt per regenerationē sacri Baptismi, & fidem in Christum, non coacta, sed libera voluntate conuertentis, & impellente diuini Spiritus instinctu, conuersio fiat.

Quis Finis, & Effectus?

1. Fruitio æternæ salutis, & scælicitatis: deinde quod propriè huius loci est, Diuortium, id est, rescissio Matrimonij inter conuertentes consistentis. Hic tamen effectus quadam distinctione explicatur. Aut initio Matrimonij contracti, uterque coniugum erat infidelis, aut fidelis: & Matrimonio constante, alter lapsus est in hæresim, vel gentilitatis errorem. Primo casu: si infidelis non vult cohabitare, vel cohabitare quidem, non tamen sine contumelia, & blasphemia nominis Christi, Matrimonium quò ad substantiam dissoluitur: ita vt coniuge etiam infideli viuente, liceat conuerso contrahere. Sic intelligunt Canonistæ dictum Pauli. 1. ad Corinth. 16. Si infidelis discedit, discedat: non enim seruituti subiectus ob id frater, vel soror, cap. si infidelis, 28. quæst. 2. Excipitur vnus casus: Nisi vxor ad fidem Christianam cōuertatur, viro Iudæo existente: tunc enim, quia Iudæi habent Legem

& Pro

& Prophetas, quibus muniti animas simplicium facillè fallere possunt, licet absque blasphemia nominis Christi cohabitare velit vir, non tamen permittitur, c. Iudæi, 28. q. 1. Posteriore casu: si commixtione corporum consummatum sit Matrimonium ipsum, per lapsum alterius coniugum in infidelitatem, & hæresim, non quò ad substantiam: sed quò ad thorum dissolvitur, vt notatur in cap. quanto, §. si verò alter, extra. de diuortiis.

DE VOTO, ET VOTI redemptione.

TITVLVS XXXIIII.

Continuatio.

VOti emissionem ad dedendum se monachorum Regulæ, quis quandoque obligatur.

Quid est Votum?

Votum est, alicuius rei licitæ faciendæ, vel non faciendæ cum deliberatione animi, Deo facta promissio, Abb. hinc in rub. Voti enim præstationem deliberatio animi natura præcedere debet: quod enim ex facilitate animi potius, quàm ex arbitrio discretionis emittitur, non est obligatorium, cap. veniens, extr. eod. c. charissimus, & cap. veniens, extr. de conuers. coniugatorum.

Vnde dictum Votum?

Votum à voluntate dictum est: tanquàm à primo mouente rationem ad vouendum.

Quot species Votorum?

Dux. Nam aliud necessitatis, aliud voluntatis est. Necessitatis votum dicitur illud, quod quis promittit in Baptismo; vt renuntiare satanæ, tenere fidem: & alia, in quibus salus consistit, c. prima, de consecr. dist. 4. & c. si qui Episcopi, §. ecce, 1. q. 1. Vnde cum homo peccat post Baptismum, dupliciter reus est: & quia peccat in eo, quod committit, & quia votum præuaricatur. Votum voluntatis est, ad quod faciendum quis sponte sua ducitur, nec aliquam necessitatem habet: vt, continentia, peregrinationis, abstinentia, &c. Votum voluntarium, vel est simplex, vel solenne. Simplex dicitur, quia simpliciter, & sine aliqua solennitate emittitur. Solenne autem, quod debita solen

solennium observatione fieri contingit, vt notat Hostiens. in §. quor sint, eod. tit.

Quæ causa Efficiens?

Ius naturale, & diuinum. Quia perhibetur, votum iure naturali, & diuino esse inductum, & approbatum, gl. in c. rufus, extr. qui cler. vel vouen. Causa autem propinqua, deliberata voluntas emittentis votum. Hoc enim, licet ab initio sit voluntatis, ex postfacto tamen est necessitatis, c. magnæ, extr. eo.

Qui vota facere possunt?

Omnes, qui non prohibentur. Prohibentur autem omnes illi, qui, quò ad votum emittendum, non habent liberam voluntatem: vt sunt, Episcopus, qui sine Papæ authoritate non potest se astringere voto, per quod dissoluatur vinculum Matrimonij, quod inter ipsum, & Ecclesiam, sponsam suam, esse intelligitur, c. nisi cum pridem, extr. de renunt. Secundò, clericus non potest vouere, absque licentia Prælati sui, per quod officij iniuncti executio impediatur, cap. admonet, ext. de renuntiat. Tertiò; monachus pari ratione prohibetur præstare votum, quo Regulæ monachali, ad tempus, vel in perpetuum, eximatur. Quartò, impubes absque tutoris authoritate etiam prohibetur, ne facilitate ductus, ad votum faciendum, quod illi non expédiat, procedat, c. 1. & c. 2. 20. q. 2. Quintò, vxori non conceditur emitteere votum, quod nexui Matrimoniali aliquo modo repugnet: vt est votum peregrinationis, & continentię. Sicut enim maritus, ad reddendum vxori coniugale debitum obligatur, ita vxor viri arbitrio subiecta est, vt ipsa nihil, quod in damnum Matrimonij cedat, absque viri licentia præsumere, vel tentare possit, c. noluit manifestum, 33. q. 5. & c. si tu, 27. dist. Sextò, seruus voluntatem per se consideratam, & liberam non habet, sed ea ex arbitrio domini, in cuius potestate constitutus est, dependet. Votum igitur à se præstitum, ipso iure nullum est: nisi domini assensu confirmetur, & ratificetur, atq; argumento c. mulieres, extr. de sent. excom. & c. ex antiquis, dist. 54. Deniq; nec filius impubes in sacris paternis constitutus, absque voluntate patris se voto obstringere potest. Hoc enim, sicut & alia, quæ ex alieno arbitrio dependent, non subsistit emissum, c. 1. & c. 2. 20. q. 2.

Quod Obiectum Voti?

Obiectum voti est, opus, quod vouens sibi bonum proponit: vt sunt ieiunia, orationes, eleemosynæ, peregrinationes, religiones, abstinentię, continentię, & huiusmodi. In omnibus

bus enim piis causis, licitis & honestis faciendis, vel contrariis non faciendis, regulariter consistit votum. Votum autem rei alicuius turpis, impossibilis, & facti, ex quo inducitur peccatum, ipso iure non subsistit. Quia neque per iuramentum, pactum, stipulationem, consuetudinem, legem, vel præceptum, talis obligatio constitui potest. 2. 2. q. 4. §. fin. & cap. inter cetera, extr. de iurciurando, cap. quanto, extr. de off. Archidiacon. Et quidem propriè materia voti est, opus, quod in nostra voluntate consistit, & præstiti voti ratione sit debitum: ergo quatenus opus est legis obligatione, debitum non cadit sub voto, quia non pendet ex nostra voluntate, ut sit debitum, sed ex necessitate legis. At verò, quia præcepti necessitas, non est simpliciter necessitas, sed voluntariè illud implemus, aut transgredimur, hac ratione cadere potest sub voto: non quidem, ut ad id obligemur, ad quod non tenebamur, gemina sumus obligatione constricti: ut puta, præcepto temperantiæ ad fornicationem evitandam tenemur, emissio nunc eiusdem rei voto, obligamur insuper virtute religionis. Possumus igitur nos ad talia opera atctiori vinculo attingere.

Quæ Forma?

Tria ad obligationem voti necessaria sunt; scilicet deliberatio, propositum, & promissio. Constituitur igitur votum, si vouens non tantum in animum inducat, & proponat, se aliquod bonum opus peracturum; (hoc enim casu tantum initiatum dicitur votum) sed etiam, si id certo, deliberato, & firmo animi proposito stabiliat, (quo casu confirmatum dicitur) & demum animi fixum propositum promissione Deo facta confirmet, ipsoque facto comprobet (tunc consummatum votum dicitur.) Quæ quidem forma simplicis voti est, si verò huic solemnia quædam, ut professio tacita, vel expressa, secundum formam supra præscriptam, vel sacri Ordinis susceptio accesserint, solenne efficitur, Abb. cap. 3. extr. eod. & est c. in c. vnico, eod. tit. in 6. Nam per sacri ordinis suspensionem, & professionem tacitam, vel expressam, votum continentiar solemnizati (ut dicitur) Canonibus traditum est, c. placuit, 2. 2. dist. & c. nullum, 2. 8. dist.

Qui Effectus?

Est obligatio constituta per votum, qua vouens ad voti additionem tenetur: ita ut hæres, qui adiuit hæreditatem, implere vota defuncti obstrictus sit. Quod ita intelligitur: si votum reale sit, non autem si personale, nisi hæres ad hoc se obli

obligasset, Dd. in c. licet, extr. de voto, &c. Nec Papa, vel Episcopus, vel quivis alius superior in his dispensare, possit. Quia voti redditio, est de iure naturali, & diuino; contra quæ Papa dispensare non potest: nisi tamen legitima subit dispensandi causa, c. sunt quidam, 25. q. 1. & §. nisi rigor, 1. q. 4.

Vnde sex notantur casus, quibus a voto discedi potest.

1. Si votum præstitum commutetur in melius, c. 3. extr. de iureiurando.
2. Si ad actum non est processum, c. Gonsaldus, 17. quæst. 1.
3. Si votum, sub conditione fuerit concessum, quæ postmodum deficiat, c. non solum, 22. q. 8. Si illa conditio sit expressa, siue ex sui natura insit voto; puta, Si potero, Si vixero, &c.
4. Vbi vouens non habet liberam voluntatē vouendi.
5. Vbi votum auctoritate Superioris ex causa dilatum est, vel redemptum, vel mutatum.
6. Si votum ex sui natura sit illicitum, & iniustum: quo casu non solum potest, imò debet ab omni voto discedi. Et notandum hic est, licet de voto dispensatio facile non concedatur, declaratio tamen iuris permittitur. Quod si igitur votum abstinentiæ, vel peregrinationis quis fecerit, non prohibetur id ipsum, pro ratione qualitatis, declarare, vt subintelligatur, rebus ita stantibus: vel si commode fieri possit. Hæc enim conditio, & interpretatio intentioni vouentis consentanea ex sui natura emissio voto inest, argument. cap. Quintauallis, extr. de iureiurand. & c. veniens, extr. de dilat.

Secundus effectus est. Quod, licet votum simplex, non minùs, quàm solenne, DEO obliget: Quia DEVS; inter solennem promissionem, & simplicem loquelam, non facit differentiam, ob id vtriusque violatio mortale peccatum inducit, tamen differunt & isto effectū. Quod scilicet solenne votum, non solum Matrimonium contrahendi impedit; sed etiam contractum dirimat: Simplex autem votum, non contractum rescindat: sed contrahendo impedimentum præstet, cap. vnico, eodem titul. in 6. cap. rursus, & ibi gloss. extra. qui cleric. vel vouen. &c. & per Innocent. in cap. quæ in Ecclesiaturum, extr. de constitut. Quod si autem præstito simplici voto, quis contrahat, tenet Matrimonium, & ob voti emissi violationem, imponitur pœnitentia, cap. 1. & cap. 2. distinct. 27. Nec obstat, quod dicitur, DEVM inter simplicem loquelam, & solennem promissionem, non facere differentiam: Ecclesiā enim, in facti speciebus considerat circumstantias, cap. homo, 40. distinct. & verborum solennitates attendit in voto, sicut in iuramento, c. iuramenti, 22. q. 5. & diuersum ius statuit in vtroque, etiam diuersam pœnam

in vio

in violatione vnius,quàm alterius imponit,vt patet in c.si vir, 22.dist. Quis enim dubitet,sceleratius esse commissum,quod grauius iudicatur,c.non afferamus, 24.q. 3. violatione autem solennis voti, D E V S, & Constitutio Ecclesiæ grauius offenditur, quàm si à simplici voto recedatur: grauior igitur imponenda pœnâ fuit,&c.

Quæ Adiacentia?

Ordinis susceptio, professio simplex, siue solennis, iuramentum,&c.

Quæ Pugnancia?

Voti transgressio, voti iniquitas, iniustitia, turpitudine, dolus, metus, mutatio, dispensatio conditionis, sub qua votum conceptum fuit, defectus, voti emissi facilitas, votum dependens ex alieno arbitrio, solenne votum priori simplici contrarium,

AXIOMATA, ET SENTENTIÆ.

Secundum votum solenne religionis, derogat priori simplici, cap. qui post votum, de regularibus, & transf. ad relig. in 6.

Vota possunt eleemosynis redimi, vel in aliud commutari: intercedente Superioris auctoritate, & iusta causa redimendi, vel mutandi, c. 1. ext. eod.

Reus voti fracti non habetur, qui temporale obsequium in perpetuam religionis obseruantiam commutat, c. scriptura, extr. eod.

Ecclesia compellit heredem laicum, per excommunicationem, & bonorum subtractionem, ad executionem voti, ad quod se obligauit, c. licet, extr. eod.

Cessante causa, cessat effectus, c. magna, eod. tit.

Senectus est onerosa, & languida, nec dolores, & labores ferre potest, d. c. magna.

Mulieres maritos suos sequi debent, cap. quod super, extr. eod.

DE STATV MONACHORVM, & Canoniorum regularium.

TITVLVS XXXV.

Continuatio.

Distinguitur superior titulus, De regular. & transeuntibus ad relig. ab hoc. Quòd in illo potissimùm modus adipiscendi statum regularem traditur: hìc autem, quomodò is, qui hunc statum adòptus est, & in eo constitutus, se gerere debeat docetur.

Circa que consideratur status Monachorum, & Regularium?

Consideratur circa habitum, vitæ institutum, mores, disciplinam, conuersationem, continentiam, subiectionem, obedientiam, humilitatem, Patrimonij abdicationem, paupertatem, abstinentiam ciborum, familiam, correctionem, temperantiam, modestiam. Quæ omnia in cap. cùm ad monasterium, & cap. in singulis, eod. fusè explicantur.

Ad quid tenentur Monachi, seu Regulares?

Licet hæc, quæ recensita sunt, quemlibet regulari obseruantie astrictum obseruare oporteat: sunt tamen tria substantialia Regulæ, ad quæ præcisè tenentur monachi, vt nec Summus Pontifex contra hæc dispensare possit, cap. cùm ad, cod. 1. Propriæ voluntatis renuntiatio. 2. Proprietatis abdicatione. 3. Castitatis obseruatio,

In quibus conueniunt, & differunt Monachi, & Regulares?

Regulas statui præscriptas, & potissimùm eas, quæ substantiam Regulæ monasticæ constituunt, & mores, disciplinam, vitæ institutum, aliæque honestæ vitæ congruentia concernunt, indifferenter omnes seruare debent, & in eo conueniunt. Differunt autem; primò, quia facilius canonicus regularis, quàm monachus regularis præficitur Ecclesiæ parochiali, eisque cura animarum committitur, iuxta cap. quod Dei, extra. cod. Secundò, monachi regulam strictissimam obseruare tenentur: Regulares autem laxiori subiiciuntur regulæ: nam & in esu carnum, & habitu, aliisque differunt. Nec tamen per

contemptum, & neglectum Regulæ, ad cuius obseruationem tenentur monachi, sacrilegia, alteriusque generis crimina committantur, certus modus visitandi monasteria, per Innocentiam III. in Concilio generali institutus, cap. in singulis, extra. eodem.

Quid est Visitatio?

Visitatio est, inquisitio morum, vitæ, & aliorum in clericis, facta per eos, quibus hoc de iure licet, vel commissum est, d. cap. in singulis, extra. eodem.

Qua causa Efficiens?

Quilibet habens ordinariam iurisdictionem in aliquos. Sicut Archiepiscopus in tota prouincia, cap. Romana, & cap. perpetuo, de censibus, in 6. Et Episcopus in sua diœcesi, cap. conquerente, extr. de off. Ordina. Item Archidiaconus, & Decanus, c. cum Apostolus, extr. de censibus, & ca. mandamus, extra. de off. Archi. Item Abbates, & Prælati religiosorum visitant monasteria, & monachos secundum eorum instituta, cap. penult. & cap. ult. extr. de stat. monachor. Item Legati Apostolicæ Sedis, & quibus committitur à Papa, vel à Prælati Ordinariis, ipsis impeditis, cap. Episcopum, 10. quæst. 1. & cap. inter cætera, extr. de off. ordina.

Quod Obiectum?

Vitæ institutum, mores, disciplina, habitus, conuersatio. Sed de materia circa quam versatur visitatio: & quod sit visitatorum officium; vide cap. inter cætera, extra, de off. ordina. & cap. Episcopum, 10. quæst. 1.

Qua Forma?

Forma visitandi præscribitur in cap. Romana, de censibus, & exact. in 6. & in cap. fin. & Dd. in cap. cum ex officij, extr. de præscript. cap. relata, cap. placuit, 10. quæst. 1. & in cap. Episcopus in Synodo, 3. 6. quæst. 6. Inquit Innocentius III. in d. cap. Romana, de censibus, & exact. in 6. Statuimus, vt quilibet Archiepiscopus nam volens visitare prouinciã, prius Ecclesiæ suæ Capitulum, ac ciuitatem, & diœcesim propriam, plenè visitare procuret: nec sit solum erga maiorum, sed etiam minorum Ecclesiarum: nec circa clericorum tantum, sed etiam populorum visitationem, intentus: & si commodè absque difficultate accedere ad vnã quamque non poterit: de pluribus locis ad vnum congruum clericos, & laicos studeat aduocare, ne illis visitatio postponatur. Deinde licet ei per totam prouin-

prouinciã , vel eius partem , visitationis officium exercere , ciuitates , & diœceses , suffraganeos suos , & eorum subditos , Cathedralium , & aliarum Ecclesiarum Capitula , & monasteria , Ecclesias , & alia religiosa , & pia loca , clericos , & populos liberè visitando , ac procuraciones à locis tantum recipere visitatis . Ex quo tamen aliquam de ipsis diœcesibus visitare cœperit , nunquã postea siue totam , siue partem eius visitauerit , reuertatur causa visitationis ad illam prius , quã omnes reliquæ ipsius prouinciæ diœceses in toto , vel in parte , (quas securè visitare poterit) denuò fuerint visitatæ . Quòd si fortè eadem diœcesis , vel aliqua ibi Ecclesia plus aliis indiguerit visitari , tunc aliarum visitatione intermissa redeat ad eandem : si à loci diœcesano requisitus extiterit , vel de omnium , aut maioris partis Episcoporum eiusdem prouinciæ processerit , consilio , & assensu : ad quod iidem se promptos exhibeant , ne animarum profectus aliquatenus negligatur . Si verò malitiosè in his difficultatem adhibuerint , Archiepiscopus licentiam super hoc à Sede Apostolica postulet confidenter . Postquã autem semel omnes prouinciæ suæ diœceses visitauerit , licitum sit ei postea (prius tamen Suffraganeorum suorum requisito consilio , & ipsius definitione super hoc habita , coram eis , quæ in scriptis redigi volumus , vt possint aliis esse nota) visitationem per eandem reiterare prouinciã , iuxta modum superius annotatum : etiam si non interueniat in hunc Suffraganeorum ipsorum assensus , illam semper prouidentiam adhibendo : vt in posterioribus visitationibus illas Ecclesias , eosque clericos , & populos prius visitet , qui non fuerant ab eo in prioribus visitati : nisi magis sit aliis visitationis officium opportunum . Sanè huiusmodi impensurus officium , proposito verbo Dei , quærat de vita , & conuersatione ministrantium in Ecclesiis , & locis aliis diuino cultui deputatis , ac ceteris , quæ ad officium ipsum spectant , absque coactione , exactione qualibet iuramenti , ad ipsorum emendationem per salubria monita , nunc leuia , nunc aspera , iuxta datam sibi à DEO prudentiam diligenter intendens . Quòd si de aliquibus orta fuerit infamia , contra eos Ordinariis ipsorum (vt super his solenniter inquirant) denuntiet , si viderit expedire . Notoria verò crimina , quæ examinatione non egent , (cum super his meritò notari possit Ordinariorum negligentia eorundem) liberè corrigat , pœnam pro illis debitam infligendo . Procuraciones autem recipiat , secundum quod est in

Canonibus constitutum : nullam tamen pecuniam ipse , vel aliquis de sua familia , occasione alicuius officij , aut consuetudinis , seu quolibet alio modo earum nomine , sed in vidualibus expensas tantum recipiat moderatas. Caueat insuper, ne ipse, vel quisquam suorum, aliquod munus, quodcumque sit , & qualicumque offeratur, præsumat recipere : Vt non quæ sua sunt, videatur quærere, sed quæ Iesu Christi. Quòd si fuerit contrà præsumptum , recipiens maledictionem incurrat , à qua nunquam (nisi duplum restituat) liberetur. Volumus enim in his fraudem quamlibet penitus euitari. Hanc autem visitandi formam , ab vniuersis etiam Episcopis , aliisque Prælatis ordinario iure , suos subiectos visitantibus , plenè obseruari præcipimus , saluis supet hoc rationalibus , & approbatis religiosorum consuetudinibus , & regulatibus institutis.

Quæ forma visitandi Monachos ?

Vt religiosi singularum prouinciarum de triennio in triennium ad Capitulum conueniant, & in eo ex prælatis quatuor, qui simpliciter , & de plano Monachos , siue Regulares , iurisdictioni , & regulæ suæ subiectos , inquirant , & corrigant : & quæ viderint corrigenda , cõstituant. Modus autè visitandi Monasteria , quot mitti debeant , quali cum apparatu , quomodo in officio visitationis se gerere , quæ summo studio expedire , & à quibus abstinere teneantur : habetur in cap. fin. extra. eodem : & tradit Pauin. tractat. de visitat. quæstion. 2. 1. parte , &c.

Quis Finis , & Effectus ?

Primò : Vt correctione clericorum facta , Ecclesia ipsa in meliùs reformatur , d. cap. Romana. Secundò , vt à tali correctione nulla concedatur appellatio , cap. ad nostram , extra. de appellat. & cap. relatum , extra. ne cler. vel monach. &c. Nisi corrigendi modus excederetur , cap. quia peccat. 2. 3. q. 4. Nam vt dicitur in cap. beatus , 4. dist. Nimia asperitatis interpretatio neque correctionem , neque salutem recipit , &c. Tertiò , perceptio procurationis , à cuius præstatione immunem nullam esse Ecclesiam , vel monasterium , etiam præscriptionis prætextu , esse decet , cap. cum ex , extra. de præscript. debetque ipsa procuratio præstari in vidualibus , non autem pecunia , capit. pecunia , §. procurationis , de sensibus in 6. De qua titul. de cens. exact. & procurat. infra latiùs.

DE RELIGIOSIS DOMIBVS, vt Episcopo sint subiectæ.

TITVLVS XXXVI.

Continuatio.

Visitatio per Ordinarium, sub cuius iurisdictione religiosæ domus sitæ sunt, fieri contingit: scire nunc operæpretium est, cuius iurisdictioni religiosæ domus subiectæ sint.

Quæ dicitur religiosa domus?

Religiosa domus est, quæ ad pium vsum constructa est: vt est Xenodochium: locus, vbi peregrini pauperes recipiuntur. Orphanotrophium, vbi orphani, hoc est parentibus orbati, nutriuntur. Brephotrophium, vbi infantes pauperum, & expositi aluntur. Nosochoinium, in quo ægroti paupertate suâ laborantes curantur à morbo. Gerontochomium, vbi senio confecti, & valetudinarij sustentantur, cap. in qualibet, 23. q. 8. & l. omnia, C. de Episcop. & cleric.

Cuius iurisdictioni religiosæ Domus subiectæ sunt?

Generaliter in Aurelianensi Concilio statutum est, omnes basilicas, quæ per diuersa loca constructæ, vel quotidie construuntur, in Episcopi potestate consistere, in cuius territorio sitæ sunt, cap. omnes, 16. q. 7. nisi singulari priuilegio, se exemptas docere possint, cap. cum venerabilis, extr. eodem. Quo tamen priuilegio capellæ ei subiectæ non gaudent: sicuti etiam quibus certæ rei, vel ratione loci, priuilegium exemptionis, concessum est, eodem priuilegio pro alia re, aliòve loco non porientur, cap. cum capella, extr. de priuileg.

Quis huius subiectionis Effectus?

Cum religiosa domus, quò ad duas leges, subiiciatur, scilicet diœcesanam, & iurisdictionalem, dubium non est, quin Episcopus ea, quæ sunt legis diœcesanæ, iuris Episcopalis, vel iurisdictionis contentiosæ, in ea, hominibûsque illi deputatis exercere possit, cap. monasteria, 18. q. 2. & Hostiens. hoc tit.

DE CAPELLIS MONACHORUM, & aliorum Religiosorum.

TITVLVS XXXVII.

Pari ratione capellæ monachorum Episcopo, in cuius territorio sunt sitæ, subiiciuntur: ita vt nulla consuetudine

obstante, de ipsis Episcopus pro arbitrio statuere possit: nisi huius iurisdictionis speciali privilegio, vel legitima præscriptione probentur exemptæ, cap. cùm venerabilis, & cap. seq. cap. constitutus, extra. de relig. dom. & cap. auditis, extra. de præscript.

DE IVRE PATRONATVS.

TITVLVS XXXVIII.

Continuatio.

Institutio regulariter non fit, nisi ad præsentationem patroni, cui competit ius patronatus in beneficio, quod alicui, per institutionem conferendum est.

Quid est Ius Patronatus?

Ius patronatus est, potestas præsentandi instituendum ad beneficium Ecclesiasticum, simplex & vacans, Hostiens. in §. quid sit, hoc titul.

Quot modis accipitur Ius Patronatus?

Variis modis. Primò, pro iure præsentandi instituendum. Altero, pro iure, quod acquiritur ex manumissione proprii serui. Dicitur etiam aduocatus patronus, quia in causa patronium præstat, tot. tit. ff. de postulando.

Qua causa Efficiens?

Diocesani Episcopi autoritas, & patroni Ecclesiam fundantis, ædificantis, vel dotantis voluntas. Vnde ait Hostiens. in §. ex quibus, cod. tit. tria faciunt aliquem patronum; dos, ædificatio, & fundus, &c. Et quia non tantum fundatione, vel ædificatione ius patronatus constituitur; sed etiam in constructione Diocesani consensum, secundum formam præscriptam in ca. nemo, de consecrat. dist. 1. interuenire oportet, ut iuri patronatus locus sit, patet, ad efficiendum ius patronatus Episcopi auctoritatem quandoque desiderari.

Quod Subiectum?

Beneficium, in quo patrono competit ius patronatus. Vnde non dicitur liberum, ut alia beneficia, quæ per collationem transferuntur, sed sub patronatu positum.

Quod Obiectum?

Officium, quod præsentatus pro beneficio, in quo per Episcopum institutus est, præstare tenetur. Collatio enim beneficij,

neficij), necessitatem præstandi officij inducit: cùm iuxta CHRISTI ordinationem: Qui de altari viuit, eidem etiam vt seruiat, æquitari, & religioni conueniat.

Quæ Forma?

Forma consistit in modis constituendi ius patronatus: vt sunt fundatio, dotatio, & reparatio. Fundatione constituitur ius patronatus, cùm quis Ecclesiam, accedente Diocessani Episcopi consensu, iuxta formam in titul. de constit. consecrand. Eccles. &c. construxit. Dotatione verò, cùm quis Ecclesiæ constructæ collatione quorundam bonorum succurrit, vel bona quædam in dotem Ecclesiæ, quæ non est dotata, assignat, cap. nemo, de consecrat. dist. 1. Reparatione denique, si quis collapsæ Ecclesiæ, vel ædificando de consensu Episcopi, vel conferendis prouentibus subuenit, authent. vt nullus ædificet, §. 1. col. 5. Transfertur autem ius patronatus, per successionem, permutationem, donationem, vel venditionem, &c. Quæ sit forma institutionis ad præsentationem patroni: supra, tit. de institutionibus dictum est.

Quæ est causa Impulsua introducti iuris Patronatus?

Ipsa æquitas. Cùm enim patronus è fundamentis Ecclesiam construxit, vel interituram reparauit, vel indotatam dotauit, æquum est, vt loco quasi remunerationis, hoc ius patronatus, in eadem sibi competat, & ad eius præsentationem, (modò persona idonea præsentetur,) institutio fiat.

Quis Finis, & Effectus?

Primus est, potestas præsentandi instituendum: quæ præsentatio ab Ecclesiastico patrono, intra sex menses fieri debet, nec præsentationis factæ variatio conceditur: à Laico autem intra quatuor: post quod tempus etiam variare potest, ca. si laicus, §. verum. eod. tit. in 6. Eò autem tempore lapsò, nulla admissa præsentatione, Episcopus, pro libito, idoneam aliquam personam instituere, & Ecclesiam ordinare non prohibetur, ca. si verò ordinatio. extr. eod. Patrono autem demortuo, relictis pluribus hæredibus, ad eos ius patronatus distributione legitimè facta, deuoluitur. Si autem vnus ex pluribus patronis moriatur, in eius hæredes transit ius patronatus per stirpes: ita vt vnus patroni plures hæredes vocem habeant in præsentatione vnus, possintque ipsi patroni de rectore ab iis alternis vicibus præsentando liberè conuenire. Quibus etiam, ex eadè causa permittitur, vt plures ad vacantem Ecclesiam eo modo præsentare possint personas, vt vna

ex iis per Episcopum eligi, & admitti valeat, Clement. plures, eodem titul.

Secundus est, potestas defendendi Ecclesiam. Quia patronus potest, imò debet Ecclesiæ tutelam suscipere, & eam ab omni iniuria tueri; idè si institutum, Ecclesiæ inutilem esse cognoscit; ut quia sit dilapidator, bonorum concoctor, ipsum honestæ admonitionis conuentione compescere, aut Episcopo, vel iudici competenti denuntiare potest, c. filiis, 1 6. q. 7.

Tertius effectus est, necessarium vitæ subsidium. Nam si fortè ipsi, aut eorum filij eò inopiæ redacti fuerint, ut suppetiis alienis egcant, illis modeste, & pro temporis vsu succurrendum erit, cap. quicumque, & cap. decernimus, 1 6. quæst. 8.

Quartus effectus est, processionis honor. Primus enim, & eximius in ordine locus in concessu, vel processu, patrono inter clericos eiusdem Ecclesiæ debetur, cap. nobis, extr. eod.

Quæ Cognata?

Huic iuri patronatus non multum absimile est ius protectionis. Et cum religiosi Ecclesiam aliquam sibi subiectam habent, tam quoad spiritalia, quàm quoad temporalia; in qua tamen pleno iure instituere non possunt, nec curam populi committere, sed autoritas Episcopi consideratur. Nam hoc ius ita à patronatu differt, quòd qui illud habent, ipsi redditus Ecclesiæ illius percipiunt, & congruam portionem rectori assignant; at qui patronatus habent, nihil reddituum percipere possunt, sed integri prouentus rectori instituto permittuntur, cap. vni, de capell. monach. in 6. & Clemen. vniuers. de sepul. Affinia etiam sunt, ius eligendi, ius conferendi, ius patriæ potestatis; cura, tutela, &c.

Quæ Adiacentia?

Præsentatio, cura, tutela, protectio, institutio, non tamen in eadem persona institutio, & ius patronatus locum habent. Quia patronus instituere non potest, sed tantum præsentare, ad cuius præsentationem à Diocesano necessario fieri debet institutio, cap. præterea, extra. eodem.

Quæ Pugnancia?

Sunt modi, quibus ius patronatus tollitur. 1. Est cessio: ut si patronus ius suum Ecclesiæ contulerit. 2. Patientia reformatæ Ecclesiæ: ut si Ecclesiam sine reservatione iuris competentis collegiatam fieri patiatur. 3. Intetitus Ecclesiæ: quod fit, si sacræ ædes igne conflagrata, vel terræmotu, aut alio vitio interierint. 4. Violenta occupatio: ut si ab infidelibus Ecclesia,

Ecclesia, ex qua competit ius patronatus, occupetur. 5. Delictum: quod varium est, in cuius pœnam priuatio iuris patronatus contingit. 6. Hæresis. Hæretici enim omnia bona, sub quibus ius patronatus continetur, confiscantur, c. excommunicamus, 1. & 2. extr. de hæred. Pugnant etiam, dolus, error, venditio, per quæ ius patronatus comparatum est: id ipsum enim vendi, vel per patronum propria autoritate alienari non potest, nisi cum vniuersitate vendatur, c. præterea, & c. de iure, extr. eod. & institutio per patronum, propria autoritate facta, c. præterea, extr. eod.

AXIOMATA, ET SENTENTIÆ.

Donatio iuris patronatus laici facta loco Ecclesiastico, etiam sine consensu Episcopi, tenet, non tamen præiudicat iuri Episcopali, c. si laicus, eod. in 6.

Laicus quadrimestre tempus habet ad presentandum: Ecclesia vero semestris, licet a Laico acquisierit ius patronatus, per stirpes, Clem. plures, eod. tit.

Si questio iuris patronatus inter patronos, non definitur intra quatuor menses, Episcopus ordinabit Ecclesiam, sine præiudicio eorundem, c. cum propter, extr. eod.

Patronus Ecclesie vacantis, quamquam sit clericus, ad eam tamen seipsum se presentare non potest, c. per nostras, & c. consuluit, extr. eod.

Patronus ius patronatus, propria autoritate alienare non potest, nec ab Ecclesia aliquid temporale exigere, nisi tempore foundationis, à diocesano illud fuerit sibi reseruatum, c. præterea, c. de iure, & c. nullus, extr. eod.

Si patroni in presentando discordant, præfertur presentatus à maiori parte, si est idoneus: & si hoc sine scandalo fieri non potest, vel patroni intra tempus debitum non presentant, Episcopus ordinabit Ecclesiam, c. quoniam, extr. eod.

Ius patronatus consistens in aliqua vniuersitate temporalium, trāsit cum ipsa vniuersitate: etiam si vniuersitas transeat tantum, quò ad vile dominium, nisi ius patronatus specificè sit exceptum, c. ex literis, extr. eod.

DE CENSIBVS, EXACTIO- nibus,& Procurationibus.

TITVLVS XXXIX.

Continuatio.

Patronus non tantum vi iuris patronatus, ius præsentandi, sed etiam ius exigendi certam annuæ pensionis summam, si ipse illud ius, cum Ecclesiam fundaret, cum auctoritate Diocessani sibi referuauit, habet.

Quid est Censui?

Census nihil aliud (teste Hostiense) hic est, quam quædam pensio, quæ de prouentibus Ecclesiæ persoluitur, c. quæsitum, 1. quæst. 3.

Quot modis Censui accipitur?

Duobus: Generaliter, & specialiter. Generaliter accipitur, cum quicquid in quantitate, vel in summa annuatim præstatur, censum appellamus, c. olim causam, & c. in canonicis, extr. eod. Speciali autem nomine census, qui Episcopo, vel Ecclesiis in argumentum subiectionis tribuitur, cathedralicum appellatur, eo quod ob honorem cathedræ persoluitur, c. 1. 1. q. 1. & c. conquerente, extr. de off. ordinat.

Qua causa Efficiens.

Authoritas Episcopi cum consensu Capituli, & fundatoris voluntas cum auctoritate Episcopi. Episcopus enim, propria auctoritate, neque nouum censum constituere, neque veterem augere potest, sui commodi gratia. Quod si in utilitatem Ecclesiæ sibi subiectæ, census constitutio, vel veteris census augmentatio vergat, Capituli accedente consensu, censum nouum imponere, vel veterem augere, minimè prohibetur, Clem. fin. de reb. Eccles. non alienand. & c. 1. eod. tit. in 6.

Qua Materia?

Res, quæ pondere, numero, & mensura consistunt, prouentus, & fructus rerum mobilium, & immobilium. Quia non tantum in nummis, sed etiam frumento, vino, oleo, capis, gallinis, pullastris, & aliis id generis, annuus census constitui potest, c. cum canonicis, c. ex parte, extr. eod.

Quod Subiectum?

Ecclesia, vel res ipsa, cui census imponitur, arg. c. 1. extr. de reb. Eccl. non alienand.

Quod

Quod Obiectum?

Persona, cui census præstatio fieri debet. Debetur autem census, vt plurimum, Episcopo, in signum subiectionis: & patrono, loco remunerationis: si cum consensu, & autoritate eorum, quorum autoritas requiritur, constitutus fuerit.

Quæ Forma constituendi Census?

Vt Episcopus consensu Capituli, & eius Ecclesiæ, cui census imponitur, ex iusta causa, & legitimo tempore, moderatum constituat censum in rebus ad Ecclesiam pertinentibus: quæ ex se fructus, & redditus aptæ sunt producere. Multa enim ad constituendum censum requiruntur. Primò autoritas Episcopi. 2. Consensus Capituli, argum. cap. pastoralis, & cap. tua, extr. de his, quæ fiunt à maior. par. Cap. 3. Consensus Ecclesiæ, cui imponitur census; si est collegiata, c. 1. extr. de rerum permutat. 4. Iusta causa. Causa iusta est, causa remunerationis, releuandæ paupertatis, & indigentia, redimendæ vitæ: & denique illa iusta iudicatur, quæ euidentem Ecclesiæ affert vtilitatem, gloss. & Dd. in c. nisi; extr. de præbend. 5. Legitimum tempus, quale quadruplex notatur: Aut foundationis, aut consecrationis, aut donationis, aut immunitatis indultæ tempus, Hostien. in §. quis imponere, cod. tit.

Contingit enim, cum Ecclesia citra Ordinarij consensum nec ordinari, nec dedicari possit, vt eo tempore Episcopus in signum subiectionis, annuatim sibi exoluendum constituat censum. Quod & in patrono, qui Ecclesiæ vltra necessariam dotem contulit, obseruatur: vt ipse loco annuæ pensionis cum consensu Diocesani aliquot redditus reseruet. Est autem dos necessaria, sine qua Ecclesia in statu debito, & conuenienti, sustentari non potest, argu. c. 1. extr. de institut. & c. cum sicut, extr. de consecr. Ecclesiarum.

Quæ causa Impulsiva?

Ipsa æquitas. Episcopo enim, qui spiritualia impartit, æquum est, vt aliquid temporale subiectis Ecclesiis reddatur. Par quoque æquitatis ratio suadet, vt Episcopus patrono, foundationis tempore in compensationem benevolentia exhibita, ex eadem Ecclesia, quam largè, & liberaliter dotauit, annuos sumptus, instar pensionis, quotannis persoluendæ, decernat & constituat.

Quis Finis, & Effectus constituti Census?

Est ipsa obligatio: cuius vigore census debetur, & ipsa annua perceptio rerum censuallium. Quod verum est, si is, cuius

cuius rebus census impositus est, solutionem iniuste non remoretur, vel detrectet. Quod si autem is, qui ad census præstationem obligatus est, præstationem neget: effectus est, actio in factum, interdictum recuperanda, vel retinenda, vel etiam, ut putat Specul. tit. de censib. §. 1. actio ex stipulatu præsumpta: potissimum si triennij spatio census fuit solutus, i. cum de in rem verso, ff. de usuris, ubi filius ad præstationem usurarum tenetur, eo quod pater illas triennio persoluerat, licet obligationis constituta alia documenta non extiterint. Ratio est: Quia triennalis præstatio coniecturam & argumentum perpetuæ pensitationis, & constituta obligationis inducit, d. l. cum de in rem verso, ff. de usuris, &c. An autem intermissa præstatio census triennij spatio, ius commissi, (sicuti in emphyteusi) tribuat? Pulchra quaestio est, & quotidiana praxi agitata, gl. in c. constitutus, extr. de religiof. dom. asserit quod non. Nedum, si mille annis à præstatione census cessetur, illam intermissionem tribuere ius commissi. Ratio est: Quia licet censualis contractus hoc commune habeat cum emphyteusi, ut concedenti, hæredibusque eius annua pensio debeatur: differt tamen eo quod in emphyteusi utile tantum dominium, remanente directo penes ipsum dominum, transferatur in ipsum emphyteutam: in contractu autem censuali, ob annuam pensitationem, ius uniuersum, tam utile, quam directum dominium, penes ipsum, qui ad solutionem census tenetur, constitutum sit.

Quid est Exactio?

Exactio est, petitio eius, quod ratione personæ, facultatum, negotij, vel alterius cuiusdam rei gratia ex iusta causa debetur.

Quotuplex Exactio?

Est multiplex. Quædam est collectarum, vectigalium, munerum personalium, Patrimonialium, Pedagogorum, Salinariorum, Guidagiorum, & similia.

Quæ causa Efficiens?

Lex, statutum, vel consuetudo alicuius rei exactionem fieri permittentia.

Quod obiectum, vel Materia circa quam?

Est munus ciuile. Quod in tria membra diducitur. Personale est, secundum Arcadium, quod animi prouisione, & corporalis laboris intentione, sine aliquo gerentis detrimento, perpetratur, l. 1. & l. si. ff. de munerib. & hono. Et in huius exactione,

ctione, ætas, facultates, vita & fama, inspicienda sunt, authent. præfides, C. de Episc. & Cler. Patrimoniale est, quod sumptibus Patrimonij, & damnis administrantis expeditur, & id imponitur pro modo possessionum masculis, & feminis. Mixtum est, quod de utroque participat. Quando videlicet personale munus gerens de propriis facultatibus impensas facit, vel annonam exigentes defectorum prædiorum damna sustinent, l. fin. §. mixta, ff. de mune. & honoribus.

Quæ Forma?

Vt exactio rei licite fiat, & modo, lege, vel consuetudine, permissis. Multis enim canonibus prohibitum, ne Episcopi, vel quibus ius collectandi, vel exigendi est, modum in exigendo excedant, c. ea, quæ, & c. innouamus, extr. eod.

Quis effectus Exactionis iniusta?

1. Quod exactores modum iustum exigendi excedentes priuentur officio, c. ea, quæ, extr. eod. 2. Quod excommunicentur, nisi desistant, d. c. innouamus. 3. Prætor induxit actionem in factum, ex edicto de publicanis, per quam coguntur exactores tributorum, si exegerint ultra debitum, restituere duplum intra annum: post autem, simplum, ei, à quo ipsi, vel eorum familia, exegerunt, l. 1. ff. de publi. & vectigalib.

Quid Procuratio?

Procuratio est, exhibitio sumptuum necessariorum facta illis, qui diocesim peragrando, Ecclesias subiectas visitant.

Quæ causa Efficiens?

Ius commune, consuetudo, pactum, vel priuilegium, Spec. §. sequitur, tit. de consue. & c. seruitutum. 1 8. q. 2.

Quod Obiectum?

Est visitatio, quæ singulis annis fieri debet ab illis, qui ius visitandi habent. Habent autem ius visitandi, Episcopi, Archiepiscopi, Patriarchæ, Sedis Apostolicæ Legati, nuncij, Archidiaconi, Decani, Abbates, aliique omnes, qui ordinariam iurisdictionem habent: de quo supra.

Quæ Materia?

Omnis generis victualia, vel in victualibus expensa. Nam Pontificio iure proditum est, visitatorem, vel aliquem de sua familia, occasione alicuius officij, aut consuetudinis, pecuniam, vel munus, qualitercunque oblatum, recipere nullo modo posse, sed tantum expensas in victualibus moderatas, cap. Romana, §. procuraciones. eod. tit. in 6.

Quæ

Quæ Forma?

Est præstatio mediocris victualium, vel expensatum, à qualibet Ecclesia (nisi singulari priuilegio incontinenti se probet exemptam) pro ratione personæ, & dignitatis, sub cautione quarumlibet circumstantiarum, facienda Episcopis, Archidiaconis, vel quibuslibet aliis, etiam Apostolicæ Sedis Legatis, aut nunciis, & Prælati iurisdictionem ordinariam habentibus, Ecclesias in sua prouincia, vel Diœcesi sitas visitantibus, vel quibus id muneris commissum fuit, d.c. Romana, de caus. & exact. in 6. cap. procurationes, & cap. cum Apostolus, extr. cod.

Quæ causa Finalis?

Ne Prælati hoc visitationis officium dispendio sit, si suis sumptibus peregrinentur.

Quis Effectus?

Est, causa sustentationis necessariæ, iusta, & legitima perceptio contributionum, quarum in exigendo, vel alias ecclesias grauando, modum excedens, pœna dupli infra mensem exoluendi punitur. Quod duplum, si intra illud tempus non præstiterit, ab Ecclesiæ ingressu remouetur: & inferiores officio, & beneficio, vsque ad sufficienter factam solutionem suspenduntur, dict. cap. procurationes, §. fin. & cap. 2. de censib. in 6.

Quæ Affinitas?

Omnia illa affinitatem quandam inter se habere videntur: puta, canonica portio, cathedraticum, census, procuratio, collectæ, pensio, tributum, Charitativum, subsidium. Charitativum subsidium est, quod Episcopus, vel Papa, propter superuenientes necessitates, cum charitate moderatum, ab Ecclesiis sibi subiectis exigit. Canonica portio ab omnibus redditibus, & oblationibus detrahitur. Census, de quouis prouentu Ecclesiæ annuatim exoluitur. Cathedraticum in signum subiectionis, ab Ecclesiis in eadem Diœcesi constitutis exigitur. Procuratio, ratione visitationis, Prælati, pro necessariis sumptibus, exhibetur. Collectæ, pro ratione possessionum, & Patrimonij imponuntur. Pensio cum censu, & tributum cum cathedratico conuenit. Quia & tributum probatio subiectionis est, c. omnes, extr. cod.

Quæ Pugnancia?

Auaritia, c. ea, quæ, cod. præscriptio, mutatio rei soluendæ, cap.

cap. cum canonicus, eod. grauamen Ecclesiæ, interitus, reformatio Ecclesiæ, partium conuentio, pactum, consuetudo, contraria remissio ex causa cum consensu Capituli, nimia sterilitas, Ecclesiæ paupertas, Hosti. hoc tit. §. in quo casu.

AXIOMATA, ET SENTENTIÆ.

Natura consentaneum est, ut is non recuset onus, qui rerum commoda complectitur, Clem. 1. eod. tit.

Præuilegia strictè sunt intelligenda, & tantum futura, & non præterita respiciunt, nisi expressè contrarium consuetuatur, Clem. cum sit, eod. tit.

Visuator non in pecunia, sed victualibus, recipere debet procurationem moderatam, cap. Romana, §. procurationes, extr. eod.

Omnis anima sublimioribus potestatibus subiecta est, c. omnis, extr. eod.

Tributum in probationem subiectionis præstat, d. c. omnis, extr. eod.

Afflictis afflictio non est addenda, c. licet, extr. eod.

Ad antiquam monetam, uel si non est in usu, ad eius estimationem, soluende sunt pensiones, cap. cum canonicis, extra. eod.

Argumentum à loci vicinitate ualet: ob id Ecclesia in procurationibus, & aliis, vicinarum consuetudinem in dubio seruabit, c. super eo, extr. eod.

Episcopus remittens Ecclesiæ seruitia, quæ sibi debebat: & statuens, quod aliud seruitium non imponatur, procurationem non intelligitur remisisse, c. cum venerabilis, extr. eod.

Ecclesiæ tenentur Episcopo, in cuius diocesi sunt, respondere de procurationibus, quarta decimarum, & aliis Episcopalibus, c. cum olim, extr. eod.

Prescriptio etiam antiquum modum soluendi census tollit, c. olim causam, extr. eod.

Novus census Ecclesiis imponi non potest, nec antiquus au-
geri,

geri, quòd si contrà factum fuerit, hoc irritum habetur, c. prohibemus, & c. grauis, extr. eod.

Prelatus, seu Rector Ecclesie non potest, praesertim post mortem, Ecclesiam suam propria auctoritate constituere censualem, c. praterea, & c. Ecclesius, extr. eod.

Per collusionem constituens Ecclesiam censualem, illa priuatur: quòd si collectores grauent subditos, ab officio deponuntur, c. cum clerici, & c. ea, quae, extr. eod.

Nona pedagia sine consensu Principis imponens, commutatione priuatur, c. innouamus, extr. eod.

Obligatio aliquid praestandi vniuersitati, & singulis, qui sunt in vniuersitate: etsi in vniuersitate numerus creuerit, tamen omnibus, & singulis tenetur: & si hoc grauaretur nimium, per iudicis officium sibi prouidebitur, cap. quanto, extr. eodem.

DE CONSECRATIONE Ecclesiae, & Altaris.

TITVLVS XL.

Continuatio.

TEmpore consecrationis imponitur census, in signum subiectionis, ab Ecclesia consecrata praestandus.

• Quid est Consecratio?

Consecratio est ritus sacrandi res **DE O**, cum adhibitione certarum solennitatum, antiquitus inductus, & ex instituto veterum Patrum tractus, c. vnico, §. vnde in veteri testamento, extr. de sacr. vnct. -

Quae causa Efficiens?

DEVS ipse, & statuta Pontificum, d. c. vnico, extr. de sacr. vnct. & per tot. dist. I. de consecr.

Quod Subiectum?

Persona, quae habet consecrandi facultatem: vt est Pontifex, Episcopus, Diocesanus: non autem inferior quidam clericorum, etiam ex Episcopi delegatione: quia licet Episcopus
ca, quae

ea, quæ iurisdictionis sunt, inferiori demandare possit, non tamen ea, quæ Ordinis sunt, inferioris gradus clericis committere permittitur, Abb. in cap. fin. extra. de cleric. ægrot. & cap. penult. extra. eodem.

Quod Subiectum?

Res, vel persona, cuius consecratio fit. Quæ autem sint; vide tit. de sacra vnct. lib. 1. & dist. 1. de consecrat.

Quæ Forma?

Forma consecrandi Pontifices, & Imperatores, habetur ca. vnico, extr. de sacra vnct. De forma consecrandi Episcopos legitur in cap. Episcopus, dist. 23. cap. 1. d. 75. Panorm. & Dd. in cap. si. Archiepiscopus, extr. de temp. ordin. & in cap. porro, 66. dist. De consecrationis modo aliorum clericorum, habetur in cap. presbyter, & cap. seq. vsque ad cap. psalmist. dist. 23. Forma consecrandi Ecclesias traditur in authent. de monachis, §. illud, & authent. de Eccles. tit. §. si quis, & cap. placuit, 1. q. 1. & cap. 1. dist. 1. de consecrat. Forma consecrandi altaria, aliasque res sacras, explicatur in d. cap. vnico, §. vngitur, extra. de sacra vnct. cap. altaris, & cap. placuit, dist. 1. de consecrat. Debet autem fieri consecratio diebus festiuis quoad commodè fieri possit, vel etiam priuatis, & tantum semel, nisi iterandi causa legitima subsit, cap. Ecclesiis, dist. 1. de consecrat.

Quis Effectus Consecrationum?

De effectibus consecrationum, vide Hostiens. in §. quis sit effectus, tit. de sacra vnct. qui variarum consecrationum effectus ponit.

Quæ Contraria?

Pollutio: quæ in Ecclesiis contingere dicitur homicidio etiam citra sanguinem, & seminis, vel humani sanguinis effusione, & excommunicati humatione. Sed hæc pollutio purgatur per reconciliationem, quæ qua forma fiat, vide cap. Ecclesia semel, c. solennitates, dist. 1. & cap. consuluisti, extr. eod.

AXIOMATA, ET SENTENTIÆ.

Ea, quæ sunt ordinis, non ita sicuti quæ iurisdictionis sunt, per delegationem transferri possunt, cap. penult. extr. eod.

Ecclesiis Deo sacratis non est deinde consecratio adhibenda, ni aut incendio, aut alia ruina dissecrata sint. Quo casu

omnia ex integro agenda erunt: perinde ac si nunquam consecrata fuissent, cap. Ecclesiis, dist. de consecrat.

Episcopus crescente fide fidelium, novam Ecclesiam construere, & unam in plures diuidere potest, cap. precipimus, 6. quest. 1. & cap. nulli, distinct. 99.

DE CELEBRATIONE MIS- sarum, & Sacramento Eucharistiæ, & diuinis officiis.

TITVLVS XLI.

Continuatio.

Non tantum altarium, Ecclesiarum, aliarumque rerum consecratio fit, verum etiam ad tremendi illius sacrosanctæ Synaxeos, seu Eucharistiæ sacramenti perfectionem, debita Diuini verbi prolatio, siue consecratio desideratur.

Quid est Eucharistia, & vnde dicitur?

Eucharistia est, Sacramentum, quod sub speciebus visibilibus, panis scilicet, & vini verum sacrosanctum corpus, & sanguinem Christi continet: ex cuius sumptione ingentem Dei gratiam, & vitam animæ consequimur. Dicta Eucharistia, quasi bona gratia, vel gratiarum actio, cap. in quadam, & cap. cum Marthæ, §. quæsiuisti, extra. cod. cap. species, distinct. 2. de consecrat.

Quæ continet Eucharistia?

1. Sacrosancta Eucharistia à se inuicem tria discreta continet, species scilicet visibiles. 2. Veritatem sacrosancti Corporis, & Sanguinis Christi. 3. Vberem spiritualis gratiæ virtutem. Quod enim oculis nostris apparet, species sunt panis, & vini. Quod sub speciebus fides nostra comprehendit, verum corpus, & sanguis est Christi. Quod autem ex participatione sacrosanctæ Eucharistiæ consequimur, virtus est gratiæ spiritualis, & vita æterna, c. quia corpus, dist. 2. de consecrat.

Quæ causa Efficiens?

Deus Optimus Maximus: Qui celebrata cum discipulis suis agni paschalis Cœna, hoc sacramentum in sui commemorationem obseruari præcepit, Matth. 26. Matc. 14. & Luc. 22.

Quæ

Quæ causa Impulsiva?

Amor ille ingens, quo Dominus suos dilexit, vt ait Ioannes, c. 13. Cùm Dominus dilexisset suos, in finem dilexit eos. Cuius quidem amoris, vt diuinum aliquod, atque admirabile pignus daret, sciens horam iam venisse, vt transfret ex hoc mundo ad patrem, ne vllò vnquam tempore à suis abesset, inexplicabili consilio, quod omnem naturæ ordinem, & conditionem superat, perfecit.

Quæ Materia?

Elementum panis, & vini. In hoc enim Eucharistiæ sacramento, visibiles panis, & vini species, quæ tantummodò sacramentum, id est, visibile signum sunt rei sacræ: hoc est, Corporis, & Sanguinis Christi: quæ sũt res huius sacramenti; & non modò per has res, quadam similitudine, signantur, sed sub ipsiſ speciebus reuera continentur, considerantur. Deinde eadem similitudinis ratione, verum illud CHRISTI Corpus sacramentum est mystici illius Corporis Christi, quod est Ecclesia: cuius caput est Christus; quod in Eucharistia quidem non continetur, aptè tamen veri illius corporis similitudine significatur. Nam quòd in vero Corpore est diuersitas membrorum, hoc est in Ecclesia diuersitas donorum, & gratiarũ: quam diuersitatem charitas compingit, & dirigit in vnitatem. Cuius commercio, quod in singulis Ecclesiæ membris excellens est, & bonum, id in communem omnium cedit vtilitatem. Huius autem mystici corporis communio, & incorporatio, præcipua Eucharistiæ efficacia, & principalis virtus est, quam veri corporis, & sanguinis Christi participatione acquirimus. Vnde Apost. 1. ad Cor. 10. vt hanc, vel qui præcipuam Eucharistiæ efficaciam, & virtutem insinueret, veri corporis, & sanguinis Christi participationem in illud mysticum corpus ordinauit. Calix benedictionis, inquit, cui benedicimus, nõne communicatio sanguinis Christi est? Et panis, quem frangimus, nõne participatio corporis Domini est? Et huius sanctæ participationis fructus insinuans, subdit: Quoniam vnus panis, & vnum corpus multi sumus, omnes, qui de vno pane, & de vno calice participamus. Hoc igitur nobis vñs Eucharistiæ præstat, vt in communionem mystici illius corporis Christi, quod est Ecclesia, velut membra arctius inferamur. Ad quam vñionem insinuandam, & cõmendandam, panis, & vinum aptissimè seruiunt: Nam & pavis ex multis granis in vnum coalescit, & vinum ex multis racemis confluit.

Sic nos, per vsum huius diuini mysterij, cum multi simus, in vnum coalescimus, & per Spiritum sanctum adunamur, eodemque pacis, & charitatis vinculo, velut membra, in vnum corpus colligamur, &c. ca. quia passus, distinct. 2. de consecrat.

Quæ Formæ?

Verbum CHRISTI, idem efficiens, quod significat, Est autem tale, quod CHRISTVS in institutione huius Sacramenti protulit, & legitur apud Matthæum, 26. Marc. 14, Luc. 22. & 1. Corinth. 11. sub hac orationis forma: Accipite, & manducate: Hoc est corpus meum, quod pro vobis tradetur. Hoc facite in meam commemorationem. Et accipiens calicem, gratias egit, & dedit illis, dicens: Bibite ex hoc omnes: Hic est enim Sanguis meus, noui testamenti, qui pro vobis, & pro multis effundetur in remissionem peccatorum. Hoc facite, quotiescunque bibetis, in mei commemorationem. Sacramentum enim Eucharistiæ ipsa consecratio, quæ verborum forma sub Pane, & Vino exprimitur, efficit: caput, Panis, & calix. & c. non omnis, distinct. 2. de consecrat. Hinc Augustinus: Verbum CHRISTI, si ad elementum accedat, fit Sacramentum, & Matth. 26. Benedixit, licet accipere.

Quæ causa Finalis instituta Eucharistia?

In hunc finem instituta est Eucharistia, vt passionis, & mortis CHRISTI recordemur, eamque annuntiemus perpetuò. Sic enim ipse ait: Hoc facite in mei commemorationem. Et Paulus: Quotiescunque manducabitis panem hunc, & calicem bibetis, mortem Domini annuntiabitis donec veniat. Vult autem ob id Dominus meminisse nos suæ passionis, ac mortis. 1. Vt ea recordatione fidem nostram subinde & excitemus, & confirmemus, persuasi scilicet, ipsius mortem, esse redemptionem, ac vitam nostram: ipsius sanguine ab omnibus peccatis nos mundatos esse, & etiamnum mundari, cap. quia morte, dist. 2. de consecrat. 2. Vt ad gratiarum actionem, ipsi pro tam effabili beneficio iugiter offerendam incitemur, 3. Vt ad peccatorum abdicationem, bonorumque contrà operum, & innocentiae studium animemur. Cogitantes nimirum seriò, nos iam factos esse membra Christi, eoque actiones etiam decere tanto capite nostro dignas: hoc est, prorsus Christianas. 4. Vt ad fraternæ quoque charitatis inflāmemur officia. Sic nempe totos nos impendentes proximis, quemadmodum ipse Christus sese totum nobis impendit, &c.

Quis

Quis Effectus?

Primus est: Vt de sacro Domini corpore, & sanguine participantes, in membra eius transeamus, & vniamur cum illo, non solum secundum spiritum, fide, & charitate: sed vera corporis vnione: vt iam ipsi velut membra capiti inhæreamus, & vnum cum illo corpus efficiamur, secundum Ioannem, 6. Qui manducat meam carnem, & bibit meum sanguinem, in me manet, & ego in eo; & qui manducat hunc panem, viuít in æternum. Alter effectus, ex primo dimanans, est aditus ad æternam hæreditatem, quæ noui, atque æterni testamenti iure ad nos venit: in Christo enim manentes, vitam æternam, & similem cum illo immortalitatis gloriám, in ipso, & per ipsum possidere poterimus. Tertius effectus est, vt nec iam vilius gratia cum illo nobis intercedat diuortium, nec possit vnquam alibi fieri diuersum, quod híc tam firmo, arctissimoque vnionis vinculo est colligatum. Vnde Ioannis 6. Qui edit meam carnem, & bibit meum sanguinem, habet vitam æternam: & ego suscitabo eum in nouissimo die. Denique sumptione Eucharistiæ confirmamur in fide, munimur aduersus omnis generis vitia, ad bonorum operum studium extimulamur, & ad charitatem inflammamur.

Quæ Affinitas?

Mannæ distributio, Patribus facta, & azyma, cap. inquit, & cap. vbi pars est, dist. 2. de consecrat. Quæ quasi Eucharistiæ præfiguratio fuerunt. Differunt tamen effectû, secundum Ioannem, 6. Hic est panis ille, qui è cœlo descendit, non sicut comederunt patres vestri manna, & mortui sunt. Qui ederet hunc panem, viuet in æternum. Et Apostolus Paulus, 1. Cor. 5. Expurgate vetus fermentum, vt sitis noua conspersio, sicut estis azymi. Etenim pascha nostrum immolatus est Christus; itaque epulemur, non in fermento veteri, neque in fermento malitiæ, & nequitia; sed in azymis synceritatis, & veritatis. Et alia sacramenta, quò ad collationem spiritualis gratiæ, Eucharistiæ affinitas sunt, licet ex omnibus sacris mysteriis, quæ nobis tanquàm diuinæ gratiæ certissima instrumenta Dominus Saluator noster commendauit, nullum sit, quod cum sanctissimo Eucharistiæ sacramento comparari queat.

Quæ Adiacentia?

Spiritualis gratia, diuinitas Christi, fidelitas sumendi.

Quæ Pugnancia?

Omissio verbi diuini, contemptus solennium, aliarumque

rerum, quæ Ecclesia obseruari præcipit, simulatio, consecrationes, infidelitas, cap. de homine, & cap. fin. extra. eod.

De celebratione Missarum habetur in cap. cum Marthæ, extr. eod. & per totum, dist. 2. & dist. 1. in fin. de consecrat.

De diuinis officiis clericorum agitur in cap. 1. 2. & cap. dolentes, extra. eodem.

AXIOMATA, ET SENTENTIÆ.

Ecclesia gremium non claudit redeuntibus, cap. scanicis, dist. 2. de consecrat.

Corporeum illud manna nunc est tanti res miraculi, quia venit, quod perfectum est: perfectus autem panis de cælo, corpus est, ex virgine natus, cap. corporeum, ead. dist.

Corpus Christi, quod sumitur, & figura est in specie, & veritas in substantia, cap. corpus, dist. 2.

Sancta nocent malis, & mala prosunt bonis, cap. & sancta, dist. 2. eodem.

Mentiri Deo, ipsum fallere non potes, cap. panem, dist. 2. eodem.

Non corpus, sed anima substantiam fulcit panis vite æternæ, cap. non iste, dist. 2.

Credere in Christum, est panem, & vinum manducare: qui credit in eum, manducat eum, cap. ut quod, dist. 2. eodem.

Non natura nascitur, sed consecratione conficitur nobis Corpus, & Sanguis Christi, cap. panis, dist. 2.

Sacrificium visibile, inuisibile est Sacramentum, id est sacram signum, Sacramentum est inuisibilis gratia visibilis forma, cap. sacrificium, dist. 2.

Signum est res præter speciem, quam ingeri sensibus, aliud aliquid faciens ex se in cognitionem venire, cap. signum, dist. 2. de consecrat.

Ubi pars est corporis, est & totum. Eadem ratio est in corpore Domini, quæ in manna, quod in eius figura præcessit, de quod ieiun: Qui plus collegerat, non habuit amplius, neque

neque qui minus parabat, habuit minus. *Non enim quantitas visibilis in hoc aestimatur mysterio, sed virtus sacramenti spiritualis, cap. ubi pars est, dist. 2. eod.*

DE BAPTISMO, ET EIVS EFFECTV.

TITVLVS XLII.

Continuatio.

Baptismus, qui quasi ianua est, qua in Christianæ vitæ societatem ingredimur, consecratione quoque perficitur.

Quid Baptismus?

Baptismus definitur sacramentum, quo quis recta animi intentione, & debita verborum forma obseruata, alium non contrā sentientem, aqua elementari abluit, pro remissione peccatorum. Sed magis appositè, Baptismus definitur, sacramentum esse regenerationis, per aquam in verbo, iuxta illud Apostoli, Ephes. 5. Mundans eam lauacro aquæ in verbo. Et Ioannis 3. Nisi quis renatus fuerit ex aqua, & spiritu, non potest introire in regnum Dei. Natura enim ex Adam filij iræ nascimur, per Baptismum verò in Christo filij misericordiæ renascimur. Siquidem dedit hominibus potestatem filios Dei fieri, iis, qui credunt in nomine eius: qui non ex sanguinibus, neque ex voluntate carnis, neque ex voluntate viri; sed ex Deo nati sunt, Ioann. 1.

Qua causa Efficiens?

Christi mandatum, & voluntas, iuxta illud Matth. 28. Euntes, docete omnes gentes, baptizantes eos in nomine Patris, & Filij, & Spiritus Sancti. Et huic promissioni innititur: Qui crediderit, & baptizatus fuerit, is saluus erit, Matth. 16.

Quæ Materia?

Omne naturalis aquæ genus, siue ea maris sit, siue fluij, siue paludis, siue putei, aut fontis, quæ sine vlla adiunctione aqua dici solet. Nam, vt Saluator docuit: nisi quis renatus fuerit ex aqua, & Spiritu, non potest introire in regnum Dei. Et Apostolus inquit: Ecclesiam lauacro aquæ mundatum esse, & in Diui Ioannis epistola scriptū legimus: Tres sunt, qui testi-

monia in terra dant: scilicet, Spiritus, Aqua, & Sanguis. Vnde in ca. 1. dist. 4. de consecrat. dicitur: Renascitur homo ex aqua, visibili sacramento, & spiritu inuisibili, scilicet intellectu, vt Symbolum Baptismi visibiliter accipiat, & spiritualem intellectum ipsius Symboli percipiat: vel ex aqua visibili, & Spiritu sancto. Vt enim aquæ natura, & vis inest eluendarum rerum, corporalium sordes: ita aqua Baptismi significat animi sordes in Baptismo purgari; non tantum verò purgatio hæc animi per aquam illam significatur, sed & re ipsa vterque in Baptismo fit.

Quæ Forma?

Forma Baptismi ostendit Christus cum Apostolis iussit, vt in nomine Patris, & Filij, & Spiritus sancti baptizarent credentes. Est autem hæc forma Baptismi perfecta, & absoluta, qua actio ministri, & persona eius, qui baptizatur, exprimitur: vt, Ego te baptizo in nomine Patris, & Filij, & Spiritus sancti. Hoc enim est verbum, quod aquam significat, & ad abolendas etiam internas animi sordes, efficacem reddit, Matth. 28. Si tamen minister ignorans Latine loqui, diceret: Baptizo te in nomine Patria, & Filia, & Spiritua sancta, si non animo introducendi errorem, vel hæresim; sed intentione baptizandi infringendo linguam, ita dixisset, baptizatus non est denuò baptizandus. Cum talis error linguæ, Baptismi effectum non impediat, cap. retulerunt, distin. 4. de consecrat. & cap. si sanctificatur, distin. 4. eod. Baptismus igitur formam suam ab Euangelio habet, cap. penult. extra. eodem. Alia verò, quæ in Baptismo dicuntur, fuerunt instituta ab Ecclesia, cap. propriè, de consecrat. distin. 4. & fuit Apostolis concessum baptizare in nomine Christi tantum, propter nomen Christi ampliandum, dist. cap. propriè, & vide tex. in cap. à quodam, de consecrat. distin. 4. & ibi Arch. & gloss.

Quæ causa Finalis?

Vt in hæredes Christi recipi, & æternæ fœlicitatis participes esse possimus. Hoc enim sacrosancto Baptismatis fonte, quasi regenerationis lauacro mundati, & ab omni noxa liberati, per gratiam Dei, ad diuinam in omnem perpetuitatem cum beatis perfruendam hæreditatem, qua per casum Adæ indigni facti fueramus; rursus admittimur. Magnæ igitur necessitatis sacramentum est Baptismus: sine quo aliàs Christianæ societati, & hæredibus Dei aggregari non possumus. Sicut enim in rebus externis, nulla huius vitæ commoda sentire

tire potest homo, nondum natus : sic nec spiritalium bonorum participatione frui quisquam potest , nondum renatus, priusquàm spiritalem vitam, suscepto regenerationis lauacro, inchoauerit.

Quis Effectus?

1. Baptizatus, eo eripitur à regno, & tyrannide diaboli, cap. primùm, dist. 4. de consecrat.

2. Donatur remissione omnium suorum peccatorum, cap. maiores, ext. eod. & c. ex quo instituta, dist. 4. eod.

3. Donatur spiritu sancto, & vera innocentia, c. non potest, dist. 4. eod. & c. per aquam, eod.

4. Ad hoc Baptismus valet, vt dicitur in c. ad hoc, dist. 4. de consecra. vt baptizati Christo incorporentur, & membra eius habeantur, consepelianturque : & oblati per sacramentum, charitatemque fidelium reconcilientur Deo : vt in eo viui, salui, liberati, tedempti, illuminati fiant, d. c. ad hoc.

5. Baptizati addicuntur, consecranturque Deo Patri, & Filio, & Spiritui sancto : huius denique sunt filij, atque hæredes ; d. c. maiores, extr. eod.

6. In Baptismate omnis malorum fomes extinguitur : non vt non sint, sed vt non obfint, cap. per Baptismum, distinct. 2. de consecr.

Quæ Cognata?

Circuncisio, in cuius locum, salutari Christi institutione Baptismus est successus, c. quod autem, dist. 4. de consecrat. Diluuium, transitus maris rubri, & aliæ ablutiones , de quibus tam in veteri, quàm in nouo testamento legimus. Diluuium enim , quo mundus purgatus est, quòd multa malitia hominum esset in terra, & cuncta cogitatio cordis intenta ad malum, huius aquæ figuram, & similitudinem gessisse, Apostolus in priori epistola ostendit, 1. Pet. 3. Et maris rubri transitum eiusdem aquæ factos sanctæ significationem habuisse , Diuus Paulus ad Corinthios exposuit, 1. Cor. 10. Vt interim omit- tam tum Naaman Syri ablutionem , tum probaticæ piscinæ admirabilem vim, & alia id genus multa, in quibus huius mysterij symbolum inesse facile apparet. De prædictionibus autem dubitare nemo potest, quin aquæ illæ, ad quas tam liberaliter Isaias Propheta omnes sitientes inuitat, vel quas è templo egredientes Ezechiel in spiritu vidit, tum præterea fons ille, quem domui Dauid habitantibus Hierusalem paratum in ablutionem peccatoris, & menstruatae, Zacharias prænuntia-

uit, ad salutarem Baptismi aquam indicandam, & exprimendam pertineant.

Quæ Adiacentia?

Examinationes, promissiones, renuntiationes, ritus, & cæremoniæ: de quibus habetur in cap. baptizandi, cap. postea, cap. deinde, cap. sacerdotes, cap. si quis, cap. post Baptismum, distinct. 4. eod. susceptio, fides suscipientis, & baptizandi, si sit adultus, alioquin offerentium fides sufficit, quæ paruulos fideles reddit. Ij enim per verba gestantium quodammodo fidem confitentur, & Diabolo, mundoque renuntiant. Et hoc fieri dicitur vi sacramenti, & diuinæ gratiæ, quam Deus Ecclesiæ concessit, cap. paruuli, distinct. 4. de consecrat. cap. mater, eod. cap. in Ecclesia, eod. & cap. illud perscrutari, distinct. 4. Imò paruulus baptizatus fidem habere dicitur, propter fidei Sacramentum: etenim ita fideles vocantur, non rem ipsam mente abnuendo; sed ipsius rei sacramentum percipiendo, c. nihil est aliud, dist. 4. de consecrat.

Quæ Pugnancia?

Infidelitas baptizantis, & baptizandi adulti: non enim tam ablutione corporis, quàm fide cordis Baptisma constat, cap. verus, distinctio. 4. Simulatio ficta. Vnde iis, qui ficto corde baptizantur, aut peccata nullatenus dimittuntur; quia spiritus disciplinæ effugit fictum: aut in ipso temporis puncto per vim sacramenti dimissa, iterum per fictionem, replicantur, cap. quomodò, & cap. tunc valere, distinct. 4. eod. Baptismi reiteratio. Reiterari enim baptisma non debet, cuius formam constat integrè collatam, cap. hi, de quibus, cap. ostenditur, cap. si qui apud, distinct. 4. Nota tamen, quòd et si ab hæretico, vel pagano Baptismus sit collatus, animo baptizandi, reiteratio non concedatur: idem est, si minister sit in mortali peccato constitutus, vel peruersis moribus præditus. Sicut enim Sol transiens per sordida loca non contaminatur, ita nec sacramenta administrata per malos non possunt vitiari. Non enim tam ministri rectè administrare volentis officium, quàm spiritus Dei subministrantis gratiam diuinam attendimus, cap. Romanus, cap. si inter bonos, distinct. 4. eod. & vt dicitur in cap. baptismus, ead. distinct. Non merita ministrorum, sed virtus Christi in Baptismate, aliisque sacramentis operatur.

AXIOMATA, ET SENTENTIÆ.

*Necessarium est visibile Sacramentum aqua, ad ablu-
tionem visibilis corporis : sicut necessaria est doctrina inuisi-
bilis fidei ad sanctificationem inuisibilis anime, cap.1.dist.4.
de consecrat.*

*Finis legis Christus est ad iustitiam omni credenti, cap. si
quis, dist.4. de consecrat.*

*Sicuti per bonum, ita per malum ministrum, aquæ Ba-
ptisma ministratur, c. si inter bonos, dist.4.*

*Non merita ministrorum, sed virtus Christi in Baptisma-
te operatur, c. Baptismus, dist.4. eod.*

*Verba erroris per imperitiam prolata, non impediunt aquæ
sanctificationem, c. si non, dist.4.*

*Qui in Baptismo paruulos suscipiunt, pro eis apud Deum
fideiussores existunt, c. vos ante, dist.4.*

*Qui in maternis sunt uteris, cum matre baptizari non
possunt : quia qui natus adhuc secundum Adam non est,
secundum Christum renasci non potest, cap. qui in mater-
nis, distinct.4.*

*Tanta est Baptismi virtus in sancta compage corporis
Christi, ut semel regeneratus, per aliorum voluntatem dein-
ceps non possit vinculo aliena iniquitatis obstringi: cum nulla
sua voluntate consensu, c. quæris à me, dist.4.*

Anima patris, est anima filij, d. c. quæris, eod.

*Peccato alterius, sine sua conscientia nemo tenetur, d. cap.
quæris, eod.*

*Gratia non tantum peccata dimittit, sed etiam legem im-
plere facit, c. gratia, dist.4.*

*Non tam ablu-tione corporis, quàm fide cordis Baptisma
constat, c. verus, dist.4.*

DE PRESBYTERO NON

baptizato: Et an Ordinatio presbyteri
non baptizati subsistat.

TITVLVS XLIII.

Continuatio.

CUm non, nisi per meritum Christi, & Baptismum, iuncta fide in Christum, Christianorum nomen adipiscamur: patet presbyterū, antequam baptizatus sit, ordinari non posse: & si de facto ordinetur, tamen ordinis characterem non recipere, c. 1. & c. veniens, ext. eod. Est enim Baptismus fundamentum Christianæ societatis, quo deficiente, nullius Ordinis character imprimi potest. Idem est, si Baptismus præcesserit: sed in eo forma non fuerit seruata; vel dubium sit, an baptizatus sit, vel forma in eo seruata: Et sic de iure, vel facto Baptismi ignoretur. Potest enim hoc casu Baptismus ante ordinationem conferri, nec ob id Baptismi iteratio fieri dicitur. Quia non videtur iteratum, quod ambigitur esse factum, cap. fin. §. fin. ext. eod. & §. verum, 3 2. q. 6.

DE CVSTODIA EVCHARI-

stix, Chrismatis, & aliorum Sa-
cramentorum.

TITVLVS XLIIII.

Qua pœna Custodis negligentis obseruare res sacras?

IS, cui cura custodiendi res sacras, commissæ est, nihil negligentix admittere debet: quod si secus, etsi nihil nefarium contingat, custos in pœnam negligentix trium mensium suspensioni subiicitur: vel, si inde turpe quid sequatur, pro arbitrio iudicis punitur. Si quis autem per ebrietatem, vel voracitatem Eucharistiam euomit, si laicus sit, 40. diebus: si clericus, 70. pœnitere debet, cap. si quis, distinct. 2. de consecrat. licet si per infirmitatem contingat, 7. dierum pœnitentia statuta sit.

DE

DE RELIQUIIS, ET
veneratione Sanctorum.

TITVLVS XLV.

Qui pro sanctis venerandi sunt?

Non omnes, qui miracula faciunt; quia quandoque etiam per malos miracula fieri possunt, c. teneamus, 1. q. 1. Sed qui Apostolica autoritate approbati, & in numerum sanctorum relati, vel canonizati sunt.

Quid est Canonizare?

Canonizare est, vt ait Innocentius in c. 1. extra, eod. sanctos canonicè, & regulariter statuere, vt approbatione præmissa, pro sanctis, ob vitæ sanctimoniam, præclaras virtutes, vel miracula, vltra potentiam humanam, & quasi diuinitus facta, honorentur.

Quæ forma Canonizandi?

Notat Hostiens. in Sum. na. Primò oportet inquiri de vita, moribus, rebus præclare gestis, c. miramur, dist. 19. Secundò, vt in vita persecutiones passus fuerit, c. omnis, 7. q. 1. Tertiò inquirendum de miraculis in vita, & post mortem factis. In quibus quatuor requiruntur. 1. Quòd à Deo, non ex arte quadam procedant, c. teneamus, 1. q. 1. 2. Quòd sint contra naturam. 3. Quòd non ex vi verborum, sed ex pietate hominis hæc contingant, cap. cum Marthæ, extr. de celebrat. Miss. 4. Quòd sint ad confirmationem fidei, argum. c. catechumenum, dist. 4. de consecrat.

Quid de Reliquiis?

Præcipit Innocentius LI I. in Concilio generali, Prælatis, vt non permittant eos, qui ad eorum Ecclesias, causa venerationis accedunt, variis figmentis, aut falsis documentis decipi: sicut in plerisque locis occasione quæstus fieri consuevit, c. cum ex eo, extr. eod. ideò ne quid in posterum Christianæ religioni detrahatur, vt antiquæ reliquiæ extra capsam nullatenus ostendantur, nec exponantur venales: inuenias autem de nouo nemo publicè venerari præsumat, nisi prius auctoritate Pontificis fuerint approbatæ, decreto vetat, d. cap. cum, extr. eodem.

DE

510 ANALYS. IVRIS PONTIFICII
DE OBSERVATIONE
ieiuniorum.

TITVLVS XLVI.

Quid est Ieiunium?

Ieiunium, teste Innocentio in c. 1. extr. eod. est parsimonia victus, & abstinencia ciborum, certis ab Ecclesia institutis temporibus seruanda.

Vnde dicitur Ieiunium?

Ieiunium dicitur à quodam intestino ieiuno vocato, quod semper vacuum est, subtile, & ieiunum, mediaque viscera vacua, & exinanita relinquit, Innoc. d. c. extr. eod.

Quotuplex Ieiunium?

Ieiunium triplex dicitur esse: Primum est afflictio carnis, ex abstinencia ciborum certis ab Ecclesia institutis diebus ab hominibus communiter obseruanda, de quo propriè hoc titulo differitur. Alterum dicitur perfectum, scilicet abstinencia à cunctis illecebris, iniquitatibus, & illicitis voluptatibus: de quo habetur in cap. ieiunium, distinct. 5. Tertium dicitur, discreta, & moderata ex naturali ratione conueniens refectio, secundum quam non luxuriosam, sed temperatam vitam ducimus: de quo legitur in cap. sint tibi, distinctio. 5. de consecrat.

Quæ causa Efficiens?

Potentia appetitiua hominis, & decreta Pontificum, ieiunia certis temporibus indicentium, cap. consilium nostrum, extr. eod.

Quod Obiectum?

Abstinencia ciborum, & vitiorum. Vnde ieiunium non tantum ab æscis, sed à cunctis illecebris dicitur abstinencia.

Quæ Forma?

Ieiunij obseruatio regulariter secundum naturæ legem constituitur: tantum enim cibi, & potus, (vt ait Cicer. in Catone maiore) sumendum est, quo reficiantur, non opprimantur vires tam corporis, quam ingenij. Sed determinatio temporis, & modus ieiunandi secundum Pontificum institutum, Canonibus traditur, scilicet c. solent, de consecr. dist. 1. & tot. tit. hoc, de obserua. ieiuniorum.

Qui

Qui Effectus?

Humilitas, continentia, & castitas. Nam, vt dicit Aug. purgar animam, mentem subleuat, propriam carnem spiritui subiicit, cor facit contritum, & humiliatum, concupiscentiæ nebulas dispergit, libidinum ardores extinguit, castitatis verò lumen accendit.

DE PURIFICATIONE

Post partum.

TITVLVS XLVII.

An mulier post partum editum arceatur ab Ecclesia ingressu?

LEge Mosaica, mulier, post partum, iudicabatur immun-
da: ideò pariens masculum, vsque ad 40. feminam autem
si pareret, vsque ad 80. dies ab ingressu templi arcebatur. Ho-
diè verò, cum vmbra legis euanuerit, veritasque Euangelij il-
luxerit: si mulieres post partum editum, acturæ gratias Deo,
Ecclesiam intrare voluerint, ne pœna illis in culpam conuertri
videatur, nullis mulieribus ad Ecclesiam se conferre volenti-
bus, aditus præcludi debet, c. volens, extr. eod.

DE ECCLESIIS ÆDIFI-
candis, vel reparandis.

TITVLVS XLVIII.

An noua ecclesia extrui possunt? Et qua requiruntur?

Non tantum Ecclesiæ ruinam minantes ex fabrica, aliis-
que contributionibus reparari; verum etiam, iusta causa
urgente, è fundamentis nouæ extrui debent: Adeò vt nec ob-
stante iuramento de rebus Ecclesiæ non alienandis, Episcopus
Ecclesias, & oratoria ob iustam causam ædificare possit, c. fin.
extr. eod. Sunt autem iustæ causæ. 1. Populi incrementum,
d. c. fin. extr. eod. & c. felix, 1 5. q. 1. 2. Nimia distantia Eccle-
siæ. Nam, vt ait Alexander 1 1 1. propter nimiam distantiam
Ecclesiæ, potest noua Ecclesia, certa portione de antiqua sibi
assignata, in ipsius parochia extrui, c. ad audientiam, extr. eod.
3. Qualitas temporis, c. & tēporis qualitas, 1 6. q. 1. 4. Pietatis
ratio

312 ANALYS. IVRIS PONTIFICII
ratio ob morbum contagiosum: vnde leprosis vnà habitantibus Ecclesiam, vel oratorium ædificare permittitur, capit. 2. extr. eodem.

DE IMMUNITATE ECCLESIA- rum, cœmeterij, & rerum ad eas pertinentium.

TITVLVS XLIX.

Continuatio.

Ecclésiis, religiosis domibus, earundemque rebus, & ministris, immunitates tam Imperialibus constitutionibus, quam Pontificum decretis, sunt concessæ: quibus ab omni onere exactionum, & collectarum solutione religionis fauore liberantur.

Quid est Immunitas?

Immunitas est, ab onere, vel munere in fauorem alicuius concessa liberatio, tot. tit. ff. de iure immun.

Vnde dicitur Immunitas?

Immunitas dicitur, quasi sine muneribus data libertas, Hostien. in §. vnde, hoc tit.

Quotuplex Immunitas?

Triplex, Localis, Personalis, & Realis.

Quid est Localis?

Localis est, quæ sacræ ædi, religiosis domibus, cœmeteriis, aliisque religiosis locis conceditur. Vnde cum Ecclesia Dei, secundum Euangelicam veritatem, vt ait Lucius tertius in capit. cum Ecclesia, extra. eodem domus orationis esse debeat, non spelunca latronum, aut sanguinis forum, seculares iudices, causas, vbi de sanguinis effusione, & corporali pœna agitur, in Ecclesiis, vel cœmeteriis agitare, sub interminatione anathematis prohibentur. Et ratio est: Quia absurdum, & crudele videtur, ibi iudicium sanguinis exercere, vbi est tutela refugij constituta, d. c. cum Ecclesia: nec in domibus Ecclesiarum causas ciuiles, vel canonicas decidere, vel hospitium habere possunt, Missus, Comes, Iudex, vel minister publicus, c. 1. extr. eod. Imò, non tantum iudicia secularia, verum etiam publicæ quarum libet societatum, & vniuersitatum con

con

conciones, & confilia, nundinarum, aliorumque secularium tractationes, confabulationes, fœda, & profana colloquia, & alia quæcunque, quæ diuinum cultum turbare, vel impedire, aut oculos diuinæ maiestatis offendere possint, ab Ecclesiis penitus amoueri debent, cap. decet, cod. tit. in 6. Immunitates autem locis religiosis concessæ, nō tantum ratione sui, verum etiam illorum, qui eo loci degunt, commorantur, & accedunt, intelliguntur. Vnde confugientes ad Ecclesias, inde extrahi iure vetantur. Distinguitur tamen. Aut seruus confugit, aut liber: si liber: aut ob debita, aut ob commissum delictum, eò confugit. Si ob debita: siquidem reipublicæ debeat, non extrahitur; si tamen post citationem legitimam ipse per se, vel per Procuratorem, non compareat, proceditur contra eum ad primum, & secundum decretum, & mittitur creditor, vel actor in possessionem bonorum ipsius, Nouel. de mand. princip. & l. præfenti, C. de his, qui ad Eccles. confug. Si verò sit priuari hominis debitor, iudex triginta illi securos dies concedet, ad allegandum suas legitimas exceptiones, si quas habet ad se defendendum; & si condemnetur, iudex sententiam latam, prout legitime potest, exequetur, d. l. præfenti. Si autem, ob delictum confugit, ius ciuile inter leuiora, & atrociora delicta distinguit, d. l. præfenti. Ius autem Pontificiū quātumcunque graua maleficia perpetraverit: non tamen violenter ab Ecclesia extrahendum, nec inde ad mortem, vel ad pœnam damnum statuit. Et ratio est: Quia honor Ecclesiarum cōseruari debet, cap. Reum ad Ecclesiam, 17. q. 4. Excipit autem Innocent. III. duos casus: Nisi publicus latro fugit, vel nocturnus depopulator agrorum: qui itinera frequentia, vel publicas vias obsidet aggressionis insidiis: illi enim iuxta canonicas sanctiones, impunitate non præstita, ab Ecclesia extrahi possunt. Ratio est: Quia Ecclesia non vult esse receptatrix eorū, quos ob nimiam turbationem tranquillitatis humanæ Deus ipse æterna lege puniri præcipit, c. inter alia, extr. eod. & ibi Panor. Sin autem seruus ad Ecclesiam confugerit, interest, an propter seruitia, quæ domino præstare detrectat, an ob nimiam domini seruitiam, & immanitatem, ad Ecclesiam confugerit. Et priori casu, domino petenti seruus restituendus est. Posteriore autem, si dominus de impunitate sua clericis iuramentū præstiterit, seruus etiam inuitus ad seruitium domini sui redire compellitur: alioquin à domino propria authoritate extrahi poterit, d. c. inter alia, extr. eod. Quæ tamen omnia Gregorius IX. ira intelligit: Nisi sub spe immunitatis in Ecclesiis, vel

cœmeteriis delictum: putà, homicidium, vel mutilatio membrorum, perpetretur. Frustrà enim legis auxilium inuocat, qui in legem ipsam committit, cap. immunitatem, extr. eod. Intel-
ligitque non tantùm de ecclesia consecrata, verùm etiam de ea, in qua diuina mysteria celebrantur: licet adhuc non sit consecrata. Quia obsequiis diuinis dicata, nullius est temerariis ausibus profananda, cap. ecclesiæ, extra. eod.

Tandem defuit Concilium Toletanum, ipsam immunitatem non tantùm ipsi Ecclesiæ, verùm etiam ampliùs circumiacenti loco tribui: scilicet, vt liceat confugienti intra triginta passus ab ecclesiæ ianuis progredi, in quibus 30. passibus vniuscuiusque ecclesiæ in toto circuitu, reuerentia defendatur, in tantùm, vt si quis confugientem ad ecclesiam, vel intra triginta passus consistentem, inde violenter abstraxerit, sacrilegii crimine reus excommunicetur, aliisq; legitimis pœnis plectatur, c. definiuit, 1 7. q. 4. c. frater, c. 5. sicut, c. constitui-
mus, & cap. si quis contumax, 1 7. q. 4. Is autem, qui tumultum, vel seditonem conclamationibus, & aggressibus concitat, ultimo supplicio subiiciatur, l. denuntiamus, C. de iis, qui ad eccles. confug. & per Guilhelmum de Cuneo ibidem. Iudæi autem ad ecclesias confugientes, non debent suscipi, priusquàm vniuersa debita soluerint, vel suspecti de crimine se purga-
rint, l. 1. C. de iis, qui ad eccles. confug.

Quid est Realis Immunitas?

Realis immunitas est, libertas, qua res ecclesiasticæ, ab onere tributorum, aliarumque exactio-
num, quæ à seculari potestate imponuntur, eximuntur. Vnde nulla persona iurisdic-
tionem secularem exercens, potest tallias, collectas, vel exactio-
nes imponere ecclesiis, vel ecclesiasticis personis, vel ab iis exigere, pro domibus, prædiis in eiusdem territorio sitis: vel quibuscunque possessionibus, ab iis acquisitis, vel acquirendis. Item: ecclesiæ, vel ecclesiasticæ personæ, non coguntur soluere pedagia, vel guidagia, nec tallias pro rebus suis propriis, quas non causa negotiandi deferunt, vel deferri faciunt, vel transmittunt, cap. si diligenti, extr. de præscript. c. ecclesia, extr. de constit. cap. si clericus, extra. de foro comp. & cap. præ-
senti, extr. de cens. Si tamen tanta sit in Republica necessitas, aut utilitas, vt Episcopus cum clero suo, laicorum non sup-
petentibus facultatibus, cōmunes utilitates per subsidia eccle-
siastica subleuandas duxerit, Romano prius consulto Ponti-
fice, omni penitus cessante coactione, poterit aliquid in com-
mune

munere

mune conferre, quod laici humiliter, ac deuotè cum gratiarum actione suscipere debent, cap. non minùs, & ca. aduersus, extt. cod. Ab angariis autem, parangariis, vel palæstris, aliisque, muneribus, propter Principis expeditionem incumben-
tibus, res ecclesiæ non sint immunes. Quod & Canon in decreto relatus de tributis statuit, cap. si tributum, 11. quæst. 1. in-
quiens: Agri ecclesiæ soluant tributum: si agros desiderat Imperator, potestatem vindicandi habet. Tollat igitur eos, si
libitum est: non tamen Imperatori eos donamus, sed vindican-
ti non negamus, d. cap. si tributum.

Quid est Personalis Immunitas?

Personalis Immunitas est, qua personis ecclesiasticis à iurisdictione Laicorum, muneribusque personæ industriam, & factum concernentibus, contingit exemptio: Clerici enim à iurisdictione Laicorum, de iure diuino, cum res quasi spirituales sint, eximuntur. Eo enim ipso, quod quis ordinatur in clericum, efficitur res sacra, & transfertur in sortem domini, c. cui portio, 12. quæst. 1. cap. quanquàm, de cens. in 6. & cap. Imperator, 9 6. distinct. A muneribus etiam personalibus immunes sunt clerici, teste Leone Augusto in cap. generaliter, 16. quæst. 1. qui ait: Generaliter sancimus, omnes viros reuerendissimos, Episcopos, nec nò presbyteros, seu diaconos, & subdiaconos, & præcipuè monachos, licet non sint clerici, immunitatem ipso iure omnis habere tutelæ siue testamentariæ, siue legitimæ, siue dativæ; & non solum tutelæ esse eos expertes, sed etiam curæ: non solum pupillorum, & adutorum, verum etiam furiosorum, & mutorum, aliarumque personarum; quibus tutores, vel curatores à veteribus legibus dantur. Tamen cum pietas, & vrgens necessitas quemlibet ad negotia impellere debeant, personæ, quibus immunitatis priuilegium concessum est, à cura viduarum, orphanorum, aliarumque miserabilium personarum, excusationem non habent: nec tempore magnæ necessitatis clerici à mutorum vigiliis, excubiis, & defensione: quæ inter res omnes, seditiosis tumultibus, & bellis conturbatas, etiam susceptis armis, salutis patriæ recuperandæ, & conseruandæ impenditur, liberi sunt, sed omnes ad hoc generaliter compelluntur, quatenus cunctis vigilantibus, melius valeat ciuitatis custodia procurari, & hostile malum plurimum præsidio auerti. Naturæ enim lex quemlibet in defensionem patriæ totis viribus incumbere monet, cap. peruenit, extra. cod. & cap. si nulla, 23. quæst. 8.

Qua causa Efficiens?

Decreta Pontificum, & Imperiales constitutiones, quibus, personis, locis, & rebus Ecclesiasticis, singulari favore religionis, immunitates concessæ sunt, cap. non minùs, extr. cod. ca. 2. cod. tit. in 6. & l. præsentis, C. de iis, qui ad ecclesias confugiunt.

Quod Subiectum?

Ecclesiæ, & loca religiosa, eorundemque res, & personæ, siue ministri his deputati, quibus privilegia immunitatum conceduntur, c. frater, 17. q. 4. & l. sancimus, C. de sacrosanct. eccles.

Quod Obiectum?

Munus, & alia, à quibus ecclesiæ, eiusque rebus & personis liberatio datur. Munus, teste Paulo, tribus modis dicitur: vno, donū; altero, onus: tertio, officium, l. munus. ff. de verb. signif. Et hoc rursus vel patrimoniorum, vel personarum, vel mixtum dicitur. Personale est, quod animi prouisione, & corporalis laboris intentione, sine aliquo gerentis detrimento perpetratur. Patrimoniale dicitur, quod sumptibus patrimonij, & damnis administrantis expeditur. Mixtum est, quod ab utrisque participat. Quorum varia exempla vide in l. 1. & l. fin. ff. de muneribus, & honoribus.

Qua Forma?

Vt singulari religionis favore immunitas, vel personis, vel locis, vel rebus ecclesiasticis detur. Ad consequendum autem ius immunitatis Ecclesiæ, requiritur, ut ipsa vel consecrata, vel diuinis officiis destinata sit. Nam ut ecclesia obsequiis diuinis dicata, licet nondum consecrata, gaudet immunitatis privilegio: ita ut nemo ipsam temerario ausu profanare possit: ita in constituenda, & defendenda immunitate personali desideratur, ut clericus ad maiores ordines promoueat. Quoniam clericus in sacris non constitutus, personale munus subire compellitur, cap. ecclesiæ, extr. eodem.

Quis Finis?

Vt debitus honor ecclesiæ conseruetur: & ut cultus Diuinus diligentiori cura clericorum promoueat, cap. rerum, 17. quæst. 4. & cap. cum ecclesia, extr. eodem.

Quis Effectus?

Est ipsum immunitatis ius, quod eius temerarium violatorem subiicit excommunicationi, aliisque legitimis pœnis, cap. non minùs, extra. cod. cap. 2. cod. in 6. & cap. frater, 16. quæst. 4. & contra seditiosum turbatorem pro infligenda pœ-

na capitali competit criminalis accusatio, l.denuntiamus, C. de iis, qui ad ecclef. confug.

Quæ Cognata?

Priuilegia, indulgentiæ, rescripta, gratia, dispensatio, quæ nihil aliud est, quàm quædam relaxatio facta à iure, causa cognita, ab eo, qui ius dispensandi habet.

Quæ Pugnantia?

Contrariantur personali immunitati, & aliis immunitatibus personæ concessis, enormia delicta clerici, quæ inducunt irregularitatem: vt sunt homicidium, sacrilegium, adulterium, falsum testimonium, &c. cap. si Episcopus, 5. dist. & cap. Apostolus, 81. dist. Reatus enim omnem honorem excludit, l. 1. C. vbi senatus. & clarif. & priuilegium amittit, qui permissa sibi abutitur potestate, cap. priuilegium, 11. q. 3. & cap. suggestum, extr. de decim. Pugnat etiam contemptus habitus clericalis: eo enim casu perdit priuilegium, ca. fin. extr. de vita, & honest. cler. & c. contingit in audientia, extr. de sent. excom. Ratio est: Quia cum, ipso sui status, & ordinis habitu, vitam delegerit secularem, vt similem in legibus sentiat disciplinam, æquum est, cap. recolentes, extr. de statu monachorum.

NE CLERICI, VEL MONA-

CHI SECVLARIBVS

negotiis se immisceant.

TITVLVS L.

Continuatio.

Cum clerici, & monachi personalis immunitatis priuilegio gaudeant: in hunc finem, vt tantò liberius, quasi in sortem Dei electi, diuinis vacare possint: non debent ipsi negotiis secularibus se ingerere, vt vel ministerij debiti negligentiam admittant, vel iacturam æternæ felicitatis faciant.

Quæ sunt Secularia Negotia?

Multa, & varia secularia negotia sunt. Quorum quædam ex Concilio Moguntino, quæ clericis, monachisque inter dicuntur, enarrantur: scilicet, munera iniusta accipere, vel dare: pro aliquo seculari quæstu pretio aliquem cōducere; con-

tentiones, rixas, vel lites amare; in plateis secularibus disputare; excepta pia defensione, scilicet orphanorum, aut viduarum; conductores secularium rerum, aut procuratores esse: turpis verbi, vel facti esse ioculatorem, vel iocum secularem diligere; aleas amare, ornamentum inconueniens proposito suo quærere; in deliciis vivere, gulam, & ebrietatem sequi; pondera iniusta, vel mensuras habere; negotium iniustum exercere; canes, & aues sequi ad venandum, & omnibus quibuscumque causis illicitis, & superfluis interesse. De his, & aliis hinc non notatis inquit Apostolus: Nemo militans Deo, implicet se negotiis secularibus, cap. multa sunt, extra. cod.

Qua poena in Clericos, & Monachos, qui se secularibus negotiis immiscant, statuta est?

Pro varietate negotij, cui clerus, vel monachus incumbit, varia poena Canonibus statuta est. Vnde clericus in sacris constitutus iudicium sanguinis exercens, ab officio, & beneficio deponitur: vel Præpositi secularis, vel Vicemcomitis officium gerens, si commonitus non desistat, excommunicatur, cap. clericus, extra. eodem. Et, si religiosus sit, grauius punitur, cap. sed nec, extra. eodem. Clerici, per beneficiorum subtractionem, vt desistant à tabellionatus exercitio, compelluntur, cap. sicut, extra. cod. Si mercimonia exerceant instar laicorum, si tertio moniti non destiterint, priuilegium, de immunitate patrimoniorum clericis indultum, amittunt, cap. fin. extra. de vita & honest. cleric. & cap. contingit in audientia, extr. de sentent. excommu. Religiosi professi audientes leges, vel Physicam, nisi intra duos menses ad claustrum redierint, sicuti excommunicati ab omnibus euitari, & in nulla causa, si patrocinium præstare voluerint, audiri, & in choro, & in mensa, & in Capitulo vltimi fratrum existere debent, cap. non magnopere, extra. eodem. Quod si autem religiosi, ita moribus peruersis, vt corrigi non possint, dediti sint, vt incorrigibiles de monasterio expelli, & ipsum monasterium de fratribus alterius ordinis, si eiusdem ordinis deficiant, reformari poterit, cap. relatum, extra. eodem.

FINIS LIBRI TERTII.



LIBER QVARTVS.

Libri Quarti obiectum est, coniugium: nam causas matrimonij, aliarumq; coniunctionum; quarum tractatio latè se diffundit, explicat.

DE SPONSALIBVS, ET MATRIMONIIS.

TITVLVS I.

Continuatio.



MATRIMONIUM, quo coniuges ipsi ad perpetuam vitæ consuetudinem inuiolabiliter conseruandam sibi inuicem deuinciuntur: quoad diuinam institutionem, diuinique mysterij effectum, rebus diuinis antnumeratur.

Quid Sponsalia: & unde dicta?

Sponsalia sunt; mentio, & repositio futurarum nuptiarum, cap. nostrates, 30. q. 5. & l. 1. ff. eod. Vlp. sponsalia dicta esse à spondendo putat. Nam moris fuit vereribus stipulari, & spondere sibi vxores futuras: Vnde sponsi, & sponsæ appellationem natam asserit Florentinus in l. 2. & l. 3. ff. eodem.

Quotuplicia Sponsalia: & quid sunt sponsalia de futuro?

Sponsalia sunt duplicia: videlicet, de futuro, & de presenti. Sponsalia de futuro sunt promissio futurarum nuptiarum, quæ fiunt per verba futuri temporis: vt, Ego te ducam in vxorem, cap. penult. extra. eodem.

Quotuplicia sunt Sponsalia de futuro?

Alia sponsalia sunt nuda, & simplicia; alia firmata, & duplicia. Nuda, & simplicia dicuntur sponsalia, cum sponsus sponsæ nudè, & simpliciter promittit, quod eam ducet in vxorem, & è conuerso, ea ad audientiam, & c. cum inter, extr. eod. Firmata verò sunt, quæ vel archis interuenientibus, vel pignoribus loco arrharum datis, vel interueniente annuli su-

barrhatione, vel fide, & iuramento interposito, cōtracta sunt, c. si quis, vxorem, c. si quis desponsauit, 27. q. 2. c. præterea, c. ad nos, & c. commissum, extr. eod. Ex his patet firmata sponsalia variis modis celebrari. 1. Interuentione arrharum. 2. Pigneratione, loco arrharum facta. 3. Annuli donatione. 4. Interpositione fidei, vel iuramenti, cap. requisivit, & c. commissum, extr. eod. Nota tamen quòd aliud sit annuli subarrhatio, aliud desponsatio. Desponsatio enim consistit in pactione sponsaliorum: Subarrhatio verò in sponsalitia datione, vel etiam interuenientibus donis, & muneribus, iuxta loci consuetudinem, cap. 1. extra. de matr. contracto contra interd. eccles.

Quæ causa Efficiens?

Voluntas, & consensus cōtrahentium per verba futuri temporis expressus, ca. præterea, extr. eod. l. 4. & l. sponsalia, ff. eod.

Quod Subiectum?

Sunt personæ contrahentes sponsalia pro se, non pro aliis: quales sunt masculi, & fœminæ liberæ cōditionis, cuiuscūque ætatis post infantiam sint. Sic enim ait Modestinus in l. in sponsalib. ff. eod. In sponsalibus contrahendis ætas contrahentium definita non est: vt in matrimoniis: quapropter à primordio ætatis sponsalia effici possunt, si modo id fieri ab vtraque persona intelligatur, id est, si non sint minores, quàm septē annorū.

Quod Obiectum?

Sunt verba inducentia promissionem futurarū nuptiarum: siue subarrhatio annuli, iuramentum, & datio arrharum illis accesserint, siue nō, c. 1. & ibi Canonistæ, extr. de spons. duorū.

Quæ Forma?

Vt is, qui contrahere potest per se, vel per alium; putà, nuntium, vel parentem, per verba de futuro, simpliciter, vel subarrhatione annuli, vel datis donis, & muneribus, vel iuramenti interpositione, coram, vel absens fidem contrahendi matrimonij det. Primò enim quælibet persona contrahere sponsalia potest, quæ non prohibetur. Prohibentur autem minores septem annis, furiosi, mente capti, &c. Quia intellectus, vel consensus, qui in sponsalibus contrahendis desideratur, ipsis deest, d. l. in sponsalibus, & l. furor, ff. de sponsalibus. Secundò, consensus illarum personarum, de quarum cōiunctione quæritur, quouis modo declaratus, sponsalibus contrahendis, de necessitate adesse debet. Colligitur autem consensus variè: sicut etiam sponsalia non vno, sed variis modis contrahuntur; vt putà re, verbis, literis, & consensu expresso. Re

contra

contrahuntur, per nudam subarrhationem, vel annuli missionem, vt dictum est, Abb. in c. fin. extr. de impub. Verbis fiunt, per promissionem super sponsalia de futuro matrimonio per verba de futuro: vt, Ego accipiam te in meam vxorem, &c. Litteris contrahuntur sponsalia, vt si absentes inter se per epistolam, missum nuntium, vel procuratorem, super futuro matrimonio paciscuntur, Hostien. in §. qualiter, hoc tit. Licet & parentes liberis absentibus, sponsalia contrahere possint: ita tamen si liberi consentiant: præsumuntur autem consentire, nisi expressè parentum voluntati repugnent, vel euidenter dissentiant: non autem quauis ratione à patre dissentiendi licentia filix conceditur: sed tantum si indignum moribus, vel turpem sponsum ei pater eligat, l. sed ea, quæ, & d. l. in sponsalibus, ff. cod. Consensu tantum sponsalia contrahuntur, cum duo impuberes, quorum malitia non supplet ætatem, & qui pubertati non sint proximi, vel etiam alter tantum sit impubes, per verba de præsentī, matrimonium contraxerint: talis enim contractus, cum in eo solus attendatur contrahentium consensus, & voluntas, in sponsalia de futuro resoluitur, & inde iustitia publicæ honestatis inducitur, cap. à nobis, extr. de despons. impub.

Quis Finis?

Finis est, vt ex postfacto matrimonium contrahatur; per sponsalia enim de futuro nuptiæ non sunt contractæ, sed habitus tantum tractatus de futuris nuptiis contrahendis, c. pen. extr. de spons.

Quis Effectus?

1. Iustitia publicæ honestatis: cuius causa cōsanguinei sponsi cum sponsa per mortem sponsi, vel alio modo sponsalibus rescissis, contrahere non possunt, & c. conuersò, c. sponsam, c. ad audientiam, & c. iuuenis, extr. cod.

2. Quòd ipse sponsus, vel sponsa, alterutro innito, cum alio contrahere non possint: Et per censuram ecclesiasticam matrimonium contrahere, & consummare compellantur, Hosti. §. quis sit, hoc tit. c. si inter, & c. sicut, extr. cod.

3. Quòd, sequente copula carnali, ex huiusmodi sponsalibus verum perficiatur matrimonium. Quia licet non concubitus, sed consensus faciat nuptias: tamen hoc ipso coniunctionis actu, satis, superque consensus exprimitur, cap. is, qui, extr. cod.

4. Quòd per triennium, expectato sponso in exteris locis

degente, eo lapso, sponsa domi commorans liberam cum alio contrahendi matrimonij consequatur facultatem, l. liberum, C. de repudiis.

5. Si alterutrius odio, vel alia de causa, quæ tamen sua culpa contingit, rescinduntur sponsalia de futuro: si arrhæ datæ sint, is, qui in culpa est, ad restitutionem duplicatarum arrharum tenetur, l. mulier, C. cod.

6. Quod si alterutra pars rescissioni causam non dederit, vel sponsus, vel sponsa moriatur, donatio utriusque facta rescinditur, & vel superstiti, vel eius hæredi restituitur. Nisi osculum interuenerit: tunc enim ex rebus sponsæ donatis, ipsa sponsa dimidiam partem, altera demortui sponsi hæredibus restituta, lucratur. Quia osculo dato, virginitas quodammodo delibata videtur, l. si à sponso, C. de dona. ante nupt.

Quæ Pugnancia?

Sunt illi modi, quibus sponsalia de futuro dissoluuntur.

1. Morbus contagiosus, & conticus: ut si alteruter, sponsus, vel sponsa, lepra, vel paralyti corripatur, nec pristinae sanitati restituitur. 2. Amissio membri: puta, si oculus eruat, nasus præscindatur, vel alius corporis defectus magnam deformitatem, vel debilitatem inducens, inferatur, licet superuenientes morbi, & corporis deformitates, defectusque contractum matrimonium non dirimant, cap. fin. extr. de coniug. leprosi. & c. quemadmodum, extr. de iureiur. 3. Lapsus temporis, vel diei conuentionalis in contractu sponsalium per contrahentes adiecti, cap. sicut ex literis, extr. cod. 4. Lapsus temporis, vel diei legalis; si per contrahentes certi temporis nulla est facta mentio. Est autem legale tempus triennium, intra quod si absens in remotioribus locis, absque legitima, & iusta causa non reuertatur, liberè contrahendi facultas datur præsentem, nec ulterius absentem expectare tenetur, c. ex illis, extr. cod. & dict. l. liberum. 5. Superueniens fortius vinculum: ut si sponsus per verba de præsentem cum alia contrahat: Sponsalia enim de futuro, per sponsalia de præsentem postea contracta, rescinduntur. Nisi sponsalia de futuro commixtio corporum subsequuta fuerit, cap. 1. extr. de spons. duo. cap. veniens, & c. is, qui, extr. eod. 6. Affinitas superueniens, cap. super eo, extr. de consang. & affinitat. 7. Transitus ad religionem, c. commissum, eo. 8. Contradictio puberis, qui impubes sponsalia contraxit, c. de illis, & c. à nobis, extr. de despon. impub. 9. Canonicum impedimentum, de quo tamen fama constat,

c. su

c. super eo, extr. de test. & c. cum in tua, extr. eo. 10. Pollutio: illam enim, quam quis per adulterium antea polluit, in uxorem ducere non potest, not. tit. extr. de eo, qui dux. in matr. quam poll. & c. 11. Fornicatio corporalis, c. raptor, 27. q. 2. 12. Fornicatio spiritualis: ut si alteruter in hæresim, vel idololatriam inciderit, c. non solum, & c. iam nunc, 28. q. 1. 13. Dissensus utriusque partis, vel vnius tantum, c. præterea, extr. eod. Quos modos Iacob de Arc. his versibus comprehendit:

*Dissensus, fuga, tempus, & ordo, secunda,
Morbis, & affinis, vox publica, cumq; reclamant.*

Quid sunt sponsalia de presenti?

Sponsalia de presenti, nihil aliud sunt, quam contractus matrimonij per verba de presenti celebratus, c. 1. c. tua fraternitati, & c. si inter virum, extr. eod.

Quotuplicia sunt sponsalia de presenti?

Duplicia: clandestina & publica. Et hæc iterum, vel pura, vel conditionalia.

Quæ dicuntur sponsalia pura, & publica?

Sponsalia publica dicuntur, quæ cum consensu tam contrahentium, quam ipsorum parentum, in præsentia certorum testium, per quos probari possit, palam fiunt, & absque omni dilatione, seu conditionis adiectione contrahuntur. Et hæc proculdubio, propter expressè accommodatum consensum, statim veri matrimonij rationem habent. Quia non concubitus: sed nudus consensus nuptias facit, l. nuptias, ff. de reg. iur. & Panor. in c. super eo, col. 1. extr. de cond. appof.

Quid est Matrimonium?

Matrimonium est, coniunctio legitima maris, & feminae, indiuiduam vitæ consuetudinem, & diuini, humanique iuris communicationem habens, Hostiens. in §. quid sit, titul. de matrim.

Vnde dicitur matrimonium?

Matrimonium dicitur à matre, & munio, id est, officio, ut ait Hostiens. in §. & vnde dicatur, eo. Dicitur enim matrimonium, quasi matris officium: quia efficit mulieres, vel virgines esse matres. Et licet pater generationis sit auctor, tamen in procreatione sobolis, plus oneris, & laboris sustinet mater, quam pater. Vnde dicitur in c. ex literis, extr. de conuers. fidel. Quòd infans ante partum matri sit onerosus, in partu dolorosus, post partum verò laboriosus. Ideò putat Host. in §. & vnde dica

dicatur, eod. Patrimonium dictum esse à patre : eò quòd in eo conquiendo pater plus industriæ, & laboris impendit, quàm mater, argu. c. 1. extr. de patochiis.

Quæ causa Efficiens.

Matrimonij efficiens remota causa est, Deus, qui matrimonium in Paradiso instituit, c. 1. ext. de frig. & malef. & cap. mulierem, 3 3. q. 5. Sed propinqua causa est, ius diuinum, ius naturæ, ius gentium, ius ciuile, & ius canonicum. Nam matrimonium ; quo ad institutionem, est iuris diuini ; quo ad coniunctionem est iuris naturæ : quo ad consensum, est iuris gentium ; quo ad pacta dotalia, & stipulationes, iuris ciuilis : & denique quo ad solennitates, & prohibitionem certorum graduum est iuris diuini, & canonici simul. Propriè tamen consensus per verba de præsentì declaratus, est causa efficiens matrimonij, vt dicitur in c. sufficiat, 2 7. q. 2.

Quod Obiectum?

Vnus mas, & vna fœmina, sub vno nomine coniugum, ob indiuiduam vitæ consuetudinem, comprehensì, iuxta illud : *Et erunt duo in carne vna.*

Quod est Obiectum?

Verba de præsentì, & solennitates : quales sunt arrhæ, annu-
li, dos, donatio propter nuptias, conuentiones, publica nuptiarum celebratio, traductio in Ecclesiam, copulatio, benedictio sacerdotis, velamen sponsæ : de quibus in c. sponsus, 3 0. q. 5. c. qualis, c. nullum, & c. aliter, 3 0. q. 5.

Quæ Forma?

Vt liber homo, legitimæ ætatis, consensu parentum adhibito, cum persona eiusdem conditionis, & sectæ, extra quartum consanguinitatis, vel affinitatis gradum constituta, purè, vel sub conditione : quæ pro non adiecta haberi possit, contrahat nuptias. Coniunctio enim maris, & fœminæ, quæ matrimonium facit, debet esse legitima. Legitima autem dicitur, si hæc quinque adfuerint : scilicet, libertas, iusta ætas, consensus parentum, consensus contrahentium, & ne obstat propinquitas sanguinis.

Primò : Libertas ad matrimonium contrahendum requiritur. Quia inter personas seruilis conditionis, matrimonium esse non dicitur. Quod quidem verum est, quo ad affectus matrimonij, qui de iure ciuili producuntur. Ius autem canonicum, quod matrimonium Sacramentum statuit, inter personas non distinguit, cum æquè omnes Christianam fidem profi

proficientes sacramentorum diuinorum sint participes, cap. 1. extr. de coniug. seruor.

Secundò: Iusta ætas, quæ iure ciuili, in masculo circiter decimum quartum annum, in fœmina autem circiter duodecimum iudicatur: verùm, ius canonicum iustam ætatem non ex annorum numero, sed ex habitudine corporis, (vt is pubes ad matrimonium idoneus intelligatur, qui concipere, & generare possit) colligit, iuxta cap. puberes, extra. de desponsat. impub.

Tertiò: Ad legitimas nuptias requiritur parentum consensus. Non quidem, vt aliqui dicunt, iure ciuili de necessitate tantum: sed etiam iure Diuino, iure naturæ, & iure Canonico. Ius enim naturæ parentibus obtemperate præcipit, ius diuinum parentum consensum nuptiis contrahendis adesse iubet, Gene. cap. 28. Ius Canonicum matrimonium per legitimum viri, & mulieris consensum contrahi asserit. Legitimus autem consensus non est, nisi paternus interueniat, c. aliter, 3. q. 5. c. non omnis, §. fin. 3. 2. q. 2. gl. in c. sufficiat, 27. q. 2. c. cum apud, extr. eo. Arch. in d. c. non omnis. Et alij affirmantes de iure Canonico parentum consensum non necessitatis, sed tantum honestatis causa, nuptiis contrahendis adhiberi, constitutiones pontificales deprauant, & confundunt, cum tamen illæ non nudum contrahentium consensum tantum: sed legitimum (vt ius ciuile) necessariò requirant. Nam d. c. non omnis, 3. 2. q. 2. Paternum iudicium in matrimonio filiorum desiderari satis innuit. Et Pontifex Euaristus ante annos 1400. in quadam sua ad Episcopos Aphricæ epistola, clavis verbis testatur, legitimum non esse coniugium, nisi vxor ab iis petatur, in quorum est potestate, & à parentibus desponsata publicè copuletur, & benedicatur à sacerdote, cum precibus, & oblationibus, c. aliter, 30. q. 5. Sic enim ibi ait: Aliter legitimum non est matrimonium, nisi ab his, qui super ipsam fœminam dominationem habere videntur, & à quibus custoditur, vxor petatur: & à parentibus, & propinquiis sponsetur, & legibus doretur, & suo tempore sacerdotaliter (vt mos est) cum precibus, & oblationibus, à sacerdote benedicatur. Et à paranymphis (vt consuetudo docet) custodita & consociata, à proximis, congruo tempore, petita à legibus detur, ac solenniter accipiatur, & biduo, vel triduo orationibus vacent, & castitatem custodiant. Ita peracta legitima scitote esse connubia: aliter verò præsumpta, non coniugia: sed adulteria, vel contubernia, vel stupra, vel fornicationes potius, quàm legitima coniugia esse

non

non dubitatur: etiā si volūtas propria suffragauerit, & vota succurrerint legitima. Hæc ille Euaristus. Et nota quòd pro (*nisi*) legendum sit (*etiam si*) vt testatur Democh. Respon. ex manuscriptis lib. Indubitato igitur liberi parentum, in quorum potestate sunt, consensum habere debent, si nuptias contrahunt, vt ait Iust. §. 1. Inst. de nupt. Nā id fieri debere, & ciuilis, & naturalis ratio suadet. Ciuilis quidem: quia eo iure filius patris potestati subiicitur. Naturalis autem: quia naturali iure, siue gentium comparatum est, vt patriæ, & parentibus obediamus. Si tamen filius non adhibito parentum consensu, contraxit, distinguendum est. An persona sit paris conditionis, honesta, vel non. Nam si inhonestam personam filius facilitate, & imprudentia ductus, vxorem sibi acceperit, interposita autoritate, possunt parentes matrimonium illegitimè contractum rescindere. Quòd si honesta sit, & paris conditionis, familiæ, & stemmatis, difficulter parentes, filio resiliere non volente, vel carnali copula secuta, tales nuptias dissoluant, c. cum causa, extr. de raptoribus, & Dd. d. c. sufficiat, 2. 7. q. 2. Possunt igitur parentes, vt nuptiæ legitimæ iudicentur, eas ratas habere. Nec obstat, si dicatur: quòd ad legitimas nuptias, parentum desideretur iussus. Licet enim subtilitate iuris ciuilis iussus parentum, nuptias præcedere debeat, §. 1. Instit. de nupt. tamen quemadmodum in bonorum possessione hæc subtilitas æquitate prætoria sublata est, ita vt nunc rati habitio, etiam negotium sequens, pro iussu habeatur, l. 3. §. acquirere, ff. de bon. possess. l. ita & hinc dicendum est. Quæ tamen si à parentibus ex postfacto ratæ non habeantur, etiamnum nuptiæ ipsæ, consideratis quibusdam effectibus, reprobantur, & iniustæ, & illegitimæ censentur. Nec liberi ex tali matrimonio procreati, aui paterni potestati subiiciuntur. Ratio. Ne ex hisce nuptiis, quibus auus non præbuit consensum, hæres ipsi inuito agnascatur, quæ tamē ratio in filia cessat.

Quartò: Consensus personarum, de quarum coniunctione queritur congruentibus verbis, & signis ad negotium aptis declaratus, & voluntarius in nuptiis desideratur: non per illarum metum, vim minasve extortus, emendicatus, vel coactus. Quia matrimonia debet esse libera, & coactiones solent frequenter difficiles habere exitus, c. requisit, & c. cum locum, cod. Filius tamen, vel filia submittens se patris arbitrio; nec contradicens, cum pater eum desponsaret, consentire videtur, d. l. sed quæ patris, ff. cod.

Quintò requiritur, vt matrimonium subsistat, ne obftet propin

pliquitas necessitudinis, sanguinis, vel affinitatis. Ipsum enim inter personas in gradibus non prohibitis cōtrahi necesse est: prohibentur autem utroq; iure, tam ciuili, quàm canonico in quarto gradu consanguinitatis, & primi generis affinitatis inclusiue: in secundo verò, vel tertio affinitatis genere nuptiæ sunt concessæ. Quæ quomodo accipiantur, & gradus in utroque iure distinguantur, ex sequentibus patebit.

Qua causa Finalis?

Sunt duæ principales: scilicet, procreatio sobolis, & fornicationis vitatio. Ob id, inquit Apostolus, quilibet fornicationis vitandæ causâ habeat suam uxorem, & vnaquæque vxor suum virum, c. in præsentia, ext. eod. & cap. pen. extr. de frig. & malef. Minus autem principales causæ plurimæ sunt: putâ, personarum coniunctio, amicorum, & diuitiarum conquisitio, pacis reformatio, iucunda conuersatio, solatium humanitatis, & potissimum in senibus, c. nuptiarum bonum, 27. q. 2. Hinc est, quòd lex Papia, prohibens maiorem 40. annis nubere, abolita sit, l. sancimus, C. de nupt.

Qui Effectus?

Primus est, firmitas constitutæ dotis. 1. Quòd filius, ex legitimis nuptiis procreatus, legitimus dicatur. 3. Patria potestas, cui filius legitimus subiicitur. 4. Successio liberorum in hæreditate. 5. Consanguinitas: quæ ratione matrimonij legitimè contracti inter ascendentes, descendentes, & collaterales, efficitur. 6. Affinitas, quæ pari ratione inter personas, quæ sibi non sunt coniunctæ per nuptias conuentione duorū celebratas, contrahitur. 7. Indissolubile vinculum, quod, nisi per diuortij modos, separari non potest. 8. Trāsitus vxoris in potestatem viri: & è contra. Quia mulier non habet potestatem sui corporis, sed vir: & è conuersò. Vnde nec alter altero inuito vitâ mutare, & ad religionē conuolare potest, c. sunt qui dicunt, 17. q. 2. 9. Est obligatio reddendi debiti: licet enim dicatur, quòd non concubitus, sed consensus nuptias faciat: hoc tamen quo ad constitutionē, non autem consummationem, & perfectionem matrimonij, intelligitur. Vnde dicitur desponsatione, vel sponsalibus matrimonium initiari, consensu ratificari, copula autē consummari. Matritus igitur, nulla temporis ratione habita, vxori pctenti debitū reddere tenetur, c. 2. ex. de coniu. lepro. Sicuti etiam vxor marito volenti cōmiscere, mo-rem gerere debet: nec hoc ipso castitas violatur, si modò potius suscitandæ prolis, quàm insatiabilis libidinis explendæ gratia

gratiæ fiat. Vnde Philosophus: Adulter est in suam vxorē amator ardentior. Et Iob: Sapiens iudicio amat coniugem, non affectu. Non regnat in eo impetus voluptatis, nec præceps fertur ad coitum. Et nihil est fœdus, quàm vxorem quāsi adulteram habere, per totum, 3 2. q. 2. & 4.

Quæ Cognata?

Bigamia, trigamia, contubernium. Bigamia est matrimonium iteratum, & successiue cum duabus vxoribus legitime contractum. Vnde bigamus maritus duarum vxorum dicitur: non quidem vno tempore, sed diuerso: putà demortua prima, si alteri se iunxit, &c. Pariter, trigamia dicitur, cum ter fuerit, prioribus vxoribus defunctis, iteratum matrimonium; & sic deinceps. Contuberniū propriè inter seruos, qui defectu libertatis matrimonium olim non contrahebant, esse dicitur: sed cum matrimonium sit iuris naturalis, & diuini, quorū iurium serui participes sunt, non inconuenienter ad seruos matrimonium etiam pertinere dicitur, per tot. tit. ext. de coniug. seruo. Aduertendum etiam est, quòd matrimonium, coniugiū, connubium, consortium, nuptiæ, sint synonyma, & nominis voce tantum differant. Dicitur enim coniugium à iugo, vel iungendo. Vnde coniuges, qui simul iunguntur. Connubium, & nuptiæ à nubendo, siue à velando, appellantur, quòd mulier nupta pudoris gratia, & in signum subiectionis velato capite incedere debeat. Consortium à sorte dictum est. Sunt enim coniuges eiusdem sortis, & conditionis. Vnde vxor mariti non tantum forum, sed etiam eius conditionem, quæ vel ob deprauatos mores abiecta, vel ob virtutem præminentia, & dignitate decorata existit, sequitur.

Quæ Adiacentia?

Triplex illud matrimonij bonum, de quo legitur in c. omne itaque, & cap. institutum est, 27. q. 2. fides scilicet, proles, & sacramentum. In fide attenditur castitas, abstinencia à vagis libidinibus: ne quis thorum alienum quærat, ne coniugi petenti debitum recuset, alter alterius diligentem curam habeat, eius salutem, quoad fieri possit, fideliter tueatur, res eius, bonam famam, & nomen defendat, & custodiat. In prole attenditur, ne conceptus arte quadam impediatur, proles in lucem edita, gratia habita Deo, suscipiatur, sancti Baptismatis lauacro abluatur, diligenter, amanter, cautè, fideliter, & religiosè nutriatur, & omnibus Christianis præceptis, doctrinis salutiferis imbuatur, instituatur, honestè, modestè, & piè educetur.

çetur. In Sacramento diuina, & mystica operatio, & indiuidua illa consuetudo consideratur: ne quis impiè contra cõiugalem amorem, quid tentet, nec cogitatione quidem gratiæ diuinæ reluctetur, nec speret, vel desideret coniugij diuortium, vel separationem: sed habeat perpetuum, & constans in coniugali consortio habitandi propositum, d.c. omne itaque, 27.q. 1. & Hostiens. §. & quare, hoc tit. Adiacent etiam donatio propter nuptias, & dos. Quæ absque matrimonio constitui non possunt, tot. tit. 1. infra de donat. inter vir. & vxor.

Quæ Pugnancia?

Mors alterutrius coniugum, infidelitas, impotentia naturalis, adulterium, fornicatio, stuprum, incestus, polygamia, error personæ, & conditionis, siue status, votum præcedens, cognatio inter coniuges, siue sit cognatio legalis, siue spiritalis, siue carnalis, vis, metus, coactio, ordo clericalis, publicæ honestatis iustitia contracta per priora sponsalia. Quæ omnia his versibus per Hostiens. in §. qualiter, eodem tit. notatis continentur:

*Error, conditio, votum, cognatio, crimen,
Cultus disparitas, vis, ordo, ligamen, honestas,
Si sis affinis, si fortè coire nequibis:
Hec socianda vetant connubia, iuncta retractant.*

AXIOMATA, ET SENTENTIÆ.

Matrimonium est, viri, mulierisque coniunctio, indiuiduam vitæ consuetudinem retinens, cap. 1. 27. quæst. 2.

Matrimonium non facit coitus, sed voluntas, cap. matrimonium, 27. quæst. 2. & idè non soluit illud separatio corporis, sed voluntatis: idè qui dimittit coniugem suam, & aliam non accipit, adhuc est maritus: Nam eisi corpore separatur, tamen voluntate adhuc coniunctus est. Cùm ergo aliam acceperit, tunc eam plenè dimittit. Non ergo qui dimittit, mœchatur: sed qui aliam ducit, d.c. matrimonium, 27. quæst. 2. & cap. omnis res, eodem.

Omnis res per quasunque causas nascitur, per easdem dissoluitur, cap. omnis, 27. quæst. 2.

Coniugalis pactio, non virginitatis defloratio, coniugium facit, cap. cum iniuriatur, & cap. si quippe, 27. quest. 2.

Coniuges verius appellantur à prima desponsationis fide: quamvis adhuc ignoretur inter eos coniugalis concubitus, ca. coniuges, 27. quest. 2. & c. coniunx, eodem.

Publica honestatis iustitia impedit matrimonium inter sponsam, & sponsi demortui fratrem contrahendum, cap. licet Egyptiorum, de nup. & cap. si quis, 27. quest. 2.

Sine uxoris licentia vir continere non potest, sed debium uxori reddere tenetur, cap. si tu, 27. quest. 2.

Rapius, illicius coitus, à corrumpendo dictus: unde qui raptu potitur, stupro fruitur, cap. rapius, 27. q. 2.

Duobus modis dicitur fides, pactionis scilicet, & consensus. Fides pactionis est, quando aliquis promittit fidem alicui, quod eam ducet, si permiserit ei rem secum habere, vel etiam pro consensu, cuius effectus est, ut non liceat ei resilire, si tamen aliam duxerit, poenitentiam de fide mentita agere debeat. Fides autem consensus est, quando etsi non constingat manum, corde tamen, & ore consentit ducere, & mutuo se concedunt, unus alij, & mutuo se suscipiunt. Cuius effectus est, ut si cum alia contractum matrimonium sequatur, eo rescisso priori adherere teneatur, cap. duobus, 27. quest. 2.

Non tantum coitus, verum etiam ipse complexus, concubitus, confabulatio, osculatio, & coniacentium duorum scæda, & turpis dormitio, virginem corrumpunt, cap. nec aliqua, 27. quest. 1.

In nuptijs conatus nihil operatur, nisi sequatur actus, vel effectus. Unde adolescens desponsatam sibi virginem per verba de futuro, si nitatur cognoscere, cum per opportunitatem non potuerit, si postea cum alia per verba de presenti contrahat, per secunda sponsalia de presenti rescinduntur priora de futuro, & valebit secundo contractum matrimonium, cap. adolescens, extra. eodem.

Sponsalia de presenti non solvuntur per sequens matri-
monium.

monium, etiam carnali copula consummatum: sed sponsalia de futuro etiam iurata solvuntur per sequentia de presenti, cap. si inter virum, extra. eodem.

Sponsalia de futuro transeunt in matrimonium per carnalem copulam subsequutam, cap. is, qui sedem, eodem.

Matrimonia debent esse libera: unde in eis promissio poena non obligat, cap. Genima, eodem.

Viriusque contrahentium consensu dissoluantur etiam sponsalia iurata de futuro, cap. praterea, extra. eodem.

Inter sponsam, & consanguineos sponsi, oritur impedimentum publica honestatis impediens, & dirimens matrimonium inter eos contrahendum, cap. sponsam, eodem.

Qui praestito iuramento alicui fidem matrimonij contrahendi dedit, si non subest impedimentum, per censuram Ecclesiasticam contrahere compellitur, c. ex literis, extra. eod.

Si timeatur inferri violentia puella, de cuius matrimonio agitur, debet iudex sibi providere, & assignare locum tutum, & honestum, donec causa legitimè terminetur, c. cum locū, eo.

Matrimonium metu contractum, est ipso iure nullum, c. veniens, eodem.

Vxor, etsi vir longissimo tempore absuit, non tamen cum alio contrahere potest, nisi de eius morte certificata, cap. in praesentia, eodem.

Qui meretricem de lupanari extraxit, & in uxorem duxit, rem gratam, & acceptam Deo praestat: Quia inter opera charitatis non minimum est, errantem ab erroris sui semita renocare, cap. inter opera, eodem.

Matrimonium metu contractum, licet non subsistat, cohabitatione tamen spontanea conualescit, & purgatur metus per accommodationem consensus, cap. ad id, extra. eod.

Mulier, quae negat se in matrimonium consensisse, non creditur, marito probante contrarium: secus si probet, se consensisse per metum, qui potest cadere in constantem, cap. consultationi, extra. eodem.

Initiatur matrimonium sponsione, consensu ratificatur, & copula consummatur.

Procurator ad contrahendum matrimonium non potest substituere, nisi hoc habeat in mandatis, c. fin. de procurat. in 6.

Etiā in delictis doli capacitas supplet aetatem, cap. pueris, extra. de delictis.

Si quod ago, non valet ut ago, valeat ut valere potest, cap. à nobis, extra. de despon. impub.

Nemo praesumitur eligere viam, per quam iudicia sua subvertantur, cap. Quintauallis, extra. de iureiurando, capit. cum ordinem, extra. de rescript.

In re denominanda potius effectum attendimus, quam modum, cap. i. §. 1. de despon. impub.

Coactio difficiles solet exitus frequenter habere, Abb. in cap. requisivit, extra. eodem.

Affinitas superueniens dirimit sponsalia de futuro, cap. praterea, & ibidem Dd. extra. eodem.

Manifestum plus in se continet, quam fama, cap. vestra, extra. de cobab. mul.

Cui damus actionem, ei multo magis damus exceptionem, cap. quemadmodum, extra. de iureiuran.

Ob fornicationem post sponsalia, etiam iuramento firmata, commissam, potest quis licite resilire: Quod enim coniunctos disiungit, hoc multo magis impedit coniungendos, c. si. 32. q. vlt.

Error personae, & conditionis impedit matrimonium, non autem qualitatatis, & fortune, in princip. ca. 1. 29. q. 1.

Matrimonium non soluitur, altero coniugum fidelium in haeresim lapsa, cap. 1. 32. quest. 7.

Filii nati ex matrimonio, cui obsistit publicae honestatis institutio, non succedunt patri scienter contrahenti, cap. per venerabilem, extra. qui filii sint leg.

Circa impedimentum, quod non est à iure diuino, sed humano, potest Papa dispensare, cap. proposuit, extra. de concess. prebend.

DE DESPONSATIONE

IMPVBERV M.

TITVLVS II.

Continuatio.

IN sponſalibus, & matrimoniis contrahendis certa, & præcipua, quæ ſit conſilij; & intellectus capax, ætas deſideratur. Igitur impubes, licet ſponſalia de futuro contrahat, ſponſalia tamen de præſenti, vel in matrimonium contrahere non poteſt.

Ex quo indicatur Pubertas?

Iure ciuili approbata eſt opinio eorum, qui ex annorum numero pubertatem iudicandam exiſtimant, iuueniſque idoneus nuptiis putatur, qui 14. annos impleuit: ſcœmella autem, quæ 12. Citiùs enim ſcœmina ob natiui caloris, & nutritiue potentiæ qualitatem pubeſcit, & creſcit: iure autem Canonico pubertas non ex annorum numero, ſed habitudine corporis, & generandi facultate iudicatur, ſiue pubertatis terminus iure ciuili ſtatutus excedatur, ſiue non: Nam quandôque contingit, vt. qui exceſſit 14. annos, generandi potentiam non habeat; quandôque autem, vt qui nondum attingit, generare poſſit. Hinc non inconuenienter antiquitus fuit obſeruatum, vt pubertatis probatio ex aſpectu corporis circa pudicâ membra deſumeretur. Quæ cum lanuginem producerent, & barbæ inferiores pungerent, puberes iudicarentur: ſi verò barbæ nondum eſſent productæ, vel mulier ſe deplumieſſet, & pilos ſibi euuliſſet, niſi ſemel peperieſſet, nuptiis minimè idonea cenſeretur. Hoſtienſ. in §. & qualiter probetur, hoc tituli ſed hunc probationis modum Iuſtinianus, vt pudori, & caſtitati repugnantem, è medio ſuſtulit, l. indecorum, C. quando tutor, vel cur. eſſe deſinit.

Quis dicitur Pubes?

Pubes dicitur, qui ex habitu corporis pubertatem oſtendit, & qui generandi facultatem habet, c. puberes, extra. eodem.

Vnde dicitur Pubes?

Puberes (inquit) Iſidorus, à pube ſunt vocati, id eſt, à pudentia corporis nuncupati: quia hæc loca primò lanuginem ducunt, d. cap. impuberes, extra. eodem.

Quæ regula dicuntur circa impuberum desponsationem?

Prima Regula: Si duo impuberes, quorum malitia non supplet ætatem, & qui pubertati non sint proximi, vel etiam alter tantum sit impubes, per verba de præsentis matrimonii contraxerint, talis contractus resolvitur in sponsalia de futuro; & ex eo inducitur iustitia publicæ honestatis; secus, si pubertati sint proximi, vel urgeat aliqua necessitas; ut si fiat pro bono pacis. His enim duobus casibus impuberes matrimonio iungi possunt, nec contractus matrimonij in sponsalia de futuro resolvitur, cap. vbi non est, & c. fin. extr. eod.

Secunda: Matrimonium, vel sponsalia contracta ab infantibus, & minoribus septennio, nullo modo subsistunt: nec temporis lapsu conualescunt: nisi nova accesserit voluntas, cap. duo pueri, extra. eodem.

Tertia: Impuberes sponsalia contrahentes, ante pubertatem separari non debent; sed post pubertatem, si contradicant sponsalibus, separari possunt; nisi copula carnalis interuenierit, cap. à nobis, extra. eodem.

Quarta: Si impubes contraxerit cum pubere, neuter rescilire potest: sed tenetur pubes impuberem, donec ad pubertatem, vel legitimos annos perueniat, expectare: quo tunc non consentiente, iure sponsalia dissolui possunt, cap. accessit, & cap. de illis, extra. eodem.

Quinta: Si impubes cum pubere contraxerit, & pubes impuberem usque ad pubertatis annos expectauerit, qui nec tunc expresse sponsalibus contradicat, per censuram ecclesiasticam matrimonium perficere compellitur, Hostiens. §. quid iuris, ver. quod si pubes, hoc tit. cap. i. extra. eodem.

Quæ forma Contradictionis?

Ut impubes, adueniente legitima ætate, coram Episcopo, Officiali, vel alio suo competenti iudice compareat, & declarato sponsaliorum habito tractatu, se nunc non eius voluntatis esse indicet, seque ab huiusmodi promissione facta, & data fide, absolui petat, Hostiens. §. quid iuris, ver. sed coram quo. hoc tit. cap. de illis, extr. eod. & cap. i. extr. de frig.

Quis Contradictionis effectus?

Et rescissio contractus sponsaliorum, & extinctio publicæ honestatis per eadem sponsalia, inducitur, cap. à nobis, extra. eodem.

NE CLANDESTINA
DESPONSATIONE.

TITVLVS III.

Continuatio.

Sponsalia, vel sunt publica, vel clandestina. De publicis, quæ per verbâ de præsentî in præsentia quorundam testium, obseruatis debitis solennibus fiunt, superiore titulo dictum est, restat de clandestinis.

Quid sunt clandestina sponsalia?

Clandestina sponsalia dicuntur, quæ, non adhibitis testibus, quibus probari possunt; vel non obseruatis debitis solennibus, vel non præmissa denuntiatione, sunt contracta, gloss. in cap. cum inhibito, extra. eodem.

Quot modis dicuntur sponsalia Clandestina?

Tribus modis. 1. Si sponsalia in præsentia testium non sint contracta, sed clam, & quodammodo furtiue, cap. 2. extr. eod. 2. Si fuerint solennia, ad nuptias requisita, omissa; puta, introductio in ecclesiam, publicatio, benedictio, &c. cap. aliter, 30. quæst. 5. 3. Si contra statutum, vel consuetudinem, vel contra tenorem cap. fin. extr. eod. nuptiæ sint contractæ. Vt si statutum esset in loco aliquo, ne quis absque Principis consensu contrahat, sanè clandestina dicuntur sponsalia, non requisito Principe, contracta: Vel si quis consensum Principis, vel Episcopi licentiam habeat: non tamen denuntiet ei, cuius controuersiam timet, vel qui contradicere possit: vt si quis cum puella, absque consensu parentum, vel aliorum, qui impedimentum reuelare possunt, contrahat, cap. fin. extra. eod. & ibi gloss.

Quæ causa Efficiens?

Consensus contrahentium nuptiis contractis clam, & secreto adhibitus, cap. 1. 27. quæst. 2.

Quod Subiectum?

Personæ illæ, quæ clam sponsalia contrahunt.

Quod Obiectum?

Sunt verba de præsentî: quæ tamen per testes non possunt probari.

Quæ Forma?

Promissio, per verba de præsentî, siue hæc subarrhatione, vel iuramento firmata sit, siue non sit; ita tamen, vt tantum contrahentibus ea constet, & aliàs nemini. Quæ forma præscribitur sponsalibus, quæ propriè clandestina dicuntur: siquidem forma aliorum clandestinorum ex omissione eius, quod adesse desiderabatur, desumitur, gloss. in cap. fin. extr. eod.

Quis Effectus?

1. Quod sponsalia clandestina, contra tenorem cap. fin. extra. eod. contracta, dissoluntur, & parochialis sacerdos, vel quilibet etiam regularis, qui tales coniunctiones prohibere contemnit, sed eisdem interesse præsumit, per triennium suspenditur, grauiusque punitur, si culpæ qualitas postulauerit, d. cap. fin. extra. eodem. Statutum enim in Concilio generali per Innocentium I I. Est, vt clandestina matrimonia penitus inhiuantur, & ne quis sacerdos eis interesse præsumat: at cum matrimonia fuerint contrahenda, in ecclesiis per presbyteros publicè proponantur, competenti termino præfinito, vt infra illum, qui voluerit, & potuerit, legitimum impedimentum opponat; & ipsi presbyteri nihilominus inuestigēt, vtrum aliquod impedimentum obsistat: Et cum apparuerit probabilis coniectura contra copulam contrahendam, contractus interdicatur expressè: donec, quid fieri debeat, super eo manifestis constiterit documentis. Sic loquitur text. in ca. fin. extra. eod. 2. Quod liberi, ex huiusmodi nuptiis clandestinis, & interdictis procreati, sint illegitimi: nec ipsos parentum ignorantia excusare, & defendere potest. Cum sic contrahentes, vel non expertes scientiæ, vel saltem affectatores ignorantia, videantur, d. cap. fin. §. si quis verò, extr. eod. Licet alioqui, si ignorantes utrèque, vel vnus tantum, in faciam Ecclesiæ contraxerint, ante diuortij sententiam pronuntiatam prognati, legitimi habeantur, & in bona paterna hæreditario iure succedant, cap. cum inter, extra. qui filij sint legitimi, cap. ex tenore, extra. eod. secus si sciuerint ambo, & in conspectu ecclesiæ contraxerint: hoc enim casu parentes sceleris patrati rei, filios, ex tali matrimonio legitimos non procreabunt, d. c. fin. §. si verò, extr. eod. 3. Si sponsalia publica fuerint contracta, & clandestina; etsi clandestina præcedant, nec probari possunt, tamen publica in foro iudiciali præferuntur. Hostiens. in §. vtrum clandestina, eod. tit. 4. Quod, lite super clandestino ma

no matrimonio mora, viro incumbat probatio, cap. 1. extr. eodem. Nec iuramentum in defectum probationis deferatur. Distingue tamen. Aut queritur de necessario: Et hoc iudex non potest, etiam si semiplene probatum sit, deferre, nisi semiplenæ probationi accesserit aliqua fortis præsumptio, Panor. in c. mulieri, extr. de iureiur. Quia causæ matrimoniales comparantur causis criminalibus, & arduis, in quibus in supplementum, vel defectum probationum, non facile defertur iuramentum necessarium. Aut queritur de iuramento iudiciali, & voluntario, quod pars parti in iudicio, vel extra iudicium, defert: & tunc affirmanti matrimonium esse contractum, defertur iuramentum, & præstitum valet: quia aduersa pars iurantem causæ ultro constituit iudicem, præsumiturque velle iuranti coniungi. Cum igitur consensus faciat nuptias, post præstitum iuramentum, vtriusque consensu constitutum videtur matrimonium. Aut neganti matrimonium contractum defertur iuramentum: & delatio non admittitur. Quia matrimonium temere non est dissoluendum. Et quia sententiæ causarum matrimonialium nunquam ita transeunt in rem iudicatam, quin comperta veritate possint retractari, c. lator, extr. de sent. & re iud. Aduerte tamen, quod si aliqua suspicio, vel præsumptio subit, Actore non probante, iuramentum purgationis neganti esse deferendum: si autem nulla præsumptio apparuerit pro Actore, Reum absoluendum. Ita distinguit Abb. in c. 2. extr. de clandest. desponsat.

Quæ Pugnancia?

Constitutiones Pontificæ, quæ clandestinas coniunctiones vetant, c. fin. extr. eod. Consensus parentum, vel eorum, qui contradicere possunt, Publica sponsalia, & omnia solennia ad publica sponsalia requisita.

AXIOMATA, ET SENTENTIÆ.

Quod à principio non valet, non potest tractu temporis conualescere, c. quod sicut, extr. de elect.

Paria sunt, scire impedimentum, & scire posse, cap. fin. extr. eodem.

Matrimonia secundo loco publicè contracta præiudicant clandestinis in foro iudiciali, c. 2. eod.

Proles ex interdictis clandestinis nuptiis nata illegitima

sunt: nec subsidium ex parentum ignorantia habere possum, d. c. fin. extr. eod.

Proles illegitima censentur, si utræque parentum legitimum impediuntentum scientes, prater omne interdictum, etiam in conspectu ecclesie contrahere presumunt, d. cap. fin. extr. eodem.

Post mortem nemo accusari potest, c. admonere, 33. q. 2.

Nemo contra conscientiam suam venire debet, c. fin. extr. de prescrip.

Si quis clam desponsauerit aliquam, & mulier, vel vir negat huiusmodi desponsationem, viro incumbit probatio, cap. si quis, extr. eod.

DE SPONSA DVORVM.

TITVLVS IIII.

Polygamia, quæ non vnius, sed plurium vxorum promiscuus vsus dicitur, cum matrimonio pugnat: nec nostris temporibus, licet à primis parentibus, non omninò absque vitio, vsurpata fuerit, conceditur. Quæ igitur duobus per verba de præsentis nubit, non posteriori; sed priori adhærere debet: nisi cum primo sponsalia de futuro, & cum secundo sponsalia de præsentis contraxerit. Tunc enim non primo, sed secundo adhærebit. Quia, sicuti sponsalia de præsentis, sponsalia de futuro solvunt: ita etiam sponsalibus postea de præsentis contractis præferuntur: intantum, vt si post sponsalia de præsentis matrimonium esset contractum, & copula carnali consummatum, firmatumq; iurisiurandi religione, ipsum dissolveretur. Et forma à fide recedens, scq; alij iungens, ecclesiastica districtione ad primum redire compelleretur. Quod quidem Alexander III. contra antiquius iudicatum introduxit in c. licet præter, extr. de spon. duorum. Idem statuitur in adolescente, qui duas per verba de præsentis sibi desponsat: tenetur enim primam desponsatam in vxorem habere, etsi prius secundam cognouerit, c. tuas dudum, ext. eo. Quod si verò sponsalia contracta negentur, moueaturque super hoc in iudicio controuersia, lite pendente, matrimonium ex interdicto con-

trahi non debet, aliàs contractj matrimonij rescissio cum infamia contrahentis permittitur, c. tua fraternitas, ex. eod. & gl. in Leum, qui duas, C. ad l. Iuliam, de adul. & stupro.

DE CONDITIONIBVS appositis in desponsatione, vel in aliis contractibus.

TITVLVS V.

Continuatio.

SVprà notatum est, sponsalia vel purè, vel conditionis adiectione contrahi. Quæ igitur conditiones sint, & quid in sponsalibus, quibus apponuntur, operentur, hoc titulo traditur.

Quæ dicuntur sponsalia Conditionalia?

Quibus voluntate contrahentium adiecta est conditio ad differendum, firmandum, vel infirmandum matrimonium, c. super eo, extr. eod.

Quotplex Conditio, quæ sponsalibus adijci solet?

Glos. in c. fin. extr. eod. & Hosti. in §. quæ conditio, quadruplicem asserunt. 1. Honestæ, & possibilis. Et hæc rursus vel voluntaria, vel necessaria. 2. Inhonestæ, & possibilis. 3. Honestæ, & impossibilis. 4. Inhonestæ, & impossibilis.

Quid est honesta, & possibilis Conditio voluntaria?

Est, quæ ex voluntate contrahentium proficiscitur, nec contra matrimonij consensum, vel aliquid turpitudinis, vel impossibilitatis, in se continet: imò suspendit consensum, donec conditio existat, vel non est, nisi existat: Vt; si placuerit parentibus tuis, ducam te in uxorem.

Quæ dicitur possibilis, & honesta Conditio necessaria?

Quæ necessariò ad ipsum requiritur: ita vt si non adficiatur, contractus reddatur nullus: Vt; contraho tecum, si facta fueris Christiana, c. non oportet, 28. q. 1.

Quid est Conditio inhonestæ, & possibilis?

Est, quæ manifestam in se habet turpitudinem, nec obstat implendi eam aliqua difficultas, vel impossibilitas. Et hæc est, aut contra matrimonij substantiam. Vt; contraho tecum, si prolem vitaueris: si te adulterandam tradideris: si meliorem non potero inuenire, cap. aliquando, 3. q. 2. Aut non est contra

tra substantiam matrimonij: Vt, contraho tecum, si hominem interfeceris: aut furtum, vel rapinam commiseris, cap. fin. extra. eodem.

Quid est Condicio honesta, & impossibilis?

Condicio honesta, & impossibilis est, quæ nulla vitatur turpitudine, sed talis est, quæ, obstante impossibilitate, nullo modo impleri potest: Vt; duco te in uxorem, si cælum digito tetigeris: si mare exhausseris: si imperium mihi dederis, cap. 1. extra. eod.

Quid est inhonesta, & impossibilis?

Quæ, sicuti multum turpitudinis in se habet, ita nullo modo impleri potest: Vt, duco te in uxorem, si hodie in Hispania, & Gallia populo publicè concionata fueris, argum. c. noua quædam, extra. de pœnit.

Quæ causa Efficiens?

Consensus contrahentium ad suspendendum, impediendum, vel non impediendum matrimonium.

Quod Subiectum?

Personæ contrahentes, & adicientes contractui conditionem talem.

Quod Obiectum?

Verba de præsentibus quorum effectus, conditionis adiectione suspenditur, ut in vim verborum de futuro efficientium, sponsalia de futuro valere videantur, Panor. in c. per tuas, extra. de cond. apposi.

Quæ Forma?

Formam contrahendi adiectæ conditionis qualitas variat: fiunt enim sponsalia conditionalia plerumque per verba de præsentibus, adiecta conditione yna, ex quadruplici conditionum genere prænotato.

Quis Finit, & Effectus?

1. Condicio honesta, & possibilis adiecta suspendit contractum matrimonium, ita ut non teneatur ante conditionis euentum ipsum consummare, c. super eo, extra. eod. 2. Condicio honesta, vel possibilis, si existat, firmatur contractus: quod si non existat, dissoluitur, c. de illis, extra. eod. 3. Si ante euentum conditionis honestæ, & possibilis appositæ, carnalis copula intercedit, purum matrimonium efficitur: Et eo ipso à conditione recessum videtur, c. per tuas, & c. de illis, extra. eod.

4. Spon

4. Sponsalia sub honesta, & possibili conditione contracta, rationem sponsaliorum de futuro habent: ergo facultas pœnitendi permittitur, Panor. in c. per tuas, ex eo. 5. Sponsalia sub honesta, & possibili conditione contracta, inducunt publicæ honestatis iustitiam, impediens inter sponfam, & consanguineos sponsi, vel inter sponsum, & consanguineos sponse matrimonium contrahendum, c. sponfam alterius. extr. de sponsa. 6. Conditiō inhonesta, & possibilis, quæ est contra matrimonij substantiam, dissolvit sponsalia: ita vt nec post secutam copulam carnalem confirmentur. Quia hîc nullus est consensus, nec matrimonium, vt c. solet, & c. aliquando, 34. q. 2. & c. fin. extr. eo. Secus est, si non sit contra substantiam matrimonij: tunc enim, pro non adiecta habetur: & ideò tenet matrimonium, c. 1. & c. fin. extr. eod. Nec obstat, si dicatur inhonestam conditionem esse impossibilem, c. faciat, 22. q. 2. Impossibilem autem conditionem vitare contractum, l. impossibilis, ff. de verb. oblig. Hoc enim specialiter, & fauore matrimonij introductum est, vt ipsam sub inhonesta, & possibili, vel impossibili conditione contractum teneat, & conditio pro non scripta habeatur, Host. in §. quæ conditio: hoc titulo. 7. Conditiō honesta, & impossibilis non vitiat sponsalia, sed fauore matrimonij, pro non adiecta habetur, cap. si conditiones, extr. eod. 8. Conditiō inhonesta, & impossibilis, etiã fauore matrimonij, habetur pro non adiecta: Nam ipsa conditio frangitur, & matrimonium firmatur, c. 1. & c. si. extr. eod.

Quæ Pregnantia?

Sponsalia pura, turpitudō, impossibilitas. Quia sponsalia sub conditione inhonesta, vel impossibili contracta, cum conditio non adesse videatur, pura sunt: copula carnalis, superuenientia sponsalia de præsenti, dissensus vtriusque contrahentium, fornicatio carnalis, vel spiritualis superueniens affinitas, quæ nuptias impediat.

AXIOMATA, ET SENTENTIÆ.

Si in contractu matrimonij adicitur conditio turpis, vel impossibilis, habetur pro non adiecta, nisi sit contra substantiam matrimonij: quia tunc vitiat contractum, c. si conditiones, extr. eod.

Qui sub honesta conditione sponsalia contrahit, & ante condi

conditionis euentum desponsatam cognoscit, à conditione recedit, & matrimonium purè contraxisse intelligitur, cap. per tuas, extr. eod.

Contrahens matrimonium, sub conditione possibili, & honesta, ante conditionis euentum non tenetur matrimonium consummare: imò pœnuere potest, & ad alias nuptias conuolare, c. super eod. Panor. in c. per tuas, extr. eod.

Conditio non improbat a suspendit contractum, cap. de illis, extr. eod.

Defectus turpis conditionis non vitiat contractum, sed ipsa vitatur, & censetur matrimonium, nulla adiecta conditione, contractum, c. 1. extr. eod.

QVI CLERICI, VEL
vouentes matrimonium contra-
here possunt.

TITVLVS VI.

Illis clericis matrimonium contrahere licitum est, qui in minoribus Ordinibus sunt, c. si quis, dist. 32. Non autem iis, qui in sacris sunt constituti, c. erubescabant. Sacer enim ordo nuptiis impedimento esse dicitur, dist. 32. Vnde in Concilio Carthaginensi statutum est, Episcopos, Presbyteros, Diaconos, & Subdiaconos, abstinere debere ab vxoribus; quod nisi fecerint, ab ecclesiastico officio remouendos esse: Cæteros verò Clericos, ad hoc non cogi: sed secundum vniuscuiusque ecclesiæ consuetudinem obseruari debere, c. placuit, distin. 32. Diaconi tamen quicumq;, quum ordinarentur, protestati fuerint de non seruanda cōtinentia, si duxerint vxores, ab iis non separandi: quia præsumpta licentia Episcopi videntur contrahere permitti, c. diaconi, 28. dist. Quod si, nulla præmissa protestatione, votum continentia fecerint, & postea duxerint, contracto matrimonio licitè vti possunt, si à ministerio cessare voluerint. Nam etsi in Ordinatione sua castitatis votum obtulerint, tamen tanta vis in sacramento coniugij est; quòd nec ex violatione voti ipsum coniugium dissolui possit, cap. diaconus, §. si verò diaconus, dist. 27.

Vouen

Vouentium, secundum Calixtum Papam in c. presbyteris, §. hic distinguendum, dist. 27. quidam sunt simpliciter vouentes, qui contrahere quidem prohibentur, sed prius contracto matrimonio adherere tenentur. Quidam, qui solenne votum fecerunt: & illi, nullo contracto matrimonio, obstringuntur. Quia votum simplex tantum impedit contrahendum matrimonium: vorum autem solenne, quod fit per Ordinis susceptionem, professionem, & habitus susceptionem, non tantum contrahendum impedit, verum etiam contractum dirimit, cap. rursus, extr. eod. & cap. meminimus, & cap. insinuante, extr. eodem.

DE EO, QUI DVXIT IN matrimonium, quam polluit per adulterium.

TITVLVS VII.

Scuti sacer ordo, & emissum votum, ita pollutio thori, vel eius mulieris, quæ sciens adulteri vxorem in viuis esse, prostituta omni pudicitia, se ipsi exponit, nuptiis contractis, vel postea contrahendis impedimento est. Circa hunc titulum collige regulas.

1. Si maritus, viuentis vxore, contrahit cum secunda, quæ scit primam vxorem esse superstitem: prima demortua, matrimonium consummari non permittitur. Et si consummatum, & liberi procreati sint, tamen rescinditur, etsi contrahentes longo tempore cohabitauerint, c. ex literarum, & cap. cum haberet, extr. eod.

2. Si maritus, viuentis prima vxore, rem habeat cum alia, quæ in mortem primæ vxoris machinata sit, siue superstitis sua vxore fidem de matrimonio post mortem contrahendo illi dederit, siue non, tamen consortium prohibetur, cap. super hoc, eod.

3. Si quis, mortua vxore, contrahit cum ea, quam viuentis vxore, nulla data ei fide de matrimonio contrahendo, cognouit: nec alteruter in mortem defunctæ vxoris fuerit machinatus, tenet matrimonium inter illos contractum, c. significasti, extr. eodem.

4. Si quis, vxore viuentis, fide data promissit, aliam se ducturum, vel cum ipsa de facto contraxit: si nec ante, nec post,
legi

legitima eius superstite, cognouit eandem : quamuis vtrique ipsorum pro eo, quòd in hoc grauitèr deliquerint, sit pœnitentia iniungenda : non est tamen matrimonium, quod cum eo contraxit post vxoris obitum, dirimendum, cap. si quis, extr.eodem.

5. Maritus aliam ducens vxorem, quæ ignoret ipsum alij vxori matrimonio esse alligatum, mortua prima, nouo consensu interueniente, secundam habere, vel ad eam redire tenetur, c. veniens, & c. propositum, extr.eod.

DE CONIVGIO Leprosorum.

TITVLVS XIII.

Lepra rescindit sponsalia de futuro: Non autem matrimonium contractum, ita vt si sponsus, vel sponsa lepra inficiatur, alteruter, qui tali morbi vitio non laborat, ad perficiendum matrimonium non compellatur, sed liberè cum alio contrahere possit, c. literas, extr.eod. Coniuges verò, cum alter alterius miserix obtingentis debeat esse particeps, ob lepram, qua alteruter inficitur, nullo modo separari : sed sibi inuicem cohabitare, & se coniugali affectione tractare debent. Quòd si autem sanus, morbi contagionem reformidando, coniugale debitum præstare detrectet, ad obseruantiam perpetuæ continentix, excommunicationis censura compellitur, c. peruenit, extr.eod. Nec lepra matrimonio contrahendo prorsus impedimento est. Quocirca poterit leprosus aliquam, quæ sibi nubere velit, in matrimonium iungere, cap. quoniam, extra.eodem.

DE CONIVGIO SER- VORVM.

TITVLVS IX.

Error conditionis impedit matrimonium ab initio. Est enim error quadruplex: scilicet, personæ, conditionis, fortunæ, & qualitatis. Error personæ est: cum puto esse Paulum, & sit Petrus. Conditionis, cum is, qui seruus est, liber creditur. Fortunæ: cum putatur diues, qui est pauper. Qualitatis: cum

bonus

bonus existimatur, qui est malus. Duo posteriores errores matrimonia nec impediunt, nec rescindunt. Qui enim egentem virginem ducit, cum eam ditissimam putaret, vel eam puellam, quæ florem virginittis amisit, vel meretricem pro virgine incorrupta matrimonio sibi iungit, resiliere non poterit. Quinimò facti meritum habebit, qui publicam meretricem, de lupanari extraxerit, & in vxorem duxerit. Inter opera enim charitatis non minimum est, errantem ab erroris sui sententia reuocare, cap. inter opera, extra. de spons. & matrimon. Quòd si autem circa personam, vel personæ conditionem erratur, scilicet si putatur Petrus, & sit Paulus; vel creditur liber, & sit seruus, cum quo contrahitur, matrimonium iure non subsistit: nisi postea conditione cognita copula carnalis intercedat, c. proposuit, extr. eod. Ratio est. Non quia ad nuptias contrahendas libertas requiritur: hoc enim tantum iure ciuili procedit: non autem iure Canonico, quo in nuptiis contrahendis nullam esse personarum differentiam faciendam statuitur: sed quia ob talem errorem nullus consensus contrahendi matrimonij interuenisse fauore libertatis præsumitur, cap. fin. extra. eodem. & per tot. 29. quæst. 1.

DE NATIS EX LIBE- RO VENTRE.

TITVLVS X.

CAusa ingenuitatis est, natiuitas. Partus enim, quoad libertatem, sequitur ventrem, & conditionem matris. Nec hoc absque causa. Mater enim pluribus temporibus in consequenda libertate partui prodesse poterit: tempore videlicet conceptionis, gestationis, & partus. Quocunque horum temporum mater libera est, partus nascitur liber: in tantum, vt etiam spurcius libera matre natus libertatem consequatur. Quia, vt ait Marcianus in l. & seruorum, ff. de statu hominum: Non interest iustis nuptiis conceperit, an vulgò: matris enim calamitas non debet nocere ei, qui in ventre est. Quòd si aliud obseruatum consuetudine sit, nulla habetur ratio ventris, sed natus ex libero, & ancilla conditionem patris sequitur, cap. licet, extra. de coniug. seruor. Sicuti etiam quò ad honores, & dignitates patris conditio partui proficit, & c. l. liberi, ff. de senator.

346 ANALYS. IVRIS PONTIFICII
DE COGNATIONE
SPIRITUALI.

TITVLVS XI.

Continuatio.

COgnatio quoque nuptiis contrahendis impedimentum præstat, dirimitque contractas.

Quotplex cognatio?

Triplex: spiritualis, legalis, & naturalis.

Quid est spiritualis?

Spiritualis cognatio est, attinentia quædam, proueniens ex Sacramenti collatione, vel ad Sacramentum detentione, glos. in cap. 1. de cognat. spirituali, in 6.

Quot sunt species spiritualis Cognationis?

Sunt tres: compaternitas, paternitas, & fraternitas: compaternitas attenditur inter susipientem ex Baptismo, parentisque baptizati, cap. quod autem, 30. quæst. 4. & ca. eod. tit. in 6. Paternitas contrahitur inter baptizantem, & baptizatum, & inter susipientem, vel patrinum, & susceptum, d. cap. 1. eod. in 6. Fraternitas contrahitur inter filios naturales patrini, & baptizatum, dist. cap. 1. in 6.

Quæ causa Efficiens spiritualis cognationis?

Statuta Pontificum, per tot. tit. extr. de cognat. spirituali, & eod. titul. in 6.

Quod Subiectum?

Omnes personæ, inter quas spiritualis cognatio contrahitur. Contrahitur autem, ut ait Bonifacius v. i. i. n. edum inter baptizatum, & illum, qui eum suscepit de baptismo, ac inter eundem baptizatum, & susipientis filios, & vxorem ante susceptionem carnaliter cognitam ab eodem: Imò etiam inter susipientem, patrémque baptizati, & matrem, cap. 1. eodem titul. in 6.

Quod Obiectum?

Baptismus, susceptio pueri ex Baptismo, confirmatio, & Catechismus. Dicitur autem hic catechismus, illa instructio, quæ baptizandi actum præcedit, cap. ante vigesimum, dist. 4. de consecrat.

Quæ

Quæ forma inducendæ cognationis spiritualis?

Est præstatio muneris baptizandi, suscipiendi, confirmandi, & instruendi, iuxta Ecclesiæ ritus, ab iis, quibus hoc committitur, facta. Qui autem sit baptizandi, suscipiendi, &c. modus, patet per totum, dist. 4. de consecrat.

Qui Effectus?

1. Quod cognatio spiritualis per Baptismum, vel confirmationem, inducta inter illas personas, inter quas iuxta cap. 1. eod. tit. in 6. ipsa contracta esse dicitur, non tantum impedit matrimonium contrahendum, verum etiam dirimat contractum, d. cap. 1. eod. in 6. cap. Martinus, extr. eod. cap. veniens, & c. tua nos, extr. eod. c. 1. 30. q. 1. & c. si quis vnus, 30. q. 4. c. ita diligere, 30. q. 3. & c. si quis cum matre, 33. quæstio. 2.

2. Quod cognatio spiritualis per Catechismum contracta, non rescindat matrimonium contractum, sed impediat tantum contrahendum, cap. contracto, extr. eod. & cap. 2. eod. in 6. Qui tamen effectus tunc locum sibi vendicant, cum consuetudo absque Ecclesiæ scandalo in contrarium non sit observata: vbi enim loci consuetudo fuerit, ut nuptiæ inter spirituali cognatione sibi deuinctos in ecclesia permittantur, matrimonium legitimè contractum, ob hoc temerè non erit tutandum, vel rescindendum, cap. 1. §. nisi consuetudo, cap. super eo, §. verum si de consuetudine, extra. eodem.

DE COGNATIONE

LEGALI.

TITVLVS XII.

Cognatio legalis nuptias quoque inter eas personas, inter quas ea consistit, impedit.

Quid est cognatio legalis?

Legalis cognatio hîc intelligitur, quæ per adoptionem lege ciuili forma eius considerata introductam contrahitur, ca. vnico, extra. eodem.

Quid est adoptio?

Adoptio est, legitimus actus, quo aliquis adsciscitur in filium, qui naturaliter illius filius non est, Castrensis, in l. filio, ff. de lib. & posth.

Quotuplex adoptio?

Duplex adoptio : specifica, & arrogatio.

Quid est adoptio specifica?

Est actus legitimus, quo filiusfamilias cum consensu patris sui naturalis, ab auo materno, vel extraneo, coram Ordinario iudice, vel magistratu, in filium cooptatur.

Quid est arrogatio?

Est actus legitimus, quo is, qui sui iuris est, cum autoritate Principis, & causæ cognitione, in filium recipitur.

Quæ causa Efficiens?

Ius gentium, quò ad originem. Licet apud varias gentes, antiquissimis etiam temporibus, adoptionum genera fuerint usurpata: ius tamen ciuile nonnihil adoptionum formæ addidit,

Quod Subiectum?

Persona adoptantis filium, siue sit extranea, siue sanguinis necessitudine adoptato iuncta.

Quod Obiectum?

Persona, quæ per adoptionem, legitimo modo in filium recipitur,

Quæ Forma?

Si filiusfamilias adoptatur, vt is in potestate patris sui naturalis, vel aui paterni constitutus, cum illorum consensu coram iudice Ordinario, ab eo, qui 18. annis adoptandum ætate excedit, & naturaliter ad generandum potens est, adoptetur. Si verò quis sui iuris arrogetur: vt per rescriptum Principis, & sufficienti causarum cognitione; & cum consensu arrogandi arrogatio fiat, l. neque absens, & l. si paterfamilias, ff. de adopt.

Quis Effectus?

1. Quòd per illam cognationem inter ascendentes, & descendentes acquiratur ius filij: cuius vigore impediatur matrimonium contrahendum, & rescindatur contractum; siue adhuc duret illud ius, siue emancipatione, vel alio modo, sit solutum. Quod & in affinitate legali procedit, cap. vnico, extr. cod. Hostiens. in §. quando, & qualiter, hoc tit. allegans ad hoc l. adoptiuus, ff. de ritu nupt. & per tot. 30. qu. 3. 2. Collateraliu cognatio impedit matrimonium, & dirimit contractum, durante adoptione; sed ea soluta, non dirimit, nec impedit

pedir iam contractum, d. cap.vni. extra. cod.cap.ita diligere, 30.quæst. 3. 3. Adoptatus ab auo paterno, vel materno, non tantum in familiam, sed etiam potestatem transit adoptantis, ac cessante patris naturalis iure, patri adoptiuo succedit: nisi rursus ante mortem adoptatis fuisset emancipatus, l.cum in adoptiuis, §. si verò, C. cod. tit. Quod secus est si ab extraneo fuisset adoptio facta: tunc enim, cum non in potestatem, sed in familiam tantum transeat, exclusus in testamento à patre adoptiuo ordinato, non habet querelam inofficiosi, vel aliud iuris remedium, ad impugnandum vltima elogia, licet ei, ab intestato decedenti, succedat, d. l. cum in adoptiuis, §. sed ne articulum, C. de adopt. Pari ratione, arrogatus, qui in arrogantis potestatem transit, patri arrogatori cum cæteris filiis, ab intestato æqualiter succedit. Nec mirum. Arrogans enim arrogati bona consequitur, de quibus, si impubes arrogatus est, cautionem præstare tenetur, se omnia illa bona arrogatione per emancipationem, vel mortem dissoluta, restitutum. Ideò arrogatore demortuo, arrogato omnia sua bona sunt restituenda. Et insuper quarta pars bonorum arrogatoris, si conditum fuisset testamentum, in quo esset præteritus, in tantum vt nec emancipatio facta, ab onere præstandi quartam excuset: nisi, ob legitimam causam facta esset, l. si arrogator, ff. cod. 4. Adoptatus correctioni adoptantis subiicitur, teneturque eius personam reuereri: adeò vt ne absque venia à prætore petita, ipsum in ius vocare possit, text. & gloss. in l. adoptiuum, ff. de in ius vocando.

DE EO, QUI COGNOVIT CONSANGVINEAM VXO- ris suæ, vel sponſæ.

TITVLVS XIII.

Continuatio.

Naturalis cognatio in tantum nuptiis contrahendis impedimento est, vt eas inter cognatos contractas omnia iura exerceantur, habeanturque pro coniunctionibus, & nuptiis illicitis.

Que dicuntur nuptiæ illicitæ?

Quæ ex vaga, & detestanda libidine profectæ, diuinis, & humanis iuribus repugnant.

Quotuplices illicitæ nuptiæ?

Triplices: nefariæ scilicet, incestæ, & inutiles.

Quid Nefariæ?

Nefariæ nuptiæ dicuntur quæ in linea ascendenti, & descendenti, inter eas personas, quæ parentum, & liberorum loco habentur, fiunt.

Quæ Incestæ?

Incestæ sunt, quæ contrahuntur inter collaterales, primi, vel secundi ordinis, in linea inæquali, vel inter affines in eisdem gradibus constitutos, l. ab incestis, C. de incestis nup.

Quæ sunt inutiles Nuptiæ?

Quæ, circa coniunctiones inter ascendentes, & descendentes, vel collaterales proximiores, lege, vel canone vetante, contrahuntur. Quod variis modis contingit, ut ex supradictis colligi potest. Sunt enim nuptiæ inutiles ratione voti, erroris, cognationis spiritualis, legalis, vel naturalis; ratione Ordinis, incussi metus, infidelitatis, &c.

Quis Effectus?

Quòd illæ nuptiæ, nullo iure subsistant; nec dos, nec donatio propter nuptias, valeant: Nec liberi, ex huiusmodi matrimonio, quod ex causa iusta rescindi possit, procreati, sint legitimi. Imò triplex pœna in scienter contrahentes nefarias, & incestas nuptias, statuta est. 1. Confiscatio omnium bonorum; liberi enim ex huiusmodi illicita coniunctione prognati paterna hæreditate iudicantur indigni, cap. coniunctiones, 3. q. xstio. 2. & 3. 2. Priuatio cinguli, id est dignitatis. 3. Exilium: vel si vilis est persona, verberatio, gloss. in verb. *alias pœnas*, §. penult. Instit. de nupt. auth. incestas, & auth. ex complexu, C. de iniust. & inutil. nuptiis. Adde ex Innocent. constitutione quartum pœnæ genus: Matrimonij scilicet ulterius contrahendi, & iuris exigendi debitum coniugale, priuatio. Ei enim, qui cum consanguinea vxoris suæ, vel aliàs incestum committit, facultas de cætero contrahendi matrimonij interdicitur: Nec poterit ab vxore postmodum debitum coniugale petere, licet ei reddere teneatur exactus, cap. ex literis, cap. tuæ fraternitatis, & cap. i. extra. eodem.

Alter effectus est, affinitas, quæ etiam per illicitam coniunctionem, & incestum contrahitur, toto tit. extr. de eo, qui cog. consang. vxor. Et hæc affinitas sponsalia de futuro, & matrimonium contrahendum impedit: sed non dirimit contractum.

ctum, si pars, cui delicta culpa imputari non potest, separari non velit. Affinitas enim contracta post matrimonium, illi nocere non debet, quæ iniquitatis particeps, vel sceleris rea non existit, cap. veniens, cap. discretionem, & cap. tuæ fraternitatis, extr. eod. Vxor igitur, cuius consanguinea à proprio marito fuit cognita, diligenter monenda est, vt propter publicam honestatem, ex illegitima affinitate contractam, à commixtione viri abstineat. Quod si fortè commonitioni parere recusauerit, & talis fuerit, vt de ipsius lapsu timeatur, vir eius poterit, imò debet ei soluere debitum coniugale, vt loquitur Innocent. in ca. tuæ fraternitatis, extr. eod. Licet sint, qui inter affinitatis gradum proximum, & remotum, distinguendum putent, vt d. cap. discretionem, in fin. extr. eod.

DE CONSANGVINITATE, ET AFFINITATE.

TITVLVS XIII.

Continuatio.

CAusa consanguinitatis, sunt nuptiæ licitæ, & matrimonium legitimum: sed affinitatis causa, sunt nuptiæ licitæ, & illicitæ. Quia quauis coniunctione, siue coniugali, siue fornicaria, inducitur affinitas: vt dictum est in superiore titul.

Quid est Consanguinitas?

Consanguinitas est, vinculum personarum ab eodem stirpe descendendum, vel ascendendum carnali propagatione contractum. Et dicitur etiam generali nomine, cognatio, quæ cognationem in specie, per matrem: & agnationem, per patrem, inductam complectitur, l. non facile, ff. de grad. aff. & consang.

Vnde dicitur Consanguinitas?

Consanguinitas dicitur à con, & sanguine, quasi communem habentes sanguinem: sicuti etiam cognati ab eo dici putantur, quod quasi vnâ, communitérve nati, vel ab eodem orti, progetiue sunt, d. l. non facile, §. cognati, ff. de grad. aff. & consang.

Quotplex Consanguinitas, vel Cognatio?

Triplex: iuxta linearum diuersitatem: parentum scilicet, liberorum, & transuersalium. Quæ diuisio non facile, abs-

que arbore consanguinitatis depicta, intelligi poterit, iuxta illud:

Segnius irritant animum demissa per aures,

Quam quæ sunt oculis subdita fidelibus.

c.inter memoratas, 1 6. q. 3.& cap.ad sedem, 3 5. q. 5. Operæ tamen pretium erit, hoc loco eam paucis declarare.

Quid est Arbor Consanguinitatis?

Est dilucida quædam demonstratio, qua personarum gradus, cognationis proximitas, & distantia, ob oculos ponuntur, Hostiens.in §.qualiter arbor, cod.tit.

Quotplex Arbor?

Duplex; Ciuilis, & Canonica. Ciuilis arbor ad leges ciuiles pertinet, quæ,proximitate graduum obseruata,tutelas, & successiones deferunt. Canonica verò propriè in generatione computanda,nuptiisque permittendis,vel interdicens:quarum decisio, si controuersia existat, ex iure Canonico petenda est, vtimur, cap.ad sedem, 3 5.quæst. 5.

Quomodo Arbor Ciuilis, & Canonica differunt?

Differunt causa efficiente, causa formali, & causa finali.

1. A causa efficiente differentia colligitur: quia ciuilis, lege ciuili introducta est: Canonica verò Decreto Synodi in Lateranensi consistorio habitæ, constituta, & comprobata, cap. ad sedem, §. nos verò, Deo annuente, 3 5. q. 5. 2. Causa formali. Licet enim iure Canonico, & Ciuili, inter ascendentes, & descendentes, eodem modo numerentur gradus: vtrunque enim singulæ personæ singulos representant gradus, stipite dempto: tamen quo ad collaterales ius canonicum, & ius ciuile multum discrepant: cum in numeratione, tum prohibitione graduum lineæ æqualis. In arbore enim ciuili singulæ personæ, stipite dempto, singulos gradus constituunt: sed in canonica, duæ semper personæ lineæ æqualis, pro vno gradu numerantur: Et duo gradus legales vnum canonicum constituunt. Fratres igitur, qui secundum leges, in secundo gradu dicuntur esse, iuxta canones numerantur in primo gradu. Filij fratrum, qui illic numerantur in quarto: hinc computantur in secundo: nepotes verò, qui sexto ibi, istic numerantur in tertio, c.ad sedem, §. namque duæ, 3 5. q. 5. Et sic deinceps. Ratio diuersitatis ex diuerso vtriusque arboris fine percipitur. In legibus enim, vt inquit Alexander, ob nihil aliud ipsa graduum

graduum mentio facta est, nisi vt hæreditas, vel successio ab vna ad alteram personam, inter cōsanguineos deferatur: ergo iure ciuili secundum personarum numerum computatur gradus, l. iurisconsultus, ff. de gradibus consang. & affin. In canonicis verò, ob hoc progenies computatur, vt apertè monstretur vsque ad quorā generationem, à consanguineorum nuptiis sit abstinendum. Cū igitur nuptiæ sine duabus non valeant fieri personis, idē canones duas in vno gradu personas constituerunt, d. c. cū ad sedem, §. in legibus, 3 §. q. 5. Deniq; à causa finali diffērentia sumitur: nam iure Pontificio arbor canonica præscribitur, vt ritè, & canonicè inter fideles nuptiæ celebrentur, vt testatur Alexander in d. c. cū ad sedē, & suprà dixi. Arbor autem ciuilis, vt hæreditates, & tutelæ, & alia propinquis, modo legitimo deferantur, & permittantur. Hinc ait Paulus iurisconsultus in libro singulari de gradibus affin. Iurisconsultus cognatorum gradus & affinium nosse debet: quia legibus hæreditates, & tutelæ, ad proximum quemque agnatum redire consueuerunt. Sed & edicto prætorum proximo cuique cognato datur: bonorum possessio præterea lege iudiciorum publicorum contra affines, & adgnatos testimonium inuici dicere non coguntur, l. iurisconsultus, ff. de gradibus affin. non & consang.

Qua in Arbore consanguinitatis considerantur?

Tria potissimum: stipes, ordo, & gradus.

Quid Stipes?

Stipes hīc intelligitur illa persona, à qua aliæ omnes personæ, de quarum cognatione, & propinquitate quæritur, originem traxerunt, nec in computationem personarum ad constituendum gradum æqualis, vel inæqualis lineæ venit.

Quid Ordo?

Ordo est collectio personarum, ab eodem stipite descendentium, diuersos gradus continens, & numeros distinguens, Hosti. in §. quid linea, hoc tit.

Ordo Quotuplex?

Triplex, superiorum, inferiorum, & ex transuersione à latere, teste Caio in l. i. ff. de gradib. affin. & consang.

Quid ordo Superiorum?

Est collectio personarum, à quibus persona, de cuius cognatione quæstio est, descendit, d. l. i.

Quid est ordo Inferiorum?

Est, quo omnes inferiores: ut sunt liberi, quibus eidem parentes superiores principium generationis dederunt, continentur, d. l. 1.

Quid est ordo Transuersalium?

Est collectio personarum, quæ directò sibi inuicem generationis principium non dederunt: sed aliorum defleunt, licet ab eodem sanguine propagentur, l. iurisconsultus, ff. eod.

Quid est Gradus?

Gradus est habitudo distantium personarum, qua propinquitatis distantia inter personas duas, vel diuersas, discernitur.

Vnde Gradus dicti?

Gradus dicti sunt à similitudine scalarum, locorumve proclium: quos ita ingredimur, ut à proximo in proximum: id est, in eum, qui quasi ex eo nascitur, transeamus, l. iurisconsultus, §. gradus, ff. eod.

*Quomodo consanguinitatis gradus numerantur,**& quot sunt?*

Gloriatur Alexander II. in c. ad sedem Apostolicam, 3 §. q. 5. se in synodo habita in Lateranensi consistorio, conuocatis ad hoc Episcopis, & clericis, atque iudicibus diuersarum prouinciarum, errorem illorum, qui consili legibus, quas Iustinianus Imperator, de successionibus consanguineorum promulgauit, veterem Ecclesiæ computationem graduum disturbare nituntur, sustulisse, certumque dinumerationis graduum consanguinitatis modum dedisse: cum tamen nihilo magis dederit. Ita enim confusè de gradibus discribitur in iure Canonico, ut legentis animus varietate, & obscuritate materię turbatus, nusquam quiescere, vel intellectum figere possit. Cui confusioni non parum adiumenti præstare videtur varius dinumerandorum graduum modus. Alij namque patrem in primo gradu, filios in secundo ponunt. Alij primum gradum filios appellant, negantes cognationis gradum inter patrem, & filium esse: cum pater & filius vna caro, vnaque persona, iuris fictione, censeantur, c. contradicimus, §. hac auctoritate, 3 §. q. 2. & 3. Pari ratione in transuersali linea, sunt quidam, qui non à fratribus; sed à filiis eorum, id est, patruelibus, vel consobrinis genealogiam numerare incipiunt, affirmantes filios patruum, in prima generatione computari debere:

bere: cùm fratres quasi quidam truncus, ex qua cæteri ramusculi oriuntur, existant, d. cap. ad sedem, §. sunt enim, 3 §. q. 5. Sed nec illam computationem Alexander à sua putat esse diuersam. Quasi, qui initia numerandi sumat à filiis, non progrediarur vltra sextam generationem: sed sicut totius mundi sex ætates existunt, & humanæ vitæ itidem sex; ita & in consanguinitate sex tantummodò existimet computandas esse generationes. Quibus finitis, nouæ coniunctionis (vt quasi fugientem possint reuocare consanguinitatem) fiat initium, d. cap. ad sedem, §. sunt enim. Sed qui à patribus dinumerationem graduum incipiūt, septimum generationis gradum adiiciunt, nec vltra procedunt: cùm vltra septimum quidem gradum, nec consanguinitas inueniatur, nec nomina graduum reperiantur, nec successio ampliùs prorogari, vel memoria vltioris generationis existere possit, d. c. ad sedem, §. illa quoque, 3 §. q. 5. Septem igitur gradus consanguinitatis ab Isidoro in c. primo gradu, 3 §. q. 5. & Paulo in Liurifconsultus, ff. eod. constituuntur, quorum quilibet certas personas ordinis, superiorum, inferiorum, & à latere complectitur. Quorum dinumerationem ibi vide, & potissimùm Ant. Côt. in lib. 1. Succisiuarum, qui de prauatam constitutionem Isidori, fideliter correxit, & à mendis repurgatam nitore restituit.

Quomodo Gradus computantur, vt discernatur personarum distantia?

Circa computationem graduum ad cognoscendum, quoto gradu quælibet persona, ab alia in triplici cognationum ordine distet, tres regulæ traduntur. Quarum prior ad ordinem superiorum, & inferiorum: reliquæ duæ, ad eos, qui à latere consistunt, referuntur. 1. In ordine, seu linea ascendentium, & descendentium: quot sunt personæ, tot sunt gradus, stipite dempto, à quo supputatio initium habet: persona enim addita personæ, ascendendo, vel descendendo, per carnis propagationem, addit gradum: sed non mutat genus. Atque hæc regula tam iure canonico, quàm ciuili generalis est: quæ in linea ex transuerso quoque iure ciuili locum habet: non autem iure Canonico. 2. Si in ordine ex transuerso, duæ sunt personæ æqualiter descendentes à cõmuni stipite, quoto gradu distat altera earum à cõmuni stipite, toto gradu inter se distant: licet & in eodem gradu esse dicantur, cap. parentelæ, 3 §. q. 5. 3. Si duæ personæ non descendant æqualiter, sed vna sit à cõmuni stipite remotior altera, quoto gradu remotior distat à cõmuni stipite, quoto gradu remotior distat à cõmuni stipite.

à communi stipite, toto gradu à se quoque distant, c.vlt.extr. eod. Exemplum primæ regulæ est: A me ad abauum quinque personæ numerantur: scilicet, Ego, Pater, Auus, Proauus, Abauus. Hinc igitur inter me, & Abauum, quatuor gradus recensentur: quia vna persona demitur. Exemplum secundæ regulæ: Consobrinus distat à communi stipite duobus gradibus, itidem patruelis duobus distat: quia tantum sunt tres personæ: scilicet nepos, filius, pater. Ergo cum vtrâque persona pari gradu distet à communi stipite: eodem etiam gradu, id est, secundo à se distare intelliguntur. Exemplum tertiæ regulæ: Filius consobrini tertio gradu distat à communi stipite: quia quatuor personæ numerantur, patruelis secundo gradu: ergo filius consobrini, & patruelis tertio gradu à se distant, &c. Quæ autem sit horum, & aliorum verborum significatio, traditur in l.non facile, ff. de gradibus affn. & consang.

Quæ est causa finalis Arboris canonica inducta?

Vt manifestè monstretur vsque ad quotam generationem à consanguineorum nuptiis sit abstinendum, d.cap.ad sedem, 3 5.q.5. Nuptiæ autem inter ascendentes, & descendentes, in infinitum sunt prohibitæ. Omnes enim hi, qui ordine superiori, & inferiori continentur, rationem parentum, & filiorum inter se habent. Vnde, si Adam viueret, nullam posset inuenire vxorem, quam sibi matrimonio iungeret: omnes enim ab ipso primo parente originem duximus, c.in copulatione, 3 5.q.2. & 3. Neque contra hanc regulam, propter sanguinis reuerentiam, admittitur dispensatio. Inter collaterales verò consanguineos, matrimonium vsq; ad secundum gradum lineæ inæqualis secundum computationem arboris canonice, de iure diuino, & iure ciuili prohibetur, Leuit. 18. & 5. duorum, Instit. de nuptiis. De iure autem canonico olim vsque ad septimum gradum, hodie autem vsque ad quartum gradum inclusiue interdiciuntur nuptiæ, c.progeniem, de consanguinitate, 3 5.q.2. & 3. & c.non debet, extr.eod.

Quæ causa Impulsiva huius prohibitionis?

Est propagatio charitatis, vt ait August. in lib. de ciuitate Dei, 15. c.16. Coniunctio maris, & femine, quod attinet ad genus humanum, quoddam charitatis seminarium est: vt homines scilicet, quibus esset utilis, & honestissima concordia, diuersarum necessitudinum vinculis necerentur. Nec vnus in vno multas haberet necessitudines, sed singulæ diffunderen-

tur

tur in singulos, & sic ad confociationem humanam, communicatione officiorum stabiliendam, à plurimis participaretur, c.cum igitur, 3 5.q.1. Licet inter consanguineos causa necessitatis, vel vtilitatis, id est, bono pacis coniunctiones permittantur, c. quod autem, 3 5.q.1.

Quid est Affinitas?

Affinitas est, personarum necessitudo, ex coitu proueniens, omni carens sanguinis parentela. Quæ descriptio iure Canonico, quo quilibet coitus affinitati causam dat, non autem iure ciuili procedit; eo enim iure affinitas per nuptias legitimas tantum contrahitur. Vnde dicitur affinitas, quasi finium vnitas. Duæ enim cognationes, quæ diuersæ inter se sunt per nuptias copulantur, & altera ad alterius cognationis finem accedit, l. non facile: §. affines, ff. de gradibus.

Quotuplex Affinitas?

Duplex: legitima & illegitima. Legitima dicitur, quæ per nuptias legitimas contrahitur; illegitima verò, quæ per coniunctionem carnis illicitam inducitur, toto tit. de eo, qui cum consang. & c. c. nec eam, 3 5.q.3.

Quæ in affinitatis arbore considerantur?

Potissimum affinitatis genera: non enim habet stipitem, vel gradus, sicuti ipsa consanguinitas: sed secundum consanguinitatis gradus dinumeratio affinitatis iudicatur.

Quot sunt affinitatis genera?

Tria: Primum genus affinitatis est, quod per primam carnis copulam, siue, mediante vna persona contrahitur. Regula enim est, quod persona addita personæ, per carnis copulam, non gradum, sed genus attinentiæ mutet. Vnde versus:

Mutat nuptia genus, sed generata gradus.

Exempli gratia. Ego, & soror mea iungimur in primo gradu consanguinitatis, soror legitime, vel illegitime à Titio cognoscitur, & sic persona Titij additur per carnis copulam sorori meæ: hæc igitur carnis copula mutat genus attinentiæ. Quia alio genere attinet mihi soror mea, scilicet genere consanguinitatis: alio Titius, videlicet genere affinitatis. Sed non mutat gradum: Quia eo gradu consanguinitatis, quo mihi iungitur soror, eodem affinitatis gradu, mihi iungitur Titius. Regula enim generalis est. Quoto consanguinitatis gradu mihi iungitur consanguinea mea, eodem affinitatis gradu hic, qui per carnalem copulam huic accedit, mihi attinet. Qui
gradus

gradus inter affines numerantur, respectu consanguinitatis tantum, vt c. porro, 35. q. 5.

Secundū genus affinitatis constituitur per personam primo generi additam, copula carnali interueniente: vt putā; pone, quòd Titius maritus sororis meæ, qui est mihi in primo genere, & gradu affinitatis, mortua sorore mea, contrahat cum Caia. Hæc Caia quondam Titio sororio meo per carnis copulam iuncta mutat genus. Quia cum Titius attineret mihi primo genere, hæc nunc secundo genere affinitatis mihi attinet. Titio igitur demortuo, hanc in vxorem ducere possum. Quia tantum primum genus affinitatis obstat nuptiis, non autem secundum, vel tertium, &c. Tertium genus affinitatis est, quod per tertiam carnis copulam, siue, tribus personis mediantibus, contrahitur: Exempli gratia: pone in iam dicto exemplo, Titium mortuum esse, & Caiam alij, putā, Seio nubere. Hic Seius est mihi in tertio genere affinitatis: Quia persona personæ secundi generis per matrimonialem copulam adiecta, tertium genus affinitatis constituit. Vnde hic Seius alteram meam sororem ducere potest. Quia tertium genus affinitatis, quo ego, & soror mea Seio iungimur, nuptiis impedimento non est.

Quot sunt affinitatis ordines?

Sunt tres: ascendentium, descendentium, & collateralium, sicuti de consanguinitate dictum est. Ascendentium affinium nomina sunt: veluti socer, socrus, id est mariti, vel vxoris pater, & mater: vitricus, id est, præfens maritus matris meæ, à quo ego tamen natus non sum: nouerca, id est, præfens patris mei vxor, quæ me non peperit. Hæc de superioribus. Descendentium nomina sunt: veluti gener, id est, filix maritus, nurus, id est, filij vxor, priuignus, vel priuigna, id est, vxoris, vel mariti filius, vel filia, ex alio marito, vel alia vxore suscepti, & vltiores, &c. Collaterales affines sunt, qui vel marito, vel vxori consanguinei sunt ex transuersa linea iuncti. Eorum autem affinium, qui iustis nuptiis parantur, specialia nomina hæc sunt: videlicet, leuir, qui est frater mariti: sororius, qui est vir sororis: glos, quæ est soror mariti: fratrisla, quæ est vxor fratris, quæ & ipsa glos rectius dicitur. Ianitricæ, seu Inateres, quæ sunt duorum fratrum vxores, cap. quòd autem, 35. q. 6. & l. iuriconsultus, ff. eod. Alij autem specialia nomina non habent, sed illo consanguinitatis nomine ferè solent appellari: quo nomine, vel gradu ab eo nuncupantur, cuius

cuius causa affinitatem contraxerunt: veluti, qui vxori meæ confobrinus, vel patruelis est, is & mihi confobrinus, vel frater patruelis appellabitur, & similibus.

Quæ est differentia inter affinitatis genera, & gradus?

Affinitas, vt suprâ dixi, propriè gradus non habet, sed numerantur gradus ex gradibus consanguinitatis illius, à quo affinitatis causa, vel origo trahitur. Genera autem non ex gradibus consanguinitatis, sed per carnis copulam inter consanguineum cognitæ, vel cognoscentis, & extraneum, qui per carnis coniunctionem accedit, constituuntur, & ex personarum varietate, & accessione propter carnis immixtionem, interueniente, variantur.

Quis Finit, & Effectus?

Sicuti matrimonium inter consanguineos ascendentes, & descendentes, ratione consanguinitatis in infinitum prohibitum est: ita etiam inter affines ascendentes, & descendentes, cum hi loco parentum, & liberorum habeantur, perpetuò prohibetur, cap. 1. extr. eod. & l. non facilè, §. hoc itaque, ff. de gradibus, & c. vnde inter consanguineos vxoris meæ, qui ei in recta linea sunt coniuncti, & me, nuptiæ consistere non possunt, dict. cap. 1. extr. eodem. Et sicuti, de iure Canonico, inter consanguineos transuersales vsque ad quartum gradum consanguinitatis inclusiue matrimonium prohibetur: ita quoque inter affines à latere in primo genere affinitatis, non autem in secundo, vel tertio genere affinitatis, quibus matrimonium permittitur, nuptiæ sunt prohibitæ. Olim autem inter illa genera distinguebatur. In primo enim genere prohibebantur, vsque ad septimum gradum: sicut etiam consanguinitas, cap. de affinitate, & cap. nullum, 35. quæst. 3. Secundi autem generis prohibitio erat vsque ad quartum gradum, c. de propinquis, 35. q. 3. Tertium denique genus prohibebatur vsq; ad secundum gradum, c. pro duorum, 35. q. 3. Quibus omnibus per Innocentianam constitutionem sublati, hodiè primi generis affinitatis prohibitio, vsque ad quartum gradum, inclusiue tantum constituta, & vsu approbata est, c. non debet, extr. eo. siue affinitas per legitimas nuptias, siue per illicitum, & vetitum costum contracta sit, c. ego dixi, 35. q. 3. c. discretionem, & c. penul. extr. de eo, qui cog. consang. vx. suæ, & cap. præterea, extr. de sponsalibus. Vnde filius coniugem patris, vel patris magni in vxorē ducens, vel quidam cum ea, cuius matrem antea illicita coniunctione cognouit, matrimonium con-

contrahens, incestus cōtrahit nuptias, l. licet, C. de incest. nupt. & c. veniens, extr. de eo, qui cog. consang. vxor. suæ, vel spon-
sæ, &c. Affinitas autem, quæ est inter consanguineos coniugum vtrunque non impedit nuptias. Hinc est, quòd pater, & filius possint ducere matrem & filiam, & duo fratres matrem & filiam, seu duas sorores, c. quod super his, extr. eod.

AXIOMATA, ET SENTENTIÆ.

Quot sunt persona, tot sunt gradus, una dempta.

Quoto gradu altera persona in linea aequali collateralium distat à communi stipite, toto gradu inter se distant.

Quoto gradu linea inaequalis collateralium remotior distat à stipite, toto gradu à se quoque distant persona, Hostiens. in §. qualiter, vers. quot, & quæ sunt, hoc tit.

Persona, de qua queritur, matrimonium contrahente, ac consummante, oritur primum genus, & gradus affinitatis, iuxta gradus consanguinitatis inter virum, & consanguineos uxoris, & inter uxorem, & consanguineos viri, §. quod super his, extr. eod.

Quoto gradu consanguinitatis distat quis, à consanguineo suo, vel consanguinea sua, toto gradu distat ab eius uxore, vel marito ipsius, c. de propinquis, 35. q. 3.

Persona addita persone per carnis copulam mutat genus attinontia, & non gradum, c. fin. §. hac autoritate, 35. q. 3.

Persona addita persone per carnis propagationem mutat gradum, & non genus, c. porro, 35. q. 5.

Sicut de iure canonico inter consanguineos usque ad quartum gradum consanguinitatis inclusivè matrimonium prohibetur: ita quoque inter affines, c. non debet, extr. eod.

Sicuti matrimonium inter consanguineos ascendentes, & descendentes, ratione consanguinitatis, in infinitum prohibitum est: ita etiam inter affines ascendentes, & descendentes perpetua est coniugij prohibitio, ratione affinitatis, cap. 1. extr. eod.

Affini

Affinitas superueniens de qua saltem constat per sam.am, soluit sponsalia de futuro, c. super eo, eod.

Si dispensatur cum aliquo ut possit contrahere in certo gradu alias prohibito: requiritur, quod vterq; contrahentium toto gradu distet à stipite, praesertim si hoc habet consuetudo, c. quod dilectio, extr. eod.

Inter consanguineos usque ad 4. gradum nuptiae, causa charitatis propaganda, sunt prohibita: licet causa necessitatis permittantur quandoque, c. 1. & c. 2. 35. q. 1.

Copulatio maris, & femina, quod attinet ad genus humanum, quoddam seminarium est charitatis, cap. cum igitur, 35. quest. 1.

Consanguineorum coniunctiones, quamvis Evangelicis, & Apostolicis praeceptis non inueniantur prohibita, sunt tamen fugienda. Quia ecclesiasticis institutionibus inueniuntur terminata, cap. cum igitur, 35. quest. 1. in fine.

Non prohibetur ducere uxorem, qui ignoranter, incestum committit. cap. si quis, 35. q. 2. & 3.

Sicut sex aetatibus mundi generatio, & hominis status finitur: ita propinquitas generis tot gradibus terminatur, c. consanguinitas, 35. quest. 4.

Praeceptum Canonum à propria abstinere consanguinitate iubet, quamdiu generatio recordatur, aut memoria reingeneretur, cap. ad sedem, §. illa quoque, 35. quest. 5.

Quod legitur, patrem in causa filij, nec filium in causa patris in testes non esse recipiendos, in criminalibus causis, & contractibus verum est: in matrimonio contrahendo, vel disjungendo ipsius coniugij prerogativa, quia favorabilis res est, rectè recipiuntur, cap. videtur, in fine, 36. questio. 6.

DE FRIGIDIS, ET MA- LEFICIATIS, ET IM- potentia coëundi.

TITVLVS XV.

Continuatio.

CAusa finalis matrimonij est procreatio liberorum, & per eam humani generis propagatio, cap. Deus, 3. i. q. 1. Cum igitur impotens hunc finem non assequatur, ad matrimonium contrahendum non admittitur. Quod si de facto contraxerit, id ipsum ob coëundi impotentiam, rescinditur.

Quid est coëundi impotentia?

Est vitium, natura ipsa nouercente, vel ex accidente contractum, quo quis in procreandi munere, vel alteri carnaliter commisceri impeditur, cap. ex literis, extra. eodem.

Quotuplex impotentia coëundi?

Duplex: naturalis, & accidentalis. Naturalis vel contingit ratione ætatis: vt est in impubere, quæ adueniente ætate, quando scilicet naturæ qualitates, quæ immatura, & nimia humiditate oppressæ erant, calefcere, & vigere incipiunt, esse desinit, §. vnico, 3. o. q. 2. & cap. quod sedem, extra. eod. Aut contingit in adulto, ratione deprauatæ naturæ qualitatibus: vt si vir, propter nimiam frigiditatem, sit naturaliter impotens: vel mulier ita ætæta sit, vt virum pati non possit, col. tit. extra. eod. Nam nimia frigiditas in viro, & ætætatio in muliere: vt si pharetram ita habeat angustam, & ætætam, vt lanceam, seu sagittam viri non possit capere, (vt loquitur Specul. hoc tit. nume. 2.) præbent impotentia coëundi causam, tit. eodem.

Quotuplex accidentalis?

Duplex: violenta, & occulta. Accidentalisi violenta dicitur, quæ violenter infertur: vt si gladio, vel alio instrumento alicui sint virilia amputata. Occulta tamen est, quæ ex maleficio, sine violentia infertur, cap. si per sortiarias, 3. 3. q. 1.

Quis Finis, & Effectus?

1. Impotentia naturalis in masculo adulto, quæ ob nimiam frigiditatem prouenit; non tantum impedit matrimonium contrahendum, verum etiam dirimit contractum, cap. 1. ca. 2. 3. 3. quæst. 1. 2. Impotentia naturalis in muliere, quæ medi-

corum

corum ope curari poterit, nuptiis impedimento non est; sed si adhibitis medicamentis iuari non possit: vel possit quidem, sed non absque graui corporis periculo, & impedit contrahendum, & rescindit contractum, cap. fraternitatis, §. hoc autem, extra. cod. 3. Impotentialis violentia præstat impedimentum non tantum contrahendo, verum etiam contracto, si matrimonium præcesserit: sed si, durante matrimonio, contingat, non dirimit contractum. Nam ex quo semel consummatum est matrimonium, impedimento postea superueniente, non facile rescindi debet, cap. quod sedem, 32. quæst. 6. 4. Occulta accidentalis impotentia impediens matrimonij effectum, si perpetua fuerit, & præcesserit matrimonium, contractum rescindit, & impedit contrahendum: non autem si consummato matrimonio alterutri coniugum acciderit, cap. si per sortiarias, 33. quæst. 1.

Quis modus rescindendi matrimonij?

Si impotentia acciderit violenter viro, & de defectu, vel abscissione membri virilis per inspectionem expertorum virorum, quibus hoc muneris commissum fuit, vel alio modo, constet, statim diuortium celebrari poterit. Quod si autem acciderit mulieri, vocatis matronis fide dignis, & expertis, quæ si, facta inspectione, ipsam matrem fieri non posse asserant: vel si opus fuerit inspectione reperita, si idem asserant, statim dirimetur matrimonium, cap. fin. extra. cod. l. 1. ff. de ventre inspiciendo, Hostiens. §. qualiter, hoc tit. Si autem de vizio manifestè constare non possit, vel ipsum naturaliter, vel ex alterius maleficio prouenerit, triennij spacio cohabitare tenentur, quo elapso, nec tunc cohabitare voluerint, & iuxta dectet. Gregor. mulier per iustum iudicium de viro probare potuerit, quod cum ea coire non possit, rescisso matrimonio, alij nubat. Verum, si ambo fateantur se inuicem non cognouisse, cum septima manu propinquorum, vel vicinorum bonæ famæ, (si propinqui defuerint) tactis sacrosanctis Euangelis uterque iureiurando asseuerat, quod nunquam per carnis copulam una caro effecti fuissent: quo facto, mulier ad secundas nuptias conuolare poterit, cap. laudabilem, & cap. fin. extra. eodem.

Aduerte tamen, quæ de rescissione matrimoniorum dicta sunt, quod procedant, si alter coniugum ignorans vitium impotentiae, quo alter laborat, contraxerit. Nam si habens exploratum vitium, nihilominus ipsi matrimonio se iunxerit,

vel, impotentia postmodum comperta, simul morari consenserit, his casibus rescissio facile non permitretur. Cum talem mulierem, etsi uxorem habere non possit vir, habeat tamen, vt sororem, cap. laudabilem, extra. cod. exemplo huius, qui cum minore contraxit. Nam licet sit obligatus ad expectandum, cap. de illis, extra. de sponsal. tamen si cum alia contrahat, subsistit matrimonium; tenetur tamen primæ sponsæ ratione celebrati contractus sponsaliorum, alimenra, & alia necessaria præstare, Abb. in cap. consultationi, extra. eod. & cap. laudabilem, extra. de diuor.

DE MATRIMONIO CONTRACTO CONTRA INTERDICTUM ECCLESIAE.

TITVLVS XVI.

QUicquid contra interdictum, & ordinem Ecclesiæ factum est, ratum non haberi, tam diuinæ, quam humanæ legis proclamatur authoritas, vt dicitur in ca. videtur. 35. quæst. 2. Igitur illi, qui ratione consanguinitatis coniungi prohibentur, si postea contra interdictum Ecclesiæ contraxerint, tamdiu in pœnam contemptæ prohibitionis excommunicationi subiiciendi, & separandi sunt, quousque consanguinitatis controversia dirimatur: & an matrimonium iure subsistere possit, legitime cognoscatur, c. de muliere, extra. eodem. Et hoc quidem verum, si iusta, & legitima sit prohibitionis causa. Nam si nulla causa subsit, nulla etiam prohibitionis habetur ratio, cap. cum dilecti, extr. de accus. Vel si causa subsit, non tamen adeo iusta, vt dirimendo actui subsecuro sufficere debeat. Vnde, si ratione sponsaliorum de futuro contracto- rum lis moueatur: etsi contra interdictum Ecclesiæ; appellatione pendente sequatur matrimonium de præsentì contractum, tamen ob interdictum Ecclesiæ, rescindi non debet, licet contemptori in pœnam contempti mandati Ecclesiæ condigna prænitentia sit imponenda, cap. ex literis, extra. eod. Et hoc est, quod Specul. hoc tit. num. 1. dicit, interdictum Ecclesiæ non esse tantæ efficacis, vt matrimonium contra id contractum, si alijs legitimum fuerit, rescindatur, cap. 1. & cap. 2. extr. eod. Nisi impedimentum subesset perpetuum: tunc enim

enim separaretur, non tantum ratione interdicti, quantum ratione impediendi. Et sic intelligitur, c. r. u. a. extra. de sponsal. duorum, & cap. contradiximus, 3 5. quæst. 3. Nec obstat, capit. penult. extra. de sponsal. impub. Quia illa clausula, *irritum*, & c. refertur ad ea, quæ in iudicio fiunt: non ad matrimonium post contractum: ergo sine interdicto; tale matrimonium dissolui debet.

QVI FILII SINT LEGITIMI.

TITVLVS XVII.

Continuatio.

Effectus matrimonij est, legitimatio sobolis, siue ante, siue post matrimonium procreata. Nam si quis ex ea persona, quam sola animi destinatione concubinam habebat, vel tum qua matrimonium consistere potest, liberos sustulerit, matrimonium postea secutum, liberis naturalibus tantum legitimisationem afferet.

Quid est Legitimatio?

Legitimatio est, actus legitimus, quo is, qui extra licitas nuptias ex concubitu duatum personarum solutarum, inter quas legitimum matrimonium consistere potest; procreatus est, beneficium, ius, & nomen legitimi filij assequitur.

Quæ causa Efficiens?

Est oblatio Curia voluntate patris, & filij facta, rescriptum Principis, subsequens matrimonium; & testamenti ius, quo pater filios extra matrimonium procreatos, suos esse vult. Præsumitur enim hoc ipso cum concubina domi suæ retenta, legitimis liberis non-existentbus, contraxisse.

Quod Obiectum?

Est filius illegitimè natus, qui natalibus restituitur: non quilibet, sed qui nascitur ex concubina, cum qua matrimonium consistere poterit: Manzeres enim, Spurij vel Nothi, post subsequens matrimonium non legitimantur.

Dicitur autem Manzer, qui de scorto natus est; Nothus, qui ex adulterio: Spurius, qui quidem patrem nominare potest: sed ipsum ostendere nefas est: ut sunt filij incestuosi, qui ex consanguinea, & filij presbyterorum. Vnde versus per Alber. de Ros. notati in tit. ff. de lib. natural.

Manzeribus scortum, sed mæcha nothis dedit ortum:

Vi seges à spica, sic spurium est ab amica:

Dant naturales, qua nobis sunt speciales.

Quæ quidem procedunt, si de alia legitimatione, quam quæ per rescriptum Principis fit, intelligamus. Possunt enim Imperator, vel Papa de plenitudine potestatis, non solum naturales; sed etiam incestuosos, & huiusmodi generis liberos, ex illicito coitu natos, legitimare, l. qui in provincia, §. 1. ff. de ritu nupt. & Bart. in l. 2. ff. de verb. oblig.

Quæ Forma?

Forma consistit in vario legitimandi modo, eiusque requisitis. Nam aut per oblationem curiæ legitimatio fit: aut per rescriptum principis: aut per subsequens matrimonium, verè, vel præsumptivè.

Quomodo per oblationem curiæ fit Legitimatio?

Cum filius naturalis à patre adhuc vivente, vel animam agente, in testamento, vel aliàs curiali ordini offertur: vel cum filius, patre demortuo, seipsum curiæ offert; vel filia naturalis curiali, vel curialibus civitatis, ex qua oriundus pater est, vel sub qua vicus, vel possessio, vnde oritur, consistit: vel eius civitatis, quæ principatum totius provinciæ tenet, matrimonio collocatur. Nihil enim interest, ut aiunt Theodos. & Valen. Imperatores, utrum per filios, an per generos commoditatibus civitatum consulatur, & utrum lex faciat curiales, an foueat, quos invenit, l. 3. C. de naturalibus liberis, & c.

Ad hunc legitimacionis modum requiritur, ut oblationi, vel desponsationi per patrem factæ, filij, vel filiæ cõsentiant. Ratio est: Ne inuiti in alienam potestatem transcant: si tamen filij, qui consentire noluerunt, reperiantur paternarium opum possessores: licet eas alienauerint, omnimodò ad cõditionem, in qua pater eos esse voluit, amplificatis opibus inuiti accedere coguntur, d. l. 3. §. huiusmodi, C. de naturalibus liber.

Quomodo per Rescriptum Principis legitimatur filius naturalis?

Per rescriptum Principis filius naturalis fit legitimus: si ad preces à patre huius rei gratia Principi datas, rescribatur, & legitimacionis privilegium liberis naturalibus concedatur. Ad quàm legitimacionem requiritur, ut concubina, ex qua liberi

liberi procreati sunt, in rerum natura non sit; vel si adhuc in viuis sit, aliquod impedimentum obstat, quò minùs cum ea contrahi possit, vt in authent. quibus mo. nat. efficiantur sui, &c. §. illud tamen. Nam & per rescriptum Principis filij naturales, legitimi hæredes fieri dicuntur, si pater in testamento suo dixerit, istos filios sibi velle succedere. Et filij post mortem eius, testamento paterino exhibito, supplicauerint Principi. Ad quod si rescribatur: Principis, & legis beneficio, (dummodò patris voluntatem amplectantur filij) sui, & legitimi hæredes patri defuncto efficiuntur, dict. authent. quibus, modis nat. eff. sui, §. si verò is, qui solummodò. Ad hunc legitimandi modum etiam pertinet legitimatio, quæ per Comitem Palatinum, vel alium habentem potestatem legitimandi ab Imperatøre, expeditur, & crebriori vsu hodie obseruatur.

Quomodo per subsequens matrimonium Legitimatio inducitur?

Dupliciter: verè, & præsumptiuè. Nam si quis concubinam suam vxorem ducit, etiam in agone mortis constitutus, licèt postmodùm, nulla carnis commixtio intercedat, liberi tamen ante matrimonium contractum nati, plenam legitimacionem assequuntur. Et si nullum vitæ periculum imminet, liberòsque durante matrimonio, cum concubina ducta, habeat: ij non melioris conditionis haberi debent, nec priores ab hæreditate paterna excludere possunt: cùm per subsequens matrimonium omnis turpitudinis causa sublata sit, gloss. in ca. tantum est vis. extr. eod. Et gratias agere posteriores fratribus suis ante matrimonium natis debeant: quorum beneficio ipsi sunt iusti filij, & nomen, & ordinem consecuti, l. cùm quis, C. de naturalibus liber. Præsumptiuè legitimatio filiorum fit, cùm pater in testamento publicè, vel manu propria scripto, habenti subscriptionem trium testium fide dignorum, siue sub gestis monumentorum dixerit, hos filios suos esse, nec adiecerit naturales, authent. vt liceat matri, & auix, §. ad hoc, col. 8. Ad quam præsumptam legitimacionem requiritur: vt concubina mater naturalium talis fuerit, quæ in matrimonio haberi, vt vxor legitima, potuerit: 2. Vt nullus filiorum naturalium, & legitimorum existat: hoc enim casu, præsumptio est, matrem in matrimonio fuisse copulatam, vel in agone mortis, vel tempore conditi testamenti eam a patre in vxorem esse ductam, dict. authent. §. si verò non hæres.

Licet aliis, ut per subsequens matrimonium legitimatio inducatur, siue verè; siue præsumptiuè; matrimonium suis requisitis destitutum esse non debeat.

Quis Finis, & Effectus?

1. Legitimatio; quæ fit per oblationem, vel dationem curæ, efficit, ut filius ita legitimatus subiiciatur patriæ potestati, & in paternâ hereditate succedat, tam ex testamento, quam ab intestato, cuni aliis liberis legitimis. At aliis ascendentibus, ut auo; vel collateralibus, ut fratri, vel sorori, succedere non potest. Ratio illa datur: Quia; respectu patris, non autem respectu aliorum, dicitur legitimatus, §. & quoniam, in authent. quibus modis natur. eff. sui. 2. Pari ratione succedit legitimatus per rescriptum Principis: sed à successione bonorum feudalium excluditur, per text. in §. naturalis. Si de feu. defun. controuer. sit inter dominum, & ag. vassal. Nisi tamen nominatim, & expressè ad feuda quoque legitimatus sit. Et si legitimentur per Comitem Palatinum, vel alium habentem potestatem legitimandi ab Imperatore, requiritur specialis clausula legitimandi: *Ad feuda*: non tantum in privilegio concessionis, sed etiam in instrumento legitimationis: alioqui tales legitimati non succedunt, nisi in allodialibus, prout in specie respondit Signoro. de Homod. conf. 217. num. 4. & 5. Et hanc velut communem refert, & sequitur Molinæus in 1. part. consuet. Paris. §. 8. gloss. 1. q. 8. num. 38. 3. Quod ita legitimati non possint ad honores, & dignitates peruenire. Quia spurij, utcumque legitimi efficiantur, remanent tamen infames de facto inter bonos, & graves viros, Alexander in lex facto, col. 5. de vulg. & pupil. subst. & late Chassa. in catalogo gloriæ mundi, part. 11. conf. 15. Et lege Mosaitica, usque ad decimam generationem, ecclesiam intrare prohibebatur, c. per venerabile, extr. cod. Et assimilari ait Bal. in c. 1. col. 5. extr. de constit. & in c. fin. extr. de trans. Episc. legitimatos homini medicato à morbo, in quo semper aliqua remanent cicatrices. Cum igitur ita legitimati infames remaneant, infamibus autè portæ dignitatum patere non debeant, sequitur legitimatum nec in Episcopum promoueri, ut putat Goss. & Hostiens. in §. qualiter. vers. ite quod si quo, hoc tit. nec Doctoris titulo insigniri, nec alio dignitatis genere decorari posse, ut notat Mynsing. in obs. 31. c. 4. 4. Legitimatus per subsequens matrimonium, non tantum quò ad ius suiutatis, verum etiam, quò ad honores, & dignitates natalibus restituitur: hoc est,

liti

isti legitimated iuri patrię potestatis subiiciuntur, patrię, siue testato, siue intestato defuncto, sui hæredes existunt, l. cum quis, C. de naturalibus liberis, &c. Quod quidem in bonis allodialibus indubitato procedit: sed an itidẽ in feudalibus succedant? Et controuertitur, vt notant Host. in c. 1. & c. tantę, & Io. And. ibi. extr. cod. Curt. iun. consil. 136. nume. 7. & Pet. à Duen. reg. 350. in 10. limit. vers. quę opinio. qui omnes asserunt, legitimated, etiã per subsequens matrimonium, excludendos esse à successione bonorum feudalium. Sed in Camera Imperiali contrarium decisum esse testatur Mynsing. obseru. 42. cent. 1. iuxta And. de Iser. Iacob. de Bel. Mart. Lauden. Afflict. & continenter Dd. in cap. 1. §. naturales, Si de feud. fu. contr. & Curt. in tract. feud. par. 3. 6. quęst. numer. 41. & Bald. consil. 129. in 3. par. 5. Licet alio modo legitimated à dignitatibus arceatur: tamen, per subsequens matrimonium legitimated, nulla considerendi dignitatis gradus intercluditur via: potest igitur eligi in Episcopum; & quauis dignitate pro virtutum meritis ornari, gloss. in cap. innotuit, in verb. coniugata, extra. de elect.

Quę Affinia?

Adoptio, concessio iuris aureorum annulorum, natalium restitutio, ingenuitas; de quibus habetur in l. 1. C. de iure aureorum an. & de nat. rest. & ff. iisdem titulis.

Quę Pugnancia?

Illegitimitas, nefarię, & incestę nuptię: quia ex his nuptiis procreati filij, non legitimantur, nisi de plenitudine potestatis: subsequens matrimonium illegitimum; dissensus filij legitimandi.

AXIOMATA, ET SENTENTIÆ.

Spurijs varijs pœnis plectuntur. Lex enim Mosaica illos ecclesiam intrare usque ad decimam generationem prohibet. Canonēs tales ad sacros Ordines promoueri vetant. Leges non tantum eos à successione paterna repellunt, sed etiã necessaria alimenta denegant. Nec parentes ad præstationem talium alimentorum obligatos habere volunt. Quę tamen iuris ciuilibus durities Canonibus, ob naturalem æquitatem, qua homines paræ conditionis censentur, emenda-

iur, cap. pascere, distinct. 86. & cap. per venerabilem, extr. eod. in fine.

Ad docendam prolem illegitimam, non sufficit probare impedimentum matrimonij, si fuit in conspectu Ecclesie contractum, c. peruenit, extr. eod.

Tanta vis est matrimonij, ut qui antea sunt geniti, post contractum matrimonium legitimi habeantur, c. tanta vis est, extr. eod.

Licet de causa civili inter laicos non cognoscat Ecclesia: deciso tamen causarum matrimonialium ad ecclesiam spectat, c. causam, extr. eod.

Questio natiuitatis opposita petenti hereditatem coram iudice seculari, est ad ecclesiasticum iudicem transmutenda, c. lator, extr. eod.

Statutur viri, & mulieris assertioni, qui negant aliquem esse filium: nisi indicis, & testibus contrarium probetur, c. transmissa, extr. eod. & c. per tuas, eod.

Legitimi patri succedunt: & dicuntur legitimi, ex quo publice in facie ecclesie contraxerunt parentes: quamvis inter eos matrimonium non possit esse: dummodo alter habeat bonam fidem, nec impediti sibi sit conscius, c. cum inter, & c. ex tenore, extr. eod. c. referente, eod.

QVI MATRIMONIUM ACCUSARE POSSUNT, VEL contra illud testari.

TITVLVS XVIII.

Continuatio.

Diuortium regulariter fieri non debet, nisi libello accusationis oblato, & intentione accusatoris fundata. Tutius enim est, contra statuta hominum dimittere coniugatos, quam

quàm legitimè coniunctos contra statuta Domini separare, c. licet, extr. de testibus.

Quid est matrimonij Accusatio?

Matrimonij accusatio est, explicatio impedimēti, ob quod matrimonium consistere inter coniuges non potest, ab ipsis coniugibus, vel cōsanguineis, vel extraneis coram competenti iudice, legitimis probationibus facta, c. relatum, extr. eod.

Quæ causa Efficiens?

Voluntas accusantium matrimonium, quibus hoc de iure licet.

Qui matrimonium accusare possunt?

Huic quæstioni, sub distinctione respondendum est. Nam si impedimentum, quod matrimonio obiicitur, non ex delicto coniugum: nec cuiusquam; præterquàm ipsorum coniugum, interit, sed ex defectu proueniat: vt si mulier ita sit arcta, vt cognosci non possit: vel vir ita frigidus, vt coire nequeat: soli ipsi coniuges admittuntur ad accusandum: extraneorum enim non interest: quia etiam, illis inuitis, simul morari poterunt, c. consultationi, extr. de frig. & malef. dummodò castè viuant, c. quod Deo, 3 o. q. 5. Item, vbi per errorem petitur diuortium, c. proposuit, extr. de coniug. seruorum. Vel vbi agitur ad thori separationem, propter cōmissum adulterium: tunc enim alterius non interest: quia se possunt reconciliare, quolibet inuito, c. quemadmodum, extr. de iureiur. Si verò impedimentum delictum contineat: vt quia aliqui in gradu prohibito, consanguinitatis, vel affinitatis, vel contraxisse, vel contrahere voluisse dicantur, tunc, quia actio popularis fit, quilibet ad accusationem matrimonij admittitur. Hoc tamen ordine seruato, vt consanguinei extraneis, & inter hos seniores, & præstantiores aliis præferantur. Si igitur parentes existunt, hi aliis coniunctis in accusando præponuntur: his autem non existentibus, soror, frater, patruus, auunculus, amita, matertera, & reliqui admittuntur. Et si tota progenies defecerit, ab antiquioribus, & præstantioribus testimonium accusationis perquiri poterit, vt testatur Fabianus in c. consanguineos, 35. quæst. 6. Ratio huius est: vt habetur in cap. videtur, 35. quæst. 6. Quia horum interest matrimonium rescindi, vel non: Deinde, quia aliis melius scire veritatem præsumuntur. Ergò rectissimè in accusationem, vel testificationem matrimonij, vel coniungendi, vel disjungendi recipiuntur, d. cap. videtur, 35. q. 6.

Quod

Quod Obiectum?

Matrimonium, quod ob impedimentum consanguinitatis, affinitatis, vel alium defectum petitur rescindendum, cap. 1. extr. cod.

Qua Forma?

Vt is, qui matrimonium accusare potest, & aliquos propter propinquitatis cognationem separari petit, non per chartulæ conscriptionem; sed propria voce, hoc faciat, & duobus, vel tribus eiusdem consanguinitatis testibus adhibitis, vel totidem senioribus, & honestioribus eiusdem loci impedimentum coram Episcopo, vel competenti iudice cum præstati iurisiurandi religione, iuxta formam in c. de parentela, 3 5. q. 6. vel alio modo legitimo comprobet, d. c. 1. a nobis, c. videtur, 3 5. q. 6. Circa hæc notanda sunt tria. 1. Quod non tantum extranei, verum proximi consanguinei, & parentes in testificationem admittantur. Quod enim aliàs legitur, patrem in causa filij, & filium in causa patris, ad testificandum non recipiendos, in criminalibus causis & contractibus procedit: non autem in causa matrimonij contrahendi, vel dissolvendi: hoc enim casu; ipsius coniugij prærogativa, quæ res fauorabilis est, licitè recipiuntur, cap. videtur, 3 5. q. 6. illi finè. 2. Quod in causa matrimoniali idem possit esse accusator, & testis, cap. si duo, 3 5. q. 6. & cap. præterea, extr. de testibus. Distingue tamen, vt Specul. in §. notandum, versicul. in causa, hoc titul. 3. Quod accusator, vel testis iuramentum præstare debeat, quod neque gratia, neque pretio, neque timore, vel odio alicuius contra eos, de quorum coniugio agitur, dicat: sed potius, quia credat ita verum esse, & ita se à suis antecessoribus audiuisse, c. de parentela illa, quam dicunt esse, & c. de parentela illa, vnde nos, 3 5. q. 6.

Quis Finis, & Effectus?

Est rescissio ipsius matrimonij, impedimento, quod obstat, legitime probato, c. consanguineos, 3 5. q. 6. Iudex tamen, antequàm diuortij sententiam pronuntiet, omnes circumstantias diligenter perpendere debet: an accusator, & testis sint suspecti, & ob id repellendi: An coniuges se diligant verè; vt nun eorum confessio cum aliis adminiculis præiudicet in primo, & secundo gradu: An scitè, vt tunc nullam præsumptionem inducat, c. de illa, extr. de eo, qui cog. cons. vxoris suæ, & c. Item, an famà de hoc increbuerit, quæ adminiculum præbeat, c. cum in tua, extr. de despons. Quod si eorum negotium ambigui

biguitate ita fuerit obscuratum, vt aperta veritas erui non possit, tutius erit pro matrimonio iudicare, cap. licet, extr. de testamento.

Que Affinia?

Officium iudicis. Quia iudex etiam nullo existente accusatore, citatis his, quorum interest, nefarias, & incestas nuptias manifestè contractas dissoluere potest, c. porro, extr. de diuor. tiis, c. 1. extr. de offic. ordi. & c. qualiter, extr. de accusat. Et denuntiatio, quæ tam in scriptis, quàm sine scriptis fieri potest. Et differt bifariam ab accusatione. 1. Quod accusatio habeat locum in matrimonio contracto: sed denuntiatio in matrimonio contrahendo. 2. Quod accusatio fiat viua voce, & sine scriptis; vel tutius & commodius voce, quàm scriptis, c. à nobis, extr. eod. Sed renuntiatio, licet vtroque modo fiat, tutius tamen in scriptis, quàm sine scriptis, fieri contingit, c. literas, extr. de restit. spoliatorum, & dict. cap. à nobis, extr. eod. Dicitur autem denuntiatio, qua Episcopo, vel Officiali impedimentum contrahendi matrimonij in scriptis, vel sine scriptis, indicatur, Spec. in §. debet in forma denuntiationis; hoc tit. &c.

Que Pugnancia?

Iniustitia matrimonij contracti, nullitas matrimonij, furtiua, & clandestina accusatio, corruptio accusatoris, & alij modi, quibus accusare contendens, ab accusatione repellitur: vt sunt. 1. Si accusator sit extraneus, & consanguinei existant. 2. Si excommunicatus. 3. Si nec matrimonium, vel sponsalia sine contracta: forsitan aetate, vel alia causa prohibente, cap. ad dissoluendam, extr. de despons. impu. 4. Si clam, & non publice accuset, vel non propria voce: sed per scripturam accusationem depromat, dict. cap. à nobis, eod. 5. Si iurare reculet iuxta formam in cap. de parentela, 3 §. quærit. 6. præscriptam, & cap. inquisitionis, extr. de accus. 6. Si turpis quæstus gratia ad accusationem procedat, c. significante, extr. eod. 7. Si malo zelo moueatur, & odio coniugum, ad accusandum prorumpat, d. c. de parentela, & c. cum dilectus, extr. de accus. 8. Si accusator sit periurus, & infamis, c. cum oporteat, extra. de accus. 9. Si denuntiationis tempore tacuerit: nisi denuntiationem probabiliter ignorauerit, vel ex causa (quorum quædam in c. fin. ext. eo. recensentur) accusationem opponere impeditus fuerit: vel iuret, se de nouo didicisse. Et quod non obiciat illam malitiosè; vt colligitur ex Innoc. constitutione, c. cum in tua, extr. eod.

TITVLVS XIX.

Continuatio.

PRobato coram iudice competenti legitimo matrimonij impedimento, ferenda est diuortij sententia. Quod quidem diuortium cum matrimonio pugnare, supra dictum est.

Quid est Diuortium?

Diuortium est, legitima mariti, & vxoris separatio, apud competentem iudicem, cum causæ cognitione, & sufficiente eius probatione, facta, Panorm. in c. ex conquestione, extr. de rest. spoliat.

Vnde dicitur Diuortium?

Diuortium, teste I. C. Caio, dicitur à diuersitate mentium: vel quia in diuersas partes eunt; qui distrahunt matrimonium, l. diuortium, ff. de diuort. & repud.

Quotuplex Diuortium?

Duplex, thori, & fœderis matrimonialis. Quò ad thorum, diuortium contingit, cum cohabitatio, vel conuersatio mutua coniugum ad tempus, vel nulla temporis habita ratione interdicitur, c. dixit Dominus, 3 2. q. 1. Quò ad fœdus matrimoniale, dissoluitur matrimonium: si quò ad eius substantiam, penitus, & in perpetuum rescinditur, c. interfectores, 3 3. q. 2.

Que causa Efficiens?

Iure ciuili voluntas diuertentis, perpetuam constituere dissensionem volentis, & iure cāonico decretum iudicis. Nam quod calore iracundiæ vel fit, vel dicitur, non prius ratum est, quàm perseuerantia apparuerit, animi iudicium fuisse. Ideoque per calorem misso repudio, si breui reuersa vxor fuerit, nec diuertisse eam videri, putat Paulus l. 3. ff. cod. Sed cum iure Pontificio diuortium absque sufficienti causatum cognitione non permittatur, decreto iudicis ad declarandam illam coniugum dissensionem, & diuortij publicationem opus erit: licet etiam ob impedimentum consanguinitatis, vel affinitatis, coniugibus etiam cohabitare volentibus, diuortium fiat.

Quod Obiectum?

Matrimonium, quod ob impedimentum consanguinitatis, vel

vel affinitatis, vel alium defectum rescindi petitur.

Quæ Formæ?

Vt iudex cum causæ legitimæ cognitione, & sufficienti eius probatione, ab ipsis propinquis, vel extraneis facta, matrimonium illegitimè contractum, iuxta formam in cap. ab isto die, 3 §. 4. 6. rescindat,

Quæ sunt iustæ diuortij causæ?

Iure antiquo variegatæ erant matrimonij rescindendi causæ, ita vt etiam ob malos mores, vxor repudiari poderit. Puta, si singulis diebus se inebriaret, singulis noctibus in lecto mingere soleret, vel alia turpiora patraret, l. fin. C. de diuort. & repud. Sed iudicio de moribus sublato, certæ sunt à Iustiniano diuortij causæ inductæ, l. consensu, C. eod. Quæ, quia leues, non facile debeant rescissioni legitimè contracti matrimonij causam præbere. Iure Pontificio quinque tantum approbantur diuortij causæ.

Quæ est prima diuortij causa?

Infidelitas. Cum enim alter infidelium coniugum ad fidem Catholicam conuertatur, altero vel nullo modo, vel non sine blasphemia diuini nominis, vel sine mortali peccato, ei cohabitare volente, qui relinquitur, ad secunda, si voluerit, vota transibit. Et in hoc casu intelligimus quod ait Apostol. ad Corinth. 7. Si infidelis discedit, discedat: non enim seruituti subiectus est frater, vel soror eiusdem; & Canon. in quo dicitur, contumelia creatoris solui ius matrimonij circa eum, qui relinquitur, cap. quanto, extr. eod. Si verò alter coniugum fidelium vel labatur in hæresim, vel transeat ad gentilitatis errorem, non potest is, qui relinquitur, viuente infideli, contrahere: licet hoc casu maior appareat contumelia Creatoris. Nam etsi matrimonium verum inter infideles existat: non tamen est ratum. Coniugium enim triplex esse asseritur in c. si quis Iudaicæ, 28. q. 1. Aliud enim legitimum, & non ratum: aliud ratum & non legitimum: aliud legitimum & ratum. Legitimum coniugium est, quod legali institutione, vel prouinciæ moribus contrahitur; hoc inter infideles ratum non est. Quia non est firmum, & inuiolabile coniugium eorum; dato enim libello repudij, licet eis recedere ab inuicem, & ad alias nuptias conuolare. Inter fideles verò ratum coniugium est, quia coniugia semel initata, & impleta inter eos vterius solui non possunt. Horum quædam sunt legitimæ: veluti cum vxor à parentibus traditur, à sponso dotatur, & à sacerdote benedic-

dicitur: hæc coniugia legitima, & rata appellantur. Morum verò coniugia, quæ contemptis omnibus illis solennitatibus, solo affectu aliquam sibi in coniugem copulant. Huiusmodi coniugium non legitimum, sed ratum tantummodò esse creditur, dict. c. si quis, 28. q. 1. Cum igitur inter fideles legitimum & ratum semel extiterit matrimonium, per subuenientem infidelitatem, vel apostasiam alterius coniugum, dissolui non debet. Ratio habetur in d. c. quantò, extr. eod. Quia sacramentum fidei, quod semel est admissum, nunquam amittitur; sed ratum efficit coniugij sacramentum, ut ipsum, in coniugibus, illo durante, perduret. Nec obstat: quòd fidelis relictus, non debeat iure suo sine culpa priuari. Hoc enim ob id introductum est, ut omnis fraudis committendæ occasio præcidatur, simulantibus forsitan ipsis coniugibus, si sibi inuicem displicerent, hæresim; cuius prætextu facilè diuortium peterent; & hæc, Innocentiana constitutione, d. c. quantò, traduntur; cum qua conuenit Gratiani distinctio, in c. si infidelis, 28. q. 2. Aliud, inquit, est dimittere volentem cohabitare, aliud discedentem non sequi. Volentem quidem cohabitare, licet quidem dimittere: sed non ea viuente, aliam superinducere: discedentem verò sequi non oportet, & ea viuente, aliam ducere licet: Verùm hoc non, nisi de his intelligendum est, qui in infidelitate copulati sunt. Cæterum, si ad fidem uterque fidelis matrimonio iunctus est, & tractu temporis alter eorum à fide discesserit, & odio fidei Christianæ coniugem dereliquerit: derelictus discedentem non comitabitur: non tamen illa viuente, alteram ducere poterit. Quia ratum coniugium fuerat inter eos, quod nullo modo, fidei defectu superueniente, solui poterit, d. c. si infidelis, 28. q. 2. & per tot. 28. q. 1.

Quæ est secunda causa dinorij?

Adulterium, seu fornicatio: ob quam coniuges ita separantur, ut ne maritus quidem adulteram vxorem, etiam emendatam, recipere compellatur: etiamsi ei occasionem committendi adulterij dedisset, c. ex literis, extr. eod. Non enim paupertatis, vel alterius incommodi prætextu, turpiter se gerere debuit, c. ita ne, 3. 2. quæst. 5. An autem ob sterilitatem vxoris liceat marito, viuente vxore, filios quærere ex ancilla? Hæc quæstio habetur in Decretis, 3. 2. q. 4. & dicitur quòd nullo modo. Ratio: Satius enim est absque liberis defungi, quàm ex illicito concubitu stirpem quærere, c. sicut satius est, 3. 2. q. 4. Nec obstat exemplum Abraham: qui propter sterilitatem vxoris

ris suæ Saræ, sobolis procreandæ gratia, se Agar Ægyptiacæ iunxit. Et Jacob: qui cum ex Rachele filios habere non posset, ex ancilla sibi suscitauit, Genes. 30. cap. Nam ante legem Moyfi adulterium non fuit expressè, & in specie interdictum: sicuti nulla alia rei damnatio fuit. Cum pœna criminis ex tempore legis, quæ crimen vetuit, processerit. Deinde non vagæ libidinis explendæ, sed quærendæ posteritatis, & sobolis propagandæ studio, ancillarum contubernio coniugalem posthabuerint thorum, cap. dixit, 3 2. quæst. 4. Sicuti etiam alij patriarchæ non explendæ libidinis desiderio; sed numerosæ prolis causa, coniunctione plurium vxorum vsi sunt, cap. obii-ciuntur. 3 2. quæst. 4. Cum igitur ratione sobolis procreandæ non sint committenda adulteria, cap. sic non sunt, 3 2. quæst. 4. Imò potius oportet maritum, cum caput vxoris sit, & virtute vincere, & exemplo regere vxorem, cap. non morchabe-ris, & cap. indignatur, 3 2. q. 6. Decorum enim est, & iustum, vt qualem vxorem desiderat, talem eidem se præbeat, & ab omni coniunctione illicita abstinat, cap. si ducturi, 3 2. quæst. 6. In tantum, vt si secus fecerit, vxorem fornicationis causa nullo modo dimittere possit, & grauius in eo adulterij crimen, quàm in vxore coërceatur, cap. nihil iniquius, & cap. indignantur, 3 2. quæst. 6.

Sunt autem quinque casus, quibus propter adulterium, diuortium fieri non potest. 1. Si utrque coniugum de adulterio conuincatur: cum enim delicta mutua compensatione tollantur, criminis fit compensatio, cap. significari, & cap. seq. extra. eod. Iniquum enim est, vt quis de alio iudicare velit, & de se iudicari nolit, cap. iniquum est, 3 2. quæst. 6. Iudici tamen per hanc compensationem puniendi potestas, vel vindicta publica non adimitur. 2. Si maritus ipsemet vxorem suam prostituat: obstat enim illi exceptio, vel replicatio lenocinij, cap. discretionem, extra. de eo, qui cog. confang. 3. Si vxor dolo caret, nec habet fornicationis, vel adulterij committendi animum: vt si vxor nupserit alteri credens priorem maritum esse mortuū: nam priore reuerso, cogitur deserere secundum, & redire ad priorem, cap. cum per bellicam, 3 4. quæst. 1. & 2. nisi post ipsius reditum, sciens apud secundum remanserit, cap. Dominus, extra. de secundis nup. vel per errorem cognita fuerit ab alio, quæ putabat proprium esse maritum, cap. in lectum, 3 4. quæst. 2. 4. Si per vim fuerit compressa, ca. proposito, 2 2. quæst. 5. 5. Si reconciliauit eam sibi maritus post adulterium commissum, vel eam adulteram, scienter retinet,

cap. 1. 2. & 3. 3. 2. quæst. 1. Norandum tamen hoc loco est, quòd Canones ob adulterium, vel fornicationem; vinculum matrimonij non dissolui, sed consuetudine tantum mensæ, & thori, separari asserant, cap. interueniente, & cap. Apostolus, 3. 2. quæst. 7. Ob id neutri coniugum ad alias nuptias transcundi facultatem concedunt, cap. omnes, cap. quemadmodum, 3. 2. quæst. 7. & cap. fin. extra. eodem.

Qua est tertia causa Diuortij?

Impotentia coeundi: quæ in viro dicitur nimia frigiditas: in femina autem arctatio: Si quis igitur ignarus virginem in uxorem duxerit, quæ adeò arcta sit, vt mulier fieri non possit: vel simile vitium à natura cõtraxerit, vt ope medicorum non possit adiuuari. Aut mulier viro nupserit, qui sit adeò frigida naturæ, vt eidem carnaliter commisceri non possit: poterunt inuicem separari, & qui matrimonio aptus erit, ad secundas nuptias liberè transitum facere, sup. tot. tit. de frig. & malef. & per tot. 3. 3. quæst. 1. de qua materia suprà latiùs dixi.

Qua est quarta causa Diuortij?

Machinatio mortis. Cùm enim maritus scæuitia, vel veneno, vel fustibus, & gladio vitæ vxoris insidiatur, poterit vxor thori separationem petere, cap. 1. & ca. 2. extr. eod. Cùm etiam iniuste à viro verberata possit aufugere, Dd. in cap. ex transmissa, extra. de restit. spol. Et si ob iustam causam, non tamen diuortio legitime facto, discesserit, repetenti viro, cuius scæuitiam vereatur, non restituitur: nisi præstita cautione, quòd restituta nullam violentiam inferet. Quòd si tanta sit viri scæuitia, vt vxori timenti de sufficiente securitate prouideri nequeat, vsque ad causæ decisionem alicui probæ, & honestæ mulieri custodienda committitur, cap. benedictio, 3. 3. q. 1. & Abb. in cap. literas, & cap. ex transmissa, extra. de restit. spoliatotum, cap. seculares, 3. 3. quæst. 2.

Qua est quinta causa Diuortij?

Tradunt Canones aliam rescindendi matrimonij causam: scilicet ingressum monasterij, vtriùsque coniugum libera voluntate, & consensu factum, toto tit. suprà de conuers. coniugato. Si igitur maritus, consentiente vxore, & continentiam perpetuam promittente, vel vtrique coniugum religionem ingrediatur, matrimonij legitime contracti separatio fieri dicitur, cap. dudum, extra. de conuers. coniugatorum.

Quis

Quis Finis, & Effectus?

1. Si matrimonij vinculum ex causa fuerit dissolutum, desinunt esse coniuges; & dos ipsi mulieri, vel iis, quibus debetur, vnà cum parte bonorum, illis durante matrimonio communiter obuentorum restituitur, cap. significauit, & cap. mulieres, extra. de donat. inter virum, & vxor. nisi vxor causam diuortij dedisset: quo casu perdit dotem, & maritus eam lucratur, cap. plerumque, extr. de donat. inter vir. & vxor. Nisi esset prosthetica dos, quæ soluto per diuortium, vel mortem alterius coniugum, reuertitur ad patrem, l. consensu, §. si verò causam, C. eodem. Quæ distinctio dotis in persona vxoris habet etiam locum in donatione propter nuptias, in persona mariti, Hostiens. eod. tit. 2. Quòd liberè ad secunda vòta transire, vel religionem, altera parte inuita, intrare possint, capit. Agathosa, 27. quæst. 2. Secus est, si quò ad thorum tantum diuortium sit celebratum; eo enim casu cum coniuges maneant, neutri, altero coniuge viuente, contrahere permittitur, cap. quantò, extra. eodem.

AXIOMATA, ET SENTENTIÆ.

Puniuntur affectus, licet non sequatur effectus, cap. j. extra. de presump.

Animus, & propositum distinguunt maleficia.

Non debet quis delictum committere propter bonum spirituale, quod inde sequitur. Nec enim bonum aliquod secutum, præcedens delictum, vel pœnam eius abolet, cap. quod ait, dist. i. cap. si dicat, 33. quæst. 5.

Cum ea, quam quis, vxore viuente, cognouit, non sub specie matrimonij, defuncta vxore, potest quis contrahere, si neuter ipsorum machinatus est in necem prædefunctæ vxoris, capit. laudabilem, extr. de conuers. infidel.

Agenti petitorio ad coniugem, obstat consanguinitatis exceptio: secus si possessorio, quia antequàm de exceptione cognoscatur, plenaria restitutio est facienda: nisi conuentus excipiens iuret de malitia, & probationes habeat in promptu: quo casu fiet restitutio quò ad alia, non quò ad copulam, Abbas in cap. literas, extr. de restit. spoliatorum.

Paria delicta mutua compensatione tolluntur, cap. nihil, 32. quest. 6.

Ob sterilitatem uxoris non licet progeniem ex ancilla quarere, cap. 1. 32. quest. 4.

Sanctius est absque liberis defungi, quàm ex illicito coitus stirpem quarere, cap. sicut, 32. q. 4.

Naturales filij dicuntur ingenuarum concubinarum filij, quos sola natura genuit, non honestas coniugij: hi verò, qui non sunt de legitimo coniugio, matrem potius, quàm patrem sequuntur, cap. liberi, 32. q. 4.

Adulteria non sunt facienda, etiam voluntate generandi filios, cap. sic non sum, 32. q. 4.

Liberorum procreatio in matrimonio laudatur, sed metreticia voluptas, etiam in uxore damnatur, cap. liberorum, 32. quest. 4.

Vidua priusquàm continentiam profiteantur, si nubere volunt, illis nubant, quos propria voluntate velint habere maritos, cap. vidue, 27. quest. 1.

Nuptiarum bonum semper quidem bonum est: sed in populo Dei fuit aliquando legis obsequium, nunc est infirmitatis remedium: in quibusdam verò humanitatis solatium, cap. nuptiarum, 27. quest. 1.

Filiorum procreationi operam dare, non canino more per usum promiscuum foeminarum: sed honesto ordine coniugali, est probandus affectus, dict. cap. nuptiarum, 27. q. 1.

Illæ mulier ad matrimonium non perinet, cum qua commixtio sexus non docetur fuisse, cap. non est, 27. quest. 2. & ca. cum societas, eodem.

Causa religionis coniugia legitime contracta, solui non debent, cap. sunt qui, 27. quest. 2.

Cum initiatum coniugium, coniugij nomen adsciscitur: non cum puella viri admixtione cognoscitur, cap. cum initiatum, 27. quest. 2.

In omni matrimonio coniunctio intelligitur spiritualis,

quæritur

quam confirmat, & perficit coniunctio, & coniunctorum commixtio corporalis, ca. in omni, 27. q. 2. c. quapropter, eod.

Raptus, & illicitus coitus à corrupcēdo dictus: Vnde qui raptu potitur, stupro fruitur, cap. raptus, 27. q. 2.

Desponsatam puellam non licet parentibus alij tradere, cap. de coniugali, 27. quest. 2.

Duobus modis dicitur fides, pactionis & consensus, cap. duobus, 27. quest. 2.

Coniugium inter infideles non existit. Quia omne, quod non ex fide est, peccatum est: coniunctio autem infidelium, non est ex fide, ideo peccatum est, cap. quod autem, 31. q. 1.

Non solum mœchatur, qui carnem suam coinquinat, sed etiam qui simulachrum facit, cap. non solum, 28. q. 1.

Ab infidelibus coniugibus licet recedere, sed non expedit, cap. sic enim, 28. quest. 1.

Qui de sacro fonte suscipitur, filius est eius, à quo suscipitur, cap. ita diligere, 20. quest. 3.

Per adoptionem quasi frateritas, eoque impedit nuptias, donec manet adoptio, cap. per adoptionem, 30. q. 3.

Aliud est precipere, aliud permittere. Quod enim permitimus, nolentes precipimus: quia malas hominum voluntates omnino prohibere non possumus, capit. hac ratione, 31. quest. 1.

Vi vitetur periculum fornicationis, matrimoniæ conceduntur, cap. quomodo, 31. quest. 1.

Quorum unum corpus est, unus debet etiam esse animus, cap. de neptis, 31. quest. 2.

Patronus turpitudinis est, qui uxorem suam adulteram dimittere noluerit: potest tamen peracta pœnitentia sibi reconciliari, cap. sicut, & ca. quod autem, 32. q. 1.

Pudor est, feminas nuptiarum prœmia non habere. Qui tamen non causa procreanda sobolis, sed explenda libidinis sibi inuicem copulantur, non tam coniuges, quàm fornicarij videntur, cap. pudor, 32. quest. 2.

Quicquid inter se coniugati inmodestum, inuerecundum, sordidumve gerunt, vitium est hominum, non culpa nuptiarum, cap. quicquid, 32. q. 2.

Concubina ad tempus adhibita, nec, etiamsi causa filiorum concumbant iustum faciunt concubinatum suum: sic è contrariò illi, qui coniugali affectu sibi copulantur, quòd, etiamsi non causa procreandorum filiorum, sed explenda libidinis, conueniunt, non ideò fornicarij, sed coniuges appellantur, cap. concubina, 32. quest. 2.

Fornicarij sunt, non coniuges, qui sterilitatis venena procurant, cap. aliquando, 32. q. 2.

Anima non potest dici vicia in corpore, quod sensu caret: ergò non est homicida, qui abortum procurat, antequàm anima corpori sit infusa, cap. quòd verò, 32. q. 2.

Corpus non coinquinatur, nisi mens consenserit, cap. quòd autem, 32. q. 5. Unde dicitur corpus non posse corrumpi, nisi prius corruptus fuerit animus. Munda namque à contagione anima, caro non peccat, cap. potest, 32. q. 5.

Nec peccatum, nec iniustitia ex opere sine voluntate perficitur, cap. sicut, 32. q. 5.

In utroque sexu adulterium pari ratione puniuntur, capit. quicquid, 32. quest. 6.

Iniquum est, ut quis de alio iudicare velit, & indicari de se nolit.

Nulla ratione vinculum coniugij fornicatione dissolui poteris, cap. inueneriente, 32. q. 7.

Minus est secundum naturam coire, quàm contra naturam delinquere, cap. offerebat, 32. q. 7.

Vsus naturalis, & licitus est, sicut in coniugio: & illicitus, sicut in adulterio. Contra naturam verò semper illicitus est, & proculdubio flagitiosior, atque turpior, cap. vsui, 32. q. 7.

Impossibilitas reddendi debitum, vinculum soluit coniugale, cap. si quis, §. ecce, 33. quest. 1.

DE DONATIONIBVS INTER
VIRVM, ET VXOREM: ET
de dote post diuortium
restituenda.

TITVLVS XX.

Continuatio.

Adiacent matrimonio donatio propter nuptias, & dōsa quia dos sine matrimonio esse non potest; sed matrimonij, morte alterutrius coniugum, vel diuortio, contingens rescissio, earum restitutionem, vel amissionem, prout diuortio culpa datur, inducit. Est igitur diuortij effectus, restitutio, vel amissio donationis propter nuptias, vel dotis.

Quae dicitur donatio inter virum, & uxorem: & quotuplex?

Donatio inter virum, & uxorem dicitur hic donatio ob causam. Et est triplex: scilicet dos, & donatio propter nuptias, & sponsalitia largitas.

Quid est dos?

Dos, secundum Bart. in rub. sol. matr. est quoddam vniuersale, in se continens id, quod à muliere, vel eius nomine traditur marito, eiusve patri ad onera matrimonij sustinenda, Bart. in tract. dot. part. 2.

Vnde dicitur dos?

Dos dicitur à dando. Vnde Varro dotem definit, esse personam, nuptiarum causa datam.

Quotuplex dos?

Dos à causa efficiente, obiecto, forma, & effectu varia dicitur. A causa quidem efficiente, vel profectitia, vel aduentitia, Profectitia est, quæ à patre, vel parente, de bonis, vel facto eius, profecta est, vt ait Vlp. in l. profectitia. §. ff. de iure dot. Pater enim filiam, pro rerum suarum viribus, dotare copellitur. Aduentitia verò dicitur, quam nemo ex paternis bonis, sed quidam extraneus alicunde dedit, d. l. §. ff. de iure dot. Ab obiecto dos dicitur vera, vel putatiua. Vera, si matrimonium, quod respicit ipsa dos, iure subsistat: Putatiua autem, si non subsistat, cuius causa data dos est, l. dotis, ff. de iure dot. & l. fin.

ff. de cond. causa da. A forma, & effectu dos dicitur vel confessata, vel numerata, vel cauta, vel promissa, tot. tit. C. de dot. cauta non numerata, & tit. de dotis promiss.

Quæ causa efficiens dotis?

Ius gentium, ex quo originem habet dotis constitutio, & consensus dantis. Quia dos, nudo pacto promissa, peti potest, l. ad exactionem, C. de dotis promiss.

Quæ Materia?

Res mobiles, immobiles, corporales & incorporales. Nec refert, an usu consumatur, vel non æstimatae in dotem dentur, vel inæstimatae. Licet in effectu inter hæc magna appareat differentia, l. vni. §. cum autem, C. de rei vxor. act. l. 2. C. de act. l. res, quas, C. de iure dot. Imò, nulla lege prohibitum est, vniuersa bona marito in dotem dari, l. et si dotis, C. de iure dot.

Quæ Forma?

Vt dos nudo pacto, vel stipulatione, purè, vel secundum arbitrium alterius constituatur, rebusque in dotem datis, maritus quasi dominus subtili quadam iuris fictione, remanente tamen naturaliter, & verè earum dominio penes uxorem, si res dotales inæstimatae sint: vel si æstimatae sint, vt vexus dominus, ob onera matrimonij vtatur, fruatur, easque pro libito disponat, & administret: donec ipsum matrimonium diuortio, vel morte alterutrius fuerit dissolutum, l. doce ancillam, C. de rei vind. l. in reb. l. quotiens, l. pro oneribus, C. de iur. dot.

Quæ causa Impulsiva constituenda dotis?

Ipsa æquitas. Cum enim, vt ait Vlp. in l. dotis, ff. de iure dot. maritus onera matrimonij subeat, æquum est, vt in hoc subleuetur, d. l. dotis.

Quis Finis?

Vt constantis matrimonij onera tantò faciliùs tolerare possit maritus; ob id non tantùm ipsa dos, verùm etiam dotis fructus ad maritum, durante matrimonio pertinent. Vnde Paulus: Dotis causa perpetua est, & cum voto eius, qui dat, ita contrahitur, vt semper apud maritum sit, l. dotis, ff. de iure dot. & Vlpian. in l. dotis fructum, ff. de iure dot. ait: Dotis fructum apud maritum pertinere debere, æquitas suggerit. Cum enim ipse onera matrimonij subeat, æquum est, eum etiam fructus percipere, d. l. dotis, ff. de iure dot.

Quis Effectus?

Primus effectus est, actio ex stipulatu pro dote petenda, vel repeten

repetenda, quæ est ciuilis, bonæ fidei, in personam, daturque marito, constante adhuc matrimonio, ad consequendam dotem in matrimonij cōtractu sibi promissam, vel vxori ad eandem repetendam: vel matrimonio adhuc durante, ob mariti incidentem inopiam, vel facta dissolutione matrimonij, siue per mortem, siue per diuortiū, l. vni, C. de rei vxor. act. Huicq; actioni quædam insunt priuilegia pro consequenda, vel recuperanda dote, inducta: Scilicet, priuilegium tacitæ hypothecæ, quam mulier habet in rebus mariti, pro dote; & contrâ, maritus in reb. vxoris. Sicuti enim mariti bona tacitè sunt obligata pro restitutione dotis: ita etiam maritus tacitam habet hypothecam in bonis vxoris, pro consequenda dote sibi promissa, d. l. vnica, §. tacitam hypoth. C. de rei vx. act. Et cum illud priuilegium non sit personale, sed insit actioni, Ex stipulatu, bonæ fidei: idè extraneæ quoque, qui dotem pro muliere dedit, eamque sibi restitui stipulatus est, conceditur: & ad quemcunque successorem, etiam extraneum, transit, Bart. in l. i. ff. solut. matr. Aliud priuilegium est, quod quidem personale est: quia non actioni inest, sed mulieri tantum, eiusq; descendibus competit, Bar. in l. i. ff. sol. matr. scilicet priuilegium prælationis, quæ vxor præfertur in dote omniibus aliis creditoribus mariti, tam tacitam, quam expressam, vel etiam nullam hypothecam habentibus. l. in rebus, C. de iure dot. & l. asfiduus, C. qui pot. in pig. hab. Est & priuilegium competentie, quod marito ne ad altem exigatur, sed in quantum facere potest, datur, l. non tantum, ff. de re iud.

Secundus effectus est, translatio ciuilis dominij in ipsum maritum. Nam, traditione rei dotalis non æstimatæ facta, maritus subtili iuris fictione dominium consequitur: cuius vigore res dotales vendicare, seruos manumittere, iisdem auctor esse adeundæ, vel repudiandæ hæreditatis, & fructus percipere, rebusque dotalibus vti, vt suis, permittitur, d. l. doce ancillam, C. de rei vind. l. 3. C. de iure dot. l. seruus dotalis, ff. solut. matrim.

Tertius effectus est, translatio veri dominij rei æstimatæ in dotem datæ: ob id omne damnū, & lucrum rei dotali contingens ad maritum pertinet, cum æstimatio contineat venditionem, & maritus, soluto matrimonio, restitutione pretij liberetur, l. quotiens, l. cum dotem, C. de iure dotium, & l. quotiens, ff. de iure dot.

Quartus effectus, euicta re, quæ fuerit in dotem data, si pollicitatio, vel promissio fuerit interposita, gener contra foc-

rum, vel mulierem, seu hæredes, conditione, vel ex stipulatione agere potest: si autem nulla promissio intercesserit post euictionem, siquidem res æstimata fuerit, ex empto competit actio. Si vero inæstimata in dotem data sit, bona fide, nulla marito competit actio. Dolo autem dantis interueniente, de dolo actio aduersus eum locum habebit: nisi à parte mulieris dolus committatur: tunc enim, ne famosa actio aduersus eam detur, in factum actio competit, l. euicta re, C. de iur. dot.

Quæ Affinia?

Donatio propter nuptias, sponsalitia largitas, puræ donationes inter virum, & uxorem, quæ morte confirmantur: & bona parapherna.

Quid est donatio propter nuptias?

Donatio propter nuptias, est renumeraatio quædam facta uxori à marito, propter ipsius dotem, vt soluto matrimonio melius sit ei prospectum, auth. permilla, & ibi Dd. C. de donat. ante nupt. Atqui hæc donatio cum dote conuenit, causa Efficiente, Materia, Forma, Fine, & Effectu. Constituitur enim consensu sponsi, & sponsæ, in rebus tam mobilibus, immobilibus, quàm corporalibus, & incorporalibus: iureq; singulari, mulier dominium rei, propter nuptias donatæ: hypothecam autem iure communi consequitur: & pactum de lucranda dote, in fauorem mulieris, etiam ad donationem propter nuptias, extenditur, c. fin. §. fin. extr. cod. Quod si nihil pactum sit, soluto matrimonio sicut dos ad mulierem, sic & donatio propter nuptias, redit ad virum, nisi de consuetudine secus obtineat, d. c. donatio, extr. cod. & c. 1. extr. eo. Sed hoc differt, quod uxor non consequitur fructus donationis propter nuptias, sicuti maritus dotis fructus. Quia hi conceduntur marito, propter onera matrimonij, iuxta Bald. in auth. permilla, C. de donat. ante nupt.

Quid est sponsalitia largitas?

Sponsalitia largitas est, donatio, quam causa matrimonij sponsus, & sponsa sibi inuicem faciunt, vt alio modo, quàm si matrimonium non sequatur, vel impediatur, reuocari non possit. l. cum veterum, C. de donat. ante nupt. Cuius effectus est: vt dominium rei donatæ acquiratur donatario, subsequente matrimonio. Quod si autem matrimonium non sequatur, distinguitur. Aut osculum interuenit, aut non interuenit: Si interuenit, & à sponso sponsæ aliquid donatum fuerit, vter eorum decesserit, sponsæ, vel eius hæredibus dimidia pars re-

tum donatarum conceditur. Oscula verò non interueniente, vel interueniente quidem, sed donatio à sponso facta non est. Et his casibus tota donatio infirmatur, l. si à sponso, & d. l. cum veterum, C. de donat. ante nupt.

Quid donatio inter virum, & uxorem?

Donatio inter virum, & uxorem hic dicitur pura liberalitas, quam coniuges in se inuicem effundunt: quam donationem non tantum leges ciuiles: sed etiam Canones prohibent ob varias rationes, cap. donatio, extr. eod. l. 1. 2. & 3. ff. eod. titul. Prima ratio est: Ne mutuo amore coniuges inuicem spoliarentur, donationibus non temperantes, & profusa erga se facilitate vtentes, l. 1. ff. eod. 2. Ne venalitia sint matrimonia. Nam si illæ donationes valerent, sæpè futurum esset, vt distraherentur matrimonia, si non daret is, qui posset, atque ea ratione eueniret, vt venalitia essent matrimonia, l. 2. ff. eodem. Ne concordia pretio conciliari videretur, néne melior in paupertatem incideret, deterior ditior fieret, l. 3. ff. eod. Morte ramen tales donationes confirmari possunt. Quia in hoc tempus excurrit donationis euentus, quo vir, & uxor esse desinunt, l. quia in hoc, eod. Cum igitur hæc in vim ultimæ voluntatis valeat, ideò instar aliarum vltimarum voluntatum, ad eius firmitatem præsentia quinque testium requiruntur, Iason in l. si pater, C. de inoff. testam. gl. & Cyn. l. licet, C. de pactis: habetque cum aliis vltimis voluntatibus eundem effectum, Boet. in consil. Bitur. tit. de constitut. Parapherna bona dicuntur, quæ mulier vltra dotem marito affert: & sunt propria. vel hæreditaria, & aduentitia. Et in his paraphernis maritus administrationem habet, ita vt sine speciali vxoris mandato, & gerere, & conueniri possit, l. vlt. vbi gloss. & Dd. C. de pact. conuen.

Quæ Adiacentia?

Varia priuilegia doti, & donationi propter nuptias, concessa. De quibus vide Bald. & Ioannem Campezius, in tract. de dot. & eius priuilegiis.

Quæ Pugnancia?

Illegitimum matrimonium. Vbi enim legitimum non est matrimonium, ibi dos, vel donatio propter nuptias esse non potest, l. 3. ff. de iure do. Diuortium, & rescissio matrimonij, quod vel morte, vel adulterio alterutrius coniugum, & aliis dissoluendi matrimonij modis contingit. Sicut enim, si adulterio

rio commissio per uxorem, matrimonium rescissum sit, ipsa perdit dotem, cap. plerunque, extr. eod. ita etiam maritus, si ab uxore separetur propter adulterium, amittit donationem propter nuptias, Panor. in d. c. plerunque, & auth. quia verò plurimas, iuncta auth. ut liceat matri, & auix, & c.

DE SECUNDIS NVPTIIS.

TITVLVS XXI.

*An uxori plures maritos simul, vel successiue habere licet?
Et quid, si de morte mariti absentis dubitet?*

NON polygamia, sed bigamia, trigamia, imò etiam octogamia, utroque iure permixta est. Hoc est, non plures simul, sed plures successiue, usque ad octonarium numerum. maritos, vel uxores coniugibus habere licet. Quid, si de morte uxoris maritus dubitet? Et statutum est, ipsum contrahere non debere: & si de facto contraxerit, reddere, sed non exigere debitum posse, tenerique si de prioris coniugis vita constiterit, relictis adulterinis complexibus, ad priorem coniugem reuer- ti, c. dominus, extr. eod. Pari ratione nec vxor dubitans de vita mariti absentis ad secunda vota conuolare potest. Quòd si maritum demortuum certò constet, quodocunq; voluerit, etiam intra tempus luctus, rectè nubit. Nam, ut ait Innocen- tius III. in c. fin. extr. eod. cum secundum Apostolum, mulier mortuo viro, ab eius sit lege soluta, & nubendi, cui vult in do- mino, liberam habeat facultatem, non debet legalis infamix sustinere iacturam: quæ licet post viri obitum intra tempus luctus (scilicet vnius anni spacium) nubat, concessa sibi tamen ab Apostolo vitur potestate. Cum in his præsertim seculares leges non dedignentur sacros canones imitari, d. c. fin. & cap. super illa, extr. eodem.

FINIS LIBRI QVARTI.

LIBER



LIBER QVINTVS.

Objectum libri quinti est, criminale iudicium. Cuius exercitium, quàm necessarium sit, docet Plato, lib. de Repub. cùm inquit: Dare pœnas, maximi mali euitatio est: facit enim alios prudentiores, & iustiores: & medicina quadam iniquitatis est ipsum iudicium. Et hoc est, quod dicitur in c. non frustrâ, 23. q. 5. Non frustrâ sunt instituta Regis potestas, & cognitoris ius, ungula carnificis, arma militis, disciplina dominantis, seueritas etiam boni patris. Habent omnia ista, modos, causas, rationes, utilitates: hac cùm timentur, & mali coercentur, & boni quieti inter malos viuunt, dict. cap. non frustrâ.

DE ACCVSATIONIBVS, Inquisitionibus, & Denun- tiationibus.

TITVLVS I.

Continuatio.



Vm exercitium criminalium iudiciorum, ne impunita maneant delicta, exigat publica utilitas, caque per accusationem, inquisitionem, & denuntiationem, instituantur, rectissimè hic titulus pri-

nio huius libri loco ponitur, c. vt famæ, extr. de sent. excom. & c. qualiter, extr. eod.

Quid Accusatio?

Accusatio (Hostiense authore) est, criminis alicuius hominis apud competentem iudicem, inscriptione interueniente, legitime facta delatio. Vnde & accusare nihil aliud est, quàm Retum criminis aliquem per libellum deferre, ad vindictam publicam, Hostiens. §. quid sit accusatio, tit. eod. & c. super his, extr. eod.

Quæ causa Efficiens?

Lex publica permittens accusationem ob crimen publici iudicii, coram iudice ordinario, & competente institui, contra eum, qui accusari non prohibetur, iuncta voluntate eius, qui ius accusandi habet, l. præuaricationis, & l. si is, ff. de præuari- cat. & l. i. ff. de pub. iud.

Quæ Materia?

Crimen quoduis enorme communem reipublicæ tranquillitatem perturbans, cuius vindictio ex legibus publicorum iudiciorum descendit: & accusatio cuiuslibet de populo, ordine tamen iudiciario seruato, ad hoc, vt delinquens promeritam pœnam luat, conceditur (modò id crimen nõ sit manifestum: quia manifesta accusatione non indigent. c. manifesta, c. quæ Lotharius, & c. de manifesta, 2. q. 1.) ex quib. iudicia publica existunt. Quorum quædam, teste Paulo, lib. 1 §. ad edictum prætoris, sunt capitalia, quædam non capitalia. Capitalia sunt, in quibus certa pœna mortis, vel naturalis, vel ciuilis infligitur. Non capitalia sunt, in quibus pecunia, aut in corpus aliqua coercitio, pœna est, l. publicorum, ff. de publicis iud. Dicuntur etiam ordinaria, & extraordinaria. Ordinaria sunt, quorum pœnæ specificæ, & nominatim in iure expressæ habentur, quas iudici augere, vel minuire; cum facti quidem quæstio sit, absque causæ cognitione non licet, l. 1. §. 2. ff. ad Turpillia. vt sunt crimen læsæ maiestatis, adulterium, homicidium, parricidium, veneficium, crimen falsi, vis publica, raptus virginum, peculatus, plagium, ambitus, repetundarum, & alia, quæ lib. 48. Pandectarum ordine traduntur. Extraordinaria verò sunt, de quibus iure ciuili, nihil specialiter proditum est: sed relinquuntur arbitrio iudicantis; vt secundum delicti qualitatem, & personæ delinquentis conditionem, pœnam statuatur, cap. super his, extr. eod. c. de causis, extr. de offic. deleg. l. 1. ff. de effrac. & l. 2. ff. de crim. stelli. vt sunt incendium, concussio,

cussio, præuaticatio, occultatio, crimen stellionatus, & abigeatus, de termino moto, de effraCTORIBUS, de sollicitatoribus alienarum nuptiarum, & alia de quibus vide tot. tit. ff. de extra. ord. criminibus.

Quæ Forma instituenda Accusationis?

Forma instituendæ accusationis traditur per Eutychianum Papam. in Epist. 2. ad Episcopos Siciliae, his verbis: Quisquis ille est, qui crimen intendit, in iudicium veniat, nomen rei indicet, vinculum inscriptionis arripiat, custodiæ similitudinem, (habita tamen dignitatis æstimatione) patiatur; nec impunitam sibi nouerit mentiendi licentiam, cum calumniæ ad vindictam poscat similitudo supplicij, c. quisquis, 2. q. 8. Et, vt Calixtus Papa præcepit: accusator, præsentem eo, quem accusat, in scriptis, iudici accusationem offerat, & propria voce literas suæ accusationis legat, c. per scripta, 2. q. 8.

Quæ Accusationis, & libellorum concipiendorum inscriptionis forma?

Quæ forma accusationis, & quis modus concipiendorum libellorum sit, Paulus lib. 48. tit. 2. de accusationibus & inscript. ff. ostendit, dicens: Libellorum inscriptionis conceptio talis est: Consul, & dies: vt: Apud illum prætorem, vel consulem Lucius Titius professus est, se Mæuiæ lege Iulia de adulteriis Ream deferre; quod dicat, eam cum Caio, & Seio in ciuitate illa, in domo illius, in mense illo, consulibus illis, commisisse adulterium: vtique enim locus designandus est, in quo adulterium commissum est, & persona, cum qua admissum dicitur: & mensis. Hoc enim, lege Iulia publicorum iudiciorum, cauetur, & generaliter præcipitur omnibus, qui aliquem Reum deferunt, l. libellorum, ff. de accus. & cap. per scripta, §. libellorum, 2. quæst. 8.

Quæ Accusationis requisita?

1. Vt is accuset, qui ius accusandi habet. 2. Vt accusatus talis sit, vt accusari possit. 3. Inscriptio solenniter facta. 4. Præstatio cautionis de prosequenda lite. 5. Observatio iuris processus.

Qui Accusare possunt?

Qui accusare possint, intelligemus, ait Marcellus in l. qui accusare. ff. de accusa. si sciuerimus, qui non possint. Itaque prohibentur accusare alij propter sexum, vt mulier: alij propter ætatem, vt pupillus: alij propter sacramentum, vt qui stipendium merentur: alij propter magistratum, potestatemve in qua

in qua agentes sine fraude in ius euocari non possunt: alij propter delictum proprium, vt infames: alij propter rurpem quæstum, vt qui duo iudicia aduersus duos reos subscripta haber, nummosque ob accusandum, vel non accusandum accepit: alij propter conditionem suam, vt libertiui contra patronos, l. qui accusare, 8. ff. de accus. Alij propter suspicionem calumnia: vt illi, qui falsum testimonium subornati dixerunt, l. alij, 9. ff. eod. Nonnulli propter paupertatem: vt sunt qui minùs, quàm quinquaginta aureos habent. l. nonnulli, 10. ff. eod. Reccensuram hanc limitationem restringit Marcellus, l. hi tamen, ff. eod. Hi tamen omnes, si suam iniuriam exequantur, mortemve propinquorum defendant, ab accusatione non excluduntur: quæ omnia continentur in cap. prohibentur, 2. q. 1. Et sciendum, qui secundum leges ab accusatione repelluntur, etiam secundum Canones repelli, cap. canonica, 3. quæst. 5. & duobus sequentibus capitulis, cap. accusatores, & cap. accusationes, eod.

Porro ius accusandi non habent homicida, fur, latro, sacrilegus, raptor, adulter, incestuosus, veneficus, periurus, raptor virginum, vel cuiuscunque alterius criminis reus, c. quisquis, 2. q. 8. c. à nobis, extr. de excep. Suspectus, malæ conuersationis, c. canonica, 3. q. 5. Vilis persona, c. cum tua, extr. de sponsalibus. Inimicus, c. 2. 3. & 4. 3. q. 5. cap. omnes, extr. de accusat. Alienigena, & ignotus, c. accusatores, 3. q. 5. Socius, & participes criminis, c. veniens, extr. de testibus. Publicus concubinariarius, c. cum dilectus, extr. de accus. Qui sit tutor, curator, vel procurator, qui alieno nomine accusare non possunt, l. pen. §. ad crimen, ff. de publ. iud. Qui fuit testis in alia causa contra accusatum, c. meminimus, extra. de accus. laicus in causa criminali contra clericum, c. cum P. extr. eod. Hæreticus, infidelis, Iudæus, vel schismaticus, c. 1. 2. 4. q. 1. c. pagani, 2. q. 7.

Qui accusari non possunt?

Omnis, qui in ius vocari non potest, nec accusari potest. Qui autem illi sint, habetur in l. 1. 2. 3. 4. & 5. ff. qui in ius vocari non pos. Maior enim magistratus nec accusatur, nec accusat: nec præses prouinciæ: nec legatus prouinciæ: nec magistratus populi Rom. l. hoc accusare, ff. de accus. Papa & Imperator non accusantur. Quia soluti sunt legibus, cap. proposuit, extr. de concess. præben. Verùm hæreseos, periurij, & sacrilegij Imperator accusari potest, c. ad Apostolicam, extr. de re iud. Et Papa pari ratione de hæresi tantum accusatur, cap. si Papa, 40. dist.

dist.& à Synodo,vel principe indicatur, cap.princeps, § 2.q.5. Nec clericus coram seculari iudice de crimine Canonico, vel Ecclesiastico, in auth.de manda.prin.§.si verò, canonicum,col. 3.& vt cler.apud pro.Epi.per tot.nec infans, vel furiosus, l.infans, ff.de sicar.l.impunitas, C.de pœn. Nec seruus accusatur de crimine, pro quo pecuniaria pœna imponitur: quia proprium non habet; vel pro quo imponitur pœna amittendæ ciuitatis, qui ciuis non est, §.libertinorum, Instit.de lib.

Quid est inscriptio? Et quid debet continere Libellus?

Inscriptio est, obligatio in scriptis facta, qua accusator ad eandem pœnam, si non probauerit crimen, quod commissum, accusationis libello potrecto, pretendit, quam reus debuit pati, si probasset, se obstringit, cap.quisquis, 2.q.8.cap. qui crimen, & cap.tux, extr.de procur.cap. qui non probauerit, 2.q.3. Debet autem libellus complecti nomen iudicis, coram quo criminis delatio fit, nomen accusatoris, & accusati: locum, & tempus, crimen, & eius qualitatem, & personam, cum qua crimen patratum est: neque tamen diem, vel horam inferi necesse est. Item subscriptionem eius, qui dat libellos, se professum esse, vel alterius pro eo, si accusator litteras nesciat. Quod si libelli inscriptionum legitime ordinati non fuerint, Rei nomen aboletur, & ex integro repetendi Reum potestas fiet, l.libellorum, ff.de accusat. Et licet criminalia iudicia per accusationem cum solenni præcedente inscriptione instituantur, sunt tamen casus, in quibus non est necessaria hæc inscriptio. 1. In crimine apostasiæ, l.Apostatarum C. de apost. 2. Cum accusatur Christianus, qui cōtraxit cum Iuæa, vel contra, c.super his, extra.eod. Vbi etiam Abb. & per eundem in c. fin. extr.de calum. 3. In crimine abigeatus, l.cui, C. de abigeis. 4. In leuibus criminibus, l.leuia, ff.co.5. In his, quæ apparitores referunt, l.ca quidem, C.eodem. Extra hos casus inscriptio necessaria est, & ob id inuenta, ne facile quis ad accusationem profiliat, cum sciat inultam sibi accusationem non futuram, cum calumniantes ad vindictam poscat similitudo supplicij, l.si cui, ff.co, & cap.quisquis, 2.quæst.8.

Qualis Cautio præstanda?

Is, qui crimen obicit, fidei floribus adhibitis, cauere debet, se in crimine, vsque ad sententiam perseueraturum. Quod si post satisfactionem illam de exercenda lite præstitam præsens non fuerit, admonendus est, vt ad causam agen-

dam veniat, si necdum adfuerit, non solum extra ordinem æstimatione iudicis puniendus est; sed etiam sumptus, quos in eam rem, & circa ipsum iter ad litem vocati fecerint, dependere cogitur, l. qui crimen, C. de his, qui accusare non poss. & l. si cui crimen, ff. eod.

Quis processus in Accusatione seruandus?

Relato inter Reos nomine accusati, in causa, eodem modo, quo in ciuilibus, proceditur. Nam & litis contestatio imponitur, admittuntur exceptiones, replicationes, duplicationes, &c. Requiritur probatio luce meridiana clariore; conclusione causæ facta, sententia fertur, à qua appellatio ad corrigendam sententiæ iniquitatem casibus aliquot in l. 2. C. quorum appellat. non recipitur, exceptis permittitur, cap. dilectus, extra. de simonia, l. 2. C. de exhib. Reorum, l. qui accusare, C. de edend. l. adulterium, C. de adult. l. matitus, §. præscriptiones, ff. eod. Azo in rub. C. eod. num. 9. Nota tamen, quòd leuia crimina audire, & discutere de plano iudicem oporteat, l. leuia, ff. eodem.

Quis Finis, & Effectus?

Primò, vt illi, qui humanæ consociationis tranquillitatem turbant, pro qualitate delicti puniantur, vt alij, malo dediti, deterreantur, & boni quietè viuere possint, cap. non frustra, 2. 3. quæst. 5. Ob id esse dicitur publicæ utilitatis, ne maleficia maneant impunita, ca. vt famæ, extr. de sentent. excom. In his autem, vt tradit Marcianus libr. 2. de publicis iudiciis, respiciendum est iudicanti, ne quid aut durius, aut remissiùs, quam causa deposcit, constituat. Nec enim aut sèueritatis, aut clementiæ gratia affectanda: sed perpenso iudicio, prout quæque res postulat, statuendum est. Planè in leuioribus causis proniores ad lenitatem iudices esse debent, in grauioribus pœnis sèueritatem legum cum aliquo temperamento benignitatis subsequi, l. respiciendum, ff. de pœnis. Secundò, vt is, qui in accusatione deficit, pœnam illati criminis cum dispendio existimationis patiatur, vt damno pudoris, & existimationis iactura discat, sibi alienæ verecundiæ impunè insidiari saltem de cætero non licere, cap. si quis, cap. qua autem, 2. q. 3. Calumniator enim in accusatione deficiens, nec obiectum crimen probans, (vt Canonum censura definit) talionem recipit, pœnamque, quam ipse inferre intendit, patitur, cap. calumniatur, & cap. qui non probauerit, 2. quæst. 3. Et sciendum, quòd de iure canonum non imponantur pœnæ capitales, seu

corpo

corporales mortis, vt notat Innocentius in cap. qualiter, & quando, extra. cod. allegans cap. 1. & cap. 2. dist. 52. & Specul. tit. de accus. §. secundo, num. 2. allegans ca. cum non ab homine, extr. de publi. iud. licet sit arg. contra, extr. de maior. & obedient. cap. 2. & extra. qui filij sint leg. cap. per venerabilem, & §. q. 6. c. delatori. Sed degradatio, depositio, suspensio, excommunicatio, & huiusmodi, vt ibi, & 24. q. 3. c. corripiantur, 11. q. 3. c. nemo, & c. rursus. Et potest dici, quod excommunicatio successit, seu comparatur interdictioni aquæ, & ignis, in cuius locum successit de portatio, l. 2. ff. de pœnis, l. peculatus, ff. ad leg. Iul. pecul. ita suspensio temporalis relegationi, depositio perpetuæ deportationi, degradatio capitis diminutioni, legalibus pœnis assimilantur, d. cap. qualiter, & quando, extr. cod.

Quæ Adiacentia?

Inscriptio, probatio criminis, citatio, litis contestatio, iuramentum, alijque actus iudiciales.

Quæ Affinitas?

Affinitatem quandam cum accusationibus habent actiones. Nam licet trifariam differant: respectu scilicet exordij, medij, & finis. Exordij respectu quidem, quia pro ciuili iudicio intenditur actio, pro criminali accusatio. Ratione medij: quia in ciuilibus adstringitur solus actor ad probandum, & eo non probante, reus absoluitur. In criminali verò causa pluribus casibus vtrique litigantium probacionis incumbit onus, vt habetur in l. faciliter, C. de abol. Accusatori quidem pro crimine interato: Reo verò super eius purgatione. Quibus casibus, licet accusator non planè probet: non tamen absoluitur Reus; sed ad purgationem infamiae tenetur, l. vbi, & ibi Salyc. C. ad leg. Cor. de fal. Denique intuitu finis discrepant. Quia in ciuilibus persecutionibus aliquid dari, vel fieri a Torpetit: in criminalibus verò ad vindictam, & pœnam fisco applicandam, vel corporaliter sufferendam, agitur, Bart. in l. fin. ff. de priua. del. & l. 3. ff. de sepul. viol. In plerisque tamen inter se conueniunt. Quia vt in actionibus, ita & in accusationibus tres personæ, diuersis nominibus distinctæ, ad cuiuslibet iudicij constitutionem requiruntur. Deinde quod & horum quædam sint ordinaria: quædam extraordinaria. Tertiò, quod vtrinque tam in ciuilibus, quam criminalibus, & citatio, & libellus, & iuramentum de calumnia, cæteræque iudiciorum solennitates requiruntur. authen. offeratur, C. de litis contest. & Bart. in l. 1. C. de iureiur. propter calumniand.

Denique conueniunt in eo, quòd siue per accusatorem, vel denuntiatorem, crimen ad iudicem delatum sit; siue ipse ex diuulgatione criminis excitatus sit ad inquirendum de eo, semper. necesse sit Reum, aut suspectum de crimine vocari, vt ad iudicium veniat. Affinia etiam sunt, interdicta, exceptio, denuntiatio, inquisitio, cap. qualiter, & quando, §. ad corrigendos, extt. eod. & cap. meminimus, & cap. super his, extra. eod. Et quomodo illa discrepent, vide in d. cap. super his.

Quæ Pugnantiæ?

Impedimentum in causa efficiente, defectus materiæ, & vitium formæ libelli accusatorij, vel inscriptionis. Inpeditamenta in causa efficiente sunt coactio, vtilitas, personæ proximitas, consanguinitas, absentia accusati, mors vtriusque, tam accusatoris, quàm accusati, criminis participatio, vel aliud crimen, quod accusatorem ad accusandum inidoneum reddit: vt est latrocinium, homicidium, furtum, factilegium, rapina, adulterium, petiurium: contrariantur etiam hæresis, apostasia, calumnia, præuaticatio, inimicitia, infamia, excommunicatio, symonia, &c. Defectus materiæ deprehenditur, si crimen, vel delictum non sit enorme, publicum: sed priuatum: si non agitur ad vindictam publicam, sed ad interesse priuati alicuius, vel si eorum executiones, denuntiationes, siue accusationes ad illos tantum pertinent, quibus inferuntur: vt furtum, iniuria, damnum, crimen abigeatus, l. fin. ff. de fur. l. fin. ff. de priua. delict. Vel si super crimine publico (excepto adulterio) pœnam sanguinis ingerente transactio, vel pactum fuerit interpositum, vitium libelli accusatorij, vel inscriptionis ipsam accusationem ita petimit, vt rei nomen, etiam illo non opponente, vnâ cum libellis aboleatur, licet ex integro repetendi Reum potestas fiat, l. libellorum, ff. eod. vitiatur autem, cum omittitur tempus, locus, persona, cum qua crimen admissum est, &c. d. l. libellorum, & cap. per scripta, 3. quæst. 1.

Quid est Inquisitio?

Secundum tituli membrum est, de inquisitionibus. Est autem inquisitio nihil aliud (secundum Hostiensem) quàm alicuius criminis manifesti, ex bono, & æquo iudicis competentis, Canonice facta inuestigatio, cap. qualiter, extra. eodem.

Quotuplex est Inquisitio?

Triplex: Generalis simpliciter, id est quantum ad personas, & de

& delicta: Vt cùm præses inquirat: an sint homines facinorosi: de qua, l. congruit, ff. de off. præsid. Specialis simpliciter, id est, in quantum ad personas, & delicta: Vt cùm de certo, & limitato delicto contra certam personam præses, vel prælatus inquirat, de qua, l. ea quidem, C. de accusat. Generalis simul, & specialis, siue sit generalis quò ad personas, & quò ad delicta, Specialis: vt cùm præses inquirat contra eos, qui Tirium occiderunt: siue contra sit generalis, quò ad delicta, & quò ad personas specialis: vt cùm potestas, vel aliàs punitur ad synd. licet Panonni. in dict. cap. qualiter, aliam diuisionem pœnat, quem ibi vide.

Quæ causa Efficiens?

Lex diuina, & canonica, iuncta authoritate Prælati, vel Superioris merum imperium habentis, vel qui ius corrigendi, & puniendi habet. Possunt item. Papa, & Imperator inquirere per suos legatos, seu delegatos. Episcopi etiam in suis diocesis. Metropolitanus in sua prouincia, in casibus, qui notantur in c. pastoralis, extra. de off. Ord. Præses prouinciæ: Et quicumque habet cognitionem causæ criminalis, c. cùm dilectus, extr. eod. & d. c. qualiter. Non autem si sit criminosus, inimicus, publicus concubinaris, cap. cùm dilectus, eod.

Quæ Materia?

Crimen aliquod graue, & enorme: vt est homicidium, simonia, adulterium, fornicatio, periurium, incestus. Nam super leuibus, & dissimulandis criminibus non inquiritur, cap. inquisitionis, extr. de accusa. c. cùm 1. & A. extr. de re iud. De quibus omnibus vide Specul. tit. de inquisit. §. quando autem.

Quæ Forma?

Vt, præcedente fama, optimèque cognita, patrati criminis suspitione, Prælatus inquirens, siue sit Ordinarius, siue Delegatus, & loca, & personas oculis subiiciat, & in præsentia eius, contra quem facienda est inquisitio, (nisi per contumaciam se absentauerit) exponat illa capitula, de quibus fuerit inquirendum: & non solum dicta, sed etiam nomina testium publice: vt quid, & à quo sit dictum, appareat, habeatque facultatem defendendi seipsum, nec non exceptiones, & replicationes legitimas admittat, ne per suppressionem nominum infamandi, per exceptionum verò exclusionem deponendi falsum, audacia præbeatur, vt notat Innocent. III. in c. qualiter, 2. extra. eod. §. debet igitur. Nota tamen, quòd quibusdam ca-

sibus exceptis: cum fama loco accusatoris sit, & in ea testes recipiantur, lite non contestata, observationem processus iudiciarii non esse necessariam, d. cap. qualiter, & cap. licet Heli, extr. de Simo. Forma autem iuramenti, quod quandoque inquisitores exigunt ab inquisitis, habetur in c. qualiter, 1. extr. cod.

Quis Finis, & Effectus?

Est punitio delicti commissi. Circa quod distingue: Aut conuincitur quis de crimine, per inquisitionem, quæ sit ex officio: & tunc ab administratione remouetur. Aut per inquisitionem factam aliquo denuntiante: & hoc casu imponitur poena, iuxta petitionem denuntiantis, d. cap. qualiter, 2. nisi sit tale crimen, quod & post peractam poenitentiam impediatur executionem officij. Quia tunc debet deponi, licet à denuntiatore fuerit petitorium solum, quod ab administratione remoueretur. Considerandum tamen est, utrum denuntiatio sit Evangelica, canonica, vel iudicialis. In simplicibus verò clericis debet poena imponi iudicis arbitrio, nisi poena sit expressa in iure: quia tunc illa imponetur, capit. de causis, extra. de off. deleg. & cap. per inquisitionem, extra. de elect. De poena autem regularium habetur in cap. dilectus, extr. de sim. Si autem testes super inquisitione inducti, probent aliquod crimen, de quo non fuerat infamatus, illi non præiudicat, nec ex hoc damnabitur. Illud autem certum est, quod qualitercunque agatur ad poenam, si certa poena, super crimine, de quo agitur, in iure statuta est, illa infligenda erit, vt 2. quæst. 3. §. notandum, versus princip. Alioquin iudicis arbitrio imponitur, dict. cap. de causis, extra. de off. deleg. & l. 1. C. de iure delib. Licet secundum petitionis modum, vt cum agitur per modum accusationis, denuntiationis, inquisitionis, vel exceptionis, Dd. aliter distinguant.

Quid Denuntiatio?

Tertium tituli membrum est, de denuntiationibus, per quam aliquando ad inquisitionem pervenitur, & nihil aliud est (secundum Hostiens.) quam criminis alicuius, apud iudicem, sine inscriptione legitimè facta delatio: ad poenitentiam peragendam, vel aliam poenam legitimam imponendam, ca. 2. 3. cap. super his, & cap. dilectus filius, extra. eodem.

Quomplex Denuntiatio?

Triplex, Evangelica, iudicialis, & Canonica, Bal. in add. ad Speculat. titul. de denunt.

Quid

Quid Euangelica?

Euangelica est quæ tantum ad pœnitentiam fit, & locuta habet in peccato occulto: sed non omnino occulto, verum quod aliquo modo probari potest. Quia omnino occulta soli Deo referuantur, c. sicut nobis, extr. de sim. & c. Christiana, 3 2. q. 5. Ad hanc tenetur Prælatus, & etiam quilibet quantumcunque infamis, dum tamen non perseueret in crimine, admittitur, 2. q. 1. cap. si peccauerit, extr. de test. cap. in omnibus.

Quid Iudicialis: & quomplex?

Iudicialis distinguitur. Nam alia est publica: alia priuata. Publica iudicialis dicitur, illa, quæ ex officio publico competit, & ad eam faciendam non quidem monitio, sed Episcopi, vel eo negligente, Archiepiscopi, inquisitio requiritur, c. Romana, extr. de cens. c. Mennam, 2. q. 5. Priuata est, quæ ratione proprii interesse comperit, multisque casibus tam legibus, quam canonibus permittitur: vt si quis me iniuria afficiat, rem meam auferat: & habet locum, cum oppressus nequit agere; putà: quia seruus, vel alterius potestati subditus est, vt libertus, vel filius, vel vxor, & similes. Et in his, quæ spectant ad forum venale, & rusticis oppressis, & dominis, l. 1. §. quod autem, §. cum patronos, & §. cura carnis, ff. de off. præf. urbium.

Quid Canonica Denuntiatio?

Canonica denuntiatio est illa, in qua aliquod priuatum interesse non includitur: sed fit ad pœnitentiam peragendam, quam denunciator prosequi tenetur; aliàs iudex ex officio eam perducit ad effectum, cap. cum in tua, extr. de spons. cap. ad nostram, extr. de iurei. Nec in ea requiritur trina monitio, cap. ad dissoluendum, extr. de spons. impu. ca. fin. extr. de clandest. spons. & cap. præterea. 2. extra. de sponsa.

Quæ causa Efficiens?

Lex diuina, canonica, & ciuilis, permittens cuius, qui bonæ vitæ, famæ, & conuersationis est, & qui ad hoc ex charitate, non ex odij, vel inuidiæ concitatione procedit per se, vel per procuratorem denunciare, vel denuntiationem prosequi, cap. repellantur, & cap. qualiter, extra. de accusat. cap. si peccauerit, 2 2. quæst. 1. cap. cum in iuuentute, vers. licet igitur, extr. de præsumpt. cap. ex parte, extra. de testi.

Quæ Materia?

Quoduis crimen occultum, quod aliquo modo probari

possit, authent. de man. princ. §. si tibi, col. 3. in authent. de collat. §. iubemus, col. 9.

Quæ Forma?

Vt præcedente monitione charitatiua, nulla facta inscriptione, denuntiatio apud superiorem fiat, ad hoc, vt denunciatus, etiam non porrecto denuntiationis libello, (cùm in ea de plano procedatur) pœnitentia iniuncta: vel si grauiorem pœnã criminis commissi qualitas infligi suadeat, cortigatur. Sicuti enim accusationem legitima inscriptio: & inquisitionem clamorosa insinuatio: ita etiam denuntiationem charitatiua monitio præcedere debet. Monitionis autem forma habetur in cap. si peccauerit, 2. quæst. 1. Et probantur præmissa, cap. nouit, extra. de iudic. & cap. 2. cap. inquisitionis, cap. qualiter, & cap. fin. & cap. accedens, extr. eod. & cap. sicut Heli, extr. de simon. cap. hoc videtur, 2. 2. quæst. 5. cap. quapropter. 2. quæst. 7. & cap. venerabili, extr. de off. dele. Imò forma denuntiationis, & quòd eam debeat præcedere charitatiua monitio, docet Christus, Matth. 8. Luc. 17. Apost. 2. ad Corint. 13. & vt illam charitatem explicat Specul. lib. 3. part. tit. de denunt. nu. 13. iniquis: Si peccauerit in te, id est, contra te, vel te sciens, frater tuus, id est, quilibet Christianus, cap. ad mensam, 1. 1. quæst. 3. vade, & corrige, id est, charitatiue argue eum, inter te, & ipsum solum, id est, secretò, d. ca. si peccauerit, 2. quæst. 1. Si te audierit, lucratus es fratrem tuum, id est, animam, vel salutem fratris, eum à peccatis retrahendo: si te non audierit, adhibe tecum vnum, vel duos: supple de illis, qui hoc sciunt: aliàs esset proditor criminis, vt in præal. ca. si peccauerit, quod esse non debet, ca. placuit, dist. 6. de pœn. vel talib. qui possint ptodesse, & non obesse: vt cap. hoc videtur, 2. 2. quæst. 5. Vt in ore duorum, scilicet tui & alterius; si enim vnum adhibes: vel trium, scilicet tui, & duorum, quos adhibes, stet omne verbum, id est, proberetur charitatiua monitio. Quòd si non audierit, scilicet cum effectu, quia se non cotrigit, dic, id est, denuncia Ecclesiæ Prælato, qui est in Ecclesia, cap. scire, 7. quæst. 1. si autem Ecclesiam, id est, Prælatum, seu eius monitionem non audierit, sit tibi sicut ethnicus, id est, gentilis, cap. nōne, 7. q. 1. vel excommunicatus, id est, alienus à participatione: Et publicanus, id est, publicè peccans. Hæc auctoritas Euangelij habetur, cap. nouit, extra. de iud. & dist. cap. si peccauerit, cap. quemadmodum, extr. de iur. iur. cap. præcipue, 1. 1. quæst. 3.

Quis

Quis Finis, & Effectus?

Primus: Vt pro qualitate delicti denuntiatus corrigatur, vel conuictus remoueatur à beneficio, vel interdicatur ei Ordinis executio, vel iniungatur ei restitutio, vel, si ad correctionem tantum agatur, spiritualis pœna tantum ei imponatur, c. si quis neque, l. q. 1. c. requiritis, l. q. 6. c. nerui, dist. 14. c. sapè, extr. de de restitut. spoliat. c. 1. extr. de off. custod.

Secundus effectus est: Quod licet denuntians ad talionem non teneatur: si tamen in probatione deficiat, donec suam purgauerit innocentiam, ab officio, & beneficio suspenditur, & de calumnia punitur, vt ceteri, simili pœna perterriti, ad aliorum infamiam facile non prosiliant, c. fin. extr. de calum. c. quapropter, 2. q. 7. Hoc igitur effectū differt denuntiatio ab accusatione. 1. Quod accusator destitutus probationibus, ad talionem teneatur, id est, eam pœnam debeat incurrere, quam, si probasset, reus sustinere debeat, c. quæ autem, 2. q. 3. non autem denuntiator. 2. Differt fine: Quia finis denuntiationis potissimum est correctio, licet in consequentiam aliæ pœnæ infligantur. Accusationis autem finis, est pœnæ, pro qualitate delicti patrati, impositio, cap. ecce, 24. q. 3. 3. Differt forma. Quia accusatio fit per inscriptionem: sed in denuntiatione nulla inscriptione opus est. Cum non conueniat rei, & negotio, vt quis se inscribat ad talionis pœnam, quæ non foret imponenda, d. c. qualiter, extr. eod.

AXIOMATA, ET SENTENTIÆ.

Illi, qui in accusatione deficiunt, canonum censura, pœna illati criminis cum dispendio existimationis puniuntur, cap. 1. 2. quæst. 3.

Qui non probauerit, quod obiecit, pœnam, quam ipse intulerit, patiatur, c. qui non probauerit, 2. q. 3.

Aliud est, crimen illatum non posse probare, aliud aliquam promissione accusationem deferere. Huic enim, qui promissione doceptus accusationem deserit, venia datur: illi verò, qui crimen illatum probare non valuerit, infamia interrogatur, c. si quis iratus, 2. q. 3.

Accusatorum persona nunquam recipiantur sine scripto, nec absente eo, quem accusare voluerint, quibilibet accusare

uilem duntaxat asserere voluerit, cap. si accusat. 3. q. 10.

Neganda est accusatis licentia criminandi, priusquam se crimine, quo premuntur, exuerint. Quia non est credendum contra alios eorum confessioni, qui criminibus implicantur, nisi se probauerint innocentes: quoniam periculosum est, & non debet admitti rei aduersus quemcunque confessio, cap. neganda, & c. non est. 3. q. 11.

Nullus unquam presumat accusator simul esse, & testis, vel index. Quoniam in omni iudicio quatuor personas semper necesse est esse: scilicet iudices electos, accusatores idoneos, defensores congruos, & testes legitimos. Iudices autem debent vii equitate, testes veritate, accusatores intentione ad amplificandam causam, defensores extenuatione ad ad minuendam causam, cap. nullus unquam, & cap. sequent. 4. quest. 4.

Inscriptio necessaria est, ut calumniator talionem recipiat. Quia ante inscriptionem, nemo debet iudicari, vel damnari, d. c. nullus. 4. q. 4.

De domo iudicis accusator, vel testis produci non debet, ne in causam suspicionis incidat index, c. contra. 4. q. 4.

Omnibus, quibus accusatio denegatur, in propriis causis accusandi licentia non est deneganda, c. omnibus. 4. q. 4.

Non omnis, qui parit amicus est: nec omnis qui verberat, inimicus. Meliora enim sunt vulnera amici, quam voluntaria oscula inimici, Sicuti melius est cum saueritate diligere, quam cum lenitate decipere, c. non omnis. 5. q. 5.

Infames esse eas personas dicimus: qua pro aliqua culpa notantur infamia, id est, omnes, qui Christiane legis normam abiiciunt, & statuta ecclesiastica contemnunt: similiter fures, sacrilegi, & omnes capitalibus criminibus irretiti, c. infames. 6. q. 1.

Accusator, quod asseuerat, profitendo se probare non posse, rem necessitate monstrandi contrarium, non adstringit, cum per rerum naturam, factum negantis probatur.

batio nulla sit. Tamen propter scandalum remouendum Reo, auctoritate Gregorij, imponitur onus purgandæ fame suæ, modo publica fama ipsi nimis non obsistat, cap. accusator, 7. quest. 5.

Afflictio afflictis non est addenda, ne culpa offensam in se quis retorqueat, c. cum percussio, 7. q. 1.

Iuri suo cedere nemo tenetur, cap. quàm periculosum, 7. quest. 1.

Plurimorum utilitas, vnius utilitati, vel voluntati preferenda est, c. scias, 7. q. 1.

In criminalibus accusando, denuntiando, & inquirendo proceditur. Sicut igitur accusatione legitima inscriptio procedere debet, ita denuntiationem eharitativa monitio, & inquisitionem clamorosa insinuatio, c. prelatorum, extr. eod.

Agenti possessionis adipiscendæ in beneficialibus non obstat exceptio criminis, nisi de eo sit infamatus: & infamato, accusatore non probante, vel non apparente, inducitur purgatio, in qua si defecerit, punitur ut conuictus, cap. accedens, extr. eod.

Crimen probatum per modum inquisitionis regulariter poena ordinaria non punitur: sed si impedit ordinis executionem, sicut in accusatione, fit depositio: & si impedit tantum beneficij retentionem, fit priuatio à beneficio, nec potest index hanc poenam moderari, c. inquisitionis, extr. eod.

De veritate criminum, non inquiritur, nisi prius constet de infamia. Et tum non inimici, vel peruari, sed idonei viri ad proseguendam inquisitionem, & testimonium admittuntur, c. cum oporteat, extr. eod.

Iudicium criminale sine accusatore non procedit, cap. 1. extr. eod.

Euidencia patratæ sceleris non indiget clamore accusatoris, c. euidencia, extr. eod.

De his criminibus, de quibus absolutus est accusatus, non potest accusatio replicari, c. de his, extr. eod.

Dicens se aliquem accusaturum coram iudice, ante inscriptionem sue pœna desistere potest: sed ei desistendi silentium perpetuum imponitur; eo autem ad accusationem procedente, ad talionem pœna se inscribere tenetur, cap. licet, extra. eodem.

Denuntiator criminis se non inscribit, quia ad correctionem tendit; accusator autem inscribit, quia ad pœnam. Exci- piens verò inscribit ad pœnam extraordinariam, si per exceptionem crimen opponendo, ab intentione repellatur, c. super his, extr. eod.

Si is, de cuius crimine in iudicio constat, petit restitutionem, propter iudiciorum ordinem non seruatum, non est audiendus: sed eum, tanquam notorium criminiosum, debet superior de nouo priuare, c. ad petitionem, extr. eod.

Non punitur quis de crimine, de quo non constat, nisi per famam, & testium credulitatem: & per dicta paucorum non debet quis infamatus apud iudicem reputari, c. inquisitionis, §. quasi iusti, extr. eod.

DE CALVMNIATORIBVS.

TITVLVS II.

Continuatio.

Contrariatur calumnia accusationi, & denuntiationi: cum ea ad puniendos, & corrigendos delinquentes instituantur. Non autem dici potest innocens, qui falsitate criminis per calumniam accusatoris, vel denuntiatoris intentati, grauatur, delinquere, cuius delicti falsò conficti gratia, pœna aliqua afficiatur, sed potius accusator obiciendo commenta, pœnam, quam reus probato crimine subiisset, in se retorquet, vt Imp. Honor. & Theodor. in l. fin. C. de calum. aiunt: Quisquis crimen intendit, non impunitam fore nouerit mentiendi licentiam, cum calumniantes, ad vindictam poscat similitudo supplicij: quod & ad alterum accusationis effectum pertinere dictum est.

Quid

Quid est Calumnia?

Calumnia est, dolosa quædam machinatio, qua fraudulenter, iniuste, & temerè vexandi alterius causa lis mouetur: siue illa sit criminalis, siue ciuilis, l. 1. §. calumniari, ff. ad Senatusc. Turpil. l. cui necessitas, §. 1. ff. de lib. causa.

Quomodo accipitur verbum Calumniandi?

Genericè, & specificè accipitur. Siquidem calumniari generatim omnem ingenij malitiam, atque versutiam completitur: strictius autem, & magis propriè, ad fraudes litigatorum restringitur, id est, actori, accusatorum, & reorum. Hinc actor, vel accusator, falsa crimina alicui intentando, vel petendo quod non debetur, calumniari dicitur, d. l. 1. §. calumniari, ff. ad Senatusc. Turpil. Eodem modo, reus calumniari dicitur, qui, obiecta fraudulenta exceptione, petitem frustatur, & sciens, prudensque per exceptionem opponendo falsa crimina, aduersarium suum vexat, tot. tit. C. de iureiuran. propter calum. dand. Hostien. in tit. de except. lib. 5. Vtrumque Paulus, lib. 1. receptarum sententiarum, complexus est. Criminosus est, inquit, qui sciens, prudensque per fraudem alicui negotium comparat.

Quæ causa Efficiens Calumnia?

Mens accusatoris ad calumniam directæ. Quando autem accusator calumniandi animum habeat: eius inquisitio iudicis arbitrio committitur: qui reo absoluto, de accusatoris incipit quærere consilio: qua mente ductus ad accusationem processit. Temeritas enim facilitatis veniam continet: & inconsultus calor calumniæ vitio caret, vt notatur in c. si quem pœnituerit, 2. q. 3. & c. si quis iratus, 2. q. 3.

Quæ Materia?

Crimen, vel negotium aliquod ciuile: cuius falso prætextu actio, vel accusatio aduersarij vexandi causa, instituitur, d. l. 1. §. calumniari, ff. ad Senatusc.

Quæ Forma?

Vt accusator animo calumniandi, vel vexandi reum, crimen intenter, & in eius probatione deficiat. Non tamen, qui non probat, quod intendit, protinùs calumniari præsumitur: sed si iudicanti ex proposito accusatoris ita visum fuerit, d. c. si quem, §. sed non vtique, 2. q. 3. Nec solum crimen falsum intentando, quis, & erum etiam actionem ciuilem fraudulenter, dolosè, iniuste, temerè, molestandi alterius causa, instituendo, calum

calumniari dicitur, l. postquam, ff. de petit. h. er. l. cui necessitas, §. 1. ff. de lib. caus. Calumniaror etiam perhibetur, qui pecuniam, vt alicui negotium faceret, vel non faceret, accepit, tot. tit. ff. de calumniatoribus.

Quis Effectus?

Si crimen falsum per accusationem calumniosè intentatur, accusator similitudine supplicij, quod, probato crimine, reus subiisset: cum existimationis dispendio plectitur, c. 1. 2. q. 3. Nam, vt dicitur in c. quisquis, 2. q. 8. calumniantes ad vindictam poscit similitudo supplicij, & in c. calumniatur, 2. q. 3. Calumniator si in accusatione defecerit, talionem recipiat. Subdiaconus tamen calumniosè accusans criminis, diaconum, ob quod diaconus, probato crimine, degradaretur cum ipse pari pœna puniri, id est, gradum, quem non habet, amittere non possit, subdiaconatu priuatur, & publicè verberibus castigatus in exilium deportatur, c. 1. extr. eod. Denuntiator etiam in probatione criminum, quæ contra prælatum suum obiecit, deficiens, donec canonicè suâ purgauerit innocentiam, scilicet, quòd non calumniandi animo ad huiusmodi crimina proponenda processit, ab officio, & beneficio suspenditur: vt cæteri simili pœna pertetriti, ad infamiâ suorum prælatorum facillè non prosiliant, c. cum dilectus, extr. eod. & c. quia iuxta, §. q. 6. Si autem alio modo calumnia fiat, pœna extraordinaria ex arbitrio iudicis imponitur, c. super his, extr. de accus. licèt accepta calumniæ causa pecunia, vt negotium faceret, vel non faceret, intra annum in quadruplum eius pecuniæ, quam accepisse diceretur, post annum autem simpli, in factum detur actio, l. 1. ff. de calumniatoribus. Et est textus in c. in eum, qui vt calumniæ, 1. q. 1. Non tamen qualibet iudicis pronuntiatione pœna legitima, vel canonica irrogatur accusatori. Nam siquidem iudex ita pronuntiauerit: Non probasti: pepercit accusatori. Si autem pronuntiauit: Calumniatus es: condemnauit eum: Et quamuis nihil de pœna subiecerit, tamen legis potestas aduersus eum exercebitur. Nam, vt Papi- nianus respondit: facti quidem quæstio in arbitrio iudicantis est: pœnæ verò persecutio, non eius voluntari mandatur, sed legis authoritati reseruatur, d. c. si quem pœnituerit, §. si verò, 2. q. 3. & l. 1. ff. ad Senatusconsult. Turpil.

Quæ Affinia?

Dolus, deceptio, mēdaciū, prauaricatio, tergiuersatio. Accusatorū temeritas tribus modis detegitur, inquit Marci-
libro

libro singulari, ad Senatuscons. Turpil. & tribus pœnis subiicitur. Aut enim calumniantur: aut prœuaricantur: aut tergiuerfantur. Calumniari est, falsa crimina intendere. Prœuaricari verò, vera crimina abscondere. Tergiuersari, in vniuersum ab accusatione desistere, dict. l. 1. ad Senatuscons. Turp. & cap. si quem, 2. quæst. 3.

Quæ Pugnantiæ?

Veritas, & probatio criminis, abolitio institutæ actionis, vel accusationis. Dicitur enim abolitio, institutæ actionis, vel accusationis peremptio. Cuius causa efficiens est, principis auctoritas, ipsa lex, & consensus partium. Vnde abolitio dicitur publica, priuata, & legalis. Publica est, quæ publicè à Principe conceditur, ob diem insignem, publicam gratulationem, vel ob rem prosperè gestam. Priuata est, quæ actore postulante cum consensu Rei, qui tormēta, vel quid aliud passus est, permittitur, l. fallaciter, C. de abolitionibus, & Laut priuatim, ff. ad Senatusconsult. Tur. Legalis est, quæ per legem, accusatore mortuo, vel ex iusta causa impedito, quò minus accusare possit, fieri contingit, d. l. aut priuatim, §. 3. ff. ad Senatuscōs. Turp. Forma impetrandæ, & concedendæ abolitionis habetur in l. abolitio, & l. fallaciter, C. de abolitionibus. Finis & effectus, est actionis, vel accusationis extinctio, remissio pœnæ: non autem purgatio ab infamia. Quia abolitio tantum pœnam remittit, non autem infamiam tollit, d. cap. si quem, §. si quis autem, ver. abolitio, 2. q. 3. potissimum, si à Principe abolitio conceditur. Nam, vt dicitur in l. fin. C. de generali abolit. Indulgentia Principis, quos liberat, licet pœnæ gratiam faciat, infamiam tamen criminis non tollit, dict. cap. si quis, §. indulgentia, 2. quæst. 3.

AXIOMATA, ET SENTENTIÆ.

Facti questio in voluntate iudicantis est, pœnæ autem persecutio non eius arbitrio mandatur: sed legis auctoritati reseruat, c. si quis, 2. q. 3.

Temeritas facilitatis veniam continet, & inconsultus calor calumniæ vitio caret, d. c. si quis, 2. q. 3.

Destitisse eum accipimus, qui in totum animum agendi deposuit: non qui distulerit accusationem, d. c. si quis, 2. q. 3.

Verbum, Restituo, non tantum pœnam remittit: sed etiam

etiam honoribus, ordini, aliisque omnibus restituit. Indulgentia autem tantum poena gratiam facit: non autem criminis infamiam tollit, d. cap. si quis. §. indulgentia, 2. q. 3.

Calumniator, si in accusatione defecerit, talionem recipiat, cap. calumniator, 2. q. 3.

Calumnia, propter exemplum, grauius punienda: ne alij eadem facilitate ducti ad accusationes, vel denuntiationes profiliant, cap. fin. extra. eodem.

Calumniantes ad vindictam poscit similitudo supplicij, cap. quisquis, 2. q. 8. cap. qui calumniam, 5. q. 6.

Omnis, qui falsa inuulerit, puniatur, & pro falsitate ferat infamiam, cap. omnis, 5. q. 6.

Si quis falsum dixerit, vel personam innocentis falso crimine maculauerit, iuxta sacerdotis arbitrium diuturna poenitentia expurgetur, 5. quest. 6.

Per delationem alteri nocere, Christianae charitati aduersatur. Delatores autem sunt, qui inuidia produunt alios, capit. delatori, extra. eodem.

Aliud est ex charitate, aliorum crimina deferre: ut quos secreta admonitione corrigere non possumus, conuictos iudicis sententia corripiat: Atque aliud insidiando falsa obijcere, vel insultando vera facile exprobrare. Illud enim charitatis, hoc verò impietatis est officium. Vnde prouerb. Verba impiorum insidiantur sanguini, os iustorum liberabit eos, cap. qui ambulat, §. sed aliud, 5. quest. 5.

DE SIMONIA, ET NE QUID

PRO SPIRITVALIBVS

exigatur, vel promittatur.

TITVLVS III.

Continuatio.

Crimen publici indicij, ipsiusque accusationis materia est: Simoniae autem crimen, quo ceteris detestabilius,

eò grauius Diuina traditione vtriusque testamenti (vt ex variis exemplis apparet) vindicatum fuit , cap. eos , qui per pecunias , cap. sicut simoniaca , extra. eod. tit. & cap. qui studet , i. quæst. i. cap. tanta est labes , extra. eodem.

Quid est Simonia?

Simonia est, secundum Abbatem, in cap. nemo, extra. eod. rei spiritualis, vel spiritualibus annexæ, cum aliquo temporali facta commutatio.

Vnde dicitur Simonia.

Simonia dicitur à Simone mago, qui primus hoc abominando crimine in nouo Testamento Diuinæ gratiæ pertinaciter repugnauit, sibi que damnationem comparauit. Appellatur etiam cupiditas Giezitica, à Giezi seruo Elizei, qui primò in veteri Testamento gratiam sanitatis vendidit Naaman principi militiæ Regis Assyriorum: in cuius facti poenam, lepra, qua Naaman laborabat, afficiebatur, c. qui studet, i. q. i.

Quotuplex Simonia?

Duplex est. Aut conuentionalis, aut mentalis. Conuentionalis est, cum conuentio, promissio, pactum, vel aliena conditio de commutanda temporali commoditate, pro spirituali re, interuenit, cap. cum super, extr. de confess. Vbi etiam notat Abbas. & c. sunt conuelli, i. q. i. Mentalis dicitur, studiosa dantis, aut recipientis cupiditas, nudaque intentio vendendi, vel permutandi spiritualia, vel spiritualibus annexa, absque vllò actu subsecuto, cap. fin. extr. eod. cap. ex multis, i. quæst. i.

Quæ causa Efficiens?

Affectus animi, cupiditasque, & pactum, vel promissio emendi, vendendi, vel commutandi spiritualia, vel spiritualibus annexa, d. ca. fin. extr. eod. & cap. etsi quæstiones, extr. eod. cap. veniens, c. ex tuz, extr. eod. & c. sicut Episcoporum, i. q. 2.

Quæ Materia?

Spiritualia, & spiritualibus annexa, quæ pro re temporali commutantur, vel munere aliquo conceduntur. Spiritualia sunt: vt consecrationes, benedictiones, ordinationes, Sacramentorum distributiones, & quæ habentur in cap. non satis, & capit. cum in Ecclesiæ, extr. eod. Vbi Alexand. III. ex Concilio Tutonen. & Lateranensi assert: Horribile nimis esse, vt in quibusdam Ecclesiis perhibetur, quòd pro consecratione, vel confirmatione Episcoporum, benedictione abbatum, & ordinatione quarumcunque personarum Ecclesiasticarum, introductio

trouctione presbyterorum in Ecclesiam : nec non pro sepul-
 turis, exequiis mortuorum, benedictionibus nubentium, con-
 secratione, & distributione sacramentorum munera requiran-
 tur, cap. suam nobis, cap. sicut tuis, cap. consulere, & c. sicut pro
 certo, extr. cod. Quæ autem sint temporalia spiritualibus an-
 nexa; docet Paschalis Papa, c. si quis obiecerit, 1. q. 3. inquit:
 Si quis obiecerit, non consecrationes emittet sed res, quæ ex con-
 secratione proueniunt, penitus desipere probatur. Nam cum
 corporalis Ecclesia, aut Episcopus, aut Abbas, aut tale quid, si-
 ne rebus corporalibus in nullo proficiat; sic nec anima sine
 corpore, corporaliter uiuit: Quisquis horum alterum vendit,
 sine quo nec alterum prouenit, neutrum inuenditum derelin-
 quit. Nullus igitur emat præbendam, vel Ecclesiam, vel ali-
 quid Ecclesiasticum: nec pastellum, nec pastum antea, nec po-
 stea pro huiusmodi soluat, dict. cap. si quis obiecerit, & ut no-
 tatur in cap. 1. 1. quæstio. 3.

Precium vel munus in triplici genere est. Est enim aliud
 munit ab obsequio, aliud à manu, & aliud à lingua. Munus ab
 obsequio est seruitus indebitè impensa. Munus à manu, pecu-
 nia est. Munus à lingua, fauor, c. sunt nonnulli, 1. q. 1. Sic rotum
 quicquid homines habent in terra, omnia, quorum domini
 sunt, pecunia vocatur: seruus, vas, ager, arbor, pecus, quicquid
 horum est, pecunia dicitur. Hinc dicta, quia antiqui, quod ha-
 bebant, in pecoribus habebant, cap. rotum quicquid, 1. q. 3.

Quæ Forma?

Cum res sacra, vel spiritualis pro munere, siue sit ab obse-
 quio, siue à lingua, siue à manu, animo commutandi detur, vel
 recipiatur, vel de ea danda & recipienda tacitū, vel expressum
 pactum, vel promissio interueniat, simonia committitur.
 Quoniam in spiritualibus, spiritualibusque annexis omnis
 cōditio, omnis promissio, omnēque pactum temporalis com-
 moditatis simoniæ crimen inducit, c. quæsitum, extr. de rerum
 permutat. cap. fin. extr. de pact. cap. quam pio, 1. q. 2. Vnde si si-
 ne promissione, pacto, cōditione, & animo permutandi quid
 pro re sacra, vel spirituali offeratur, absque scrupulo simonia-
 cæ prauitatis receptionem fieri posse, Innoc. III. statuit in cap.
 tua nos, extr. cod. Quod & probatur in cap. et si quæstiones, §.
 quos autem, c. veniens, c. ex tua, & c. fin. extr. cod. In his tamen
 oblationibus considerandum esse, Hostiens. existimat. 1. Quid
 offeratur, c. serui, dist. 19. 2. Quale offeratur, c. pen. & ult. d. 49.
 3. A quo offeratur, arg. c. in gradi. 3. q. 8. 4. Pro quo offeratur, c.

dictum est, 1. q. 1. 5. Qua intentione offeratur, cap. in scripturis, 8. q. 1. c. officij, extr. de elect. 6. Quantum offeratur, cap. Ananias, 1. 7. q. 1. Et hoc est, quod Alex. III. in ca. et si quaestiones, extr. eod. obscurius quodammodo asserit, cum ait: In accipiendis, vel dandis muneribus tria sunt maximè attendenda, personæ scilicet dantis, & accipientis qualitas, quantitas muneris, & donationis tempus. Qualitas personarum: ut à quo, & cui videlicet, an à paupere diuiti, vel conuerso; siue à diuite locupleti datum fuerat: æstimatio muneris, & donationis tempus, si magni, vel minoris pretij res data existat, & an, instanti necessitate, seu alio tempore, conferatur, &c.

Quis Finis?

Ut per temporalia bona, spiritualia quis adipiscatur, fiatque rei sacræ, vel spiritualis cum munere oblato commutatio, ca. tua nos, §. licet autem, extra. eod. & cap. fin. eodem.

Quis Effectus?

Sicuti inter Simoniacos¹ distinguitur: ita cum distinctionis moderantia Simoniaci variis pœnis subiiciuntur, ut refert Nicolaus Papa in ca. statuimus, ut sicut, & c. statuimus decretum, 1. q. 1. Nam alij simoniacè ordinantur à simoniacis: alij simoniacè à non simoniacis: alij non simoniacè à simoniacis. 1. Simoniaci simoniacè ordinati, vel ordinatores, secundum Ecclesiasticos canones, à proprio gradu decidunt. Simoniaci quoque simoniacè à nō simoniacis ordinati similiter ab officio malè accepto remouentur. A simoniacis autem non simoniacè ordinati, siquidem probare potuerint, se cum ordinarentur, nescisse eos simoniacos esse, & quòd tunc pro Catholicis habebantur in Ecclesia, misericorditer per manus impositionem pro temporis necessitate in officio permanere conceduntur: si tamen eos laudabilis vita commendat, ca. statuimus, & cap. si qui à simoniacis, 1. q. 1. De iis autem, quos iusta ignorantia non excusat, statuit Alex. II. ut consecrator, & consecratus non disparem damnationis sententiam subeant: sed utrèque depositus pœnitentiam agat, & priuatus propria dignitate persistat, cap. de cætero, 1. quaest. 1.

2. Quòd si simonicus non ordinem, sed beneficium Ecclesiasticum; putà, præbendam, vel prioratum, seu decanatum, aut honorem, vel dignitatem execrabili ardore auaritiæ, per pecuniam acquirere contendit, perpetua infamiæ nota tenetur, cap. fin. 1. quaest. 3.

3. Canonica purgationis onus, quod imponitur simoniacis;

ois; si quidem crimen manifestum est: nec tamen inde simoniaci conuicti vel confessi fuerint: sed tantum publica laborant infamia, cap. de hoc, & ca. insinuatum est, extr. de simo.

4. Deposito, & remotio ab Ecclesia. Sicuti enim simoniaca pestis, vt ait Lucius Papa, sui magnitudine alios morbos vincit: ita sine dilatione mox, vt eius signa per aliquam personam clauerint, (modò appareat, ob criminis euentiam simoniacos se purgate canonicè non posse) dantes, & recipientes de Ecclesia Dei eliminari, & repelli debent, cap. sicut simoniaca, & cap. consulere, extr. eod. & cap. quos constiterit, 1. q. 1. Et nota, quòd tanta labes sit huius criminis, vt etiam serui aduersus dominos; meretrix, & quilibet criminosis admittantur ad accusandum, cap. tanta labes, extra. eodem.

5. Suspendio, restitutio muneris exacti, & recepti, aliquando duplicati, textus est in cap. veniens, & cap. audiuius, extr. eod. & cap. si quis dator, 1. quæst. 1.

6. Infidelitas. Cum enim omnis auaritia idolorum sit seruitus: quisquis hanc & maxime in dandis Ecclesiasticis honoribus vigilanter non præcauet, infidelitatis perditioni subiicitur, etiam si tenere fidem verbis (quam negat facto) videatur, ca. cum omnis, c. ventum est, §. his ita, & cap. Petrus, 1. quæst. 1.

7. Perpetua damnatio: si simoniacus in hoc crimine perseveret, nec resipiscat, cap. si quis dator, 1. quæst. 3. cap. quos constiterit, & cap. ventum est, 1. quæst. 1.

Quæ Affinia?

Crimen auaritiæ, ambitus, vsura, furtum. Nam simoniæ crimen in Canone vocatur ardor auaritiæ, cap. si quis præbendas, 1. q. 3. Et simoniacus comparatur furi, cap. ordinationes, 1. q. 1. Et denique simonia assimilatur crimini vsurarum, Hostiens. §. qualiter, eod. tit. Sicuti etiam per ambientis petitionem eam fieri contingit, c. sicut Episcoporum, 1. q. 2. in verbis: *qua non ex ambientis petitione processit.*

Quæ Contraria?

Gratia gratis data. Vnde Leo Papa in cap. 2. 1. q. 1. Gratia, si non gratis datur, vel accipitur, gratia non est: simoniaci autem, non gratis accipiunt: igitur gratiam, quæ maxime in Ecclesiasticis Ordinibus operatur, non accipiunt: si non accipiunt non habent: si autem non habent, nec gratis, nec non gratis cuiquam dare possunt, c. gratia, 1. q. 1. Oblatio voluntaria absque vlla conditione, pacto vel promissione, c. tua nos, & c. et si quæstiones, extr. eod. Pernitiosa consuetudo, cap. ea; quæ, extr. eod.

Quæ malo inchoantur principio, non peraguntur bono exitu, cap. principatus, 1. quæst. 1.

Quod non habeo, dare non possum, cap. qui perfectionem, 1. quæst. 1.

Non superedificatur bonum opus, ubi Christus fundamentum non est, cap. cum Paulus, 1. quæst. 1.

Sicut Sol pertransiens sordida loca, non contaminatur: ita Sacramenta, administratione improborum clericorum, inefficacia non redduntur, cap. si iustus, 1. quæst. 1. & cap. nonne, 1. quæst. 1.

Charitas, quæ operit multitudinem peccatorum, proprium donum est Catholica unitatis, & pacis, cap. multa, 1. q. 1.

Simoniacorum sacramenta effectu gratiæ carent. Licet enim vera sint quò ad formam: inania tamen, & falsa sunt quantum ad effectum: cum non possint in cordibus hominum gignere, vel incendere cœlestem gratiam, cap. sicut Eunuchus, 1. q. 1. Contrarium videtur dici in cap. statuimus, ut sicut, §. sicut, 1. q. 1. Sed distingue inter Sacramenta, quæ sunt necessitatis, & quæ dignitatis, ut ibidem.

Tanò grauiora sunt delicta, quanò diutius infœlicem animam tenuerint alligatam, cap. cum in Ecclesia, extr. eod.

Diuturnitas temporis non diminuit peccata, sed augeat, cap. non satis, extra. eodem.

Munera inuisibilis gratiæ quæstibus non sunt comparanda, cap. quicquid, 1. quæst. 1.

Quibus sua sufficiunt, Ecclesiæ alimentis non sustentantur, cap. pastor, & cap. si quis, 1. q. 2.

Quod pro necessitate temporis statutum est, cessante necessitate, pariter cessare debet, cap. quod pro, 1. q. 1.

Vilissimus reputandus est, nisi precellat scientia, & sanctitate, qui est honore præstantior, cap. vilissimus, 1. q. 1.

Baptismus, siue per bonum, siue per malum ministrum
admiri

administretur, reiterari non debet, cap. de dñis, & cap. hanc regul. 1. quest. 1.

Dum verbum accedit ad elementum, fit sacramentum, cap. 55. 1. quest. 1.

Sine fide, & charitate, nec Euangelium habetur, nec prosunt aliqua bona, cap. Marcion, 1. quest. 1.

Non meritis hominum, sed veritate Spiritus sancti peccata remittuntur, cap. vi. euidenter, & cap. multi, 1. quest. 1.

Sicut simoniaca pestis, sui magnitudine alios morbos vincit: ita sine dilatione mox, ut eius signa per aliquam personam clauerint, de Ecclesia Dei simoniacus eliminari, & repelli debet, c. sicut simoniaca, extra. eodem.

Simoniacum est, pro temporali obsequio beneficium promittere, cap. cum essent, extra. eodem.

In accipiendis, vel dandis muneribus, tria attendenda sunt maxime, persona scilicet dantis, & recipientis qualitas: Quantitas muneris, & donationis tempus, cap. eisi questio- nis, extra. eodem.

Non solum à malo, sed ab omni specie mali, est abstinendum, cap. audiuiimus, extra. eodem.

Sacramenta libere sunt conferenda: cogit tamen Orde- narius laicos observare laudabiles consuetudines, cap. ad Apo- stolicam, extra. eodem.

Simplicitas, & ignorantia in illis, quæ sunt iuris, nemi- nem excusant, cap. quoniam, extra. eodem.

Simonia est, dare pecuniam pro administratione rerum spiritualium, seu Ecclesiasticarum habenda: & dantes, & recipientes simonia damnatio inuoluit, cap. consulere, eodem.

Is, qui ordinatus fuerit, si non ex pacto, neque ex ætate, ac petitis, post acceptas chartas, & pallium offerre aliquid cuilibet ex clero, gratie tantummodo causa, voluerit, permittitur: quia eius oblatio nullam culpæ maculam ingerit, quæ non ex ambientis petitione processit, cap. sicut Episcopum, 1. quest. 2.

616 ANALYS. IURIS PONTIFICII
NE PRÆLATI VICES SVAS,
VBL ECCLESIAS, SVB
annuo censu concedant.

TITVLVS IIII.

Continuatio.

Concessio iurisdictionum, & Ecclesiarum, sub pretio, vel annuo censu, species simoniæ est, arg. ex multis, 1. q. 3.

Quæ Forma concessionis, vt inducat Simonie vitium?

Si ita concedatur: Exercebis talem iurisdictionem super tales sacerdotes, & pars lucri, vel totum lucrum sit tuum; sed mihi Episcopo, vel Archiepiscopo tantum reddes: talis concessio simoniaca est, arg. cap. ex multis, 1. q. 3. cap. quoniam in quibusdam, & cap. quoniam enormis, extr. cod. Sed si diceret: Ego tibi pro salario tuo centum dabo, & exerceas iurisdictionem, in hos sacerdotes, & tu dabis mihi totum lucrum: hæc concessio licita est, cap. militare, 2. 3. quæst. 1. Quia Episcopi exercentibus iurisdictionem Episcopalem, salarium dare possunt, cap. charitatem, 1. 2. quæst. 2. Imò licet regimen Ecclesiæ, prælatio, vel ius spirituale, sub pretio committi non possit: si tamen contingeret, prælatum infirmum esse, vel absentem, bene potest pretio dato sacerdos vicarius ibi constitui, cap. peruenit, extr. de appell. cap. de rectoribus, extr. de cler. ægiot. ca. charitatem, 1. 2. q. 1. Et ille, qui locat operas suas spirituales, non peccat, si aliunde sumptus non habeat, c. duces, 1. q. 1. Quid autem, si aliunde viuere possit? & tunc, licet, non sit simonia, est tamen res mali exempli. Et ideo non locet operas, vel impendat: quia non tenetur. Sicut etiam dicitur, quod nunquam pauperi sacerdoti, vel diuiti, nec ad diem, nec ad annum, pro diuinis officiis aliquid recipere licet, ca. in multis, extr. de magistris, in verb. & ne aliquid, &c. Nec pactum de mercede constituenda pro diuinis initium iure substituit, sed quidem pro mansionem, quam facit apud aliquam Ecclesiam, vel pro aliis beneficiis, quæ ibi facit, vel pro recompensatione damnorum, quæ sustinet occasione moræ ibi contractæ, c. ad quæstiones, extr. de rei permut. Nec obest si dicatur, quod ius percipiendi mercedem temporalem in Ecclesia non habeat, si clericus diues est: cum qui de proprio viuere possit, de bonis Ecclesiæ non debeat alimentari, c. clericos, & c. pastor, 1. q. 2. Hoc enim iuris est: quod siue sit diues, siue pauper: Quia altari seruit, de altari viuat,

viuat, c. secundum Apostolum, extr. de præben. Nec contradicunt Dd. c. clericos, & c. pastor, quæ non loquuntur de clericis seruientibus Ecclesiis, sed aliis abundantibus clericis, qui seruitia debita Ecclesiis non præstant: nec earum clerici sunt: hoc tenet Archi. c. illi qui, 1. 2. q. 2. Abb. in c. Episcopus, extr. de præben. & alij in c. postulasti, extr. de rescriptis. Iurisdictio igitur Ecclesiastica, sub annuo censu concedi, vel vendi, regulariter non potest, licet fructus Ecclesiarum, & obuentiones temporales quolibet alienationis titulo distrahantur, cap. quetelam, extr. eod. Concessione autem officij temporalis pro pecunia, turpis quæstus quæritur, non simoniæ crimen committitur, nisi habeat spirituale annexum, c. saluator, 1. q. 3.

Qui Effectus prohibita Concessionis?

Primus effectus, est sacerdotum grauamen, & subuersio iudiciorum, c. 2. extr. eod. Quia si iurisdictio vendi posset, emptor maiores faceret condemnationes: & sic aggrauaret, & iudicia subuerterentur æquitate repulsa.

2. Offensio Dei, & legis, c. qui rectè, 1. 1. q. 3. Quia cum prælatus gratis debeat iudicare, cap. non sanè, 1. 4. q. 5. & mundas seruare manus, nullumque contingere lucrum, c. cum æterni, de re iud. in 6. si iudicia venalia exponit, Deum, & legem offendit, vt in auth. de mandatis prin. §. oportet, col. 3.

3. Obluio æternæ salutis, c. quoniam enornis, extr. eo. Cum enim regimen Ecclesiæ, vel sacerdotium sub mercede venale disponitur, ad æternæ retributionis præmium consideratio non habetur, d. c. quoniam, extr. eod.

4. Delictum simoniæ. Quia, qui vices suas, vel iurisditionem sub annuo censu concedunt, curam tradunt, c. fin. extr. de off. vica. Deinde iudicium, quod gratis prælati debent reddere, venale exponunt, c. vendentes, 1. q. 3. c. 3. extr. eod.

5. Ius spirituale, id est, iurisditionem, quæ spiritualis est, vendunt, c. ex multis, 1. q. 3. Quod nihil aliud est, quam simoniam committere, vt notatur in c. si quis Episcopus, 1. q. 1. & c. saluator, 1. q. 3. Ob id tales Prælati pœnis canonicis in simoniacos constitutis subiiciuntur, c. 2. extr. eod.

Quibus pœnis obstringuntur Prælati, vices suas, vel Ecclesiæ, sub annuo censu concedentes?

Is, qui iurisditionem Ecclesiasticam, pecunia datâ, acquirit, officio adepto priuatur, & è clero remouetur. Prælatus autem, qui talem iurisditionem sub pretio concedit, vel vendit, potestate conferendi destituitur. Et hac ratione quilibet

in eo, in quo deliquit, punitur, c. 1. & cap. 2. extr. eod. c. pastoralis, extr. de iure patronatus, c. literas, ext. de temporibus Ordinand. Quandoque Prælatus etiam deponitur, cap. dictum, 81. distin. Quandoque ad tempus, ratione dignitatis, & delicti habita, suspenditur, c. quicquid, 1. quæst. 1. Qui autem officium temporale, vel iurisdictionem secularem, data pecunia, consequitur, pœna legis Iulix, De ambitu, tenetur, l. 1. C. ad legem. Iul. de amb.

DE MAGISTRIS, ET NE aliquid exigatur pro licentia docendi.

TITVLVS V.

Continuatio.

EXactio pretij, pro docendi licentia concedenda, etiam cuiusunque consuetudinis obtentu facta, quandam simonix speciem refert, vt notat Abb. in c. 1. extr. eod. licet propriè simonia non sit, sed potius turpe lucrum appelletur, Innoc. in c. prohibeas, extr. eod.

Quis Magister, & vnde dicatur?

Magister dicitur, qui alicuius regiminis, rei, vel negotij, præ cæteris curam gerit: quicumque alium instruit, vel regit, à monendo, sine monstrando dictus, l. quibus, ff. de verb. signif. Is, qualis esse, quam scientiam, & qualiter docere debeat, vide Hostiens. §. qualis, §. quam scientiam, & §. & qualiter, eodem titul.

Quæ Forma constituendi Magistros?

Vt non solum in qualibet Ecclesia Cathedrali: sed etiam in aliis, quarum sufficere poterunt facultates, sub assignatione vnius præbendæ prouentus, constituatur magister idoneus, prouidus, honestus, & discretus, à prælato cum Capitulo, seu maiori, & saniori parte Capituli eligendus, qui Clericos Ecclesiarum ipsarum in humanioribus literis, aliisque facultatibus gratis instruat, & doceat, cap. quia nonnullis, §. verum, c. prohibeas, §. sanè, extr. eod.

Qua causa Impulsua?

Pietas, & necessitas, cap. quoniam, & cap. quia nonnullis, extr.eodem.

Quis Finis, & Effectus?

1. Ne propter inopiam, & legendi studium, & opportunitas proficiendi subtrahatur. Quoniam Ecclesia Dei, sicut pia mater providere necessitati eorum tenetur, qui parentum opibus iunari non possunt, cap. quoniam, & cap. quia nonnullis, extr.eod.

2. Ut docti habeantur clerici, qui in Ecclesia Dei, velut splendor fulgeant firmamenti, & velut stellæ in perpetuas æternitates mansuri ad iustitiam valeant plurimos erudire: quibus si proprii prouentus Ecclesiastici non sufficiant, prælatus cum Capitulo necessaria subministret. Docentes verò in Theologica facultate, dum in scholis docuerint, & Studentes in ipsa, integrè per annos quinque percipiunt de licentia sedis Apostolicæ prouentus præbendarum, & beneficiorum suorum, non obstante aliqua contraria consuetudine, vel statuto: cum denario fraudari non debeant in vinea Domini operantes, c. fin. extr.eod.

3. Licet cuilibet Magistrorum à Capitulo adsignetur vnius præbendæ Prouentus, & pro Theologo à Metropolitana tantundem: tamen propter hoc non efficiuntur Canonici: sed tamdiù tantum redditus ipsos percipiunt, quamdiù perstiterint in docendi munere, cap. quia nonnullis, §. assignetur, extr.eodem.

4. Ut quicumque viri idonei, & literati voluerint regere studia literarum, sine molestia, & exactione qualibet scholas regere permittantur. Si qui verò huiusmodi prohibitionis, vel præcepti extiterint transgressores, illi officiis, & dignitatibus priuantur. Dignum quippe videtur, ut in Ecclesia fructus sui laboris non habeat, qui cupiditate animi, dum vendit docendi licentiam, Ecclesiasticum profectum nititur impedire, c. quoniam, §. dignum, & c. quanto, vers. ut quicumque, §. cum autem, extra.eodem.

620 ANALYS. IVRIS PONTIFICII
DE IVDÆIS, SARRACENIS,
& eorum seruis.

TITVLVS VI.

Continuatio.

AD simoniæ crimen aliis vitiis propius accedit blasphemia, indecensque cultus, quo Iudæi, Sarraceni, hæretici, & cæteri, impiis sectis addicti, diuinæ traditioni aduersantur.

Qui dicuntur Iudæi?

Iudæi dicuntur, qui legibus Mosaicis, absque fide in Christum Saluatorem nostrum, adherent, easque ad literam superstitiosè obseruant, c. cum Marthæ, §. cæterum, extr. de celebrat. Missæ. & c. translatò, extr. de constit.

Vnde dicti Iudæi?

Dicti à tribu Iuda, quòd illa tribus erat cæteris præstantior. Vnde in bellis primam aciem, & regni priuilegium obtinuit: scilicet vt de ea sola Rex crearetur: sicut ex tribu Leui, sacerdotes accipiebantur, Hostiens. in §. & vnde dicantur, extr. eodem tit.

In quibus Iudæi cum Christianis eodem iure,

& priuilegiis vtuntur?

Licet propria culpa Iudæos seruituti subiecerit, ipsos tamen tolerat Christiana pietas: ita vt in multis ad parem legum obseruantiam cum Christianis obstringantur, singularibusque priuilegiis iure indultis gaudeant. Vnde in contrariis leges Christianorum sequuntur, coram iudicibus secularibus litigant, matrimonia inter se contrahunt, nec diebus sabbatinis inuiti ad iudicium trahuntur, præcipiturque Christianis, ne aut Iudæos offendant, vel contra eorum synagogam irruant, vel violentas manus rebus eorum iniiciant, l. si qua, l. nullus die sabbato l. in synagogam, C. de Iudæis, & Cælico.

*Quæ in odium Iudæi contra Iudæos iura sunt
introducenda?*

Primò, Iudæi, ab omnibus honoribus, & dignitatibus repelluntur: nouas synagogas non extruunt sub pœna statuta in l. fin. C. de Iudæis, & Cæli. & cap. Iudæi, extr. eod. 2. Vniuersitati Iudæorum non legatur, l. 1. C. eod. 3. Ab actis legitimis

mis repelluntur, c. alieni, 2. q. 7. 4. Christiana mancipia illis habere non licet, c. 1. extr. eod. 5. Ab assidua communione Christianorum abstinere tenentur, c. sæpè, 28. q. 1. 6. In diebus lamentationum, & Dominicæ passionis in publicum prodire vetantur, c. in nonnullis, extr. eod. 7. Vtriusque sexus Iudæi vti habitu, per quem à Christianis discernantur, iubentur, d. c. in nonnullis, extr. eod. 8. Iudæi medici Christianos inuifere in infirmitatibus, vel medicamenta præbere; vel cum eis in iisdem balneis esse, prohibentur, cap. nullus, & cap. omnes, 28. quæst. 1.

Quæ pœna imponitur prædicta non seruantibus?

Et certè Iudæo non contento suis finibus non est priuilegium seruandum, c. priuilegium, 1. 1. q. 3. Vnde Iudæi irruentes in conuersum ad Christi cultum, sunt concremandi, iuxta sanctionem Constantini Imperatoris, l. 2. G. eod. Sed si Iudæi sint pacifici, & quis eis res suas violenter abstulerit, tenetur duplum restituere. Quid si iudex dissimulauerit, eandem incurrit, l. Christianis, C. de paga. Et hoc secundum leges, sed secundum canones, vel officij priuatione, vel excommunicationis censura plectitur, c. sicut Iudæ, extr. eodem. Sed etsi Iudæi contra canonicas sanctiones delinquant, puniuntur quandoque in personis, cap. sæpè, dist. 28. Quandoque pecuniariter, c. cum sit, extr. eod. Et quandoque per pœnam spiritualem indirectè. Quia excommunicantur fideles eis participantés, c. etsi Iudæos, extr. eod. c. quantò, extr. de vsur. & c. de terris, extr. de decimis.

Qui dicuntur Sarraceni?

Secundum Hostiensem, Sarraceni dicuntur, qui Deos innumeros, deasque, imò dæmones colunt, & adorant: nec nouum Testamentum, nec vetus recipiunt. Quibus interdicitur in l. 2. C. de paga. ne sub nobis degentes faciant sacrificia, vel, inspecto iecore animalis, vel extis, id est, interioribus, promittant, vel diuinent aliquid futurum.

Vnde dicuntur Sarraceni?

Sarraceni, vt putat Speculator, lib. 4. par. 4. hoc tit. non dicuntur à Sara, sed à Sarraca, quæ est pars Arabiæ.

An communio Sarracenorum est permissa?

Illis, qui cum Paganis ad fidem Christianam conuertendi gratia, viuunt, communio, sanctionibus canonicis, permittitur: ita vt his cibis, qui ab infidelibus apponuntur, cum modestia, & gratiarum actione, seruata temporum qualitate, vti li-

ceat, c. quàm sit, extr. cod. Aliis autem à communione Sarracenorum, sicut & Iudæorum, sub pœna censuræ Ecclesiasticæ, abstinendum est. c. sæpe, 28. q. 1. & c. sequenti.

An Iudæus, vel Sarracenus mancipium Christianum habere potest?

Concilio Matens. sancitum est, ut nullum Christianum mancipium Iudæo seruiat, sed, datis 11. solidis, pro quolibet bono mancipio, ipsum, quicumque Christianorum seu ad ingentitatem, vel ad seruitium licentiam habeat redimendi. Quia nefas est, quem Christus redemit, blasphemum Christi in seruitutis vinculis detinere, c. 1. extr. cod. & cap. 2. cod. Vnde in legibus statutum est, ne Christianum mancipium hæreticus, Iudæus, vel paganus habeat, possideat, vel circumcidat: in tantum, ut si id circumciderit, non solum mancipij damno, verum etiam capitali sententia, ipso seruo, pro præmio libertate donando mulctetur, l. vnica, C. ne quis Christ. man. hæret. vel Iudæus, &c.

DE HÆRETICIS.

TITVLVS VII.

Continuatio.

NON minùs hæretici, quàm Iudæi, & Sarraceni suis confectis erroribus diuinam lædunt maiestatem: qui si spiritali disciplina corrigi non possunt, variis pœnis subiiciuntur, c. vergentis, extr. cod.

Quis dicitur Hæreticus?

Hæreticus est, qui alicuius temporalis commodi, & maxime vanæ gloriæ, principatusque sui gratia, falsas, & nouas opiniones vel gignit, vel sequitur, c. hæreticus, 24. q. 3.

Vnde Hæresis dicta?

Hæresis Græcè ab electione dicitur: quòd scilicet eam sibi vnusquisque eligat disciplinam, quam putat esse meliorem. Quicumque igitur aliter scripturam intelligit, quàm sensus Spiritus sancti flagitat; quo scripta est, licet ab Ecclesia non recesserit, tamen hæreticus appellari potest: & de carnis operibus est, eligens quæ peiora sunt, c. hæresis. 24. q. 3.

Quæ sunt sectæ hæreticorum, & vnde nomina sua habent?

Variæ sunt hæreticorum sectæ: quas Isid. octauo lib. Etymolo

mologiarum, cap. 5. recenset: Quidam autem hæretici, qui de Ecclesia recesserunt, ex nomine suorum authorum nuncupantur: veluti Menandriani à Menandro magno discipulo Simonis, nuncupati: qui mundum non à Deo creatum, sed ab angelis factum asseruit. Nicolaitæ, dicti à Nicolao Diacono Ecclesiæ Hierosolymorum, qui propter pulchritudinem relinquens uxorem, dixit, ut qui vellet, ea vteretur, versa est in stuprum talis consuetudo, ut inuicem coniugia commutarentur, c. quidam autem, 24. q. 3. Fotiniani à Fotino Gallogræciæ Smyrnæ Episcopo dicti, qui Hebionitarum hæresim suscitās, asseruit Christum ex Maria per Ioseph nuptiali cœtu fuisse conceptum, d. c. quidam autem. Alij verò ex causis nouorum rituum, vel opinionum nuncupantur, quas vel instituerunt, vel tutari conati sunt: cuiusmodi sunt Antropomorphitæ dicti, ex eo quòd simplicitate rustica Deum habere humana membra, quæ in diuinis libris scripta sunt, arbitrantur. Aquarij appellati, eo quòd aquam solam offerunt in calice sacramenti. Et alij, quos vide in d. c. quidam autem, 24. quæst. 3. & I. Arriani, & seq. ll. C. de hæret. & Manichæ.

Quæ causa Efficiens.

Satan, pertinacia mentis, peruersus intellectus, dissidium, imperitia, & arrogantia Doctorum, c. dixit Apostolus, cap. qui Ecclesia, cap. transferunt, 24. q. 3. c. 1. 24. q. 1. & c. ad abolendum, extr. cod.

Quæ Material?

Mendacium, & error circa articulos fidei, & sacramenta. Vnde cōstitutionibus Imperialibus hæreticorum vocabulo continentur, & latis aduersus eos sanctionibus subiiciuntur, qui vel leni argumento à iudicio Catholicæ religionis, & tramite detecti fuerint deuiare, l. omnes veritæ, C. cod. & notatur in c. ad Apostolicam, c. cum Christus, & c. qui alios, extr. cod. & cap. quid autem, 24. q. 3. & c. Acacius, 24. q. 1.

Quæ Forma?

Est erroris contra fidem Catholicam conficti cum asseueratione pertinax defensio, & approbatio. Vnde qui in Ecclesia Christi morbidum, prauumque quid sapit, si correctus, ut sanum, rectumque sequatur, resistat contumaciter, suamque pestifera, & mortifera dogmata emendare nolit, sed pertinaciter defensare persistat, proculdubio hæreticus est, c. qui in Ecclesia, 24. q. 3. multoque damnabilior illis qui errant: Quia non solum errat, sed etiam aliis offendicula erroris præparat, & confirmat.

firmat. Vnde, quia magister erroris est: non tantum hæreticus, sed etiam hæresiarcha dicendus est, c. qui aliorum, 24. q. 3. è contrariò qui sententiam suam, quamvis falsam, atque peruersam, nulla pertinaci cōtentione defendit: præsertim quam non audacia suæ præsumptionis peperit, sed a seductis, atque in errorem lapsis parentibus accepit, sollicitus quæsitâ veritate corrigi velit, inter hæreticos non est deputandus, c. dixit Apostolus, 24. quæst. 3.

Quæ causa Impulsiva?

Temporale aliquod commodum, vana gloria, principatus, c. hæreticus est, 24. q. 3.

Quæ causa permittende Hæreses?

Ideò diuina providentia multos diuersi erroris hæreticos esse permittit, vt probentur electi, teste Apostolo, 1. Corint. 2. Oportet hæreses esse, vt probati manifesti fiant, cap. ideò, 24. quæst. 3.

Quis Finis, & Effectus?

Finis, & effectus ex variis pœnis in hæreticos iure statuti colliguntur. Sunt autem canonicæ pœnæ, Excommunicatio, depositio, confiscatio, militaris persecutio, curiæ secularis traditio. Primò enim Lucius III. Canonica ordinatione sancit, vt quicumque manifestè fuerit in hæresi deprehensus, si clericus sit, totius Ecclesiastici Ordinis prærogatiua priuetur, & sic omni officio, & beneficio spoliatus Ecclesiastico, secularis potestatis relinquatur arbitrio, animaduersione debita puniendus, nisi continuò post deprehensionem erroris ad fidei Catholicæ vnitatem spontè recurrere, & errorem suum ad arbitrium Episcopi regionis publicè abiurare, & satisfactionem congruam exhibere consenserit, c. ad Apostolicam, extr. eod. cap. super, eod. tit. in 6. Si autem fuerit laicus, tunc nisi (prout dictum est) abiurata hæresi, & satisfactione exhibita cōfestim ad fidem confugerit orthodoxam, secularis iudicis arbitrio relinquatur: debitam recepturus pro qualitate facinoris ultionem. Qui verò inuenti fuerint sola suspitione notabiles, nisi ad arbitrium Episcopi, iuxta considerationem suspitionis, qualitatemque personæ propriam innocentiam congrua purgatione monstrauerint, simili sententiæ subiacebunt, cap. excommunicamus, §. qui autem. extr. eod. Illi autem, qui post abiurationem præfati erroris, vel postquam se proprii antistitis examinatione purgauerint, deprehensi fuerint in abiurata hæresim recidisse, seculari iudicio, sine vlla penitus au-

dica

dientia sunt relinquendi, dict. cap. ad Apost. eod. & cap. accus. eod. tit. in 6. Secundò, quòd bona hæreticorum ipso iure sint confiscata. Quæ bona, si eorum domini hæretici, quibus ablata sunt, in clericatu sint, vel temporali Ecclesiæ ditioni subiec. Ecclesiæ addicuntur: vel si ab aliqua Ecclesiâ stipendium habeant, ipsi Ecclesiæ, quæ stipendium eis suppeditabat, applicantur: sin autem laici sint, & imperio Principis secularis subiecti, fisco debentur, nec vnquam restituntur, nisi abnegantibus hæreticorum consortium Princeps misericordia ductus vltro restituat. Confiscationis tamen executio, vel bonorum ipsorum occupatio fieri non debet per Principes, aut alios, antequàm per Episcopum loci, vel aliam personam Ecclesiasticam, quæ super hoc habeat potestatem, sententia super eodem crimine fuerit promulgata, cap. cum secundum, eod. tit. in 6. & cap. vergentis, eod. cap. excommunicatus, §. damnati, extra. eodem.

Tertiò, licet filij pro parentibus ratione criminis patrati regulariter non puniantur, 1. quæst. 4. per tot. tamen in hæresi vltio non solum in authores scelerum, sed etiam in progeniem damnatorum, iuxta canonicas sanctiones: vt in crimine læsæ maiestatis, fertur: ita vt nec filij orthodoxi parentibus ob hæresim damnatis succedant, nec aliquis miserationis prætextus huiusmodi seueritatis censuram impedire possit, cap. vergentis, §. ne huiusmodi, extra. eod. licet leges aliud statuant, l. Manichæos, C. eodem.

Quartò, vxorum catholicarum scientet nubentium maritis hæreticis, dotes propter hæresim maritorum simul cum aliis bonis confiscantur: nisi tempore contracti in matrimonij maritos hæreticos esse ignorarent, cap. decreuit, eod. tit. in 6.

Quintò, in eo casu, quo hætedes ad successionem ob hæresim sui authoris non debent admitti, non obstante, quòd authore ipso viuente, hoc non fuerit (interueniente ipsius morte) per sententiam declaratum, ad confiscationem bonorum post mortem eiusdem, instituta accusatione proceditur, cap. accusatus, §. in eo verò, eod. tit. in 6. Proceditur autem in hæresis causa simpliciter, & de plano. Et dicta testium, accusationumque non publicantur, si periculum timeatur, cap. statuta, eod. in 6.

Sextò, Filij hæreticorum vsque ad secundum gradum lineæ paternæ, & ad primum gradum lineæ maternæ ad beneficium Ecclesiasticum, vel officium seculare, nō admittuntur: nisi parentes ante mortem se emendauerint, cap. statutum, eod. in 6.

Septimò , Absoluuntur , & liberantur à debito fidelitatis , dominij , & obsequij , quicunque lapsi in hæresim aliquo pacto tenebantur adstricti , cap. absolutos , extra. eod.

Octauò , Filius per hæresim patris liberatur eius potestate : ideò emancipatio à patre facta , etiamsi postea vitium detegatur , nullius momenti est , cap. quicunque , §. illorum , eodem in 6.

Nonò , Credentes , receptatores , defensores , & fautores hæreticorum , excommunicationis censuræ subiiciuntur ; & postquam quis talium excommunicatione fuerit notatus , si intra annum satisfacere contempserit , ex tunc ipso iure fit infamis : nec ad publica officia , seu consilia , nec ad eligendos aliquos , nec ad testimonium , nec ad hæreditatis successionem , nec ad testandi ius , vel alium iuris actum admittitur , cap. excommunicatus , §. credentes , extra. eod. cap. quicunque , §. hæretici , & cap. statutum foelicis , eodem in 6.

10. Aduocati , notarij , qui hæreticis , credentibus , fautoribus , vel defensoribus eorundem , in aliquo præstiterint patrocinium , auxilium , consilium , vel fauorem , vel instrumenta publica conscripserint , ab officio suspensi perpetuè infamiæ nota plectuntur , cap. si aduersus , extra. eod. & dict. cap. excommunicauimus , §. credentes. 11. Cadauera hæreticorum , credentium , receptatorum , defensorum , vel fautorum eorum Ecclesiasticæ sepulturæ non traduntur : si quis autem hoc scienter facere præsumperit , excommunicationis pœnam incurrit : nec absolutionis beneficium meretur , nisi propriis manibus publicè extumulet , eaque terræ proiecta relinquat , cap. quicunque hæreticos , eod. in 6. 12. Damnato authore , damnantur eius scripturæ , libri , & opera , cap. fraternitatis , extra. eod. 13. Æternæ foelicitatis iacturam faciet , & diabolo angelisque eius associabitur , nisi retracto gradu resipiscat , atque se per pœnitentiam , fidemque in Christum veram , repulsa falsa opinione , vnitati Ecclesiæ aggreget , cap. firmissimè , extra. eod. 14. In causa hæresis excommunicatus potest esse iudex , item excommunicati participes , vel socij criminis , alique intestabiles , ad testificandum admittuntur , procediturque sine strepitu , & figura iudicij , cap. in fidei , cap. præstidentes , & cap. fin. eod. in 6.

Quæ Cognata?

Schisma , apostasia , infidelitas , Iudaïsmus , hypocrisis , superstitio , relapsus abiuratione facta.

Quæ

Quæ Pugnancia?

Pura doctrina, opinio, pertinaciter tamen non defensata, fidelitas, abiuratio criminis, veritas, dona Spiritus sancti.

AXIOMATA, ET SENTENTIÆ.

Dubius in fide, infidelis est, nec ei omnino credendum est, qui fidem veritatis ignorat, cap. 1. extr. eod.

Qui alios cum potest, ab errore non reuocat, seipsum errare demonstrat, cap. 2. extra. eodem.

Omni homini, qui Ecclesie Catholica non tenet unitatem, neque Baptismus, neque elemosyna, quantumvis copiosa, neque mors pro nomine Christi suscepta proficere potest ad salutem, cap. firmissimè, extra. eod. cap. quicumque, 24. quæstio. 1.

Sicut Christus verus est Deus, ita verus est homo ex anima rationali, & humana carne subsistens, cap. cum Christus, extra. eodem.

Longè grauius est aeternum, quàm temporalem ledere maiestatem, cap. vergentis, eodem.

Iuxta Canonicas sanctiones quandoque ultio non solum in authores scelerum, sed etiam in progeniem damnatorum fertur, cap. vergentis, extra. eodem.

Heretici magistri erroris existunt: quia veritatis discipuli non fuerunt, cap. quid autem, 24. q. 3.

Diuina maledictio merito maledicti designat, capit. Deus, 24. quæst. 3.

Vbi sana fides non est, non potest esse iustitia: quia iustus ex fide viuunt, cap. ubi sana, 24. quæst. 1.

Heretici cum à fide catholica destituerint, perfectionem Spiritus, quam acceperant, amiserunt, cap. heretici, 24. q. 1.

DE SCHISMATICIS, ET ORDINATIS AB EIS.

TITVLVS VIII.

Continuatio.

Affine hæresi est schisma. Nullum enim schisma est, quod sibi non aliquam hæresim confingat. Hoc tamen inter schisma, & hæresim interest: quòd hæresis peruersum dogma habeat: schisma post episcopalem decessionem, ab Ecclesia pariter separat: quod quidem à principio aliqua ex parte intelligi potest diuersum, cap. inter hæresim, 24. quæst. 3.

Quid est Schisma?

Schisma est illicita diuisio ab vnitatem, vel vniuersitate Ecclesie, per inobedientiam facta, dict. cap. inter schisma, 24. quæstion. 3.

Vnde dicitur Schisma?

Dicitur schisma à scissura. Cum enim fides, vel Ecclesia catholica vñionem designet: si quis ab hac recedat, diuisus est, & schismaticus dicitur, cap. schisma, 24. quæst. 1.

Quot modis dicuntur Schismatici?

Dicuntur largè, minùs largè, & strictè. Largè dicuntur Schismatici, quilibet criminosi, cap. sacerdotes, 1. quæst. 1. & cap. sectandum, 24. quæst. 3. Minùs largè Schismatici dicuntur, excommunicati, cap. Apostolicæ, 24. quæst. 3. Ex quibus aliqui sunt, qui non peccant in excommunicatione mahentes, cap. inquisitioni, extra. de sentent. excommun. cap. exceptionem, extra. de except. Strictè appellantur Schismatici, qui diuisi ab vnitatem Ecclesie, peculiaribus constitutionibus factis, suos constituunt Episcopos, & presbyteros, cap. Nouatianus, 7. quæst. 1. vel qui, contemptis constitutionibus Ecclesie, contra Episcopos, & prælatos Ecclesie coniurationes, & conspirationes faciunt, cap. coniurationum, & 4. cap. sequentibus, 11. quæst. 1.

Quibus pœnis puniuntur Schismatici?

Primò, excommunicationis, & suspensionis censura feriuntur: & si non resipuerint, deponuntur, cap. in nomine Domini,

Domini, 23. dist. Et si necdum corrigi possunt, imploratur iudicis secularis officium, & brachiumulare, cap. petimus, 10. quæst. 1. & cap. quoniam in quibusdam, §. penult. & fin. extra. de off. Ordinarij. Secundò, quòd ordinationes, beneficiorum collationes, Ecclesiasticarum rerum alienationes per Schismaticos factæ, sint irritæ, cap. 1. extra. eodem. Et ordinati ab officio repellantur: nisi cum eis fuerit dispensatum, cap. fin. extra. eodem. Sed à quo ordinatus per Schismaticum, dispensationem habere debet, vt sustineatur? Et distinguitur? Aut scienter recipit Ordinem à Schismatico, & solus Papa dispensat: Vel ignorantia ductus probabili, & non supina: & tunc à discreto Prælaro prodest accepta dispensatio. Quia & ordinati ab hæretico dispensatiue admittuntur, & tolerantur in ordinibus, cap. 1. & cap. 2. extr. de ord. ab Episcopo, qui refug. Episcop. Prædictas tamen pœnas intellige de Schismaticis stricta significatione sumptis. Inter quos tamen ita distinguitur: vt Schismatici constitutis suis Episcopis, & Prælatis ab vnitatem Ecclesiæ recedentes, pœnas recensitas ipso iure incurrant, ordinatiq; ab eis ordinis executione ipso iure priuentur, & deponantur, dict. cap. 1. & 2. extra. eod. sed Schismatici, qui coniurationes contra Episcopos, & Prælatos faciunt, non sunt ipso iure suspensi, vel excommunicati; sed suspendendi, vel excommunicandi: nec eorum ordinationes ipso iure sunt irritæ, sed per censuras Ecclesiasticas inordinatas exercitas infringendæ, cap. coniurationum, 11. quæst. 1. & Innocent. in ca. quod à prædecessore, extr. eod. Tertiò puniuntur amissione fidei, iustitiæ & charitatis, cap. vbi sana fides, 24. quæst. 1. Quartò priuatione perfectionis Spiritus sancti. Qui enim à fide, & vnitatem Ecclesiæ recedit, Spiritus perfectionem amittit, cap. hæretici, 24. quæstion. 1. Quintò, perpetua damnatione. Vnde Beda super Matthæum: Quicumque ab vnitatem fidei, & societatis Petri Apostol. quolibet modo semetipsos segregauerint, tales nec vinculis peccatorum absolui, nec ianuam regni cœlestis ingredi possunt, cap. quicumque, 24. quæst. 1. & August. de fide Catholica: Omni homini, qui Ecclesiæ Catholicæ non tenet vnitatem neque Baptismus, neque eleemosyna, quantumvis copiosa, neque mors, pro nomine Christi suscepta, proficere poterit ad salutem, cap. firmissimè, extra. de hæret.

DE APOSTATIS, ET REITERANTIBVS BAPTISMA.

TITVLVS IX.

Continuatio.

Hæretici, & Schismatici deuiando à rectæ fidei tramite, & recedendo ab vnitæ Ecclesiæ, in apostasiæ crimen incidere dicuntur, cap.excommunicatus, §. 1. de hæret.

Quid est Apostasia?

Apostasia (secundum Hostiens.) est, à statu fidei obedientiæ, & religionis, quam quis professus est se tenere, temerarius recessus, Hostiens. §. quid sit, eod. tit.

Vnde dicta?

Apostasia dicitur, quasi post status. Vnde Apostata, quasi retro stans, vel retrogrediens, cap. non obseruetis, 2. 6. quæst. 7. cap. sancimus, 1. 2. quæst. 1.

Quot sunt species Apostasiæ?

Secundum Innocent. in cap. præterea, extra. eod. tres sunt species. Prima, apostasia perfidiæ: qua quis recedit à fide, quam antea colebat, sicut Iulianus apostata, cap. non potest, 2. q. 7. Secunda, apostasia inobedientiæ: qua quis præceptum maioris sui transgreditur, vel sacris statutis, & canonibus non obedit, cap. alieni, 3. q. 4. cap. si quis, extra. de maior. & obed. Quæ spes ita intelligitur, si statutis obediendum credat: alioquin est hæreticus, & schismaticus, cap. nulli, dist. 19. Tertia species est, apostasia irregularitatis, scilicet, cum quis à statu sumptæ religionis recedit, cap. fin. extr. eod. c. ex parte, extr. de temp. ord. cap. fin. dist. 50. c. quantum, dist. 47. c. beatus, 3. q. 4.

Quæ pœna in Apostatæ statuta?

Apostatæ pœnâ amittunt omnia iure communi Christianis concessa, bona eorum confiscantur (nisi habeant liberos & cognatos) & ipsi infames fiunt, accusarique possunt, absque obseruatione iudiciarij processus, etiam post mortem. Nec accusatio temporis lapsu tollitur, nisi mortuo apostata post quinquennium, l. 1. 2. 3. & 4. C. de Apostatis, cap. non potest, 2. q. 7. cap. infames, 6. q. 1. ca. celebritatem, dist. 4. Et in omnibus puniuntur vt hæretici. Quia, rei veritate inspecta, illi hæretici,

tici, & excommunicati sunt, Innocent. ca. 1. extr. eod. Apostatæ inobedienciæ, id est, qui non obediunt Prælato, vel canonibus, cum nota infamiæ repelluntur ab accusatione, & testimonio, excommunicantur, & deponuntur, & quandoque degradati iudici seculari traduntur, cap. si quis à suo, 3. q. 4. cap. si autem vobis, 10. q. 3. Apostatæ irregularitatis; ea durante ab accusatione, & testimonio repelluntur, & infames ipso iure fiunt, ca. alieni, 2. q. 7. cap. beatus, 3. quæst. 4. nec ad dignitates eligi possunt, cap. legi, 16. quæst. 1. & si post admonitionem se non correxerint, deponuntur, priuilegiisque clericis concessis priuantur, cap. sine ornatu, 22. quæst. 4. ca. sin autem, 11. quæst. 3. & cap. 1. extra. eodem.

Quæ pœna reiterationis Baptismi?

Secundum canones clerici deponuntur, cap. eos, quos, dist. 4. laici verò excommunicantur, nec ad ordines admittuntur, c. qui aliquo, dist. 51. cap. qui in qualibet, 1. q. 7. cap. 2. extr. eod. Verum secundum leges, rebaptizanti, & rebaptizato scienter, id est, non ignorantibus hoc esse prohibitum; sed dolo malo in reiterationem Baptismi consentientibus, pœna imponitur capitalis, l. 2. C. ne sanctum Baptisma iteretur. Episcopi etiam illicita usurpatione sanctitatem Baptismatis geminantes, sacerdotio destituti legitimis pœnis subiiciuntur, l. 1. C. ne sanctum baptism. iteretur, & secundum Azonem, ibidem.

DE HIS, QUI FILIOS
OCCIDERUNT.

TITVLVS X.

Continuatio.

Cum illi, quos natura in officio retinere non potest, magnitudine pœnæ à maleficiis sint subinouendi: non iniuria, grauissima pœna in patricidas, qui huius officij, obliti, naturalem coniunctionem delinquendo tollunt, statuta est.

In quibus personis, lege Pompeia, patricidam committitur? & quomodo puniatur?

Lege Pompeia de patricidiis cauetur, ait Martianns l. 1. ff. de lege Pomp. de pat. vt si quis, patrem, matrem, auum, aniam, fratrem, sororẽ, patrualem, matricalem, patruũ, auunculũ, ami-

ram, consobrinum, consobrinam, vxorem, nurum, generum, focrum, vitricum, priuignum, priuignam, patronum, patrónamve occiderit, cuiusve id dolo malo factum erit: pœna ea teneatur, quæ est legis Corneliæ de sicariis. Sed & mater, quæ filium, filiãmve occiderit, eius legis pœna afficitur: & auus, qui nepotem occiderit. Et præterea qui emit venenum, vt patri daret, quamuis conatus non sortitus fuerit effectum, l. i. ff. de lege Pomp. Pœna autem patricidij more maiorum hæc instituta fuit, vt patricida virgis sanguineis verberatus, deinde culeo insuatur, cum cane, gallo gallinaceo, vipera, & simia, atque in mare profundum culeus iactetur, vt omnium elementorum vsu viuus catere incipiat, & ei cœlum superstiti, terra mortuo auferatur, l. vnica, C. de his, qui par. vel lib. occid. Hoc ita, si mare proximum sit, alióquin bestiis obiiçitur, secundum Diui Hadriani constitutionem. Atque illa pœna lege Pomp. confirmata est, in illis personis, quæ appellatione parentum, & liberorum veniunt. Qui autem alias personas propinquitate sanguinis, vel affinitate iunctas interfecerint, pœna legis Corneliæ, & vltimo supplicio plectuntur. Sanè si per furorem aliquis parentem occiderit, impunitus erit, vt Diui Fratres super eo, qui per furorem matrem necauerat, rescripserunt. Nam furore ipso eum puniri, diligentiusque custodiendum, aut etiam vinculis coërendum sufficere putant, l. pœna patricidij, ff. de leg. Pom.

Quomodo parentes necantes filios puniuntur?

Distinguitur. Aut interfecerunt scienter, diabolo instigante: & imponenda est pœna grauior, quàm pro homicidio, cap. cum iuramento, extr. de homicid. cap. aut facta, dist. i. de pœnit. Aut non apparet, vtrum à patre, vel matre oppressus sit filius, vel suffocatus, vel propria morte defunctus: hoc casu non debent esse securi parentes, nec etiam sine pœna: sed tamen consideratio pietatis haberi debet, vbi nõ voluntas, sed euentus mortis causa fuerit. Si autem eos non later ipsos interfectores esse, scire debent se grauiter deliquisse, ideò pœnitentiam trium annorum agere debent, cap. fin. extra. cod. Mulier tamen, quòd maritus sæpè turgido vultu illi exprobrasset filium suum non esse, iracundiæ calore ducta eundem filium interficiens, debet mortuo marito perpetuò in monasterio pœnitere: si tamen timetur de inconcinentia, datur vel saltem non denegatur ipsi licentia nubendi. Cum tutius videatur, vt in Domino nubat vni soli, quàm, inhonestè multos admittat, cap.

c.veniens,ext.co. Quòd si autem maritus cum quibusdam liberis adhuc sit superstes, vxor iniuncta sceleris sui pœna, ob salutem filiorum, marito non adimenda, vel adempta, restituenda est,c.intelleximus,extr.eod.

DE INFANTIBVS, ET languidis expositis.

TITVLVS XI.

Continuatio.

AIt Paulus libro secundo sententiarum: necare videtur non tantum is, qui partum præfocat: sed & is, qui abiicit, & qui alimoniam denegat, & qui publicis locis misericordiæ causa, quam ipse non habet, exponit, l.necare, ff.de agnos. & alen.lib.

Quid Expositio infantium, & languidorum?

Expositio est, quum pater, mater, dominus: vel extraneus quidam, ipsis scientibus, & ratum habentibus, pietatis officio relegato, infantem, filium, liberum, vel seruum, ante Ecclesias, vel alium publicum locum, collocant, ad hoc, vt alij eos videntes ex commiseratione recolligant, & educant, c.si expositus, 87. dist. l. necare, ff. de agnos. & alen. lib.

Quæ causa Efficiens?

Voluntas patris, vel domini, c.vni. extr. eod. & l. i. C. cod.

Quod Obiectum?

Filius in sacris patris constitutus, seruus, vel libertus, infans, vel languidus cuiuscunque ætatis, qui exponuntur, vel, quibus alimenta denegantur, dict. cap. vnico, & l. sancimus, C. cod. & d. l. necare.

Quæ expositionis Forma?

Vt infans, liber, vel seruus, à patre vel domino, vel alio quodam extraneo, ipsis scientibus, consentientibus, vel ratum habentibus ante Ecclesiam, vel alium publicum locum absque omni pietatis ratione exponatur, c.vni. extr. eod. l. i. C. cod. vel patre, & domino ignorantibus, nec ratum habentibus extraneus quidam exponat: & contestatio per epistolam publice fiat ab eo, qui expositum collegit, vt si quis in puero ius purer habere, intra decem dies ad probandum veniat, cap. si expositus, distinct. 87.

Quis Finis?

Vt moriantur, vel ex commiseratione suscipiantur, & educantur expositi, l. sancimus, vers. & mortis fortè, C. eod. & d. c. si expositus, dist. 87.

Qui Effectus?

1. Quòd filius infans in sacris patris constitutus à patre, siue alio, sciente ipso, aut ratum habente, relegato pietatis officio, expositus, hoc ipso à potestate patriâ liberetur, cap. vni. extr. eod. 2. Quòd per talem expositionem libertus ingenuitatem, & seruus libertatem adipiscatur. Quod & de cuiuscunque ætatis languidis, si expositi fuerint, vel si alicui eorum alimenta impiè negari contigerit, est dicendum, d. cap. vni. extr. eod. 3. Quòd nec patri, domino, vel patrôno competat repetitio: nisi iis inuitis vel ignorantibus expositio facta sit: tunc enim cum conditione præstandi ea, quæ in alendo eo, vel fortè ad discendum artificium iustè consumpta sunt, restitutio fiet, l. 1. C. eod. 4. Vt contestatione per epistolam publicè facta, si nec intra decem dies quæsitus, agnitusque fuerit à patre, vel domino, qui se ignorantibus expositionem factam prætendunt, securus habeat, qui eum suscepit: Et si lapso decem dierum spacio calumniator extiterit, sicut patrum sanxit autoritas, vt homicida, Ecclesiastica districtione damnetur, c. si expositus, dist. 87. 5. Quòd illi, qui ita expositi sunt, ingenui, & liberi fiant, & mancant, nec de dominica, vel patria potestate, per expositionem vindicati, suscipientis potestati subiiciantur: sicut nec is, ob nutritionem, vel educationem, in eorum personis ius aliquod sibi vindicare potest, c. vni. extr. eod. & l. sancimus, C. eod.

DE HOMICIDIO VOLUNTARIO, VEL CASUALI.

TITVLVS XII.

Continuatio.

NON tantum inter sanguine iunctos, verum etiam inter alios temeritas lædendi, & iniustus conatus inferendi necem, prohibetur. Naturæ enim parens, & opifex omnium rerum naturalem quandam inter homines constituit cognitionem, quam qui violant, etiam aduersus Deos immortales impij iudicandi sunt. Nam ab iis constitutam societatem in-

ter homines evertunt : consequens igitur est, vt ait Florentinus, hominem hominis vitæ insidiari, nefas esse, l. vt vim, ff. de iust. & iur.

Quid Homicidium?

Homicidium est, interfectio hominis, dolo, culpa, vel ex ira, iusto dolore, metu præsentis violentiæ, vel casu, ab homine facta, cap. presbyterum, c. ad audientiam, c. lator, c. dilectus, extr. eod. c. verò, dist. 1 §. l. vt vim, ff. de iust. & iure.

Vnde dictum Homicidium?

Dictum ab homine, & cædo, quasi hominis cædium, Hosti. §. quid sit, eod. tit.

Homicidium quoduplex?

Secundum Host. duplex Nā aut spirituale est, aut corporale. Spirituale per detractionem, odium, iniquitatem, oppressionem, iniustitiam, denegationem alimentorum, & aliis variis modis committitur, c. homicidium, dist. 1. de pœn. c. pace, dist. 8 §. c. omnis, & c. homicidiorum, dist. 1. de pœn. Corporale autem aliud non est, quàm corporis peremptio, c. homicidium, dist. 1. de pœn. Et illud, vel est voluntarium, vel casuale, vt notatur in rubrica.

Quæ causa Efficiens?

Voluntas, conatus animi, vel adhibitæ violentiæ actus, cap. Henricus, extr. de cle. pug. in duel. Vnde dicitur in cap. omnis, dist. 1. de pœn. Et si gladio non occidas, voluntate tamen interficis: & is, qui telo hominis necandi causa ambulauerit, sicut is, qui hominem occiderit, vel cuius dolo malo factum erit commissum, legis Corneliæ de sicariis, pœna coercetur, l. is, qui cum telo, C. ad leg. Corn. de sicar. Quare D. Adrian. in hæc verba rescripsit, in maleficiis voluntatem, non exitum spectari, l. Diuus. & l. 1. §. Diuus, ff. ad l. Cor. de sicar.

Quod Obiectum?

Corpus humanum animatum. Nam corporis nondum formati, & inanimati homicidium non committitur: cum per homicidium exanimatio, id est, animæ à corpore separatio inducatur. Exanimatum autem corpus dici non possit, quod adhuc animam non habebat: nec possit dici animam habere, cum sensu caruerit, c. quòd verò, 3 2. q. 2. Vnde, si fœtus abigatur, antequàm verisimiliter animatus fuerit, id est, ante quadragesimum à conceptione diē, homicidium non committitur, nec abigēs vt homicida, sed mitiore pœna, lege Mosaica,
cano

canonica, & civili punitur, vt notatur in cap. Moyſes, 3 2. q. 2. cap. ſicut ex literarum, extr. eod. & l. ſi mulierem, ff. ad l. Corn. de ſicat.

Quæ Forma?

Forma committendi homicidij varia eſt. Nam aut conſulto, & dolo malo committitur, & voluntarium dicitur, c. ſignificasti, extr. eod. Aut caſu aliquo inopinato, citra dolum malum: & caſuale dicitur, vt notatur in c. Ioannes, c. exhibita, cap. dilectus, & c. ex literis, extr. eod. Aut ex iuſto dolore, & ob vim illatam, quam propuſſare leges permittunt, & ex neceſſitate præſentis violentiæ, vel iniuriæ auertendæ, & comprimendæ gratia, & coactum appellatur, l. 1. §. ſin. ff. eod. & l. 4. C. de adul. Committitur etiam vario telorum genere. Quid autem teli appellatione veniat: vide l. ſi calumniatur, §. telum, ff. de verb. ſign. & l. pen. ad l. Iul. de vi pub. & l. armorum, ff. de verb. ſignif. Committitur etiam veneficiis, & incendiis: quæ omnia lex Cornelia comprehendit. Nec non inuidendo, detrahendo, perſuadendo, decipiendo, conſuleno mala. Vnde dicitur in c. pernicioſe, diſt. 1. de pœn. pernicioſe decipiuntur, qui exiſtimant eos tantum homicidas eſſe, qui manibus hominem occidunt, & non potiùs eos, per quorum conſilium, & fraudem, & exhortationem homines extinguuntur. Homicidium enim, vt ait Cæleſtinus III. in c. Henricus, extr. de cler. pug. in duello, tam factò, quàm præcepto, ſiue conſilio, aut deſenſione patrat. Imò qui oderunt, detrahunt, & mala perſuadent alteri, pariter homicidæ ſunt, quod homicidium ſpirituale dicitur, c. homicidiorum, & c. noli, diſt. 1. de pœn.

Qui Effectus?

Effectus Homicidij à diuerſis pœnis, pro qualitate delicti, aliarumque circumſtantiarum ſtatutis ducuntur. Nam in talibus exceſſibus, non ſolum quantitatem, & qualitatem delicti, ſed ætatem, ſcientiam, ſexum, atque conditionem delinquentis, locumque, & tempus, quo delictum committitur, eſſe attendenda, Alexander III. ſtatuit, cap. ſicut dignum, extr. eodem.

Homicidium voluntarium igitur punitur ſecundum leges, pœna legis Corneliæ de ſicariis: quæ eſt: in inſulam deportatio, & omnium bonorum ademptio. Sed ſolent hodiè (vt ait Marſianus) capite puniri, niſi honeſtiore loco poſiti fuerint, quàm vt pœnam legis ſuſtineant. Humiliores enim ſolent beſtiis ſubiici, altiores in inſulam deportantur, leiuiſdem, §. legis

Legis Corneliæ, ff. ad l. Corn. de sicar. Infans autem, vel furiosus ob homicidium commissum, lege Cornelia non tenentur, cum alterum innocentia consilij tueatur, alterum fati infelicitas excuset, l. infans, ff. eod. Secundum canones autem, Episcopus absque dispensatione deponitur, & 15. annorum iniungitur pœnitentia. Presbyter 12. annis pœnitere debet, & deponitur Superioris sententia: Diaconus 10. Clericus & laicus 7. annis pœnitere debet. Et depositi, excommunicatiq; ad gradum cuiuslibet sacerdotij accedere, nullo modo presumere debent, c. si quis homicidium, dist. 5. c. si quis viduam, & c. si voluntate, dist. 50. Casuale homicidium, aut culpa fit, aut citra culpam. Culpa, vt si præceptor puerum parum beneficientem in docendo occidat, l. sed etsi, §. in. ff. ad l. Aquiliam. Præceptoris enim nimia sæuitia culpæ assignatur, l. præceptoris, ff. ad l. Aquiliam: cum levis tantum castigatio concessa sit docenti, d. l. sed etsi. Atque in huiusmodi casibus, vbi de seruo culpa occiso agitur, ex l. Aquilia ad cessationes operarum, & medicationis sumptum resarciendum ciuilitè agitur, d. l. sed etsi, & Exod. 21. 19. Ratio est: Quia culpa, quamuis lata, in l. Cornelia, pro dolo non habetur, Dd. in l. quod Nerua, ff. de pœ. Clericus autem casuale homicidium culpa comittens, iure Pontificio incurrit irregularitatem, & congruenti iniuncta pœnitentia deponitur: nec ministrare nisi in subdiaconatus officio, & minoribus ordinibus cum dispensatione permittitur, c. presbyterum, c. continebatur, c. ad audientiam, extr. eod. c. eos verò, & c. eum, qui, dist. 50. Verum citra culpam casu commissum homicidium, sicut iure ciuili, ita canonico nullam meretur pœnam, c. lator, c. dilectus, c. exhibita, extr. eod. licet ob spirituale homicidium iniungatur pœnitentia, c. si quis voluntate, dist. 50. & per tot. dist. r. de pœn,

Que Affinia?

Falsum testimonium, mala persuasio, cap. noli, distin. 1. de pœn. Omnis motus ad nocendum iniquè, c. homicidium, dist. 1. de pœn.

Que Contraria?

Præceptum decalogi: Non occides, cap. homicidium, distinct. de pœnit. homicidium iure concessum, de quo in cap. quicumque, 23. quæst. 8. & in c. miles, quæst. 5. & 23. in cap. officia, 23. quæst. 3. fortuitus casus, cap. si quis voluntate, & seq. capitulis, dist. 50.

AXIO

AXIOMATA, ET SENTENTIE.

Omnis iniquitas, & oppressio, & iniustitia, iudicium sanguinis est, & licet gladio non occidas, volumine tamen interficis, c. omnis, dist. 1. de pœn.

Homicidium lege vetitum putabatur non aliud esse, nisi corporis peremptio. Aperuit ergo Dominus, omnem iniquum motum ad nocendum fratri, in homicidii genere deputari, c. homicidium, dist. 1. de pœn.

Non ideo minus delinquit, cui sola deest facultas, c. si cui, dist. 1. de pœn.

In illos, qui Christianos persequuntur, & ex urbibus, & propriis sedibus pellunt, iuste pugnatur, cap. dispar, 23. q. 8.

Qui crimina, qua potest emendare, non corrigit, ipse committit, c. praterea, 23. q. 8.

Quicumque percutit malos: in eo, quo mali sunt, & habet causam interfectionis, minister Dei est: qui vero sine aliqua publica administratione maleficum, furem, sacrilegum, & adulterum, periurum, vel quemlibet criminofum interfecerit, aut trucidauerit, aut membris debilitauerit, velut homicida iudicabitur, & tanto acrius, quanto non sibi à Deo concessam, abusive usurpare non timuit potestatem, cap. quicumque, 23. quest. 8.

Si quatuor homines, aut quinque, seu etiam plures contra hominem unum rixati fuerint, & ab his vulneratus mortuus fuerit: quicumque eorum plagam ei imposuit, secundum statuta canonum, ut homicida iudicetur: reliqui autem, qui eum impugnabant, volentes eum interficere, similiter poeniteant. Qui nec eum impugnabant, nec vulnerabant, nec auxilio cooperatores fuerunt, sed tantum adfuerunt, extra noxam sunt, c. si quatuor, 23. q. 8.

Mali prohibendi sunt à malo, & cogendi ad bonum, cap. unum, 23. q. 6.

Non

Non ita resistamus malo, ne nos vindicta, quæ alieno malo animum pascit, nos delectet, cap. de occidendis, 23. quest. 6.

Seipsum perimere, nullæ legis auctoritate permittitur, d. c. de occidendis, in fine.

Miles cum obediens potestati, sub qua legitimè constitutus est, hominem occidit: nulla civitatis sue lege, Reus est homicidij. Imò nisi fecerit, reus est imperij deserti, atque contempti: quòd si sua sponte, absque auctoritate fecisset, in crimen effusi humani sanguinis incidisset. Itaque unde puniatur, si fecerit iniussus, inde punietur, si non fecerit iussus, cap. miles, 23. q. 5.

Homicida est, qui sponte occidit, quos index iubet occidi, c. cum minister, 23. q. 5.

Sicut iure laudatur obedientia, ita reprehenditur, qui sibi non concessa usurpat, c. lex, c. æterna, 23. q. 5.

Officia vindictæ possunt impleri boni bono animo, quomodo index, & quomodo lex, c. officia, 23. q. 5.

Non est iniquitatis, sed potius humanitatis crimen persequi, ut homo liberetur, c. non est, 23. q. 5.

Non frustrà sunt instituta regis potestas, & cognitoris ius, ungula carnificis, arma militis, disciplina dominantis, severitas etiam boni patris. Habent omnia ista modos suos, causas, rationes, utilitates: hæc cum timentur, & mali coercentur, & boni quieti inter malos vivunt, cap. non frustrà, 23. quest. 5.

Plus peccat is, qui causam mortis prabet, quàm qui occidit, c. cum homo, 23. q. 5.

Homicidas, sacrilegos, & venenarios punire, non est effusio sanguinis: sed legum ministerium, c. homicidas, 23. quest. 5. Index scelus non admittit, qui homines vincit, cap. iud. 23. quest. 5.

TITVLVS XIII.

Continuatio.

IS, qui aliquem in torneamentis interfecit, eadem pœna, quæ in homicidas constituta est, coercetur.

Quæ dicuntur Torneamenta?

Torneamenta dicuntur, nundinæ, vel feriæ, in quibus milites ex condicito conuenire, & ad ostentationem virium suarum, & audaciæ, temerè congredi solent, cap. fœlicis, extra. eodem.

An Torneamenta sunt concessa?

Canones torneamenta detestantur. Leges autē omne virtutis causa certamen initum, siue quis ceter hastā, siue pilo iaciendo, cutrendo, saliendo, luctando, pugnando, permittunt: in tantum, vt etiam in illis ex lege Titia, & Cornelia sponsionem facere liceat, l. solent, & l. in quibus, ff. de aleatoribus. Nec teneatur lege Aquilia is, qui in publico certamine damnum dedit. Sic enim inquit Vlpianus, lib. 18. ad edictum: Si in colluctatione, vel in pancratice, vel pugiles dum inter se exercentur, alius alium occiderit, si quidem in publico certamine, cessat Aquilia. Quia gloriæ causa, & virtutis, non iniuriæ gratia, videtur damnum datum. Hoc autem in seruo non procedit: quoniam ingenui solent certare: in filiofamilias vulnerato procedit, l. qua actione, §. si in colluctatione, ff. ad l. Aquiliam.

Quæ causa prohibitionis?

Euitatio periculi. Quia ex hisce hominum congressibus, non tantum vitæ, verum etiam, animæ pericula prouenire solent, quæ quantum fieri potest, declinare oportet, cum prudentis, & circumspecti sit, futura pericula præcauere, l. licet, ext. de cle. c. in nono, 22. q. 1. c. in nomine Domini. 23. dist.

Qui ad Torneamenta accedentes, & quæ pœna puniuntur?

Si ad Torneamenta accedentes se in congressu interfecerint, vel alter eorum interfectus fuerit, & intersector, & interfectus puniuntur. Intersector quidem, pœna homicidæ voluntarij. Interfectus autem, priuatione sepulturæ. Quod quidem

dem ita procedit si animo ludendi, & congregandi: non autem animo perquirendi, & percipiendi credita eò sese quis contulerit; is enim, si inopinato casu opprimatur, licet sepultura, neque vilis, neque speciosa, animæ salutem promoueat, honestè tamen eius funera celebrari debent, cap. 2. extr. cod. cap. sacris, extra. de sepult. & cap. animæ, 1. 3. quæst. 1.

DE CLERICIS PVGNANTIBVS IN DVELLO.

TITVLVS XIII.

Continuatio.

CLericus, siue alicui spontè duellum obtulerit, vel oblatum susceperit, & trucidando aduersarium, victor extiterit, instar homicidæ punitur, cap. 1. extra. cod.

Quid Duellum?

Duellum, auctore Hostiens. est singularis pugna inter aliquos ad probationis veritatem inuenta, §. qui sit, cod. tit.

Vnde dictum Duellum?

Sicuti monomachia Græcè dicitur pugna singularis inter duos: ita duellum Latine quasi duorum bellum dicitur, cap. 1. & cap. 2. extr. cod. cap. monomach. 2. quæst. 5.

Qua Forma pugnandi in Duello ad promerendum Canonis pœnam?

Vt per se, vel per alium, duellum spontè offerat, vel oblatum spontè suscipiat, vel coactus, iudice forsitan præcipiente, non tamen inuitus, cum potius debeat omnia mala tolerare, quàm malo consentire, cap. itane, 3. 2. quæst. 5. ca. ita faciat, 2. 2. q. 2. Quod si inuitus suscipiat, cum aliàs forsan enadere, vel res suas saluare non possit, tunc excusatur, cap. interfecisti, extra. de homicid. & Innocent. in cap. porro, si cler. extra. cod.

Quis huius Pugna finis?

Probatio veritatis. Nam ad probationem veritatis instituitur, & qui vicit probasse, & victus in probatione defecisse intelligitur, Hostiens. in §. quid sit, cod. tit.

Qua causa prohibitionis?

Ne Deus tentetur. Hac enim pugna Deus tentatur, capit.

Mennam, 2. quæst. 5. Deus aurem tentari non debet, cap. quare, 22. quæst. 2.

Quis Effectus?

Si clericus alicui spontè duellum obtulerit, vel oblarum susceperit, siue victor, siue victus fuerit, de rigore iuris est meritò deponendus. Sed quantumcunque eius in hoc grauis est, & enormis excessus, euadere potest depositionis sententiam, si cum ipso suus Episcopus duxerit misericorditer dispensandum: dum modò ex ipso duello homicidium, vel membro- rum diminutio non fuerit subsecuta, cap. porrò, extra. eodem. Et hoc verum, licèt non in propria persona, sed per alium pugnet, in tantum, vt peremptione hominis secuta, verus existat homicida. Cum homicidium non tantum facto, sed etiam præcepto, siue consilio, aut defensione patretur, capit. Henricus, extra. eodem.

DE SAGITTARIIS.

TITVLVS XV.

Continuatio.

Non minus sagittarij, quàm alij pugnantes, ob periculum teli, quo in opprimendis hominibus vtuntur, pœnis canonicis cœrcentur.

Qui Sagittarij, & vnde dicti?

Sagittarij sunt milites, qui in bello sagittis, id est, arcu, & balistis ad perimendos homines vtuntur, dicti à mittendis sagittis, Hostiens. hoc tit. vers. sed forte.

Quæ pœna statuta in Sagittarios?

Pœna anathematis constituta est in balistarios, & sagittarios, qui attem illam mortiferam, & odibilem contra Christianos, & Catholicos exercent, cap. vnico, extra. eod. Contra Sarracenos aurem, & alios infideles impunè exercere possunt. Cum vbi iustum prælium, (vt est illud, quod pro defensione patriæ, atis, focisque, & fide suscipitur,) non referat, qualiter, quibus armis, quo furore, qua fronte, apertane, vel occulte, & ex insidiis pugnetur, cap. dominus iubet, 23. quæst. 2.

DE

LIBER QUINTVS. 643
DE ADVLTERIIS, ET
STVPRO.

TITVLVS XVI.

Continuatio.

Adulterij crimen cæteris grauius non tantum ob id censetur, quod illa extra corpus committuntur: hoc verò solum corpus contaminat: verum etiam, quia illa vitia sibi adiuncta habet, scilicet homicidia, periuria, falsa testimonia, vim, iniuriam.

Quid est Adulterium, & vnde dictum?

Adulterium est, alieni thori violatio. Vnde adulterium dicitur, quasi ad alterius thorum accessio, cap. cum lex, §. adulterium, 3 6. quæst. 1. Nam, vt Isidorus ait, adulterium facit, qui præter suam ad alteram accedit, cap. non mœchaberis, 3 2. quæst. 6.

Quotuplex Adulterium?

Duplex: Generale scilicet, & proprium, siue speciale. Generale dicitur, quod non tantum alieni thori violationem, sed omnem illicitam fornicationem comprehendit, cap. meretrices, 3 2. quæst. 4. §. fin. Propriè autem, & specificè adulterium dicitur illicitus coitus cum vxore aliena, siue is, qui eam adulterat, vxorem habeat, siue non, 3 2. quæst. 4. & 3 2. quæst. 6. cap. non mœchaberis, linter liberas, §. 1. ff. eodem, linter stuprum, ff. de verb. sign.

Quæ causa Efficiens?

Consensus, & scientia alieni thori. Vnde si virgo nupsit nesciens viro alieno: hoc si semper nesciat, nunquam ex hoc adultera erit: si autem sciat, iam ex hoc adultera esse incipit, ex quo cum alieno sciens cubauerit. Sicut in iure prædiorum tamdiu quisque bonæ fidei possessor rectissimè dicitur, quamdiu se possidere ignorat alienam. Cum verò scierit, nec ab aliena possessione recesserit, tunc malæ fidei possessor perhibetur, & iustè iniustus possessor vocabitur, cap. si virgo, 3 4. q. 1. & 2. vel si vxor ab alio, quàm pro marito, violenter fuerit oppressa, vel ignoranter cognita, adulterium ab vxore commissum, quò ad accusationis effectum, non videtur, cap. in lectum, 3 4. quæst. 2. & l. vim passa, ff. de adult.

Quod Obiectum?

Vir, & vxor. Licet enim iure ciuili, vir coniugatus, vel solutus ad mulierem accedens non coniugatam, non committat adulterium: hoc enim iure non coniugatus vir corruptus, sed coniugata mulier corrupta adulterij crimen inducit, secus obseruatur tamen iure Pontificio, & vir adulterando grauius delinquere dicitur, quam mulier. Est enim caput mulieris ipse vir; honestiorem igitur ducere vitam, & in omnibus vitæ operibus vxorem suam excellere debet; tantò igitur grauius, ob tale delictum, eos puniri oportet, quanto magis ad eos pertinet & virtute vincere, & exemplo regere feminas, cap. indignantur, cap. non mœchaberis, 3 2. quæst. 6. Non enim commixtionem seminis, confusionem familiæ, vel incertitudinem agnitæ prolis, sicuti leges: sed delicti atrocitatem: qua quis proprium thorum violare dicitur, hoc ius Pontificium respicit,

Que Forma committendi Adulterij?

Actus violandi thori prori, vel alieni, præbito consensu committentium. Quia hoc crimen sine dolo malo committitur: nec à voluntate, sed ab actu intelligitur, l. 1 1. 2 3. 2 5. & 4 3, ff. eodem,

Quis Effectus?

Iure Canonico laicus committens adulterium excommunicatur, cap. si quis Episcopus, 27. quæst. 1. & cap. lator, 2. q. 7. clericus deponitur, d. cap. si quis Episcopus, 27. q. 1. Abb. & alij in cap. vt clericorum, & cap. peruenit, extra. eod. Licet in foro pœnitentia vtrique certa pœnitentia quoque imponatur. Laicus enim 7. annis, & clericus 10. annis pœnitere, sanctione Canonica iubentur, cap. presbyter, 8 3. dist. cap. deuotam, 27. quæst. 1. & cap. hoc ipsum, 3 3. quæst. 2. Secundum legem verò Mosaicam, mulier de adulterio conuicta lapidabatur, cap. hæc imago, 3 3. quæst. 5. ca. 1. vers. cognoscat, dist. 6. de pœnis, cap. qui sine, & cap. postulatus, 3. quæst. 7. Secundum leges ciuiles vir adulter punitur gladio, & pœna capitali, l. quamuis, C. eod. & l. transigere, C. de transact. Mulier autem adultera virgis cæsa nouella constitutione, & iure canonum, in monasterium conuicitur: quam intra biennium, maritus in gratiam recipere potest. Eo autem elapso perpetuò ibi commorari debet, etiam marito mortuo, vnà cum bonis suis, si liberos non habet; quòd si eos habet, duæ partes liberis, parentibus vna relinquenda, nouella, vt nulli, §. adulterium, auth. sed hodie, ibi Bald,

Bald. C. eod. cap. gaudemus, extra. de conuers. coniug. In accusanda autem vxore hic ordo obseruandus est: vt accusatio primo loco deferatur marito, qui iure mariti absque inscriptione, & obligatione ad talionis pœnam, accusat. Deinde agnatis, denique cuius de populo: nec enim extraneus ab omni accusandi iure, (cùm hoc iudicium inter publica referatur per l. quamuis, C. eod.) arceatur: sed tantùm ab illa accusatione, quæ iure mariti sit, & proximioribus agnatis conceditur, gloss. in l. 4. qui accusare, ff. eod. Quòd si non criminaliter, sed ciuilitè de hoc crimine agatur, primus effectus est, actio iniuriarum, quæ ipsi coniugi, cuius matrimonium flagitio alterius violatur, competit. Dubium enim non est, quin atrocissima afficiatur iniuria, cùm vtriusque familia hoc vitio quasi conspurcetur, l. quamuis, C. eod. Rom. cons. 4 § 1. ca. num. 10. & Bald. in l. 1. ff. eod. Alter effectus est, diuortium: potest enim mulier agere ad diuortium, si velit. Quo casu separabitur matrimonium, quò ad thorum: non autem quò ad substantiam matrimonij: quia hac ratione coniugibus separatis, neuter ad aliud matrimonium conuolare potest: etiamsi præcedens matrimonium ex causa consanguinitatis, vel affinitatis, nullum declarari possit, gloss. & Salyc. in d. l. 1. ff. eod. & l. consensu, C. de repud. & cap. tuæ, extra. de procur. Ex quo & alius effectus colligitur, scilicet priuatio dotis, & donationis propter nuptias. Vt enim qui illicitè diuertit, & matrimonium dissoluit: ita & qui vagis pollutionibus illud inquinat, & euertit, hac pœna coercetur, dict. l. consensu. Mulier ergo adulterij damnata dote relicta marito, priuatur: ita vt liberis in quota parte ius proprietatis reseruetur: ediuersò maritus adulterij conuictus iacturam facit donationis propter nuptias, quæ vxori vna cum dote, salua Liberis proprietate, assignatur. Donatione autem propter nuptias vel pactis dotalibus non celebratis, vel constitutis, mulieri quarta pars substantiæ mariti, peræquè, atque illo mortuo conceditur, reliquis bonis ad liberos, aut proximos hæredes redeuntibus; ita tamen, vt inde marito damnato, quo ad viuat, alimenta ad vitæ sustentationem necessaria sint præstanda, authent. vt nulliud. & authent. vt liceat matr. & auix, & l. consensu: iuncta l. fin. C. de repud. Et hanc de donatione propter nup. constitutionem quoque in bonis paraphernalibus, quæ mulier marito, extra dorem affert, obseruandam quidam putant, vt Pannorm. cap. plerumque, extra. de donat. inter virum, & c. & cap. pastoralis, extr. de iud. Boër. decif. 338. & Hip. in l. patre, num.

10. ff. de quæst. Sed & priuatim adulteria punire lege ciuili permittitur. Quia pater deprehensam filiam cum adultero occidere potest, l. nihil, l. quod ait, ff. eod. & auth. si quis, C. eod. Quod & marito post ternam denuntiationem, in adulterum, si in domo sua reperiatur, aut alioqui utilis sit, permissum est, l. marito, ff. eod. Vxorem autem ob adulterium trucidare iure canonum prohibetur, cap. inter hæc, 3 3. quæst. 2.

Quæ Affinia?

Fornicatio, stuprum, incestus, raptus, lenocinium. Quæ Gelasius in cap. lex illa, 3 6. quæst. 1. ita distinguendo describit: Fornicatio, licet videatur esse genus cuiuslibet illiciti coitus, qui fit extra uxorem legitimam, tamen specialiter intelligitur in usu viduarum, vel meretricum, vel concubinarum. Stuprum propriè, virginum est illicita defloratio: quando videlicet, non præcedenti coniugali pactione, vtriusque voluntate virgo corrumpitur, patre iniuriam ad animum statim post cognitio nem, non reuocante. Incestus est consanguineorum, vel affinium abusus. Vnde incestuosi dicuntur, qui consanguineis, & affinibus abutuntur. Raptus admittitur, cum puella violenter à domo patris abducitur, vt corrupta in uxorem habeatur: siue puellæ solummodo, siue parentibus tantum, siue vtriusque vis illata constiterit, dict. l. lex illa. Lenocinium committitur, si maritus, turpis quæstus gratia, uxorem prostituit, illamque in adulterio deprehensam retinuit, l. 2. ff. eod. Et in hos eadem pœna, quæ in adulteros, constituta est, laudilium, ff. de mi. Pœna lenocinij tenetur, & is, cuius ope, vel consilio dolo malo factum est, vt deprehensi in adulterio pecunia, vel pactione aliqua interueniente, se redimerent, l. 2. & l. castitati, C. eod. l. is, cuius, ff. eodem.

Quæ Adiacentia?

Multa sunt crimina, quæ adulterio cohærent. Vt sunt raptus, stuprum, vis, iniuria, homicidia, periuria, falsa testimonia, lenocinium, veneficium.

Quæ Pugnancia?

Præceptum decalogi, & lex diuina: Non mœchaberis: qua omnis illicitus coitus damnatur, Deut. 2 3. & 1. Cor. 5. Fides matrimonij, pactio coniugalis, thori pudor, violenta oppressio, reconciliatio. Sunt enim quidam casus, quibus, licet ad alterius thorum fiat accessio, tamen quò ad iuris effectum non committitur adulterium: ita vt nec maritus uxori crimine adulte

adulterij obicere, vel huius gratia criminale, vel ciuile iudiciū illi dictare possit. Primum est: si & ipse maritus fornicatus sit: sit enim criminis compensatio, & violatio thorū alienum non videtur, vbi nullus est thori pudor, vel respectus, sed promiscua & vulgaris, conuiiente marito, turpido, Bald. Cyn. & Salyce, in l. si ea, & l. quæ adulterium, C. cod. & per totum, 3 2. quæst. 6. 2. Si eam adulterandam tradiderit, cap. discretionem, extr. de eo, qui cog. consang. vxor. & c. 3. Si violenter fuit oppressa, l. vim passa, ff. de adult. 4. Si ignoranter fuerit cognita, cap. in lectum, 3 4. quæst. 2. 5. Si credens maritum mortuum, de licentia Episcopi nupsit alteri, cap. cum per bellicam, 3 3. quæst. 2. 6. Si post adulterium eam sibi reconciliauit, cap. quemadmodum, extra. de iureiur.

AXIOMATA, ET SENTENTIAE.

Coniunx coniugem de adulterio impetere non potest, si & ipse adulterium commississe conuincatur, cap. int. l. i. gimus, extr. eod. cap. fin. eodem.

Maritis ex suspitione uxores accusare permissum est, & in accusando praesertur ceteris, c. mariis, extr. eodem.

Maritus retinens adulteram coniugem, non peracta poenitentia, particeps est delicti, cap. si vir, extr. eod.

Stuprans virginem nondum desponsatam, tenetur eam dotare, & ducere in uxorem. Quod si noluerit cum ea contrahere, ultra praestitam dotem corporaliter castigatur, cap. 1. extra. eodem.

Hic raptum admisit, qui florem virginitalis puella renitenti violenter eripuit, cap. de raptoribus, 36. q. 1.

Vir, & Mulier vna caro sunt, cap. si cuius, 35. q. 10.

Veritas sapius exagitata magis splendescit in lucem, & perniciēs reuocata in iudicium grauius, & sine poenitentia condemnatur. Nam fructus diuinus est, iustitiam sapius recenseri, cap. graue, 35. quæst. 9.

Sententia, nisi per appellationem intra terminum lege constitutum, reuelata fuerit, irreuocabile rebus obiectis, cap. 1. 35. quæst. 9.

Quod contra interdictum, & ordinem Ecclesie factum est, ratum non haberi, tam humane, quàm divina legis proclamat auctoritas, cap. videtur, 35. q. 7.

Vsus naturalis licitus est, sicuti in coniugio: illicitus, sicut in adulterio: contra naturam verò semper illicitus, & proculdubio flagitiosior, atque turpior, cap. vsus naturalis, 32. quest. 7.

Vir caput est mulieris: melius igitur vivere debet, quàm mulier, & ipsam in omnibus bonis operibus excellere, cap. non mœchaberis, 32. quest. 6.

Mariti tanto gravius, ob flagitia patrata puniendi, quàm mulieres, quantum magis ad eos pertinet, & virtute vincere, & exemplo regere fœminas, cap. indignantur, 32. quest. 6.

Iniquum est, ut quis de alio indicare velit, & indicari de se nolit, cap. iniquum, 32. quest. 6.

Reuera non potest caro corrumpi, nisi mens fuerit ante corrupta, cap. reuera, 32. quest. 5.

Cum pudicitia sit virtus animi, comitemque habeat fortitudinem, potius qualibet mala tolerare, quàm malo consentire decernit, cap. ita ne, 32. quest. 5.

Appellatione mœchie omnis illicitus coitus intelligi debet, cap. meretrices, 32. quest. 4.

Sanctius est absque liberis esse, quàm ex illicito coitu, stirpem querere, cap. sicut, 32. quest. 4.

Qui coniugali affectu copulantur, etiamsi non causa procreandorum filiorum: sed explenda libidinis conveniant, non ideo fornicarij, sed coniuges appellantur, cap. concubina, 32. quest. 2.

Quorum unum corpus est, unus debet esse animus, cap. de nepis, 31. quest. 2.

DE RAPTORIBVS, INCEN- DIARIIS, ET VIOLATORIBVS Ecclesiarum.

TITVLVS XVII.

Continuatio.

Raptus, inquit Isidorus lib. 2. etymologiarum, c. 33. quoque illicitus coitus est, à corrumpendo dictus. Vnde qui raptu potitur, stupro fruitur, c. raptus, 3 6. q. 1.

Quotplex est?

Duplex. Aut enim circa personas, aut circa res committitur. Fraudulenta abductio personarum, raptus: violenta autem ablatio rerum, rapina dicitur, c. lex illa, 2 6. q. 1.

Quid est rapina?

Rapina est fraudulosa rei alienæ mobilis, & corporalis, vi, aut dolo malo, studiosè facta ablatio. Et hoc intellige de rebus priuatorum: aliàs diceretur committi sacrilegium, c. nulli liceat, 1 2. q. 2. c. conquestus, extr. de foro. com.

Quid Raptus?

Raptus est fœminæ innuptæ, cuius fama honesta est, inuitis, in quorum potestate est, facta abductio, cap. lex illa, 3 6. quæst. 1.

Quæ causa Efficiens?

Fraudulenta mens, & vis ad potiendum personis, & rebus alienis, adhibita, c. de raptoribus, 3 6. q. 1.

Quæ Materia, vel Obiectum?

Rapinæ materia est, res aliena mobilis, corporalis, & profana. Nam res immobiles propriè non rapiuntur, sed inuaduntur, & in rebus Ecclesiasticis si illæ rapiantur sacrilegium committi dicitur, d. c. conquestus, extr. de foro comp. & c. nulli liceat, 1 2. q. 2. Raptus autem obiectum, est fœmina honestæ famæ, siue virgo, siue vidua, siue vestalis aut monialis sit. Nam in meretricem, sicuti nec stuprum: ita nec raptus committitur, c. raptos, 3. q. 2.

Quæ Forma?

Forma rapinæ est, violenta rei alienæ mobilis corporalis, & profanæ ablatio, dolo malo facta. Forma raptus est, contra-

rio fraudulenta personæ honestæ, violenter à domo eius, in cuius potestate est, abductæ, ad hoc, vt corrupta in vxorẽ habeatur. Vnde dicit Gelasius: Raptus admittitur, cum puella violenter à domo patris abducitur, vt corrupta in vxorem habeatur: siue puellæ solummodò, siue parentibus tantum, siue vtriusque vis illata constiterit, c. lex illa, 3 6. q. 1.

Quis Finis?

Vt rebus, personisq̃ue raptis potiatur, vel vt corrupta in vxorem habeatur, d. cap. lex illa, 2 6. q. 1. & cap. apud omnipotentem, 3 6. quæst. 2.

Qui Effectus?

Rapinæ effectus est, actio Vi bonorum raptorum, quæ datur ei, ex cuius bonis res rapta est: vel cuius interest, rem non fuisse raptam, licet non habeat in bonis: vt est creditor pignus habens, depositarius, conductor, v. usufructuarius, contra raptorem, & cum, qui præbuit opem, & auxilium, hæredesq̃ue, in quantum ad eos peruenit, intra annum quidẽ utilem in quadruplũ: ita vt huic quadruplo, persecutio rei insit: post annum autem in simplum, l. 1. & 2. C. eod. Et iure Pontificio, raptores, qui suis rebus spoliant peregrinantes excommunicatione, aliisq̃ue pœnis coercentur: nisi ablata restituant, vel de restituendo cauant: de quibus habetur c. super eo, & c. excommunicationi, ext. eod. Raptus effectus, secundum leges, est pœna capitalis, intantum vt Iustiniani constitutione non solum illi, qui huiusmodi crimen commiserunt; sed &, qui inuasionis tempore eis auxilium præbuerunt, adhuc flagrante crimine comprehensi, à parentibus virginum, vel ingenuarum, vel viduarum, vel quarumlibet scæminarum, aut earum consanguineis, aut tutoribus, vel curatoribus, vel patronis, vel dominis conuicti interfici possint, l. vnica, C. de raptu virginum, seu vidua, l. nec non sanctissimo, & l. raptores, C. de Episc. & cler. sed secundum canones huiusmodi raptores cum suis adiutoribus anathemate: aut si clerici sint, proprii ordinis, & honoris priuatione coercentur, c. si quis virginem, cap. raptores, & c. eos, 3 6. quæst. 2. Sed sciendum est iure ciuili raptores non tantum, Vi bonorum raptorum: sed etiam aliis actionibus contineri posse, tam ciuilibus, vt lege Aquilia, condictione furti, rei vindicatione, aliisq̃ue condictionibus, quàm criminalibus, l. si quis in tantam, C. vnde vi, l. extat, ff. quod metus causa, tot. tit. C. ad l. Iul. de vi pri. & ad l. Iul. de vi pub. & l. vn. C. de rapt. Imò qui ex incendio, ruina, rate, nauicq̃; expugnata, aliquid rapuisse, vel

vel quid damni rebus alienis dedisse dicitur, actione in factum ex edicto de incendio, ruina, & naufragio, tenetur, l. 1. ff. eodem.

Qui dicuntur Incendiarij?

Qui data opera, ex odio, vel vindicta, ignem ad conflanda ædificia apponunt, vel apponi faciunt: non autem illi, quorum negligentia incendij fomitem præbet, cap. pessimam, 23. quæst. 8.

Quomodo Incendium coercetur?

Secundùm leges distinguitur. Aut incendium fit intra oppidum, vel ciuitatem: aut extra. Et tunc, aut data opera, dolo, vindicta, vel ex odio. Aut ex negligentia, aut fortuito. Primò: Qui data opera, inquit Vlpianus lib. 8. de officio proconsulis, in ciuitate incendium fecerint, si humiliore loco sint, bestiis subiici solent: si in aliquo gradu constituti, puniuntur capite, aut certè in insulâ deportantur, l. licere, ff. de incend. ruin. naufr. Quod & Callistrat. in l. capitalium, §. incendiarij, ff. de pœn. asserit, inquit: Incendiarij capite puniuntur, qui ob inimicitias, vel prædæ causa, incenderint intra oppidum, & plerumque viui exurantur. Vnde qui ædes, acervum ve frumenti, iuxta domum positum, cõbussit, vinctus, verberatus, igni necari (Caius teste) iubetur: si modò sciens, prudensque id commiserit, l. qui ædes, ff. de incend. rui. naufr. Qui verò casam, aut villam structo incendio conflagent, aliquanto leuius puniuntur, d. l. capitalium. Quòd si per negligentiam incendium fuerit exortum, & damno vicinis sit, ciuilliter exercetur, vt qui iactura affectus est, damni disceptet, vel modicè vindicetur, vt Callistratus vult in d. l. capitaliũ: vel, vt Caius explicat, noxam farciat, vel si minùs idoneus sit, leuius castigetur, d. l. qui ædes, ff. eod. Fortuitum autem incendium, in quo nullius culpa, luxuria, vel dolus argui potest, veniam meretur, l. si fortuito, ff. eo. De iure autem Pontificio: si quis studio, odio, vel vindicta ignem apposuerit, vel apponi fecerit, aut appositoribus consilium, vel auxilium scieret præstiterit, excommunicatur. Et si mortuus fuerit incendiarius, Christianorum priuatur sepultura. Nec absoluitur, nisi priùs damno, cui inulit, pro ratione facultatum suarum refarcito, iuret, se vltèrius ignem non appositurum. Si quis autem Archiepiscopus, vel Episcopus hoc relaxauerit, induleritque, damnum restituere: & per annum ab officio Episcopali abstinere, distictione canonica

nica compellitur, c. pessimam, 23. q. 8. c. indigne, 12. q. 3. & c. quisquis, 17. q. 3. Non tamen isti incendiarij ipso iure excommunicati intelliguntur, vt prædictis iuribus, nisi Ecclesiam, vel ædificia religiosa, cœmeterium, aliaque, quæ intra spacium priuilegiatum constructa sunt, incenderint, vel effiegerint. Illi enim, simulatque denunciati sunt, pro sacrilegis habentur, & in Ecclesia ipso iure dicuntur excommunicati: nec absoluntur, nisi per Summum Pontificem, c. tua nos, & cap. conquesti, extr. de sentent. excom. c. Canonica, 11. q. 3. c. cum deuotissima, 12. q. 2.

Quid est Sacrilegium?

Sacrilegium est, quotiens quis sacrum violat, aut auferendo sacrum de sacro, vel sacrum de non sacro, vel non sacrum de sacro, c. si quis contumax, & c. quisquis, 17. q. 4.

Quæ causa Efficiens.

Ipsa rei sacræ contrectatio, vel iniuria, violentiaque personis, vel rebus sacris adhibita, d. c. quisquis, §. sacrilegium, & c. si quis suadente, 17. q. 4.

Quæ Materia?

Res sacra, mobilis, & immobilis corporalis siue surripiatur, contrectetur, siue violetur. Vnde qui prædia Ecclesiastica inuadit, vexatque sacrilegij crimen incurrit, c. prædia, & c. cum deuotissima, 12. q. 2. Et qui non sacrum de sacro aufert: quia sacrum violare videtur, licet res, quæ sacra non sit, surripiatur, d. cap. si quis, 17. q. 4. Iure tamen ciuili si res non sacra auferatur, non sacrilegium, sed furtum committitur, l. Diuus, ff. ad l. Iul. pecul. Dicitur etiam sacrilegium committere, qui violentas, & impias manus in clericum iniecerit, dict. cap. si quis, 17. q. 4.

Quæ Forma?

Committitur sacrilegium, vel in rebus, vel in personis Ecclesiasticis. In rebus quidem, Ecclesiam infringendo, aliquid inde diripiendo, auferendo, iniuriam inferendo, prædia Ecclesiastica inuadendo, vexando, & c. cap. quisquis, 17. q. 4. & c. prædia, 12. q. 2. Et intellige, quod si quid horum fiat intra 30. passus ab Ecclesiæ ianuis: nam tot passibus vniuscuiusque Ecclesiæ reuerentia in toto circuitu defendi debet, c. diffiniuit, 17. q. 4. in personis autem, manus violentas clericis, vel personis Ecclesiasticis iniiciendo, pulsando, vinciendo, verberando, aliaque iniuria afficiendo, cap. si quis, suadente diabolo, c. quisquis, & cap. si quis, 17. q. 4. Committunt etiam improprie sacri

sacrilegium, qui contra diuinæ legis sanctitatem, aut nesciendo committunt, aut negligendo violant, & offendunt, aut qui de Principali iudicio disputant, dubitantes, an is dignus sit, quem Princeps elegerit: vel qui intra prouinciam, in qua prouinciales, & ciues habentur, officium gerendæ, aut suscipiendæ administrationis desiderant, c. si quis suadente, §. committitur, 17. quæst. 4.

Qui Effectus?

Effectus in variis sacrilegij commissi pœnis vertitur.

1. Enim cùm quis sacrilegium, rem sacram è loco sacro, publico, vel priuato, vel ex loco non sacro suffurando, perpetravit, iure pontificio inducitur aliquando pœna excommunicationis ipso iure, aliquando latæ sententiæ, vt probant Dd. in c. conquestus, ext. de foro comp. & c. conquesti, extr. de sent. excom. & pœna pecuniaria. Dicitur enim in c. si quis contumax, 17. q. 4. sacrilegium duplicem continere pœnam: pecuniariam videlicet, & excommunicationis. Pecuniaria eis persoluenda est, ad quos querimonia sacrilegij pertinet, & ideo seq. cap. quisquis, 17. q. 4. subiicitur. Quisquis inuentus fuerit reus sacrilegij, Episcopis, vel Abbatibus, siue personis, ad quos querimonia sacrilegij iuste pertinuerit, 30. libras examinati argenti purissimi componat, d. c. quisquis. Et eod. c. quisquis, §. fin. si qui monasteria, & loca Deo dicata, & Ecclesias infringunt, & deposita, vel alia, quælibet, exinde abstrahunt, damnum nouies componant, & emunitatem tripliciter, & velut sacrilegi Canonice sententiæ subigantur, & in inuasores rerum immobilium Ecclesiasticarum pœna statuta est hoc Canone. Attendendum est omnibus, ne prædia vsibus secretorum celestium dedicata, à quibusdam irruentibus vexentur: quod si quis fecerit, post debitæ ultionis acrimoniam (quæ erga sacrilegos iure promenda est) perpetua damnetur infamia, & carceri tradatur, aut exilio perpetuæ deportationis seruetur, cap. attendendum, 17. q. 4. c. prædia, & c. quicumque, 12. q. 2. Nota quoque pœnam, quæ habetur in c. de viro nefando, 12. q. 2. In hoc tamen differt ius ciuile, quod eo iure propriè sacrilegium dicatur, cùm res sacra de loco sacro publico surrepta fuerit, non autem de priuato sacro, nisi impropriè. Ob id priore casu mortis: posteriore autem arbitraria ex arbitrio iudicis pœna imponitur, Bal. & Bart. in l. sacrilegij, ff. ad leg. Iul. pecul. quod notat Hier. Zanet. tractat. de diff. Iu. Can. & ciuil. numer. 128.

2. Cùm sacrilegium perpetratur immittendo impias manus
in cle

in clericos, tunc is sacrilègus iure ciuili pœna mortis punitur, Lsi quis in hoc genus, C. de Episc. & cle. Quæ tamen cùm grauis sit, mitigata videtur ex auth. sed nouo iure, C. de Episc. & cler. quo loci scribit Bal. hodiè pœnam capitis huic sacrilegio indici, si quatuor concurrant. 1. Quòd sit clericus. 2. Quòd diuina celebrèntur. 3. Quòd sit in Ecclesia. 4. Quòd diuinum officium perturbetur. Alioqui altero ex his quatuor deficiente, pœna erit exilij. Iure autem Pontificio vulnerans, vel verberans clericum, ipso iute in maiorem excommunicationem incidit, à qua non nisi à Pontifice absolui potest, c. si quis suadente, 17. q. 4. quam constitutionem glo. ibi intelligit procedere etiam si violentia in vestes clerici committatur: quod & affirmat Innoc. in c. nuper, extr. de sent. excom. Deniq; cùm quis sacrilegium improprie committit: vt putà, quando quis legem diuinam offendit, seu quouis modo eius intellectum violat, vel cùm de autoritate Principis, Pontificis, vel Imperatoris disputat, atque dubitat. Hoc in casu pœna est arbitraria: ita sentit Franc. de Marchis, q. 8 § 9. p. 2. Et intellige: disputat de potestate Principis in his, quæ iuris sunt positiui, de quibus Princeps, cùm ius condendæ legis habeat, prq arbitrio statuere potest: non autem in his, quæ iuris diuini, naturalis, vel iurifgentium sunt: ita Crauet. conf. 241. nume. 20. & tract. de antiq. temp. prima parte, nu. 38. Committitur etiam sacrilegium violando virginitatem Deo dicatam, de cuius pœna suprà, cod. tit.

AXIOMATA, ET SENTENTIÆ.

Ratio nulla permittit, vt propriis cuiusquam vsibus applicetur, quod pro communi utilitate datum esse cognoscitur, cap. ratio, 17. quest. 4.

Reum ad Ecclesiam confugientem nemo abstrahere audeat, neque inde damnare ad pœnam, vel ad mortem: vt honor Ecclesiarum conseruetur, sed rectores Ecclesie pacem eius, & vitam, & membra obtinere studeant, cap. reum, 17. quest. 4.

Qui rapit pecuniam proximi sui, iniquitatem operatur: qui autem pecuniam, aut res Ecclesie abstulerit, sacrilegium facit, c. qui rapit, 17. q. 4.

Sacri

Sacrilegium est, quoties quis sacrum violat, aut auferendo sacrum de sacro, vel sacrum de non sacro, vel sacrum de sacro. Dicitur etiam sacrilegium committere, qui violentas & impias manus in clericum iniecerit. Porro ipsam sacrilegium duplicem continet pœnam: pecuniariam videlicet, & excommunicationis, c. si quis, 17. q. 4.

Qui sacris locis derelicta retinere contenderit, vel Ecclesie res, & facultates alienauerit, sacrilegus esse iudicatur, cap. sacrilegium, & c. omnes, 17. q. 4.

Summum in rebus bonum est iustitiam colere, ac sua cuiq; iura seruare, & in subiectos non sinere, quod potestatis est fieri, sed quod æquum est custodire, c. si seculi, 12. q. 2.

Qui abstulerit patri, aut matri aliquid, diciturque hoc peccatum non esse, homicidij particeps est. Pater noster siue dubio Deus est, qui nos creauit: mater vero nostra, Ecclesia est, qua nos in Baptismo regenerauit: ergo qui Christi pecunias & Ecclesie rapit, vel fraudat, homicida est, c. qui abstulerit, 12. quest. 2.

Rapinam emere non licet, nisi ea intentione, ut cui est ablata, restituetur, c. rapinam, 14. q. 5.

Bonus vsus non iustificat iniuste quaesita, cap. neque, 14. quest. 5.

Cum alterius detrimento alteri subuenire non licet, cap. denique, 14. q. 5.

Aliena rapere non est contra præceptum: nullo siquidem Dei mandato rapina videtur prohibita: sed nomine furti omnis tacita vsurpatio rei aliena intelligitur, cap. dixit, 14. quest. 5.

Iniuria ex affectu facientis consistit, cap. illud relatum, 15. quest. 1.

Voluntarios Reos non necessitate compulsos culpa constringit, & pœna condemnat, cap. illa cauenda, 15. questio. 1.

Qui nimio vino indulget, si qua per vinum deliquerint,
apud

apud sapientes iudices venia quidem facta, donantur: sed lenitatis damnantur auctores: c. sanè, 15. q. 1.

Si quis Ecclesiam igne combusserit, quindecim annis pœniteat, & eam sedulo restituat, & pretium pauperibus restituat, c. si quis Ecclesiam, 17. q. 4.

Res Ecclesia nullo modo distrahi possunt: Et si distractæ sint, non possidentur, c. nunc queritur, 12. q. 2.

Qui res mobiles Ecclesia rapit, vel immobiles inuadit, sacrilegij crimen incurrit, cap. pradia, & cap. in antiquis, 12. questio. 2.

DE FURTIS.

TITVLVS XVIII.

Continuatio.

Rapina, & sacrilegium species furti sunt: hinc rapinam, vel sacrilegium non permisit, qui furtum prohibuit. Cum furti nomine omnis illicita rei alienæ vsurpatio intelligatur, cap. dixit, §. obicitur, cap. pœnale est, 1. 4. q. 4. & cap. meretrices, 3. 2. q. 4.

Quid est Furtum?

Furtum, auctore Paulo, est contrectatio rei fraudulosa lucri faciendi gratia, vel ipsius rei, vel etiam vsus eius, possessionisve, quod lege naturali prohibitum est admittere, l. 1. §. furtum, ff. cod.

Quotuplex Furtum?

Duplex: Generale, & speciale. Generale est, quod omnem illicitam rei alienæ vsurpationem comprehendit. Vnde & rapina, sacrilegium, peculatus, &c. furti appellatione veniunt, d. c. meretrices, 3. 2. q. 4. & l. 1. ff. ad legem Iuliam pecul.

Quid Furtum speciale priuatum: & quomodo diuiditur?

Furtum in specie consideratum, vel est manifestum: ut cum quis adhuc in ipso actu surripiendi, vel antequàm ad locum destinatum perueniat, cum re furtiua, vel à domino rei, vel ab alio deprehenditur, l. fur est manifestus, ff. cod. Vel non manifestum:

festum : quod est, cum quis insciis aliis, rem furto ablatam in eum transfert locum, in quem sese recipere constituit, l. siue igitur, & l. seq. ff. eodem.

Vnde dicitur Furtum?

Furtum à furuo, id est, nigro dictum Labeo ait, quod clam & obscure fiat, & plerumque nocte : Vel à fraude, vt Sabinus ait ; vel à ferendo, & auferendo ; vel à Græco sermone, quo *ῥῆσις* appellantur fures. Imò, vt Paulus opinatur, Græci *ῥῆσις τοῦ φημι*, hoc est à ferendo *ῥῆσις* dixerunt, l. i. ff. eod.

Qua causa Efficiens?

Mens fraudulosa, affectus, contrectatio furantis, cap. hi, qui in furtis, §. furtum, & cap. fur autem, 14. quæst. 6. Sicuti enim nullum delictum, nec plagium, nec adulterium, nec violentia, nec homicidium, sine dolosa intentione committitur: ita nec furtum absque dolo, & contrectatione, licet voluntas, verba, vel scriptura interuenerit, fieri dicitur. Vnde sola cogitatio furti faciendi non facit furem, l. i. ff. eod. & l. si quis vxor. l. inficiando, & l. falsus, ff. eodem.

Qua Materia?

Res aliena, mobilis, corporalis, vel ipsius vsus, & possessio, siue illa res modica sit, siue magni momenti. Sicuti enim in fornicatione, non idcirco diuersa est fornicatio, si mulier sit pulchra, aut deformis, ancilla, aut ingenua, paupercula, aut opulenta : sed qualiscunque illa fuerit, vna est fornicatio : ita in furto quâtcunque quis abstulerit, furti crimen incurrit. Non enim furtum tam in quantitate rei, quàm in affectu furandi consideratur ; mens enim sola furantis attenditur, cap. fur est, & cap. hi, qui in furtis, 14. quæst. 6. Aliena res esse debet, cuius furtum factum sit : Quia in re propria furtum non committitur : nisi cum alio sit communis, l. si socius, ff. eod. nisi quis protestetur iure potius suo, quàm furti consilio uti, l. merito, ff. pro socio. Et mobilis : Quia immobilium furtum fieri nequit, l. qua re, ff. de vsucap. sicuti nec incorporaliū. Quia incorporalia nec tradi, nec possideri, nec contrectari possunt, l. seruus, §. incorporales, ff. de acqui. rerum dom. Furtum autem iure corporali, vel eius vsu, vel possessione committitur : Nam si creditor vtatur pignore, vel depositarius re deposita : vel si debitor rem pignori datam subtrahat creditori : vel si colonus, qui fundum conduxit, eo vendito dominum possessione fraudet, furtum committitur, l. cum xs, §. i. ff. eod. l. is, qui rem pignori, ff. eodem.

Quæ Forma?

Fraudulenta contrectatio rei alienæ, inuito domino facta; unde, vt furtum committi dicatur, quatuor coniunctim requiruntur. 1. Mens fraudulenta furantis, cap. fur autem, l. 4. quæst. 6. 2. Vt fiat, domino inuito, l. falsus, ff. eod. 3. Actualis contrectatio, l. inficiando, ff. eod. 4. Vt res talis sit, in qua furtum committi possit, l. 1. ff. eod. Vnde Vlpianus in l. 43. §. 4. lib. 41. ad Sabinum, hæc requisita explicans, ait: Qui alienum quid iacens lucrificandi causa sustulit, furti obstringitur, siue sciuit cuius sit, siue ignorauit. Nihil enim ad furtum minuendum facit, quod cuius sit ignoret. Quod si dominus id derelinquit, furtum non fit eius, etiam si is qui surripit, furandi animum habuerit. Nec enim furtum fit, nisi sit, cui fiat; id propositum autem nulli fit: quia etsi non fuit derelictum, putauit tamen derelictum esse: At si neque fuit, neque putauit, iacens tamen tulit, non vt lucretur, sed redditurus ei, cuius fuit, furti non tenetur. Quid si nesciat cuius fuerit? Solent, inquit Vlpianus, plerique libellum continentem se inuenisse, & redditurum ei, qui desiderauerit, & ostenderit rem suam esse, proponere; quo facto, non furandi animo se fecisse ostendunt, l. falsus creditor, §. qui alienum, ff. eodem. Non igitur solus furandi animus ad inducendum furti vitium sufficit: sed etiam desideratur, vt subsequuta actualis contrectatio in re, in qua committitur furtum, inuito domino fiat. Contrectatio bifariam hæc intelligitur, verè, & interpretatiuè. Contrectatio vera, quolibet actu, quo res furtiua abducitur, amouetur, vel transfertur, designatur, l. si quis vxori, §. si quis asinum, ff. eod. l. alienum, C. eod. §. furtum, Instit. de oblig. quæ ex delicto. l. possideri, §. si rem, ff. de possess. Interpretatiua contrectatio dicitur: quæ considerato effectu in iure pro vera habetur. Hinc falsus procurator tenetur, si volens debitum exigere, aliis delegauerit soluendum, se præsentem: nam propter præsentiam suam, in se pecunia translata videtur, l. falsus, §. si is, ff. eodem. Item is, qui opem, & auxilium ad furtum faciendum præstitit, l. is, qui opem, ff. eodem. Item receptor rerum furtiuarum, l. eos, C. eod. & qui in officio fraudulenter versantur, l. 1. §. fin. & l. 2. ff. de tute. & rat. distra. Nuncius tamen pecuniam, quæ illi perferenda commissa est, inuito domino, consumens, non pœna furti statuta, sed minori pro arbitrio iudicantis plectitur, l. ac. in l. eius, qui, ff. si cer. pet.

Quæ cau procuratoria?

Circumstantiarum committendo furto inferuentium oblata occasio, commoditas occultandi, &c.

Quis Finis?

Perceptio lucri ex contrectatione rei alienæ; si enim ad alium finem, scilicet explendæ libidinis, vel alterius causa fiat, furtum non erit, l. verum est, 39. ff. eodem. Furtum enim, siue intentione lucrandi non committitur.

Quis Effectus?

Actio furti pœnalis, actio ad exhibendum, rei vindicatio, & condictio furtiua. Actio furti est merè pœnalis, vel iure prætorio, vel ciuili; ad persequendam pœnam siue quadrupli, si furtum manifestum sit; vel dupli, si non manifestum, cum omnibus accessionibus, seu fructibus rei furtiue competit, l. qui sacrum, ff. eod. Et datur domino rei furto subtractæ, vel ei, cuius ex honesta, & probabili causa interest, furtum factum non esse: vt sunt creditor, commodatarius, depositarius, socius, bonæ fidei possessor, & maritus rei dotalis, l. eum, qui, §. qualis, & §. si res commodata, ff. eod. l. si socius, ff. pro socio, l. interdum, & l. cum æs, §. 1. ff. eod. Et heredibus eius, qui furtum passus est, §. non autem, Instit. de perp. & temp. actionibus contra furem, præstantemque opem, & consilium, l. 1. §. falsus, l. qui seruo, & l. in furti, ff. eod. In heredem tamen furis non exercetur, nisi de eo, quod ad ipsum ex furto petuenit scientem & contrectantem; vel si lis cum fure superstitite contestata fuerit, d. §. non autem, & §. pœnales, Instit. de perp. & temp. actionibus. Actio ad exhibendum, est præparatoria rei vindicationis. Nam competit ad exhibendam rem surreptam, vt vindicari possit, l. 1. ff. ad exhibed. Rei vindicatio domino aduersus quemlibet possessorem, vel eum, qui dolo desit possidere, ad consequendam rem furto sibi surreptam competit. Qua actione possessor conuentus rem furtiuam domino: etiam pretio non persoluto, restituere tenetur, l. in ciuilem, C. de fur. & ser. corrupt. Condictio furtiua etiam domino aduersus furem ipsum, heredemque eius, aut quemlibet successorem, siue res extet, siue perierit, p. moram, quam fur, qui primò invito domino, rem contrectauit, semper in restituenda ea facere videtur, ad restitutionem rei furtiue; etsi melior facta sit impensa ipsius furis, extorquendam, datur, l. ex argento, l. 1. & l. fin. ff. de condictio. furti. Cum igitur furti actio ad pœnæ persecutionem spectet;

condictio verò, & vindicatio, ad rei persecutionem, consequitur, recepta re, aut perempta, nihilominus furti actionem competere; condictioem verò & vindicationem tolli, sicut ex diuerso post solutam dupli, vel quadrupli pœnam, salua est vindicatio, & condictio: ita tamen, vt alterutrius electione, altera tollatur, l. si pro fure, §. furti actio, ff. de con. fur. Hodie verò constitutionibus Imperialibus, hoc furti iudicium quasi publicum constitutum est. Et fures, qui quinque solidos, vel rem eius æstimationis furati fuerint, laqueo, vel cruce; si minus, forcipe, & fustigationibus puniuntur, §. si quis quinque, cap. de pace tenenda, in vñbus feud. & const. Caroli V. Impe. articulo 160. cum duobus artic. sequentibus, in tractatu de causis criminalibus. Et hoc ob delicti huius frequentiam, qua Reipublicæ salus, ad cuius conseruationem omnes leges referendæ sunt, nimium lædi videbatur. Nam & Claudius Saturninus, legibus permissum esse tradidit, vt constituta maleficiorum supplicia in terrorem aliorum exacerberentur, si quando nimium multis grassantibus exemplo opus est, l. aut facta, §. euenit, ff. de pœnis. Canones quò ad pœnam, ita distinguunt. Aut furtum sit ob necessitatem, vt si fame, vel indigentia rerum quis oppressus furetur cibaria, vestem, vel pecus: & trium hebdomadarum iniungitur pœnitentia, cap. si quis, extra. eod. Aut nulla impellente necessitate, seu fraudulenta intentione sit furtum: & tunc, vel est occultum, aut manifestum: si occultum: & fur spontè illud fuerit confessus, quo casu tenetur ad restitutionem, & ad agendam pœnitentiam, quibus peractis ad sacros Ordines promoueri potest, cap. ex literis, extr. eod. Si autem est manifestum, & accusatus, confessus, vel furti Reus legitimè conuictus fuerit, eo casu deponitur, & in monasterium coniicitur, vel si necdum corrigibilis sit, seculari iudici legitima pœna puniendus traditur, cap. at si clerici, §. 1. & cap. cum non ab homine, extr. de iudiq. c. tur, extr. de pœnis. Aliam pœnam furis in ipso actu furandi occisi, vide in cap. 2. extra. eod. & cap. fures, 13. quæst. 2. Quomodo autem illi, qui fures & latrones in ipso delinquendi actu interficiunt, cum eos comprehendere possint, puniantur, vide cap. si fur, aut latro, 13. quæst. 1.

Quæ Affinia?

Rapina, quæ violentia: sacrilegium, quæ in re sacra sit; crimen peculatus, quod quasi publicum furtum dicitur, quo quis defraudat ararium publicum; simonia, qua simoniacus quasi furari

furari gratiam intendit: vfura, quia vfuram exercens, quodammodo furtum committit.

Que Pugnantia?

Præceptum decalogi: *Ne furtum facias*, lex diuina: ratio, & lex naturalis: *Quod tibi non vis fieri, alteri ne feceris*: ius gentium, quo dominia sunt distincta, & vnicuique suum adiudicatum, lex hoc iure, ff. de iustitia, & iure.

AXIOMATA, ET SENTENTIAE.

Non fur solum, sed & ille reus tenetur, qui furti conscius, querente possessore, non indicat, cap. qui cum fure, extr. eod.

Non est aliquid eripiendum diuitibus, ut detur egenis, cap. forte, 14. quest. 5.

Cum alterius detrimento alteri subuenire non licet, capit. denique, 14. quest. 1.

Si quid inuenisti, & nõ reddidisti, rapuisti, quantum posuisti, fecisti. Quia plus non inuenisti, igitur plus non rapuisti, cap. si quid, 14. q. 5. & cap. multi, eod.

Furti nomine omnis illicita rei aliena vsurpatio intelligitur, cap. dixit, & cap. poenale, 14. q. 5.

De malo bonum facit, qui pauperibus dispensat, quod cum labore, & sollicitudine acquisiuit: quia nomine mali, cura, & sollicitudo mortalium exprimitur, ca. qui habetis, 14. q. 5.

Quæ contra ius societatis humanae furtis, rapinis, calumniis, oppressionibus, iniurionibus, sunt ablata, reddenda potius, quàm donanda sunt, cap. non sunt, 14. q. 5.

Furtum non tam in quantitate rei, quàm in affectu furantis, consideratur, cap. hi qui, 14. q. 6.

Fur non solum in maioribus, sed in minoribus etiam indicatur. Non enim quod furto ablatum est, sed mens iurantis attenditur: quomodo in fornicatione non idcirco diuersa est fornicatio, si mulier sit pulchra, aut deformis, ancilla, aut ingenua, paupercula, aut opulenta: sed qualiscunque illa fuerit, una est fornicatio: ita in fure quantum cuique quis ab-

stulerit, furri crimen incurrit, cap. fur autem, 14. q. 6.

Voluntas, est animi motus ad aliquid imitandum, vel non imitandum, vel adipiscendum, cap. quod autem, 15. q. 1.

Qui ob necessitatem ad se alendum furatur, pœnam regulariter in fures statutam non incurrit, cap. si quis, extra. eod.

DE VSVRIS.

TITVLVS XIX.

Continuatio.

VSura cum furto affinitatem quandam habet: cum hoc vitio contra diuinam legem alienæ rei illicita contrectatio fiat, cap. si quis, 14. quæst. 4.

Quid Vsuræ?

Vsura est lucrum, quod sorti mutuò datæ accedit, vel ex pacto, vel intentione mutuantis, cap. vsura, 14. quæst. 3. & cap. de elogiis, dist. 18.

Vnde dicitur vsura?

Vsura dicitur ab usu rei, id est pecuniæ. Nomine autem pecuniæ continetur quicquid homines in bonis habent, cap. totum, 1. q. 1. sed hic, cum vsura non nisi in contractu mutui committatur, usum rei, pro abusu, & consumptione ipsius rei, accipere oportet, Hostiens. §. vnde dicatur, hic.

Quotuplex Vsuræ?

Duplex: Mentalis, & conuentionalis. Mentalis est, quam sola intentio dantis absque pacto ab initio interueniente inducit, cap. consuluit, extra. eod. Conuentionalis dicitur, quando habito inter contrahentes tractatu de ultra sortem mutuatam præstando, & exigendo conuenit, cap. vsura est, 14. quæst. 3. Est & vsura vel spiritualis, quæ sacris literis commendatur, cap. sicut non suo, dist. 46. Vel corporalis, quæ omni iure improbat, de qua tot. hoc titulus.

Qua causa Efficiens?

Conuentio contrahentium, & voluntas, vel peruersa intentio mutuantis, dict. cap. vsura, 14. quæst. 3. & cap. consuluit, extra. eod. Nam si gratis aliquid detur, non est vsura, cap. de elogiis,

elogiis, dist. 18. nisi spes ultra sortem quid consequendi adsit; arg. cap. tua, extr. de sim. & cap. 1. dist. 14.

Quæ Materia?

Res, quæ functionem in suo genere recipiunt, id est, quæ consistunt pondere, numero, & mensura: ut sunt pecunia, vinum, oleum, frumentum, &c. Non enim usura committitur, nisi in contractu mutui, Hostiens. in §. & unde, hoc tit. Ergo in his rebus tantum, in quibus mutuum consistit, usura committitur. Quod intelligitur quò ad contractum: quia in alio contractu regulariter non debet committi usura, ut tradit Abb. in rub. hic, sed quò ad usuram aliud est. Nam si pro mutuo detur, vel exigatur vestis, bos, equus, capella, prædium, vel quid aliud, quod numero, pondere, & mensura non constet, usura est, ut traditur in cap. plerique, & cap. usura, 14. q. 5, si modò mutui contractus præcesserit.

Quæ Forma?

Accessio solutionis rei mutuatae, gratia ipsius rei usus et pactione interposita, vel sola lucrandi intentione exacta, vel accepta. Ut enim usura committatur, sequitur primò accessio, id est, ut sorti aliquid accedat. Quicquid enim ultra sortem datur, vel exigitur, usura est, cap. si fœneraueris, c. putant, c. plerique, 14. q. 3. Secundò requiritur mutuum, id est, ut res ex mutui contractu data sit; in aliis enim contractibus minoris mali gratia usura toleratur, Abb. in rubric. Denique pactione contrahentium, vel intentio exigentis desideratur. Quia si nullo pacto ab initio interueniente, & absque exactioe debitor aliquid gratis offerret, impune à creditore, qui mala intentione caret, recipi posset. Siquidem, ut dicitur, oblatio nullam culpæ maculam suscipiendi ingerit, quæ non ex ambientis petitione processit, cap. sicut Episcopum, 14. q. 2.

Quis Finis?

Lucrum: sine spe enim lucri usura non committitur; arg. cap. tua, extr. de simo. & cap. 1. dist. 14.

Quis Effectus?

1. Desertio agriculturæ. 2. Pauperes. Nam si licita esset usura, eius lucrum, culturæ possessionum præferretur, ex quò multorum paupertas, cum annua usurarum præstatio periculosa sit, sequeretur, Innocent. in rub. hic Usurarum enim vorago non tantum animas deuorat, sed etiam facultates exhaurit, ut ait Gregor. X. in generali Concil. Lugdun. capit. 1. eod. in 6. 3. Idololatria. Quia in diuidendo, & diligendo peccat

niam, vix euitatur idololatria; ibi enim semper est cor auari; iuxta illud: *Vbi est thesaurus tuus, ibi est cor tuum*. Et auari gratius intuentur aurum, quàm Solem, c. omnis, & c. sicut hi, dist. 47. Auarus autem, quia cultum Deo debitum nummo impendit, Idolorum cultor ab Apostolo appellatur, cap. quod autem 26. q. 4. Effectus colligitur ex pœnis in vsurarios constitutis.

Quibus modis cœrcetur?

Variis. Nam alia pœna imponitur à Canone, alia à iudice, alia ab aduersario, exceptionis obiectione. Pœna à Canone statuta triplex est. Nam Alexander in Concilio Lateranensi statuit, manifestos vsurarios, nec ad cômunionem altaris admittendos, nec in hoc vitio mortuos sepulturæ Ecclesiasticæ concedendos: nec eorum oblationes ab Ecclesia accipiendas, sed esse excommunicatos ipso iure, Innocen. super ea. quia in omnibus, extra. eod. Et qui aliquid accipiendo, vel Christianæ sepulturæ cos tradendo prædictis contrâ fecerit, eum ad restitutionem accepti compelli, & donec ad arbitrium Episcopi sui satisfaciatur, ab officij sui executione suspendi, d. cap. quia in omnibus, ext. eo. Pœna à iudice superiore profisciscitur. Nam si manifestus vsurarius, id, quod vsuræ loco exegit, restituere, & interdicto parere pertinaciter recuset, si clericus est, ab officio, & beneficio suspenditur; si laicus vsque ad dignâ satisfactionem vinculo excommunicationis obstringitur, ca. prætereà, & Innoc. c. cum tu manifestas, extr. eod. Qui si necdum resipiscat, nec obtemperare velit, degradatus seculari potestati legitime puniendus traditur, c. Canonum, c. si quis oblitus, & c. quoniam, 14. q. 4. Quam tamen pœnam desistendo vitabit, c. 1. & c. 2. dist. 47. Gregorius enim X. constitutionem Lateranensis Concilij generali constitutione confirmans, sancit: Ne collegiû, aut alia vniuersitas, vel singularis persona, cuiuscunque sit dignitatis, conditionis, vel status, alienigenas publicam scœnebrem pecuniam exercètes, aut exercere volentes, ad hoc domos in terris suis concedere, aut conductas habere, aut alias habitare permittant: sed huiusmodi manifestos vsurarios omnes intra menses tres de terris suis expellât. Qui verò contrâ fecerint, si personæ fuerint Ecclesiasticæ, Patriarchæ, Archiepiscopi, Episcopi, suspensionis; minores verò personæ singulares, excommunicationis: si autem collegium, seu alia vniuersitas, interdicti sententiam incurrunt, ca. vsurarum, eod. tit. in 6. Et Clemens V. Christianorum consortio interdictos esse iussit, quicumq; super his vsuris soluendis statuta ordinauerint, fecerint,

fecerint, scripserint, vel dictarint, qui secundum ea statuta iudicarint, oneratque fœneratores in causis fœnore vertentibus, rationum suarum libros aduersariis præferre, & exhibere. Item eos hæreticos esse decernit, qui asseuerare non dubitarint, minimè peccatum esse fœnerari, Clem. 1. §. cæterum, & §. sanè, eod. tit. Alia pœna imponitur ab aduersario ope exceptionis. Vnde, si quis impetrauerit literas super vsuris, quas ipse alij soluit, restituendis sibi, vel fructibus sibi in sortem computandis, nulli commodo ei erunt literæ impetratæ, nec auditur: nisi prius restituerit quas aliquando extorsit vsuras. Quia frustra legis auxilium inuocat, qui committit in legem, c. quia frustra, ext. eod. Sanxit enim Gregorius X. manifestum fœneratorem, nullo modo testamentis interesse, nec ad confessionem, vel absolutionem admitti: nec testamentum ipsius viribus subsistere posse, nisi de vsuris satisfecerit, vel de faciendo pro viribus facultatum idoneam cautionem præstiterit, c. quanquam, eod. tit. in 6.

Quomodo restitutio facienda, & qua forma cautionis pro facienda restitutione exhibenda?

Quanquàm vsurarij manifesti (vt inquit Gregor. X.) de vsuris, quas receperant satisfieri, expressa quantitate, vel indistinctè, in vltima voluntate mandauerint: nihilominus tamen eis Ecclesiastica sepultura denegatur, donec de vsuris ipsis fuerit (prout eorum facultates patiuntur) plenè satisfactum: vel illis, quibus facienda est restitutio, si præsto sint ipsi: aut aliis, qui eis possunt acquirere: vel eis absentibus, loci ordinario, aut eius vices gerenti, siue rectori parochiæ, in qua testator habitat, coram aliquibus fide dignis de ipsa parochia (quibus quidem Ordinario vicario, & rectori prædicto modo, cautionem huiusmodi eorum nomine licet recipere, ita quòd illis perinde actio acquiratur) aut seruo publico de ipsius Ordinarij mandato idoneè de restitutione facienda sit cautum. Cæterum si receptarum vsurarum quantitas manifesta sit, illa semper in cautione prædicta exprimi debet. Alioquin aliam cautionem recipientis huiusmodi arbitrio moderandam: ipse tamen scienter non minorem, quàm verisimiliter creditur, moderabitur. Et si secus fecerit, ad satisfactionem residui tenetur, cap. quanquam, eod. tit. in 6. Quid si nusquam appareant illi, à quibus vsuræ acceptæ sunt, cum tamen certum sit aliquibus fuisse acceptas. Hoc casu poterunt malè ablata inter pauperes distribui, c. cum tu, & c. Michael, ext. eod. Verùm vt iisdem ipsis

potius, quibus usurariè crepta sunt, reddantur, quàm incertis distribuuntur, quæ certis personis debentur, cōsultum erit publicis edictis patefacere eo loci, vbi usurę solutę sunt, vť quisquis fœnoris nomine à se aliquid sciat ablatum, id veniat recepturus, gl. in d. c. quanquam, verb. satisfieri, eod. tit. in 6. Et sciendum, quòd prædicta tñon tantùm præcedant cōtra usurarios manifestos, qui accusatione præmissa per sententiã legitimè condemnati sunt: verùm etiã contra eos, contra quos non apparet accusator, modò illos usurarios manifestos esse, aliis argumentis constiterit, c. cùm in diœcesi, ext. co. Et etiã contra hæredem fœneratoris, quod ad restitutionem attinet. Ille enim iisdem modis, quibus ipse fœnerator posset, si viueret, ad restituendas usuras compellitur, c. tua nos, ext. eod. Imò etiã contra Iudæos, qui ad restitutionem usurarum, quas Christianis extorserint, interdicta eis Christianorum communitate, & societate coguntur, c. pen. ext. eod.

Quæ Affinia?

Furtum, rapina, simonia, interesse, variiq̃ue generis accessiones, quæ ob ipsam sortem capiuntur, & turpe lucrum, quod quid sit, vide c. quicumque, 14. q. 4.

Quæ Pignantia?

Lex diuina, quæ dicit: *Mutuum dantes, nihil inde sperantes*: Christiana charitas, qua quis tenetur subuenire proximo: naturã contractus mutui: quæ parem dati desiderat restitutionem.

AXIOMATA, ET SENTENTIÆ.

Qui ex eo, quòd pecuniarum à se mutuo datarum periculum suscepit, aliquid ultra sortem percipit, fœneratoris labe non caret, c. fin. extr. eod.

Qui pro mutuata pecunia fundum pignori accepit, eius fructus, si quos percipit, in sortem acceptos ferre debet: non sibi lucrum adscribere, nisi fœneratoris nomen, & notam sibiire velit, c. 1. & c. conqueſtus, ext. eod.

Usurarius monitus non desistens: si clericus est, ab officio, & beneficio suspenditur: si laicus excommunicatur, c. prætereà, extr. eod.

Hæres usurarij filius, vel extraneus usuras extorras per defun

defunctum restituere compellitur, c. tua nos, extr. eod.

Per subtractionem communionis Christianorum, & per principes seculares cogendi sunt Iudai ad usuras restituendas, c. post miserabilem, & c. quanto, extr. eod.

Non auditur usurarius repetēs usuras: nisi prius restituat extortas, c. quia frustra, ext. eod. c. Michael. eod.

Marius recipiens pignus pro dote promissa, non tenetur fructus in sortem computare, c. salubriter, ext. eod.

Comiectus de usuraria prauitate per famam, & alia argumenta, tanquam manifestus usurarius, secundum dispositionem Lateranensis Concilij, compefci potest, c. cum in diocesi, extr. eod.

Usurarum vorago sicuti facultates exhaurit, ita animas deuorat, c. 1. eod. in 6.

Quò minor fœnatoribus aderit fœnerandi commoditas, eò magis libertas exercendi fœnus adimenda, dict. cap. usurar. eod. in 6.

Quia fœneratores ut plurimum contractus usurarios occultè ineunt, & dolosè, quòd vix conuinci possunt de usuraria prauitate, ad exhibendum, cum de usuris agitur, suarum rationum codices, censura Ecclesiastica compelluntur, Clement. uni. §. ceterum, eod.

Quicquid accedit, vel supra datum exigitur, usura est, c. putant, c. plerique, & c. si fœnerauerit, 14. q. 3.

Si quis usuram accipit, rapinam facit, vitam non vivit, c. si quis, 14. q. 4.

Non minus crudelis est, qui pauperem trucidat fœnore, quam qui diuiti sua rapit, c. quid dicam, 14. q. 4.

Ab illo iure usura exigitur, cui iure arma inferuntur, c. ab illo, 14. q. 4.

Turpe lucrum facit quicumque tempore messis, vel vindemia, non necessitate: sed propter cupiditatem, comparat annonam, vel vinum, & seruat usque dum carius vendatur, c. quicumque, 14. q. 4.

Fideli homini totus mundus diuitia sunt, infideli autem nec obolus, c. quid dicam, 14. q. 4.

DE CRIMINE FALSI.

TITVLVS. XX.

Continuatio.

VSurarij ad extorquendum illicitas vsuras plerumque falsitate vtuntur.

Quid Falsitas?

Falsitas est occultatio, vel imitatio veritatis, ad decipiendum, scienter facta, cap. homines, §. quia ergo, & c. is autem, §. nemo, 22. q. 2. c. 1. §. vterque, extr. eod.

Que causa Efficiens?

Mens conscia falsitatis, dolus malus. Falsum enim absque dolo non committitur, l. nec exemplum, C. eo. Vnde de falso, quod dicto fit, dicitur, quod nemo mentiens iudicandus sit dicere falsum, qui putat verum, quod dicit: Quia quantum in ipso est, non fallit, sed fallitur, c. is autem, §. nemo, 12. q. 2.

Que Materia?

Omnia falsa dicta, & facta, quæ animo corrumpendæ veritatis in fraudem alterius dolo malo fiunt: licet non dictum, sed falsitatis factum lex coerceat, l. 3. & 4. C. de patr. potestate.

Que Forma?

Forma committendæ falsitatis varia est. Nam aut dicto, aut scriptura, aut facto, aut vsu, committitur falsum. Dicto quidem, si falsum testimonium feratur, si loquendo occultetur veritas, & mendacium dicatur: quia & ille prodesse non vult, & iste nocere desiderat, c. 1. extr. eod. si peritium committatur, de quibus habetur per totum, 12. q. 2. & 4. & l. 1. ff. ad l. Corn. de falsis. Scriptura committitur falsum, siue quis falsum scribat, siue deleat verum, vt rei veritas non appareat. Nec distinguitur vtrum sit testamentum, instrumentumve publicum, vel priuatum, tabulæ lignæ, ceræ, vel rationes, l. 1. §. qui rationibus, ff. eod. Vnde Paulus libr. 3. ad Sabinum: Qui testamentum amouerit, celauerit, rapuerit, deleuerit, interleuerit, subiecerit, resignauerit, quive testamentum falsum scripserit, signa

signauerit, recitauerit, immutauerit dolo malo, cuiusve dolo malo id factum erit, legis Corneliae poena damnatur, l. qui testamentum, ff. eo. Et alibi, quid sit falsum, quaeritur, & videtur id esse, si quis alienum Chirographum imitetur, aut libellum, vel rationes intercidat, vel describat: non qui alias in computatione, vel ratione mentitur, l. quid sit falsum, ff. eod. Item, qui in testamento sibi aliquid adscripsit, l. impuberum, & l. si quis legatum, ff. eod. Et qui falsas leges ad obtinendam victoriam in lite allegat, iudicemque fucosè confectis mendaciis instruit, l. i. in princip. & l. fin. ff. eod. Item qui immutando literas Apostolicas falsificat, ita ut in modo dictaminis, vel in forma scripturae, vel qualitate chartae, falsitas cognoscatur: Nouem autem modis falsificandi literas Apostolicas, ex quibus varietas falsitatis deprehendi potest, tradit Inno. III. in c. licet ad regimen, extr. eod. quos ibidem vide. Facto falsum committit, qui signum adulterinum fecerit, sculpsit, partum falsum supposuerit, quo casu soli parentes accusant, aut hi, ad quos ea res pertinet. Non quilibet ex populo, ut publicam accusationem intendat, l. lege Cornelia, ff. eod. Si venditor mensuras publice probatas, vini, frumenti, vel cuiuslibet rei, aut emptor corruerit, dolo malo fraudem fecerit, l. hodie, ff. eod. Qui ad litem instituendam aduocatione, testibusve pecuniam acceperit, obligationem, pactionemve fecerit, societatem inierit, vel ut aliquid eorum fieret curauerit, l. falsi poena, & l. i. ff. eod. Item qui in aurum vitij quid addiderit, vel argenteos nummos adulterinos conflauerit, falsi crimine tenetur. Cuius poena afficitur etiam is, qui cum prohibere tale quid posset, non prohibuit, l. lege Cornelia, ff. eod. Committitur falsum, etiam ab eo, qui falsis literis scienter utitur, cap. ad falsariorum, extr. eod. & cap. accedens, eod. Qui nummos stagnos, vel plumbeos emit, vel vendit, l. lege Cornelia, ff. eod. Qui falso nomine dolo utitur. Falsi enim nominis, vel cognominis adseueratio poena falsi coercetur, teste Papiniano, l. falsi, ff. eod. sicuti & ille falsarius perhibetur, quicumque conditionem mentitus est, ad imponendum aliis: ut si quis pro milite se gerat, & falso diplomate utatur, ut tuto commere possit, l. eos qui, §. ult. ff. eod. Et denique quoties quis imitatione veri suum commodum dolo malo quaerit, cum proximi sui detrimento, falsum committere dicitur.

Quis Finis?

Ut quid dicatur, vel fiat, ne veritas appareat, & alius decipia

piatur, l. instrumentorum, & l. i. ff. eod. c. i. extr. eod. & c. beatus Paulus, 22. quæst. 2.

Qui Effectus?

Pœna, inquit Marcius, falsi, vel quasi falsi, deportatio est, & omnium bonorum publicatio: Et si seruus eorum quid admiserit, ultimo supplicio affici iubetur: & licet hæc pœna in omnis generis falsarios iure Pandectarum constituta sit, tamen etiam ciuilitè, & criminaliter de crimine falsi agi potest. Vnde Vlpian. lib. 7. ad edictum. Qui nomine prætoris literas falsas reddidisse, edictumvè falsum proposuisse dicitur, ex ea causa, actione in factum pœnali tenetur, quanquam legis Cornelie reus sit, l. qui nomine, ff. eod. Ciuilitè quidem actione in factum ad id, quod interest, d. l. qui nomine; vel ad duplum, l. hodie, ff. eod. vel ad retractandum falsum, l. 2. vbi gl. C. de fide instr. Criminaliter autem ad vindictam, l. pen. C. eod.

Quo casu iudex pro qualitate personæ, falsitatisq; commissæ (cum crimen falsi variè committatur) pœnam imponet, vel pœnam legibus constitutam moderabitur. Et ita falsitas quò atrocius crimen inducit, vel à nobiliori persona committitur, grauius punienda est. Vnde corruptæ monetæ author concrematur, l. pen. C. de fals. monet. Et qui falsis constitutionibus, nullo auctore habito, vtitur, lege Cornelia, aqua, & igni ei interdicitur, l. si. ff. eo. Nam tales falsitates quasi crimen læsæ maiestatis inducunt, l. 1. C. de fals. monet. Et nobiliores, à quibus dignitatis, honoris, bonæq; famæ conseruandę gratia ob confirmatam opinionem, qua ipsorū simplicibus promissionibus, & verbis, perinde ac si iuramenti præstiti religione essent munita, creditur, falsitas longè abesse debet, aliis in exēplum grauiori pœna afficiendi sunt, l. presbyteri, C. de Episc. & cler. Afflict. decif. 404. Iure autem Pontificio falsarij variis plectuntur pœnis: nam clerici si Pontificis literas falsasse fuerint deprehensi, omnibus officiis, & beneficiis Ecclesiasticis perpetuò priuantur: ita quòd qui per se falsitatis vitiū exercuerint, postquam per Ecclesiasticū iudicē fuerint degradati, seculari potestati secundum legitimas constitutiones puniendi tradantur: per quas & laici, qui fuerint de falsitate conuicti, & eorū fautores, adiutores, defensoresq; legitimè puniuntur. Qui verò talibus Pontificis falsis literis vtitur, si clerici fuerint, officiis, & beneficiis Ecclesiasticis spoliatur: si laici, tandiu, donec competenter satisfaciant, excommunicationi subiecti remanere coguntur: ita tamen vt in istis, & in illis malitia grauius, quam

quàm negligentia puniatur, c. ad falsarium, extr. eod. Sed si non fuerint autores illius falsitatis, desistendo possunt euitare pœnam, c. accedens, extr. eod. & l. si falsos, C. eod. Quod & de his, qui falsas literas impetrant, statuitur, d. c. ad falsarium. Qui verò alterius Principis, vel secularis sigillum falsauerit: si clericus sit, à suis ordinibus depositus, in signum facinoris patratæ impressionem alicuius characteris, quo ab aliis cognoscatur, pati, & missus in exilium, prouinciã ipsam, in qua deliquit, abiurare compellitur, c. ad audientiam, extr. eod. Sed si prælati alicuius literis, vel iudicis, falsitatem clericus adhibuerit, ab ordine depositus, & omnibus beneficiis priuatus in monasterium ad agendam pœnitentiam conuicitur. Quod ita verum est, si accusatione præuia legitimè fuerit conuictus: sed si per modum inquisitionis contra eum fuerit processum, ab officio, & beneficio suspendendus erit, donec indulgentiam sedis Apostolicæ meruerit obtinere, c. si Episcopus, distinct. 50. Abb. cap. olim, extr. de rescr. Soci. in cap. ad falsarium, extr. eod. Falsidicus autem tribus personis obnoxius sit. Primò, Deo, cuius præsentiam contemnit; ideo imponitur ei pœnitentia septem annorum, c. quicumque, 7. q. 1. Secundò, iudici, quem mentiendo fallit: ideo infamis fit, cap. si quis conuictus, 22. q. 6. & verberibus castigatur, c. illi, qui, 5. q. 5. vel extraordinariè punitur, l. nullum, C. de test. Postremò, proximo suo innocenti, quem falso testimonio lædit: ideo pro læsionis ratione punitur, c. nihilominus, 3. q. 9. c. quisquis, 11. q. 3. & c. 1. extr. eod. Et si non repiscat, vitam æternam, qua mentiendo se indignum fecit, amittit, iuxta illud: *Os, quod mentitur, occidit animam*, c. si quis ad te, 22. q. 2.

Quæ Affinia?

Mendacium, periurium peruersi humani iudicij, quorum quodlibet falsitatem in se comprehendit. Vnde etiam illi, qui talia committunt, falsarij dicuntur, gl. in cap. illud, extr. de excessi. prælator.

Quid Mendacium?

Mendacium est falsa significatio vocis cum voluntate fallendi, c. beatus, §. ille ergo falsum, 22. q. 2.

Quot genera mendacij?

Primum est capitale mendacium: quod fit in doctrina religionis, ad quod mendacium nulla conditione quis debet adduci; quia mentiri in doctrina pietatis, magnum scelus est. Secundum: Vt si aliquem lædat iniuste, quod tale est, vt nulli profit,

profit, & obfit alicui: atqui & hoc vitandum: quia nulli inferenda iniuria est. Tertium: Quod ita prodest alteri, ut obfit alteri: quamvis non ad immunditiam obfit corporalem. Nec hoc licitum est: Quia nulli cum alterius detrimento est consulendum. Quartum: Quod fit sola mentiendi, fallendique libidine, quod merum mendacium, est; necnon prohibendum, propter mendacij libidinem, quæ per seipsa vitiosa est. Quintum: Quod fit placendi cupiditate de suauiloquio. Nec hoc genere mentiendum, quia nec ipsa veritas placendi causa hominibus enuntianda est: quanto minus mendacium, quod per seipsum, quia mendacium est, utique turpe est. Sextum: Quod nulli obest, & prodest alicui: velut: si quispiam alicuius pecuniâ iniuste tollendam, sciens ubi sit, se nescire mentiatur. Nec hoc licet. Neque enim testimonij veritas pro cuiuscunque temporalis commodo, ac salute corrumpitur: ad æternam verò salutem nullus opitulante mendacio ducendus est. Septimum: Quod & nulli obest, & prodest alicui: velut si nolens hominem ad mortem quæsitum prodere, mentiatur. Nec sic mentiendum est. Non enim cuiuscunque commoditas, aut salus temporalis perficiendæ fidei præferenda est. Nec se quisquam in rectè factis nostris tam malè moveri sentiat, ut fiat etiam animo deterius, longèque à pietate remotior. Octavum: Quod & nulli obest, & ad hoc prodest, ut ab immunditia corporali aliquem rueatur. Nec hoc genere mentiendum est: Quia & in bonis castitas animæ pudicitia corporis præfertur: & in malis id, quod ipsi facimus, eò quòd fieri sinimus, nobis damnabilius est, c. primum est, 22. q. 2.

Quæ causa efficiens Mendacij?

Animus fallendi, c. beatus Paulus, 22. q. 2.

Quæ Materia?

Quævis res, quas verbis exprimimus.

Quæ Forma?

Oratio, nulla opinione: sed certa proferentis scientia ad fallendum instituta, cap. is autem, 22. q. 2. Nam quod non ex libidine fallendi procedit, propriè mendacium non est, cap. primum, 22. q. 2.

Quis Finis?

Ut alter mendacio decipiatur, c. primum, 22. q. 2.

Quis Effectus?

Priuatio vitæ æternæ, iuxta illud: Os, quod mentitur, occidet

animam, cap. si quis, 2 2. quæst. 2. Nec minùs petuli est ver-
bis, vel lingua mentiri, quàm manibus sanguinem fundere,
cap. nemo, 2 2. quæst. 2. Sciendum tamen est, quò ad effectum
non esse paria mendacia, sed multùm interesse, quo animo, &
de quibus rebus quisque mentiatur. Non enim ita peccat qui
consulendi, quomodo ille, qui nocendi voluntate mentitur:
nec tantùm nocet, qui viatorem mentiando in aduersum iter
mittit, quantùm is, qui viam vitæ mendacio fallente deprauat,
cap. mihi autem, 2 2. quæst. 2. Ergo pro ratione delicti pœ-
na infligitur. Si tamen mendacium dolo non caruit, pari pœ-
na, vt crimen falsi, cùm huic non sit absimile, coërcetur.

Quid Periurium?

Periurium committit, qui contra conscientiam suam fal-
sum iuramentum præstat, quod maius crimen ipso homici-
dio creditur esse, vt tradit Ripa in cap. ex parte, num. 3. extra.
de rescript.

Quæ causa Efficiens?

Dolus: absque enim dolo non committitur, l. qui
iurasse, ff. de iureiur.

Quæ Materia?

Res falsæ, inhonestæ, & illicitæ.

Quæ Forma?

Conscientia veritatis contrariæ, & aduersantis asseuera-
tioni, quæ interueniente iurisurandi religione per menda-
cium iniuste, & ad decipiendum facta est: Vnde dicitur in c.
in dolo, 2 2. quæst. 2. In dolo iurat, qui aliter facturus est, quàm
promittit; cùm periurium sit, nequiter decipere credentem.
Huic accedit quod iusiurandum debeat tres habere comites,
scilicet veritatem, iudicium, & iustitiam: ista si defuerint, ne-
quaquàm iuramentum erit, sed periurium, ca. animaduerten-
dum, 2 2. q. 2. & cap. innocens, 2 2. q. 4. cap. in dolo, 1 2. q. 2.

Quis Finis, & Effectus?

Quòd in foro conscientie pœnitentia 50. dictum impo-
natur, text. est in cap. quicumque, 6. quæst. 1. & cap. prædican-
dum, 2 2. quæst. 1. dicit quòd pœnitentia periurij est velut ho-
mici- dij. Ciuium autem pœnarum effectus septem sunt. 1. Priuatio omnis actionis. Alexandr. conf. 67. vol. 5. 2. Infamia
iuris, & facti, cap. infames, 6. quæst. 1. 3. Priuatio dignitatum,
cap. infamibus de reg. iur. in 6. 4. Repulsio à testificando, cap.
paruuli, 2 2. quæst. 5. 5. Ab agendo repulsio, di. 9. c. p. paruuli,

6. Priuatio beneficiorum, legum, & canonum, Panorm. in ca. quæstioni, extr. de appell. Beneficiati à beneficio remotio, & collationis beneficij annullatio, ca. quærelam, extr. de iurei. & Hostient. in cap. cum inter, extr. de excess. prela. si tamen iuramentum legitima ex causa extortum fuit; putà, per vim, vel metum, nullam pœnam incurrit, promissa non seruans, si iuramenti præstiti relaxatione consecutus fuerit. Hinc vsu frequenti obseruatur, vt subditi, qui à dominis suis absque legitima causa fuerint carceribus mancipati, nec relaxari poterint, nisi præstito iuramento de non vindicando carcere, relaxationem à iuramento ad effectum agendi in Camera Imperiali petant. Quod quomodo fiat, vide And. Geyl. obser. 22. 23. 24. & 25. lib. 1. pract. obserua. & ordinat. Cameræ part. 2. titul. 24.

Quot modis humanum iudicium peruertitur?

Quatuor modis: scilicet timore: dum metu potestatis alicuius veritatem loqui pertimescimus. Cupiditate, cum præmio alicuius animum corrumpimus. Odio: cum contra quemlibet aduersarium molimur. Amore: dum amico, vel propinquo contendimus præstare auxilium, cap. quatuor, 11. q. 3. Et hi pari pœna cum falsariis, cum illis ab similes non sint, plectuntur, l. 1. ff. eod. cap. quicumque, & cap. nemo, 10. q. 3.

Quæ Contraria?

Præceptum decalogi: Non loqueris contra proximum falsum testimonium, Exod. 13. Veritas, iustitia, illæsa conscientia.

AXIOMATA, ET SENTENTIÆ.

Quicumque aut consanguinitate, aut amicitia, seu hostili odio, vel inimicitia, in iudicando ducitur, peruertit iudicium Christi: qui est iustitia, & fructum illius verit in amaritudinem, cap. quicumque, 11. quæst. 3.

Quisquis in re cuiuslibet potestatis veritatem occultat, iram Dei super se prouocat: quia magis timet hominem, quam Deum, cap. quisquis, 11. quæst. 3.

Vterque Reus est, & qui veritatem occultat, & qui mendacium dicit: quia & ille prodesse non vult, & iste nocere adijderat, l. cap. quisquis, & cap. extra. locum.

Nemo

Nemo peritorum, aut prudentum putet, quod minus sit periculum in verbis lingua, mentiendo, quam manibus sanguinem fundendo. Melius est autem pro veritate pati supplicium, quam pro adulatione beneficium, cap. nemo, 10. q. 3.

Falsidicus testis tribus personis est obnoxius: primum Deo, cuius presentiam contemnit. Deinde iudici, quem mentiendo fallit. Postremo, innocenti, quem falso testimonio ledit, cap. 4. extra. eodem.

Qui veritatem pro pecunia negat, vel falsum testimonium contra aliquem dicit, Deum negare, vel vendere videtur, cap. unicuique, 11. quest. 3.

Grave satis est, & indecens, ut in re dubia certa deus sententia, cap. grave, 11. quest. 3.

Due sunt res necessariae, conscientia, & fama: conscientia tibi, fama proximo tuo necessaria est, cap. nolo, 12. q. 2.

In dolo iurat, qui aliter facturus est, quam promittit: cum perurium sit, nequiter decipere credentem, cap. in dolo, 22. questione 2.

Iurandum tres habet comites, veritatem scilicet, iudicium, atque iustitiam: si ista defuerint, nequaquam iuramentum erit, sed perurium, cap. animaduertendum, 22. q. 2.

Non omnis, qui falsum dicit, mentitur: sicut nec omnis, qui mentitur, falsum dicit, cap. homines, 22. q. 2.

Nemo mentiens iudicandus est, qui dicit falsum, quod putat verum: quia quantum in ipso est, non fallit ipse, sed fallitur, c. is autem, §. nemo, 22. quest. 2.

Non mentitur, qui animum fallendi non habet, cap. beatus, 22. quest. 2.

Longè tolerabilius est in his, quæ à religione fidei sententia sunt, mentiri, quam in his, sine quorum fide, vel noticia, Deus coli non potest, falli, cap. in ipsurum, 22. q. 2.

Veritas ipsa est, ut quod est dicas, cap. cum humilitatis, 22. quest. 2.

Non artificioso mendacio, nec simplici verbo oportet

quæquam decipere. *Quia quomodolibet mentiuntur quis, occidit animam, cap. nec artificioso, 22. q. 1.*

Iuramentum non debet esse vinculum iniquitatis: ergo iuramentum clerici, quo promissit concubine matrem suam cum fratribus domo se expulsurum, ab eo seruandum non est, cap. inter cetera, 22. quæst. 4.

Iuramentum illicitum dicitur, vel ex eo, quod iuratur, vel ex causa extrinseci veniendi, vel ex modo iurandi, cap. innocens, 22. quæstion. 4.

Iuramenti huiusmodi causa est: quia omnis, qui iurat, ad hoc iurat, ut quod verum est, loquatur. Et ideo inter iuramentum, & loquelam, nulla est differentia. Quia sicut in iuramento nullam conuenit esse perfidiam: ita quoque in verbis nullum debet esse mendacium, cap. iuramenti, 22. q. 5.

DE SORTILEGIIS.

TITVLVS XXI.

Continuatio.

Sortilegia etiam per falsitates, aliâque dæmonum seductionum homines à via veritatis prestigia, committuntur. His enim portentis per diabolorum fallaciam illuditur curiositas humana, quando illud impudenter appetunt scire homines, cuius inuestigationem nulla ratio permittit, cap. nec mirum, §. his ergo, 26. quæst. 5. & cap. illud quid, 26. q. 2.

Quid Sortilegium?

Sortilegium est, quoddam genus culturæ idolorum, quo per falsam, vel superstitiosam doctrinam ex quibusdam signis coniecturando, vel ex dæmonum consultationibus per ludificationes futurum prædicatur, cap. quod autem, 26. quæst. 5. & dicitur in legibus maleficium; sicut etiam iure Pontificio, cap. sortes, 26. quæst. 5.

Quotplex Sortilegium?

Duplex: Vnum, quod causa amoris concitandi paratur. Alterum, quod causa vaticinij prædicendi, & ad diuinandum, committit

committitur, de quo hoc titulo agitur. Vnde Isidorus lib.8: Erymologiarum, Sortilegos ita definit: Sortilegi sunt, qui sub nomine fictæ religionis, per quasdam, quas sanctorum, seu Apostolorum vocant sortes, diuinationis scientiam profitentur, aut quarumcunque scripturarum inspectione futura promittunt, cap. Sortilegi, 26. quæst. 1. & 2. Diuini idcò dicti sunt, quasi Deo pleni. Diuinitate enim se esse plenos simulant, & astutia quadam fraudulenta hominibus futura coniectant, cap. igitur genus, 26. quæst. 3. & 4.

Quot sint Diuinationum genera?

Varro Diuinationum genera quatuor esse asserit; scilicet, Geomantiam, à terra, Aeromantiam, ab aëre, Pyromantiam, ab igne, Hydromantiam, ab aqua dictam, cap. igitur genus, 26. q. 3. & 4. Et, vt dicitur in cap. nec mirum, 26. q. 5. Hydromantia nihil aliud est, quàm in aquarum inspectione umbras dæmonum euocare, & imagineas ludificationes eorum videre, ibique ab eis aliqua audire; vbi, adhibitis sanguine, etiam Inferos perhibentur suscitare: sicuti etiam Necromantici, quorum præcantationibus videntur resuscitati morrui, diuinare, & ad interrogata respondere. Ad quos suscitandos cadaveri sanguis adiicitur; nam amate sanguinem dæmones dicuntur: idcòque quotiescunque Necromantia fit, eror aqua miscetur, vt colore sanguinis facilius prouocentur, cap. Nec mirum, §. Nectomantici, 26. q. 5. Magi sunt, qui vulgò malefici, ob facinorum magnitudinem, nuncupantur. Hi permissu Dei elementa concutiunt, turbant mentes hominum minus confidentium in Deo, ac sine vllò veneni haustu, violentia tantum carminis interimunt: vnde Lucanus.

Mens hausti nulla sanie polluta veneni

Incanata perit.

Dæmonibus enim accitis audent ventitare, vt quoscunque suos perinant malis artibus inimicos. Hi enim sanguine videntur, & victimis, & sæpè contingunt mortuorum corpora; cap. nec mirum, §. magi sunt, 26. q. 5. Sunt & alij diuinatores; qui non ab elementis, sed aliis rebus, quibus diuinandi artem excedo, incumbunt, appellantur: vt sunt Arioli, Aruspices, Augures, Pythonissæ, Astrologi, Genethliaci, Mathematici, Goroscopi, Salitores, Arioli, ita vocati propterea, quòd circa aras idolorum; nefarias præces mittunt; & funesta sacrificia offerunt: hisque celebritatibus dæmonum accipiunt responsa: Aruspices nuncupantur horarum inspectores: dies enim, &

horas in agendis negotiis, operibusque custodiunt: & quid per singula tempora observare debeat homo, intendunt. Augures sunt, qui volatus avium, & voces intendunt, aliæque signa rerum, vel observationes improuisas hominibus occurrentes ferunt: iidem sunt & Auspices. Nam & Auspicia sunt, quæ iter facientes observant. Dicta autem sunt auspicia, & auguria, quasi avium garria, id est, avium voces, & linguæ. Item augurium quasi augerium, quod aves gerunt. Duo autem sunt auspiciorum genera: Vnum ad oculos: alterum ad aures pertinens. Ad oculos, scilicet volatus; ad aures vox avium. Pythonissæ à Pytheo Apolline dictæ, quod is auctor fuerit diuinandi. Dictus autem Apollo Pythius à pythone dracone, quem iaculis suis cœfecit. Astrologi dicti sunt, eo quod in astris augurantur. Genethliaci appellati sunt propter natalitiorum considerationes dierum. Geneses enim hominum per duodecim cœli signa describunt, siderumque cursu, nascentium mores, actus, & euentus prædicere conantur, id est, quali quis signo fuerit natus, aut quem effectum habeat vitæ, qui nascitur, interpretantur. Hi sunt, qui vulgò Mathematici vocantur, cuius superstitionis genus, cœstellationes Latini vocant, id est, notationes siderum, quomodo se habeant, cum quisque nascitur. Horoscopi dicti: quod horas natiuitatis hominum contemplantur, dissimili & diuerso facto. Salitores vocati sunt, qui dum eis membrorum quæcunque partes salierint, aliquid sibi inde prosperum seu triste significari prædicunt, c. igitur genus, 26. q. 4.

Quæ causa Efficiens?

Ipse Satan, & assensus sortilegi. Omnes enim artes huiusmodi, vel nugatoriæ, vel noxiæ superstitionis, ex quadam pestifera societate hominum, & dæmonum proficiuntur: & quasi pacta infidelis, & dolosæ amicitiae cœstituuntur, c. illud, quod, §. omnes, 26. q. 2. Hæc enim potestas immundis spiritibus ideò permittitur, vt peruersos sibi aptent, hoc est prauos homines seducant: illos scilicet, qui veritatem contemnunt, & credunt mædacio, iuxta Pauli sententiā, sanam doctrinam non ferent, sed ad alia desideria coaceruabunt sibi magistros prurientes auribus. Et à veritate quidem auditum auertent, ad fabulas autem conuertentur, onerati peccatis, ducentur variis desideriis, semper descendentes, nunquam ad scientiæ veritatem peruenientes, cap. Nec mirum, §. his ergo, 26. quæst. 5.

Quæ Materia?

Elementa, syderum motus, & cœstellationes: nec non alia
res,

res, ex quarum consideratione, vel potius inspectione, superstitionis diuination desumitur, cap. illud, 26. quæst. 2. & cap. igitur, 26. quæst. 4.

Qua Forma?

Forma ex variis diuinationum generibus colligitur: siquidem per superstitionis inspectionem Elementorum, vel per quandam falsam artem, ex quorundam signorum coniecturis collectam; vel per concitationem furoris, & demoniaci præstigij, consultationisque inanem ludificationem sortilegia committuntur. Nam præter quatuor diuinationum genera, ars, & furor quoque diuinationis genera recensentur, igitur genus, 26. q. 4. & cap. quod autem, 26. q. 5. & c. Episcopi, 26. q. 4.

Quis finis, & qua causa prohibitionis?

Ars putatur diuinandi, superstitionis, & ad idololatriam seductio. Antequam enim claresceret Euangelium, multa permittebatur, quæ tempore perfectionis disciplinæ sunt sublata. Copula namque sacerdotalis, vel consanguineorum, nec legali, nec Evangelica, vel Apostolica auctoritate prohibetur. Ecclesiastica tamen lege penitus interdicitur: sic & fors non est aliquid mali, sed res in humana dubietate diuinam iudicans voluntatem; prohibetur tamen fidelibus, ne sub diuinationis specie ad antiquos idololatriæ cultus redeant, cap. so: non est, 26. q. 1. & 2. cap. illud quod, 26. q. 1. & 2.

Qui Effectus?

Primò, quod inducat hæresim, & idololatriam, ca. fors non est, 26. q. 1. & 2. Et tunc sortilegium iure civili, si hæresim sapiat manifestam, ut hæresis punitur, ita scribit Papius Grillandus, tract. de sortileg. q. 11. num. 1. & 6. Et intelligit etiam cum amoris causa sortilegia committuntur. Quæ autem sit pœna hæreticorū, supra tit. de hæreticis vide. Quod si manifestam hæresim nō sapiat, & hic sortilegus sit laicus, tunc imponitur de iure civili pœna mortis, l. nemo, C. de malef. & Mathemat. Subiicit Grillandus, dicta quæst. 11. num. 5. ius civile nullam constituere differentiam, siue sortilegium sit ad diuinandum, siue amoris causa commissum. In foro autem conscientiarum, siue sit laicus, siue clericus, à quo sortilegium, quod non sapit manifestam hæresim, perpetratur, pœnitentia quadraginta dierum indicitur, c. 2. extra. cod. & ibi Dd. Cum autem in eodem sortilegij crimine agitur de pœna in foro cōtentionis iuris canonici, tunc si sortilegus est clericus, suspenditur à diui-

his, & à ministerio Altaris, per annum, & ultra, iudicis arbitrio, secundum facti qualitatem, & facinoris turpitudinem, ita probat text. c. 2. & ibi clarè gloss. extra. eod. Et ita sentit Abb. nu. 4. in fin. & clariùs Grillandus, d. tract. de sortileg. q. 11. num. 3. & 10. Qui inquit, hoc procedere cum clericus bono zelo, & ex simplicitate sortilegium commisit: secus si dolo, & impiè, tunc deponitur ab omni ordine sacro, omnibus beneficiis privatur, & in monasterium includitur, c. si quid Episcopus, vbi gloss. 24. q. 5. Laicus verò sortilegium diuinationum committens, quod tamen manifestam hæresim non sapit, si vilis est, fustigatur, vel mitra insignitur: si honestior, relegatur, vel perpetuo carceri mancipatur, quod probat text. in c. contra idololorum, 26. q. 5. quem singularem dixit Rom. sing. 660. Et potissimum si moniti, vt desistant, non desistunt. Sed olim sortilegia pœna arbitraria puniebantur. Quod & Plato dialogo, 11. de legibus, faciendum esse scribit, his verbis: Quando verò quis nobis, inductionibus, cantibus, similibusque veneficiis ad nocendum paratus deprehensus est, si Aruspex, aut prodigiorum interpretes sit, occidatur: Sin verò non fuerit, iudicium similiter de ipso quid dari; pativè debeat, statuatur. Lege autè 12. tab. ita sancitum fuit: Qui malum carmen incantauerit, frugèsque excantavit: Balduin. in comment. ad leges 12. tabul. lege autem Mosàica puniebantur indistinctè, malefici omnes: ita enim legitur Exod. cap. 22. *Maleficos non patieris vivere.*

Quæ Affinia?

Veneficium, hæresis, idololatria, crimen falsi, Ariæque gentilium superstitiosæ observationes.

Quæ Adiacentia?

Hæresis, & superstitio.

Quæ Pugnancia?

Primum præceptum Decalogi: quod, sicuti idololatriam, scilicet cultum falsorum deorum: ita artem magicam vel diuinatoriam, observationes superstitiosas, omnemque cultum impium damnat, Exod. 23. & Deut. 18. & 19. Sicut enim auarus, quia cultum Deo debitum nummo impendit, idololorum cultor ab Apostolo nominatur: sic illi, qui futura, quæ ex Dei oraculo nonnunquam reuelata inveniuntur, sed daemonum consultatione, vel quibuscumque præstigiis inuenire laborant, diuinitatis iura creaturis attribuunt, vt est text. in ca. quòd autem, 26. q. 5. Constantia fidei. Qui enim constanter verbo diuino credit, non facillè Indiscinatione daemoniaca ad fidem mēdacio adhiben

adhibendam, spreta veritate, seducitur, cap. nec mirum, §. ius ergo, 26. quæst. 5. Denique solius Dei diuina potestas. Futura enim præscire solius Dei est; qui in sui contemplatione etiam Angelos præscire facit illa. Vnde Esaias ait: Priora, & nouissima annuntiate mihi, & dicam quòd dii estis, dict. cap. quòd autem, 26. q. 5. Non enim hæc præsciendi futura potestas dæmonibus, ex quorum consultationibus sortilegia committuntur, concessa est. Quamuis dæmones acumine sensus, & celeritate motus, multò antè cogitata prænuntient, quæ homines pro sensus terreni tarditate mirentur, c. sciendum, 26. quæst. 4. Nam; vt dicitur in d. cap. sciendum, hæc natura dæmonum est, vt aërij corporis sensu terrenorum corporum sensum facile præcedant, celeritate etiam propter aërij corporis superiorem mobilitatem non solum cursus quarumlibet rerum: vt hominum, vel ferarum: verum etiam, volatus auium incomparabiliter vincant. Accessit etiam dæmonibus per tam longum tempus, quo eorum vita protenditur, rerum longè maior experientia, quàm potest hominibus, propter breuitatem vitæ, prouenire. Per has efficacias, quas aërij corporis natura sortita est, non solum multa prædicunt futura dæmones, verum etiam multa faciunt, quæ quoniam homines dicere, aut facere non possunt, eos dignos quidem, quibus seruiant, & quibus honores diuinos deferant, arbitrantur, instigante maximè vitio curiositatis, propter amorem felicitatis falsæ, atque terrenæ, & excellentiæ temporalis, & quæ sequuntur, d. c. sciendum, 26. q. 4.

AXIOMATA, ET SENTENTIÆ.

Sors non est aliquid mali, sed res in humana dubietate diuinam indicans voluntatem, cap. sors est, 26. quæstio. 1. & 2. Sortes prohibentur fidelibus, ne sub specie diuinationis, ad antiquos idololatriæ cultus redeant, cap. sors est, eod. Superstitiosum est, quicquid institutum est ab hominibus, ad faciendâ, vel colendâ idola, vel ad colendam, sicut Deum, creaturam, vel partem vllam creaturæ, vel ad consultationes, & pacta quadam significationum cum dæmonibus placita, atque fœderata, qualia sicut molimina magicariorum, vel Aruspicum, & augurum libri, c. illud, 26. q. 2.

Omnes artes huiusmodi nugatoria, vel noxia superstitionis, ex quadam pestifera societate hominum, & demonum; quasi pacta infidelis, & dolose amicitia constituta pœnitius sunt repudianda, & fugienda, c. illud, §. omnes, 26. q. 2.

Observare auguria, requirere stellarum cursus, & eventus ex his futurorum ranari, ceterisque huiusmodi superstitionibus implicari, genus idololatria est, cap. sed & 26. quest. 2.

Est quoddam genus cultura idolorum; ex demonum consultationibus futura predicere, cap. quod autem, 26. questio. 5.

Sicut avarus, qui cultum Deo debitum nummo impendit, idolorum cultor ab Apostolo dicitur: sic illi, qui futura, qua ex Dei oraculo nonnunquam revelata inveniuntur, vel demonum consultatione, vel quibuslibet prestigiis invenire conantur, divinitatis iura creaturis attribuunt, d. cap. quod autem, 26. quest. 5.

Futura præscire solius Dei est; qui in sui contemplatione etiam Angelos illa præscire facit: unde Esaias ait: Priora; & novissima annuntiate mihi, & dicam quod Dii estis, d. c. quod autem, 26. q. 5.

Non intelligitur esse iteratum, quod esse nescitur, c. unico, extr. de cler. per saltum promoio.

Si quis Ariolos, Aruspices, vel incantatores observaverit, aut phylacteriis eorum usus fuerit, anathema sit, cap. si quis, 26. quest. 5.

Non licet Christianis temerè traditiones Gentilium, observare, & colere elementa, aut Luna, aut stellarum cursus; aut inanem signorum fallaciam pro domo facienda, vel propter segetes, vel arbores plantandas, vel coniugia socianda: sed omnia, qua verbo, vel opere sunt, in nomine Iesu Christi cum gratiarum actione fieri debent; cā. non liceat, 26. quest. 5.

Mulieribus Christianis in suis lanificiis vanitatem ob-
fer

seruare non licet: sed Deum, qui eis sapientiam texendi donauit, adiutorem inuocare debent, d. c. non liceat, §. mulieribus, 26. quæst. 5.

Insunt rebus corporeis per omnia elementa, quedam occulta seminae rationes, quibus cum data fuerit opportunitas temporalis, atque causalis, prorumpunt in species debitas suis modis, & finibus: & sic non dicuntur Angeli, qui illa faciunt, animalium creatores: sicut nec Agricola segetum, vel quorumcunque, in terra gignentium creatores dicendi sunt: quamuis nouerint præbere quasdam visibiles opportunitates, & causas, ut illa nascantur. Quod autem isti faciunt visibiliter, hoc illi inuisibiliter. Deus uero solus est creator, qui causas ipsas, & seminarias rationes rebus inseruit, c. nec mirum, §. insunt, 26. q. 5.

Nullum suffragium habet iustitia, dict. cap. nec mirum, 26. quæst. 5.

Prestigium Mercurius primus inuenisse dicitur, dictum à præstringendo, quod oculorum aciem præstringat, d. c. nec mirum, §. prestigium, 26. q. 5.

Non omnis, qui ignorat, immunis est à pœna. Ille enim ignorans potest excusari à pœna, qui à quo disceret, non inuenit: illis autem hoc ignosci non poterit, qui habentes à quo discerent, operam non dederunt, cap. non omnis, distinct. 37.

Geometria, Arithmetica, & Musica in sua scientia veritatem habent: sed illa scientia non est pietatis. Quid autem sit scientia pietatis: vide in cap. si quis artem, distinct. 37.

TITVLVS XXII.

Continuatio.

AD crimen falsi propius accedit præuaticatio, qua falsitas in probationibus dissimulandis, admittendisque falsis excusationibus, & sic adiuuando aduersam partem cum prodictione causæ propriæ committitur, l. 1. §. calumniari, ff. ad Senatuscons. Turpil. & c. si quem, 2. q. 3.

Quid Collusio?

Collusio, est inter Accusatorem, & Reum occulta conuentio, ad desistendum ab accusatione citra abolitionem; fraudulenter celebrata, c. si quem, 2. q. 3. Qua collusionem, qui partem aduersam adiuuat, prodita sua causa, præuaticator dicitur. d. cap. si quem.

Quis dicitur Præuaticator?

Præuaticator dicitur, qui causam aduersario suo donat, & ex parte Actoris in partem Rei concedit, l. præuaticatores, ff. de verb. sign. Sic legitur etiam in l. 1. ff. de præuaticato. Præuaticator est, quasi varicator, qui diuersam partem adiuuat, prodita causa sua. Et l. 1. §. calumniari, ff. ad Senatusconsultum. Turpil. Præuaticari (ait Marcellus) est, vera crimina abscondere. Et paulò post: Præuaticatorem cum esse ostendimus, qui colludit cum Reo, & translatiue munere excusandi defungitur, eo quòd probationes proprias quidem dissimulet, falsas verò excusationes admittat.

Quot modis dicitur Præuaticator?

Duobus modis: vt ex prædictis responsis colligitur. Primò: qui tanquam alicuius aduocatus, vel procurator illum perdit, detegendo illius aduersario secreta causæ: ita loquitur dict. l. 1. ff. de præuaticat. & l. præuaticatores, ff. de verb. sign. Secundo verò modo dicitur præuaticator is, qui cum accusator, & denunciator criminis sit, cum Reo colludit, ita loquitur l. 1. §. calum. ff. ad Senatusc. Turpil. & d. c. si quem.

Vnde Præuaticatio dicta?

Præuaticationis nomen à varia cessatione tractum Labeo putat;

putat, quasi is, qui prauaricatur, ex vtraque parte consistat, c. si quem, 2. q. 3. & d. l. 1. §. Vlpianus, ff. ad Senatusc. Turpillianum, sed verius à varicando dicitur. Varicari enim à varicibus crurum dicitur, qui in transuersum discedit. Vnde Vlpian. in l. 1. ff. de prauaricat. ait: Præuaricator est quasi varicator, qui diuersam partem adiuuar, prodita causa sua, & notat Alciat. in l. præuaricatores, ff. de verb. sign.

Quæ causa Efficiens?

Dolus malus colludentis Aduocati, vel Procuratoris, qui vel rem publicam, cuius interest delicta puniri, desistendo ab accusatione: vel clientulum, cuius causam accepta mercede defendendam susceperunt, vel non defendendo, vel secreta eius aduersario detegendo, fraudare conantur, cap. vt famæ, extr. de sent. ex com. d. c. si quem, 2. q. 3. c. audiuius, extr. eod.

Quæ Materia Collusionis?

Quæuis causæ licet enim in qualibet causa cuiuscunque generis sit, colludatur: non tamen ob id is, qui colludit, præuaricari dicitur. Nam præuaricari is proprie dicitur, qui publico iudicio accusauerit, c. si quis, §. is autem, 2. q. 3. l. 1. §. is autem præuaricator, ff. de præuar. Improprie tamen Aduocatus, & Procurator, qui clientulos suos produunt, causasque eorum, quas iam mercede accepta, defendendas susceperunt, deserunt, & in aliam partem transeunt, hoc nomine appellari possunt. Quo crimine Demosthenem notatum, & triginta talentis damnatum, & in carcerem duci iussum, meminit Plutarchus in vita Demosth. ac Athenæ. lib. 6. Dispon. c. 3. & Iustinus histor. lib. 13. Qui cum vna die reipublicæ Atheniensis causam contra Milesiorum Legatos defendisset: altera de pretio victus, tacuit, in publicum prodiens collo lana circumuoluto, se anguinam pari asserens: cui vnus è populo exclamans, dixit: Non anginam, sed argentaginam pateris, Demosthenes, Author est Gellius lib. 11. noct. Attica. c. 9. Huius criminis convictum etiam Oldrad. testatur Castrensis in l. 1. in fin. C. de Aduocat. diuer. iud. vbi, inquit, Oldradum præ nimio dolore, quod delictum fuisset detectum, decessisse.

Quæ Forma?

Admittitur collusio, cum actor, vel accusator ex parte Rei consilium prodit. In causa quidem civili detegendo aduersario secreta causæ, vel mercede accepta prorsus deserendo causam, & in aliam partem transeundo. In criminali autem circa abolitionem, abstinendo ab accusatione, vel admittendo fal-

fas excusationes, vel dissimulando proprias probationes. In causa spiritali denique super spiritali transigendo, vel alterius generis conventionem celebrando, c. audiimus, extr. eod. l. 1. ff. ad Senatusc. Turpil. Tria enim genera causarum refert Innoc. in c. crimina, extr. eod. civilem scilicet, criminalem, & spiritualement. A Civili pecuniaria, siue per gratiam, siue per transactionem antè, vel post litis contestationem, sine iudicis autoritate recedere licet: Nisi in famosa actione, in qua sine iudicis autoritate transigere non licet, l. furti, §. pactusque. ff. de his, qui notant. infam. In criminali verò ante inchoatam accusationem per abolitionem desistere licet, post litis contestationem non licet sine consensu Rei, nisi intra 30. dies: quibus, etiam invito Reo, abolitio permittitur. Nisi reus tormenta, vel verbera, vel catenas fuerit passus, l. fallaciter, C. de abolit. vel per accusationem infamatus, c. quidam, §. q. 1. Et si aliàs destiterit, incidit in Senatusc. Turpillianum, si intendit publicum crimen, l. 1. C. ad Turpil. si autem privatum extra ordinem punitur, l. si quis, ff. ad Turpillia. Transigere autem, vel pacisci de crimine capitali (excepto adulterio) prohibitum non est: in aliis autem publicis criminibus, quæ sanguinis poenam non ingerunt, citra falsi accusationem transigere non licet, l. transigere, C. de transactio. A causa denique spiritali, siue sit inquisitionis, siue denuntiationis, siue de rebus spiritalibus, ex causa licet per gratiam discedere. Qui autem sine causa discedit, punitur, c. quapropter, 2. q. 7. c. fi. ext. de trans. vbi autem in criminali, vel spiritali aliter, quam debet accusator desistit, iudex nihilominus ex officio inquireret, hoc tit. c. 1. c. 2. & c. 3.

Quis Effectus?

Primò, Actio mandati, qua ultra poenas legibus in præuicatos constitutas, præuicator procurator tenetur domino, ita gl. in rubr. C. de procurator. & ibi Iason, nu. 2. Secundò punitur præuicator poena extraordinaria, pro arbitrio iudicis, Felin. in rub. extr. de cal. l. 1. & l. 2. ff. de præuicator. Tertiò ultra poenam extraordinariam efficitur infamis, Lathletas, §. item præuicator, ff. de his, qui notant. infam. l. 4. ff. de præuicator. & Iulius Clarus libr. 3. sent. iuris, §. fin. p. 72. Quartò, repellitur à munere suo, l. §. ff. de præuicator. Et si in causa beneficii colluserit, sitque beneficiatus, priuatur beneficio, c. audiimus, extr. eod.

DE DELICTIS PVERORVM.

TITVLVS XXIII.

QUæ suprà de pœnis perpetratorum criminum relata sunt, in adultis delinquentibus locum sibi vindicât. Peruerlos enim mores, & delicta impuberum, infirmitas animi aliquo modò excusat: & ita excusat, vt ob delicta, quæ puerilis ætas committere potest: vt sunt homicidia, furta, mendacium, periuria, mitiùs, quàm adulti puniantur, c. 1. extr. eod. Hoc enim casu iudex suo arbitrio pœnam ordinariam, ratione ætatis, temperabit. Quod in specie affirmarunt Decius in l. ferè, ff. de reg. iur. Et Didac. in Clem. vn. par. 3. nu. 5. de homicid. Placa. l. epitomæ delict. cap. 3. 2. nu. 6. & 10. Horum sententia confirmatur diuini Platonis auctoritate: qui dialo. 11. de leg. ita scriptum reliquit: Præterea in singulis iniuriis vt pœna moderatior fiat, multa afficiatur, leuiore quidem, si propter iuuentutis imprudentiam aliena malitia fuit impulsus: grauiore, si dementia sua, aut immoderatis voluptatibus, & doloribus, aut timore, aut inuidia, aut iracundia insanabili. Legibus autem duodecim tabul. datum erat prætori arbitrium castigandi fures impuberes; quod apertissimè Gellius, & Plinius testantur. Gellius quidem, lib. 11. noct. Attica. c. vlt. ait: Sed pueros impuberes prætoris arbitratu verberari voluerunt, noxamq; ab his factâ sarciri. Plinius verò lib. 2. natura. hist. c. 3. sic scribit: Frangem quidem aratro quæsitam furtim noctu pauisse, ac secuisse, puberi duodecim tabulis capitale erat, suspensumq; Cereri necari iuebant, grauiùs, quàm in homicidio conuictum: impuberem prætoris arbitratu verberari, noxamq; duplioni me decerni. Hæc ille. Ex his patet ordinariam pœnam legibus constitutam, ratione ætatis, iudicis arbitratu esse temperandam. Quod non de infante doli minimè capace accipiendum est: ille enim in totum excusatur, l. 1. §. impuberes, C. de fal. monet. l. infans, ad l. Cornel. de sicar. Clem. vni. de homicid. sed intelligendum est de proximo pubertati, & doli capace, l. auxilium, §. in delictis, ff. de minor. Vnde licet Senatusconsult. Syllaniano impuberes serui excipiantur, Trebius tamen Germanus legatus, etiam de impubere sumi supplicium iussit. Et hoc non absque ratione, vt ait Marcianus. Quia is puer nec multum à pubertate aberat, & ad pedes domini, cum trucidaretur cubuerat: nec postea eadem eius prodiderat, l. excipium

piuntur, ff. ad Senatusconsult. Sylla. Supplicio tamen non tam graui minor plectendus est, quàm adultus: nam & mitioribus tormentis affliguntur serui impuberes, vel ancillæ nondum viripotentes: cum in causam domini in domo occisi torquendi sunt, vt expressa lege traditur, in l. 1. §. impubes, ff. ad Senatusconsult. Sylla. & pupillus committens homicidium, non punitur pœna mortis naturalis, sed mitiori, Mynsing. cent. 2. obser. 54. & Dec. conf. 535. num. 5.

DE CLERICO VENATORE.

TITVLVS XXIIII.

Continuatio.

VT pueri lasciuientes delinquant, ita clericorum quidam voluptatum illecebris detenti, venationibus, aliisque illicitis exercitiis non absque impio officij iniuncti neglectu, sese dedunt, c. 1. extr. eod.

Quid est Venatio?

Venatio est facultas prosequendi, & capiendi feras bestias, vbi libet locorum, omnibus iure Diuino, gentium, & ciuili permessa, Dd. in c. peccatum, 2. par. §. 1. num. 3. de reg. iur. in 6. Quæ tamen facultas singulari Summi Pontificis placito, inueterataque consuetudinis dispositione restricta, & hodie certis personis permessa est, vt inferius patebit.

Quotuplex Venatio?

Venatio triplex est: Oppressiua, Arenaria, & Saltuosa. Oppressiua est: quæ homines perdit: vt cum vir sceleratus rapiendo homines necat, & trucidat. Huius meminit textus in c. hic ita, dist. 6. quod sumptum fuit à Genesi, c. 10. cœpit Nemroth esse robustus venator coram Domino, hoc est hominum oppressor: quemadmodum interpretes ibi exponunt, & Ioan. de Turrecremata, in c. qui venatoribus, num. 2. 6. distin. Arenaria dicitur, cum quis recepto salario in arena cum feris bestiis pugnat. Hic enim mos fuit antiquis Romanis, vt in spectaculis populo ludi loco exhiberentur feræ bestiae, cum quibus homines aliqui virtutis exercendæ gratia, vel mercede ad hoc conducti decertarent. Hinc ab atena atenatij dicti sunt, l. & hæc demum, ff. de operis liber. hos bestiarios appellat Iulius

Capi

Capitolinus in Antonino philosopho. Qui autem exercenda virtutis suæ gratia in arenam descendebant, non infames: sed laude digni existimabantur, lathletas, ff. de his, qui not. infam. qui verò recepta intercede operas suas locabant, infames & viles habebantur, l. 1. §. item Senatus, ff. de postulân. & l. 2. §. ult. ff. de iis, qui notan. infam. Venatio autem saltuosa est, quæ in syluis & saltibus persequendo, & occidendo feras iure gentium permittitur.

Quæ causa Efficiens permittenda Venationis?

Ius Diuinum, Gentium & Ciuile: imò ipsa naturalis æquitas: cum enim naturalis æquitas admoneat occupanti beneficiendum esse, cum nulli noceatur; feræ bestię autem secundum suam naturam communes relictæ in nullius dominio sint, has occupanti concedendas consequens est: quod enim ante nullius est, id naturali ratiohe occupanti conceditur, l. quod enim, ff. de acquiren. rerum dominio.

Quæ Materia?

Feræ bestię, quæ secundum naturam suam relictæ sunt communes: volucres autem cœli in aëre, & pisces maris in aqua, feris bestiis nõ rectè annumerantur. Cum enim occupatio, quæ est modus iuris naturalis, quo rerum ex sua natura communium dominia acquirimus, tres discretas sub se contineat species, scilicet venationem, aucupium, & piscationem, consequens est, occupationem diuersi generis animalium propriis nominibus appellandam esse: cum & in iis non sit per omnia iuris disponentis paritas, Dd. in §. feræ bestię, Instit. de rerum diuis. & in cap. 2. extr. cod. & in cap. Esau, §. dist.

Quæ Forma?

Est ipsa facultas adimendæ naturalis libertatis, qua feræ bestię fruuntur: & ipsarum iure permissiuo in nostram potestatem redactio. Quia simulatque in potestatem nostram venerunt, liberè vagandi facultatem amittunt; quam ante occupationem, & post, si nostram custodiam euaserunt, recuperant. Et inde naturalis potestatis compotes dicuntur, quasi immensam & infinitam a natura liberè vagandi facultatem non habeant: quam tamen iure venandi comprimere, & illis adimere licet.

Quis Effectus?

Quòd quicquid persequendo feras captum fuerit, siue in

fundo proprio, vel alieno; muris tamen, vel sepibus non circumiecto, (nisi alieni fundi reditus ex venatione constet) hoc capienti acquiratur, gloss. in d. §. feras, & gloss. in l. 3. ff. de acquir. rerum dom. & in l. Diuus Pius, ff. de serui. rust. præd. & Bart. in l. 1. §. omnia, ff. de acquir. rerum dom. & l. venationem, ff. de usuris, ubi Iurisconsultus venationem fructus fundi negat esse, nisi fructus fundi ex venatione constet.

*Ad quos hodie spectat ius venandi? Et qua pœna
coercetur contra prohibitionem Principis
feras persequens?*

Hodiè ius venandi ad Principes, & nobiles, ex singulari summi Principis concessione, vel præscriptionis iure, instar realis setuitutis, pettinere: iurisdictionisque effectus esse videtur. Vnde is, cui pro beneficio specialiter hoc ius concessum, vel longo usu quæsitum est in fundo alieno eius loci, cuius iurisdictionem habet, vel longo usu præscriptionem induxit, etiam domino inuito venandi, & subditos, vel dominos fundorum à venationibus atcendi, ex consuetudinis dispositione, facultatem habet: intantum, vt contra Principum, vel nobilium prohibitiones feras persequens, iniuriarum teneatur, pœnaque extraordinaria, pto arbitrio principis, scilicet capitis, oculorum priuatione, stigmatis impressione, cuiusdam membri mutilatione, vel pœna pecuniaria iure coërceatur. Quandoquidem ex approbata moribus ventionum consuetudine feras sylvarum & nemorum, piscēsque aquarum publicarum in principum, ac nobilium possessione, & dominio etiam esse constat. Quæ si quis facilitate ductus propria auctoritate, absque ipsorum consensu cepertit, furtum committit. Quia inuito domino contrectat rem alienam; Decius cons. 197. Stephan. Bertrang. cons. 255. in 1. parte, Benedict. in repet. c. Raynutius, extr. de testam. Capolla, tract. serui. rust. præd. col. 7.

*Quod genus venationis est permissum: & an
Clericis venari licet?*

Venatio oppressiua non Clericis modò, sed quibuscunque prohibita est, Extat enim diuinum præceptum: *Non occides*, vt. notat Ioan. de Turrecrem. in ca. qui venationibus, numer. 26. Idem dicitur de venatione arenaria, ex qua hominum interitus sequitur. Peccatum est mortale, ita decertare nisi id fiat ea causa necessitatis, ad mortem euitandam, Abb. & cæteri in cap. 1.

cap.1.extr.cod. Vnde Canones: Qui venatoribus donant, non hominibus donant, sed arti nequissimæ. Nam si homo tantum, & venator non esset, non ei donares, honoras in eo vitiū, non naturam, c. qui venatoribus, 86. dist. & alibi: Vident homines venatores, & delectantur; vix miseris si se non correxerint. Qui enim venatorem vident, & delectantur: videbunt Salvatorem, & tristabuntur, c. vident, dist. 86. Saltuosa venatio sui natura, & regulariter permessa est, ut scribit Chassaneus in catalogo gloriæ mundi, part. 11. confid. 50. versicul. Ex quo primo. Omnibus autem clericis, siue in Ordinibus, siue in dignitate constituti sint, venationes, & syluaticę vagationes cum canibus, accipitribus, & falconibus, interduntur. Nam primo, Episcopo, cum id non facit causa recreationis honestæ, vel ex necessitate tutandæ, & cōseruandę sanitatis gratia, venari non licet, est text. in c. 1. dist. 34. Abb. in c. 1. extr. cod. & Angel. Clauasius, & Syluester in summa, in verbo, Venatio. Deinde reliquis clericis facultas venandi non est concessa, quod ita intelligitur, si venationibus, quàm muneri iniuncto magis intendere, & plus operæ locare velint, ita quod exinde Ecclesia in spiritualibus vel temporalibus aliquod detrimētum patiatur. Ideo clericus, eo tempore, quo diuina peragenda, vel prædicandum est: canes & aues ad venandum sequi nō debet, c. 1. extr. ne clerici, vel monachi, d. c. 1. & c. 2. extr. cod. Sed necessitate Ecclesiæ exigente, & ita causa vtilitatis, vel etiā recreationis, dummodo rarò, & tempore congruo fiat, clerici à venationibus non sūnt arcendi, ut notant Benedict. in c. Raynuius in verb. & vxorem nomine Adalassium, nu. 17. ext. de testa. & Beruhard. Diaz. in pract. canonica criminali, c. 61. n. 13.

Quæ rationes prohibendi clericis facultatem Venandi?

Prima ratio est: Quod clamoris plena, & immoderata sit venatio. 2. Quod in his contingant plerumque rixæ, iniuriæ, & violationes pacis. Decet autem clericos honestati, paci, & tranquillitati esse deditos, & ab omnibus cōtentionibus, iniuriis, & rixis auersos. 3. Quod clerici petulanti hoc voluptatis exercitio à diuinis abstrahantur. Cum tamen nemo militans Deo: se negotiis, talibus implicare debeat, cap. 1. extra. ne cler. vel monach. 4. Quod si venari eis liceret, permessa censeretur in antecedens facultas alioquin detestanda, habendi scilicet, & alēdi canes, accipitres, & his similia animalia venationibus inferuentia. Cum tamē Ecclesiæ bona ad hoc tantum clericis sint concessa, ut Ecclesiæ, & pauperū necessitati (si ex redditibus

ultra sustentationem necessariam quid supererit) subueniant. Nō enim bonum est (vt ait Christus) sumere panem filiorum, & dare canibus. Et hanc rationem probauit gloss. in cap. Esau, 86. dist. Et Raynald. Corfus lib. 3. indagiorum iuris, cap. 14.

Qua poena feriendi sint clerici, qui contra Ecclesiam, & Canonum interdicta venationi operam dant?

Ex concilio Aurelianensi, Episcopus tribus mensibus à communione, presbyter duobus, diaconus verò & subdiaconus ab omni officio suspendi iubetur, cap. 1. extra. cod. & cap. quorundam, dist. 34. Alij verò inferiores omnes, ita tamen vt trina monitio vindictam præcedat, iudicis arbitrio puniuntur. Ioannes Andr. in d. cap. 1. extra. cod. Sed an capta restituere teneantur? dicit Didacus in ca. peccatum, de regul. iur. in 6, quòd non, Quia verè illa sibi acquirunt, &c.

Num Piscatio clericis permissa sit?

Piscandi facultas clericis permissa est, cum quòd cessent in ea rationes, ob quas prohibita venatio dicitur; tum quia piscatio habet exempla virorum bonorum, quos piscantes Seruator noster ad se vocauit, & retia tendi iussit, Luc. 10. & 14. Vnde canon: Esau venator erat, quoniam peccator erat. Et penitus non inuenimus in Scripturis sanctis, sanctum aliquem venatorem, piscatores inuenimus sanctos, cap. Esau, dist. 86. Est autem clericis piscandi facultas cum moderamine quodam temporis ratione habita, concessa. Nam in maioribus solennitatibus, & dominicis prorsus nihil, aliis autem diebus vigenti de causa, adhibita Superioris Prælati licentia, & pauperibus portione de captis facta, solùm piscari licet. Quod statuit Alexander III. in cap. licet, extra de feriis. Quam constitutionem explicat Syluester Prietius in sua summa, in verb. piscatio.

DE CLERICO PERCVSSORE.

TITVLVS XXV.

Continuatio.

Clericis venationes interdictas, ob id traditum est, ne ipsi contentionibus, vel rixis, ex quibus persecutiones, vel etiam

etiam quandoque mortis pericula proueniunt, subiiciantur, implicenturque.

Quotplex percussio: & quid utraque?

Duplex; Spiritualis & corporalis. Spiritualis est sermo inutilis, quo doctor percussor percutit cōscientiam infirmorum, de qua habetur, cap. sanè percussor, 45. distin. & cap. si rector, 43. distin. Percussio corporalis dicitur, cum flagris, vel verberibus afficitur is, qui percussori non est subiectus: vel subest quidem, sed crudeliter cæditur, cap. præterea, extra. eod.

An Prælato licet verberibus corrigere clericos?

Episcopus clericos delinquentes causa correctionis leuiter, non crudeliter; non ex odio, nec per se; sed per alium clericum, non laicum, verberando punire potest, cap. cum beatus, dist. 45. cap. ante omnia, dist. 35. & cap. circumcellationes, 23. q. 5. cap. 1. 24. q. 5. Quod de illis clericis accipiendum est, qui in minoribus Ordinibus sunt constituti. Nam clerici in sacris constituti, & senio confecti, vel etiam alij, quorum existimatio collectis flagris lædi posset, huic correctioni non sunt subiiciendi. Non enim asperis, sed blandis verbis, quidam ad fidem, & obedientiam sunt prouocandi: nec Episcopum percussorem, iracundum, & perturbati sensus esse oportet: sed in corrigendo patientem, iuxta illud: Argue, obsecra, increpa in omni patientia, & doctrina, cap. quid autem, cap. sequitur, & cap. qui sincera, distinct. 4.

Qua pœna coercetur clericus Percussor?

Si quis eum, quem non licet, sæpius; vel eum, quem licet, aliter, quàm concessum sit, percusserit; quamuis mors secuta non fuerit, & monitus se non contexerit, deponitur, c. si quis, extra. eod. Quod si non sæpius, vel monitione facta spes sit correctionis, ad tempus saltem suspenditur, ca. præterea, extra. eod. & ca. neminem, 45. dist. Quod si in conflictu vim illatam propulsare compulsus fuerit, nulla pœna imposita ad ordines promouetur: & promotus ntineri suo præesse permittitur. Nam & naturali ratione vim vi repellere licet, cap. præfettium, & cap. continentia, extra. eod. & l. vim. ff. de iust. & iur.

TITVLVS XXVI.

Continuatio.

Grauius flagra Deo inferunt, qui Deum cum sanctis blasphemiam afficiunt: vel in fidem Christianam quid iniuriosè dicunt, instar impiæ turbæ Iudæorum, qui Christum verberibus confectum, crucéque sublatum impiissimè interfecerunt.

Quid Maledictio?

Maledictio est, cum malum aliquod de præsentī, vel de præterito dicitur, Bart. in l. item apud Labeonem, §. ait prætor, num. 4. ff. de iniuriis. Et hæc, Blasphemia etiam dicitur.

Quid Blasphemia?

Blasphemia est, cum de Deo aliquid negamus, quod ei conuenit: aut aliquid Deo tribuimus, quod ei minimè conuenit, cap. non sunt, 11. quæst. 3. Didacus in cap. quamuis, part. 1. & 7. num. 8. de pact. in 6. Et ideo is, qui derogat diuinæ maiestati, eius potestati, aut bonitati detrahens, blasphemus est, & quidem propriè.

Estne differentia inter blasphemiam, & maledictionem?

Quò ad Deum inter hæc nulla constituenda est differentia: cum omnis maledictio, quò ad Deum, sit blasphemia, Bart. in d. l. item apud Labeonem, §. ait prætor. Quocirca siue in foro conscientiæ, siue in foro fori, versèmur, blasphemia proculdubio erit. Cum & statuta, quæ puniunt blasphemos, Dei cultum, & reuerentiam respiciant. Soci. conf. 102. lib. 1. & consil. 119. lib. 4. Neapolita. tit. de blasphem. colum. 3.

Quæ causa Efficiens?

Ipse Satan, liuor vindictæ, votum ultionis, & mens infernalibus furiis exagitata. Vnde à causa efficiente maledictio dicitur licita, & illicita. Illicita quidem, quæ ex voto ultionis, & odio persequentis hominis improbi procedit. Maledictio autem licita est: qua sanctissimi viri non ex liuore vindictæ, sed amore iustitiæ maledicunt, cap. cum ergò, §. distinguendum, & cap. cum sancti, 24. quæst. 3.

Quæ Materia?

Sunt res, quæ Deo falsò tribuuntur, vel de Deo falsò negantur: & verba contumeliosa, & impia, quibus diuinus cultus, reuerentiâque, & diuina humanâque maiestas læditur.

Quæ Forma?

Committitur blasphemia verbis, & factis. Verbis quidem variè, vt notat Iacob. Menoch. de arc. Iudic. lib. 2. cent. 4. casu 375. varias formulas blasphemandi explicans. Factis autem: cum signum Saluatoris nostri, vel imago, & statua Principis, manibus fœdatur, vel destruitur, & conspurcatur, l. vnica, C. nemini licere sign. Saluat. &c.

Quis Effectus?

Circa effectus distinguitur: Aut blasphemia fit verbis in Deum, vel in Principem: aut factis in imaginem Dei, vel Principis. Effectus blasphemix, quæ verbis in Deum fit, est peccatum, quod iure antiquo diuino morte plectebatur. Nam lapidibus blasphemi opprimebantur, Leuit. cap. 24. Sic & propter blasphemiam Sennacherib, Angelus Domini vna nocte totum exercitum percussit, Reg. 4. cap. 19. & gygas Mraëlem blasphemans à Davide occiditur, Reg. 2. cap. 21. Sic blasphemi, qui Beelzebub consuluerant, consumpti sunt igne à cœlo demisso, Reg. 4. cap. 1. Constitutionibus etiam Imperialibus pœna mortis imponitur, vt in auth. vt non luxurentur contra naturam Nouella 77. & Didacus, cap. quamuis, part. 1. §. 7. num. 10. de pactis, in 6. Quod etiam procedit, si ex consuetudine blasphemat, & corrigi minimè potest, Bal. & Salic. in l. 2. C. de reb. cred. Iure Pontificio blasphemantibus variæ pœnæ indicuntur. Nam Pius I. huius nominis Pontifex fanciuit, vt est relatum in cap. si quis per capillum, 22. q. 1. quòd iurans per capillum Dei, vel aliter blasphemans, si in Ecclesiastico ordine sit, deponatur: si laicus anathematizetur. Gregorius deinde IX. hanc pœnam mitigauit, & blasphemanti primò à iudice spiritali pœnitentiam, deinde à iudice seculari pœnam pecuniariam iniungendam in hæc verba statuit: Statuimus, vt si quis Deum, vel Sanctos contumeliosis, & obscœnis verbis blasphemauerit, per Episcopū suum pœnæ subdatur inferiùs adnotatæ, videlicet quòd septē diebus Dominicis præ foribus Ecclesiæ in manifesto blasphemus existens, vltimo illorum die Dominico pallium, & calceamenta non habeat, ligatus corrigia circa collū, septēque præcedētibz sex feriis in pane, & aqua ieiunet, Ecclesiā nullatenus ingressurus.

Quolibet quoque prædictorū dierum tres, si poterit, alioquin duos reficiat pauperes, siue vnum. Et si nec ad hoc eius suppetunt facultates, id in pœnam aliam commutetur. Cui etiam, si renuerit recipere, ac peragere pœnitentiam supradictam, Ecclesiæ interdicatur ingressus, & in obitu Ecclesiastica careat sepultura. Per temporalem præterea potestatem coactione (si necesse fuerit) Episcopi dioceses. adhibita contra ipsum, blasphemus, si diues, fuerit, quadraginta solidorum, alioquin triginta, siue viginti: & si ad id non sufficiat, quinque solidorum vsualis monetæ pœnæ mulctetur, c. statuimus, extra. eod. Sed Concilium deinde Lateran. sub Leone X. Ann. 1541. in blasphemos alias constituit pœnas. Communior tamen Dd. opinio est, pœnam blasphemorum esse arbitrariam: ita quod iudex pro personæ, & facti qualitate pœnam indicere possit. Nam is, qui incorrigibilis est, & semper blasphemare consuevit, grauius eo, qui non consuevit, puniendus est. Blasphemare autem consueuisse dicitur; qui non bis, vel ter, sed qui sæpius in illud vitiū incidit. Et mitius agendum est cum blasphemio, qui calore iracundiæ, quàm qui ex proposito blasphemauit, Decius conf. 103. num. 10. Tiraquel. tract. de pœn. leg. causa 1. nu. 13. Didacus d. c. quamuis, part. 1. §. 7. nu. 13. de pact. in 6. Abbas & cæteri in c. statuimus, ext. eod. Alex. conf. 72. nu. 8. lib. 1. Si autem infamia verbis facta sit, qua Princeps impetetur, tunc distinguitur: Aut quis temulentia, & ebrietate impulsus: Aut ex leuitate, & linguæ lubrico: Aut ex stultitia, dementia, & furore: Aut ex proposito, & per iniuriam Principi maledixit. Primò; si temulentia, ebrietate, vel ex leuitate maledixerit, Principis arbitrio punitur: is enim vt iustus, & æquitate insignis, ex personæ qualitate, vel indicere, vel remittere pœnam poterit, vt dicitur in fin. l. vnica, C. si quis Imp. maledix. Qua constitutione Theodosius loquitur, vt verus Christianus: cuius non vlciſci, sed remittere iniurias proprium est. Nec non hac loquendi formula voluit ostendere: non quod quælibet quouis modo iniuria illata principi, sit remittenda: sed quod iudices Ordinarij, non cum impetu ad hos maledicos coercendos proſilire, sed principi, qui pro facti qualitate pœnam infligere poterit, referre debeant. Nec impunitum est delictum, quod per ebrietatem committitur. Nam & ius Pontificium per ebrietatem lapsos punit, siue ad ipsum delictum, siue ad ebrietatem vitium referatur, cap. sanè, 1. 5. quæst. 1. Nec obstat quod dicitur: ebrietatem mentis exilium inducere, ca. à crapula, extra. de vita, & honestate cler. Quia & milites per ebrieta

ebrietatem delinquentes capitali pœna remissa, militia ex-
 authorandos esse statuit Menander in l. Omne delictum, §.
 per vinum, ff. de re militari. Cùm autem ex stultitia, demen-
 tia, atque furore quis Principi maledixit, non punitur. Delicta
 enim ex intentione committentis diiudicantur, l. qui iniuriæ,
 ff. de furtis. Stultus autem, demens, vel furiosus, quod agit, non
 intelligit: imò perinde habendum est, quod ab ipsis actum est.
 ac si casu aliquo sine facto personæ id accidisset, l. vlt. ff. de ad-
 ministr. tuto. Tiraquel. tracta. de pœnis leg. causa, 2. nu. 1. & 2.
 quo loci, nu. 3. ex Theologorum sententia subiicit, quòd nec
 quoad Deum illæ personæ delinquendo peccent. Deniq; ma-
 ledicum, qui ex proposito, & per iniuriam maledixit, lex diui-
 na, Canonica, & ciuilis, puniendum suadent. Diuina quidem:
 quia scriptum est Exod. 22. cap. Diis non detrahes, & principi
 populi non maledices. Canonica in c. 1. extr. eod. Maledicus
 in terrorem aliorum iubetur puniri. Lex ciuilis quidem, quæ
 illatam iniuriam priuato, vlciscitur, magis igitur vindicanda
 est iniuria illata Principi. Nam nisi Princeps hos maledicos
 puniret, se nec legis diuinæ, nec humanæ obseruatorem: sed
 violatorem ostenderet. Cùm tamen non alia ratione à Deo
 præminenti principis loco sit ordinatus, quàm vt bonos præ-
 miis inuitet, malos verò emeritis pœnis coercet, glo. in cap.
 omnes, extr. de mai. & obed. Accedit, quòd quemadmodum
 leges non debent esse ludibrio: ita nec ipse Princeps sui con-
 temptum ferre debeat, l. si prætor, ff. de iud. Cùm igitur tales
 maledici grauitè delinquant, graui etiã pœna sunt plecten-
 di. Non ramen pœna, qua reus criminis læsæ maiestatis affici-
 tur, sed mitiori, pro arbitrio Principis, qui pro sua iustitia, fa-
 cti & personæ qualitate pensata, pœnam imponet, d. l. vnica,
 C. si quis Imp. Crauet. conf. 6. nu. 4. Gigas tract. de crim. l. cf. ma.
 Afflict. decis. 265. Diaz. in pract. Canonica criminali, cap. 60.
 nu. 2. Quòd si facto in imaginem Dei, vel Principis blasphem-
 ia committatur, vt spurcando, vel scdando, vel obliniendo.
 Hoc casu blasphemus grauitè punitur, vel etiã mitiùs arbi-
 trio iudicis, qui qualitate personæ, & facti perpenſa, poterit
 pœnam mortis, vel etiã multò miriorem indicare, vt putat
 Ang. in Lex Senatusc. ff. ad l. Cornel. de ſica. Quem secuti sunt
 plures relati à Boerio, q. 301. col. fin. & Decius in l. si quis, nu.
 4. ff. de iurisdic. omnium iud. Nam si is, qui imaginem Prin-
 cipis scdauit, vel dehonestauit, grauitè puniendus est, l. non
 contrahitur, & l. seq. l. famosi, ff. ad l. Iul. maiest. l. capitalium, §.
 statuas, vers. cum quoque, qui imaginem Cæsaris, ff. de pœnis,

quantò grauius hic, qui imaginem Dei deturbat, plectendus est. Quo argumenti genere vtitur Boerius, q. 301. num. 17. Et confirmatur ex l. vni. C. nemini licere signum Salua. Qua lege, pœna grauissima puniuntur ij, qui per contemptum Christiannæ religionis, in terra, vel marmore signum Crucis, vt pedibus conculcari possit, insculpsit, atque finxit.

DE CLERICO EXCOMMUNICATO, DEPOSITO, VEL interdicto, ministrante.

TITVLVS XXVII.

Qua pœna feriendus Clericus excommunicatus, vel depositus ministrans?

Effectus excommunicationis est, quòd clericus, durante excommunicatione, sacra ministrare non possit, in tantum, vt si ministret, hoc ipso irregularis efficiatur, cap. si quis Episcop. l. 1. quæst. 1. de sent. & re iud. in 6. cap. is, cui, de sent. excom. in 6.

Circa hoc tamen distingue. Aut clericus ignarus excommunicationis, celebrabat, & tunc si ignorantia probabilis fuerit, excusabitur. Cæterum si fortè ignorantia crassa, supina, aut erronea: nisi dispensationem à Pontifice consecutus fuerit, irregularitatem contrahit, c. Apostolicæ, extr. eod. Quòd si cognita excommunicationis censura ministrat: interest an excommunicatio maior, vel minor sit: Si maior clericus excommunicatus omnibus beneficiis priuatur: si monitus ab administrando non desistat, ad requisitionem Ecclesiæ exilio damnatur, c. si quis, c. clerici, & c. latores, extr. eod. Nec potest aliud beneficium illi conferri: adeò vt scienter excommunicato beneficium conferens, à beneficiorum collatione suspendatur, nisi collationis tempore absolutio illi contigerit, c. postulat, & c. proposuit, extr. eod. Si verò minor excommunicatio: quæ ex communione excommunicatorum prouenit, tunc cum clericus minori excommunicationi subiectus, irregularitatem non contrahat, ea, quæ iurisdictionis sunt exercere poterit: si tamen ea, quæ Ordinis sunt exercuerit, sacramentaque

Eccle

Ecclesiastica contulerit: licet conferendo peccet, collata tamen, virtutis non carent effectu: cum non videatur à collatione, sed participatione sacramentorum remotus: dummodò in contemptum Ecclesiasticæ disciplinæ, videlicet contra prohibitionem Superioris; communioni excommunicatorum pertinaciter se non ingesserit. Eo enim casu anathemate feriendus est, vt Gregorius VIII. statuit, c. si celebrat, extr. eod.

DE CLERICO NON ORDINATO, MINISTRANTE.

TITVLVS XXVIII.

Quæ pœna clerici non ordinati ministrantis?

Pœna clerici ministrantis ea, quæ ad ordinem, ad quem ordinatione Episcopi non est admissus, pertinent, est, quò depositus eiiciatur ab Ecclesia, nec amplius ordinetur, c. 1. extr. eod. licet Diaconus fungens munere sacerdotij, ad quod ipse non est promotus, à diaconatu, cum iactura adeptionis maiorum ordinum, biennio, vel triennio suspendatur, c. ex litteris, extr. eod.

DE CLERICO PER SALTUM PROMOTO.

TITVLVS XXIX.

Quis clericus dicitur per saltum promotus: & quæ huius pœna?

PER saltum promoueri dicitur clericus, qui non gradatim, sed præposterè aliquibus ordinibus intermediis intermissis, ad ordines ascendit. Et tunc si in ordine recepto ministrat scienter, pœna, quæ in clericum non ordinatum ministrantem constituta est, punitur. Quòd si autem ignoranter, putans scilicet, se promotum, cum ex aliorum assertione contrarium appareat, iniuncta pœnitentia cum dispensatione cautè supplebitur, quod incautè omissum est, c. vnico, extr. eod. & c. Ecclesia, dist. 1. de consec.

DE EO, QUI ORDINEM furtiue suscepit.

TITVLVS XXX.

Quis dicitur furtiue Ordines suscepisse: & quomodo punitur?

CLericus furtiue ordinatus dicitur tribus modis. 1. Si clam cum aliis se intruset, cum quibus promouetur, c. quando Episcopus, distin. 4. 2. Si plures simul Ordines vno tempore suscepit, c. innotuit, extr. eod. 3. Si omisiss quibusdam gradibus, per saltum promouetur, c. vnico, extr. de cler. per saltum pro. Vnde dicitur in c. sicut, distin. 48. Casum appetit, qui ad summi loci fastigia, postpositis gradibus, per abrupta quærit assensum. Et sanè clericus furtiue ordinatus, à maioribus Ordinibus exclusus, etiam suscepti ordinis executionem, de rigore iuris, non habet, cap. innotuit, extr. eod. Et iniuncta pœnitentia monasterium ingredi admonetur, cap. veniens, & d. c. innotuit, extr. eod.

DE EXCESSIBVS PRÆLATORVM, ET SVBDITORVM.

TITVLVS XXXI.

Quid est Excessus?

EXcessus hîc dicitur delictum, vel vitium, quo quis modum, quem seruari iniuncti muneris ratio requirit, transgreditur, c. ad hæc, & c. illud, extr. eod.

Qui dicuntur Excessus Prælatorum?

Sunt omnia grauamina iniquæ conditionis, quibus subditos opprimunt Prælati: & vitia, quæ dignitati eorum non parum dedecoris afferunt: vt sunt iniquæ exactiones, prouocationes, census, iniustæ vsuræ, occupationes, derentiones, subiectiones, liberationes, iniustæ excommunicationes, suspen

penſiones, aliaque interdicta, detractiões, diminutiones reddituum, obſeruatiões nimij rigoris, ſingularium cibariorum exquiſitiões, diuitiarum & ornamentorum ſtudium, inhabiliū promotiones, ſuperbæ prædicationes, ſacramentorum conferendorum neglectus, & denegatiões: & alia vitia, quæ functionis ratio deteſtanda, & fugienda ſagitat, de quibus c. 1. 2. & 3. c. ſicut, c. inter, c. nimis, extr. eod. Et per omnes diſtinctiones Decretorum.

Qui ſunt Exceſſus ſubditorum?

Sicuti Prælati virtute regere ſubditos debent, ita ſubditi viciffim ſuis Prælatiſ cum omni honore, & reuerentia morem gerere tenentur: quem ſi peruerſitate morum corrupti non geſſerint, exceſſum facere videntur. Dicitur enim exceſſus delictum, vel vitium, quo ratio officiij, quod incumbit, exceditur: vt ſunt blaſphemix, crimen læſæ maiſtatis, crimen falſi, vſura, rapina, mendacia, furta, turpe lucrum: & alia crimina, de quibus ſupra latiùs, & c.

DE NOVI OPERIS
nuntiatione.

TITVLVS XXXII.

Continuatio.

Modus quandoque in ædificando, non abſque vicini iniuria & damno exceditur. Cui malo per operis noui nuntiationem, iuris conſeruandi, damni que depellendi cauſa, introductam, obuiam itum eſt, c. 1. extr. eod.

Quid eſt noui operis Nuntiation?

Nuntiation noui operis eſt, illi, vel alij eius nomine, qui nouum opus cum damno, & iniuria alterius ædificat, legitime facta prohibitio. Nuntiare enim hîc nihil aliud ſignificat, quàm prohibere. Et renuntiat nouum opus, qui denuntiat vicino, ne ædificet, gloſſ. in l. ſi procurator. ff. eod. & c. ſignificantibus, extr. eod. Opus verò nouum facere videtur, qui ædificando, vel detrahendo aliquid, priſtinam operis faciem mutat, d. l. 1. §. opus nouum, ff. eod.

Qua

Qua causa Efficiens.

Lex, statuta canonum, & voluntas nuntiantis. Vnde Lucius III. Paduano Episcopo. Sicut (inquit) leges non dedignantur sacros canones imitari: ita & canonum statuta Principum constitutionibus adiuuatur. Quod igitur per denuntiationem noui operis, siue iure, siue iniuria fuerit constructum, legalibus constitutionibus demoliri debet. Et quia nulla Ecclesia in præiudiciū alterius est constituenda, negotium ipsum secundum legum, & canonum statuta absque mora terminandum est, c. intelleximus, extr. eod.

Qua Materia?

Opus nouum, quod futurum est, & solo adhæret: siue fiat intra oppida, siue extra, siue in villis, vel in agris, siue in priuato, vel publico. Publicum autem non de loco sacro, religioso, ripa publica, vel flumine publico accipiendum est: sic enim inquit Vlp. lib. 5. 2. ad edictum: Remedium noui operis nuntiationis aduersus futura opera inductum est, non aduersus præterita: hoc est, aduersus ea, quæ nondum facta sunt, ne fiant: nam si quid operis fuit factum, quod fieri non debuit, cessat edictum de noui operis nuntiatione: & transeundum erit ad interdictum, quod vi, aut clam, vt restituitur: & quod in loco sacro, religioso, & quod in flumine publico, ripaue publica factum erit. Nā his interdictis restituitur, quod illicitè factum est, dict. l. 1. §. hoc autem, ff. eod. licet iure Pontificio inter loca non videatur distinguendum, c. 1. extr. eod.

Qua Forma?

Noui operis nuntiatio fit tribus modis. Vel per prætorem, id est, autoritate magistratus, per personam publicam: vel per manum, id est, per lapilli iactum: aut verbis: nec ex edicto prætoris nuntiatio habet necessariam prætoris aditionem, siquæ potest nostro, & alieno nomine, omnibus diebus, aduersus absentes, etiam inuitos, & ignorantes, l. de pupillo, §. meminisse, & l. 1. §. nuntiatio, ff. eod. Etiam is, qui nuntiat, tenetur locum, in quo opus nouum nuntiat, demonstrare, vt is, cui nuntiatum est, scire possit, vbi ædificare debeat, & vbi interim abstinendum sit. Totiens autem demonstratio facienda est, quotiens in partem fit denuntiatio. Cæterum si in totum opus fiat, non est necesse demonstrare: sed hoc ipsum dicere, si in pluribus locis opus fiat: quia in re præsentī fit nuntiatio, plures nuntiationes, & remissiones, ex sententia Iuliani necessarias esse constat, d. l. de pupillo. Et denique no-

ran

tandum est, cum, qui nouum opus nuntiat, iurare debere, non calumniæ causa, nuntiare: quod tamen iusiurandum cum prætoris auctore deferatur, ad eius præstationem non tenetur, nisi legitimè fuerit exactum, dict. l. de pupillo, §. qui opus, ff. eodem.

Quis Finis, & Vfus?

Nuntiatio fit, aut iuris nostri conseruandi causa: aut damni repellendi: aut publici iuris tuendi gratia, l. 1. §. nuntiatio fit, ff. eod. Ob id Sextus Pedius, Operis noui nuntiationis triplicem esse causam definiuit, scilicet, aut naturalem, aut publicam, aut impositiuam. Naturalem, cum in nostras ædes quid immittitur, vel ædificatur in nostro solo. Publicam causam, quotiens leges, Senatusconsulta, constitutionesque Principum, per Operis noui nuntiationem tuemur. Impositiuam, cum quis, postquam ius suum diminuit, alterius auxit, hoc est, posteaquam seruitutem ædibus suis imposuit, contra seruitutem fecit, d. l. de pupillo, ff. eod. §. bellè.

Cum igitur nuntiationis finis potissimum sit, vt ius nostrum conseruetur: duobus prioribus; scilicet per prætoris, vel lapilli iactum, vtendum erit, si quid Operis Noui in nostro ædificatur, & possessionem retinere velimus: non autem verbali nuntiatione: Quia illa aduersus possessorem facimus, sed verbali tantum vtendum erit, si vicinus in suo ædificet; contra tamen causam impositiuam, & constitutionem seruitutis, l. 1. §. in operis, & l. pupillo, §. & bellè, ff. eod.

Quis Effectus?

Quod nuntiatione noui operis facta, ædificans abstinere, & prætoris iurisdictioni, examinandi iuris ædificationis gratia, se submittere: vel si in ædificando pergere malit, satisfactio nem de opere demoliendo, si ita iudicatum fuerit, offerre teneatur. Edicto enim prætoris expressum est, ne post noui operis nuntiationem quicquam operis fiat, antequam vel nuntiatio missa fiat, vel vice nuntiationis missæ, satisfactio de opere demoliendo fuerit interposita. Qui ergo facit, etsi ius faciendi habuerit, tamen contra interdictum, satisfactione non oblata, facere videtur, & ideò hoc destruere cogitur, l. prætor, ff. eod. Satisfactio autem interponi debet, quoties vicinus dicit, ius sibi esse, prohibere vicinum opus nouum inuito se facere: qua interposita utrique consultum est: tam ei, qui nuntiauit; quoniam cautum habet de opere restituendo: quam ei, cui nuntia-

tum

tum est: quia molitio eius non impeditur, l. stipulatio, ff. cod. Iure autem Pontificio in optione nuntiantis nouum opus est, an intra tres menses de præiudicio suo ostendere velit, & interim cessetur ab opere: an verò recepta cautione de opere demoliendo, statim ædificare permittat. Nam, non obstante satisfactione, si non iure ædificatum existat, tenetur ædificator nuntiantem, iuris sui præiudiciū probare volentem, per trium mensium spacium expectare, c. is, cui opus, & c. significantibus, extr. cod.

DE PRIVILECIIS, ET EXCESSIBVS PRIVILEGIATORVM.

TITVLVS XXXIII.

Continuatio.

Priuilegiati quandoque indultis beneficiis abutuntur, & vitæ modum, obliti conditionis suæ excedunt.

Quid Priuilegium: & unde dictum?

Priuilegia (inquit Isidorus lib. 5. Etymologiarum) sunt leges priuatorum, quasi priuatę leges. Nam priuilegium dictum est ex eo, quod in priuato feratur, c. priuilegia, dist. 3. Vel priuilegia dicta sunt, quasi priuata legia, vt Gregorius putat: eo quod priuatam legem singulis generent, c. ideò permittente, §. priuilegia, 2 §. q. 1.

Quotuplex Priuilegium?

Duplex: Generale, & speciale. Generale est, quod pluribus personis, vel ratione plurium personarum, vel rerum conceditur. Speciale est, quod vni loco, vel personæ, singulari quodam fauore, indulgetur, cap. cum & plantare, extr. cod. cap. veniens, extr. de præscript. cap. ex tuæ, extr. de filiis presbyterorum.

Que causa Efficiens?

Quævis persona, quæ ius condendi legem, vel faciendi constitutiones habet, Hostiens. §. quis possit, & §. qualiter, tit. de constitut. Possunt igitur Imperator, Pontifex, Episcopus, & quilibet Princeps in loco sibi subiecto, argum. cap. constitutus, extr. de relig. dom. c. constitutus, & cap. cum vena

nera

nèrabilis, extra. de censib. cap. vsus, 16. quæst. 3. & cap. inter vos, extra. de sent. & re iudic.

Quæ Materia?

Res non turpis, sed honesta, & possibilis: cum enim priuilegium sit priuata lex, debet, instar legis, continere in se honestatem, iustitiam, & possibilitatem, cap. factæ, cap. præterea, dist. 4. Ad hoc, iustum est Principem legibus obtemperare suis: tunc enim iura sua ab omnibus custodienda existimare debet, cum & ille legibus à se latis reuerentiam præbet, cap. iustum est, dist. 9. Ergo nec alij legum relaxationem singulari indulto priuilegio, vt pro libitu turpiter viuat, concedere potest.

Quæ Forma concedendi Priuilegia?

Vt Princeps, qui condendæ legis potestatem habet, alicui, quem concedentis constitutio obstringit, aliquid singulare, quod in præiudicium alterius non tendat, vel bonis moribus non repugnet, speciali beneficio, considerata æquitatis ratione, concedat. Priuilegium bonis moribus repugnans, vel quo alter læditur, nullius est momenti, cap. quæ est, 25. q. 2. & cap. constitutiones, dist. 10. Conceduntur autem priuilegia vel personis, vel rebus; vnde personalia, & realia dicuntur. Personalia simul cum personis, quibus concessa sunt, intereunt. Realia autem, personis etiam sublatis, in rebus subsistunt, c. mandata, extr. de præsumpt. c. petiisti, 7. q. 1. ca. hinc est, 16. q. 1. c. 2. extr. de vsu pallij, c. non exemplo, 26. q. 2. & per tot. 25. q. 2.

Quis Effectus?

Acquisitio iuris priuati, & specialis; quo legi generali derogatur, cap. id eo pœnitente, 25. quæst. 1. §. priuilegia, cap. non exemplo, 26. quæst. 2. cap. Abbate, extra. de verb. signific. cap. priuilegia, dist. 3.

Quæ Affinia?

Constitutiones, leges, consuetudines, rescripta, &c.

Quæ Pugnancia?

Sunt illi modi, quibus priuilegia amittuntur. Quod variè contingit. Primò: si priuilegiatus contra priuilegium quid committat, & eo indignum se reddat, cap. pro illorum, extra. de presbyt. cap. cum accessissent, extra. de constit. cap. si de terra, & ca. accedentibus, extr. eod. 2. Perditur per negligentiam spatij 10. annorum, l. 1. ff. de iuridinis, licet contra priuilegia Ecclesiæ 40. annorum tempore iure Pontificio præscribatur,

cap. accedentibus, extr. eod. 3. Si priuilegio abutatur, c. priuilegium, 11. quæst. 4. & cap. vbi ista, 74. dist. 4. Propter delictum, cap. talia, 8. quæst. 3. cap. ad aures, & ca. quibusdam, extr. de pœn. Vnde dicitur in cap. ita nos, ciuitatem perdere priuilegium propter delictum ciuium. 5. Cùm enorme damnum inducit alteri, cap. dilecti, extr. de dec. & cap. quid per nouale, extr. de verb. signifi. 6. Si princeps, qui illud concessit, scienter iudicat contra illud, cap. suborta, extr. de re iudic. 7. Si priuilegiatus, verbo, vel factò tacitè, vel expressè ei renuntiat, cap. licet, extr. de reg. iur. cap. nuper, extr. de decimis. 8. Perditur per secundum priuilegium expressam de primo faciens mentionem, cap. 1. extr. de rescript. cap. veniens, extra. de præscript. ita tamen vt generalitatis, & specialitatis habeatur ratio: quia speciale non tollit generale priuilegium eius, nisi quo ad hoc, quod speciale comprehendit; generi enim per speciè derogatur, ca. generi, de reg. iur. in 6. & l. uxores, §. felicissimos, ff. de leg. 3. 9. Per reuocatione concedentis, cap. suggestum, extr. de deci. nisi tamen priuilegiatus præscriptione, vel alia legitima causa iuuetur, cap. pastoralis, extr. de don. cap. intellecta, extra. de iure iur. & c. Abbate, extr. de re iudic. 10. Si quis cõtemptui aliorum priuilegia habeat, nec ea seruet, cap. dilecti, extr. eod. Potest tamen contra priuilegia etiam Ecclesiæ, præscriptio per aliam Ecclesiam induci, quæ continuationem temporis 40. annorum compleuit, cap. accedentibus, extra. eodem.

AXIOMATA, ET SENTENTIAE.

Cùm Ecclesia legum secularium, quæ aequitatis, & iustitiæ vestigia imitantur, seruitium non aspernetur: quia tamen in Francia, & nonnullis prouinciis Romanorum Imperatorum legibus non vtuntur, & occurrunt raro Ecclesiasticæ causæ tales, quæ non possint statutis cãonicis expediri, vt plenius sacre pagine insistantur, sub excommunicationis pœna interdicitur, ne Parisiis, vel ciuitatibus, seu aliis locis vicinis quisquam docere, vel audire ius ciuile præsumat, cap. super, extra. eodem.

Innoxatio priuilegiij ius nouum non inducit, sed vetus conseruat, capit. quia intentionis, extra. eod. & cap. ex parte eodem.

Qua

Qualem te inuenio, talem te iudico, cap. ex parte, extra. eodem.

Pallium est plenitudinis Pontificalis officij insigne, capit. antiqua, extra. eodem.

Exemptus ratione rei, vel certi loci, non censetur exemptus respectu alterius rei, vel loci, cap. cum capella, extra. eodem.

Contra priuilegia Ecclesie minori spacio quadraginta annorum non prescribitur, cap. accedentibus, extra. eod.

Priuilegium uni concessum non potest propter rationis paritatem, ad alium extendi, cap. sane, extra. eod.

Suis priuilegiis priuandus est, qui alienis derogat, cap. dilecti, extra. eodem.

Liberum est unicuique suo iuri remittiare, l. si de terra, extra. eodem.

DE PURGATIONE CANONICA.

TITVLVS XXXIIII.

Continuatio.

Certitudine probationis, vel accusatore deficiente, infamatus de aliquo crimine apud bonos, & graues, purgatione canonica innocentiam suam probare tenetur, cap. si quis presbyter, extra. eodem.

Quid Purgatio?

Purgatio est innocentie super obiecto crimine certis à iure inuentis mediis facta ostensio.

Quotuplex Purgatio?

Canonica, & vulgaris. Canonica est, quæ ad probationem innocentie faciendam Canonibus approbatur. Vulgaris autem, quæ non approbatur, de qua infra, prox. tit.

Quæ causa Efficiens?

Præceptum, & iussus iudicis: qualitercunque enim de crimine contra aliquem actum fuerit, si non sit conuictus & confessus, & nihilominus mala fama duret, monebit eum iudex seorsim, postea coram testibus, ut se coniugat, quod si necdum hoc fecerit, præcipiét ipsi iudex super crimine, de quo infamatur, purgationem: quæ non in voluntate suspecti, sed in arbitrio iudicis consistit, ut notat. Gratian. in cap. auditu, §. ecce, 2. quæst. 4. cap. presbyter, 2. quæst. 4. & cap. si quis presbyter, extr. eod. & donec ipsam fecerit, ab officio canonice suspensus manebit, d. cap. presbyter, eodem.

Quæ Materia?

Quoduis crimen, vel vitium occultum, de quo quis infamatur; quia non tantum adulterij, simoniæ, furti, periurij, aliorumque criminum suspicionem, infamatus purgare debet, cap. nobilis, cap. consuluisti, 2. quæst. 4. cap. de hac autem, extra. de simonia; sed etiam suspicionem impotentiae, & defectus natalium. Vnde infamatus super defectu natalium priusquam se purget, ad Ordines promoueri non potest, cap. accedens, extra. eod. debetque crimen, vel vitium esse occultum. Nam si probabile, & manifestum fuerit, purgatio non indicitur. Quia nec in re notoria verisimili suspicioni, quæ purgationem inducit, locus datur, cap. si quis de gradu, & cap. cum dilectis, extra. eodem.

Quæ Forma?

Vt suspectus de crimine occulto, suspicionem criminis, præstiti iurisiurandi religione, purget, adhibitis compurgatoribus, qui suspectum verum iurasse, pariter iuramento affirmant, cap. quoties, cap. inter, extr. eod. cap. presbyter, 2. quæst. 4. Exempli gratia, ut si Episcopus commissæ simoniæ reus dicatur, ipse iurabit, quod pro tali Ecclesia, vel pro tali re spirituali danda; seu concedenda, nec ipse per se, nec per submissam personam, nec alius pro eo, se sciante, mandante, consilium dante, vel auctoritatem præstante, pretium receperit, d. cap. quoties, extr. eod. cap. si quis viduam, dist. 50. & cap. auditum, 2. quæst. 5. Si vero super aliis criminibus fuerit suspectus, iurabit quod sit immunis ab illis, vel sub exspecta in specie, forma, quod ad simoniam, venditionem iustitiæ, & incontinentiam non commiserit, postquam ad Episcopalem dignitatem fuerit assumptus, cap. accepimus, extr. eod. Compurgatores autem corporaliter iurabunt, tactis sanctis Euangeliiis, quod

quòd ex sua conscientia iudicent ipsum ab illo crimine immunem esse; bonum igitur, & verum iuramentum ipsum præstitisse credant, d.c. quoties, extr.eod.& cap. presbyter, 2.q.4. Potest autem iudex, vt suo arbitrio compurgatores assignentur, curare; modò illius honestatis, & opinionis sint, quòd verisimile sit, eos nullo amore, vel odio, seu obtentu pecunie, peierare. Vt autem idonei appareant, necesse est, inquit Alexander III. vt eius, quem purgare debent, vitam, & conuersationem agnosant, cap. cum P. Manconella, extra.eod.& d.cap. presbyter, cap. si à plebe, 2.q.4.& cap. cum dilectus, extr.eod.

Quis Finis, & Effectus?

Quòd purgatione legitimè facta ab illo crimine, cuius accusabatur: vel etiam à suspitione eius, efficiatur immunis, ita vt nec postea huius delicti causa contra ipsum accusatio admittatur, exceptis tribus casibus. 1. Nisi quis suam, suorumque iniuriam prosequatur. 2. Vel nisi doceat cum priore accusatore collusionem interuenisse. 3. Vel nisi ad probandum se offerat: quòd suspectus peierando se purgauerit; cõtra illud enim iuramentum, cum iudiciale sit, probatio in cõtrarium admittitur, Dd. in l. admonendi, ff. de iureiur. & Specul. tit. de abolit. & purg. in fin. Quòd si autem suspectus in indicta purgatione defecerit, perinde puniendus est, atque si de crimine, de quo diffamatus fuit, legitimè conuictus, & confessus fuisset, cap. cum P. Manconella, & cap. inter, in fin. extr.eod. Notat tamen Menoch. lib. 2. Cen. 3. casu 274. num. 5. de arb. iud. Clericum deficientem in purgatione canonica, & ob id traditum curiæ seculari puniendum, non puniri pœna ordinaria, sed sola iudicis arbitraria, arbitriumque putat, quando quis in purgatione deficere dicitur, iuxta Simanc. tit. 54. num. 13.

DE PURGATIONE

VVLGARI.

TITVLVS XXXV.

Continuatio.

Altera species purgationis est vulgaris, quæ cum ex superstitiosa hominum inuidorum inuentione profecta sit, Canonibus non immeritò improbat, cap. Mennam, §. purgationem, 2. quæst. 4.

Quid est Purgatio vulgaris?

Vulgaris purgatio dicitur, quam vulgus contra sanctorum Patrum traditiones, & sancita, superstitiosè, & ex invidia induxit, cap. consuluisti, 2. quæst. 4.

Quæ causa Efficiens?

Ipse Satan, superstitio, invidia vulgi, d. cap. Mennam, §. purgationem, in verb. *fabricante invidia*, 2. quæst. 4. dict. cap. consuluisti, in verb. *superstitiosa animentione*.

Quæ Materia?

Crimen non manifestum, sed occultum. Cuius cognitio & punitio soli Deo, qui omnium corda nouit, relinquenda est, d. cap. consuluisti, §. occulta, 2. quæst. 4. cap. 1. & c. 2. extr. cod.

Quæ Forma?

Est aquæ frigida, candentis ferri, vel singularis certaminis, vel alterius rei ex superstitiosa inuentione vulgi institutæ iudicium, ad probandam suspecti innocentiam, vel extorquendam criminis occulti confessionem adhiberetur, cap. consuluisti, cap. Mennam, 2. q. 4. cap. 1. cap. 2. & cap. 3. extr. cod.

Quis Finis, & Effectus?

Vt postquam subiit suspectus iudicium ferri candentis, vel aquæ frigida, alteriusve rei, si non sequatur læsio, quasi demonstrata innocentia, impunè euadat: sin minùs pœnis ciuilibus subdatur, dict. cap. fin. extra. eodem.

Quæ causa Prohibitionis?

Hæc purgatio vulgaris prohibetur. 1. Quia sanctorum Patrum sancitis aduersatur, cap. consuluisti, 2. quæst. 4. 2. Quia superstitiosa, inuidiosa & nociua est, cap. significantibus, extr. cod. & cap. satis peruersum, 65. dist. Denique: quia hoc genere superstitionis Deus tentari videtur, cap. monomachiam, 2. quæst. 4. quod omnibus modis cauendum est, cap. si nulla vrget, 23. quæst. 8. & cap. quæritur, 22. quæst. 2.

DE INIURIIS, ET

DAMNO DATO.

TITVLVS XXXVI.

Continuatio.

IS, qui canonica purgatione innocentiam suam ostendit, contra accensatorem, qui falso obiecto eum diffamare tentauit, iniuriarum experiri potest.

Quos

Quot modis accipitur iniuria?

Duobus modis: generaliter, & specialiter. Vnde generaliter accipiendo iniuriam, iniuria ex eo dicta est, quod non iure fiat. Omne enim, quod non iure sit, iniuria fieri dicitur: quandoque etiam significat damnum culpa datum, ut in legē Aquilia; & interdum iniquitate; specialiter autem iniuria, dicitur contumelia: contumelia dicta à contemnendo, l. i. ff. cod. in princip.

Quid iniuria specialiter accepta?

Iniuria est, delictum, quod committitur, cum liberi hominis corpus, dignitas, vel fama læditur.

Quæ causa Efficiens?

Affectus, & voluntas iniuriandi. Nam si noluerit iniuriam facere quis, non tenetur: voluntas enim, & propositum delinquentis, sicuti maleficia distinguunt, ita ea quoque inducunt, l. quæ iniuria, ff. de furt. & Bart. consil. 104. visis, l. i. ff. si quad. pau. fecit. dicatur: & iniuria ex affectu facientis consistere dicitur, cap. illud relatum, 16. quæst. 1.

Quæ Materia?

Corpus, dignitas, & infamia. Labeo enim ait, omnem iniuriam aut in corpus inferri, aut ad dignitatem, aut ad infamiam pertinere. In corpus fit, cum quis pulsatur. Ad dignitatem, cum comes matronæ abducitur. Ad infamiam, cum pudicitia attentatur, l. i. §. omnemque, ff. eodem.

Quæ Forma?

Ut is, qui iniuriam facere potest, affectu iniuriandi, & dolo malo inferat iniuriam re, vel verbis, corpori, dignitati, vel existimationi eius, qui pati iniuriam potest. Nam ad iniuriam committendam, requiritur primò, animus iniuriandi, ut scilicet contumeliæ faciendæ gratia quid fiat. Vnde animantia bruta contumeliæ inferre non possunt: quia affectu iniuriæ faciendæ carent, dict. l. i. ff. si quadrupes paup. Secundo, ut iniuria fiat re, vel verbis: Vnde realis, & verbalis dicitur. Re: ut si manus inferantur, familia corrumpatur, impediat quid fieri, quod iure naturali conceditur, &c. Verbis: quando fit conuitium: quod variis modis fieri potest, ut notant Dd. in l. si non conuitij, C. eod. Tertiò, vel famosus libellus scribatur, de quo per tot. §. q. 1. Quarto requiritur, ut persona iniurians, & contumelia affecta talis sit, quæ iniuriam

inferre & pati possit. Qui autem illi sunt, ex Pandectis perspicuè intelligi potest.

Quis Finis?

Vt alicuius corpus, dignitas, vel fama, illata contumelia, lædatur, l. 1. ff. eodem.

Qui Effectus?

Primus: Actio iniuriarum, prætoria, annalis, quæ tamen in tribus casibus, ex lege Cornelia civilis est, & ultra anni spacium durat: scilicet, si quis pulsatus, verberatus, domusque eius vi introita sit, l. lex Cornelia, ff. eodem. De quavis autem iniuria, siue leui, siue atroci, potest is, qui eam passus est, vel civiliter, vel criminaliter agere; utroque tamen modo ad vindictam. Civiliter quidem, quando actor sibi adiudicari pœnam petit, datûrque in tantum actio, in quantum iniuriam passus eam ad animum reuocauerit: licet iudex perperis circumstantiis (ex facto enim, loco, & persona, atrocior redditur iniuria) suo arbitrio iniuriæ æstimationem moderari possit, l. cõstitutionibus, cod. Criminaliter agitur, cum iniurians puniri petitur in corpore, vel agitur ad pœnam pecuniariam si sico applicandum; quo casu iudex quoque ex facti qualitate, & dignitate affecti iniuria, pœnam ex arbitrio statuere potest. Et notandum hîc, quod per electionem alterutrius actionis, altera consumatur; utraque enim ad vindictam, & pœnam tendit: cum aliàs secus sit, si vna ad rem familiarem adipiscendam, altera ad vindictam competat, §. liberum, Instit. de leg. Aquilia. Alter effectus est actio iniuriarum reclamatoria, civilis, qua iniuriatus ad reuocationem iniuriosorum verborum, si conuictus fuerit lacesitus, agit. Quæ ab Imperatore etiam Carolo V. hodiè in noua Imperialis Cameræ Ordinatione comprobata est, in Ord. fol. 112. & iure communi fundata, Dd. in cap. 1. extr. de libel. oblat. per text. ibi verb. *reclamatoria*. Vltimus effectus est, ipsa infamia, siue civiliter, siue criminaliter iniuriarum actum fuerit. Quam tamen reus euitabit, si per procuratorem in iudicio litigauerit, vel antequàm lis contestata fuerit, pœnam, ratione iniuriæ illatæ, debitam præstiterit. Cæpoll. caut. 12. in tractat. cautelarum, & Bart. in l. infamem, ff. de pub. iudic.

Qua Affinia?

Damnum, pauperies, furta, rapinæ, & alia delicta, quæ omnia circa res dicuntur iniuriæ.

Quid

Quid Damnum?

Damnum hîc dicitur iniuria, qua quis seruum, vel quadrupedem alterius occidit, vulnerauit, vel alioqui res eius confregit, rupit, vel læsit, §. capite tertio, Inst. de leg. Aquil.

Quæ causa Efficiens?

Iniuria, dolus, vel lata culpa damnum inferentis, §. 2. Instit. de leg. Aquilia, & l. sedet, §. iniuriam, ff. eod. tit.

Quæ Materia?

Seruus, & quadrupes, vel quæuis alia res, cui læsio infertur, l. 2. ff. ad leg. Aquil. c. 1. 2. 3. & 4. extr. eod.

Quæ Forma?

Ipsa læsio, dolo, culpa, vel iniuria seruus, pecudibus, vel rebus alienis facta. Tria enim sunt Aquilæ legis capita: quorum primo, de occiso alieno homine, quadrupedẽ tertio de vulnerato, damnoque iniuria rebus alienis dato, scilicet rumpendo, frangendo, vel vrendo, cauetur. Secundum legis caput, nec antiquis in vsu fuit, Paul. lib. 1. tit. 1 §. Iniuria autem hîc non pro contumelia: vt in actione iniuriarum: sed generaliter pro eo, quod contra ius, & per culpam factum est, accipitur. Quotiescunque igitur damnum iniuria inferetur, Aquilæ locus erit. Quare magistratus, qui non ex lege, neque iure aliquem damno afficiunt, hac lege tenentur: necnon vniuersitates, & qui horum iussis illicitis parent. Culpa verò non tantum lata, verum etiam leuis, & leuissima, vt impetiam, & negligentiam contineat, intelligitur: vnde Gregorius IX. Si culpa tua datum est damnum, vel iniuria irrogata, seu aliis irrogantibus opem fortè tulisti, aut hæc imperitia tua, siue negligentia euenierunt, iure super his satisfacere oportet, nec ignorantia te excusat, si scire debuisti ex facto tuo iniuriam verisimiliter posse contingere, vel iacturam, cap. si culpa tua, extr. eod.

Quis Effectus?

Actio legis Aquilæ ciuilis in personam, quæ datur domino aduersus eum, qui damnum iniuria dedit, vel saltem causam damni præstitit, vt quanti plurimi res, vel anno proximo, vel triginta diebus proximis fuerit, tanti damnetur, l. ait lex, & ll. sequentibus, ff. ad legem Aquiliam.

Quid Pauperies?

Pauperies est damnum sine iniuria facientis datum: Nec

enim, ut ait Vlpian. animal dici potest iniuriam fecisse, quod sensu caret, l. i. ff. si quadrup. pau.

Huius forma est. Noxia, commota feritate, contra naturam eius generis communem à quadrupede commissa. Nam si fera sit, quæ feritatem habet congenitam, & euadendo noxiam dederit, dominus non tenetur ex damno dato. Nec conueniri potest hac actione in factum de pauperie, cum euadendo quasi immensam, & infinitam à natura liberè vagandi facultatem fera consequatur, & dominio custodientis, & tenentis eximatur, dict. l. i. §. & generaliter. Effectus autem est actio in factum de pauperie, ad consequendam quadrupedem, quæ pauperiem dedit, vel eius æstimationem. Quæ actio ex lege duodecim Tabularum descendit: quæ voluit, aut dari quod nocuit, id est, animal, quod noxiam commisit: aut æstimationem noxiæ offerre: quod in arbitrio ipsius domini est, ut scilicet possit quadrupedem noxiæ dedere, vel æstimationem eius præstare, l. i. ff. si quad. Nisi dominus in iudicio interrogatus quadrupedem suam non esse mentitus fuerit, dict. l. i. §. interdum: noxia autem est ipsum delictum, dict. l. i. Datur etiam hæredi, cæterisque successoribus, item aduersus successores, cæterosque hæredes, non iure successionis, sed eo iure, quo domini sunt, d. l. i. §. fin. Est tamen hæc actio etiam utilis, si non quadrupes, sed aliud animal pauperiem fecerit, l. hæc actio, ff. eod.

Quæ Pugnancia?

Ius naturæ: *Quod tibi non vis fieri, alteri ne feceris*, ut in 5. & 8. decalogi præcepto. Defensio cum moderamine inculpatæ tutelæ, l. i. C. unde vi, & ibi Bart. Et modi, quibus iniuria aboletur: Ut dissimulatio: quando iniuriatus nullum de se indicium iniuriæ ad animum reuocandæ ostendit: sed eam negligit, vel prorsus vult esse sopitam, l. non solum, ff. eod. Dein pactum, transactio, vel iusiurandum super illata iniuria, interpositum, lapsus continui anni, l. si non conuictij, C. eod. Nisi ciuili, ex lege Cornelia agatur, l. lex Cornelia, ff. eod. Satisfactio: ea enim facta amplius non agitur ad vindictam, sed tantum ad damna. Denique mors iniuriati, lite nondum contestata: & iniuriantis, etiam post litis contestationem, l. si eum, §. qui iniuriarum, ff. si quis caut.

AXIOMATA, ET SENTENTIÆ.

Iniuria semel remissa, iterum reuocari non debet, cap. si illis, 33. quæst. 4.

Peccata, quæ in Deum, vel proximum committuntur, legitimis poenis vindicanda sunt: ea autem, quibus in Principem delinquitur, patienter vel toleranda, vel dissimulanda sunt, c. inter querelas, 23. q. 4.

Non mediocriter Deum offendit, qui debita cœlestis regis sua presumptione resoluit, c. si is, 23. q. 4.

Occulto Dei iudicio mali obdurantur flagellis, boni emendantur, c. Nabuchonosor, 23. q. 4.

Leuius occulta, seuerius autem punienda sunt ab Ecclesia delicta manifesta, c. quisque, 23. q. 4.

Infidelium colloquia, & connubia non sunt vitanda, cap. infideles, 23. q. 4.

Quando multitudo est in scelere, nec salua pace Ecclesie, mali puniri possunt, tolerandi sunt potius, quàm violata pace Ecclesie puniendi, c. infideles, 23. q. 4.

Non tantum iniuriam faciens punitur, verum etiam, qui adminicula iniurie quoquo modo suggererit, c. si quis, §. non solum, dist. 1. de poen.

Si quis pulsatus quidem non est, verum manus aduersus eum leuatae sunt, & sæpè territus, quasi vapulaturus, non tamen percussus iniuriarum actione tenetur, c. si quis, dist. 1. de poen.

Non est inferenda, sed depellenda iniuria, secundum virtutis legem: qui enim non repellit à socio iniuriam, si potest, iam in vitio est, quàm ille, qui facit, cap. non inferenda, 23. quæst. 3.

Qui occasionem damni dat, damnum dedisse videtur, c. si culpa, extr. eod.

Ignorantia in damno culpa dato, non excusat. dict. cap. si culpa, extr. eod.

Si quis domum, vel aream cuiusquam incenderit voluntariè, sublata & incensa omnia restituat, & tres annos pœniteat, c. si quis, extr. eod.

Si rixati fuerint homines, & percusserit alter proximum suum lapide, vel pugno, & ille mortuus non fuerit: si iacuerit in lecto, qui percusserit, operas eius, & impensas restituat, c. 1. extr. eod.

Qui in alterius famam publicè scripturam, aut verba contumeliosa confinxerit, & repertus scripturam non probaverit, flagellatur: & qui eam prior invenerit, rumpat, si non vult auctoris facti causam incurere, cap. qui in alterius, s. quest. 1.

DE POENIS.

TITVLVS XXXVII.

Continuatio.

SI reus crimen confessus, vel testibus, aliisque iuris remediis convictus fuerit, legitimis pœnis subiicitur. Nam Reipublicæ interest: ne delicta remaneant impunita: si verò de commisso crimine manifestè non constet, suspectus coercendus non erit, cum nulla pœna in crimen, cuius suspicio tantum extat, legibus constituta sit. Satiùs enim est, impunitum relinqui facinus nocentis, quàm innocentem damnare, l. absentem, ff. de pœnis, c. vt fama, extr. de sententia excom. c. non afferamus, 2. 4. q. 1.

Quid est pœna?

Pœna est generalis coercitio omnium delictorum, quæ per fraudem committuntur, legibus constituta, & approbata, l. aliud fraus, §. si qua est, ff. de verb. sign.

Quot sunt species pœnarum?

Secundùm Hostiensensem sunt tres: personales, reales, & mix

mixtæ. Personales, iure Pontificio, sunt excommunicatio, suspensio, depositio, intrusio, incarceration, verberatio, characteris impressio, seruitus, priuilegij clericalis priuatio, curiæ seculari traditio, relegatio. De excommunicatione, suspensione, & depositione legitur in cap. sorte, 23. quæst. 4. cap. cum non ab homine, extr. de iur. Et ferè per tot. 11. quæst. 3. De intrusione, cap. edictum, & cap. si quis clericus, dist. 8. cap. de lapsis, 16. quæst. 6. cap. si qua monacharum, 27. q. 1. c. tuæ, extr. cod. De incarceratione, cap. graui, extr. de positi, c. à nobis, extr. de Apostas. cap. nouimus, extr. de verb. signif. De verberatione, c. illi, qui, 5. q. 5. cap. circumcelliones, 24. q. 5. De characteris impressione, c. ad audientiam, extr. de crim. fal. cap. ita quorundam, extr. de Iudæ. cap. cum multæ, 15. q. fin. De traditione faciendæ seculari curiæ, cap. ad falsariorum, extr. de crim. fal. cap. ad abolendum, extr. de hære. De priuatione priuilegij clericalis, c. contingit, extr. de sent. excom. & c. fin. extr. de vita, & honest. cler. De relegatione, cap. cum non ab homine, extr. de iud. & c. 2. extr. de lib.

Reales pœnæ sunt, in possessionem rei petitiæ, vel aliàs pro modo debiti declarati missio: de qua pœna in cap. quoniam, extr. vt lite non contest. Beneficij priuatio, per tot. tit. de cohab. cleric. & tit. de cler. coniug. Beneficij suspensio, & subtractio, de quo in cap. cum adhuc, extr. de cler. non residen. cap. pastoralis, extr. de apostas. c. communicamus, extr. de hæret. Rerum omnium confiscatio, cap. ita quorundam, & cap. ad liberandam, extr. de Iudæ. Pecuniari pœnæ inuinctio, cap. in Archiepiscopatu, extr. de rap. cap. 2. extr. de maled. & c. postusti, extr. de Iudæ.

Mixtæ sunt, quæ partim reales, partim personales videntur: vt sunt inscriptio, proscriptio, exilium & relegatio, cap. accedens, distinct. 50. cap. biduum, 2. quæstio. 6. & cap. placet, 16. quæst. 1. Nam & ad iudicem Ecclesiasticum pertinet ex causa in exilium mittere. In exilibus autem certos pœnarum gradus Diuus Adrianus edicto constituit: vt scilicet, qui ad tempus relegatus est, si redeat, in insulam relegetur. Qui relegatus in insulam, excesserit, in insulam deportetur. Qui deportatus euaserit, capite puniatur, l. capitalium, §. in exilibus, cod. Et iure ciuili: pœnæ vel sunt capitales, vel non capitales. Capitales sunt, quæ caput, vitamque adiungunt. Non capitales, quæ non adiungunt. Quæ autem illæ sint vide l. capitalium, & l. fin. ff. cod.

Quæ causa Efficiens?

Est ipsa lex, vel canon, qui legis nomine quoque comprehenditur. Nam, vt Isidorus de officio legis dicit: Omnis lex aut permittit aliquid; vt vir fortis petat præmium: aut vetat: vt sacrarum virginum nuptias, nulli petere liceat: aut punit: vt qui eadem facit, capite plectatur, c. omnis autem, distin. 2. Habent autem potestatem animaduertendi illi solùm, ad quos ius gladij, & merum imperium spectat, l. 1. & l. 2. ff. eod. Et magistratus, cui administrandæ iustitiæ onus incumbit, solùm pœnam lege constitutam exequitur. Nam legis executio, nihil aliud, quàm administratio iustitiæ, est, l. seruos. C. ad l. Iul. de vi pub.

Quæ Materia, & Subiectum?

Sunt homines, qui deliquerunt: non autem alij pro illis, qui non deliquerunt: intantum, vt nec filius pro patre, vel maritus pro vxore, & econtrà puniatur. Nam vt dicitur, pœna suos debet tenere authores, & vnusquisque ex suo admisso sorti subiicitur, nec alius alieni criminis successor constituitur, cap. crimen, 1. quæst. 4. cap. vndecunque, distin. 5. 6. cap. quæfuit, extr. de his, quæ sunt à maio. parte. Cap. Prægnantis autem mulieris damnatæ pœnam, quò ad pariat, differri, ita vt nec quæstio de ea, donec vterum gerit, habeatur, constitutum est, l. prægnantis, ff. eod. Quia partus non pœnæ, sed reipublicæ nascitur, l. 1. §. sic, ff. de vent. in pos. mit. Puniantur igitur homines, aut propter facta, vt furta, cædesque: aut dicta, vt contumacia, & infidas aduocationes: aut propter scripta, vt falsas chartas, & famosos libellos: aut propter consilia, vt coniurationes. Quæ quatuor genera septem modis sunt consideranda: scilicet, causa, persona, loco, tempore, qualitate, quantitate, euentu, c. aut facta, dist. 1. de pœn.

Quæ Forma imponende pœnæ?

Forma excommunicationis imponendæ habetur in cap. debent, 1. 1. q. 3. Forma traditionis in c. nouimus, extr. de verb. signif. aliarumque pœnarum canonicarum imponendarum modi habentur textibus sup. notatis. Et sanè varietas criminum, varietatem inducit pœnarum, dist. 1. de pœn. & c. non afferamus, 24. q. 1. Igitur respiciendum iudicanti (vt ait Martianus) ne quid aut durius, aut remissiùs, quàm causa deposcit, constituat. Nec enim aut saueritatis, aut clementiæ gratia affectanda, sed perpenso iudicio, pro vt quæque res postulat, statuendum est. Planè in leuioribus causis procliuiorès ad lenita

nitatem iudices esse fas est; in grauioribus pœnis sœueritatem legum cum aliquo temperamento benignitatis subsequi debent, l. perspicendum, ff. eod. & c. pœnæ, distinct. i. de pœn. Considerare etiam debet iudex in modo infligendæ pœnæ committentis intentionem, & affectum: quia affectus discernit maleficia, & aliter is, qui proposito, quàm qui casu delinquit, puniendus. Nam delinquitur tripliciter: aut proposito: aut impetu: aut casu. Proposito delinquant latrones, qui factionem habent. Impetu, cum per ebrietatem ad manus, aut ad ferrum venit. Casu, verò, cum in venando telum in feram missum, hominem interficit, dict. l. perspicendum, ff. eod. Modus autem iustus obseruabitur, si circa facta, dicta, scripta, aut consilia, quibus delicta committuntur, septem circumstantiæ, quarum meminit in l. aut facta, ff. eod. Claudius Saturninus: scilicet causa, persona, locus, tempus, qualitas, quantitas, & euentus in infligenda pœna rectè perpendantur, cap. aut facta, distinct. i. de pœnitent. Primò enim considerandum est, ob quam causam quid factum sit, vñ in verberibus patet, quæ à magistro, vel parente illata impunita sunt: quoniam emendationis animo, non iniuriæ gratia, videntur adhiberi. Pœna autem infligitur; cum quis ab extraneo per iram pulsatur: Persona dupliciter spectatur, eius, qui fecit, & eius, qui passus est: aliter enim puniuntur ex eisdem facinoribus serui, quàm liberi: & aliter qui in dominum, parentemve aliquid ausus est, quàm qui in extraneum; & in magistratum, quàm in priuatum, l. in seruorum, ff. eod. Et in huiusmodi consideratione ætatis quoque ratio habetur. Locus facit, vt idem vel furtum, vel sacrilegium sit capite puniendum, vel minori supplicio. Tempus discernit emanforem à furtiuo, & effractorem, vel furem diurnum à nocturno. Qualitate, factum vel atrocius, vel leuius est, vt furta manifesta à non manifestis discerni solent, rixæ à grassaturis, expilationes à furtis, petulantia à violentia. Quantitas discernit furem ab abigeo. Nam qui suum vñtum surripuerit, vt fur coëscabitur: qui gregem, vt abigeus. Euentus spectatur, vt à dementissimo scilicet: qui animum nocendi non habet, facta: quanquam lex non minus eum, qui occidendi hominis causa, cū telo fuerit deprehensus, quàm enim, qui occiderit, puniat. Et ideo apud Græcos exilio voluntario fortuiti casus luebantur, l. is, qui telo, C. ad l. Corn. de sica. Euenit etiam vt eadem scelera, in quibusdā provinciis grauius plectantur, vt in Africa messium incisores, in Mysia vitium, vbi me-

talla sunt, adulteratores monetæ. Nonnunquam euenit, vt aliquorum malefactorum supplicia exacerbentur, quoties nimirum multis personis grassantibus exemplo opus sit, c. aut facta, in fin. dist. 1. de pœnit.

Quis Finis?

Conseruatio reipub. & societatis humanæ. Sicuti enim præmio affiendi sunt boni, ita pœna mali. His enim duobus, præmio scilicet, & pœna, omnem constare Rem. Solon dicere solebar. Cum enim naturæ parens, & opifex omnium rerum naturalem quandam inter homines constituerit cognationem, impij sanè aduersus Deos immortales iudicandi sunt, qui hanc ab ipsis constitutam consociationem peruersitate morum euertere conantur: ergò illi, qui perpetracione delictorum publicam hominum societatem turbant, legitimis pœnis coercendi sunt, vt & aliis pronior delinquendi occasio auferatur: & inde læsi habeant, quod pro remuneratione delicti ipsis solatio esse possit, l. si quis forè, §. si quos, in verb. vt exemplo deteriti minùs delinquant, ff. eod. & l. capitalium, §. famosos, ff. eod. & Plato. in Gorgia, & cap. non frustra, 2. 3. quæst. 5.

Quis Effectus?

Peremptio obligationis ratione commissi delicti constitutæ: sicuti enim in ciuilibus solutione eius, quod debetur, eius debiti constituta obligatio tollitur: ita in criminalibus pœna, ad quam lèx delinquentem obligabat, perpeffa, ipsa obligatio simul cum delicto aboletur. Bald. in aut. sed nouo, nu. 4. G. de ser. fugitiuis, l. Diuus, ff. de iure patro.

Quæ Affinia?

Incarceratio, quæ non pœnæ loco, licèt ea delinquens puniatur: sed custodiæ causa habetur, iure ciuili. Quia non reis puniendis, sed custodiendis magis carceris angustia inuenta sunt, l. incredibile, C. eod. Tamen iure Pontificio hic quoque carcerum vsus pro delinquentium supplicio receptus est, atque hæc pœna capitalibus interdum annumeratur, c. quantiuis, vbi gl. in 6. & Felin. in c. qualiter, §. ad corrigendos, extr. de accusat. ei quæ supplicio quàm simillima est, quo seculares vruntur, dum quæpiam in metallû, vel ad triremes damnant, Felin. d. c. qualiter, & multa: quæ à pœna ramen variè differt, vt tradit Vlpia. in l. aliud, §. inter. & Paul. in l. si qua, ff. de verb. signif. 1. Pœna generale nomen, est omnium delictorum coercitio: multa autem specialis peccati coercitio. 2. Pœna

non tantum pecuniaria est, verum etiam capitis, & existimationis; multa autem tantum pecuniaria. 3. Poena legis est, & non imponitur, nisi lex, vel quodlibet aliud ius delicto ipsam imponi iubeat; unde dicitur: Certas esse singulorum peccatorum poenas, id est, lege statutas, l. si qua, ff. de verb. signif. Multa vero non legis est, sed in arbitrio iudicis, qualem, & quantum imponere velit, consistit, d. l. si qua, & aliud, ff. de verb. signif. 4. A poena appellari non potest: simulatque enim victus, quis est eius maleficii, cuius poena statuta est, statim ea debetur: at multa non debetur priusquam aut non esse provocatum, aut provocatorem victum esse appareat, d. l. si qua. 5. Multam is dicere potest, cui adiudicatio data est, id est, soli maiores magistratus, & praefides provinciarum, quibus mandatis Principis id permissum est, qui potestatem iudicandi habet, vel cui criminis siue delicti executio competit, dicit. l. aliud fraus, ff. de verb. signif.

Qua Adiacentia?

Fraus, infamia, confiscatio bonorum. Fraus (vt ait Ulpianus in d. l. aliud, ff. de verb. signif.) aliud est, aliud poena. Fraus enim sine poena esse potest, poena sine fraude esse non potest. Poena est noxae vindicta, fraus & ipsa noxa dicitur, & quasi poenae quaedam praeparatio. Infamia notantur omnes illi, qui Christianae legis normam abiiciunt, & statuta Ecclesiae contemnunt. Qui illi sint, vide cap. infames, 6. quaest. 1. Forma infamiae contrahendae habetur in cap. infames. Contrahitur enim aliquando infamia genere delicti declarati per sententiam: veluti, cum iudex pronuntiat: Iniuriam fecisti: haereditatem expilasti, &c. Aliquando genere poenae: sicuti illi, qui damnantur in opus publicum, qui pristinum quidem statum obtinent: sed damno infamiae etiam post impletum tempus subiiciuntur. Aliquando genere poenae, & delicti per sententiam declarati: veluti dum fustibus caeso per praconem dicitur, *συμψαφίστῃς*, id est, calumniaris. Aliquando ipso genere facti: vt exercentes improbum faenus, & illicitè exercentes vsuras vsurarum: & mulier, quae intra tempus, quo moris est lugere maritum, contrahit matrimonium: & qui sciens illam duxerit, &c. infames, §. porro infamia, 3. quaest. 7. Confiscatio est auctio omnium bonorum, vel alicuius quorundam, & ad fiscum associatio, Chas. rub. 2. fol. 140. Quae iure Paudectarum, & Codicis, liberis non existentibus permittebatur: vt scilicet, damnato corpore, bona fisco applicarentur, l. fin.

C. de bon. proscript. & l. 1. ff. de bon. dam. Iure tamen nouissimo bona damnatorum, seu proscriptorum ob delictum commissum (crimine læsæ maiestatis excepto) non confiscantur, sed vel ascendentibus, & descendentibus, vel ex latere iunctis usque ad tertium gradum, si supersint, relinquuntur. Vxoribus quoque eorum dotem, & ante nuptias donationem accipere licet, & si sine dote sint, de substantia maritorum damnatorum partem legibus definitam, siue filios habeant, siue non, consequi possunt, authent. Bona damnatorum, C. de bonis proscriptorum. Licet enim triplex ius nouissimum authenticorum sit, quod de confiscatione statuit, scilicet vnum, de quo in §. 1. authent. de nupt. Colla. 2. Secundum, quod indistinctè publicatio bonorum fiebat. Aliud, de quo in §. oportet, in authent. de mand. princip. secundum quod non fiebat indistinctè publicatio bonorum. Aliud, quod fuit vltimum, de quo §. fin. authent. vt nulli iudic. collat. 9. tamen hoc iure authenticorum iure nouissimo, quod etiam cum authent. bona damnatorum, C. de bonis proscript. conuenit, omnia alia iura corriguntur. Chassa. rub. 2. §. 1. fol. 346. Est autem confiscatio iuri imperij: nemo igitur eam facere potest, nisi is, qui suprema potestate & iure gladij vtitur, vt sunt Imperator, Rex, Dux, & qui ab his ius gladij exercendi potestatem habet, text. in l. vnica, C. ne sine iuss. princ. & Bald. in l. fin. ff. de off. præsid.

Quæ Pugnantiæ?

Abolitio, quæ pœnam remittit, & infamiam tollit, cap. si quem, §. abolitio, 2. q. 3. Indulgentia, restitutio. Vnde in d. c. si quem, in fin. Indulgentia, quos liberat, notat: nec infamiam criminis tollit, sed pœnæ gratiam facit; si autem restituo te in integrum Princeps dixerit, infamia cum pœna tollitur, d. c. si quem, in fin. 2. q. 3. Delictum absque dolo committentis paratum: est enim fraus præparatio pœnæ, nec pœna absque fraude esse potest, d. l. aliud, ff. de verbor. signif. Transactio criminum, quæ sanguinis pœnam ingerunt, l. transigere, C. de transact. Collusio partium litigantium, tot. tit. extra. de collusione deteg. Fauor iudicis, l. prospiciendum, ff. eod. Mors accusati Rei antequàm pœnæ subiiceretur, l. 2. & l. 3. C. si Reus accusat. Mutua compensatio, Iason, & Dd. in l. 1. ff. de leg. Sunt autem aliæ multæ causæ, ob quas licet non tollatur, tamen mitigatur pœna, quas Dd. suis locis tradunt.

AXIO

AXIOMATA, ET SENTENTIÆ.

*Legum interpretatione mollienda sunt potius pœna, quàm
nisi exasperanda, cap. pœna, dist. 1. de pœnit.*

*Cogitatio non meretur pœnam, iure civili, cum suis termi-
nis contenta sit: discernuntur tamen à maleficiis ea, quæ de
iure effectum desiderant: in his enim non nisi animi iudicium
consideratur, cap. cogitatio, dist. de pœnit.*

*Verbum, statuit, rem perfectam significat, & consumma-
tam iniuriam, non cœptam, cap. hæc autem, dist. 1. de pœnit.*

*Bonus iudex nihil ex suo arbitrio, & proposito domestica
voluntatis facere, sed iuxta leges, & iura pronuntiare: sta-
tutis iuris obtemperare, non indulgere propria voluntati, ni-
hil preparatum, & mediatum de domo deferre, sed sicut au-
dit, ita iudicare: & sicut se debet natura, decernere debet, cap.
iudices, 3. quest. 7.*

*Qui aliorum vitia punit, sua prius corrigere studeat, cap.
qui sine, 3. quest. 7.*

*Victus victori in expensis diminatur, etiam in causa pe-
cuniaria, cap. calumniam, extra. eodem.*

DE POENITENTIIS, ET
REMISSIONIBVS.

TITVLVS XXXVIII.

Continuatio.

INter poenas refertur poenitentia, quæ in variis casibus lo-
co poenæ in commissi delicti correctionem, & purgatio-
nem iniungitur, cap. 1. ext. eod. & cap. poenitentia, dist. 3. eod.

Quid Pœnitentia?

Pœnitentia est quædam dolentis vindicta puniens in se,
quod dolet commisisse. Poena enim propriè dicitur læsio, quæ
punit, vindicans quod quisque commisit, cap. poenitentia est,
dist. 3. de pœnit.

Vnde dicitur Pœnitentia?

Pœnitere est, quasi pœnam tenere. Ille autem pœnam tenet, qui semper vindicat, quod commississe dolet; vel, ut semper puniat in se vlciscendo, quod peccando commisit, d. cap. pœnitentia est, dist. 3. eodem.

Quotuplex Pœnitentia?

Duplex; interior, & exterior. Interior est illa, de qua Augustinus ait: Omnis, qui voluntatis suæ arbiter constitutus est, non potest inchoare nouam vitam, nisi veteris eum non pœniteat. De exteriori loquitur Ambrosius super epistolam ad Romanos Gratia (inquit) Dei in Baptismate non requirit gemitum, vel planctum, non opus aliquod: sed solum contritionem cordis, & omnia gratis condonat: quæcunque enim de pœnitentia facienda dicuntur, non ad exteriorem, sed ad interiorem, cordis videlicet contritionem, referenda sunt: sine qua nullus vnquam Deo reconciliari poterit, cap. quis aliquando, §. ea verò, & §. est enim, distinct. 1.

Quæ causa Efficiens?

Primò, Spiritus sanctus; & secundariò, voluntas sincera pœnitentis. Nec enim propriis viribus humanis opus bonum adscribendum est, Ioann. 16. 1. Reg. cap. 2. Ierem. 3. 1. & 2. ad Timot. 2. ibi: ne forè Deus det illis pœnitentiam. Nec vera pœnitentia dicitur nisi ex quadam cordis sinceritate omni emulatione, odio, inuidia, aliisque vitiis pœnitens repulsis processerit, cap. falsas pœnitentias, dist. 5. & cap. nihil prodest, dist. 3. eodem.

Quæ causa Impulsua?

Promissio Euangelij. Lex enim ostendit peccatum, terret, & occidit conscientiam; hæc tandem quærit solatium: Accedit Euangelium, & promittit, & confert credentibus, & poenitentibus salutem, seu remissionem peccatorum ad nouam vitam, cap. ille rex, dist. 3. eodem.

Quæ Materia?

Peccatum, ad quod suggestionem, delectationem, vel consensione, peruenitur, cap. sicut tribus, dist. 2. de poenitent. Omneque genus delicti, ad cuius purgationem, poenitentia iniungitur, cap. 1. extra. eodem.

Quæ

Qua Forma pœnitentia?

Vera contritio cordis, per fidem directam, in Euangelij promissionem: qua peccatorum remissio pœnitentibus conceditur, cap. pœnitentiam, dist. 3. eod. & cap. quæ aliquando, §. est enim, & §. sine contritione, dist. 1. eod. Tres autem actiones pœnitentiæ, vide in c. tres sunt, dist. 1. eodem.

Qua forma imponenda pœnitentiæ?

Sicuti bonus, atque diligens medicus non vñ solo pharmaco, vel collyrio omnibus morbis medetur: sed pro arbitrio, facultate sua, & pro morborum varietate, variis utitur, vt inquit gloss. in cap. ult. dist. 29. Ita quoque Sacerdos, & vir bonus pro personæ qualitate, & delicti atrocitate, vel leuitate, canonicas pœnitentias indicere debet, Alexan. Alen- sis in 4. part. Summæ, quæst. 8. membr. 3. art. 1. Sunt enim pœnitentiæ omnes arbitrariæ hodie: quemadmodum probant per multa iuris Pontificij loca, vt in cap. de his, §. o. dist. cap. si monachus, 90. dist. cap. tempora. 26. quæst. 6. & ibi gloss. in cap. quem poenitet, cap. mensuram, de poenit. dist. 1. & cap. significauit, & cap. Deus, qui, extr. de poenit. & remiss. & ita sentit Abb. in cap. at si clerici, §. de adultteriis, num. 7. & ibi Decius num. 6. & Alcia. num. 3. de iudic. & Iulius Clarus lib. 5. senten. iuris, §. fin. quæst. 83. in fine. Et hanc iuris sententiam procedere tradit Menoch. de arb. iudic. lib. 2. c. 4. etiam si ex toto pœnitentiam hanc remittere vellet iudex, vel Sacerdos, vel etiam si canones certam iam pœnam indicissent, vel iniuncta esset à Pontifice; nihilominus tamen, posse ex causa inferiorem: putà, Episcopum, vel alium Prælatum pœnitentiam indictam immutare, vel minuere. Ita etiam Decius, §. de adulteriis, num. 6. Excipiuntur tamen tres casus. 1. Quando Episcopus sine aliqua causa, pœnitentiam iam consuetam, & determinatam iure, immutare, vel minuere vellet, Abb. in cap. Deus, qui, extra. eod. 2. Quando pœnitentia publicè peragenda foret, & Episcopus eam immutando priuatam facere vellet, Felin. in capit. accusasti, extra. de accusata. 3. Quando iniuncta pœnitentia tertio damnum afferret, cap. relatum, extra. de senten. excommuni.

Quis Finis, & Effectus?

Purgatio, remissio, vel deletio peccatorum, ad quem finem instituitur pœnitentia, d. cap. si quis aliquando, dist. 1. eodem.

Hic nota, quod peccata tripliciter purgentur. Aut enim donantur, aut delentur, aut teguntur. Donantur per gratiam Baptismi, cap. nullus expectet, 7. dist. eod. Delentur effusione sanguinis Christi, ca. baptizati, dist. 4. de consecrat. Teguntur per charitatem, cap. charitas est, dist. 2. Sunt & alij effectus, scilicet acceptio Spiritus sancti, tranquillitas, bona conscientia, vita, salus. Cum enim fide Christus apprehenditur in poenitentia, remittuntur peccata, & donatur iustificatis Spiritus sanctus, qui postea eos in omni tranquillitate defendit, & ad salutis vitam ingrediendam viam præstruit, cap. quomodo, dist. 2. eod. cap. in dolo, distinct. 4.

Quæ Affinitas?

Ieiunium; eleemosyna, moderatio naturalium motuum, atque libidinum, cap. nihil prodest, dist. 3. eod. cap. culpa, cap. productior, dist. 3. eod. aliæque opera bona, & officia iustitiæ Christianæ.

Quæ Adiacentia?

Confessio, dolor, contritio cordis, & Theologicæ virtutes, scilicet fides, spes, charitas, cap. si Apostolus, dist. 3. d. cap. quia aliquando, dist. 1. & per tot. tit. dist. 2. de poenit.

Quæ Pugnancia?

Peccati delectatio, cordis elatio, delinquentium multitudo, desperatio, spes per longa tempora propagandi vitam, timor, pudor, satisfactio propriis viribus attributa, poenitentia simulata, falsa, & destituta contritione, & bonis operibus, de quibus in cap. falsas, dist. 5. eod. & d. cap. quia aliquando, eod.

AXIOMATA, ET SENTENTIÆ.

Cogitationis poenam nemo patitur, cap. cogitationis, distinct. 1. de poenit.

Perfecta poenitentia cogit peccatorem omnia libenter sufferre. In corde enim contritio, in ore confessio, in opere toto humilitas. Hac est frugifera poenitentia, cap. perfecta, distinct. 1. eodem.

Mortificatio vitiorum magis, quam abstinentia ciborum poenitenti necessaria est, cap. mensuram, dist. 1. eod.

Omnis,

Omnis, qui sue voluntatis arbiter constitutus est, non potest inchoare nouam vitam, nisi poeniteat eum veteris vite, c. si quis aliquando, §. omnis, dist. 1. eod.

Sine poenitentia interiori, nullus unquam Deo reconciliari potest, d. cap. aliquando, §. quaecunque, dist. 1. eod.

Sine contritione cordis nullum peccatum dimitti potest, d. cap. quia aliquando, §. sine, eod. dist. 1.

Primam vitij causam non penitus extinguit, qui in illum postea recidit, cap. si quis, dist. 2. de poenit.

Virtute mortis dilectio comparatur. Quia nimirum mentem, quam semel ceperit, à delectatione mundi funditus occidit, cap. valida, dist. 2. eodem.

Charitas est recta voluntas, & ab omnibus terrenis, ac praesentibus prorsus auersa: iuncta vero Deo inseparabiliter, & ignita igne quodam Spiritus sancti, quo est, & ad quem refertur incensa, & quae sequuntur in cap. charitas est, dist. 2. eodem.

Humana gloria & arrogantia vitium per contrarium, id est, humanitatis exercitia euitantur. Exercitia autem humiliatis sunt, si se vilioribus officiis subdat, & ministeriis indignioribus tradat, cap. si quis, dist. 2. eod.

Ficta charitas est, quae deserit in aduersitatibus, cap. ficta, dist. 2. eodem.

Radix omnium malorum est cupiditas, & radix omnium bonorum est charitas. Et simul amba esse non possunt: & nisi una penitus enulsa fuerit, alia plantari non potest, cap. quia radix, distinct. 2.

Sicut tribus gradibus ad peccatum peruenitur: suggestione scilicet, delectatione, & consensione: ita ipsius peccati tres sunt differentiae: in corde, & in facto, & in consuetudine, tanquam tres pestes. Vna quasi in domo, id est cum in corde consentitur libidini: altera vero, quasi iam prolata extra portam: cum in factum proccidit assensio:

Tertia cum vi consuetudinis male, tanquam mole terrena, premitur animus, quasi in sepulchro iam putens, cap. sicut, dist. 2. eodem.

Tribus modis admittitur peccatum. Nam aut ignorantia, aut infirmitate, aut studio perpetratur: Et gravius quidem infirmitate, quam ignorantia: sed multo gravius studio, quam infirmitate peccatur, cap. sciendum, distin. 2. eodem.

Pœnitentia, est mala præterita plangere, & plangenda iterum non committere, cap. pœnitentia, distin. 3. eodem.

DE SENTENTIA EXCOMMUNICATIONIS.

TITVLVS XXXIX

Continuatio.

EXcommunicatio, licet capitalis poena non habeatur: tamen non modò grauis, sed & grauissima est iis, qui de religione non benè sentiunt. Nam ab Ecclesia, communique hominum societate excludit, atque separat: idèò vna ex censuris Ecclesiasticis esse perhibetur, ea ad mensuram, 1. 1. quæst. 3. cap. corripitur, 2. 4. quæst. 3. & cap. querenti, extr. cod.

Quid est Excommunicatio?

Excommunicatio (secundùm Panorm.) est nihil aliud, quàm censura à Canone, vel iudice Ecclesiastico prolata, & inflicta, priuans legitima communionem Sacramentorum, & quandòque hominum.

Vnde dicta Excommunicatio?

Dicta excommunicatio, quasi extra communionem: qui a hominum communionem, & consociationem adimat, Abb. in rub. hoc titul.

Quotuplex Excommunicatio?

Duplex: maior scilicet, & minor. Minor est, per quam quis, à sacramentorum participatione conscientia, vel sententia arceatur. Hæc enim tantum sacramentorum usum interdicat, sed fidelium consuetudinem permittit. Quod si quis communicaue- rit, vel orauerit cum excommunicato, si laicus est, excommunicetur: si clericus deponatur, c. qui communicauerit, 11. q. 3. Maior est, quæ non solum à sacramentorum, ve- rum etiam fidelium communione, excludit, & ab omni actu legitimo separat, & diuidit. Et hæc anathema etiam dicitur, c. ad mensam, 11. q. 3. & c. Engeltrudani, 3. quæst. 4. c. cum non ab homine, & c. intelleximus, extr. de iud. c. penul. ext. eod. Et Abb. in rub. cod. tit. col. 2. & in cap. si celebrat, extr. de cler. ex- com. ministrant.

Quæ causa Efficiens?

Causæ excommunicationis remotæ sunt. 1. Christus, qui & approbator, & institutor excommunicationis est, teste Matthæo, c. 18. 2. Mandatum Dei: quia Christus eam exer- cendam in Ecclesia mandauit, ut habetur Matt. 18. *Si in te pec- cauerit frater tuus, uade & argue illum.* 3. Ecclesia: quia Ecclesia excommunicationis iurisdictionem à Christo accepit exer- cendam: quia sine autoritate, & consensu Ecclesiæ, nemo de- bet excommunicari. Et quanquam Christus dicto loco loqua- tur de priuatis peccatis in priuatos, ideò tamen non sequitur, à Christo non esse institutam, vel mandatam excommunica- tionem, quæ publicorum criminum tantum dicitur. Fiunt enim priuata peccata in priuatos publica, quando deferuntur ad Ecclesiam, quæ priuatim admonitos ad pœnitentiam, & nolentes audire fratres, publicè excommunicat. Habet enim Ecclesia potestatem excommunicandi, quam tamen aliis cer- tis personis committit exercendam, ut omnia cum decore, & ordine fiant. Hinc magis propinqua excommunicationis cau- sa est, Canon, & iudex. Vnde & alia excommunicatio dicitur canonica, vel legitima: alia iudicialis. Canonica, qua quis ab ipso Canone, absque iudicis ministerio, excommunicationis vinculis obstringitur. Et hæc latæ sententiæ excommunica- tio, & pœna criminis dicitur. Iudicialis est, quæ à iudice ferè semper propter delinquentis contumaciam, quæ vel non ve- niendo, vel non parendo, commissæ est, infligitur, Abb. in rub. cod. tit. col. 1. & c. cum non ab homine, ubi glo. extr. de iud. Et

hæc pœna contumaciæ dicitur, Abb.in rub. & c.reprehensibilis, ext.de appel.& c.curia, i 1. q. 3. Iudicem intellige non tantum ordinarium, verum etiam delegatum, & quemlibet Prælatum iurisdictionem in subditos habentem. Licet enim hæc iudicialis excommunicatio magis propriè quidem iurisdictionis Episcopalis sit: vnde & nuero Episcopi appellatur, c. ex parte, extr.de verb.sign.& Abb.in c.cum contingat, extr.de for. comp.possunt tamen alij Prælati omnes, qui iurisdictionem spirituales, de consuetudine, vel de iure communi habent, siue muneri presbyterali, vel curæ animarum præstitit, siue non, etiam maiorem excommunicationem imponere. Hostien. hoc tit. §. nedum autem: adducens in argumentum c. prælectis, dist. 2 §. c. si in plebibus, dist. 63. extr.de off. Archid. cap. reprehensibilis, ext.de appell. cap. cum in Ecclesiis, de maio. & obed. & c. quanto, ext.de off. ord. & hoc de maiore excommunicatione intelligit. Minor enim non tantum ab Episcopo, verum etiam quouis inferiore Prælato, vel etiã a clerico curam animarum habente, infligitur, c. quotidie, dist. 2. de consecr.

Quod Subiectum?

Non Iudæus, vel Paganus, nec superior: sed Christianus subditus inferior respectu iudicis, & Canonis ab eò lati. Non enim Iudæus, & Paganus excommunicantur, cum à Christiana religione sint alieni. Nec superior ab inferiore, ob defectum iurisdictionis: nisi potestati inferioris se subiiciat, c. peruenit. i 1. q. 1. Sed inferior ob delictum patratum, vel ob contumaciam. Quæ autem delicta canonica excommunicatione puniantur, & quæ iudiciali, tradit Hosti. in §. quis possit, & §. nedum, hoc tit. Non tamen pro parvis & leuibus causis quis communione priuatur, c. nullus, i 1. q. 3.

Quæ Forma ferendæ sententiæ excommunicationis?

Forma excommunicationis habetur in c. debent, i 1. q. 3. vt scilicet Episcopum excommunicationis sententiam ferentem duodecim sacerdotes circumstant, candelas ardentes manibus tenentes, quas sub ipsum anathematis intorti finem in terram proiectas, pedibus conculcent: deinde epistola continens excommunicati nomen, & excommunicationis causam per Ecclesias parochiales mittatur. Hanc tamen formam visitatam non esse tradit Abb. c. cum contingat, ext.de for. comp. num. 31. sed in ferenda sententia excommunicationis generali

raliter obseruandum esse ait. 1. Vt ipsam sententiam trina monitio cum iustis dierum interuallis præcedat. cap. constitutionum, eod. in 6. 2. Vt præsentibus personis idoneis cum causæ cognitione fiat, c. sacro, vbi glo. & c. contingit, ext. eod. 3. Vt in scriptis excommunicationis causa nominatim adiecta promulgetur, schedæ exemplum, si petitum fuerit, excommunicato intra mensem exhibeatur, cap. 1. eod. in 6. Et denique vt excommunicati nomen publicetur, cap. cure sit, 11. quæst. 3. Et hæc traduntur in cap. constitutum, eod. titul. in 6. Formam inducendæ excommunicationis, Matth. c. 18. hanc ponit: Primum, vt admoneatur, qui deliquit, priuatim. Secundo, in præsentia vnius, aut duorum. Tertiò coram Ecclesia, quam si non audierit peccator, subiaceat sententiæ excommunicationis.

Quis Effectus?

Maiores excommunicationis effectus est: quòd ab Ecclesia, communiq; hominum societate excludat, atque separet, cap. ad mensam, 11. quæst. 3. Et per eam tanquam membrum à corpore abscissum excommunicatus abiiciatur, c. nihil, 10. Satanaq; & angelis eius tradatur, c. omnis Christianus, 11. q. 3. Secundo, quòd is excommunicatus, si in excommunicatione per annum, & ultra perseueret, habeatur pro confesso, & confecto de eo delicto & causa, ob quæ fuit excommunicatus. Hunc enim effectum perseuerantia in excommunicatione inducit. Estque lapsus anni, loco solius probationis, & deinde sententiæ, quo ad illud crimen, facitque perinde, ac si is excommunicatus ore suo esset confessus, & lata esset à iudice sententia. Quocirca, si illud crimen, ob quod lata est excommunicatio, ita graue est, vt delinquens priuari, & deponi possit, & debeat, à beneficiis vel sententia declaratoria tantum, vel diffinitiuam, priuandus, & deponendus est: si verò illud delictum non est ita graue, vt priuationis, vel depositionis pœnam inferat, non erit is deponendus, & priuandus, sed pœna arbitraria indicenda, si ordinaria deficiat: ita sentit Menoch. de arb. iudi. caus. 416. lib. 2. cent. 5.

Tertiò, quòd maiori excommunicatione notatus, non possit eligere, vel eligi, nec vllum Ecclesiasticum beneficium acquirere, nec quid de beneficiorum suorum prouentibus percipere, cap. postulastis, extr. de cleric. excomm. cap. pastoralis, extr. de appellat. Minoris autem excommunicationis effe

effectus est, exclusio à sacramentorum participatione: quod ex Gregorio. VIII. intelligitur, qui ita ait: Si celebrat minore excommunicatione ligatus, licet gravior peccet, nullius tamen notam irregularitatis incurrit: nec eligere prohibetur, vel ea, quæ ratione iurisdictionis sibi competunt, exercere. Si tamen scienter talis electus fuerit, eius electio est irritanda, pro eo, quod ad susceptionem eorum eligitur, à quorum perceptione, à sanctis patribus est priuatus. Peccat autem conferendo Ecclesiastica sacramenta, sed ab eo collata, virtutis non carent effectu. Cum non videatur à collatione, sed participatione sacramentorum (quæ in sola consistit perceptione) remotus, dummodò non in contemptum Ecclesiasticæ disciplinæ, videlicet contra prohibitionem Superioris, communioni excommunicatorum pertinaciter se ingesserit: in quo casu anathemate feriendus, c. si celebrat, extr. de clerico excom. vel deposito, ministrante.

Quæ Affinitas?

Affinitatem magnam habent cum excommunicatione degradatio, depositio, cessatio à diuinis officiis, irregularitas, bannum imperiale, & aliæ Ecclesiasticæ censuræ, scilicet interdictum Ecclesiasticum, & suspensio.

Quot sunt Censura Ecclesiastica?

Sunt tres: Excommunicatio, Ecclesiasticum interdictum, & suspensio. Vnde, animaduersionis, verbum, latius patet: quia complectitur non tantum depositionem, sed etiam alias pœnas, c. 1. de homicid. in 6.

Quod est Ecclesiasticum interdictum, quæ causa Efficiens, Materia, Forma, & Effectus?

Ecclesiasticum interdictum est, censura Ecclesiastica prohibens administrationem diuinorum, cap. quod in te, extr. de pœn. & remis. Causa efficiens est, Canon & iudex. Vnde interdictum dicitur, vel iudiciale, vel legitimum. Iudiciale est, cum competens iudex locum, vniuersitatem, vel certos homines à diuinis prohibet, vel interdicti sententia arcendos pronuntiat. Et habent ius prohibendi Papa, c. tanta, extr. de excels. prælat. Legatus, c. nouit, extr. de off. leg. Delegatus, cap. quoniam, de off. ordina. Episcopus cum Capitulo, cap. 1. extr. de his, quæ sunt à ma. par. Capituli: Vacante Ecclesia Capitulum, cap. graue, de off. ord. Legitimum interdictum dicitur, quod Canonis, vel iuris dispositione, inducitur, de quo legitur c. 1. de vsur. in 6. cap.

6.c. quanquam, de censib. in 6.c. fin. de pœnis, in 6.& c. ubi periculum, de elect. in 6.c. in 7. & c.

Materia interdicti, sunt provincia, regnum, diœcesis, rus, castrum, Ecclesia, sacellum, & homines. Vnde interdicta vel sunt generalia, vel specialia, vel singularia. Generalia quidem appellantur, cum provincia, regnum, vel diœcesis, & eorum homines interdiciuntur. Specialia vetò cum ciuitas, rus, castrum, vel horum homines. Singularia denique, cum Ecclesia, vel sacellum, vel homo nominatim interdiciuntur, cap. si sententiam, de sent. excom. in 6. Forma, cum excommunicatione eadem est, c. reprehensibilis, extr. de appellat. Effectus est, amotio à certis sacramentis, & omnibus diuinis officiis, & sepultura Ecclesiastica, & quod in te, extr. de pœnis, in 6. c. in 7. & c.

Quid Suspendio, causa Efficiens, Subiectum, Forma

& Effectus

Suspendio est inhabilitas quædam ordinum, vel officiorum executionem impediens, Antoninus in suo tractat. de suspens. Causa efficiens est Canon, & iudex. Vnde suspensio dicitur, vel Canonis, vel iudicis: Hæc per iudicis sententiâ: illa ipso iure inducitur, c. reperiuntur, 1. q. 7. & c. præter hoc, 32. dist. in. Subiectum est, persona tantum clericalis. Cum enim suspensio sit inhabilitas quædam ad exequendos ordines, & officia Ecclesiastica: laicus, qui tales ordines non habet, suspendi non potest: priuatio enim præsupponit habitum. Formam sententiæ ferendæ suspensionis, vide in c. is, cui, eo. in 6. & in c. i. eo. tit. in 6. Effectus, quod suspensus à sui ordinis, & officij executione arceatur: quæ si exerceat, ratione huius censuræ non habita, contrahat irregularitatem. Alios effectus vide notatos per Abb. post Innoc. in c. sicut, extr. de cohab. mulier, cap. fin. de cler. excom. c. miror, 17. q. 4. & c. 2. extr. de transla.

In quibus sententia Excommunicationis, suspensionis, & interdicti conueniunt, & discrepant?

Notant Dd. in c. 1. de sent. excom. interdictum, excommunicationem, & suspensionem in quibusdam æquiparari. Primò: in causa efficiente conueniunt. Quia quælibet sententia à competente iudice proferenda, superioribus seruanda est, cap. cum ab Ecclesiarum, extr. de off. iudicis ordinat. Et vel iure, vel per iudicem inducitur. Vnde & excommunicatio, & interdictum, & suspensio dicuntur iuris, & iudicis. Secundò conueniunt in forma. Quia tam sententia excommunicationis, quam

quàm suspensionis, & interdicti, in scriptis cum expressione iustæ causæ, proferenda: & exemplum huiusmodi scripturæ excommunicato, ad eius requisitionem, super qua publicum instrumentum; vel literæ testimoniales sigillo authentico consignatæ confici debent, tradendum intra vnum mensem, cap. 1. eod. tit. in 6. Item quamlibet sententiam præcedere debet monitio, cap. reprehensibilis, extr. de appellat. Nec debet superior de ipsis aliquid disponere, partibus non reuocatis, c. Romana, §. fin. eod. tit. in 6. Tertiò conueniunt in effectu. Ista enim tria comprehenduntur: appellatione censuræ Ecclesiasticæ, & arcet ab administratione diuinorum officiorum: adeò vt constitutus in his, immiscendo se diuinis, contrahat irregularitatem, à qua non, nisi à Pontifice, absolui possit, cap. eod. in 6. in fin. cap. is, cui, eod. in 6. & per Inno. & Dd. in cap. fin. extr. de excess. prælat. & in cap. Abbates, de priuileg. in 6. Nec durante sententia excommunicatus, suspensus, vel interdictus eligere, eligi, vel testificari potest, c. cum dilectus, extr. de consuetud. cap. Apostolicæ, extr. de recept. & cap. veniens, extr. de testib. Et in his omnibus sententia etiam iniusta ligat, potestq; ad cautelam relaxari, c. sententia, 1. 1. q. 3. Indifferenter autem absolutio fieri debet, præcedente præstiti iurisiurandi religione, de parendo mandatis Ecclesiæ, c. venerabili, ext. eod. In aliis tamen effectibus differunt: Quia per interdictum non ita tollitur communio hominum, sicuti per excommunicationem. Ideò primò differunt in participatione: Quia cum suspensio, & interdicto participari potest, nisi participatio specialiter esset interdicta; non autem cum excommunicato, c. sacris, extra. de his, quæ vi, metus &c. causa, &c. Secundò, propriè loquendo homo excommunicatur, vel suspenditur: sed non interdicatur, nisi improprie, c. cum dilectus, extr. de relig. dom. & c. pastoralis, extr. de appellat. Cadit enim interdictum in rem inanimatam, vt in locum, c. si ciuitas, eod. in 6. Vbi interdicta ciuitate, suburbana, & continentia ædificia dicuntur interdicta: Ecclesiæ, capella contigua, & contiguum cæmeterium dicitur interdictum, ita Cardinal. in c. fin. de cleric. excomm. & in Clement. 1. de sentent. excom. Loca igitur propriè interdicuntur, licet in pœnam personarum delinquentium, c. non est, ext. de sponsa. Ideò debet per id potius fieri restrictio in persona, quàm in facultatibus, c. illud, in fin. 1. 6. q. 6. Tertiò. Quia effectus excommunicationis latæ non possunt suspendi, sed reliquorum possunt, vt in c. ad hæc, quo

quoniam, extr. de appellat. Quarto, differunt in casu, c. quia periculosum, eod. tit. in 6. Quinto, differunt in cap. presenti, eod. in 6. Vbi dicitur Relaxatio ad cautelam non habet locum in generali interdicto. Sexto, differunt in c. Romana, ad finem, eo. tit. in 6. vbi Dd. ex text. notant differentiam inter excommunicationem & interdictum: Quia sententia interdicti, per quam punitur quis pro delicto alterius, & iuste, bene potest fieri contra vniuersitatem, & iuste, vt in c. nō est, extr. de spons. vbi legitur, per censuram Ecclesiasticam patrem compelli restituere filio vxorem eius, quam iniuste detinet. Secus in sententia excommunicationis contra vniuersitatem, & iuste, dicendo: Excommunico omnes de vniuersitate, qui fuerint mandato meo rebelles: ita probatur ex d. text. secundum Io. And. Imo si constaret, quod tota vniuersitas, vel collegium deliquisset, excommunicari possent singuli de vniuersitate, vel collegio, & locus interdicti, vt tradit Hostien. in sum. tit. de contum. §. fin. Plures differentias vide in c. statutum, eod. in 6. c. fin. §. 1. & §. in festiuitatibus, extr. eod.

Quid est Depositio? quomodo differt à Degradatione? Degradatio quotiuplex? Quæ causa Efficiens, Subiectum, Forma & Effectus?

Depositio est à dignitatibus, & honoribus motio, cap. nouimus, extr. de verb. sign. Et differt depositio à degradatione, quæ non est honorum, vel dignitatum: sed priuilegiorum, & ordinum sacrorum priuatio, ob crimen atrox, contra clericum constitutum in sacris factum: probatur in cap. 2. de pœn. in 6. dict. cap. nouimus, extr. de verb. signif. cap. cum non ab homine, extr. de iudic. & c. qualiter, extr. de accusat. Degradatio duplex est: scilicet, verbalis & actualis. Verbalis Degradatio aliquando est, vt terminus pœnæ: aliquando, vt præambula ad degradationem actualement. Est autem degradatio verbalis, vt terminus pœnæ: quando iudex ipse Ecclesiasticus non vult progredi ad actualem degradationem: sed hac verbali contentus est, Bald. in l. iubemus, C. de Episcop. & cleric. Et hæc degradatio sumitur pro ipsa depositione seu priuatione, c. tuæ, extr. de pœn. Forma eius habetur in c. accedens, 50. dist. nec fit, nisi in casibus lege expressis: nec requirit consensum aliorum Prælatorum, Abb. in c. non potest, ext. de sent. & re iudic. Degradatio verò verbalis, quæ est præparatoria ad

ad pœnam, fit: quando iudex vult procedere ad degradationem actualem: qua quidem actuali facta, relinquit degradationem iudici seculari puniendum. Huius causa efficiens est consensus Prælatorum: Subiectum, clericus in sacris, vel dignitate constitutus: aliàs enim degradari non posset. Obiectum est, crimen atrox, ob cuius patrationem fit degradatio. Forma habetur in cap. accedens, 50. dist. & c. 2. de pœn. in 6. Effectus est, priuatio omnium privilegiorum, & ordinum. Hæc enim degradatio destituit degradatum omni officio, & privilegio clericali, eximitque clericum à iurisdictione, & potestate iudicis Ecclesiastici: non autem superior illa verbalis, Panorm. in c. ad audientiam, nu. 2. de crim. falsi, c. degradatio, extr. de pœnis, & Bal. in l. officiales, C. de Episcopo, & clericis. Et in hac adhibetur consensus Prælatorum, potissimum si crimine hæresis commissum dicatur, cap. quoniam, de hæret. in 6. & in aliis criminibus consensus Episcoporum, d. c. degradatio. Est autem hic annotandum, quod quando canones statuunt clericum esse degradandum, & in monasterium detrudendum intelligunt de verbali degradatione, quæ fit in pœnam: & depositio dicitur, Abb. in c. at si clerici, col. 3. ext. de iud. Degradatio realis est, quæ re ipsa fit ab Episcopo in præsentia Prælatorum in clericum præsentem absque alia monitione: Sicuti in hæretico pertinace, negatiuo & relapso fit, c. ad abolendam, & c. excommunicamus, ext. de hæret. Et hæc dicitur quædam executio verbalis degradationis. Nam primò clericus degradatur verbis, deinde facto. A quibus autem fiat hæc degradatio, ex quibus causis Episcopus, vel clericus fit degradandus, & ita, quæ sit causa efficiens, subiectum, obiectum, forma, & effectus huius degradationis, vide latè per Ioan. Bertach. in tract. suo de Episcopo, in fol. 7. & Dd. in c. degradatio, §. actualis, & cap. 2. de pœn. in 6. & Albertinum, q. 14. nu. 8. in fin. Et de degradatione à dignitate Doctoratus, militiæ, & clericali, vide latius Bart. in l. 2. §. exercitium, ff. de infamis, Dd. in l. iudices, de dignita. lib. 1. 2. & Abb. & Felin. in c. cum sit, extr. de simonia.

Quid est Cessatio à diuinis? Quotuplex? Quæ causa Efficiens, Obiectum, Forma & Effectus?

Cessatio est, intermissio diuini officij, ratione iniuriæ ab alio illatæ, vel ex consuetudine, vel ex aliqua legitima causa, de iure facta, vide in cap. si canonici, de offic. ordinari. in 6. Causa efficiens est, priuilegium, consuetudo, vel ius. Cessant enim clerici

clerici à diuinis, si consuetudine, vel alio iure, hoc eis permittatur, d. c. si canonici, & cap. 1. de cens. in 6. Obiectum est, offensa, vel delictum alicuius, d. cap. de cens. Forma ex requisitis colligitur. 1. Requiritur, quòd qui cessant, habeant de consuetudine, vel alio iure, vt cessare possint. 2. Quòd vocentur absentes ad tractandum de cessione. 3. Quòd ipso facto tractent. 4. Quòd de cessando diligenter deliberent. 5. Quòd sit manifesta offensa, propter quam cessant. 6. Quòd sit rationabilis. 7. Quòd ante cessationem instrumento publico, vel patentibus literis, authentico sigillo munitis, causam cessationis exprimant. 8. Quòd illud instrumentum, vel literas ei tradant, contra quem approbatur cessatio. 9. Quòd præcedat requisitio pro emendatione offensa, & iniuriæ illata, ob quam cessatio inducitur. Effectus est, perceptio fructuum, perinde ac si præstent officium debitum, donec satisfiat pro offensa. Quòd si autem forma in cessatione iam tradita seruata non fuerit, priuantur clerici cessantes à diuinis, fructibus præbendarum suarum: & si perceperint, ad restitutionem perceptorum reddituum, & satisfactionem competentem pro iniuria illata illi, in cuius odium cessatio inducta fuit, tenentur, Dd. in d. cap. si canonici, & cap. quamuis, de officio iudic. Ordinarij, in 6. Est autem cessatio, quo ad effectum, duplex: generalis scilicet, & specialis. Generalis vim habet interdicti, vt notatur in Clemen. 1. eod. tit. Non autem specialis cessatio. Illa enim est quid facti, cum nihil aliud sit, quam suspendere organa ministrorum, ne ibi præstent debitum officium. Sententia verò interdicti quid iuris est: Vnde subiicitur ille locus interdicto, ita vt in loco interdicto se immiscens diuinis, contrahat irregularitatem, c. is, cui, eod. tit. lib. 5.

*Quid est Irregularitas, unde dicta, quod duplex, quæ
causa Efficiens, quod obiectum, quæ
Forma, & Effectus?*

Irregularitas, est nota quædam, seu canonicum impedimentum, ex facto, seu defectu proueniens, quo quis tam ad Ecclesiasticos ordines promoueri: quam promotus in iisdem ministrare prohibetur: ita definit Guil. Dura. in Specul. tit. de dispens. §. iuxta propositionis: dicta irregularitas ab In, quod est sine, & Regula quasi contra regulam Ecclesiæ, &c. Et dicitur tripliciter. Primo, pro defectibus, qui sunt in homine sine

peccato: vt quia quis est bigamus, vel maritus viduæ, vel illegitimus, &c. cap. nisi cū pridem, §. personæ, extra. de renuntiat. cap. non confidat, dist. 50. & per tot. dist. 54. Secundò, dicitur irregularitas personæ, vbi generaliter omnis homo prohibetur ordinari sine dispensatione Pontificis, vel etiam debitum officium in Ordine iam suscepto præstare, siue patiatur defectum sine peccato, siue graue peccatum commiserit: & qui hi sint, notatur tit. de temporibus ord. Tertiò dicuntur irregulares omnes illi, qui, non possunt remanere in susceptis Ordinibus: nec ad maiores promoueri, etiam post actam poenitentiam, sine dispensatione Pontificis, & aliorum Prælatorum. Notatur de his etiam, d. tit. de tempor. ord. vt tradit Innocen. in cap. nisi cū pridem, ex de renuntia. Huius irregularitatis causa efficiens est, ius diuinum, & ius canonicum, cap. 28. & cap. hinc etenim, dist. 49. Obiectum est crimen commissum, vel alius defectus. Forma contrahendæ irregularitatis certa præscribi nequit, cū non incurratur nisi expressum iure sit, cap. is, qui, eod. tit. in 6. Qui autem casus inducendæ irregularitatis iure exprimitur, vide apud Alphòsum in suo Thesauro Christ. relig. qui cap. 38. De irregularitate, pro explicatione huius materiæ duas & quinquaginta Regulas ponit. Effectus est, quò irregularis ex canonica institutione, ab executione diuini officij repellatur: nec ad maiores ordines ascendere possit, cap. si quis Episcop. 11. quæst. 3.

*Quid Bannum, Vnde dictum, Qua causa Efficiens,
Subiectum, Forma, & Effectus?*

Solent banniti comparari iis, qui qui censuram Ecclesiasticam patiuntur. Hi apud Hebræos apolynagogi dicebantur, quasi synagoga exacti, & extorres, vt refert Budæus, l. 2. ff. de pœnis: Et dicebantur sacri homines, quasi execrandi, & detestandi. Dicitur autem bannum imperij iudicialis censura, qua violatoribus pacis publicæ aqua, & igni interdicitur: ita vt à nemine in clientelam, fidem, aut amicitiam recipi, ab omnibus verò impunè tam in persona, quàm rebus offendi possint, Cuiacius in præfatione commentarij, De feudis, scribit, Bannum fuisse generale nomen, quo significabatur edictum, siue citatio: Heribannum speciale nomen, nempe citatio ad delectum. Nam Vasalli solebant citari, vt ad comitatum equis, & armis instructi venirent. Vtroque nomine significari etiam pœnam edicto non obtemperantis. Causa ef-

ficiens

ficiens banni est summi Principis voluntas, & præceptum. Soli enim Cæsari, vel eo absente regi Romanorum & Cameræ Imperiali ius banni Imperialis competit: facit ad hoc text. in l. 1. §. hi, quibus, ff. de leg. 3. Non autem aliis inferioribus principibus, & statibus Imperij. Et licet nonnulli status Imperij ius banni, quo ad suos subditos, sibi quoque usurpent; tamen talia banna ultra eorum territoria non extenduntur, & ideo non banna, proscriptiones, deportationes, & relegationes propriè appellanda sunt, Nellus in tract. de bannitis, nu. 1. 2. part. An bannum Imperij, quod à Cæsare, vel suæ maiestatis nomine à Camera Imperiali irrogatur, vniuersale est, propter vniuersalem Cæsaris iurisdictionem, quam in omnes omnium ordinum personas, cuiuscunque dignitatis, & excellentiæ, ex æquo habet: ita quod ab Imperatore bannitus, ubique terrarum in Imperio pro bannito reputetur, & ab omnibus, tanquam communis omnium hostis, impunè offendi possit, l. de precatio, ff. ad l. Rho. de fact. Subiectum: Non tantum singulares personæ, sed etiam tota vniuersitas, vel communitas, aut ciuitas ob nimiam contumaciam, in ciuilibus; vel ob delictum contra pacem publicam commissum cum omnibus rebus suis in bannum Imperiale declarari, & denuntiari possunt. Nam & vniuersitas dolum committere, & proinde delinquere potest, l. metum, §. animaduertendum, ff. quod vi, aut clam, & l. sed & ex dolo, §. 1. ff. de dolo. Forma inducendi banni est, ut is, qui delictum turbatæ pacis publicæ, vel solam contumaciam, non comparendo, vel iudicis præcepto non obtemperando, commisit, à iudice Cameræ Imperialis per sententiam cum expressione causæ declaratur in bannum. Atqui publicata hac sententia declaratoria banni in publico Cameræ consistorio, statim dominus Iudex, & Assessores, ex iudicio surgentes in publicum prodeant, ubi Prothonotarius iudicij in corona Iudicis, & Assessorum, atque multa hominum frequentia, ex breuiculo sub dio recitet nuntiationem banni. Cuius denuntiationis publicatione facta sub dio, Prothonotarius schedulam denuntiationis disrumpat, & in terram abiiciat: mox edicta Cæsarea banni in loco denuntiationis, nec non domicilij publicè ad valuas Ecclesiarum, vel domus senatoriæ affigantur: ad hoc, ut omnibus bannum innotescat, & banniti persona, tanquam communis omnium hostis, euitari, & offendi queat. Effectus est. 1. Quod, quemadmodum excommunicati membra

Ecclesiæ esse definunt, cap. decernimus, eod. titul. ita banniti membra imperij non sunt: sed à fide, & tuitione sacri Imperij excluduntur. 2. Sicuti cum excommunicatis nulla debet esse conuersatio, nullum hospitalitatis, & benivolentiæ officium per discursum, 1. 1. quæst. 3. ita etiam banniti, omnia humanitatis iura, officiorum vicissitudines, & commercia amittunt, suntque extra protectionem, clientelam, & fidem Imperij, & pro hostibus, transfugis, & rebellibus habentur; quos nemo vrbe, domo, hospitio, mensæ recipere potest, quibus tellus, pontisque negatur, facit l. 2. ff. de fur. 3. Cum extra protectionem sacri Imperij banniti sunt, in discrimine vitæ, & fortunarum suarum constituuntur: ita vt & persona, & in rebus impunè molestari possint. 4. Quod denuntiati, & declarati in bannum Imperij, ciues Romani esse definant, impiorumque, & sceleratorum numero habeantur: quibus ius non redditur, neque honos ullus communicatur; quorum nec obligationes, contractus, pacta, iuramenta, vel actiones ipso iure subsistunt: æquiparantur enim deportatis, quibus actus iuris ciuilibus interdicti sunt, cum eo iure pro mortuis habeantur, vt tradit Zazius in tract. de Iudæ. quæst. 3. & in apologia contra Eckium, & Nellus in tract. de bannitis; & colligitur ex ipsis constitutionibus Diuorum Imp. Maximiliani I. Caroli V. & Ordinat. Cameræ Imperialis. Denique, sicut excommunicatus, expiato crimine, Ecclesiæ restituitur, cap. canonica, 1. 1. quæst. 3. ita quoque bannitus, Cæsari, Imperio, & parti læsæ reconciliatus, omnia iura amissa recuperat, Tirac. de retracta. §. 1. gloss. 9. nu. 271. & facit l. 1. & l. fin. C. de sent. passis, & restit.

Quæ Adiacentia?

Infamia, priuatio prouentuum beneficij, deuuntiatio, & iurisdic-tio; nam sine his iudicialis excommunicatio fieri non potest, cap. conquesti. cap. cum non, & cap. à nobis, extr. eod.

Quæ Pugnantiâ?

Absolutio, Dispensatio, & Indulgentia, &c.

Quid Absolutio, quæ causa Efficiens, Obiectum, Forma, & Effectus?

Vnus modus, quo tollitur excommunicatio, est absolutio: quæ nihil aliud est, quam censuræ Ecclesiasticæ per eos, qui absoluendi ius habent, facta relaxatio. Habent autem ius absoluendi maiori excommunicatione canonica excommuni-catum,

catum, Episcopus, vel superior, exceptis certis casibus: quibus Pontifex facultatem absoluendi sibi reservauit, vt in cap. non dubium, cap. porro, cap. de cetero, cap. ea noscitur, ca. tua nos, extr. eod. cap. si quis suadente, 17. q. 4. cap. conquesti, extr. eod. Clem. 1. de pœnit. Clem. grauis, eo. tit. Et alia, quæ sparsim per iuris Pontificij libros inueniri licet. Causa igitur efficiens absolutionis, est præceptum diuinum, & voluntas Prælati, qui censuræ Ecclesiasticæ indicendæ ius habet. Sententiâ enim ab homine prolata, ab eodem etiam auferri potest, à quo fuerit prolata, Hostiens. in Summ. versic. si verò sit lata, eo. Obiectum est, censura Ecclesiastica, à qua liberatio fieri debet. Forma absolutionis est, si maior excommunicatio siue à lege, siue ab homine inflicta sit: vt cum delictum per confessionem, vel legitimas probationes sit manifestum, excommunicatus, antequàm absoluitur, iuramento promittat, se Ecclesiasticis mandatis pariturum, & de omni damno illato, omnique offensa plene satisfactorum: vel vbi tunc de damni summa non constaret, vel vbi soluendo non esset, quod satisfacere velit, saltem cautionem cum iuramento præstet, Hostiens. §. 2. cod. tit. & cap. ex parte, vbi gloss. vers. contumacia, extr. de verb. signific. Quibus peractis, ille, qui absoluendi ius habet, vel cui ex delegatione commissum est, excommunicatum coram se prostratum, seruata forma, absoluet. Quam formam, & solennitatem reconciliationis excommunicatorum, vide in c. cum aliquis, 11. q. 13. & notat Hostiens. in d. §. secundum. Si verò excommunicatio fuerit minor etiam sacerdos, cognita excommunicationis causa, nullis aliis solennibus obseruatis, absolvere potest, Hostiens. in §. qualiter absolutio, eod. tit. Fit quandoque absolutio ad cautelam, iuxta Innocentianarum constitutionum tenorem, cap. solet, & cap. venerabilibus, eod. in 6. Cum quis scilicet sententiam excommunicationis asserit esse nullam, vel iudicem esse incompetentem, vel excommunicatum, vel intrusum, aut à iurisdictione suspensum, aliisque modis, cap. 2. cod. in 6. & gloss. in cap. præsentē, eod. in 6. Effectus absolutionis à minore excommunicatione est restitutio Ecclesiasticorum sacramentorum, à quorum participatione excommunicatus fuerat priuatus. Effectus absolutionis à maiore excommunicatione est, restitutio communionis, aliarumque rerum, à quibus, per excommunicationis maioris sententiam, excluderetur. Effectus absolutionis ad cautelam est, quod ita absolutus, licet pendente probationis articulo, extra

iudicium in officiis, postulationibus, electionibus, aliisque legitimis, & canonicis actibus, admittatur: tamen in cæteris, quæ actor in iudiciis attentauerit, euitetur, cap. 2. de sentent. excommunic. suspens. & interdict. in 6.

Quid est dispensatio, Vnde originem traxit, Quæ eius species, Quæ causa Efficiens, Materia, Forma, & Effectus?

Dispensatio est, rigoris mitigatio, vel pœnæ inducendæ moderatio per eum, qui ius dispensandi habet, suadente utilitate publica, vel alia rationabili æquitate facta, Bald. in addit. ad Specul. tit. de dispensat. Et colligitur ex cap. requisitis, §. nisi rigor, 1. quæst. 7. & cap. seq. Dispensatio originem traxit ex iure diuino, ut multis ex veteri testamento adductis exemplis docet Spécul. §. originem, tit. de dispens. lib. 1. part. 1. Est autem duplex: iudicialis & extraiudicialis. Iudicialis est, cum agitur in forma iudicij, & quis de aliquo crimine conuictus, in quo secundum formam iuris dispensari possit, à pœna, per sententiam liberatur. Extraiudicialis dicitur: quæ extra iurisdictionem contentiosam, vel dissimulando, vel monendo, vel remittendo, vel tolerando fit: nec sententiæ prolationem exigit, cap. ubi ista, 74. dist. cap. si homo, 27. quæst. 1. cap. ad reprimendam, extr. de ord. ca. cum iamdudum extr. de præbend. Causa efficiens, authoritas summi, vel inferioris prælati. Dispensat enim summus Pontifex, cap. domino sancto, 50. dist. Legatus Apostolicæ sedis in provincia sibi decreta, cap. quod translationem, extra. de officio Legat. Episcopus in sua diœcesi, cap. significasti, extr. de offic. archi. Quatuor principales Patriarchæ, cap. mos antiquus, dist. 55. & cap. antiqua, extr. de priuileg. Abbates etiam cum monachis de variis rebus dispensant, cap. non medio criter, dist. 5. de consecrat. Materia dispensationis, sunt variæ res. De quibus autem rebus Episcopi, aliique Prælati dispensare possint; vide Panorm. & Ioann. Andr. in cap. dilectus, extr. de tempor. Ordinan. & Alphons. ca. 17. De dispensat. Episcop. in suo Specul. An autem summus Pontifex in omni casu dispensare possit? Et sunt qui affirmant: ita ut etiam contra Apostolum, & de iure supra ius dispensare ipsum posse tradant, cum legibus non astringatur, & teneat locum Diui Petri, sitque Vicarius Christi; par autem in parem non habeat imperium, cap. innotuit, extr. de elect. Et hoc videtur

detur asserere cap. post translationem, extr. de renuntiat. Sed hoc impium est dicere, sinceriorique religioni, & omni iuri aduersatur. Papa enim his casibus, quibus per dispensationem peccatum inducitur, dispensare canonibus prohibetur. Quare contra Euangelium Papa non dispensat, cap. cum quidam, 26. dist. & cap. sicut, dist. 14. Nec contra decem præcepta Decalogi, d. c. sicut. Nec contra salutiferas Apostolorum traditiones, & articulos fidei, cap. 1. dist. 40. & c. aliorum, 9. q. 3. & cap. super eo, extra. de bigamis. Et sic nec contra ius diuinum, vel ius naturale, quod immutabile est; & dicitur in canonibus id, quod in lege, vel Euangelio continetur, cap. humanum, dist. 1. & cap. fin. dist. 9. Ob id nec in gradibus consanguinitatis lege diuina prohibitis, ca. literas, extr. de restitut. spoliat. & cap. Pistorium, 30. quæst. 3. In aliis gradibus dispensare potest, ca. fin. extr. de transact. & cap. quia circa, extr. de consang. & affin. Et denique in omnibus his, quæ de sui naturâ mala sunt; & commissæ, peccata inducunt: puta, vt quis sine peccato adulterium, furtum; & quid simile committere possit dispensare prohibetur, cap. etsi Christus, §. quædam, extra. de iure iur. Plures casus, quibus Pontifex dispensandi facultatem non habet, vide apud Speculator. §. nunc autem, titu. de dispens. lib. 1. Forma dispensationis est, vt Prælatus, qui ius dispensandi habet, diligenter perpensis omnibus circumstantiis, & sic cum causæ certæ cognitione dispenset de rigore iuris in casibus iure permissis. Iusta causa ex tempore, persona, pietate, necessitate, vtilitate, vel euentu rei desumpta æquitatem inducit, qua Prælatus ad mitigandum iuris rigorem moueri debet, cap. & si illa, 1. quæst. 7. cap. cum nostris, extr. de concessio. præbend. cap. sicut, dist. 14. cap. scias, 7. quæst. 1. & cap. requisitis, extr. de præbend. Rigor est stricti iuris sæueritas. Æquitas, est flectio rigoris ad humaniorem partem: ius est constitutio rationabilis, Bald. tit. de dispensationibus, in addit. ad Speculator. Forma autem dispensationis per sententiam in iudicio concessæ, habetur in cap. fraternitatis, distin. 34. cap. alligant, 16. quæst. ult. cap. non satis, dist. 86. cap. ex diligenti, extr. de simon. & cap. sicut, extr. de elect. Effectus sunt. 1. Vt super crimine publico, super quo publicè dispensatum est, non possit quis vltius accusari, cap. ex tua, extr. de filiis presby. & ca. de his, extr. de accusat. Secus si in occulto dispensatum fuerit, ca. admonere, 33. q. 2. 2. Abolitio infamiae infamia enim, secundum Canones tripliciter aboletur. 1. Per in integrum restituti-

tionem. 2. Per dispensationem: quando scilicet is, qui ius, dispensandi habet, pœnam crimini debitam remittit. 3. Per pœnitentiam: vide de hoc, cap. in summa, distin. 50. Tertius effectus est: vt ea obrepta, Ecclesiastica sacramenta, & beneficia dignè, & licitè recipi, retineri, & exequi possint. Quæ omnia alias in mortali peccato constituto, qui quantum ad se suspensus videtur, prohibentur, cap. multi, distin. 40. cap. secuti, 2. quæst. 7. & cap. diuersis, extr. de cler. coniuga.

Quid Indulgentia, causa Efficiens, Obiectum, Forma, & Effectus?

Indulgentia est, remissio pœnæ temporalis, quæ pro peccatis debetur, ab eo, qui potestatem indulgendi habet, concessa. Causa efficiens est Deus ipse: Merito enim passionis Christi, omnis pœna, quæ debetur pro peccato, in Baptismo remittitur, cap. paruulo, distinct. 3. de consecrat. Et iuxta illud Apostoli: Saluos nos fecit per lauacrum regenerationis, & renouationis Spiritus sancti, quem effudit in nobis abundè. Et ad Titum cap. 4. Qui autem possint concedere indulgentias, vide Alphonsum in suo Specul. cap. 28. de indulgentiis. Obiectum est peccatum, quod per indulgentiarum concessionem remittitur. Forma, ex requisitis colligitur: quorum duo ex parte dantis, scilicet potestas indulgentias concedendi, & causa rationabilis, & honesta: duo ex parte recipientis, vt debita deuotio, & contritio desiderantur, Alexan. de Alef. in 4. senten. distin. 20. Effectus est, relaxatio pœnæ pro peccatis debita, quæ merito passionis Christi, ad augmentum gratiæ, & ad optionem æternæ felicitatis, nimitur, Card. in Clem. 1. de priuil. & Felin. in suo sermone de indulg. plena.

AXIOMATA, ET SENTENTIÆ.

Nemo incurrit irregularitatem, nisi in casibus iure expressis, c. is, c. iiii, eod. in. 6.

Dispensationes, cum sint contra ius commune, restringenda sunt arg. c. pœna, dist. 1.

Qui dignus est minore honore, non ob id dignus est maiore. Scriptum est, extr. de elect.

Resti

Restitutus per indulgentiam Principis ad dignitatem, non est per hoc restitutus ad bona: nisi generaliter restitutus sit ad ordines, & honores, & cetera bona, c. si quem, 2. quæst. 3.

In beneficiis ampla interpretatio est facienda, c. cum dilectus, extr. de dona. & c. quia circa, extr. de priuilegiis.

Excommunicatus, vel suspensus, absolui non debet, nisi prius iuramento præstito, c. quod in dubiis, extr. eod.

Prelatus excommunicare non debet subdium, nisi competenti monitione præmissa, & ex causa manifesta, & rationabili, & contrasacienti imponitur poenæ iuxta c. sacro approbante, extr. eod.

Semel excommunicatus debet vitari semper ut excommunicatus, nisi legitime probet se fuisse absolutum, c. sicut nobis, extr. eod.

Excommunicatus est, qui in clericum etiam volentem manus iniecerit violentas: etiamsi hoc faciat in vindictam præcedentis iniuriæ, c. contingit, extr. eod.

Excommunicatur & qui mandat, & qui dolose permittit clericum percuti, ex quo poterat prohibere, & non prohibuit, c. quanta, extr. eod.

Excommunicatio simpliciter lata, intelligitur de maiori, c. si quem, extr. eod.

Excommunicatus, vel suspensus, absolui non debet: nisi prius iuramento præstito, si tamen sine scandalo iuramentum præstari non possit, poterit fieri absolutio per manualem promissionem, c. super, extr. eod.

Non leuem culpam committit iudex infligendo poenam infanti, nisi forsitan errauerit ex probabili causa, c. sacro approbante, extr. eod.

Clericus si scienter, & sponte participat excommunicato in diuinis officiis, excommunicatus est maiori, & tantum per Pontificem absoluendus, c. significauit, extr. eod.

Excommunicatio requirit iurisdictionem: ideo generalis excommunicatio non ligat, nisi subditos proferentis, cap. à nobis, extr. eod.

Qui clericum, dimisso clericali habitu, propulsando iniuriam illatam occidit, impunis est, cap. perpendimus, extr. eodem.

Vim vi repellere licet, modo vindicta caueatur, d. cap. perpendimus.

Clericus ut laicus incedens, tertio monitus, non resipiscens, perdit privilegium clericale, cap. in audientia, & c. contingit, extr. eod.

Ligatus pluribus excommunicationibus, licet ex eodem facto obtinens absolutionem, expressa una causa, vel una excommunicatione, non habetur pro absoluto, quò ad aliam, c. cum pro causa, extr. eod.

Communicans excommunicato incurrit minorem excommunicationem, c. quod in dubiis, extr. eod.

Excommunicatio non tollit obligationem obsequij familiaris, c. inter alia, extr. eod.

Cum Pontifex absolutionē excommunicati delegat, mandat recipi cautionem de parendo mandatis Ecclesie, cap. ad hec, extr. eod.

Ante absolutionem communicandum nō est excommunicato: licet iuraverit parere mandatis Ecclesie, vel composuerit cum offenso, c. cum desideres, extr. eod.

Infamato de excommunicatione communicandum non est, nisi se purget, vel ad cautelam absolvatur, dict. cap. cum desideres.

Sententia interdicti proferri debet in scriptis, causa interdicti addita, eiusq; exemplum sententiam passis, si fuerit petitum, edi debet, c. 1. eod. in 6.

Si quis dicat, se iniuste excommunicatum, prius est absolvendus, quam sint admittenda probationes super iniuste

iustitia excommunicationis : nisi excommunicator, vel is, ad cuius petitionem excommunicationis sententia lata fuerit, velit probare eam fuisse pro offensa notoria latam. Eo enim casu non debet absolui, nisi prius satisfaciat, cap. solet, eodem in 6.

Si pars dicat post appellationem, vel alias, nulliter fuisse excommunicationem factam, sunt super hoc parium admittende probationes, ut appareat, an quis indigeat absolutione, nec ne, c. venerabilibus, eod. in 6.

Necessitas, & simplicitas excusat à communionem cum hereticis, ad evitandam excommunicationem, cap. si verè, extr. eod.

Communicans excommunicato in contemptum, incidit in maiorem excommunicationem, cap. fin. extr. de cler. excom. ministr.

Participatio criminosa cum excommunicatis implicat excommunicantem eadem excommunicatione, c. in primis, 2. q. 1. Quod si non fuerit criminosa, ligat participantem minore excommunicatione, à quo ab ordinario absolui poterit, cap. quoniam, 11. quest. 3.

Defectu, qui obuenit mihi ex te, non potes uti contra me ad tuum commodum, c. significauit, extr. eod.

Excommunicationis sententiam precedere debere monitio, ferrig. debet in scriptis, & legitimam causam continere, que, etiamsi falsa sit, ligat tamen ea notatum, cap. 1. eod. in 6.

Cui causa committitur, omnia, que causam contingunt, censentur permissa, cap. 1. & cap. præterea, extra. de offic. deleg. & c. cum voluntate, §. fin. extr. eod.

Qui seipsum irato animo verberat, & grauibz flagris afficit, incidit in excommunicationem, c. contingit, extr. eod. & cap. si non licet, 23. q. 5.

Sententia quamuis iusta, non tenet, omissa citatione, & ordine

¶ ordine iudiciario, cap. Ecclesia, extr. de constit.

Pro parvis, & lenibus causis nullus communione priuatur, c. nullus, 11. quest. 3.

Licet potius causa facti, quam ipsum factum, consideretur: neque tamen in facto, neque in modo debet esse peccatum, cap. Pisanus, extr. de restit. spoliat. & cap. occidit, 23. quest. fin. 8.

Is ligandi, atque soluendi potestate se priuat, qui hanc pro suis voluptatibus, & non subditorum moribus exercet, c. ipse ligandi, 11. quest. 3.

Indicare digne de subditis nequeunt, qui in subditorum causis suam vel odium, vel gratiam sequuntur, cap. indicare, 11. quest. 3.

Non debet quis magis obedire Superiori suo, quam Deo, cap. Iulianus, cap. si dominus, & cap. qui resistit, 11. questio. 3. Quinimò, nec Papa est obtemperandum, quando ex eius mandato secuturum est scandalum, vel peccatum, Innoc. in c. inquisitioni, extr. eod. Papa enim non habet auctoritatem peccandi: ex consequenti igitur, eius auctoritas non excusat, cap. si Papa, distinct. 40.

Sicut in potestatibus societatis humane maior potestas minori ad obedientiam preponitur: ita Deus omnibus preferri debet, cap. que contra, distinct. 8.


ANALYSIS IURIS PONTIFICII FINIS.






EXCVDEBAT
CLAVDIVS LARIOT.

M. D. C. IIH.



Ad futuram rei
memoriam

Cum sicut Nobis nuper exponi
fecerunt Dilecti.



¶ ordine iudiciario, cap. Ecclesia, extr. de constit.

Pro parvis, & leuibus causis nullus communionem priuatur, c. nullus, 11. quest. 3.

Licet potius causa facti, quam ipsum factum, consideretur: neque tamen in facto, neque in modo debet esse peccatum, cap. Pisanus, extr. de restit. spoliat. & cap. occidit, 23. quest. fin. 8.

Is ligandi, atque soluendi potestate se priuat, qui hanc pro suis voluptatibus, & non subditorum moribus exercet, c. ipse ligandi, 11. quest. 3.

Indicare digne de subditis nequeunt, qui in subditorum causis suum vel odium, vel gratiam sequuntur, cap. indicare, 11. quest. 3.

Non debet quis magis obedire Superiori suo, quam Deo, cap. Iulianus, cap. si dominus, & cap. qui resistit, 11. questio. 3. Quinimò, nec Papa est obtemperandum, quando ex eius mandato secuturum est scandalum, vel peccatum, Innoc. in c. inquisitioni, extr. eod. Papa enim non habet auctoritatem peccandi: ex consequenti igitur, eius auctoritas non excusat, cap. si Papa, distinct. 40.

Sicut in potestatibus societatis humana maior potestas minori ad obedientiam preponitur: ita Deus omnibus preferri debet, cap. que contra, distinct. 8.

ANALYSIS IURIS PONTIFICII FINIS.



EXCVDEBAT
CLAVDIVS LARIOT.

M. D. C. IIII.





Acta fuluram rei
memoriam

Cum sicut Nobis nuper exponi
fecerunt Dilecti.



UNIVERSITY OF CHICAGO

